




BIBLIOTECA NAZ.  
141  
L  
18  
NAPOLI

BIBL. NAZ.  
VIT. FRAMULELLI  
141  
L  
18  
NAPOLI







**G E S T A**

**V E T E R V M**

**FRANCORVM.**

1423-1A

1423-1A

1423-1A

1423-1A








ILLVSTRISSIMO  
AC REVERENDISSIMO DOMINO,  
IOANNI FRANCISCO  
PAVLO  
GONDIO,  
CORINTHIORVM  
ARCHIEPISCOPO,  
IN ECCLESIA PARISIACA  
PATRVI COADIUTORI

HADRIANVS VALESIVS S. P. D.

 *LERISQVE Aucto-  
ribus, ac ferè omni-  
bus semper cura ad-  
modum fuit scripta  
sua viris clarissimis & doctissi-*

mis nuncupare, ut & eorum exami-  
narentur iudicio, & si quando  
opus esset, patrocinio defenderen-  
tur. Idem ego facturus, ANTI-  
STES ILLUSTRISIME, diu  
cunctari non potui, quin unum  
ex omnibus te potissimum elige-  
rem, cui hos rerum Francicarum  
libros dedicarem. Etsi enim tua  
me doctrina dignitatisque con-  
templatio aliquantisper timidio-  
rem fecit, tamen notitia innata  
tibi comitatis facile confirmavit.  
quam tu virtutem hereditariam  
atque domesticam sic colis, ut pro-  
prium & peculiare tibi insigne  
esse videatur. Mirati sunt proa-

ui nostri Gondios, Maiores tuos,  
Parisiſorum Episcopos, Cardina-  
les, Magistros equitum, Præſe-  
ctos claſſis Maſſilienſis, Rati-  
enſes Duces, in eminenti fortuna  
communes, humanos, aditu fa-  
ciles, demerendis hominibus para-  
tos, mirati ſunt & amauerunt:  
nec magnitudini eorum adharere  
auſa eſt inuidia, quorum virtutes  
Nobilitatis vitium ſuperbia non  
fœdabat. Eamdem nos in tenunc-  
dotem, multo illuſtriorem, ſpecta-  
tiorémque, velut gentilem ac na-  
turalem notam agnoſcimus, quam  
Latini ſcriptores meritò comita-  
tem appellauere, quòd ceteris vir-

tutibus sit ornamento. Hæc fasti-  
gium tuum, ut altiùs extollat,  
inclinat: hæc, (si ita dicere licet)  
magno tamen cum hominum de-  
lectu, te publicat: hæc quotidie  
eruditos viros in contubernium  
tuum & familiaritatem admit-  
tit: hæc blanda quadam vi u-  
niuscuiusque tibi amicitiam gra-  
tiámque conciliat: hæc denique  
ingentia animi tui bona, vigo-  
rem ingenij, scientiam rerum  
humanarum diuinarúmque pane  
incredibilem, sermonis facilita-  
tem, suauitatem sanctitatémque  
morum, notiora fecit, atque cla-  
riora, ne quantus esses ignorare-



mus. Quo magis factum Illu-  
strissimi patruī tui laudare con-  
uenit, qui cū melius quoquam  
dotes tuas nosset, probato Chri-  
stianissimæ ac prudentissimæ Re-  
ginæ consilio, tandem vota om-  
nium nostrū impleuit, & colle-  
gam te, ac Episcopaliū onerum  
adiutorem cooptauit: ut facile  
appareret optimum & sapientissi-  
mum Archiepiscopum ea in re  
meritorum magis quàm sanguinis  
habuisse rationem. Quem enim  
aliū digniorem honoris consortio-  
ne, & capaciorem tanti ministerij  
pius senex extra domum suam in-  
uenire potuisset? aut quantum

*Ecclesiæ intererat in Cathedra à  
tribus Patruis magna laude in-  
fessa te collocari, qui iam mo-  
ribus atque doctrina Episcopum  
præferebas? qui à puero liberalibus  
disciplinis eruditus, adolescentiam  
in studia profanæ, sacraque sapien-  
tiæ tam feliciter impendisti, ut  
plaudentibus & mirantibus cun-  
ctis, quorum ea propria professio  
est, in Doctorem collegium fue-  
ris cooptatus. qui partem ætatis ad  
voluptates maximè procliuem sic  
exegisti, ut in Civitate curiosa, at-  
que maledica, & de Proceribus  
non modò vera dicere, sed etiam  
falsa fingere gestiente, ne suspicioni  
quidem*

quidem intemperantia locum, nedum sermonibus dederis. qui postea semper inter libros, vel in Basilicis versatus, aut animum tuum lectione, aut populum salubribus praeceptis & hortationibus instruxisti. Vidimus Principes viros ex tuo concionantis ore pendentes. Vidimus patrum tuum manantibus lacrimis gaudium sui de te iudicii testantem. Vidimus immensam multitudinem cum admiratione & delectatione silentem, ac intentam. Quantum in inuentione acuminis? quantus ordo in dispositione? quantus, & quàm non affectatus in verbis ornatus appa-

rebat ? quàm acriter in vitia in-  
uehebare ? qua arte, & auctori-  
tate persuadebas ? qui motus erant  
auditorum tuorum ? Quæ eo liben-  
tius cuncta perstringo, atque aliis  
relinquo exornanda, quòd sub ocu-  
lis Ciuitatis acta neminem latent:  
& quòd infantia mea mihi con-  
scius intelligo me sine temerita-  
te conari non posse, summum ac  
disertissimum Oratorem, qualem te  
mente concipio, verbis exprimere.  
Iam verò illa eximia, omnibus  
quoque similiter nota, sed non ab  
omnibus æquè perpensa, aut pro  
merito laudata, cuius ingenium &  
eloquentia enarrare possit ? curam

*Ecclesiæ tibi commissæ sollicitudi-  
nemque peruigilem; pro eiusdem  
pace salubres dispositiones; Clerico-  
rum contumacium, & in cathedris  
bellicum canentium cöercitionem;  
Episcopalem in iure Ecclesiæ tuen-  
do constantiam, quorumlibet preci-  
bus inuictam & inexpugnabilem;  
singulare studium Hæreticos ad  
Fidem Catholicam adducendi; ce-  
terásque conuenientes Antistiti oc-  
cupationes, atque virtutes. Qua-  
rum ne relatio pudori tuo sit gra-  
uis, malo alia ratione te tibi osten-  
dere, in locum epistolæ Opus meum  
substituendo. quod si legere digna-  
beris, quotiescumque in egregium*

*aliquem Episcopum incideris, (in-  
cides autem sepiſſime) toties ibi-  
dem aliquam de tuis eminentiſſi-  
mis dotibus es agniturus. Te rogo,  
ut pro ſumma illa humanitate  
& comitate tua hoc Opus, quale-  
cumque eſt, tamquam obſervan-  
tiæ meæ certiffimum pignus acci-  
pias eo vultu, quo ſtudioſos viros  
excipere conſueviſti. Vale Anti-  
ſtes Illuſtriſſime. Data v Idus  
Apriles anno Chriſti CIOIOXLVI.  
Luteciæ Pariſiorum.*

P R Æ F A T I O  
AD STVDIOSOS LECTORES.

**E**RANCORVM, ante Valeriani principatum, apud Historicos nulla fit mentio. siue hoc primùm tempore ita dici cœperunt, qui antea modò Germanicommuni Gentis nomine, modò suæ quisque nationis proprio vocabulo appellabantur. siue Auctorum historiæ Romanæ, qui de Francis priùs aliquid retulerant, libri perierunt. Eorum regio ab Oriente Toringiam, & Saxoniam, hoc est Albim flumen, aut (vt quibusdam placet) Visurgim; ab Occidente Renum & Gallias; à Septemtrione Oceanum Germanicum, vel Septemtrionalem; à meridie Alamanniam habebat & Sueuiam, multosque populos continebat. è quibus Renum accolebant Attuarij, Bruçteri, & Chamai ad ostium fluminis, positi ac Salij. Oceanilitora tenebant Frisij, & Cauci. interiora terrarum habitabant Amsuarij, Catti, aliique, omnes in vnum Franci vocati, & nonnumquam Sicambri, propterea quòd agrum veterum Sicambrorum possidebant. De quibus nationibus dicam aliàs exactiùs.

Huius clarissimæ Gentis primordia & res gestas ex professo scripsere Nicolaus Vigneri-  
us, vir doctus, & Isaaces Pontanus, antiquitatum nostrarum non admodum gnarus. Prior opus suum ad Faramundum Regem, posterior

vsque ad Chlodouei mortem deduxit. Quid  
 profecerint, quid ipse egerim, ex scriptorum  
 nostrorum collatione poterit quisque cogno-  
 scere. Amborum quidem me lectio adeò à scri-  
 bendo non deterruit, vt contrà magis incita-  
 uerit ad cœpta perficienda. Gesta igitur vsque  
 ad Chlotharij maioris obitum per trecentos  
 annos, hoc est partem historiæ nostræ eam, quæ  
 maximè obscura videbatur, illustrare conatus  
 sum. Quod vt diligentius facerem, fidem mihi  
 haberi nolui, nisi auctoritate niterer. Aucto-  
 res ita secutus sum, vt recentioribus vetustio-  
 res, paucioribus, ac leuioribus plures, & gra-  
 uiores anteferrem. Quosdam arguere mihi ac  
 refellere fuit necesse, ne ipse arguerer. mul-  
 tos interpretatus sum. nonnullos etiam emen-  
 daui, sæpiùs redditâ emendationis ratione,  
 nonnumquam (vbi opus non erat narratio-  
 nem interrompere) ne monito quidem Le-  
 ctore. Exempli causâ in libro III apud Sal-  
 uianum pro *Massilia Basiliam* restitui. In li-  
 bro I apud Nazarium pro Vangionibus *Var-  
 giones* posui. quòd inter gentes Germaniæ Gal-  
 liam depopulantes videbam locum non esse  
 Vangionibus, qui post translationem suam  
 in Galliam, à nullo Geographo in Germania  
 Transfrenana ponuntur: cùm Claudius Pto-  
 lemæus Vargiones vltra Renum collocet. Sic  
 & Regis Francorum nomen, qui vulgò *Efatech*  
 corruptè vocabatur, in *Atech* mutauì, atque  
 Mamertini verba hæc, *Per te Regnum recepit Ge-  
 noboud*, *Efatech* verò *munus accepit*, ita emendaui:  
*Per te Regnum recepit Genoboudes*, *Atech* verò *munus  
 accepit*. propterea quòd filium Leudesij Præfecti



PRÆFATIO.

Aulæ similiter *Athicum* dictum inueniebam: & apud Odonem de vita Burchardi Comitis *Adicum* quemdam Monasterij Fossatensis Monachum; item alibi *Adtecum* Astidij filium memorari animaduvertebam. Et quoniam in Francorum Regum mentionem incidi, Lectores moneo, me Malaricum, qui Francus homo Tribunatu Gentilium imperante Constantio fungebatur, Francorum Regibus nequaquam annumerauisse, vt in tertio Originum Francicarum libro sine causa fecit Ioannes Isaaces Pontanus. similiter Vrsicinum, Magistrum equitum, virum Romanum, à me de industria esse præteritum, quem natione Francum, & Francorum Ducem fuisse credidit Nicolaus Vignerus; deceptus non intellectis Ammiani Marcellini verbis, scribentis Vrsicino, per Magistrum admissionum accito, *ingressoque Consistorium, oblatam purpuram multo quàm antea placidiùs. Quæ* verba Vignerio persuasere à Constantio Aug. eumdem Vrsicino, quem extero Regi, honorem habitum esse. cùm Marcellinus non delatam Vrsicino purpuram dicat, sed tantùm oblatam, quam scilicet ori venerabundus ad-moueret. siquidem Imperatores chlamydem suam salutantibus porrigebant adorandam.

In nominibus barbaris magis vtilitati legentium, quàm delectationi consului, dedique operam, vt quàm variè à variis Auctoribus conciperentur, notare. ne aut ob dissimilitudinem vocabulorũ plures ex vno fierent, aut ob similitudinem vnus è pluribus. Hic omittendum non est, sæpe apud Scriptores rerum Romanarum, & apud nostros Auctores eadem

PRÆFATIO.

Francorum nomina, aut parum mutata rep-  
 riri. Quis enim dubitet, quin idem sit apud Ma-  
 mertinum nomen Genneboudis, vel Genobou-  
 dis, Francorum Regis, quod apud Sulpicium  
 Alexandrum, & Fredegarium Genobaldi, aut  
 Genebaudi, alius Francorum Regis? idem Bap-  
 ponis Tribuni apud Marcellinum, quod Bauo-  
 nis viri sanctissimi, atque etiam Babonis, à Chil-  
 deberto iuniore ad Mauriciū Aug. missi lega-  
 ti? Quis non videt Teutomeri, apud Ammia-  
 num Marcellinum Protectori Domestico Con-  
 stantij, Theodomerem, vel Theudemerem Re-  
 gem Francorum, cuius Gregorius & Frede-  
 garius mentionem faciunt, esse cognominem?  
 Seniauco similiter Marcellini Senocum Frede-  
 garij & Frodoardi, Elufanum Episcopum? Bai-  
 nobaudis Tribuni nomen ex Baino, quod Tar-  
 uennensi Episcopo nomen fuit, & Baude esse  
 compositum? Nomen Luttonis, vel Lutonis  
 Comititis, quem interfici iussit Imperator Con-  
 stantius, quod Siluano populari suo fauisset, lin-  
 guâ Francicâ præclarum significare prædit Her-  
 moldus Nigellus, qui Ludouicum *præclarum*  
*Martem* interpretatur, ita vt Hluto præclarum,  
 wigh Martem designet. Nectaridum quoque  
 Comitem maritimi tractus Britanniarum, in li-  
 bro I dictum, & Marcharidum, in fine libri I  
 memoratum, Francos fuisse ex nominibus cog-  
 noscitur. sic enim pater Medardi Nouioma-  
 gensis Episcopi, viri Franci, Nectardus appel-  
 latus est. sic Theoderici Abbatis, similiter Fran-  
 ci, parens Marcardus nuncupatur. Gaisonis  
 eius, qui Constantem Aug. iussu Magnentij in-  
 terfecit, & eius, qui principatu Honorij Comes

# PRÆFATIO.

sacrarum largitionum , deinde Magister Officiorum fuit, nomen refert Gaiso apud Gregorium Comes Turonicus. Omitto Chariettonem, cùm eum, qui Valentiniano maiore imperante Comes per vtramque Germaniam fuit; tum alium, qui Valentiniani iunioris principatu eodem officio functus est, Francum vtrumque, à Cariattonem, qui ex Spathario Guntchramni Francorum Regis factus est Geneuensis Episcopus, nomine non differre. à Baudone quidem deducuntur in nominibus compositis Baudes, & Baldus, & Baudoualdus, vt à Gaisone Lanio-gaisus, & Regaisus. Nostri pro Baudone nonnumquam Bodonem, sicuti Bodegisilum pro Baudegisilo dixerunt. Sed post subactam Galliam paullatim Francis non rarò Gallorum, & vicissim Gallis Francorum nomina placuerunt, de quibus dicta sufficiant.

Iam verò, quod ad ordinem pertinet, curavi, id quod plerique Nostrorum neglexere, vt non solum quâ quidque ratione, & quo loco, verum etiam quo tempore gestum esset, inuestigarem. Nota annorum mihi Consules fuere, quibus annos Christi ad margines paginarum è regione adiunxi, ne quemquam vulgaris & vsu receptus numerus præteriret. Et quoniam sine notitia Imperij Occidentis, ac rerum in Gallia gestarum, res Francicæ bene sciri non possunt, ab Honorio vsque ad Romulum Augustulum de Imperatoribus Imperioque Occidentis diligentius scripsi, vt quibus modis occidente eo Imperio Francorum Regnum in Gallia sit exortum, auctumque, cognosceretur. De Imperatoribus Orientis, præsertim post abolitum in Occidentis

# PRÆFATIO.

partibus nomen Imperij, aliqua notauī, propterea quòd Reges Barbarorum non solùm ex Italia, sed etiam ex Gallia, aliisque Occidentis prouinciis ad eos legatos mittere, & de magnis rebus referre consueuerant. Ob eamdem causam nonnulla de Vandalis in Africa dominantibus, qui Geiserici ductu Imperium Occidentis euerterunt; de Regibus Vesigothorum, & Burgundionum in Gallia sedem habentium, multa noua & digna scitu notauī, ut quibus artibus creuissent, quid ipsi aduersus Imperatores, quid aduersus eos Franci gessissent, clariùs appareret. De Alanis quoque, de Saxonibus, de Alamannis, de Taifalis, & de Britannis pleraque à nemine prodita operi meo inserui, quas, & quo tempore ac modo, sedes ceperint in Galliis, quidve rerum ibidem egerint. In his omnibus si fortè nonnumquam mihi accidit, ut errarem, spero Lectores iudicaturos de rebus præcipuè tam vetustis, & negligentia Nostrorum adeò ignoratis ac velut sepultis, aliter libros fieri non potuisse. profiteorque nihil me à quoquam, quem non nominauerim, accepisse: nullum à me sciente Auctorem transcriptum; nemine cùm è veteribus, tum è recentioribus scriptoribus, quem non saltem semel legerim, me vsum esse. Quod adeò non obseruauere quidam, ut Isaaces Pontanus præter ceteros pro Gregorio Historicum quemdam, Caroli Præfecti Aulae æqualem, ferè semper nobis obtrudat.

Hæc sunt, quæ Lectorem scire volui. Præfationi Chronicon, & Notitiam Prouinciarum Galliae subiunxi, ut Fastis, quibus vsum

sum,

# PRÆFATIO.

sum, ac breuiario rerum memorabilium, quæ his octo libris continentur, atque qualicumque Galliarum notione instructi studiosi ad opus nostrum accederent.

## CHRONICON RERVM FRANCICARVM, à Valeriani principatu ad x x v. imperij Iustiniani annum, mortemque Chlotharij Prioris deductum.

A. CHR.

254. **V**ALERIANO II. & Gallieno Coss. Valerianus impetrat.
255. Valeriano III. & Gallieno II. Coss. Franci in Galliam erumpunt.
256. Maximo II. & Glabriere Coss.
257. Valeriano IV. & Gallieno III. Coss.
258. Tufco & Basso Coss.
259. Emiliano & Basso II Coss. Gallienus, patre à Petris capto, solus tenetur potitur. Franci, directi Galliâ, Tarraconem expugnant, & Hispaniam per annos ferè XII vastant.
260. Sculare & Donato Coss.
261. Gallieno IV & Volusiano Coss.
262. Gallieno V & Faustino Coss.
263. Albino & Dextro Coss.
264. Gallieno VI & Saturnino Coss.
265. Valeriano II & Lucillo Coss. aliàs, Valeriano iniore & Rufiniano Coss.
266. Gallieno VII & Sabinillo Coss.
267. Paterno & Arcefilas Coss.
268. Paterno II & Mariniano Coss. aliàs, Paterno II & Marciano Coss. Claudius imperat.
269. Claudio A. & Paterno Coss.
270. Antiachiano & Orfito Coss. Aurelianus appellatur Augustus.
271. Aureliano A. & Basso Coss.
272. Quincto & Voldumiano Coss.
273. Tacito & Placidiano Coss.
274. Aureliano II & Capitolino Coss.
275. Aureliano III & Marcellino Coss. Tacitus imperat. Franci, cum Burgundionibus & Vandalis, multas Galliarum vrbes occupant.
276. Tacito Aug. II & Emiliano Coss. Probus Imperij potitur, & Francos per legatos vincit.
277. Probo Aug. & Paulino Coss.
278. Probo A. II & Lupo Coss. Circa id tempus pauculi Franci Asiam, & Græciam vexant, capiuntque Syracusas.
279. Probo A. III & Paterno Coss.
280. Messalla & Grato Coss.
281. Probo Aug. IV & Tiberiano Coss.
282. Probo V & Victorino Coss. Carus Impetium Rom. obtinet.
283. Caro A. II & Carino Coss.
284. Carino A. II & Numeriano A. Coss. Carinus & Numerianus imperant.
285. Diocletiano Aug. II & Aristobulo Coss. Diocletianus, interfecto Carino, eius in locum Imperator, & Consul est factus, cum annus antea notaretur. Carino Aug. III & Aristobulo Coss.

286. *Maximo & Aquilino Coss.* Maximianus à Diocletiano Cæsar creatur.
287. *Diocletiano 111 & Maximiano Coss.* Franci & Saxonex oras Belgicar & Armoricar infestant. Maximianus Hercules ex Cæsare Augustus & consors Imperij à Diocletiano appellatur.
288. *Maximiano A. 11 & Ianuario Coss.* Genobaudes & Atech regnant in Francia. ibi Atech cum Maximiano Aug. colloquitur, & pacem facit.
289. *Basso 11 & Quintiano Coss.*
290. *Diocletiano A. 14 & Maximiano A. 111 Coss.*
291. *Tiberiano 11 & Dione Cassio Coss.* Constantius & Maximianus Cæsares sunt. priori Galliarum commissæ, posteriori Illyrici prouinciæ. Bononia à Constantio Cæs. capta, Batavia Francis erepta.
292. *Hanniballiano & Asclepiodoto Coss.*
293. *Diocletiano 4 & Maximiano 14 Coss.*
294. *Constantio Cæsare, & Maximiano Cæsare Coss.*
295. *Tusco & Anuleno Coss.*
296. *Diocletiano Aug. 41 & Constantio Cæs. 11 Coss.*
297. *Maximiano A. 4 & Maximiano Iouio Cæs. 11 Coss.*
298. *Anicio Fausto 11 & Sencro Gallo Coss.*
299. *Diocletiano Aug. 411 & Maximiano Aug. 41 Coss.*
300. *Constantio Cæs. 111 & Maximiano Iouio Cæs. 111 Coss.*
301. *Titiano 11 & Nepotiano Coss.*
302. *Constantio Cæs. 14 & Maximiano Cæs. 14 Coss.*
303. *Diocletiano Aug. 4111 & Maximiano Aug. 411 Coss.*
304. *Diocletiano Aug. 14 & Maximiano Aug. 4111 Coss.* Diocletiano & Maximiano Herculo purpuram sponse deponentibus, Constantius, & Galerius Maximianus cognomine Iouius, qui Cæsares erant, Augusti sunt appellari.
305. *Constantio Aug. 4 & Maximiano Aug. 4 Coss.*
306. *Constantio Aug. 41 & Maximiano Aug. 41 Coss.* Constantinus, mortuo patre Constantio, imperium Galliarum obtinet, & Ascaricum ac Regasum, Francorum Reges, Galliam depopulantes vincit, captosque feris obicit, deinde Franciam ingreditur.
307. *Maximiano Herculo nouies, & Constantino Aug. Coss.*
308. *Maximiano Herculo decies & Maximiano Iouio septies Coss.* in Italia & Africa Maxentio & Romulo Coss.
309. *Post Consulatum decimum, & septimum: aliàs, Rufino & Eusebio Coss.* in Italia Maxentio 11 & Romulo 11 Coss.
310. *Anno 11 post Consulatum decimum, & septimum: in Italia Maxentio 111 solo Coss.* Maximianus senior, cognomine Hercules, perit.
311. *Maximiano Aug. 4111 & Licinio Coss.* in Italia Rufino & Volusiano Coss. Maximianus iunior, cognomine Iouius decedit.
312. *Constantino . . . 11 & Licinio Aug. 11 Coss.* in Italia Maxentio 14 solo Coss. Maxentius à Constantino victus & cæsus, Galerius Maximinus, qui in Oriente regnabat, perit.
313. *Constantino 111 & Licinio 111 Coss.* Franci in Gallia victi, & Francia à Constantino vastata.
314. *Volusiano & Anniano Coss.*
315. *Constantino 14 & Licinio 14 Coss.*
316. *Sabino & Rufino Coss.* Diocletianus apud Salonam petiuatus moritur.
317. *Gallicano & Basso Coss.* Crispus, Licinius, & Constantinus Cæsares creati. Crispo Cæsari Gallia commissa.
318. *Licinio A. 4 & Crispo Cæs. Coss.*
319. *Constantino A. 4 & Licinio Cæs. Coss.*

320. *Constantino A. VI & Constantino Caf. Coss.*  
 321. *Crispo Caf. II & Constantino Caf. II Coss.*  
 322. *Probian & Iuliano Coss.*  
 323. *Seneco & Rufino Coss.*  
 324. *Crispo Caf. III & Constantino Caf. III Coss.* Constantius, Constantini A. filius, Cæsar appellatur.  
 325. *Paulino & Iuliano Coss.* Licinius victus à Constantino A. & priuatus ex Imperatore factus, interficitur.  
 326. *Constantino A. VII & Constantio Caf. Coss.* Crispus Cæsar, Constantini A. patris sui iussu interemptus. Romæ Constantinus Vicennalia edidit.  
 327. *Constantino & Maximo Coss.*  
 328. *Ianuario & Infro Coss.*  
 329. *Constantino A. VIII & Constantino Caf. IV Coss.*  
 330. *Galicano & Symmacho Coss.* Dedicatur Constantinopolis v Idus Maias.  
 331. *Basso & Ablabio Coss.*  
 332. *Pacatiano & Hilariano Coss.*  
 333. *Delmatio & Xenophilo Coss.* Constans à Constantino A. patre suo Cæsar creatur.  
 334. *Optato & Paulino Coss.*  
 335. *Iulio Constantio & Rufino Albino Coss.*  
 336. *Nepotiano & Facundo Coss.*  
 337. *Feliciano & Tulliano Coss.* Constantinus moritur, eiusque filij Constantinus iunior, Constantius, & Constans, qui Cæsares erant, Augusti saluantur. è quibus Constantinus maior natus Gallias obinet.  
 338. *Vrjō & Polemio Coss.*  
 339. *Constantio A. IX & Constante A. Coss.*  
 340. *Acindyno & Proculo Coss.* Constantinus iunior A. ab exercitu Constantis fratris victus & cæsus.  
 341. *Marcellino & Probino Coss.* Franci in Galliam crumpunt, & cum Constante Aug. variâ fortunâ pugnant.  
 342. *Constantio A. XII & Constante A. XI Coss.* Constans pacem cum Francis facit.  
 343. *Placido & Romulo Coss.*  
 344. *Leontio & Sallustio Coss.*  
 345. *Amantio & Albino Coss.*  
 346. *Constantio IV & Constante XII Coss.*  
 347. *Rufino & Eusebio Coss.*  
 348. *Philippo & Salia Coss.*  
 349. *Lumenio & Catullina Coss.*  
 350. *Sergio & Nigriniano Coss.* Magnentius, natione Francus, Constantem A. per Gaisonem Francum interficit, & Occidentis Imperium obinet.  
 351. *Post Consulatum Sergij & Nigriniani in Oriente; at in Occidente Magnentio & Gaisone Coss.* Magnentius ad Murfiam acie vincitur à Constantio A. Constantius Gallus ab eodem Cæsar creatur.  
 352. *Constantio Aug. V & Constantio Gallo Caf. Coss.* in Oriente; in Occidente autem Decentio & Paulo Coss. Magnentius ad Longaticum vincitur, apud Ticinum vincit.  
 353. *Constantio A. VI & Constantio Gallo Caf. II Coss.* Magnentius victus Lugduni gladio se transigit. Decentius Cæsar, eius frater, se suspendit.  
 354. *Constantio A. VII & Constantio Caf. XII Coss.* Constantius Cæsar iussu Constantij A. capite truncatur.

355. *Arbione & Lolliano Coss.* Siluanus, Francus, Magister peditum per Gallias, Coloniz Agrippinz Augustus appellatur, & xxviii imperij die interficitur. Iulianus à Constantio Aug. Cæsar creatur, & præficitur Gallis vlli Idus Nouemb. Floreban tum in Palatio Malarius Gentilium rector, Mallobaudes Tribunus Armaturarum, Laniogaisus Tribunus, aliique Francorum Optimates.
356. *Constantio A. vlli & Iuliano Coss.* Iulianus Cæsar Coloniam à Francis ante x. menses captam recipit, & pacem ibidem cum Francorum Regibus facit.
357. *Constantio Aug. ix & Iuliano Coss. ii Coss.*
358. *Datiano & Cereale Coss.*
359. *Enfobio & Hypatio Coss.* Iulianus Cæsar Saliis & Chamauis, Francis genribus, bellum infert: Salios complures in deditionem accipit: cum Chamauorum Rege Nebiogaste pacem acceptis obsidibus facit.
360. *Constantio A. x & Iuliano Coss. iii Coss.* Iulianus Cæsar Lureciz Parisiorum, vbi hiemabat, Augustus appellatur, ac Franciz fines ingreditur.
361. *Tanto & Florentio Coss.* Constantio A. mortuo, Iulianus solus imperat.
362. *Mamertino & Neuita Coss.*
363. *Iuliano A. iv & Salustio Coss.* Iulianus occiditur in Persarum finibus, & Iouianus imperat. Malaticus, Francus, ex-Tribuno Genrilium, Magisterium militum Galliarum recusar.
364. *Iouiano Aug. & Varroniano Nobilissimo Coss.* Iouiano A. mortuo sufficitur Valentinianus, qui Valentem fratrem in consortionem Imperij recepit, ac Orienti præposuit, Occidentem ipse rectorus.
365. *Valentiniano Aug. & Valente Aug. Coss.* Charietto, Francus, Comes per vitramque Germaniam, ab Alamannis interficitur.
366. *Gratiano Nobilissimo & Dagalaifo Coss.* Iouinus Magister equitum vincit Alamannos.
367. *Lupicino & Ionino Coss.* Gratianus apud Ambianos à Valentiniano A. patre creatur Augustus. Franci, & Saxones Gallias terramarique infestant, & à Theodosio Comite vincuntur.
368. *Valentiniano ii & Valente ii Coss.*
369. *Valentiniano Nobiliss. puero & Victore Coss.*
370. *Valentiniano iii & Valente iii Coss.* Saxones in Gallia perfidia Romanorum circumuenti.
371. *Gratiano Aug. ii & Probo Coss.*
372. *Modesto & Arintheo Coss.*
373. *Valentiniano iv & Valente iv Coss.* Saxones circa Deufonem in Francia à Rom. cæsi. Burgundionum xx c. ferè millia ad Renum descendunt.
374. *Gratiano A. iii & Aequio Coss.*
375. *Post Consulatum Gratiani iii & Aequio.* Valentinianus A. obit, & Valentinianus iunior, eius filius, Augustus appellatur, cui Gratianus Italiam & Africam dedit, Galliis sibi retentis.
376. *Valente Aug. v & Valentiniano iuniore Aug. Coss.*
377. *Gratiano A. iv & Merobande Coss.*
378. *Valente Aug. vi & Valentiniano A. ii Coss.* Mallobaudes Rex Francorum, & Comes Domesticorum Gratiani Aug. Alamannos acie vincit in Gallia, & Priarium eorum Regem interficit. idem postea Marcranum Alamannorum Regem in Franciz finibus victum occidit. Eodem anno Ricomeris, Francus, Theodomeris Regis Francorum ex Ascula parer, Comes Domesticorum Gratiani similiter fuit.
379. *Ausonio & Olybrio Coss.* Theodosius, Theodosij Magistri equitum fi-



- lius, à Gratiano Aug. creatur Imperator, Orientique præficitur.
380. *Gratiano Aug. & Theodosio Aug. Coss.*
381. *Syagrio & Eucherio Coss.*
382. *Antonio & Syagrio Coss.* Priamum tum regnasse in Francia auctor est Prosper.
383. *Merobande 11 & Saturnino Coss.* Theodosius Aug. Arcadium, maiorem natu filium, Augustum appellandum curat. Maximus, ex Brirannia transgressus in Galliam, Gratianum Aug. apud Parisios vincit, & circa Lugdunum interficit, Galliisque occupat.
384. *Richomere & Clearcho Coss.* Hic est Ricomeres Francus, quem Theodosius A. Magistrum vtriusque militiæ, deinde Consulem fecit.
385. *Arcadio Aug. & Bauto Coss.* Hic Bauto, Græcis Bauto melius dictus, natione Francus fuit, Duxque Gratiani primum, deinde Valentiniani celeberrimus, à quo creatus Consul Mediolani sumit insignia Consularia, & ab Augustino tum Rhetore laudatus est.
386. *Honorio Nobiliss. puero, & Eudodo Coss.*
387. *Valentiniano Aug. 111 & Eutropio Coss.*
388. *Theodosio Aug. 11 & Cynegio Coss.* Genobaudes, Marcomeres, & Sunno Francorum Reges in Galliam erumpunt, & vastatis eius prouinciis, Coloniz metum incutiunt. Quintinus, Dux Maximi, Franciam ingressus cum exercitu, magnam ibi cladem accipit. Maximus à Valentiniano A. & Theodosio Aug. apud Aquileiam victus, capite truncatur. Arbogastes Comes, genere Francus, Victorem Cæsarem, Maximi filium, in Gallia interficit.
389. *Timasio & Framato Coss.* Franci ex Gallia prædas agunt. Valentinianus, cum Marcomere & Sunnone Francorum Regibus collocutus, pacem acceptis obsidibus facit.
390. *Valentiniano Aug. 14 & Neoterio Coss.*
391. *Tatiano & Symmacho Coss.*
392. *Arcadio Aug. 11 & Rufino Coss.* Arbogastes, Francus, Magister militiæ, Valentinianum Aug. Viennæ intemit, & Eugenium Imperatorem facit : & Sunnoni ac Marcomeri Franc. Regibus infensus, Franciam vastat.
393. *Theodosio Aug. 111 & Abundantio in Oriente Coss.* in Occidente autem Theodosio A. 111 & Eugenio P. N. Coss. Theodosius Honorium, minorem filium, Augustum appellat.
394. *Arcadio Aug. 111 & Honorio Aug. 11 Coss.* in Occidente Arbogastes & Flavianus Coss. Eugenius & Arbogastes magnis Francorum auxiliis freti, magis diuina virtute quàm vi Theodosianorum superantur. Arbogastes se duobus gladiis transuerberat.
395. *Olybrio & Probrino Coss.* Theodosio mortuo, Arcadius in Oriente, Honorius in Occidente regnat. Honorius per Stiliconem Magistrum militum foedus ex more cum Francis init. Arcadius Eudoxiam, Bauto nis supradicti, viri Franci, filiam ducit uxorem.
396. *Arcadio Aug. 14 & Honorio Aug. 111 Coss.*
397. *Attico & Cesario Coss.* aliàs, *Cesario & Attico Coss.*
398. *Honorio Aug. 14 & Eurychiano Coss.*
399. *Mallia Theodoro & Eutropio Coss.* Huius Eutropij eunuchi, paullo post deportati, deinde occisi, nomen ex Fastis erasum.
400. *Stilicone & Aureliano Coss.*
401. *Vincentio & Frawito Coss.*
402. *Arcadio Aug. 5 & Honorio Aug. 5 Coss.* Theodosius 1x mensium infans à patre Arcadio Augustus creatur.

403. *Theodosio iuniore Aug. & Rumorido Coss.*  
 404. *Honorio v i & Arifaneto Coss.*  
 405. *Silicone i i & Anthemio Coss.* Godigifclum Regem Vandalorum, pœt Franciam iter in Galliam facientem, Franci acie fundunt, & occidunt, xx Vandalorum millibus cæfis.  
 406. *Arcadio v i & Probo Coss.* Alani, Vandali, Sueui, Burgundiones, alizque gentes Barbaræ Gallias pridie Kalendas Ianuar. ingrediuntur.  
 407. *Honorio v i i & Theodosio iuniore i i Coss.*  
 408. *Basso & Philippo Coss.* Constantinus in Bitennia tyrannus exoritur, & Galliarum imperium occupat. Arcadio A. mortuo, Theodosius iunior, eius filius, in Oriente solus imperat.  
 409. *Honorio v i i i & Theodosio iuniore i i i Coss.* in Gallia *Constantino Coss.* Alani, Vandali, & Sueui Hispaniis se superfundunt. Attalus Romæ fit Imperator. Goar Alanorum Regulus cum suis remanet in Gallia.  
 410. *Fl. Verso & Tertullo Coss.* Huius Tertulli, ab Attalo Consulifacti, nomen è Fastis postmodum erasum. Roma à Gothis, Alanici ductu, capitur & diripitur. Gaifo, Francus, Comes sacrarum largitionum, deinde Magister Officiorum Honorij A. fuit.  
 411. *Theodosio Aug. i v Coss.* Constantius Dux Honorij Edobicum, Francum, Magistrum militum Constantini tyranni, auxiliis Francicis instructum vincit. quo cognito Arelatenses Constantinum viuum Constantio tradunt.  
 412. *Honorio i x & Theodosio v Coss.* Gothi, qui & Vesigothi, Ataulfi Regis ductu Gallias ingrediuntur.  
 413. *Heracliano & Lucio Coss.* Heracliani Consulif, ob affectatam tyrannidem interfecti, nomen è Fastis erasum. Burgundiones partem provincie Germanie primæ Reno propinquam obtinent Gundicario Rege. Iouinus & Sebastianus fratres, in Galliis tyranni orti, paullo pœst occidunt. Vtbs Treuironum à Francis direpta; & Castinus Domesticorum Comes aduersus eos missus.  
 414. *Constantio & Constante Coss.* Attalus, adiutoribus Vesigothis, putpuram refumit in Gallia.  
 415. *Honorio x & Theodosio v i Coss.* Attalus à Vesigothis destitutus capitur, & Constantio Patricio traditur. Ataulfus Rex Vesigothorum à suis interimitur, deinde Sigericus, cui Valia succedit.  
 416. *Theodosio v i i & Palladio Coss.*  
 417. *Honorio x i & Constantio i i Coss.*  
 418. *Honorio x i i & Theodosio v i i i Coss.*  
 419. *Monaxio & Plinta Coss.* Valiz Vesigothorum Regi Aquitania i i, & Tolosa, cum quibusdam aliis vrbibus datur ab Honorio. Defuncto Valiz eodem anno Theodoricus substituitur.  
 420. *Theodosio i x & Constantio i i i Coss.* Honorius Aug. Constantio Patricio, Placidiz sororis suæ viro, societatem imperij defert inuitus. Circa id tempus Faramundus regnat in Francia.  
 421. *Agricola & Enstasius Coss.* Constantius Aug. imperij mense v i i decessit.  
 422. *Honorio x i i i & Theodosio x Coss.* Castinus, Magister militie, à Vandalis in Bætica magno prælio superatur, amissis militum millibus ferè xx.  
 423. *Mariniano & Asclepiadoto Coss.* Honorius Aug. Placidiam sororem suam cum liberis pellit, ac paullo pœst moritur, & Ioannes Impetium Occidentis occupat.  
 424. *Castino & Villere Coss.* Theodosius Aug. Valentinianum, Constantij Aug. & Placidiz amitæ suæ filium, Cæsarem facit, & ad recipiendum Occidentem cum copis mittit.

425. *Theodosio A. XI & Valentiniano Casare Coss.* Ioanne tyranno oppresso, Valentinianus, sextum annum agens, decreto Theodosij Augustus appellatur. Placidia Aug. filij & Imperij tutela commissa.
426. *Theodosio A. XII & Valentiniano Aug. II Coss.*
427. *Hserio & Ardabure Coss.* Vandalj, inuitati à Bonifatio, ductu Geiserici in Africam transeunt.
428. *Felice & Tauro Coss.* Chlodio, Faramundi filius, regnat in Francia. pars Gallia, propinqua Reno, quam Franci possidendam occupauerant, Aëtij Comitibus ductu recepta.
429. *Florentio & Dionysio Coss.* Aëtius, Magister militum factus, Iuthungos vincit gentem Alamannam.
430. *Theodosio XIII & Valentiniano III Coss.* Aëtius Noricos rebellantes domat.
431. *Basso & Antiocho Coss.*
432. *Aëtio & Valerio Coss.*
433. *Theodosio XIV & Maximo Coss.*
434. *Aspare & Ariobindo Coss.*
435. *Theodosio XV & Valentiniano IV Coss.* Pax cum Geiserico Rege Vandalorum facta, datà ei Africae parte. Gundicarius, Rex Burgundionum in Gallia, Belgicae primæ manum iniiciens, ab Aëtio funditur.
436. *Isidoro & Senatore Coss.* Gundicarius Rex, amissis suorum millibus x x, pacem ab Aëtio impetrat, & paullo post ab Vptaro Hunnorum Rege interficitur. ei successere Gundiucus ac Chilpericus filij. Vesigothi pace rupta Narbonem frustra obsident.
437. *Actio II & Sigisvulto Coss.* Bellum aduersus Vesigothos, Hunnis auxiliariis, geritur. Chlodio Francorum Rex, saeu Carbonario, Turnaco, & Camaraco ac Ambianis occupatis, sedem capit in Gallia.
438. *Theodosio XVI & Fanilo Coss.* Aëtio Duce VIII millia Vesigothorum cæsa.
439. *Theodosio XVII & Fello Coss.* Litorius Comes à Vesigothis victus & captus, & pax cum eis facta. Geisericus Vandalorum Rex Carthaginem, pace rupta, ac omnem simul Africam capit.
440. *Valentiniano Aug. V & Anatolio Coss.* Deserta pars agri Valentini Alanis traditur, cum incolis diuidenda.
441. *Cyro V. C. Coss.* Britannia ab Anglis occupatur. Attila & Bleda, Hunnotum Reges, Illyricum vastant.
442. *Dioscuro & Eudoxio Coss.* Attila & Bleda Illyricum & Thraciam depopulantur. cum Geiserico à Valentiniano Aug. pax facta, & Africa inter vtrumque diuisa. Alani, quibus agri dati erant ab Aëtio Patricio, expulsus dominis, tetræ possessionem vi adipiscuntur, ductu Sangibani Regis.
443. *Maximo II & Paterio, vel Paterno Coss.* Sapaudia Burgundionibus datur cum indigenis diuidenda.
444. *Theodosio XVIII & Albino Coss.* Attila Bledam fratrem & regni consortem interimit.
445. *Valentiniano VI & Nemo Coss.*
446. *Actio III & Symmacho Coss.*
447. *Calpurnio & Ardabure Coss.* aliàs, *Ardabure & Alpio Coss.* Attila totam Thraciam & Illyricum vastat, fuso exercitu Romano.
448. *Postumiano & Zenone Coss.* Chlodione defuncto, regnat apud Francos Meroueus.
449. *Ailurio & Protagene Coss.* aliàs, *Asterio & Protagene Coss.*
450. *Valentiniano VII & Auseno, vel Abieno Coss.* Theodosius Aug. obit,

cuius soror Pulcheria Aug. Marcianum Imperatorem facit, eique anus nubit. Galla Placidia Aug. Romæ moritur.

451. *Marciano Aug. & Adelfio Coss.* Attila Hunnorum Rex Galliam depopulatur, & in campis Catalaunicis, cruento utrimque certamine commisso, pulsus ab Aërio, domum redit. Huic prælio Metoueus Francorum Rex cum magnis copiis interfuit, accitus ab Aëtio, & Theodotus Vesigothorum Rex, cui ibidem ab Hunnis interfecto Thorisino filius substituitur.
452. *Herculano, & Sporacio, vel Sphoracio Coss.* Attila redintegratis viribus Italiam ingreditur, Aquileiam, & multas alias vrbes excidit, & Valentiniano Aug. pacem per legatos petenti annuit.
453. *Opilionem & Vincomalo Coss.* Pulcheria Aug. & Attila decedunt. Thorisinus quoque Vesigoth. Rex à Theodorico & Friderico fratribus iugulari, & Regnum occupat Theodoricus junior.
454. *Aëtio & Studio Coss.* Aëtius Patricius Valentiniani Aug. manu in Palatio confoditur.
455. *Valentiniano v 111 & Anthemio Coss.* Valentinianus ab Aëtij satellitibus auctore Maximo occiditur. Maximus lxxvii imperij die à famulis regis & militibus dilaniatur. Geisericus Urbem diripit. Auitus in Gallia fit Imperator. Meroueus Francorum Rex per Germaniam primam, ac Belgicam i i arma circumfert, & Regnum, quod Summi terminabatur, vsque ad Sequanam prolatur.
456. *Ioanne & Varane Coss.* In Oriente : in Occidente autem *Auito Aug. Consule.* Augusta Treuironum à Meroueo direpta & incensa. Auitus Aug. à Ricimere Magistro militum capitur, & fit Episcopus. Gundiuus & Chilpericus, Burgundionum Reges, fines Regni sui proferunt.
457. *Constantino & Rusa Coss.* In Oriente mortuo Marciano Aug. Leo ab exercitu Imperator consalutatur v i i Idus Februar. Maiorianus quoque in Occidente fit Imperator consensu & voluntate Leonis Aug.
458. *Leone Aug. & Maioriano Aug. Coss.* Meroueo patri suo, Francorum Regi, Childericus succedit. Ægidius Gallix Magister militum datur.
459. *Ricimere & Patricio Coss.* Maiorianus Aug. cum Theodotico Rege Vesigothorum pacem & societatem init.
460. *Magno & Apollonio Coss.* Maiorianus, Africam & Vandalos petens, abductis à Geisericis nauibus suis vacuis, desistere incepto cogitur.
461. *Seuerino & Dagalaifo Coss.* Maiorianus A. à Ricimere Patricio interficitur, & Seuerus appellatur Augustus.
462. *Leone Aug. i i & Severo Aug. Coss.* Agrippinus Comes Narbonem tradit Theodorico Vesigothorum Regi.
463. *Basilio & Viniano Coss.* aliàs, *Vibiano & Felice Coss.*
464. *Rusticio & Olybrio Coss.* aliàs, *Olybrio & Rustico Coss.*
465. *Hermenrico & Basilisco Coss.* Seuerus Aug. moritur.
466. *Leone A. i i i & Tatiano Coss.*
467. *Pulso & Ioanne Coss.* Anthemius ad urbem Romam Augustus appellatur. Theodoricus Rex Vesigothorum ab Eurico fratre interimitur.
468. *Dn. Anthemio Aug. i i solo Coss.* Leo & Anthemius Geisericis bellum inferunt.
469. *Marciano & Zenone Coss.*
470. *Severo & Iordane Coss.* Romanus Patricius, affectati Imperij teus, capite truncatur.
471. *Leone Aug. i v & Probiano Coss.*
472. *Festo & Marciano Coss.* Ricimer Patricius Olybrium Imperatorem creat, & Anthemium Augustum foecum suum interficit, nec multo post obit.

Olybrius

Olybrius Aug. eodem anno moritur.

473. *Leone Aug. & solo Conf.* Glycerius Italiz Imperium arripit. in Oriente Leo A. Leonem nepotem suum Augultum creat.
474. *Leone iuniore Aug. Conf.* Leo iunior patrem suum Zenonem Imperij consortem facit, ac paullo post decessit. Iulius Nepos, Glycerio A. in ordinem coacto & Episcopo constituto, Imperium occupat.
475. *Post Consulatum Leonis iun. Aug. vel Zenone Aug. 11 Confule.* Orestes Patricius, Nepote Aug. in Dalmatiam fugato, filium suum Augustulum Imperatorem facit. Euricus Vefigothorum Rex Atuernos, Auaricum, & Turonos circa id tempus occupat.
476. *Basilisco 11 & Armato, vel Hermatio Conf.* Odoacer Orestem Patricium victum interficit, & Paullum fratrem eius; castello Augustulum includit, ac euerso Occidentis Imperio Regem se appellari iubet. Geisericus Rex Vandalorum & Alonorum decessit.
477. *Sine Conf. vel, Post Consulatum Basilisci 11 & Armati,* Odoacer Prouinciam Eurico Regi donat.
478. *Illo, vel Hello V. C. Conf. Indictione 1.*
479. *Zenone Aug. 111. solo Conf. aliàs, Zenone Aug. 11. Conf. solo, Indict. 11.*
480. *Basilio iuniore V. C. solo Conf. aliàs, Post Consulatum Zenonis 111. Ind. 111.*
481. *Placido V. C. solo Conf. Ind. 1 v.* Childericus Francorum Rex, post Aurelianos & Andecauros captos, & Rëgnum à Sequana ad Ligerim pto-larum, sub anni exitum motitur.
482. *Senecino iuniore, & Trocundo, vel Trocundo Conf. Ind. v.* Apud Francos regnare cepit Chlodoueus, filius Childerici.
483. *Fausto V. C. solo Conf. aliàs, Post Consulatum Trocundi V. C. Ind. v 1.*
484. *Venantio & Theodorico Conf. aliàs, D.N: Theoderich & Venantio Conf. Ind. VII.* Eurico Vefigothorum Regi, patti suo, Alaticus succedit.
485. *Symmacho V. C. solo Conf. aliàs, post Consulatum Theoderici V. C. Ind. v 111.*
486. *Decio & Longino Conf. Ind. 1x.* Chlodoueus Francorum Rex Syagrium Ægidij filium victum acie, & ab Alarico Rege, ad quem perfrugerat, traditum interficit.
487. *Boethio V. C. unico Conf. Ind. x.* Odoacer Rex Italiz Febam Regem Rugorum vincit & capit.
488. *Synamo & Sisido Conf. Ind. xi.*
489. *Probrino & Eusebio Conf. Ind. x11.* Theodericus Ostrogothorum Rex, Zenonis permisso, Italiam ingreditur.
490. *Longino 11 & Fausto Conf. aliàs, Fausto iuniore Conf. Ind. x111.*
491. *Olybrio V. C. solo Conf. Ind. x1v.* In Oriente Zenon Aug. decessit. Anastasius ex Silentiario ab Ariadne Aug. fit Imperator. Chlodoueus Toringis victis tributum imponit.
492. *Anastasio Aug. & Rufe Conf. Ind. xv.*
493. *Albino & Eusebio Conf. aliàs, Eusebio 11. & Albino Conf. vel Albino V. C. Conf. Ind. 1.* Theodericus contra religionem iurifurandi Rauennæ Odoacrem occidit. Chlodoueus Francorum Rex Chrothildim in matrimonium accipit.
494. *Asterio & Præsidio Conf. Ind. 11.*
495. *Viatore V. C. Conf. Ind. 111.*
496. *Paullo V. C. Conf. aliàs, Post Consulatum Viatoris. Ind. 1v.* Chlodoueus, victis apud Tolbiacum Alamannis, Alamanniam & Sueuiam subigit, sique ex voto Christianus. Francorum pars maior exemplum Regis imitatur. Verodunenses, qui defecerant, à Chlodoueo recipiuntur.
497. *Anastasio Aug. 11. solo Conf. Ind. v. aliàs, P. C. Viatoris anno 11.*
498. *Paulino & Iuane Scythæ Conf. Ind. vi.*

499. *Iouane Gibbo V. C. solo Cos. aliàs, Post Consulatum Paulini Ind. VII.*  
 500. *Patricio & Hypatio Coss. Ind. VIII.* Chlodoueus iunctus Godegisilo Gundobadum Burgundionum Regem, Gunduici filium, vincit acie, Auenione obsidet, pacem petenti tributum imponit. Eodem anno Gundobadus receptis viribus Godegisilum Regem, fratrem suum, Viennæ captum interemit.
501. *Auieno, vel Abieno & Pompeio Coss. Ind. IX.*  
 502. *Auieno, vel Abieno iuniore & Probo Coss. Ind. X.* in Chronico Alexandrino male, *Probo & Abieno i i Coss.*  
 503. *Felsiano & Dexicrate Coss. Ind. XI.*  
 504. *Cethego K. C. solo Cos. Ind. XII.*  
 505. *Theodoro & Sabiniano Coss. Ind. XIII.*  
 506. *Messalla & Arcobindo, vel Ariobinda Coss. Ind. XIV.*  
 507. *Anastasio Aug. I i i. & Venantio Coss. Ind. XV.* Chlodoueus Franc. Rex Alaricum Vesigothorum Regem vincit acie, ac interficit, & Regnum Tolosanum, seu omnem Aquitaniã occupat. Gesalicus Alarico succedit.
508. *Venantio iuniore & Celere Coss. Ind. I.* Chlodoueus Rex Ecolismam capit, & ab Anastasio Aug. codicillos de Patriciatu accipit. Theodericus Ostrogothorum & Italarum Rex, Alarici focer, Ibam Ducem cum exercitu mittit in Prouinciã, à quo fusi Franci, Arelatum obsidione liberatum, & Prouincia recepta.
509. *Imperio V. C. Cos. aliàs, Opportuno solo Cos. Ind. II.* Ostrogothi in Chlodouei Regnum erumpunt.
510. *Boethio solo Cos. Ind. III.* Atelatum iterum obsident Franci, ac obsidionem soluere iterum coguntur.
511. *Felice & Secundino Coss. Ind. IV.* Gesalicus Vesigothorum Rex ab Iba Duce vincitur, & interficitur, & Theodericus Ostrogothorum Rex, sub specie tutelæ Amalarici pueri, nepotis sui, Regnum Vesigothicum occupat. Eodem anno xxxi Episcopi apud Aurelianos iussu Chlodouei conueniunt v i Idus Iulias. Chlodoueus Magnus decedit, & v Kal. Septemb. sepelitur in Basilica SS. Apostolorum, in qua B. Genouefa eodem anno sepulta fuerat. Chlodoueo i v filij succedunt.
512. *Paulo & Muschiano, vel Musciano Coss. Ind. V.*  
 513. *Probo & Clementino Coss. Ind. VI.*  
 514. *Senatore V. C. solo Cos. Ind. VII.*  
 515. *Florentio & Anthemio Coss. Ind. VIII.*  
 516. *Petro V. C. Cos. Ind. IX.* Gundobado Burgundionum Rege defuncto, regnat Sigismundus eius filius.
517. *Anastasio & Agapeto Coss. Ind. X.* hoc est forsitan, *Anastasio Aug. IV. & Agapeto Coss.*
518. *Magno solo Cos. aliàs, Agapeto II. & Magno Coss. Ind. XI.* Anastasius Aug. obit, & Iustinus ex Comite Excubitorum fit Imperator.
519. *Iustino Aug. & Eutharico Coss. Ind. XII.*  
 520. *Ruficio & Vitaliano Coss. Ind. XIII.*  
 521. *Valerio & Iustiniano Coss. aliàs, Iustiniano & Valerio Coss. Ind. XIV.*  
 522. *Symmacho & Boethio Coss. Ind. XV.* Sigisfricus iussu Sigismundi Burgundionum Regis, patris sui, occiditur.
523. *Maximo Consule solo. Ind. I.* Sigismundus Rex Burgundiæ à Chlodouere Francorum Rege fusus acie captus, nec multo post interficitur. Regnum Burgundiæ recipit Godomarus frater Sigismundi.
524. *Iustino Aug. II & Opilione Coss. Ind. II.* Chlodoueres Francorum Rex à Godomaro Burgundionum Rege interficitur.
525. *Probo iuniore & Philoxeno Coss. aliàs, Philoxeno & Probo Coss. Ind. III.*

526. *Olybrio solo Cef. Ind. 1 v.* Theodericus Rex Ostrogothorum ac Vesigothorum decedit, & nepotes eius, Athalaricus Regnum Ostrogothicum; Amalaricus Vesigothorum Regnum obtinuerunt.
527. *Manortio Romano, vel Mabertio solo Cef. Ind. v.* Iustinus Aug. Iustinianum, fratris suus filium, Imperatorem creat, & 1 v post mense decedit.
528. *Iustiniano Aug. 11 solo Cef. Ind. v 1.*
529. *Decio iuniore P. C. solo Cef. Ind. VII.*
530. *Lampadio & Orestis Cef. Ind. VIII.*
531. *P. C. Lampady & Orestis, Ind. ix.* Theodericus, Francorum Rex, Toringis acie victus, & Herminafredo Rege eorum interfecto, Toringiam facit tributariam. Childebertus, Francorum Rex, eodem anno Amalaricum Vesigothorum Regem vincit acie, fugientemque interficit. Theudis regnat in Hispania post Amalaricum.
532. *Item P. C. Lampady & Orestis Cef. Ind. x. seu P. C. Lampady & Orestis anno 11.* Childebertus & Chlotharius fratres, Francorum Reges, fusos Godomaro Rege, omnem Burgundiam occupant.
533. *Ind. xi. Iustiniano Aug. III Cef. solo.*
534. *Ind. XII. Iustiniano Aug. 1 v & Paulino iuniore Cef.* Theodericus Francorum Rex, maximus natu Chlodouei filiorum, decedit, & Theodebertus eius filius apud Austrasios regnat. Eodem anno Athalaricus Ostrogothorum Rex obit, ei que Theodahadus substituitur. Iustinianus Aug. Africanis Vandalis eripit.
535. *Ind. XIII. Belisario P. C. solo Cef.* Iustinianus A. legatos de societate belli aduersus Ostrogothos mittit ad Francorum Reges.
536. *Ind. XIV. I. C. Belisary P. C.* Vitigis Theodahadum Regem occidit. Prouincia à Vitige, Ostrogothorum Rege, Francorum Regibus traditur cum parte Alamannorum, quæ post prælium Tolbiacense in Italiam sese contulerat.
537. *Ind. XV. Iterum P. C. Belisary, vel P. C. Belisary anno 11.*
538. *Ind. 1. Ioanne P. C. solo Cef. aliàs, Volusiano & Ioanne Cef.*
539. *Capione, filio Strategii, P. C. solo Cef. Ind. 11.* Theodebertus, Francorum Rex, Italiz fines cum armatis millibus ducentis ingreditur. Vitigis Rex Ostrogothorum Belisario se ac Rauennam dedit.
540. *Ind. 111. Iustino iuniore solo Cef.*
541. *Ind. 1 v. Basilio P. C. solo Cef.*
542. *Ind. v. Iust. Consulatum Basilij P. C.*
543. *Ind. VI. P. C. Basilij anno 11.* Childebertus & Chlotharius Francorum Reges Hispaniam ingrediuntur, Cæsaraugustam obsident, & totam prouinciam Tarracensem depopulantur.
544. *Ind. VII. P. C. Basilij P. C. anno 111.*
545. *Ind. VIII. P. C. Basilij P. C. anno 1 v.*
546. *Ind. IX. P. C. Basilij P. C. anno v.*
547. *Ind. X. P. C. Basilij P. C. anno VI.*
548. *Ind. XI. P. C. Basilij P. C. anno VII.* Theudis Vesigothorum Rex occiditur, cui Theudiselus succedit. Theodebertus Francorum Rex obit, successore Theodebaldo filio relicto. Lanthacarius Dux Francorum à Romanis in Italia fusus & cæsus.
549. *Ind. XII. P. C. Basilij anno VIII.*
550. *Ind. XIII. P. C. Basilij P. C. anno IX.* Vesigothi, iugulato Theudiselo, Agilam Regem salutarunt.
551. *Ind. XIV. P. C. Basilij anno X.* Iustinianus Aug. legatos ad Theodebaldum Francorum Regem mittit.
552. *Ind. XV. P. C. Basilij anno XI.* Liberius Patricius à Iustiniano Aug. in

## CHRONICON FRANCICVM.

Hispaniam cum exercitu mittitur, & Narfes Patricius in Italiam, qui Totilam & Teiam Ostogothorum Reges fundit acie, ac interficit, ac omnem Italiam Imperio Romano restituit.

553. *Ind. 1. P. C. Basilij V. C. anno xii.* Leutharius & Buccelinus, cum Francorum & Alamannorum lxxv millibus, ingrediuntur Italiam.
554. *Ind. 11. P. C. Basilij V. C. anno xiii.* Leutharius in Italia morbo interit cum suis. Buccelinus, peruagatus ac depopulatus omnem Italiam, à Narfe Iustiniani Duce pœlio superatur, & interficitur.
555. *Ind. 111. P. C. Basilij V. C. anno xiv.* Hamingus Dux Francorum, cum Ostogothorum reliquiis ferret auxilium, in Italia ab Narfe victus & cæsus. Theodebaldus Francorum Austrasiorum Rex defungitur, eiusque Regnum occupat Chlotharius, maior ipsius patruus, fratre suo Childeberto excluso. Eodem anno cum Saxonibus rebellantibus Chlotharius Francorum Rex feliciter pugnat.
556. *Ind. 1v. P. C. Basilij V. C. anno xv.* Chlotharius eum Saxonibus, coactus à suis, infeliciter dimicat, pacemque facit.
557. *Ind. v. P. C. Basilij V. C. anno xvi.* Chramnus Chlotharij patris Regnum populatur. Saxones in Franciam erumpunt. Chlotharius tertium Saxoniam ingreditur. Childebertus Campaniam Remensem, quæ Chlotharij erat, igne & ferro vastat.
558. *Ind. vi. P. C. Basilij V. C. anno xvii.* Childebertus Rex Francorum moritur, & Regnum eius Chlotharius obtinet.
559. *P. C. Basilij anno xviij. Ind. vii.*
560. *P. C. Basilij anno xix. Ind. viii.* Chramnus fuis Britannicis auxilijs, quibus fidebat, à Chlothario patre suo victus & captus interficitur.
561. *Ind. 1x. P. C. Basilij V. C. anno xx. imperij Iustiniani xxxv.* Chlotharius Rex Francorum decessit, & 1v filios totidem regnorum relinquit successores.

## NOTITIA PROVINCIARVM ET CIVITATVM GALLIÆ.

*In Prouincijs Gallicanis quæ ciuitates sint.*

<i>In Prouincia Lugdunensi prima</i>	gensium, Reuen.
<i>Ciuitates numero III.</i>	Ciuitas Baiocassium, Bayeux.
Metropolis Ciuitas Lugdunensium, Lyon.	Ciuitas Abrincatum, Auranches.
Ciuitas Aduorum, Augustodunum, Autun.	Ciuitas Ebroicorum, Enreux.
Ciuitas Lingonum, Langres.	Ciuitas Saiorum, Séex.
Castrum Cabillonense, Chalon.	Ciuitas Lexouiorum, Lizieux.
Castrum Matisconense, Mafcon.	Ciuitas Constantia, Constances.
<i>In Prouincia Lugdunensi secunda</i>	<i>In Prouincia Lugdunensi tertia</i>
<i>Ciuitates numero VII.</i>	<i>Ciuitates numero 1x.</i>
Metropolis Ciuitas Rotoma-	Metropolis Ciuitas Turonorum, Tours.
	Ciuitas Cenomannorum, Mans.
	Ciuitas Redonum, Rennes.



# NOTITIA GALLIÆ.

- Ciuitas Andicauorum, *Angers.* Ciuitas Atrabatum, *Attas.*  
 Ciuitas Namnetum, *Nantes.* Ciuitas Camaracensium, *Cambray.*  
 Ciuitas Coriosopitum, vel Curiosolium, *Quimpercorentin en Cornouaille.* Ciuitas Turnacensium, *Tournay.*  
 Ciuitas Venetum, *Vannes.* Ciuitas Siluaneæ, *Senlis.*  
 Ciuitas Osismorum, *Triguiet.* Ciuitas Bellouacorum, *Beauuau.*  
 Ciuitas Diablintum, *Dol.*

*In Prouincia Lugdunensi quarta, vel Senonia, Ciuitates numero VII.*

Metropolis Ciuitas Senonum, *Sens.*

Ciuitas Carnotum, *Chartres.*  
 Ciuitas Autifiodorum, *Auxerre.*

Ciuitas Tricassium, *Troyes.*  
 Ciuitas Aurelianorum, *Orleans.*  
 Ciuitas Parisiorum, *Paris.*  
 Ciuitas Meldorum, *Meaux.*

*In Prouincia Belgica prima Ciuitates numero IV.*

Metropolis Ciuitas Treuerorum, *Treues.*

Ciuitas Mediomatricotum, *Mets.*

Ciuitas Leucorum Tullum, *Toul.*

Ciuitas Verodunensium, *Verdun.*

*In Prouincia Belgica secunda Ciuitates numero XII.*

Metropolis Ciuitas Remorum, *Reims.*

Ciuitas Suessionum, *Soissons.*

Ciuitas Catalaunorum, *Chaulons.*

Ciuitas Veromanduorum, *Saint Quensin en Vermandois, ex alijs Vermand.*

Ciuitas Ambianensium, *Amiens.*  
 Ciuitas Morinum, *Teruanna, Terouanne.*

Ciuitas Bononiensium, *Bouloigne.*

*In Prouincia Germania prima Ciuitates numero IV.*

Metropolis Ciuitas Mogontiacensium, *Mayence.*

Ciuitas Argentoratensium Strataburgus, *Strasbourg.*

Ciuitas Nemeturum Spira, vel Spiracia, *Spire.*

Ciuitas Vangionum Borbetomagus, vel Warmatia, *Vormes.*

*In Prouincia Germania secunda Ciuitates numero II.*

Metropolis Ciuitas Agrippinensium Colonia, *Cologne.*

Ciuitas Tungrorum, *Tongres.*

*In Prouincia Maxima Sequanorum, vel Sequanico, Ciuitates numero IV.*

Metropolis Ciuitas Vesontien-sium, *Besançon.*

Ciuitas Equestrium Nouiodunus, vel Niuidunum, *Nyon près Lausanne.*

Ciuitas Helueticorum Auenticum, *Aranche.*

Ciuitas Basiliensium, *Basle.*

# NOTITIA GALLIÆ.

Castrum Vindonissenſe, *Vindifch.*

Castrum Ebrodunenſe, *Iverdun.*

Castrum Rauracenſe, *vel Auguſta Rauracûm, Augſt.*

Portus Abucini, *vel Bucini, aliàs, Portus Abbucina.*

*In Prouincia Alpium Graiarum & Penninarum Ciuitates num. II.*

Metropolis Ciuitas Centronum Darantasia, *Monſtier en Tarentaiſe.*

Ciuitas Vallenſium Ôtodorum, *Martinach en Vvalais.*

*Item in Prouinciis ſeptem.*

*In Prouincia Viennenſi Ciuitates ſunt numero XIII.*

Metropolis Ciuitas Viennenſium, *Vienne.*

Ciuitas Genauenſium, *Genene.*

Ciuitas Gratianopolitana, *Grenoble.*

Ciuitas Albenſium Viuarium, *Vuiers.*

Ciuitas Deenſium, *Die.*

Ciuitas Valenrinorum, *Valence.*

Ciuitas Tricaſtinorum, *Saint Paul de Tricaſtin.*

Ciuitas Vaſienſium, *vel Vaſenſium, Vaſon.*

Ciuitas Arauſicorum, *Orange.*

Ciuitas Cabellicorum, *Cauailon.*

Ciuitas Auennicorum, *Auignon.*

Ciuitas Arelatenſium, *Arles.*

Ciuitas Maſſilienſium, *Marſeille.*

*In Prouincia Aquitania, vel Aquitanica prima Ciuitates num. VIII.*

Metropolis Ciuitas Biturigum, *Bourges.*

Ciuitas Aruernorum, *Clermont en Auvergne.*

Ciuitas Rutenorum, *Rod. x.*

Ciuitas Albienſium, *aliàs Albigenſium, Alby.*

Ciuitas Cadurcorum, *Cahors.*

Ciuitas Lemouicum, *Limoges.*

Ciuitas Gabalum Mimare, *Mande en Genaudan.*

Ciuitas Vellauorum Podium, *le Puyen Velay.*

*In Prouincia Aquitania ſecunda Ciuitates VI.*

Metropolis Ciuitas Burdigalenſium, *Bordeaux.*

Ciuitas Aginnenſium, *Agen.*

Ciuitas Ecolimſenſium, *Angoulefme.*

Ciuitas Santronum, *Saintes.*

Ciuitas Pictauorum, *Poitiers.*

Ciuitas Petrocoriorum, *Perigueux.*

*In Prouincia Nouempopulana, vel Nouempopulis, vulgò Vaſconia dicta, Ciuitates numero XII.*

Metropolis Ciuitas Eluſatium, *Eufe.*

Ciuitas Aquenſium, *Aqs, vel Dacs.*

Ciuitas Laetotatium, *Laictoure, vel Leſſore.*

Ciuitas Conuenarum, *Comminges.*

Ciuitas Conſorannorum, *Conſerans, vel Couxrans.*

Ciuitas Boatium, *Beyonne.*

Ciuitas Benarnenſium, *Leſſaren Bern.*

Ciuitas Aturenſium, *Aire.*

Ciuitas Vaſatica, *Baſas.*


Ciuitas Turba, *vel Turſa, vbi*

# NOTITIA GALLIÆ.

- castrum Bigorra. *Vulgò Tarba Bigetrorum, Tarbe en Bigorre.*  
 Ciuitas Elloronensium, *Oleron.*  
 Ciuitas Aufciorum, *Aufch.*  
*In Prouincia Narbonensi prima, Septimania & Gothia postea dicta, Ciuitates numero VII.*  
 Metropolis Ciuitas Narbonensium, *Narbonne.*  
 Ciuitas Tolosatium, *Toulouse.*  
 Ciuitas Beterrensium, *Beziers.*  
 Ciuitas Agathensium, *Agde.*  
 Ciuitas Nemaufensium, *Nismes.*  
 Ciuitas Magalonsium, *Maguelonne.*  
 Ciuitas Luteuensium, *Lodeue.*  
 Castrum Vcetienſe, aliàs Ciuitas Vcetica, *Vzés.*  
*In Prouincia Narbonensi secunda, vulgò Prouincia dicta, Ciuitates numero VII.*  
 Metropolis Ciuitas Aquensium, *Aix en Prouence.*
- Ciuitas Aptensium, *Apt.*  
 Ciuitas Reiensium, *Riez.*  
 Ciuitas Foroiulensium, *Freius.*  
 Ciuitas Vapincensium, *Gap.*  
 Ciuitas Segesteriorum, vel Segsterica, *antè dicta Segustero, Sisteron.*  
 Ciuitas Antipolitana, *Antibe.*  
*In Prouincia Alpium Maritimarum, vel Alpina Maritima, Ciuitates numero VIII.*  
 Metropolis Ciuitas Ebrodunensium, *Ambrun.*  
 Ciuitas Dinienſium, *Digne.*  
 Ciuitas Rigomagensium.  
 Ciuitas Salinensium.  
 Ciuitas Sanitiensium, *Senex.*  
 Ciuitas Glannatina, vel Glannateua, *Glandesue, aut Glan-deuez.*  
 Ciuitas Cemelenensium, vel potiùs Cemencelensium.  
 Ciuitas Vintiensium, *Vence.*

*In Prouinciis XVII Ciuitates CXV.*







HADRIANI  
VALESII  
RERVM FRANCICARVM  
LIBER PRIMVS.



**R**es gestas Francorum à primordiis vsque ad Chlotharij maioris mortem scribere aggredior, quam partem historiæ nemo è nostris præter vnum & alterum adhuc attigit, & quàm cum ob venerationem antiquitatis; tum ob claritatem gentis negligi ac pæne omnem omitti non oportuit: nisi fortè nos tentatæ per annos ampliùs CC Gallia, deinde occupatæ, originumque ac Maiorum nostrorum puderet, quorum alij Imperatores Romanos pacem & salutem prouinciarum annuo tributo redimere coegerunt, & subactis Germaniæ gentibus semper antea liberis, docuerunt Germanos nisi à Germanis domari non posse: alij cum spe honorum & opum inducti ad Romanos se contulissent, Tribunatus legionum, Magisteria militiæ, ordinarios Consulatus, nonnumquam Imperium ipsum quoque, præmia meritorum votis suis maiora sunt consecuti: qui tamen haud paullo maiori laude digni fuissent, si præfenti statu contenti in patria remanere, & eandem virtutem, quam Romanis aduersus populares

suos sæpenumero præstiterunt, popularibus aduersus Romanos præstare maluissent. Mequidem, vtrumque hæc accipientur, nequaquam pœnitebit clarissimæ gentis ac summorum virorum facta supra millesimum & trecentessimum annum repetita veterum auctorum collatione illustrauisse; atque de occasu Imperij Occidentis, & de obscuris initiis nationum, quibuscum Franci bella gesserunt, noua nec à quocquam prodita dixisse; & hoc quaecumque est munus patriæ obtulisse, cui si nihil aliud, fidem certè ac diligentiam præstare conabor.

Anno  
Christi  
nati  
CCLV.

**F**RANCORVM nomen Romanis primùm audiri, & arma metui cœpere Valeriani principatu, cum pauci ex his traiecto Reno, quo à Gallis diuidebantur, in Galliam eruptionem fecerunt, & per inferiorem, superioremque prouinciā Germaniā sunt effusi. Præerat tum opido Mogontiaco Aurelianus Tribunus legionis VI Gallicæ, qui Francos incôpositos adortus septingentos occidit, trecentos captos sub corona venumdedit: cuius victoriæ tâta Romæ fama percrebuit, vt Aurelianum Imperator Galliarum restitutorem appellaret, & de eo facti versus tota Vrbe percelebrarentur. Ceterum nemo mirari debet, quodd Francorum nomen à Romanis primùm auditum Valeriano imperante dixerim: cum contrà Auctor Chronici Alexandrini tradat, Traianum Decium Aug. ante bienniū quàm Valerianus Imperator appellaretur, dum expeditionem in Francos faceret, vnà cum filio Herennio Etrusco Decio à suis occisum esse: quippe reliqui omnes historici Decios transgressos Danubium in expeditione Gothica periisse scribunt.

Dum Valerianus Aug. in Mesopotamia cum Sapore Rege Persarum aduersis auspiciis pugnat, P. Licinius Gallienus Aug. Francos, quos Aurelius Victor, & Zosimus libro 1 Germanos vocant, in Galliam incursionem facere conantes transitu Reni strenuè arcuit, vsusque consilio Postumi, qui tunc iuuentæ Galliæni, deinde Salonini eius filij pueritiæ moderator fuit, isto fœdere fe-

rarum gentium motum compressit, & Belgarum securitati consuluit. Vnde apud Zonaram dicitur Gallienus cum Francis bellum gessisse.

Non fuit patre fortunatior in regendo Imperio Gallienus, quo Romæ ludos & conuiuia parante, cum extra Italiam torferè tyranni, quot prouinciæ essent, occasione inuitati Franci complures variis ex pagis, (quippe multæ Germaniæ gentes Francorum finibus, & nomine continebantur) tumultuariis myoparonibus extimam Galliæ oram prædando sunt præteruecti, fretoque Gaditano mare internum ingressi, Hispaniam citeriorem attigere. Ibi Franci non contenti vicorum, & castellarum spoliis, caput ipsum regionis Tarraconem, urbem maritimarum clarissimam & opulentissimam, nudam præsidio cepere, diripere, ac diruere: tantumque tractus eius populis terrorem iniecere, ut annos ferè XII quamdiu Gallienus & Claudius Imperium obtinuerunt, totam Hispaniam in potestate habuerint, & rapinis, cædibus, incendiisque vastauerint: Nonnulli etiam in Africam transmisere, à sociis spem maioris prædæ disiuncti.

De ea Francorum expeditione commemorant Nazarius in Panegyrico, Eusebius Pamphilus in libro I Historiæ temporum, Aurelius Victor, Eutropius, ac Magnus Paullus Orosius. Et Nazarius quidem scribit *Francos, cum ad bella efferuescerent, ultra ipsum Oceanum æstu furoris euectos, Hispaniarum etiam oras armis infestas habuisse. Ex quo intelligitur eos non solum ætate Gallieni, sed sæpe aliàs partem Hispaniæ Tarraconensis interno mari appositam piraticis expeditionibus terruisse. Eusebius, quem Hieronymus transtulit, addit Gallieno voluptatibus dedito, à Germanis (hoc est à Francis) Hispanias obtinentibus Tarraconem expugnatam esse. Apud Aurelium Victorem dicitur Gallienus rem Romanam quasi naufragio dedisse, adeo ut Alamannorum Iuthungi Italiam; Francorum gentes, direptâ Galliâ, Hispaniam possiderent, Tarraconem opidum vastarent, ac pene diruerent: nactaque in tempore nauigia pars eorum usque in Africam transiret. Quibus verbis indicat Victor Francos terrestri iti-*

nere totam quàm longa est, Galliam populabundos per-  
 agrauisse, transscensóque Pyrenæo Tarraconem cepisse:  
 tum aliis ad excidium Hispaniæ conuersis, alios in va-  
 cuas naues oppoñtunè oblatas insiluisse, & in Africam  
 transmisisse. Quæ Victoris sententia quantam cum Na-  
 zarij opinione, tantam cum veritate dissimilitudinem ha-  
 bet: quis enim credat Francos non modò nullo hoste  
 prohibente Renum transire; sed etiam omnem Galliam  
 incursione vastare, Pyrenæos montes transgredi, per  
 Hispaniam effundi, & onustos præda retrò quæ venerant  
 domum redire potuisse? Eutropius ait Gallieno Reip.  
 habenas per summam ignauiam & mollitiem remitten-  
 te; *Alamannos depopulatis Galliis in Italiam erupisse: Germanos* (id est Francos) *vsque in Hispanias penetra-*  
*uisse, & ciuitatem nobilem Tarraconem expugnauisse.* Oro-  
 sius Hispanus de ea re in libro VII sic refert. *Capto Vale-*  
*riano, Germani* (ita Iuthungos appellat) *Alpibus, Retiâ,*  
*Italiâque penetratâ, Rauennam vsque perueniunt. Ala-*  
*manni Gallias peruagati etiam in Italiam transseunt. Ger-*  
*mani vltiores abrasâ potiuntur Hispaniâ. Exstant adhuc*  
*per diuersas prouincias in magnarum urbium ruinis par-*  
*ue, & pauperes ades, signa miseriarum, & nominum indi-*  
*cia seruantes: ex quibus nos quoque in Hispania Tarraco-*  
*nem nostram ad consolationem miserie recentis ostendimus.*  
 Idem eodem in libro deffens luëtuosam cladem, quam  
 Alani, Vandali, & Sueui Honorij principatu ætate sua  
 Hispaniæ intulere, antequam eius prouincias factâ inter  
 se pace sortirentur: *Hoc nuper, inquit, per biennium*  
*illud, quo hostilis gladius sauiit, sustinuere à Barbaris Hi-*  
*spania: quod etiam sub Imperatore Gallieno per annos pro-*  
*pemodum XII Germanis eueritentibus exceperunt.* Fran-  
 cos Orosius Germanos vltiores appellat, non quòd vl-  
 tra Renum habitabant, eoque flumine à Germanis pro-  
 uincialibus diuidebantur, nam id & Alamannis conue-  
 niebat, sed quòd vltioris inferiorisve Germaniæ, à cite-  
 riore Mæno flumine diuisæ, vltimam partem ripæ Reni  
 & oræ Oceani proximam tenebant: apertèque indicat  
 Tarraconem post excidium nihil præter nomen reti-  
 nuisse, & intra CXL annos florentissimam quondam ac



validissimam urbem minimè resurgere potuisse: quamvis Magnus Ausonius in libro de Claris Urbibus, & Aurelius Prudentius, natione Hispanus, ac Orosij æqualis ~~et expulsi~~ prodant sua eam ætate arce, & inauratis tectis insignem fuisse. Alamannorum, quos & tum Orosius Gallias peruagatos ait, Rex erat Chrocus, cui capto apud Arelatum iussu Mariani Præsidis collum præcisum esse Gregorius & Sigibertus scribunt. Hic est Chrocus, qui cunctas ædes antiquas in Gallia, præ ceteris in vrbe Aruernis delubrum vetus è marmore, Vasso à Gallis dictum incendit ac diruit, atque Priuatum Gabalitanæ ecclesiæ Episcopum idola colere recusantem fuste percussit.

Dum Franci igni ferroque Hispaniam vastant: M. Cassius Postumus Gallus, interfecto Salonino Cæsare, Galliarum Imperium occupauit, & (sicut ait Trebellius Pollio) *Celtica, & Francica*, hoc est Germanorum, & Francorum magna accersuit auxilia: quibus instructus cum Gallieno, Præfectisque Gallieni diu bellum variâ fortunâ gessit: donec tandem, oppresso insidiis Postumo, Lollianus Principatum obtinuit, Victorino ipse cessurus. Sunt qui asserant Lolliani partibus afflictis Postumum à militibus suis occisum esse, quoddam Mogontiacum illis ad diripiendum tradere noluerat. At Gallienus, quasi omnibus hostibus superatis, mimicum Romæ triumphum egit Albino II. & Dextro Coss. ostenditque populo Romano ductos in catenis iuuenum globos ducenûm capitum singulos, quorum alium Persarum captiuorum, alium Gothorum, hunc Sarmatarum, illum Francorum esse credi volebat: & decimum imperij annum magnificis ludis celebravit. Idem postea, siue eos hoc bello ceperat, siue mercede accersuerat, nonnullos ex Francis delectos corporis custodibus immiscuit. Certè Bonitum, quem Francum natione fuisse nomen indicio est, Stipatorem Gallieni Principis Claudius adhuc priuatus in epistola ad Regillianum Ducem appellat. Ceterum apud Trebellium Pollionem, & Aurelium Victorem dicitur Postumus non modò Germanas gentes, Francos in primis, armis ex Gallia expulisse, cuiusque prouinciis pacem ac securitatem reddidisse: sed etiam castella trans Renum in

ANNO  
ECLXXIII.  
post Christi  
natum.

agro barbarorum posuisse, & communiuisse; quæ post eandem Postumai primo impetu Germanorum direpta, ac incensâ Lollianus restituit. Deufonem quidem, quod erat in Francia castellum contra Coloniam Agrippinam, præsidio occupauisse Postumum, & Maculam, opidum Batauorum ab Francis captum, quod hodieque Ancusam appellant, recepiſſe indicant Postumiani nummi, HERCVLI DEVSONIENSI, & HERCVLI MACVSANO inscripti: quorum nota est ex altera parte Postumus nudus, clauam tenens, ex altera templum. Idemque Postumus, ob pulsos Galliâ Germanos, in quibusdam nummis Reno flumine signatis, RESTITVTOR GALLIÆ, in aliis GERMANICVS MAXIMVS vocatur.

ccix-  
xiv.

Interemto ab suis Gallieno, & Marco Aurelio Claudio Aug. natione Dardano qui ex Duce factus erat Imperator, intra biennium mortuo, L. Domitius Aurelianus Sirmienſis, Dux fortissimus rerum potitus est, & altero Consularu ex Oriente, & Occidente triumphauit, captâ Zenobiâ Reginâ, Tetrico in deditionem accepto, qui ex Senatore, & Præside prouinciæ Aquitaniz, beneficio Victoriæ Victorini matris factus erat Imperator: & (quemadmodum Flavius Vopiscus scribit) inter ceteros religatis post tergum manibus Francos, atque Germanos ante currum duxit, quos Tetrico bellum inferens, fortè per Galliam effusos, ac populabundos oppreſſerat: quare & ipse Germanicus Maximus est appellatus: & Aurelius Victor memoriæ tradit, ab Aureliano, *Germanis Galliâ pulsis, Tetrici legiones casas esse.*

Eiusdem Principis auspiciis videtur Marcus Aurelius Probus flumen Renum transiisse, & Francos in suis finibus inopinantes fuisse. Nam cum Imperium à militibus Probo delatum Senatus decreto confirmaret, eum Francicum vocauit; quod: (vt apud Flauium Vopiscum Syracusanum Manlius Tatianus loquitur:) *testes Probi virtutis essent Franci in suis stratis paludibus: testes Germani, & Alamanni longè à Renu summoti litoribus.*

Florebat tum Pompeianus Dux, qui quoddam forsitan Francus natione erat, cognominatus est Francus, quem

in Eusebij Chronico inuenio in magna apud Immam Aureliani aduersus Zenobiam pugna ad XXX lapidem ab Antiochia fortiter fecisse. Eius posteros sua ætate Antiochiæ adhuc mansisse tradit Hieronymus, in his Euagrium Presbyterum amicum suum, virum diuitem, nobilem, ac doctum, quem principatu Theodosij Magni pars Antiochenium Catholicorum Flavianum auerata Paulini mortui in locum Episcopum suffecit, & quem Basilius in Epistola v. 111 Presbyterum Euagrium filium Pompeiani Antiochiensis appellat.

Aureliano III, & Marcellino Coss. post Aureliani mor- CCLXXV.  
tem fuit per sex menses sine Imperatore Respublica: militibus ad Senatum inuicem Senatoribus ad milites electionem Principis reiicientibus. Hoc interregnum rei bene gerendæ opportunitatem rati Germani magnis coactis copiis limites aperuere, & vrbes Galliæ LXX opulentissimas velut perpetuæ possessionis causâ occupauere: nec M. Claudius Tacitus ex Consule, & Principe Senatus Augustus salutatus, propter Imperij vix semestris breuitatem potuit vexatæ prouinciæ opitulari: cuius successor Probus Sirmiensis, Magister antè militiæ, Germanorum millibus quadringentis (si ipsi de se credimus) cæsis, opida & prædam omnem recepit: reliquosque trans Renum secutus partim vltra Nicrum flumen, partim vltra Albim remouit: nouem Regibus obsides, frumentum, pecus, ac sexdecim millia tironum imperauit: & his conditionibus pace cum Germaniæ gentibus facta, in supradicta ripa castella è regione extremarum vrbium Galliæ posuit: ac collocatis ibi præsiidiis agrî quantum facis erat assignauit: quem *limitem transfrenanum* Valerianus Aug. apud Pollionem, & Velius Cornificius Gordianus Consul apud Vopiscum appellant. Quare Aurelius Victor prodit à Probo *Barbarorum gentes attritas esse, quæ Principibus Romanis* (hoc est Aureliano, & Tacito) *suorum scelere interfectis irruerant.* Et Eusebius in Chronico, Eutropius libro IX ac Orosius libro VII scribunt Gallias, quas Barbari occupauerant, Probi felicitate restitutas, & multis ac grauius præliis deletis tandem hostibus esse liberatas. Bar-

baros hosce Zosimus in libro primo Lugiones, Lygióſve, Francos, Burgundiones, & Vandalos vocat, áítque Probum, vt vrbes Germaniæ ciſrenanæ vexatas à Barbaris accolis Reni vindicaret, in Galliam contendiffe: ac primum cum Lugionibus, quorum Ducem nomine Semnonem, Ducíſque filium ceperit; deinde cum Francis, quos pet præfectos vicerit, poſtremò cum Burgundionibus, & Vandalis pugnauiſſe: ac demum rebus repetitis, & redditis bellum compoſitum eſſe. Ex ea victoria cognomen Francici maximi, & Germanici maximi retulit Imperator Cæſar M. Aurelius Valerius Probus, vt inſcriptio ab Onufrio Panuino libro II Faſtorum inſerta confirmat, & Germanos captiuos in triumpho duxit, eoſque, ac ſupradictos tirones per varias Imperij Romani prouincias ſparſit, plerisque in limitibus conſtitutis.

Euentus docuit mutatione cæli animum non mutari. Pauci enim ex Francis, qui in Ponto fuerant collocati, poſteaquam detineri Probum bellisciulibus audierunt, cum naturali patriæ deſiderio, tum otij impatientia, & odio Romanorum ducti, deprehenſis nauibus Boſporum Thracium, Propontidem, ac Hellespontum, deinde Ægæum, & Ionium mare ſunt euenſi. In tranſcurſu oras Asiæ minoris, Thraciæ, Macedoniæ, & Græciæ crebris excuſſionibus vexauere. Viſum eſt exinde Siciliam petere inſulam aſſuetudine pacis imbellem, & opulentem: quam vt tenuerunt, agris vaſtatis, vicis incenſis, ipſum prouinciæ caput Syracuſas cum magna ſtrage expugnauerunt, prædæque in naues impoſitâ, Africæ litora legerunt: hanc dum latrocinandi dulcedine illecti ſæpius infeſtant, nihil propius eſt factum, quàm vt miſſis Carthagine copiis opprimerentur. Pulſi itaque celeriter naues conſcenderunt, & Numidiam, ac Mauritaniam præterueſti, ſuperato freto Gaditano, Oceanum intrauerunt. Tandem longo Hiſpaniæ Galliæſumque circuitu ſalui & incolumes in Franciam ad ſuos poſtliminio redierunt.

Expeditionis huius Francorum, & ſuſceptæ audacter, & feliciter fortiterque conſectæ, mentionem facit Eumenius in oratione, quam habuit de rebus geſtis Fl.

Valecij Constantij Nobilissimi Cæsaris. *Recurſabat* (inquit) *in animos illa ſub Diuo Probo paucorum ex Francis captiuorum & incredibilis audacia, & indigna felicitas: qui, à Ponto uſque correptis nauibus, Græciam, Aſiâque populati, & impune plerisque Libya litoribus appulſi, ipſas poſtremo, naualibus quondam victoriis nobiles, ceperant Syracuſas: & immenſo itinere peruecti Oceanum, quâ terras irrupit intrauerant, atque ita euentu temeritatis oſtenderant nihil eſſe clauſum Piratica deſperationi, quò nauigiis pateret acceſſus.* Zofimus in libro 1 ab Eumenio diſſentit, ſcribitque Francis aliquot, qui à Probo petierant, vt ipſis agrum daret; ſedes attributas eſſe: nec multo poſt partem eorum ab Imperatore deſciuiſſe: contractiſque nauibus omnem Græciam tumultu petturbauiſſe: inde in Siciliam traieciſſe, & claſſe de improuiſo ad Syracuſas applicatâ portum intrauiſſe, ac magnam in vrbe cædem feciſſe: mox Libyam petiiſſe, & à Carthagenenſibus in naues compulſam, nullo incommodo accepto domum rediſſe. Libyam Eumenius, & Zofimus, vti antè Virgilius, vocant prouinciâ Proconſularem, in qua magna Carthago eſt, quæ apud omnes ferè Geographos, & Hiſtoricos propriè Africa dicitur. adèò vt nobiliſſimum Carthagenenſium portum Nazarius, Seuerus Sulpicius in libro de Virtutibus Ægyptiorum Monachorum, atque Gregorius libro x Hiſtoriæ Africæ portum appellent. Ceterùm in deſcriptione nauigationis Zofiſimum potiùs, & oram ipſam maritimam; quàm Eumenium ſecutus: propterea quòd inter Pontum & Græciam Aſia interiacet: & ex Aſia in Africam tendentibus plurima cùm continentis, tùm inſularum opida, & litora præ nauiganda ſunt.

Quo tempore ſupradiçti Franci refertis prædâ nauibus patriam petebant: Proculus, à Francis deducens genus, Galliæ Imperium, & quæ prouinciæ eius erant, Hiſpanias, ac Britanniam obtinuit. quem Probus fugatum in vltimam Galliam, cupientemque Francorum auxiliis adiungi, à quibus originem ſe trahere dicebat, ipſis prodentibus Francis (vt ſcribit Vopifcuſ) apud Coloniâ Agrippinam vicit, & interfecit. Idem auctor eſt,

cùm Romanæ naues lusoriæ appellatæ, in quibus milites ad arcendos transitu Germanos excubare solebant, ab eisdem Germanis in flumine Reno essent incensæ: Bonosum Præfectum classis, ne pœnas negligentiae daret, Imperium arripuisse, moxque armis Probi, adiuti copiis Francorum, quos Barbaros, & Germanos vocat, circa Coloniam Vbiorum oppressum esse. Tum Probum redditâ Provinciis pace, in Pannonia, & sicut Aurelius Victor tradit, in Mœsia quoque, & Gallia militum manibus vineas instituisse: & emissâ palude agrum Sirmiensem siccare cœpisse. illos indignantes vinitorum se ac fossorum loco haberi; in Probum imperum fecisse, fugientemque interemisisse: ac Marcum Aurelium Carum Narbonensem Præfectum Prætorij Augustum salutauisse. quam Probi cædem suam esse occasionem rati Germani, qui circaripam Reni colebant, hoc est Franci, atque Alamanni, in Galliam incurterunt: cuiusque finibus ab Carino Cari filio sunt expulsi. quare Aurelius Victor scribit, missum à Caro ad muniendam Galliam maiorem filium, quam cognitâ Probi morte Barbari opportunè inuaserant. & Olympius Nemesianus in libro Cynegeticôn, quem post Marci Aurelij Cari obitum, Carini, & Numeriani fratrum principatu edidit, alterum Germanorum & Sarmatarum victorem; alterum domitorem Persarum laudat his versibus.

*Mox vestros meliøre lyrâ memorare triumphos  
Aggrediar, Diui fortissima pignora Cari.  
Atque canam nostrum geminis sub finibus orbis  
Litus, & edomitas fraterno numine gentes,  
Que Renum, Tigrimque bibunt, Tanaisque remotum  
Principium, Nilique vident ab origine fontem.  
Nec taceam primum, que nuper bella sub Arcto  
Felici Carine manu confeceris, ipso  
Pene prior genitore Deo.*

Diocletiano II & Aristobulo Coss. Carinus post patris, fratrisque mortem interemptus est, & Diocletianus Dalmata ab exercitu Augustus consalutatus, Maximianum amicum suum Cæsarem, ac mox Imperatorem appellandum curauit, qui Maximo & Aquilino Coss. Rusticos,

Bacaudas Gallis dictos, Æliano, & Amando ducibus bellum cientes, & iam vastatis agris opida oppugnantes feliciter oppressit. nec multo post Burgundiones, Alamannos, Chabiones, & Erulos, in Galliam effusos partim fame, partim ferro confecit: atque ædificandæ apud Bononiam classi, & vindicando à Francorum, & Saxonum latrociniis mari Belgico, & Armorico Carausium præposuit, quem Eumenius in Batauia; Aurelius Victor in Menapia Galliæ Belgicæ regione ei finitima, natum ait. Is vir obscuræ originis, sed spectatæ virtutis, oblatam sibi facultatem putauit rei familiaris potius quàm publicæ agendæ, augendæque. & cùm permultos piratas domum redeuntes exciperet in freto Britannico; neque aut prædam omnem filco inferret; aut provinciis, quæ cuiusque fuerant, restitueret: suspectus fuit societatem latrocinij cum Barbaris coiuisse. quare à Maximiano iussus occidi, corrupto exercitu Britanniam occupauit: vti Aurelius Victor, Eutropius, ac Orosius scribunt.

At Maximianus, indignatus tantâ Francos confidentiâ in Galliam incursiones fecisse; Renum transiit, eorumque agros inuicem est depopulatus. quam expeditionem hilce apud ipsum verbis extollit Claudius Mameertinus. *Tu, Imperator inuicte, feras illas indomitâsque gentes vastatione, præliis, cadibus, ferro, ignique domuisti. Audieras hoc, Imperator? an ipse per te diuinâ tuâ mente prospexeras, ita demum hostes funditus posse subuerti, si in propriis sedibus vincerentur, nec prædam modò, quam cepissent, amitterent; sed ipsi coniuges, ac liberos, & parentes suos, & carissima omnium capta mererent.* Eam ob causam Auctor orationis habitæ in nuptiis Fl. Constantini ait, *Maximianum eius socerum (quod iam falsò traditum de antiquis Imperatoribus putabatur) Romana trans Renum signa primum Barbaris gentibus intulisse. Quasi non Probus idem paucis antè annis fecisset.* Maximianum in Francia statua habentem Atech seu Adech Rex Francorum, magna multitudine comitatus, pacis petendæ & sui purgandi causâ conuenit: ac rebus ex sententia confectis domum reuertit. Genobaudes autem, quem for-

casse amantem otij, bellúmque dissuadentem Franci expulerant; tum ab eodem Maximiano in regnum est restitutus. *Per te* (inquit Mamertinus) *regnum recepit Genobodes: Atech vero munus accepit. quid enim aliud ille expetiuit, in conspectum tuum cum omni sua gente veniendo, nisi ut tunc demum integra auctoritate regnaret, cum te Maximiane placasset? Ostendit ille te idemidem, ut audio, popularibus suis: & intueri diu iussit: & obsequia discere: cum tibi ipse seruiret.* Idem in Genechliaco Maximiani Aug. dicit eum tropæa Germanica in media Barbaria constituisse: & Francos armorum terrore coegisse, ut ad petendam pacem cum Rege venirent. Ob hanc, quam Mamertinus vocat *transfrenanam victoriam*, & fulis Francis confectum bellum Piraticum: Diocletianus Docleates & Maximianus Pannonius Franci, & Germanici sunt appellati. (quippe titulos suos, sæpe leuibus præliis quæstos, alter cum altero communicabant) Certè apud Onufrium vocantur IMPP. CÆSARES. C. AVRELIVS. VALERIVS. DIOCLETIANVS. IOVIVS. ET MARCVS. AVRELIVS. VALERIVS. MAXIMIANVS. HERCVLIVS. IIV. IMPERATORES. PII. FELICES. AVGVSTI. PERSICI. FRANCICI. ALEMANNICI. GOTHICI. GERMANICI.

CXCXI. Non multo post expeditionem Germanicam Maximiani, Tiberiano & Dione Coss. Cōstantius ortus opido Dardaniæ Naifo, Flauij Eutropij filius, Crispi Claudij Aug. fratris ex Claudia filia nepos, cū Maximiano Cæsar creatus est: præterfususque ortus & aduentus sui nuntios in vltimam Galliam contendit: Gesoriacum portum Morinorum, quam & Bononiam vocabant, oppugnauit: & iactis molibus cū vt Carausianum præsidium exitu, sic Britannica auxilia aditu prohiberet, in fidem recepit. deinde terram Batauiam, quam permittente Carausio Chamaui, Frisij, aliæque Francorum gentes occupaerant, recuperauit: Francosque partim interfecit, partim expulit, partim captos vnà cum coniugibus & liberis in incultis agris Galliæ collocauit: vt quam ipsi fecerant, solitudinem habitarent, & Romana deinceps signa sequerentur ex Germanis prouinciales, ex hostibus com-



militones. præterea hiberna alarum & cohortium, quæ à Francis fuerant euerſa, in ripa Reni reſtituit. Vnde Eumenius in laudatione Conſtantij Cæſ. ſcribit Conſtantium terram Batauiam, quam Vacalis interfluit, & diuortiis aquarum Renus amplectitur, *ſub ipſo quondam alumno ſuo* (id eſt ſub Carauſio Batauo) à diuerſis Francorum gentibus occupatam, ab omni hoſte vindicauiffe: nec contentum victoria, eas in Romanum ſolum tranſtuliffe: neque aut ſitu locorum ad fraudes accommodato, aut paludum & ſiluarum perfugiis Barbaros defendi potuiſſe: quominus omnes in deditionem redigerentur, & cum coniugibus, liberis, ac rebus ſuis, magnisſque examinibus neceſſitudinum in loca deſerta commigrarent, & in deſtinatas ſibi ſolitudines traducerentur. tum ita orationem concludit: *Insultare meherculè communi Galliarum nomine libet, & (quod pace veſtra loquar) ipſis triumphum aſſignare prouinciis. arat ergo nunc mihi Chamaus, & Friſius: & ille vagus, ille pradator, exercitio ſqualidus operatur: & frequentas nundinas meas pecore venali: & cultor Barbarus laxat annonam. Quinetiam ſi ad delectum vocetur, accurrit, & obſequiis teritur, & tergo coercetur, & ſeruire ſe militia nomine gratulatur.* Idem in orat. de reſtituendis ſcholis Auguſtodun. ait Batauiam, qua tum deſineret eſſe Barbaria, non minùs feritate Francorum velut hauſtam deſediſſe, quàm ſi eam circumſuſa flumina, & mare alluens operuiſſet: ac ſub dextra Conſtantij ipſam, atque Britanniā ſqualidum caput ſiluis, & fluctibus tandem exerere. De eadem Conſtantij expeditione ita loquitur Auſtor Epithalamij Conſtantini Aug. & Fauſtæ. *Multa ille Francorum millia, qui Batauiam, aliàsque cis Renum terras inuaſerant, interfecit, depulit, cepit, abduxit.* Et Iulianus ſcribit auos Conſtantij Maximianum, & Conſtantium Barbaros agris, quos iamdudum occupauerant, expulſiſſe, iſque munita caſtella opoſuiſſe.

Poſt receptam à Conſtantio Batauiam, Carauſius Britanniā nihilominùs tenebat: & magna coacta claſſe, atque ad prædam euocatis non mediocribus copiis Francorum, mare infeſtum habebat: dux acer, & peritus;

felix quoque, si vt contraxim hostium, ita contra domesticorum insidias munitus esse potuisset. Hunc enim septimo anno postquam in insula regnare cœperat, Allectus Præfectus occidit, principatûmque occupauit. Tum primûm Constantio Cæsari spes accessit Britannia potiuendæ. itaque Reni ripam tuente Maximiano Augusto, ne Franci, aut Alamanni in Galliam irrumperent; Asclepiodotum Præfectum Prætorij, cum parte classis præmisit, reliquis copiis ipse subsequitur. Et Asclepiodotus quidem ostio fluminis Sequanæ in Oceanum inuectus, nebula prospectum adimente, classem hostium ad Vetim insulam stantem feliciter euasit, & in terram milites exposuit. At Allectus in portu Rutupino ad fretum firmo nauium præsidio relicto, cum aliis, tum maxime Francis mercede conductis fretus, Asclepiodoto occurrit: commissioque prælio, anno imperij tertio, victus est, & occisus. Complures Franci ex prælio superfuere, ac Londinium Cantiorum se contulere. fugissentque direptâ vrbe copiosissima: nisi Constantiani aliquot, qui à commilitonibus fortè deerrauerant, aduerso Tamesi flumine eodem delati incautos, & per vicos domosque discurrentes oppressissent. Confecto iam bello transit in Britanniam Constantius: & compositis rebus, quod agri Ambianorum, Bellouacorum, Tricassium, & Lingonum vacabat, à Francis captiuis coli habitâque iussit: sicut antea Francos dediticios in Treuironum finibus Maximianus collocauerat. Hic est Constantius, quem quoddam in Occidentis partibus Cæsar erat Maximiani Herculi Aug. bis ab Eumenio in oratione pro restaurandis scholis *Cæsarem Herculum* appellari notasse me, & Ioanni Tristano viro doctissimo indicasse memini.

Ceterum legimus plerosque Allecti milites, vt quamplurimos secum Germanos habere crederentur, Francorum auxilium vestitu habitûque vsos, cæsariem etiam promississe, ac sapone vnxisse. Certè Eumenius scribit neminem ferè Romanum in acie cæsum esse: solosque Barbaros, aut more Barbarie cultos, & prolixo crine rutilos; tum verò puluere, & cruore fœdatos totis campis & collibus iacuisse: & inter eos ipsum vexilla-

rium latrocinij. deinde ista subiicit. *Enimvero, Cæsar inuictè, tanto Deorum immortalium tibi est addicta consensu victoria omnium quidem, quos adortus fueris, hostium; sed præcipuè internecio Francorum: ut illi quoque milites vestri, qui per errorem nebulosi maris abiuncti, ad opidum Londiniense peruenerant: quidquid ex mercenaria illa multitudine Barbarorum prælio superfuerat, cum direptâ ciuitate fugam capeßere cogitarent, passim totâ urbe consecerint: & non solum provincialibus vestris cede hostium dederint salutem, sed etiam spectaculo voluptatem. O victoria multiuga, & innumerabilium triumphorum, quâ Britannia restituta: quâ gentes Francorum penitus excisa: denique ad perpetuam quietem maria purgata sunt. Pulsis Batauiâ, ac Britannia Francis merito Flauius Valerius Constantius Chlorus, (ut apud Onufrium Panuinium in libro II Fastorum legimus) Germanicus, & Francicus est appellatus. Quare Iulianus in laudatione Constantij scribit, auos eius Maximianum Herculium, ac Constantium Galliam ab hostibus vindicauisse: & finitimos Barbaros rapinis, & incursionibus prohibuisse.*

Eumenius in oratione habita de rebus gestis Constantini Aug. auctor est Constantium receptâ Britannia, interiores Francie nationes non iam ab his locis, quæ olim Romanis eripuerant; sed à propriis, & origine suis sedibus, atque ab ultimis Barbaria litoribus auellisse: ut in desertis Gallie regionibus collocata, & pacem Romani Imperij cultu inuarent, & arma delectu. in Lingonicis campis, & circa Vindonissam Alamannos præliis fudisse: atque immanem ex diuersis Germanorum populis multitudinem in insula quadam Reni classe circumfedissee, ac in dedicationem accepisse.

Diocletianus IX, & Maximianus VIII Coss. Imperium <sup>ccciv.</sup> ac purpuram sponte deposuerunt Kal. April. & Fl. Constantium, ac Galerium Maximianum natum in Dacia mediterranea, quos Tiberiano & Dione Coss. Cæsares <sup>ccxci.</sup> creauerant, vocato ad concionem exercitu Augustos appellauerunt.

Constantio VI, & Maximiano VI Coss. in Britan- <sup>cccv.</sup> niam profectus est Constantius Augustus, ut partem in-

fulæ sibi subiectam à Pictis, libera Britannia gente, vindicaret. quâ occasione vsi Ascaricus, & Regaius Reges Francorum in Galliam cum magna manu irrupere. Nec multo pòst mortuo Constantio, Flavius Valerius Constantinus Naifitanus, maximus natu è filiis eius, à militibus Gallicanis & Britannicis Imp. appellatus, ex Britannia in Galliam transiit: Francosque inopinantes, vagos, prædâ graues, improviso aduentu oppressit: Reges ipsos cepit: ambosque, quòd pacem fortè cum patre suo factam rupissent, per finitimas vrbes circumductos Gallis ostentauit: ac Augustæ Treuironum, quæ tum regia eius erat, edito ob victoriam magnificentissimo munere, in media amphitheatri arena laniandos bestiis obiecit: priusquam à Maximiano Herculio matrimonio filia eius Faustæ, & Augusti nomine honoraretur. Francicos quoque ludos instituit, & quotannis per septem dies, nimirum exante diem Idus Iulias vsque ad XIII Kalendas Aug. cum aliis ludicris certaminibus, tum maximè Circensibus supradictam victoriam celebrauit. Sic enim in Fastis principatu Constantini digestis legimus.

*Pridie Idus Ludi Francici Equorum Italicorum Proborum.*

		<i>Idus</i>	
XVII.	<i>Kalendas Aug.</i>	<i>Ludi</i>	<i>Francici.</i>
XVI.		<i>Ludi</i>	
XV.		<i>Ludi</i>	
XIV.		<i>Ludi</i>	
XIII.		<i>Francici.</i>	

Eumenius Augustodunensis Rhetor de ea clade à Constantino Francis illata sic scribit, vt inuidiam crudelitatis non amoliat. *Imperatoris igitur filius, & tanti Imperatoris, & ipse tam feliciter adeptus Imperium, quomodo Rempublicam vindicare capisti? ignobilem credo aliquam Barbarorum manum, qua repentino impetu, & improviso latrocinio ortus tui auspicia tentasset; affecisti penâ temeritatis? Reges ipsos Francia, qui per absentiam patris tui pacem violauerant, non dubitasti ultimis punire crucia-*

ciatibus: nihil veritus gentis illius odia perpetua, & inexpiabiles iras. cur enim ullam reputet inesse seueritati offensam Imperator, qui quod fecit tueri potest? Te verò, Constantine, quantumlibet oderint hostes, dum perhorrescant. Cautior licet sit, qui deuinctos habet per veniam perduelles: fortior tamen est, qui calcit iratos. Renouasti, Imperator, veterem illam Romani Imperij fiduciam, qua de captis hostium Ducibus vindictam morte sumebat. Inde est igitur pax ista, qua fruimur: neque enim Reni iam gurgitibus, sed nominis tui terrore munimur. Sciunt posse se Franci transire Renum: (quos ad perniciem suam libenter admittas) sed nec victoriam possunt sperare, nec veniam. quid ipsos maneat, ex Regum suorum cruciatibus metiuntur. ideoque tantum abest, ut amnis illius transitum moliantur: magis ut comperta potestate desperent. Vbi nunc est illa ferocia? ubi semper infida mobilitas? Iam ne procul quidem Renum audetis accollere: & vix securi flumina interiora potatis. contra hinc per intervalla disposita magis ornant limitem castella, quam protegunt. arat illam terribilem aliquando ripam inermis agricola, & toto nostri greges flumine bicorni mersantur. Hæc est tua, Constantine, de Ascarici, Regisique supplicio quotidiana atque aterna victoria, omnibus quondam secundis præliis anteponenda. compendium enim est deuincendorum hostium Duces sustulisse. De eodem Constantini facto Nazarius loquitur his verbis. Tu, Imperator optime, inito principatu, adhuc aui immaturus, sed iam maturus imperio ostendisti cursum ætatis non expectandum in festinatione virtutis. Tu ferocissimis Regibus Ascarico, & comite suo captis, tantâ laude res bellicas auspicatus es: ut eam auita magnitudinis obsidem teneremus. Vt Herculem ferunt tenerum adhuc atque lactentem duos angues manu elisisse. sic tu, Imp. in ipsis imperij tui incunabulis, quasi geminos dracones necares, per fauissimorum Regum supplicia praludebas. Sic etiam Auctor Epithalamij Constantini & Faustæ scribit eum ab ipsis Francorum Regibus auspicatum esse: simulque & præterita illorum scelera (hoc est incursiones) punisse: & totius gentis lubricam fidem timore vinxisse. Eutropius denique in libro x Historiæ Romanæ ait Constantinum, cum Maximiani so-

ceri infidiis est petitus; in Gallis & militum & provincialium ingenti favore florentem regnasse, casis Francis, atque Alamannis, captisque eorum Regibus: quos, cum magnificum spectaculum muneris parasset, bestiis obiecerit. De Alamannis autem nulla fit à ceteris scriptoribus mentio. contra in libro de vita & moribus Imperatorum, quæ Aurelij Victoris epitome vulgò inscribitur; & in libro XI Historiæ miscellæ inuenimus Crocum Alamannorum Regem, Britannicæ expeditionis comitem Constantio sese adiunxisse: cuiusque maximè operâ Constantinum patrio Imperio successisse. sed nimirum quemadmodum Francorum; sic & Alamannorum multi pagi, ac Reges fuere: vt alij Galliam depopulari; alij Romanos auxiliis iuuare vno tempore potuerint.

Non contentus Ascaricum, & Regisum Reges indignâ morte affecisse Constantinus, Renum traiecit copiis, in Bructerorum fines; qui pagus Francorû flumen attingebat; impetum fecit: vt prædones prædationibus vlcisceretur. & oppressis inopinantibus; multis occisis, captis; pecore abacto, vel iugulato; vicis, quotquot adiri potuerunt, incensis; se in Galliam recepit: puberesque omnes captiuos feris obiecit. ac imitatus Iulium Cæsarem apud Coloniam Agrippinensem pontem in Reno facere constituit, opus cum propter fluminis magnitudinem, altitudinemque arduum: tum ad traducendum exercitum ac commodum. quo ponte incepto (perfici enim Constantinus vetuit difficultate aut metu deterritus: vel certè effectum Franci resciderunt) suis rebus timentes Franci pacem petierunt, obsidesque Constantino obtulerunt. *Vt omnibus modis* (inquit Eumenius) *Barbarorum immanitas frangeretur: nec sola hostes Regum suorum supplicia mererent, immisâ Bructeris vastatione fecisti, Imperator inuicte. in quo optima consilij tui fuit ratio, quo exercitus repente traiecto, inopinantes adortus es: non quod aperto Marti diffideres: vt qui palam congredi maluisses. sed ve illa natio, persugiis silvarum & paludum bellum solita frustrari, fuge tempus amitteret. Cui igitur innumerabiles & capti plurimi: quidquid fuit pecoris, captum, aut trucidatum est: vici omnes igne consumti: Puberes, qui in manus*

venerunt; quorum nec perfidia erat apta militia, nec ferocia seruituti, arena spectaculo dati sauiantes bestias multitudine suâ fatigârunt. Insuper etiam in Agrippinensi ponte faciundo, reliquiis afflictæ gentis insultas: ut ne vñquam metus ponat, semper horreat, semper supplices manus tendat: cùm tamen hoc tu magis ad gloriam Imperij tui, & ornatum limitis facias; quam ad facultatem quoties velis in hosticum transeundi. quippe cum totus armatis nauibus Renuis instructus sit, & ripis omnibus vsque ad Oceanum dispositus miles immineat. Hoc opus & difficile factu, & vsu futurum est sempiternum. Certe quidem iam tibi in exordio sui hostium mouit obsequia, qui pacem supplices petierunt, & nobilissimos obsides obtulerunt. ex quo nemo dubitat, quid perfecto ponte facturi sint, qui iam seruiunt inchoato. Non multo pòst vindicaturi se à Flauio Constantino Bructeri, & Chamaui, Francorum gentes; (vt apud Nazarium legimus) cum Cheruscis, Vargionibus, Alamannis, & Tubantibus initâ belli societate in Galliam transire. ad quos Constantinus ipse, priuatum habitum indutus, ac duobus tantum equitibus comitatus quamproximè poterat accessit, negauitque adesse Imperatorem: ita suâ credulitate ad fiduciam elatos Germanos proelio fudit, ac concidit. quare Praxagoras Athenienlis apud Phorium ait Constantinum initio principatus, priusquam Maxentio bellum inferret; Germanos, & Francos gentes finitimas ac barbaras pæne funditus eueruisse.

Anno II post Consulatum decimum, & septimum, cccx. vel Maxentio III solo Consule Maximianus senior cognomine Herculus, pater Maxentij Aug. & Constantini Principis socer periit, cùm bis depositam purpuram tertium resumisset. quod quomodo factum sit quoniam nemo diligenter scripsit operæpretium est exponere. Sic igitur partim ex veteribus Historicis, partim ex tribus Panegyricis, quorum vnus Eumenij; duo ignoti auctoris sunt, rem gestam esse colligo. Diocletianus IX Consulatu suo, & Maximianus VIII postquam Romæ ex Persis magnificum triumphum egerant, & ante puluinar Iouis Capitolini Imperium se deposituros alter alteri iurauerant: prior Nicomediæ; posterior Mediolani vno

ccciv.

die purpuram priuato habitu mutauere: Maximianus eiurauit his verbis: Recipe Iupiter quod commodasti, eadémque hora Constantius, & Galerius Maximianus cognomine Iunior, qui Cæsares erant, Augusti sunt salutati: Seuerúsque & Maximinus Cæsares creati. Et Constantius quidem Galliæ, Hispaniæ, ac Britannæ prouinciis quibus Cæsar præfuerat contentus, Italiam & Africam remisit Galerio collegæ. qui Maximinum Orienti, Ægypto, Asiæ ac Ponticæ diœcesi; Seuerum Italiæ atque Africæ præposuit: ipse Illyricum, in quo dum Cæsar erat morabatur, retinuit. Anno 11 pòst Constantius cum Maximiano VI Consul Eboraci in Britannia insula decessit: ibidémque Constantinus eius filius, cum ad Diocletianum, Herculium & Galerium de summa Rep. quid fieri plâceret retulisset, ab exercitu moræ impatientē delatam purpuram sumere coactus est: & Cæsaris tantum appellatione suscepta; Imperatoris recusatâ Gallias, Hispanias ac Britanniam obtinuit. factum militum iudicio seniorum Principum, hoc est trium supradictorum comprobatum est. Eodem anno Maxentius Maximiani Herculij filius Romæ à Prætorianis iniussu patris, & Galerij socii consalutatus Augustus, Italiam & Africam paternum Imperium occupauit. qua re cognita Herculius Romam aduolat ex amœnissimo secessu Lucanix, verbo ut animos sedet, re ut Imperium quo non sponte cesserat recipiat: Diocletianumque in villa sua prope Salonas rusticantem ad resumendum Principatus fastigium frustra literis hortatur. Romam ut venit, rogatus à Senatu Populoque Rom. iterum insignia imperatoria ac Augusti nomen accepit. ac insequenti anno Kalendis Ianuariis cum Constantino nonum iniit Consulatum. qui annus in Fastis Consularibus Hydatij omisso ptimi Consulis nomine ita notatur *Nonies & Constantino*; in libro Fastorum quem Ioannes Cuspinianus edidit, *Diocletiano IX & Constantino* manifesto errore: cum Diocletianus ante triennium tum nimirum cum Imperium deposuit, nonum Consul & Maximianus Herculius octauum fuerit. Eo anno Imperator Maximianus Herculius Seuerum Cæsarem à Galerio Maximiano



Aug. aduersus Maxentium cum magno exercitu missum, pecunia sollicitatis ad prodicionem militibus non solum obsidionem vrbis Romæ soluere coegit: sed etiam desertum à suis comite filio persecutus obsedit Ra-uennæ: & perfidia ac simulatione colloquij deceptum vinxit: captiuūque habitu in Vrbem perductū custodiri iussit, ac postea subaduentum in Italiam Galerij iugulandum curauit: Per idem tempus Maximianus Hercu-  
 Aug. Constantinum ex Cæsare Imperatorem fecit, at-  
 que ei Faustam filiam in matrimonium, ac suum Her-  
 culij nomen, quemadmodū Constantio Chloro dederat,  
 dedit. Proximo anno Imperatores Maximianus Hercu-  
 lius decimum, & Galerius Maximianus septimum Con-  
 sularum inierunt. qui annus in Fastis Hydatianis notatur  
*Decies, & Maximiano septies, vel Maxentio & Romulo:*  
 in Fastis à Cuspiniano vulgatis, *Diocletiano X & Maxi-*  
*miano VII*, simili eius de quo suprà diximus errore. quo  
 anno Galerius Maximianus adscito in consilium Dio-  
 cletiano, Licinium veterem amicum bellique Perfici  
 commilitonem, Cæsarem creauit. eiūque tutelā Illyrici  
 delegatā, cum maximis copiis ingressus Italiam Maxen-  
 tium generum suum Romæ obsedit, & arte Maximiani  
 Herculij ab Vrbe repulsus est. quippe cū suos spe præ-  
 miorum sollicitari ad defectionem, & multos ad hostem  
 transfugere videret: timens ne vt Seuero contigerat, de-  
 fereretur ab omnibus, Italiā excessit. Tum Maximianus  
 Herculus Maxentium filium iam confirmato imperio  
 validum, cuius marcori metuebat, in concione purpura  
 exuere conatus, conuicia & seditionem Prætorianarum  
 cohortium tulit: magnūque adiiisset periculum, nisi ad  
 tentandam eorum in filium suum fidem id seegisse ficto  
 extempore mendacio militibus affirmauisset. Itaque  
 vbi animaduertit Galerio regente Illyricum & Thracias;  
 Maximino Ponticam dioccesin, Asiam, Orientem, ac  
 Ægyptum obtinente; Maxentio in Italia & Africa do-  
 minante; Constantino trans Alpes imperante, nusquam  
 sibi locum consistendi esse, nec se sine prouinciis & sine  
 exercitu Imperatoriam dignitatem tueri diutiùs posse,  
 iterum cedit Imperio, postquam annos circiter duos in-

signia Principatus retinuerat. cùmque se odio esse Maxentio & eius militibus sciret, à Galerio Maximiano petiit, sibi vt per filium ex Vrbe & Italia expulso in Illyrico reliquum vitæ agere priuato liceret. repudiatusque ab Galerio anno II post Consulatum suum decimum, & Galerij septimum, sub specie officij velut visendi Constantini generi sui gratiâ in Galliam proficiscitur, à Maxentio se pulsum simulans: tamquam facilius esset generum spoliare quàm filium. Igitur in urbem Augustam Treuiorum magno omnium fauore & obsequiorum occursum exceptus, priuatum otium in Galliis & regias opes à Constantino consequitur. moxque vt erat matura quidem senectute, sed cruda vir ambitione, & temeritate iuuenili: meditatatur dudum insidias genero molitur. à quo digressus Augustæ Treuiorum, lentè iter faciendo consumptis annonis mansionum, ne quis eum sequi posset exercitus: Arelati in Palatio repente consedit purpuratus. & militibus aliquot sibi adiunctis bis depositum tertio usurpauit Imperium, literisque & pollicitatione præmiorum, ac honorum oblationibus exercitus Constantini ad transitionem frustra sollicitauit. Qua re cognita Constantinus, qui tum in vrbe Treuiris commorabatur, cum omnibus copiis ad eum opprimendum contendit. & in Cabillonensi portu militibus in naues impositis, secundo Arare defluens Lugdunum; inde Rhodano Arelatum peruenit. qua vrbe iam relicta Maximianus Massiliam Græcorum se contulerat. vbi obsessus confestim oppressusque, & captus, cùm ad filium in Italiam perfugere pararet: ab irato Constantini milite fractis laqueo ceruicibus sexagesimo ætatis anno perit: ac fœda morte meritis perfidiæ & intempestiæ ambitionis ac sæuitiæ poenas dedit. satellites verius quàm milites, qui cum Imperatorem appellauerāt, ad vnum omnes interfecti sunt. Eutropius ac Orosius scribunt Maximianum venisse in Galliam, vt oblata occasione Constantinum interimeret: sed proditum à Fausta filia, quæ patris sui insidias & scelerata consilia viro aperuerat, profugisse Massiliam, ibique oppressum esse.

Constantino II, & Licinio II Coss. Fl. Constantinus

Maximus, qui postea ob imagines suas statuâsque in cccxi.  
 vrbe Emona deiectas, Licinio bellum intulit: indigna-  
 tus statuas suas Romæ, iussu Maxentij affinis, euerfas  
 esse: iniuriam vlcisci constituit. atque vt ait Aurelius Vi-  
 ctor, *compositâ pace per Gallias*, ac forsitan quoque cum  
 Francis factâ: (quid enim pacati esse Gallis aliter poterat?)  
 in Italiam profectus est: victorque & occiso M. Aurelio  
 Maxentio Italiam, ac Africam occupauit. tum reuersus  
 eò vnde venerat, tertio Consulatu suo in Germaniam cccxiil.  
 inferiorem contendit. quod Francorum magnæ copię  
 ad ripam Reni confedisse, & datæ fidei immemores eru-  
 ptionem minari dicebantur. simulâsque timere se ma-  
 gis ab Alamannis superiori Germaniâ, celeriter in eam  
 partem versùs castra mouit, ac suo discessu Francos ci-  
 tra flumen elicuit: qui cùm in occultas insidias incidis-  
 sent, à Romanis circumuenti sunt, & oppressi. Inter-  
 ea Flavius Constantinus milites Renum transportauit:  
 agros vastauit: vicos incendit: magno hominum nu-  
 mero capto, nec paucioribus deimproviso cæsis Fran-  
 ciam terroris impleuit. Reportato demum exercitu,  
 victoriam ludis celebrauit, & captiuos crudelem in mo-  
 dum feris obiecit. Hic Constantini arrogantiam mirari  
 libet, quod cùm Maximianum socerum suum paullo an-  
 tè ob purpuram tertium sumtam occidisset, eiusdém-  
 que statuas subuerti iussisset in Galliis: parem sibi à Ma-  
 xentio eius filio factam iniuriam ad eò iniquo tulit ani-  
 mo: vt armis vindicandam putârit.

Eodem tempore in Francia, è regione Coloniz Agrip-  
 pinæ, Castrum Diuitensium iubente ac præsentē Con-  
 stantino à Diuitensibus (quod legioni nomen erat) post  
 victos Francos ædificatum esse arbitrantur Philippus  
 Melanthon, Nicolaus Vignetiſ, Philippus Clauerius, &  
 Isaac Pontanus, fictam abs Ruperto quodam Abbate  
 inscriptionem secuti. quam eùm omnium auctorum de  
 ea re silentium; cum maximè Postumiani nummi, &  
 Hieronymus, ac Senator refellunt. ex quibus discimus  
 nullum vsquam castrum Diuitensium; sed Deusonem in  
 Francia castellum contra Coloniam Vbiorum ante Con-  
 stantini principatum antea ampliùs L fuisse. quinetiam

*Neuajon* siue Nouesium, (castrum cisrenanum Agrippinense proximum) quod Claudius Ptolemæus in magna Germania collocat: id mihi mutandum potius, & *Δουασιον*, hoc est Duasio, vel Deusio suo loco reddendus, quàm tantus Geographus arguendus videtur. Denique Porphyrij quos subiecturus sum, versus nihil trans Renum Constantini fuisse declarant.

Supradictam Constantini aduersus Francos expeditionem ab obliuione vindicauit auctor quidam Gallus in oratione, quâ victum Maxentium, & receptam Italiam Constantino gratulatur. *Non sessus praeliis, & expletus victoriis (ut natura fert) otio te & quieti dedisti: sed eodem impetu, quo redieras in Gallias tuas, perrexisti ad inferiorem Germania limitem: magnâ scilicet intercapedine temporis, ac breui locorum distantia! post annuam expeditionem statim bella auspicatus. Rupe-  
rat fidem gens leuis, & lubrica Barbarorum: & robore, atque audaciâ lectis eruptionis auctoribus institisse Reno nuntiabantur. Ilico obuius adfuiisti: & presentiam tuâ, ne auderent transitum, deterruisti. Et iam videbaris rem votis tuis fecisse contrariam: quod inhibita eruptione non foret materia victoria. sed inopinato consilio usus es. abeundo enim, simulato nuntio maioris in superiore limite tumultus; occasionem stolidis ac ferinis mentibus obtulisti in nostras veniendis: relictis in occulto ducibus, qui securos adorirentur. quò cum venissent, consilium tuum sequitur fortuna. toto Reni alueo oppleto nauibus deuectus, terras eorum ac domos mastas lugentesque populatus es: tantamque cladem vastitatemque periura genti intulisti, ut vix post illud nomen habitura sit. Quid hoc triumpho pulchrius, quo cadibus hostium vteris etiam ad nostrum omnium voluptatem: & pompam munerum de reliquiis Barbarica cladis exaggeras: ac tantam captiuorum multitudinem bestiis obiciis, ut ingrati & perfidi non minus doloris ex ludibrio sui, quàm ex ipsa morte patiantur? Inde est, quod cum exitum differre liceat, perire festinant: seseque letalibus vulneribus & mortibus offerunt. Ex quo ipso apparet, quàm magnum sit vicisse tam prodigos sui. Facile est vincere timidos, & imbelles, quales amena Gracia, & delicia Orientis educant,*  
vix

*vix leue pallium, & sericos sinus vitando Soli tolerantes: & si quando in periculum venerint, libertatis immemores, ut seruire liceat orantes. Romanum verò militem, quem qualemcumque ordinat disciplina, & sacramenti religio confirmat: aut truccem Francum, serinâ solâ carne distentum, qui vitam pro victus sui vilitate contemnat, quanta molis sit superare, vel capere? quod tu, Imperator, & nuper in Italia, & in ipso conspectu Barbaria paullo antè fecisti. Ex his iudicari potest quàm falsò simul & ridiculè affirmet Constantinus Porphyrogennetus Constantinum Maximum inter successores suos, & gentium exterarum Reges, præsertim Christianæ religionis expertes, affinitates contrahi vetuisse: vnis Francis exceptis, qui & cognatione quadam, ac commercio cum Romanis iuncti essent: & splendore, nobilitate, ac potentia ceteris nationibus antecellerent. maximè quòd Constantinus ipse ex his partibus, hoc est ex Britannia Franciæ proxima Princeps ortus esset. apud Eboracum enim patre mortuo delatam sibi à militibus purpuram sumserat.*

Ita fractis Franciæ viribus, non immeritò Constantinus Maximus Augustus præter cetera cognomen Germanici, & Francici vindicauit. quippe in inscriptione, quam Onufrius profert, appellatur IMP. CÆSAR. D. CONSTANTII FILIVS. FL. CONSTANTINVS. MAX. VICTOR. AC. TRIUMPHATOR. PIVS. FELIX. INVICTVS. AVG. GERMANICVS. SARMATICVS. FRANCICVS. GOTHICVS. VANDALICVS. Constantini de Francis victorias intelligi voluit Eusebius libro I de vita eius, cùm ait Barbaros, accolæ fluminis Reni & Occidentalis Oceani, intractabiles, præcipiti audacia tumultuantes: à Constantino initio principatus domitos esse ac mansuefactos. alios autem, quotquot ad humanitatem traduci non posse intelligebat, velut feras quasdam bestias à finibus Imperij Romani remotos, & incursionibus absterritos esse. Easdem victorias per ironiam extollit Iulianus in libro de Cæsaribus, in quo anteposit se Alexandro Magno Flavius Constantinus Maximus: quòd illi cum imbellibus & pauidis Asiaticis: sibi cum Romanis, cum Germanis gen-

tibus; hoc est cum Francis & Alamannis; cum Scytharum quoque populis res fuerit.

Multa deinde bella aduersus Francos paternâ fortunâ gessit Fl. Iul. Valer. Crispus Cæsar, quem Constantinus, ex Mineruina priore coniuge genitum, Galliar præfecerat: eosque & cis Renum, & in Francia præliis superauit. ut legimus in oratione, quam habuit Nazarius anno XV imperij Constantini Aug. Crispi, & Constantini junioris Cæsarum quinto, Constantino VI, & Constantino Cæsare Coss. *Franci ipsi præter ceteros truces sub armis suis ita conciderunt, ut deleri funditus possent: nisi diuino instinctu, quo geris omnia, quos ipse afflixeras, consiciendos filio reseruasses. Quamquam ad gloriam vestram secunda malis suis natio ita raptim adoleuit, robustèque recreata est, ut fortissimo Cæsari primitias ingentis victorie daret: cum memoriâ acceptæ cladis non infracta, sed asperata pugnaret. Quæ tuum, Constantine Maxime, mihi petitus inundaui gratulatio, cui tanto intervallo videre filium licuit, & videre victorem? Narrauit utique exhausta bella, & hoc ad tuam gratiam, non ad sui ostentationem: qualis in excipiendo hoste, quàm resistenti uehemens, quàm facilis supplicanti. Addit Nazarius iacere in latere Galliarum, aut in sinu suo fusam Barbariam: Crispumque Cæsarem iam in obserendis hostibus grauem, terrorem paternum, quo semper Barbaria omnis intremuit, deriuare ad nomen suum cœpisse.*

Constantinus Gallias tametsi filiis alij post alium commissas non rarè visit ac inspexit, & v Consulatu suo ac Licinij Cæs. iterum Pacatiano & Hilariano Coss. Coloniâ Agrippinam petiit. (sicuti leges ibi ab eo supradictis Coss. latæ docent) credo ut cum Francorum Regibus colloqueretur, quos ab Agrippinensibus Renus diuidebat.

Post receptum armis orbem Romanum, quem Diocletianus ante annos circiter XXXIV primus diuiserat: Constantino annum imperij XX Nicomedæ ludis celebrante, Paullino & Iuliano Consulibus Fl. Iulius Crispus Francis bellum parabat inferre. sicut indicare videtur Publius Opatianus Porphyrius, cuius hi sunt versus

ex poemate non laboriosè magis quàm ridiculè composito ad Constantinum Aug. Vicennalia spectacula edentem.

-- *Sed Crispi in fortia vires*

*Non dubia ripâ Renum, Rhodanumque tueri*

*Vltiore parant, & Francis tristia iura.*

Idem ait *populos feroces*, hoc est Francos, & Alamanos, ductu Flauij Crispi Cæsaris & Gallorum copiis transitu Reni, ac rapinis prohiberi.

*Omnis ab Arctoïs plaga sinibus, horrida Cauro,*

*Et tibi fida, suis semper bene militat armis:*

*Résque gerit virtute tuas: populósque feroces*

*Propellit.*

Reliqua piget subiicere. Miror autem, cur Porphyrius vtramque Rhodani ripam neget tum Romanorum fuisse: cùm Rhodanus profluat ex monte Adula, qui est inter Rætos, & Gallos: atque inde per Gallicas gentes in mare decurrat: constetque Gallos omnes, ac Rætos sub imperio Constantini fuisse.

Et Crispum quidem adolescentem eximium, à Flauia Maximiana Fausta nouerca de stupro frustra appellatum, deinde falso insinulatum credulus ac crudelis pater septimo Consulatu iussit interfici. Mirum vt non sit Constantinum, qui in eadem innocentis filij durauerit, in Francos captiuos tam inhumanè sæuuisse. Crispo substitutus est Constantius Cæsar, sicut Iulianus scribit: qui cum Regibus Barbarorum, inter quos Constantinus ex industria bella seuerat; crebrò colloctus est: nec multo post ad custodiam Orientis traductus: & Flauio Claudio Constantino iuniori Cæsari Gallia commissa, qui anno post patris obitum tertio, Acindyno & Proculo  
cccx; Coss. temerè bellum ciens; dum spoliare fratrem conatur, victus apud Aquileiam, & obruncatus suum ipse Imperium amisit.

Sic Flauius Iulius Constans, minimus natus à filiis Constantini, Constantij Aug. nepos, qui Italiam, Illyricum, & Africam obtinebat: ad eas prouincias Galliam, Hispaniam, ac Britanniam adiunxit. Eodémque tempore Marcellino & Probino Coss. Franci magnâ manu Re-

num transierunt: & cum Constante Augusto variâ fortunâ congressi, depopulatâ Galliâ in ea hiemauerunt: ac  
 cccxlii. se Gallorum copiis aluerunt. quos Constans secundo Consulatu, anno ætatis XX quia ferro minimè poterat, auro repulit: non (vti Libanius per adulationem mentitus tradidit) alacritate suâ territos vt pacis condiciones reciperent subegit.

Hanc pacem omnibus victoriis anteferendam ait Libanius in oratione de rebus gestis Imperatorum Constantij, atque Constantis: miraturque Francos, quæ gens Martem spirans quotidianis incursionibus Gallias vastare, & Imperatores fatigare antea consueuisset: neque vllis vmquam verbis, aut viribus à populationibus deterreri potuisset: Constantis aduentu ac fiducia commotos, prælio cum eo decertare ausos non esse. pacem bello, quietem suo contentam dulci aliena prædandi licentiæ prætulisse. accepisse etiam à Constante Principes inspecturos & enuntiaturus, si quid aduersus Imperium Romanum iniretur consilij. Eum in modum sine pugna ac sine cuiusquam vulnere domitos esse Francos, quibus abistere bello, seruitutis instar sit; à rapinis temperare, detrimenti. Addit Libanius ceteras Barbaras gentes maiores, ac minores, quæ modò singulæ per se, modò iunctis viribus vniuersæ finitimas prouincias continuis eruptionibus latrocinijque vexauerant: vbi Francos, cunctis antea terribiles, metu perturbatos pacem petiisse atque domum rediisse compererunt: consternatas similiter, velut detracto sibi capite, quieuisse. Quare apud Aurelium Victorem, & Zosimum, & in libro de vita & moribus Imperatorum dicitur Constans *exterarum gentium* (id est Francorum, & Pictonum Alamannorumque) *motus compressisse*, nihilque à Barbaris metuisse: & eximiâ formâ pueros redemptæ pacis obfides ab illis accepisse. Sophronius Eusebius Hieronymus in Historia temporum, quod Chronicon vocant, refert Constantem anno imperij IIII. *vario euentu aduersus Francos pugnauisse, a quo perdomiti fuerint anno insequenti, & pax cum eis facta.* Hermias quoque Sozomenus libro III Historiæ Ecclesiasticæ negat vllum



ex Italia , & Tranſalpinis partibus Episcopum Antiochenſi Concilio interfuiſſe: quoniam eo tempore Franci Galliam depopulabantur, & in Oriente terra mouebat. Et Socrates libro 11 ait Marcellino, & Probino Coſſ. <sup>CCCXL</sup> Rempubicam non mediocriter eſſe perturbatam: quòd Franci in Galliam tranſierant, quos Conſtans iterum <sup>CCC. XLII.</sup> Conſul vicerit, & ex hoſtibus foederatos Romanorum fecerit. Socratis verborum malus interpres fuit Aurelius Caſſiodorus Senator, (tamenſi cum & Auctor Hiſtoriæ Miſcellæ in libro XI, & Sigebertus in Chronico ſunt ſecuti) apud quem libro IV Hiſtoriæ Tripartitæ Conſtans dicitur *gentem Francorum circa Gallias poſitam, ac tum Romanis infeſtam oppreſſiſſe, & Romano Imperio ſubiecchiſſe.* Eundem in Chronico fecellit biennium. ſcribit enim Leontio, & Salluſtio Coſſ. (quem annum quin- <sup>CCC. XLIV.</sup> tum poſt Conſtantini mortem fuiſſe putat, cùm fuerit ſeptimus) *Francis à Conſtante perdomitiſſis pacem datam eſſe: qui quemadmodum victi, domiti, & oppreſſi ſint, Libanius Conſtantis æqualis ſuprà indicat.* Huius Francorum eruptionis, & Conſtantis aduerſus eos expeditionis mentionem habet in Faſtis etiam Hydatius Foro Limicorum ortus; Aquilauienſis, non autem (vt Sigebertus dicit) Limicenſis Episcopus: traditque Marcellino, & Probino Coſſ. à Conſtante Aug. in Galliis contra gentem Francorum pugnatum: & Conſtantio III, ac Conſtante II Coſſ. *victos* ab eo *Francos* eſſe, *atque pacatos.* Denique ex Cedreno in Epitome Hiſtoriarum, & ex Nicephoro Calliſto in libro I X diſcimus Conſtantem cum Francis, qui Occidentalem Galliam in-cuſſionibus maximè vexabant decertauiſſe, ac rem bene geſſiſſe. Noſtram Galliam, Occidentalem Galatiam Græci vocabant, vt diſtinguerent à Gallogræcia, quam Galatiam Orientalem, & minorem dixere.

Poſt Conſtantis in Francos expeditionem anno octauo ineunte, Sergio, & Nigritiniano Coſſ. Magnentius, <sup>CCCL</sup> natione Francus, Proteſtor antea Conſtantini Maximi, tum autem Iouianorum & Herculanorum Tribunus, Auguſtoduni Æduorum XV Kal. Februar. inter cenam appellatus eſt Imperator: vir fortiffimus, & ob res præ-

clare gestas acceptissimus militi: confestimque ad Constantem insequendum & interficiendum emissarium factionis ac gentis suæ Gaisonem cum lectissimis copiis misit: quem huius cædis ergo in annum sibi Consulatus collegam assumpsit: Gallias, Italiam, & Africam occupavit: Flaviū Nepotianum, scenicum Principem, vnaque matrem eius Eutropiam, Constantini sororem, Romæ intra mensem oppressit: multos vtriusque ordinis, Nepotiani partium adiutores proscripsit & occidit: cum Vetracione, qui sub idem tempus in Pannonia ab Illyrico exercitu factus erat Imperator, societatem iniuit: ac legatos de consortio imperij, & de affinitate frustra ad Constantium misit. deinde non inferiora domesticis copiis auxilia Francorum popularium suorum, Saxonumque accersivit: P. C. Sergij & Nigriniani Constantianos in Pannonia concidit: ad Murliam acie victus & castris exutus est amissis suorum millibus  $xx\ xvi$ , cæsis hostium  $xxx$  millibus. Decentio Cæsare, & Paulo Coss.

cccli. in Occidentis tractibus; in Oriente Constantio Aug. V, & Constantio Cæsare Coss. in Alpibus Iuliis ad mansionem Longaticum (quam  $\pi\tau\iota\chi\epsilon\varsigma$  vetus castellum impositum Alpibus à Iuliano in oratione II de laudibus Constantij A. vocari animaduerto) iterum fusus fugatusque, hostes incautos apud Ticinum superavit: & in Gallia circa Montem Seleucum tertio prælio pulsus, Lugdunum sese contulit: obsessusque clauso Palatio matrem, & Desiderium Cæsarem fratrem iugulauit: similiter propinquos, & familiares, si qui alij aderant, hostilibus contumeliis eripuit. tandem  $xviii$  Kal. Sept. gladio

cccliii. seipse transfixit Constantio VI, & Constantio Gallo II. Coss. corpus eius à Constantianis laceratum, caput per Europæ, Africæ, Asiæque vrbes circumlatum est. denique Decentius Cæsar, quem Magnentius Aug. frater Cisalpinis regionibus præfecerat, III post die,  $xv$  Kal. Septemb. Agendici Senonum, collo in fasciam inserto, se suspendit, Gordianum senioreni imitatus. Constantius (vti in libro  $xv$  Codicis Theodosiani inuenimus) v Consulatu viui Magnentij acta rescidit: eiusdem filium infantem seruauit: & Magnentiacos, Decentia-

cōsque numeros ita dictos, ne nouis rebus studerent, in Orientem transtulit: ac confecto bello anno XVI post patris mortem totius Romani Imperij potitus est. Scribit Zonaras Desiderium nullum à Magnentio letale vulnus accepisse, ei que breui curato, ac dediti se Constantium incolumitatem concessisse.

Hunc exitum fecit Magnentius anno ætatis circa L, imperij IV: iustasque dedit pœnas, Constanti interfecto, qui cum quondam ab ira militum obiectu purpuræ suæ defenderat. Fuit autem corpore magno, & robusto; legendi studiosus; latino sermone promptus; æcer; animi immodicus; in rebus secundis audax, & tumidus; in aduersis cū vana ostentatione fiduciæ timidus; nec sine magna simplicitatis simulatione versutus, & malignus: Religione Christianus: **P** nā Magnentianos, & Decentianos nummos notā **X** hoc est Christi signatos, & a ac Ω literis inscriptos videmus. De Magnentio quidem quæ à Iuliano, & Aurelio Victore ac Athanasio dicuntur, fuisse cum diris, atrisque moribus, stultum; crudelem; ignauum; spectaculis, & voluptatibus ac magicis vanitatibus deditum; rei militaris, & artis imperatoris imperitum; perfidum, impium: hostium conuicia magis, quàm Historicorum verba putanda sunt. præsertim cū Iulianus ipse vī veritatis victus in satyra de Cæsaribus Magnentium multas magnas ac gloriosas res gessisse fateatur.

Ceterum ne quis miretur, quòd Magnentium Francum appellauerim: Iulianus in laudatione Imper. Constantij scribit Francos, & Saxonēs omnium populorum, qui trans Renum & super Occidentalem Oceanum incolunt, maximè bellicosos, sese cum Magnentio naturalis cognationis ergò coniunxisse. & Magnentianum bellum, ciuile appellari non oportere: excitatum enim esse à Barbaro, qui Imperium nefariè arripuisset. Constantiumque rectè fecisse, quòd omnes difficultates perferre, atque omnia pericula adire, quàm Barbarū Romanis imperantem; Tribunicia potestate leges ferentem; Rempublicam cōstituentem; Pontificemque Maximum pro salute Imperij vota facientem videre maluisset. Indi-

gnatūque Magnentium, natione Barbarum; maiorum Constantis mancipium; prædæ Germanicæ infelices reliquias, domino suo manus attulisse: cūque Romanis imperare voluisse, qui nisi eorum beneficio liber esse non potuisset. Idem Iulianus in alia oratione de rebus gestis Constantij tradit Magnentium milites legionarios complures, nec minorem multitudinem equitum ex Gallia & Hispania, præterea cohortes & alas ex præfidiis vtriusque prouinciæ deductas secum habuisse: easque copias aduentu Germanorum esse duplicatas, qui Reno, & Oceano in Occidentem Solem spectanti proximi, communis patriæ causâ, ac spe prædæ ad Magnentium vltro confluxerant. Romanos autem milites, quod à Magnentio homine Barbaro & externo spernebantur, ac Germanis postponebantur: contra Constantium non sponte arma tulisse. & in eadem oratione Magnentium asperum ac impudentem Barbarum ex eorum numero, qui non multo antè bello capti fuerant, appellat. Aurelius Victor, qui Constantij Aug. æqualis fuit, Magnentium *gentis Barbaræ* vocat. Et Auctor libri de vita & moribus Imperatorum eundem parentibus Barbaris, qui in Gallia domicilium habebant, genitum dicit. Zosimus quoque libro 11 scribit Magnentium genus quidem duxisse à Barbaris: sed domo emigrauisse, & inter Lætos, quæ gens Gallica erat, sedem cepisse: atque à Constantino virtutis ergo ad excelsos militiæ gradus esse promotum: ita eum disciplinæ ac linguæ Romanæ notitiam habuisse: uxorem duxisse Iustinam Constantiani & Cerealis alterius post alterum Tribunorum stabuli sororem, ex qua postea Imperator Valentinianus filium sui noministulit. Ex his satis apparet Magnentium natione Francum fuisse: siue, vt Auctor Epitomes Victoris refert, apud Gallos natus sit parentibus, quos inter ceteros Francos Constantius Chlorus ceperat, & in Galliam traduxerat. siue ipse sponte (vt Zosimus commemorat) relictâ Germaniâ vnâ cum patre & fratribus, Constantini principatu, ad Romanos se contulerit, & in ea terra locum domicilio delegerit. Lætos autem, vel (sicuti in libris Ammiani manuscriptis, & apud Zosimum

mum legimus) Letos gentem Gallicam fuisse vt Zosimus  
 suprâ, ita & Eumenius in oratione de rebus gestis Con-  
 stantij Cæsaris videtur indicare: in qua ait Lætum in  
 agrum Neruicum, vnde credo Barbarorum armis expul-  
 sus fuerat, iussu Maximiani Aug. *postliminio* esse restitu-  
 tum. Iidem in libro, qui inscribitur Notitia dignitatum,  
 ac prouinciarum Imperij Romani, Læti Neruij appel-  
 lantur: & Lætiæ opido Neruiorum, cuius mentionem  
 facit Hugbaldus in libro de vita Riktrudis, nomen de-  
 dere. tamen in supradicta Notitia Lætus cùm Gallorum,  
 tum etiam Germanorum præsidiorum per Galliam  
 dispositorum, scilicet Batauorum, Neruiorum, Lingonum,  
 Gentilium Sueuorum, Francorum, Teutonicia-  
 norum cômune prænomen est. Ammianus quidem libro  
 XX adolescentes *Letos quosdam, cis Renum editam Bar-  
 barorum progeniem*; atque in libro XXI legionem quam-  
 dam Lætos vocat. Et Imperator Valentinianus maior  
 in libro VII Codicis Theodosiani negat quemquam  
 nisi datis prædibus Lætis præponi. Ibidem quoque Ho-  
 norius Augustus Lætos, Alamannos, & Sarmatas, nimi-  
 rum captiuos, aut dediticiis oriundos, delectui obno-  
 xios esse, & legionibus inseri solere declarat. Idem-  
 que libro XIII, Barbaris, qui ex multis ac variis genti-  
 bus ad ipsum confluerant, *terras Leticas* diuidi iubet;  
 & pro suis cuique meritis statutum à se agri modum at-  
 tribui: à quibus terris Lætici Liticiani apud Iordanem,  
 nî fallor, cognominantur, & Aëtium in bello Hunnico  
 auxilio iuuisse dicuntur. Ceterùm non est quòd quis  
 existimet Magnentium Francum non fuisse, quòd no-  
 men Romanum ipse fratrèsq; eius ac Magnus pater tu-  
 lerint. nam & Siluanus nomine latino appellatus est fi-  
 lius Boniti Franci: & Barbari qui spe honorum & opum  
 inducti ad Romanos Principes se contulerant, nihil an-  
 tiquius vtplurimùm ducebant, quàm originis suæ mo-  
 numenta abolere, mirum vt non sit Magnum filiòsq;  
 eius Magnentium, Decentium, ac Desiderium, qui diu in  
 Gallia domicilium habuere, patria sua nomina Romanis  
 nominibus mutauisse.

Constantio VII & Constantio III Coss. Constantius cccliv.

Aug. Constantium Gallum fratrem patruelem, quem Cæsarem ante triennium creauerat, & Constantinæ sorori suæ matrimonio iunctum Orienti præposuerat, ob eandem Domitiani Præf. Montij Quæst. aliorumque complurium euocatum purpurâ exui, & capite truci iussit.

ccclv. Anno secundo post Magnentij Franci mortem, nouus iterum in Gallia ex eadem gente ortus est Imperator. *Tum in Palatio Francorum multitudo florebat: ut ait* Ammianus Marcellinus libro decimoquinto, indicioque sunt tot apud eum Germana nomina Protectorum, ac Tribunorum; & ille Candidatus Imperatoris Constantij, quem Hieronymus scribit petito à Principe com meatu, sumtisque ad Consularem Palæstinæ literis commendaticiis, cum magno comitatu iter vehiculis publicis fecisse: & honorificentissimè à Decurionibus Gazæ ad Hilarionem perductum, ac eiecto Dæmone sibi redditum fuisse. Horum Francorum auctoritate & dignitate facilè primus erat Siluanus, Boniti fortissimi viri, & in bello Liciniano optimè de Constantino meriti filius: qui Tribunus Armaturarum, paullo ante prælium Murfinum, cum lætissimo equitatu à Magnentio ad Constantium transierat. sicuti Iulianus in oratione I de rebus gestis Constantij, & Aurelius Victor, ac Ammianus Marcellinus libro XV memoriz tradunt. Is (ut in artum contraham, quæ Ammianus libro XV verbosius narrat) Arbetione, & Lolliano Coss. Magister peditum factus est, & in Galliam missus, quam præsidiis nudam Germani, in primis Alamanni igne ferroque vastabant. Ibi dum hostes fortiter repellit: non autem, uti Iulianus oratione II ad Constantium scribit, exactâ à ciuitatibus pecuniâ ac Germanis datâ pacem amicitiâque redimit: machinatore Lampadio Præfecto Prætorij, confectis Eusebio, ac Ædesio, apud Imperatorem à Dynamio accusatur maiestatis. frustra ciuem suum, amicûmque defendentibus, & calumniatores falsi conuincentibus Malarico Gentilium rectore; Mallobaude Tribuno Armaturarum, paullo antè inquisitore Gallo Cæsari dato: Bappone ductore Promotorum; (quem XVII post anno, Modesto, & Arinthæo Coss. Præfectum vrbs

fuisse in libro VI Codicis Theodosiani inuenimus) Bainobaude tùm Scutariorum, deinde Cornutorum Tribuno; Teutomere Protectore Domestico, hoc est Principis Stipatore; Seniauco turmæ equestri præposito, ceterisque in aula eminentibus Francis. Quibus de rebus Flavius Siluanus in Agrippinensi Colonia certior factus, audiensque seruos & clientes suos torqueri, ac bona velut in fiscum inferenda describi; ne indictâ causâ capitis condemnaretur, nō mediocriter timebat. sollicitum, & aut in Franciam fugere, aut popularibus per Galliam effusus se credere cogitantem deterruit à proposito Laniogaifus Tribunus, natione Francus; quondam Candidatus Imperatoris Constantis, eiusque fugæ vnicus socius; affirmans fore, vt à Francis interficeretur, vel viuus Constantio caput ipsius licitanti traderetur. Itaque mutato consilio Siluanus exercitum, cui præerat, promissis maximis sollicitauit, & Augustus est appellatus. iàmque confluentibus vndique ad eum promississimo quoque & egentissimo; ad opprimendum in hibernis Constantium, per Alpes Cottias Mediolanum contendere parabat: cùm ipsum spe ingentis pecuniæ clam corrupti per Vrsicinum milites die imperij octauo & vicesimo trucidauere. Mox quæstiones de Siluani amicis, & coniurationis participibus crudeles habitæ sunt. Proculus & Poemenius supplicio affecti. Asclepiodotus, Lutto, & Maudio Comites necati. & vt apud Iulianum in oratione II de rebus gestis Constantij legimus, Siluani paruus filius, quem is in Galliam proficiscens obsidem fidei apud Imperatorem reliquerat, incolumis seruatus. Ammianus Marcellinus Siluanum fortissimum ducem, magnorumque meritorum appellat: Aurelius Victor *in Gallia natum Barbaris parentibus* dicit. Eumdem Auctor libelli de vita & moribus Imperatorum *Barbaro* quidem *patrie genitum*, sed Romanis artibus ac disciplinis institutum; naturâ autem blandum, & patientem ait fuisse. vt non dubitem, quin falsò & malignè Claudius Mamertinus in ea oratione, qua Iuliano Aug. pro Consulatu gratias agit, Siluanum tamquam imbellem; libidinosum; curarum, vigiliæ, & laboris intolerantem; auarum,

crudelémque carpat, & *propter cacam imperandi cupiditatem* in ferrum ruisse affirmet.

CCCLV.

Eodem anno VIII dus Nouemb. Flavius Iulius Constantius Aug. Flaviū Claudium Iulianum, fratrem patruelem, Iulij Constantij filium, Constantij Chlōri Aug. nepotem, Galli Cæsaris fratrem, quatuor & viginti annos natum Mediolani Cæsarem creauit, & in Galliam ad repellendos Germanos misit: qui (sicuti Iulianus ipse in epistola ad Athenienses, & Libanius scribunt) quinque & quadraginta vrbibus captis, direptis, ac dirutis; multis præterea castellis; Gallicam ripam Reni omnem, agrōsque vsque ad trecentesium stadium à flumine tenebant: & adiacentem sibi regionem per nongenta stadia erant depopulati. Hos Germanos Zosimus libro III Francos, Alamannos, & Saxones fuisse dicit. Et Alantannos quidem Libanius in laudatione Iuliani, Hermias Sozomenus libro V Historiæ Ecclesiasticæ, & Socrates libro III à Constantio, cum Magnentio bellum gerente, per literas euocatos ac mercede conductos in Galliam erupisse tradunt: contra quos comparatas copias Magnentius in Constantianos duxit; Galliæ tutelâ Decentio fratri permissâ, quem Cnōdomarius Rex Alaniannorum, populatione Galliarum nobilis prælio superauit. Quamquam Iulianus oratione I de rebus gestis Constantij factum eius aut dissimulans, aut ignorans, affirmat Magnentium, abductis secum Galliæ viribus, prouinciā vacuā *Barbaris* reliquisse; quo nomine non Francos, aut Saxones; (quippe hi Magnentij socij erant) sed Alamannos à Iuliano & supradictis auctoribus designati apparet. Francos autem eodem tempore in Galliam incurrisse indicat Ammianus Marcellinus in libro X V, apud quē Constantius Aug. de Iuliano Cæsare faciendo exercitum alloquens, ait *Barbaros tyrannorum*, hoc est Francos Magnentij, atque Siluani popularium *Manibus Romano sanguine parentare*, ruptisque limitibus Gallias impunè peruagari; Franci certè, Barbari ab Marcellino appellati, statim post Siluani mortem Coloniam Agrippinam, clarissimam urbem inferioris Germaniæ obledere, captamque deleuere. At



Saxonibus cum Iuliano rem fuisse nemo præter Zosimum scribit : quæ gens piraticâ famosa, Cimbricam Cherfonefum & insulas Albis ostio obiectas colens ; oram Galliæ maritimam vimineis nauculis, corio bubulo circumfuta, infestam habere magis quàm opida oppugnare, aut interiora regionis penetrare consueuerat.

Insequenti anno Viennæ cum hiemauiisset, & insignia Consularis summisset Iulianus Cæsar, Colonia in Agrippinensem ante menses circiter decem captam, ut ipse in epistola ad Senatum populûmque Atheniensem ait, recepit. Unde Ammianus Marcellinus libro XVI tradit Iulianum ingressum Agrippinam, ante eius in Gallias aduentum excisam, non prius inde mouisse, quàm cum Francorum Regibus, furore mitescente perterritis, pacem Reipublica profuturam firmauisset, urbemque munitissimam refecisset.

Constantio IX, & Iuliano Cæsare II Coss. apud Argentoratum commisso prælio caesa sunt Alamannorum sexcenta millia; Chnodomarius Rex captus; plurimi vi fluminis Reni ablati, atque submersi : ex parte Iuliani CCXL & VII desiderati; in his Bainobaudes, de quo supra mentionem feci, natione Francus, Tribunus Cornutorum. Cum post eam victoriam Iulianus Cæsar vastatâ Alamanniâ, exercitum in hiberna deduceret; audiissetque Francos aliquot per occasionem, prædarum agendarum causâ, in Galliam irrupisse: & inter Renum ac Mosam loca nuda præsidiis, vicisque Iuliacensium, ac Traiectensium depopulari: ad eos opprimendos contendit. Erant autem Franci (sicuti Marcellinus libro XV II scribit) haud ampliùs quàm sexcenti: quos, credo quòd & patrio more leuiter armati, & insitâ quadam velocitate præditi erant; velites appellat. Hi Cæsaris aduentu exterriti duo munimenta dudum deserta, ad ripas Mosæ posita occupauere: circumfessique per II ferè menses Decembrem atque Ianuarium, nimirum diebus IV & L oppugnationem sustinuerunt. Interea Cæsar veritus ne quia flumen congelauerat, silentio profugerent; milites luforiis, hoc est leuibus nauigiis inuectos, noctu glaciem frangere iubebat. Ita Franci fame & inopiâ pressi, & assiduus laboribus vigiliisque confecti se dedi-

derunt, atque ad Constantium sunt missi. quos ille confestim solutos, & armatos copiis suis immiscuit, miratus speciem ac magnitudinem corporum: nam singuli multorum instar esse videbantur. Addit Marcellinus Francos magnâ manu ad eximendos obsidione ciues venisse: cûmque eos iam captos ad Constantium perducere cognouissent; nihil præterea ausos domum reuertisse. At Libanius in laudatione Iuliani ait hos multis suorû amissis repulso esse, nec sexcentos, sed mille admodum castello vacuo ab incolis se inclusisse, atque ab Iuliano captos esse. Hoc est, quod in epistola ad Athenienses Iulianus ipse scribit duobus præliis, & vnâ expugnatione Barbaros mille, ætate florentes, in suam potestatem venisse.

ccc.  
lix.

Eusebio, & Hypatio Coss. Claudius Iulianus Cæsar, sexcentarum nauium classe fabricatâ, deductâque in Renum, Germanis bellum intulit: partem Saliorum in fidem accepit: Chamauos expulit: magno puerorum, mulierum, pecorisque numero potitus est: tantum denique Chamauis terrorem iniecit, vt & obsides dederint: & quæ præcipua expeditionis causa erat, frumentum ex Britannia insula (quod ipsis inuitis supportari potuisse negat Eunapius) in castella ac hiberna militum ad Renum posita tutò deinde & facillè sit subuectum. sicuti fieri consueuisse Libanius in laudatione Iuliani, Ammianus Marcellinus libro XVIII, & Zosimus libro III tradunt. Equidem Iuliano in epistola ad Athenienses ita loquenti de se magis quàm Marcellino, tum in Oriente sub Vrsicino militanti, credi arbitror oportere: qui nec vllius classis comparatæ mentionem facit; nec in Reno, hoc est, vt Zosimus docet, in insula Batavorum; sed in continente Gallia aduersus Salios, & Chamauos bellum à Iuliano gestum esse dicit. Sic enim libro XVII refert: cûm Franci, qui Salij appellantur, Toxandriam locum, vel opidum Toxandrorum ante aliquot annos occupauissent: Datiano, & Cereale Coss. Iulianum ad eos opprimendos omnibus copiis contendisse. properanti, & iam Atuacam Tungrorum ingresso legatos à Saliis de pace occurrisse, ac postulasse, vt sibi, nisi lacefferentur, quieturis suis in finibus considerare eius

ccc.  
lviii.

voluntate liceret. quos Iulianus Cæsar cum mandatis donisque remiserit pollicitus, dum re deliberata reuerterentur, se ibidem expectaturum: ac nihilo segnius post discessum legatorum motis castris; & Severo Magistro equitum ad ripam Reni versus, quæ effugium patebat, proficisci iussu, celeriter exercitum in Salios duxerit, cunctosque deimproviso diuersis è partibus aggressus, perculos ac supplices cum coniugibus & liberis in deditiorem acceperit. è Chamauis deinde, qui similiter cis Renum agros armis quæsitos tenebant: multos occisos; captos; reliquos in fugam coniectos esse; ac pace per legatos impetratâ incolumes domum rediisse. Tum tria munimenta, siue castella, quæ illi imposta flumini Mosæ funditus euerterant, iussu Iuliani à militibus esse restituta. libro autem XV III Marcellinus scribit anno insequenti Eusebio, & Hypatio Coss. Iulianum CCCLIX. horrea in eorum locum, quæ Germani circa ripam Reni incenderant, plurima extruxisse, in eaque frumentum, quod alendis militibus satis erat, condidisse. Eiusce aduersus Salios expeditionis quis fuerit euentus Libanius in laudatione funebri Iuliani docet, in qua dicit Iulianum Cæsarem, more fulguris circa flumen Renum repente visum, tantum omnibus Saliis terrorem iniecis-  
 se, ut traduci eò quod vellet suppliciter orarent, sub eius imperio & ditione futuri. agros itaq; petentibus Cæsarem dedisse, ac postea Barbarorû aduersus Barbaros operâ in bello vsum esse. Quæ ita gesta esse Iulianus ipse suprâ scribit: nisi quod non nomen omne Saliorum, ut ait Libanius, sed partem tantum gêtis, quæ in Galliam irruerat, deditiorem fecisse veriùs dicit. Salios autem in Galliæ finibus à Iuliano collocatos esse docet libellus, principatu Honorij & Theodosij minoris editus, qui Notitia dignitatum & prouinciarum Imperij Romani inscribitur: in quo legimus Salios Seniores, eo cognomine à Saliis Iunioribus distinctos; quod primi inter Romanos recepti sunt, intra Gallias sub viro illustri Magistro equitum Gallicanorum militauisse. Zosimus non modò Salios, sed etiâ Quados in deditiorem redactos esse lib. III affirmat, ac memoriæ tradit Quadis, parti Saxonum, cum eru-

ptionem in Galliam facere pararent, finitimos Francos, captis armis, iter per suos fines dare noluisse: ne Cæsar iustam belli ipsis iterum inferendi causam haberet. (Nam ut suprâ docuimus, Iulianus in primo Consulatu cum Regibus Francorû, Deufonem Coloniz Agrippinensi ab ipso captæ oppositum, pagosque vicinos, per quos Saxones nonnumquam in Galliam contendebant, tenentibus, pacem inierat.) Quados itaque tumultuarius nauiculis Franciam circumuectos accessisse ad insulam Batauorum amnicarum maximam: quam occupauerant Saliij, Francica gens, à Saxonibus agris expulsi: & fufis fugatisque Saliis, ibi sedem capeffiuiffe. tum superueniente cum exercitu Iuliano Cæfare, Salios iam à Quadis exagitatos vnâ cum Rege suo vltro eius se fidei ditionique permiffisse: Chamauos Cariettonis Franci præclarâ operâ furtis potius quàm præliis oppressos esse: & ex vtriusque gentis dediticiis legiones, quæ eius ætate nomen retinebant, à Iuliano factas. Quibus verbis Zosimus docet Salios, hoc est partem Saliorum; sub aduentum Iuliani in Gallias, à Saxonibus è finibus suis pulsos, in insula Batauorum confedisse: ibique Iulianum Cæsarem cum Saliis, & Quadis bellum gessisse. Quamquam nonnulli docti viri, cum animaduernerent Quados à Valeria regione Pannoniz flumine Danubiò diuifos; ab Oceano, & Saxonia longiffimè abesse: & apud Iulianum, ac Marcellinum Saliorum, & Chamauorum velut vnâ eadêmeque expeditione subactorum mentionem fieri: Zosimum errare, & Chamauos in Quadorum locum substitui oportere existimauerunt. in quos quæ de Quadis Zosimus dicit, nihilo magis conueniunt. Neque enim Chamauos partem Saxonum appellare licuit, cum & ab Eumenio in laudatione Constantij Cæsaris, & à Sulpicio Alexandro libro IV Historiz inter Francorum gentes numerentur. Neque eosdem aut per fines Francorum pedestri itinere in Galliam contendere: aut ut insulam Batauorum inter ora fluminis Reni positam peterent; Franciz litora classe præteruehi oportuit: si verum est, quod Cornelius Tacitus, Tabula Theodosiana, Sulpicius Alexander, & Eunapius Sardianus docent, Chama-

uos

uos circa inferiorem ripam Reni coluisse: vnde in Galliam, à qua tantùm flumine Reno dirimebantur, ipsis transire facillimum fuit. Præterea auctores huiusce sententiæ, dum Zosimi errorem vitare volunt, in alium nec opinantes incidunt: Chamausque, & Salios, utroque Francorum populos, sine causa hostes ex conterraneis ac consanguineis faciunt. Erunt forsitan, qui credent, quidquid Zosimus de Quadis suprà dixit, Caucis maioribus conuenire: quos Claudius Ptolemæus scribit oram Septemtrionalis Oceani ab amne Visurge vsque ad flumen Albim tenuisse; Saxonibus super ceruicem peninsulæ Cimbricæ habitantibus confines: itaut Cauci à conterminis Saxonibus postea domiti, pars eorum vocari potuerint. Cui opinioni libenter accederem, si apud auctores, qui de eo bella scripsere, & in Notitia dignitatum Imperij Romani vti Saliorum, ac Chamauorum, sic Caucorum mentio fieret: & Claudianus Caucos Francorum nationibus non annumeraret.

Ceterum animaduerto Chamauos (vt ex his, quæ Eunapius & Petrus tradunt, colligi potest) multis suorum occisis; multis captis; in his Regis ipsius filio; ex insula Batauorum à Iuliano expulsos, in finitimam partem Germaniæ; hoc est in suas sedes reuertisse: quibus Cæsar in hosticū transgressus, ac cum Rege gentis collocutus pacem acceptis obsidibus dedit. Sic autem Eunapius scribit Iulianū Cæsarem, cū in Germaniam transiret, & Chamaui, vt ipsis ignosceret, supplices peteret: Nebiogastem Regem in colloquium venire iussisse. quem vt in ripa fluminis Reni cum suis stantem conspexit; adhibito interprete se, si obsides sibi darent, cum his pacem facturum dixisse. affirmantibus Chamaui totidem eum fidei obsides, quot captiuos habere: Iulianum respondisse hos se bello cepisse: obsides verò à volentibus tradi oportere. deligerent itaque ex Optimatum numero, quos huic rei maximè idoneos existimarent. aliter pacem suspectam & infidam fore. Rogantibus Barbaris; diceret apertè, quos vellet obsidum nomine accipere: Cæsarem, vt Regis vnicum filium, quem ipse captiuum in sua potestate habebat, ad se adducerent, exegisse. Tum verò

Nebiogastem, ac Chamauos magno gemitu ciulatuque flentes, & ad pedes Cæsaris prouolutos orasse, ne imperaret, quod facere non possent: neque enim mortuos ad vitam reuocare sibi licere. tandem silentio facto Regem ita locutum esse. Vtinam Cæsar, viueret filius, tibi ut obses traderetur, hac seruitute quàm regni mei possessione fortunatior futurus. At ille, dum fortius quam cautiùs more iuuenum dimicat: à militibus tuis quis esset ignorantibus est interfectus: quem tu, tamquam adhuc uiuat; pacis obsidem poscis: ego autem occisum nunc primum impatienter lugere incipio: propterea quòd intelligo eo amisso spem pacis mihi simul esse sublatam. Hunc si in acie cecidisse credideris, consolabor me ipse, quantum in meo grauissimo casu potero: sin minùs, & pater, & Rex inuidiosè miser habendus sum. quoniam nunc domesticam calamitatem cum Republica communicare cogor, & idèd Regni potiri videor, ut mihi priuatim non liceat esse infelici. Hac oratione motum Iulianum ne lacrymis quidem temperauisse auctor est Eunapius: & postquam satis Barbaros deluserat, filium Nebiogastis Regis Chamauorum; cui capto omnis honos, cultusque regius seruabatur, repentè produxisse: & cum patre colloqui iussisse. tùm Barbaros perinde à mærore in admirationem versos, quasi non Regis filium adolescentem, sed eius imaginem ab inferis excitatam viderent, stupentibus similes stetisse, ac totis artibus diriguisse. Deinde Iulianum Cæsarem, postquam Chamauis meps rediit; & captiuus finem loquendi fecit; talem orationem habuisse. Hunc vos iuuenem in prælio periisse existimabatis, sed Deus fortasse, aut Romanorum clementia seruauit: quem ego non à vobis ex pacto traditum, sed bello ac vi captum, obsidis loco habere constitui. Et ipsi quidem, dum apud me erit, nihil ex pristina fortuna defuturum polliceor. vos verò, si fidem datam fregeritis, nec conuentis steteritis, vestrorum omnium iacturam facietis. neque id propterea dico, quòd in obsidem quidquam grauius sum consulerus. crudelis enim, & inhumani animi est pœnas alieni criminis ab infonte expetere, & ferarum rabiem imita-

ti, quæ venatores canēsque insequentes dum fugiunt, in obuium quemque sœuire solent: sed quòd gloriari licet neminem adhuc mecum sine sua pernicie pugnauisse: nedum credatis vobis, si fœdus ruperitis, Deo aduerso meliùs successurum. His per interpretem auditis, Chamaui suppliciter magis pacem petentes, quàm (vt ait Eunapius) Iulianum Cæsarem, tamquam præsentem Deum venerabundi procubuerunt: eidémque bona ac læta omnia sunt precati: qui pace cum eis æquis legibus initâ, Nebiogastis matrem, sicuti poposcerat, obsidein accepit.

Constantio X, & Iuliano III Coss. milites Gallicani, cccclx, quorum optimam & maximam partem Imperator Constantius ad custodiam Mesopotamiæ traducere volebat: transmarinam militiam detrectantes defecere: & Iulianum Cæsarem Luteciæ Parisiorum, vbi tum hiemabat, inuitum per vim Augustum appellauere. qui eodem anno (vt Marcellinus in libro XX scribit) cùm Attuarij, Franciæ gens quietis impatientissima, finitimorum cladibus nequaquàm deterriti oram Galliæ exteriori prædationibus licentiùs infestarent: in inferiorem Germaniam contendit: & apud opidum Tricesimam exercitu Renum transportato, eorum regionem proximam flumini improuiso intrauit: ac Attuarios inopinantes, atque etiam securos, quòd se locorum aditu difficilium præsidio munitos existimabant; neque ob id vllum antea Principum Romanorum in suos pagos exercitum introduxisse meminerant; facillè oppressit: multisque capris, & occisis reliquos omnes, vt pacem peterent, & leges à se dictas acciperent subegit: non aliter Gallos, qui circa ripam Reni, & oram Oceani incolebant, à Francorum latrociniiis tutos se præstare posse arbitratus. Ex his, quæ suprâ diximus, apparet Claudium Iulianum, cùm de bello Constantio inferendo apud milites orationem haberet, haud immeritò gloriatum populandi diuturnam licentiam, & continentes irruptiones Alamannorum atque Francorum suo ductu ac ipso virtute repressas esse: ab eo enim (sicut Eutropius & Orosius loquitur) magnâ Alamannorum multitudi-

ne fufâ; & *ſummoti ultra Renum Germanis*, (hoc eſt Francis) fines ſui Imperio Romano ſunt reſtituti.

Anno inſequenti Tauro & Florentio Coſſ. mortuo Conſtantino Aug. Iulianus Orbis Romani potitus eſt.

ccc-  
LXIII.

Iuliano IV Conſule ad bellum Perſicum proſecto, atque occiſo: v Kal. Iulias Iouianus Varroniani Comitis filius, natione Pannonius Imperator eſt ſalutatus: eodémque anno Malaricus Francus, qui ſub Conſtantio Auguſto Tribunus Gentilium fuerat: cùm negotia, quæ habebat in Italia, per ſe ipſe procuraret: delato ſibi per codicillos à Fl. Iouiano Principe Magiſterio militum Galliarum vti noluit. Circa idem ſerè tempus Mellobaudes Tribunus, & Siluani quondam amicus, ac ciuiſ (quemadmodum Marcellinus in libro XXV ſcribit) vnà cum Neuitta, & Victore apud Saporem Regem Perſarum pacis obſes fuit: dum Fl. Iouianus Aug. magis militum fami quàm ſamæ ſuæ conſulens, regiones quaſdam & opida atque caſtella ad ripas Tigris poſita hoſtibus tradit, quamquam hunc in aliquot Marcellini libris manuſcriptis non Mellobaudem; ſed Bellouedium appellari animaduerto. Non multo poſt Seniaucum quoque Tribunum, cum Lucilliano Iouiani ſocero, milites Gallicani ſeditione orta interemerunt.

ccc.  
LXIV.

In libro quintodecimo Codicis Theodoſiani inuenio inſequenti anno, quo Iouianus, & Varronianus Conſules fuerunt, exercitui, qui in Dacia Ripenſi erat, Tautomedem Ducem præſuiſſe. cuius ego Ducis nomen nec linguæ Græcæ, nec Latinæ notum emendari, & in Teutomerem mutari oportere arbitror: eoque nomine Teutomerem deſignari: quem & natione Francum, & Conſtantij Auguſti Stipatorem fuiſſe ſcripſi.

Eodem anno mortuo Iouiano Flauius Valerius Valentinianus Cibaleſis Gratiani Comitis filius ex Tribuno ab exercitu factus eſt Imperator.

ccc.  
LXV.

Valentiniano & Valente Augg. Coſſ. Valentinianus Coloniam Agrippinam petiit, non ob aliud, credo, quàm vr cum Francorum Regibus ſœdera antiqua ex more iniret: vt docet lex Codicis Theodoſ. libri XI titulo XI inſerta, & data pridie Kalendas Octobres Agrippinæ



Valentiniano & Valente Augg. Coss.

Eodem anno superioris, inferiorisque Germaniæ leg-<sup>ccc.</sup>  
gionibus præerat Charietto homo Francus, cuius supra<sup>lxxv.</sup>  
mentio facta est: & cuius de rara magnitudine, de exi-  
miis viribus, de præclaris factis, & de inuicta terribi-  
lique audacia Ammianus Marcellinus libro XV II Eu-  
napius apud Suidam, ac Zosimus libro III referunt.  
Hic, vt Marcellinus in libro XXVII tradit, supradictis  
Coss. cum Alamannis pugnavit, qui post Kalendas Ia-  
nuarias Renum transfierant, & apertis limitibus Galliam  
incurſionibus vastabant. dùmque fugam suorum obiur-  
gationibus, & obiectu corporis sistere conatur; diùque  
confidenter consistens pedem referre erubescit; ab ho-  
stibus est interfectus: & Alamanni per vtramque Ger-  
maniam, ac Belgicam licentiùs effusi prædam ex agris  
egerunt: quos, vt in tres partes exercitum diuiserant;  
anno sequenti Flavius Iouinus Magister equitum cum<sup>ccc.</sup>  
furtis belli feliciter oppressit; tum præliis fortiter supe-<sup>lxxv.</sup>  
ravit, semel apud Catalaunos Barbarorum VI millibus  
in acie cæsis, IV vulneratis. vnde apud Hydatium in  
Fastis dicitur Valentinianus Gratiano Nobilissimo, &  
Dagalaifo Coss. gentem Alamannorum vicisse.<sup>ccc.</sup>  
<sup>lxxv.</sup>

Lupicino & Iouino Coss. Flavius Valerius Valenti-<sup>ccc.</sup>  
nianus Pannonius, vt antea Valentem fratrem, ita Gra-<sup>lxxv.</sup>  
tianum filium nonum annum agentem, assentiente exer-  
citu Gallicano Samarobriæ Ambianorum in consor-  
tium Imperij recepit. Tum sicuti Marcellinus in libro  
XXVII scribit, Franci, & qui Francis finitimi erant, Sa-  
xones tractum omnem Galliarum vicis ac opidis, quò  
adire terrâ marique potuerunt, direptis ac incensis; ca-  
ptiuis etiam interfectis sunt depopulati. Hoc loco no-  
tandum est non apud Marcellinum tantum, sed etiam  
apud Iulianum, Eutropium, Ambrosium, Orosium, Zo-  
simumque, & alios scriptores Francos Saxonibus sem-  
per, ac plerumque Alamannis quadam honoris præro-  
gatiuâ præponi; atque à Libanio plurimarum gentium  
Barbararum maiorum minorumque caput appellari  
propterea quòd longè validissimi & nobilissimi Ger-  
manorum omnium, ac belli gloria præstantissimi erant.

Sub idem tempus cùm Picti, Scoti, & Atacotti Nectari-  
 dum præfectū oræ maritimæ, & Fullofaudem Ducem in  
 Britannia victos occidissent: Theodosius, Theodosij  
 Principis pater, à Valentiniano Aug. aduersus eos missus  
 est. qui Barbaris in siluas ac paludes suas compulsi; re-  
 giones, quas intra Vallum occupauerant, recepit: & vt  
 existimo rebus Britannix compositis, mare à piraticis  
 classibus Francorum & Saxonum vindicauit: & Francos  
 quidem in insula Batauorum fudit: Saxones autem gen-  
 tem feram in Septemtrionalis Oceani litoribus ac palu-  
 dibus inuisitā, virtute ac repentinis incursionibus  
 terribilem circa Orcadas nauali proelio superauit. Sanè  
 apud Onufrium, & Goltzium legitur inscriptio, in qua  
 Imperator Cæsar Fl. Valentinianus, vnà cum Fl. Valente  
 fratre, & cum Fl. Gratiano filio Imperatore II, Consule  
 I, *Germanicus Maximus, Alamannicus Maximus, Fran-*  
*cicus Maximus, Gothicus Maximus, Tribunicia potestatis*  
*VII, Imperator sextum, Consul II* appellatur. Præterea  
 Drepanius Pacatus, Gallus, Procōsularis vir in oratione,  
 quā Theodosio Aug. occisum Maximum gratulatur, in-  
 ter patris eius Theodosij res gestas clades Francis Saxo-  
 nibusque illatas numerat his verbis. *Qua Renu, aut*  
*Vacalis vidit aggrediar? Iam se mihi Sarmatica cade san-*  
*guineus Ister obuiet. Attritā pedestribus prælis Bata-*  
*uiam referam? Saxo consumtus bellis naualibus offeretur.*  
*Redactum ad paludes suas Scotum loquar? Compulsus in*  
*solitudines auias omnis Alamannus, & vterque Maurus.*  
 Eundem Theodosium Drepanius eadem in  
 oratione Saxonici nomen meruisse ait. Apud Claudia-  
 num de IV Consulatu Honorij Aug. auus eius Theodo-  
 sius supradictus appellatur

*Terribilis Mauro, debellatorque Britanni*  
*Litoris, ac pariter Borea vastator & Austri.*  
 cuius ductu — *Maduerunt Saxone fuso*  
*Orcades: incaluit Pictorum sanguine Thule:*  
*Scotorum cumulos fleuit glacialis Iuerna.*

Quibus in versibus quod asserit Claudianus, Pictos in  
 insula Thule; Scotos in Ibernia à Theodosio fusos ac  
 fugatos esse: id poëtica fide dici constat. Nam Marcel-

linus, & Pacatus Drepanius auctores sunt Pictorum, & Scotorum copias in Britannia præliis victas esse: cuius dimidiam partem ad Septentriones conuersam, siluis & paludibus impeditam ac sterilem ob idque neglectam à Romanis, & muro per transversam insulam ducto exclusam Picti indigenæ, siue Britanni liberi; ferro ora artusque pingere soliti; & Scoti ex Ibernia orti tenebant.

Valentiniano III, & Valente III Coss. Saxones, qui <sup>ccc. lxx.</sup> piraticis lembis iterum in Galliam peruecti maritimam oram depopulabantur, perfidiâ Seueri Magistri peditum circumuentos, ac occidione occisos esse Ammianus Marcellinus libro XXVIII scribit. Quam iniuriam clademque popularium vlturi Saxones Valentiniano IV & Valente IV Coss. cū tertium in Galliam erumpere <sup>ccc. lxxiii.</sup> pararent, eoque per Germaniam magnâ manu ire contenderent: circa Deufonem in Francorum finibus Valentiniani auspiciis oppressi sunt, & interfecti. quemadmodum Hieronymus, & Orosius in libro VII, & Cassiodorus Senator in Chronico tradunt. Hic Pontanum, & quosdam alios nostræ ætatis doctos viros mirari conuenit, qui à Marcellino, & ab Hieronymo, ac Orosio vnius cuiusdémque Saxonum expeditionis mentionem fieri dicunt. cū altera incursio naualis; altera pedestris: hæc tertio Consulatu Valentiniani Aug. (vt Marcellinus ait) illa quarto (sicuti Cassiodorus Senator prodit) facta fuerit. cū præterea in hac incursione Saxones classe Galliam petierint; ibi prædas ex agris egerint; Nannecium fuderint; pactique vt inuiolatis abire & naues conscendere liceret, à Seuero contra religionem iurisiurandi insidiis excepti sint, & occisi: In illa *periculosam Romanis finibus eruptionem* (sicuti Orosius loquitur) *magna mole meditantes* priusquam Renum transirent, & Galliam ingrederentur, in regione Francorum apud Deufonem à Romanis sint cæsi: quod castellum Colonix Agrippinæ obiacens tum forsitan Romanorum præsidio tenebatur. quippe Ammianus Marcellinus in libro XXVIII & XXX auctor est Valentinianum Aug. castra siue hiberna legionum, & castella à capite

Reni vsque ad ostia posita in altitudinem extulisse: & cellissimas turre in vtraque fluminis ripa Romana hostilique opportunis locis crebras constituisse: vnde longe lateque despici posset, ne qua ex improviso à Germanis in Galliam eruptio fieret. Quæ causa fuit, quare Franci principatu Valentiniani ad vastandam Galliam Renum aut numquam, aut admodum raro transferint: præsertim cum Valentinianus delectu habito in prouinciis, maximèque in Gallia; tironibus etiam ex Germania conductis exercitus adauxisset.

ccc.  
lxx.

Supradictis Valentiniano III & Valente III Coss. Burgundiones, gentem Germanã, quos Marcellinus Burgundios appellat, bellicosos & immensa multitudine omnibus finitimis timendos; Valentinianus Aug. crebro scriptis ad eorum Reges literis in Alamannos immisit: pollicitus eodem se tempore Renum cum exercitu transiturum, & territis ac palantibus superuenturum. quo probato consilio Burgundionum Reges cum lectissimis copiis vsque ad ripas Reni progressi, antequam Valentinianus in exstruendis munimentis occupatus milites in vnum locum conduxisset, prouincialibus magno terrori fuere: atque ibi paullum commorati ad Valentinianum Aug. qui die constituta non venerat, legatos misere cohortes auxilias petitem, quibus suorum domum redeuntium terga tegerentur. quo non impetrato indignati se à Principe deceptos ac derisos in suas sedes reuerterunt. ita Marcrianus potentissimus Alamannorum Rex Burgundiones euasit. vt libro X XVIII tradit Ammianus Marcellinus, qui & adiicit Regi apud Burgundiones vetere quodam instituto Regnum abrogari consueuisse, si sub eo clades accepta esset; aut frumentum angustius prouenisset: sacerdotem verò omnium maximum, qui Sinistus appellaretur, fuisse perpetuum, nec ullis discriminibus obnoxium: Burgundionisque de finibus ac de salinis cum Alamannis sæpe pugnauisse: & iam inde à priscis temporibus *fovelem eos esse Romanam*: quos Mamertinus contra in Genethliaco Maximiani Aug. cum Vandalis, Burgundiis, & Alamannis numerat inter populos, *quibus numquam contigit esse Romanis*. At Hieronymus

in

in Chronico, Orosius in libro VII, & Cassiodorus Senator scribunt triennio post, nimirum IX imperij Valentiniani anno, Valentiniano & Valente IV. Coss. *Burgundionum LXXX ferè millia ad Renum descendisse, & ripe fluminis insedisse.* quo anno Saxones, gens quò ventus ferret inexploratò erumpere; & captiuorum decimum quemque Diis patriis immolare solita, cum transire in Galliam pararent, apud Deufonem in Francorum finibus ab Valentiniano Aug. oppressi fuerant. Orosij verba notanda sunt. *Burgundionum quoque novorum hostium capit nomen novum, qui plusquam LXXX millia, ut fertur, armorum ripe Reni fluminis insederunt.* Ex quibus colligo Valentiniani principatu intra quadriennium duas à Burgundionibus expeditiones esse susceptas: quarum altera à Marcellino describatur; altera ab Hieronymo, Orosio, & Senatore enarretur. quippe in priori expeditione Burgundiones accersiti amicique venerunt, & in Valentiniani gratiam Alamannis bellum illaturi: in posteriori *hostes*, (vt ait Orosius) Valentinianoque ob promissum non seruatum infesti, ac in Galliam, si possent, erupturi: hæc Valentiniano III & Valente III Coss. illa in IV vtriusque Consulatu facta est. neque existimo armata millia LXXX non aliter quàm *cateruas letissimas* ab Ammiano Marcellino appellari debuisse, aut ad domumreditionem egere externi presidij, ac tantopere tergis suis timere potuisse. mirorque Paullum Orosium, quòd Burgundiones Valentiniani maioris principatu *novos hostes*, ignotòsque antea Romanis fuisse putet, *novumque* eorum *nomen* tum audiri primum coeptum affirmet. cum Plinius Secundus in libro IV Germanos, & partem Vindilorum, hoc est Vandalorum Burgundiones vocet: quos Zosimus similiter libro I Vandalis tamquam finitimos adiungit, Burgundòsque appellat. vt eorum nomen Valentiniano impetrante nouum esse nequaquam potuerit, quod ætate Plinij, seu Flauij Vespasiani principatu ante Valentinianum annis amplius CCC notum iam Romanis erat. Sed nec tum *novi hostes* Romanorum Burgundiones fuisse dici possunt: si quidem (vt Zosimus libro I prodit) post Au-

- CCLXXV. reliani Aug. mortem vnà cum Vandalis in Galliam erupere, depopulatísque eius prouinciis vbi domum reuertere; in suis sedibus Probi Principis vires experti sunt anno ferè centesimo ante I V Valentiniani Consulatum. & paucis pòst annis, adiunctis sibi Alamannis, magnà manu Renum transiere, ac in Gallia (quemadmodum ait Claudius Mamertinus) fame & pestilentia magis, quàm Maximiani Herculij armis Romanorúmque militum virtute confecti sunt: móxque orto de finibus bello Alamannorum agros occupauere, & amissa repetentibus Alamannis, vtraque gens magnis cladibus attrita est. Denique Hieronymus, & Senator, cùm de eadem, qua Orosius, Burgundionum expeditione loquentes dicunt *Burgundionum LXXX ferè millia, quot numquam antea; ad Renum descendisse.* satis apertè indicant multas antea alias expeditiones aduersus Gallos à Burgundionibus susceptas, nullam tamen tot ac tantis copiis factam esse. Et hi quidem Burgundiones, quos Procopius & Agathias Burguziones, & nonnumquam Burgunziones; Iordanes manuscriptus Burgundzones appellat, trans Renum in Germania sedes habuere. alij autem Burgundiones, Scythica gens vltra Istrum coluere: à Claudio Ptolemæo Frugundiones dicti, & in Sarmatia Europæa positi. quos Iordanes in libro originũ rerũque Gothorum Burgundiones vocat, & Philippi principatu à Fastida Gipedum Rege, exercitum hac veluti prolusione expeditioni Gothicæ præparante, pæne ad internecionem caesos ait. Eosdem Zosimus in Historiæ libro I Vrugundos appellat, & vnà cum Gothis, Boranis, ac Carpis Istri accolis Illyricum omne incursionibus impune vastauisse
- CCLXXVI. Valeriano & Galliceno imperantibus tradit, atque vrbes Europæ, quæ Thraciæ prouincia erat, captas diripuisse. Ex quibus intelligitur hosce Burgundiones Gothis, & Carpis fuisse finitimos: quod, & Claudius Mamertinus indicat in Genethliaco Maximiani Aug. vbi etiam Burgundiones gentem Germaniæ à Burgundiis (ita enim appellat) gente Scythica distinguit. verba Mamertini vt emendentur ponenda sunt. *Gothi Burgundios penitus excidunt: rursum pro victis armantur Alamani.* Vbi Alani
- CCLXXVII.

suo loco reddendi sunt, & Alamanni in Germaniam remittendi. Alani enim Tanaitæ Gothorum, qui Greutungi vocabantur, fines attingebant. at Critici quidam, cum Burgundiones, gentem Germanam Alamannis confinem, & Burgundios apud Mamertinum vnam eandemque nationem esse putarent, Burgundiis pro Alanis Alamannos socios & auxiliarios temerè adiungere. Idem mendum reperio in libro II Constantij Presbyteri de vita Germani Autessiodurensis Episcopi, in quo Eocharius pro Alanorum Rege Alamannorum Rex appellatur. Agathias Burgundiones hosce, *Burugundos gentem Hunnicam*, non veriùs quàm Burgundiones eos, qui ex Germania in Galliam transiere, gentem Gothicam vocat. quippe Historiæ libro V scribit Hunnos, qui communi nomine Scythæ appellantur, in plures nationes fuisse diuisos, atque alios Cutriguros; alios Vturguros, vel Vturguros; alios Vltinzuros; alios Burugundos; alios aliter nuncupatos: qui cum Mæotin transissent, cultoribus regionum victis & expulsis in Europa confederint: è quibus Vltinzuros, ac Burugundos vsque ad Leonem Aug. <sup>CCCC.</sup> hoc est, vsque ad Attilæ mortem nobiles ac validos fuisset: sua autem ætate, nimirum Mauricij Tiberij principatu neutrius gentis nomen audiri Romanis: vel quòd excisi ac funditus euerfi pridem erant: vel quòd alias sedes remotas à limitibus Imperij Orientis petiuerant. Hi sunt Vltinzuri, quos Iordanes Vltinzures appellat, & cum Bittuguribus, hoc est Vtiguris, & Angilciris Denzici Hunnorum Regi Attilæ filio paruisse prodit. Prosper autem & Iordanes auctores sunt mortuo Attila Rege plerosque, qui sub Hunnorum imperio erant, ab eius filiis de regno inter se contendentibus descivisse, inde bella exaruisse, & ferocissimos populos mutuis incursionibus ac cladibus esse attritos, nec paucos domo emigravisse. Equidem Burgundiones præter ceteros paruisse Hunnis scio. nam Apollinaris Sidonius in carmine VII Burgundiones, atque vnà Sciros, gentem Sarmaticam, Attilam in Galliam secutos dicit,

*Scerum Burgundio cogit.*

Sed ob id gentibus Hunnorum eos annumeratos esse,

ccc-  
lxxv.

aut vnà cum Hunnis Mæotin tranſiſſe non credo. cùm Hunni ætate Valentis Aug. paludem Mæoticam tranſierint, & Sarmatiam Scythiàmve Europæam Gothiſ expulſiſ occupauerint: Burgundiones verò ſupradicti (vti Zoſimus indicauit) ante hunc tranſitum annis ampliùs CXX in Sarmatia Europæa ſedes haberent, & Thraciam ac Illyricum depopularentur. Vt appareat eoſdem poſtea ab Hunnis Mæoticum lacum tranſgreſſiſ vnà cum finitimis Alanis & Gothiſ, ceteriſque Sarmatarum nationibus domitos eſſe: meliùſque ac verius Agathià Procopium affirmare Hunnos Vtiguſ, ac Cutriguſ ſolos, (qui tamen iam tum hiſ nominib; noti fuiſſe mihi non videntur) nec vlloſ vnà Burgundiones Mæotin tranſiſſe. Hæc de Burgundionib; cùm Tranſrenaniſ, tum Tranſiſtrianiſ notaui, vt ſtudioſi faciliùs auctoreſ de vtriſque loquentes intelligerent, neque ex Germaniſ & Scythiſ confuſiſ gentem vnã facerent.

ccc-  
lxxv.

Poſt Conſulatum Gratiani III, & Æquitij Valentinianuſ maior Bregetione in Valeria parte quondam Pannoniæ deceſſit: & Valentinianuſ minoreiſ ex Iuſtina filiùſ, tum quadrimuſ in caſtriſ ad Aquincum opiduſ VI poſt die ab exercitib; Gallicaniſ & Illyriciſ Imperator eſt conſalutatuſ, Æquitio, & Merobaude Magiſtro peditum, ac Cereale pueri auunculo auctoriſ: factũque militum mox Gratianuſ Aug. Valentiniani maioriſ ex Seuera priori vxore filiùſ comprobauit. à diuerticulo Francoſ repetamuſ.

Vetuſ quidam rerum noſtrarum ſcriptor, Theoderici Merouingorum Regum penultimi æqualiſ; Rorico Monachuſ; Auctoſ libri de vita Sigeberti Dagoberti filij; Aimoinuſ in libro I Hiſtoriæ; Sigebertuſ, aliſque recentioreſ tradunt Troianiſ, ſeu Sicambrſ Pannoniæ tum incolſ, ac Mæotidi paludiſ viciniſ, iamdiu Imperio Romano (vt affirmant) ſubiectiſ tributa in decenniũ ab Valentiniano maiore remiſſa eſſe. quòd eorum operã Alanuſ, qui defecerant, victiſque in ſupradictam paludem ſe receperant, ibidem ad internecionem cecidiſſet. ob id Francoſ, hoc eſt ferocēſ, ab Imperatore appellatoſ eſſe: poſt annuſ 10 vectigal dependere recuſauſſe: Senatoreſ



Romanum, exactoresque interfecisse: & à Valentiniano atroci proelio fufos præter ceteros Regem Priamum Alanorum victorem amisisse. tum Francos ne libertatem perderent digredientes finibus Pannoniæ, ac relictâ vrbe Sicambriâ, Marcomere & Sunnone ducibus in Germaniam commigrauisse, & circa ostia fluminis Reni sedem cepisse. Et in legis Salicæ proœmio dicuntur Franci pauci numero, sed virtute præstantes grauissimum Imperij Rom. iugum excussisse: armisque libertatem recuperauisse. similiter Monachus quidam in libro II rerum gestarum Caroli Magni scribit Germaniam, Francosque à Romanis defecisse. Quam totam fabulam aliàs, vti spero, euertam, neque huic loco inseruissem, nisi nonnullos doctos viros, quidquid apud quosque auctores legerint, pro certo habere animaduertissem. Nunc (ne de Francorum origine, ac nomine; de Sicambria opido; & de Pannonia procul à palude Mæotide terris fluminibusque diuisa loquar) nego Francos, & Alanos Principibus Romanorum stipendiarios vmquam esse factos. Nam & Franci centum annis ante Valentiniani ætatem continentibus incursionibus, quas suprà scripsi, prouincias Imperij Romani, in primis finitimam Galliam vastauerunt: & Flavius Vopiscus auctor est, cùm Interamnæ statuæ marmoreæ Taciti ac Floriani fratrum fulmine icte contritæque concidissent; consultos Haruspices respondisse ex eorum familia Imperatorem Romanum quandoque exoriturum, qui Parthis ac Persis iudices daret; & Francos ac Alamannos legibus Romanis assuefaceret. Nitardus quoque in libro I bellorum ciuiliū ait Francos Romanis viribus domari non potuisse. Denique ne Valentinianum quidem Alanis bellum intulisse vllus historicus scribit. contrà Ammianus Marcellinus libro XXXI tradit eosdem sua ætate, id est Valentiniani principatu, in Scythia finitimis omnibus bello superatis, qui & ipsi victorum nomine appellabantur, imperauisse. constatque Renum vt antea, sic tum maximè; & Danubium, ex quo Aurelianus vetere Daciâ decessit; finem Imperij Romani fuisse: & quarto regni Theodosij, septimo post mortem Valentiniani anno, Antonio,

& Syagrio Coss. (sicut Prosper Aquitanus in Chronico refert) Priamum in Francia regnare cœpisse. Neque est, quodd quisquam dicat à Constante, & ab Honorio Reges Franciæ præpositos fuisse videri. quando Drusus Cæsar Vannium Sueuis imposuit: & Zizais à Constantio Aug. Regnum Sarmatarum liberorum accepit: atque Parthamaspates à Traiano Rex Parthorum apud Ctesiphontem est constitutus. Sueuos tamen, & Sarmatas, & Parthos nemo est qui credat vñquam Imperio Romano paruisse. Nec auctorum contrà sentientium opinionem Iordanes quidquam adiuuerit, à quo dicitur Aëtius *superbiam Sueuorum*, hoc est Iuthungorum, *Francorumque barbariem magnis cadibus seruire Imperio Romano cœgisse*. quippe his verbis Iordanes tantum ostendit Francos, & Iuthungos post aduersa prælia, factamque pacem Romanis contra hostes auxilium tulisse: sicut Meroueus Francorum Rex bello Hunnico fecit. Ita Flavius Vopiscus in libro de vita Probi Aug. loquitur, affirmans omnes Germanos, hoc est Francos, & Alamannos, quos alij Alamanos, alij Alemannos, quidam Alemanos appellant, cum à Proculo sollicitarentur, *Probo seruire, quam cum Proculo esse maluisse*.





HADRIANI  
VALESII  
RERVVM FRANCICARVM  
LIBER SECVNDVS.



PTANDVM nobis fuerat, vt re-  
rum à Maioribus nostris aduersus  
Romanos, & Barbaros terra ma-  
ríque gestarum Francos scripto-  
res haberemus. Verùm quoniam  
vti ceterarum nationum ita &  
nostræ à Romanis primordia pe-  
tenda sunt, qui præsertim in pane-  
gyricis clade gentium dissimula-  
tis earumdem victoriis in Imperatorũ gratiam amplificã-  
runt: vereor ne pleraque superiore libro de Francis dicta  
ingratâ relatione lectorum animos fatigarint: dum in-  
felices incursionum euentus; victos Francos, & aut ex-  
fos in acie; aut captiuos in arena cum Regibus suis be-  
stiis obiectos; ac insultationes Romanorum expono.  
Quamquam si quis attentè cõsideret, quo se modo Fran-  
ci his in calamitatibus gesserint: haud dubiè fatebitur  
nusquam clariùs & illustriùs eorum virtutes eluxisse,  
quas ipsorum hostiũ oratores aliud agendo imprudentes  
laudauerunt. Quanto enim animo quantãque constan-  
tiâ Franci captiui, ne in amphitheatro Romanis diutiùs

ſpectaculo eſſent, mortem ſibi ignominia leuiorem maturauere? & cùm ceteri ad beſtias condemnati ſuppliciter vitam precari; aut exſanguis metu totâ arenâ fugere ſolerent: ipſi tamquam parum eſſet emiſſas cauea feras exſpectare, vltro eis occurrebant; ſæuientium rabiem laceſcebant; vrſorum riſtibus ſemet ingerebant. cùm tamen natio frequens & valida tot continuis cladibus non infringi, ſed accendi; tam crudelibus ſuorum ſuppliciis non ab incurſionibus deterreri, ſed ad vltionem ſtimulari, & ad maiora audenda incitari videretur. Certe Fl. Valerius Conſtantius Cæſar in Bataua, in inſula Britannia, in media denique Francia magnas ex Francis victorias tulit. num ideo poſtea Conſtantini principatu Franci rariùs in Gallias irruerunt? Num à Conſtantino toties viſti arma depoſuerunt? nonne & Criſpo Cæſari, & Conſtanti Aug. eius filiis bellum intulerunt? nonne, vt ceteros antea omnes in Gallia tyrannos; ſic tum Magnentium auxiliis iuuerunt? nonne occupationibus, & mortibus Imperatorum, ſegnitiâ Ducum; abſentia legionum in occaſionem incurſionum uſi ſunt? vt quæ domi decrant opes de Romanis quærerent, & ignominiam acceptam vlcifcerentur. Si tamen tam ignominioſo nomine clades Francorum appellare licet, quos conſtat ab Romanis non vi, ſed dolo; non præliis, ſed furtis vinci conſueuiſſe: & quos præter ceteros truces, ferina contentos, ac vitæ contemptores Panegyriſta quidam fatetur difficillimè ſuperari potuiſſe. Aſcaricum quidem & Regaiſum Francorum Reges tamquam tranſfugas vel fugitiuos turpiſſima ac tæterrima morte affectos eſſe indignabitur magis quàm mirabitur, qui Duces hoſtium à veteribus Romanis victos ante currum duci, & in carcere necari ſolitos non ignorauerit. Sic Ariſtonicum Regem Pergamenorum carnificis manu ſtrangulatum; ſic Iugurtham Numidiæ Regem fame necatum; ſic Antigonum Iudæorum Regem iuſſu M. Antonij Triumuiſi ſecuri percuſſum accepimus. & ne ſibi placeant finitimi Francis Alamanni; Regem eorum Valentiniani maioris principatu à militibus Romanis captum & ſuffixum patibulo apud Ammianum

Mar-

Marcellinum inuenimus. minùs vt mirum sit Constantinum, qui in Dardania natus inter Mœsos *ipforum* (vt ait Florus) *Barbaros Barbarorum*, multum à popularibus traxerat feritatis: qui filium; vxorem; ambos Licinius, alterum sororis virum; alterum filium; multòsque amicorum suorum interemit: in Reges nostros tam inhumanè læuissè. cuius læuitiæ hanc præcipuam causam fuisse ex Eutropio intelligitur, vt eo supplicio Constantinus milicem sibi & Gallorum animos conciliaret: quorum alteri continuis Francorum irruptionibus fatigati semper in armis esse cogebantur: alteri sine intermissione vexati populationes agrorum suorum in auctores vindicari cupiebant, & perpetuam sibi securitatem ac pacem occisis hostium Regibus promittebant. Neque tamen prouincialibus voto potiri, ac militibus quiescere licuit, antequam Constans Aug. Constantini Maximi filius pacem cum Francis fecisset. quo tempore ob aduentum eorum in Galliam tanta Occidentis prouincias perturbatio, tantusque terror inuaserat, vt Galliarum atque etiam Italiæ Episcopi inuitati à Constantio Aug. ecclesias sibi commissas deferere, & Concilij habendi causa Antiochiam proficisci non auderent. Tum igitur pace factâ, multi primores Frâcorum ad Constantem; ac deinde ad Constantium fratrem eius se contulere: eorùmque multitudo in Palatio florere cœpit. ita factum est, vt qui domi remanserant Franci rariùs postea in Galliam erumperent. Siue quodd Optimates suos Principibus Rom. militantes reuererantur: siue quodd eum popularibus pugnare nefas esse existimabant. tantum enim fidei ac virtuti Francorum Imperatores credebant, vt eos sæpiùs ac libentiùs quàm Romanos ad muniendam ripam Reni, & ad reprimendos non Alamannos modò, sed etiam Francos ipsos mitteret. Ita Siluanum Francum Constantius Magistrum militum fecit, & in Galliam, quæ ab Francis & Alamannis ferro & igne vastabatur, misit. Ita Charietto nationis eiusdem principatu Valentiniani Comes per vtramque Germaniam, exercitum Francis, Alamannisque oppositum rexit. Ita Mallobaudes Francorum Rex ab Gratiano Aug. Comes Domesti-

corum factus, & cum magnis copiis aduersus Alaman-  
nos missus est. à qua expeditione libri huius Deo auspi-  
ce sumemus exordium.

CCC-  
LXXVIII.



VALENTIS VI & Valentiniani II Consula-  
tus quàm Occidentalibus lætus, & felix;  
tam Orientalibus Romanis funestus ac  
pæne exitiabilis fuit. quippe Gothi, quos  
à Mœsia inferiore & Scythia Thraciæ pro-  
uinciis Ister antea diuidebat: ab Hunnis suis sedibus ex-  
pulsæ, ac iussu Imperatoris in finibus Thraciæ collocati  
ex constituto rebellauere. ac primò Lupicinum; mox  
Traianum Duces fudere: vltimò Valentem ipsum totis  
Imperij viribus instructum ad duodecimum lapidem ab  
Hadrianopoli acie victum occidere. atque exinde ex  
vexatoribus Thraciæ & Illyrici prouinciarum posses-  
sores fieri cœpere: maiori postea Occidentalibus, quàm  
Orientalibus Romanis exitio futuri. At eodem anno in  
Occidentis tractibus cùm Lenticenses, Alamannorum  
gens Ratiæ proxima; XL millibus hominum coactis in  
Galliam irrupissent: Gratianus Aug. Nannienum cau-  
tum Ducem cum exercitu aduersus hostes misit: eique  
socium imperij dedit *Mallobaudem, Domesticorum Co-  
mitem, Regemque Francorum, virum fortem ac bellicosum.*  
qui ambo apud Argentouariam opidum superioris Ger-  
maniæ Lenticenses acie fuderunt ac fugauerunt. adeò vt  
(quemadmodùm Ammianus Marcel. lib. XXXI scribit) ex  
prælio Barbarorum millia non ampliùs quinque super-  
fuerint: Rêxque ipse, nomine Priarius, auctor belli sit  
interfectus. Eiusdem Lenticensium, siue Alamannorum  
cladis Hieronymus, Orosius, & Cassiodorus Senator  
mentionem faciunt: è quibus Senator, à Marcellino sine  
causa dissentiens, Gratiano IV & Merobaude Coss.  
prælium commissum esse dicit. Hic est Mallobaudes  
Rex, quem Marcellinus libro XXX Mellobaudem ap-  
pellat: & cuius insidiis circumuentum Macrianum,  
Alamannorum Regem potentissimum, dum popula-  
bundus auidius quàm cautiùs Franciam peruagatur; per-  
iisse tradit. quem præterea Tiro Prosper prodit Rico-

CCC-  
LXXVII.

mere, & Clearcho Coss. Magistrum militiæ fuisse, & Gratiano circa Luteciam Parisiorum cum Maximo cōfligente, ad Maximū transiisse. Verba Prosperi huic loco inlerere conuenit. *In Britannia per seditionem militum Maximus Imperator est factus: quomox in Gallias transfretante, Gratiānus apud Parisios Merobaudis Magistri militum proditione superatus, & fugiens; Lugduni captus atque occisus est.* Quibus in verbis mendū esse, & sublato Merobaudis nomine, Mellobaudis nomen in suū locum restitui oportere nulli animaduersum miror. Nemo enim in Marcellini ac Pacati lectione versatus nescit Merobaudem Magistrum peditum in Gallia; deinde bis Consulē, Imperatorisq; Gratiani amicum & consiliarium, fidem ei ad vltimum sanctissimam præstitisse: rebūsq; perditis, & Gratiano ab exercitu suo deserto ac prodito, quodd militibus Romanis paucos Alanos ingenti mercede conductos anteponeret: arbitrium Maximi victoris suapte manu occupauisse. Comites autem, hoc est rectores Domesticorum equitum & peditum (ne quis Mallobaudem Francorum Regem cō functum officio miretur) Præfectorum, & Magistrorum militiæ auctoritati proximi fuere: adeoque dignitate eminuerē, vt Diocletianus, & Michael cognomento Τραυλός ex Comitibus Domesticorum; Iouianus ex Domesticorum primo; Glycerius etiam ex Domestico facti sint Imperatores: & Bacurius à Rufino gentis Iberorum Rex, à Socrate Regalis dictus; ac Ataulfus, qui post Alarici mortem Gothorum Rex fuit; præterea Dagalaifus, Ricomerēs, Stilico, Castinus, Sporacius, Venantius, Mauortius, qui omnes ad Consulatum peruenere; Comites Domesticorum fuerint. quamobrem Malchus præfecturam, seu (sicuti vocabant) Comitiam Domesticorum inter Palatinas dignitates claram & illustrem appellat. Apud Ammianum Marcellinum inuenio Mallobaudem, & Ricomerem vno eodēque anno, nimirum Valente VI & Valentiniano II Coss. Comites Domesticorum Gratiani fuisse. Ex quo apparet alterum Domesticis equitibus; alterum Domesticis peditibus præfuisse. Et de Mallobaude quidem suprā diximus: nunc de Ri-

comere pauca dicenda sunt.

Fuit Ricómeres natione Francus; stirpis Regiæ; patriæ virtutis & religionis tenax. Hic à Gratiano Augusto, ad quem se contulerat, in Thraciam præmissus; postulante Frigerno Rege Gothorum, ut Imperator Valens ex nobilibus viris aliquos ad se obsides mitteret; vltro se ad hostem ferunt ac perfidum isurum pollicitus est; *argumenta dignitatis* (inquit Martellinus) *& natalium datus.* Ausonio deinde & Olybrio Coss. inter ceteros, quos ut antea Valentinianus fratri; sic Gratiānus Theodosio. primo eius imperij die (sicuti Pacatus dicit) tradidit; apud Sirmium Comes Theodosio datus est. Libanius in libro de vita sua scribit à Ricómere Deorum cultore Magistro militum dilectum se antequam visum: & apud Antiochiam mutuo conspectu ac congressu amicitiam coniunctam, & omnem sibi honorem habitum esse: inde Ricomerem ad Imperatorem Constantinopolim venisse: eodémque se eius mox futuri Consulis literis euocatum, Consulatum ineunti eloquentiam suam laudatione approbauisse: & Ricomerem interroganti Principi, cuius maximè Rhetoris oratione esset delectatus, Libanij respondisse. Ex quo apparet Ricomerem, quem Socrates Rychomelianum appellat; non modò Latinis, sed etiam Græcis literis doctum fuisse: & à Theodosio Magistrum vtriusque militiæ; deinde cum Clearcho Còsulem factum, nequaquam post Gratiani mortem (ut aliqui arbitrantur) ad Theodosium se contulisse. Nam Socrates libro v, Marcellinus in Chronico, Paullus in libro XII Historiæ Miscellæ Merobaudæ II & Saturnino Coss. v III Kal. Septembres; Prosper autem, & Cassiodorus Senator anno insequenti Ricómere & Clearcho Coss. Gratianum occisum memorant. Ut etiamsi Socrati ac Marcellino credere velimus; tamen non potuerit Ricómeres intra menses IV ex Gallia Constantinopolim peruenire, inde Theodosio probatus simul ac visus Antiochiam ad res Orientis componendas mitti, Constantinopolim regredi, & Consul creari, quod præmium nisi expertis & benemeritis dari non solebat. Neque mirandum est, quòd

ccc.  
lxxix.

ccc.  
lxxxiv.

ccc.  
lxxxiii.



ambo. Consules vnus eiisdémque anni à Theodosio facti sint: cùm Consulatu Theodosij Aug. II, & Cyl<sup>CCC.</sup>  
negij, item Timasij & Promoti; Arcadij Aug. II & Ru<sup>LXXX.</sup>  
fini, idem in tractibus Occidentis Valentini-<sup>VIII. IX.</sup>  
no, idem acciderit. Zosimus à Libanio & à vero dis-  
sentit, ac libro IV prodit Ricomerem in regia Valenti-  
niani, hoc est Mediolani in Italia versatum: quo tempore  
Arbogasti, nimirum populari suo atque amico Fl. Eug-  
genium commendauerit: ac postea ad Imp. Theodosi-  
um profectum esse, additque Theodosium expeditionem  
in Eugenium paratam, equitatu Ricomerem vir-  
tutis multis bellis expertæ virum præficere statuisse: sed  
hunc interim morbo obiisse. Quintus Symmachus qui-  
dem, cuius sunt ad Ricomerem, quem studiosè coluit,  
XVI epistolæ; eum siue à Theodosio missus, siue aduer-  
sus Maximum in Italiam ductus erat; Romam venisse  
scribit: eiusdem constantiam in amicitia, virtutes, oc-  
cupationes, curas, literas optatas & iucundas, benigni-  
tatem in se, mores, & mensa; communes etiam amicos  
Flavianum, qui bis Præfectus Prætorij, & Historicus dis-  
sertissimus fuit; ac Eugenium postea Imperatorem ce-  
lebrat: eique pro munere Consulatus eius, quod anno  
post acceperat, gratias agit. Apud Libanium v epistol-  
as MSS. legimus: quarum in vnâ nuntio victoriæ Rico-  
meris allato Antiochenes letari admodum dicit. In al-  
teriâ eius ductu magnas res gestas; multa secunda prælia  
facta; plurimos hostes superatos; eius consilio ac manu  
Imperatorē adiuuari scribit. tres reliquæ nihil memoriâ  
dignū habent. Ceterum non dubito, quin Ricomeres ille  
ipse sit, qui in Fastis Cōsular. à Gregorio citatis Richime-  
res vocatur, Theodomeris Regis Francorum ex Afcila  
pater. cùm Ricomeres Clearchi collega in Fastis Capito-  
linis, & in Senatoris Chronico Ricimer, ac Flavius Richi-  
mer à Græcis Richomeres appelletur: & apud Ammianū  
Marc. natalium splendore ac dignitate eminuisse dicatur.

Aufonius Burdigalensis, ex Præfecto Consul à Gra-  
tiano factus, in Precatione prid. Kalendas Ianuarias fasci-  
bus sumtis, & in gratiarum Aetione pro Consulatu Fran-<sup>CCC.</sup>  
cos, ac Sueuos (id est Alamannos) certare ad obsequia,<sup>LXXXIX.</sup>

ccc.  
LXXVIII.

vt cum Romanis militent, scribit: & Gratianum Aug. discipulum suum affirmat vocandum esse Germanicum ob deditionem gentilium; Alamannicum ob translationem captorum: atque vno anno pacatum esse Danubij limitem, ac Reni. & in antiqua inscriptione apud Resendium Gratianus *Germanicus Maximus, Alamannicus Max. Francicus Max. Gothicus Max. Consul* 1111 appellatur, non immerito: quippe Mallobaudis Regis, comitumque eius Francorum; præterea Ricomeris, ac Bautonis opera utebatur: & Arbogastem Francum, factione inimicorum expulsum domo cum suis ad se receperat: atque Valente VI & Valentiniano II Coss. per Nannium ac Mallobaudem Alamannos Lentienses acie fuderat: coegeratque robustissimos iuvenes, tironibus admiscendos, obsidum loco tradere: & multitudinem captiuorum in Galliam traduxerat: & eodem anno ductu Theodosij Magistri militum Gothos, Hunnos, ac Alanos interfecto Imperatore Valente, deletoque eius exercitu per Thraciam & Illyricum licentiùs effusus tanta cæde prostrauerat, paucis vt clam Danubium transnandi, aut litribus transeundi, domumque reuertendi spatium daret. Quæ fuit causa, quare Gratianus Augustus Theodosium, Theodosij Magistri equitum viri fortissimi ac felicissimi ex Thermantia filium, natum in vrbe prouinciæ Callæciæ Cauca, annum tertium & tricesimum agentem, Aufonio & Olybrio Coss. XI V. Kalendas Februarias apud Sirmium Imperatorem crearet, & de exercitus sententia in Valentis patrui locum substitueret: quem Marcellinus in Chronico Diui Traiani ciuem, & Italicæ genitum falsò scribit.

ccc.  
LXXIX.

Huic paullo post aduersus Gothos, Hunnosque Thraciam & Macedoniam Fritigerno duce depopulantes bellum gerenti, & à Gratiano auxilium expetenti missus est cum magnis copiis Bauto dux, & vnà Arbogastes, qui quoddam sub Bautone ciue ac amico & tùm & sæpe aliàs militauit, eique dignitate ac potentiâ proximus fuit; apud Eunapium Bautonis secundarius fuisse dicitur. Erant autem ambo (vt Zosimus libro I V scribit) natione Franci, viri fide in Gratianum singulari, summâ erga

Romanos beneuolentiâ; maximè omnium abstinentes, nec vnquam pecuniâ corrupti; consilio in bello ac virtute præstantes. quorum aduentu territi Barbari, relictâ Macedoniâ, vltimam Thraciam petiere, & pace factâ domum rediere. Et Bauto quidem à Græcis Baudo; in plerisque Fastis Flavius Bauto appellatur: quod prænomen Constantinus Maximus gentiliciû habuit, omnèsque fermè à Constantino Imperatores, & Augustæ; & priuatorum vanissimus quisque; plerique Consules; etiam Theodericus Ostrogothorum & Italarum Rex; Vesigothi Hispaniæ Reges ampliùs decem; & Autharius Princeps Langobardorum ridiculâ affectatione vsurpauere. Is bello Alamannorum, qui tum Galliam continuis excursionibus vastabant; inter celeberrimos Duces fuit, ac magnas ibi res gessit: cùmque Clemens Maximus interfecto Gratiano Cisalpinas prouincias occupauisset; Italiam, & Africam Valentinianus minor Gratiani frater haberet in potestate; Theodosius, ac Arcadius Imperium Orientis obtinerent; Gratiani partium viris aliis occisis, aliis qua quisque ratione potuit libi consulentibus; ipse vnâ cum Arbogaste ex Gallia in Italiam ad Valentinianum perfugit. vel certè abs Gratiano Comes, & Magister militiæ fratri datus est: apud quem à Probo Præfecto Prætorij potentiâ secūdus est habitus: Hunnisque ac Alanis mercede conductis fretus Iuthungos, gentem Alamannam, quos Maximus ad depopulandam Rætiâ euocauerat, non modò fudit ac fugauit; sed etiam Alamanniam ingressus, vastatis agris magnû finitimis Gallis terrorem iniecit. Idem præterea cum Arcadio Aug. Consul creatus Mediolani Consulatum iniiit: vbi ab Aurelio Augustino homine eloquentissimo sanctissimoque, eâ tum in vrbe artis Rhetoricæ Professore Kalendaris Ianuarii maximo conuentu laudatus est. sicuti Augustinus ipse libro III aduersus Petilianum tradit. Apud Quintum Symmachum in libro I V duas ad Bautonem epistolas legimus. in altera Symmachus Bautonem fidelissimum; & vt diligentem in comparandis amicitiiis, ita in seruandis firmum atque constantem ait esse: etque pro munere Consulari, quale Consules ini-

ccc.  
lxxxv.

tio anni amicis mittere solebant, gratias agit. In altera crebris Bautonis literis, *fraterni animi testibus, ac vera religionis interpretibus*, negat sibi quidquam esse iucundius. Ex quo apparet Bautonem Christianum non fuisse. Vnde etiam Ambrosius Mediolanensium Episcopus in Epistola ad Imperatorem Eugenium refert *presentibus viris amplissimis honore Magisterij militaris Bautone & Rumorido*, dissuadentibusque; Valentinianum minorem in sumtus sacrorum pecuniam erogari, stipendium Flaminiis, ac virginibus Vestalibus de publico statutum reddi, & aram Victoriæ Romæ in Curia reponi vetuisse: contrà Eugenium petentibus Arbogaste & Flavianio Præfecto de se bene meritis iussisse. Idem in Relatione legationis suæ ad Valentinianum Aug. epistolâ XXVII colloquium suum cum Maximo, & sermonem de Bautone habitum scribit his verbis. Max. *Me lussisti, & ille Bauto, qui sibi Regnum sub specie pueri vindicare voluit; qui etiam Barbaros mihi immisit: quasi ego non habeam, quos possim adducere, cum tot millia Barbarorum mihi militent? Ambr. in quo te fefellit Bauto, qui devotionem Imperatori exhibuit suo? an quia Principem suum non prodidit? Quos immisit Barbaros Bauto Comes? & quid mirum, si hoc Bauto fecisses Transfrenanus genere; cum tu miniteris Imperio Romano Barbarorum auxilia? Vide autem, quid interfit inter tuas minas, & Valentiniani Augusti pueri mansuetudinem. tu id agitabas, quò Barbarorum stipatus agminibus Italia te infunderes: Valentinianus Hunnos, ac Alanos appropinquantes Gallia, per Alemannia terras reflexit. Quid habet invidia, si Bauto Barbaros cum Barbaris fecit decernere? In medio Romani Imperij sinu Iuthungi populabantur Retias: & ideo adversus Iuthungum Hunnus accitus est. Idem tamen quia de finitimo proterebat Alemanniam, & iam vicinia mali urgebat Gallias; coactus est suos triumphos deferere, ne tu timeres. Confer utriusque factum. tu fecisti incurfari Retias: Valentinianus suo tibi auro pacem redemit.*

Bautonem hunc Philostorgius lib. XI, & Niceph. Callistus libro XIII produnt natione Barbarum, (hoc est Francum) & Magisterio militum in Occidentis tractibus

bus clarum atque illustrem fuisse, ac filiam nomine Eudoxiam reliquisse, puellam eximiâ corporis pulchritudine, sed vt origine sic ferociâ ac insolentiâ barbarâ: quæ ob id & à Cedreno Barbara dicta, cùm apud Promoti Consularis viri filium educaretur, Olybrio & Probino Coss. Arcadio Augusto nupsit, virum & Remp. habitu-<sup>cccv.</sup> ra in potestate. ea Nobilissimam Flaccillam auix paternæ cognominem; Pulcheriam Aug. Marciani coniugem; Arcadium; Theodosium minorem postea Principem; ac Marinam peperit: & Arcadiâ grauida Augusta est salutata; depositâ Nobilissimæ appellatione. Eutropium eunuchum ex seruulo Præpositum sacri cubiculi, Patricium, & Consulem factum; & Ioannem cognomento Chrysostomum, disertissimum ac sanctissimum Episcopum sibi aduersantes oppressit: & Selymbriam opidum Thraciæ restitui, atque Eudoxiopolim appellari iussit. Eidem, ante annum quàm decederet, Theodosio iuniore & Rumorido Coss. argentea statua palu-<sup>cccciit.</sup> data super columnam ex porphyrite Constantinopoli ante Senatum locum ita dictum posita est, & scenicis ludis dedicata. Ceterum errant, qui Hydatium secuti Eudoxiam Arianam fuisse, & ob id Ioanni infestam tradunt. nam nec de fide cum Ioanne contentiones habuit: nec in relegati locum Hæreticum Antistitem; sed Aisacium pium hominem, atque religiosum sufficiens curauit: nec ab Innocentio vrbis Romæ Episcopo; ac ne à Ioanne ipso quidem; nedum à quoquam alio vilius hæreseos accusata est. Quare non magis Eudoxia Aug. Arianarum partium fuit, quàm aut Theophilus, aut alij insignes Sacerdotes, quorum illa operâ Ioannem oppressit. Præsertim cùm Marcus Diaconus in libro de vita Porphyrij Gazensis Episcopi tradat eam Ioanni ac Porphyrio Episcopis honoris causâ in vestibulo cubiculi occurrisse: priorem eos salutauisse: & inclinato capite vt ipsam Theodosiumque filium benedicendo signarent rogauisse: discedentésque viatico prosecutam esse: & orando ac instando à viro suo pæne inuito impetrauisse, vt in vrbe Gaza templa dirui ad solum, & idola publica ac priuata deiici iuberet: atque ibidem magnificenti-  
I

mam Ecclesiam cum Xenodochio suâ pecuniâ exstruendam curauisse. Ridiculas quidem literas, quibus Innocentius Ecclesiæ Romanæ Episcopus, post Ioannis in exsilio obitum, Arcadio & Eudoxiæ sacris interdicat; non minùs quàm Arcadij ad Innocentium & Honorij ad Arcadium ineptissimas apud Baronium epistolas; fides esse à Nicephoro Callisto & Glyca, vel ab alio quouis ex eo intelligitur, quòd ante Ioannem Eudoxia Aug. decesserat. Hanc enim Socrates in Historiæ libro VI &

ccccciv. Marcellinus in Chronico Honorio VI & Aristæneto Coss. IV Nonas Octob. obiisse scribunt. Illum post triennium Honorio VII & Theodosio iuniore II Coss. in Cappadocia mortuum esse idem Socrates prodit. De Eudoxia loqui existimo apud Baronium Honorium Aug. in literis scriptis ad *Dominos sanctos fratrem nepotemque Augustos venerabiles*: (ita Arcadium & Theodosium appellat) in quibus queritur *imaginem muliebrem nouo exemplo per provincias circumlatam*, hoc factum publica lingua carpente. quippe hic honos non aliis quàm Imperatoribus habebatur. sed nimirum Iulia Eudoxia Imperatori ipsi imperabat. Neque multo post factum est, ut femina cum Iuliam Mæsam, Sozmiada, Mamæam, & Iustinam imitatæ Imperiû Romanum regere cœpissent: sicuti Pulcheria sub Theodosio fratre suo; Placidia sub Valentiniano filio: eosdem sibi quos Imperatores titulos vindicarent. Certè nummos aureos tres à Lælio Paschalino acceptos profert Cæsar Baronius, in quibus Placidia Valentiniani Aug. mater Domina Galla Placidia; & eiusdem Imp. soror maior natu Dn. Iust. Grat. Honoria; hoc est Domina Iusta Grata; aut Iustina Gratiana Honoria; & Licinia Eudoxia eius coniux Theodosij minoris filia nouo more P. F. A. V. G. id est *Pia Felices Augusta* dicuntur, geruntque diadema. Nam antea Imperatores quidem *Pios Felices Aug.* eorum autem vxores, sorores, matres simpliciter *Augustas* appellari consueuisse ex veterum nummorum inscriptionibus intelligitur. Et in literis quas ad Theodosiû & ad Pulcheriam scribit Galla Placidia, se ipsa *Piissimam & perpetuam Augustam*; & Ecliam Pulcheriam similiter *Piissimā semper Augustam* vo-

cat. Sed à Bautonis filia Iulia Eudoxia Aug. ad Maximū; & ab Orientis tractibus in Occidentem reuertamur.

Clementem Maximum, à quo Gratianus Aug. occisus est, & pulso Valentiniano totius Occidentis Imperium occupatum; sub Theodosio Magistro equitum Theodosij Augusti patre in Britannia militauisse, eiusque familiarē clientem & affinem, atque Hispanum fuisse Pacatus Drepanius in panegyrico, & Zosimus libro I v produnt. quem *ab immanissimis Germanorum gentibus tributa ac stipendia solo terrore nominis exegisse* quod Orosius dicat, equidem miror. Iicet enim Maximus Pictos, & Scotos, partem Britanniae Imperio Rom. subiectam depopulantes, vi superatos represserit: & (vt Ambrosius suprà, ac Sozomenus in libro VII scribunt) *multorum millium Barbarorum, aut Celtarum*; hoc est Germanorum operâ in bellis sit vsus: non tamen Germanos sub imperio Maximi fuisse, sed mercede accersitos pro eo pugnauisse credendum est. quippe constat Transrenanos ne Octauio Augusto quidem, aut Vlpio Traiano; nedum Maximo tributa pendisse: contrâ plerosque Imperatores pacem amicitiamque ipsorum pecuniâ redemisse. Ambrosius quoque epistola XVII tradit Maximum à Francis; à Saxonum gente; apud Sisciam; apud Petouionem; vbique demum terrarum à Theodosio absentem victum esse. de qua Francorum victoria quæ Sulpicius Alexander in libro III Historiæ apud Gregorium refert, huic loco sunt inferenda.

Theodosio Aug. II & Cynegio Coss. dum Maximus à Valentiniano & Theodosio in Illyrico bis absens victus amissâ spe Imperij, rebûsque perditis Aquileiæ sedet: Genobaude, Marcomere, & Sunnone ducibus Franci in inferiorem Germaniam irrupere: ac limite aperto multis mortalibus interfectis, fertilissimos pagos depopulati, Coloniz Agrippinensi metum incussere. quod vbi Augustam Treuironum perlatum est; Nannenus & Quintinus Magistri militiæ, quibus infantem filium, Galliâsque Maximus commiserat; coacto exercitu Agrippinam peruenere. At Franci onusti prædâ domum rediere; multis suorum ad iterandam populationem in Gallia

ccc.  
lxxx.  
viii.

relictis. adeò verum est, quod dicit Libanius in Oratione, quæ Imperatoria inscribitur: Francos prædandi causa Renum transeuntes, si militem Romanum in ripa collocatum vicissent, sequi non destitisse: sin victi essent; finem fugæ initiû incursionis fecisse: & priusquam vna eorum manus repelleretur, alteram superuenire consueuisse. atque ob id Marcellinus libro XXI *Germanos, hostes assiduos* appellat. Igitur Nannenus, aliis Nannienus; aliis Nannius ac Nanneius dictus, & Quintinus Duces profecti Coloniâ ad Francos, qui in Gallia remanserant, contenderunt: & commisso proelio apud Carbonariam, magnam eorum multitudinem conciderunt. tum consilio contocato, Quintino ceterisque vtendum victoriâ & in Franciam transeundum censentibus; dissuasit Nannenus: quòd domi Francos non imparatos, & propter locorum difficultatem ac notitiam superiores futuros intelligebat. cùmque frustra disputaret, & nemini sententiam suam probaret, iratus Mogontiacum reuertit. Quintinus verò cum exercitu circa Nouesium castellum Renum transgressus, secundis à flumine castris casas ligneas vacuas atque ingentes vicos desertos offendit. Franci enim simulato metu se in interiores saltus abdiderant: & arboribus cæsis aggestisque extrema siluarum obseperant. Itaque Romani omnibus ædificiis vstis, quorum in incendiis summam victoriæ positam arbitrabantur; noctem sollicitam sub armis egerunt: ac primâ luce, Quintino duce, saltus ingressi, ferè ad horam sextam totos sunt peruagati. tandem cùm diu implicuissent sese erroribus viarum, & maximis sepibus omnia clausa reperissent: in palustres campos, qui cum siluis continentes erant, proruperunt. molientibus primùm Franci rari apparuere: qui coniunctis arborum truncis (quas Romani concædes, ipsi Combros appellabant) insistentes, inde velut è fastigiis turrium tormentorum ritu sagittas emisere. erant autem illæ veneno ex herbis expresso tinctæ; adeò vt si vel summam cutem degustauissent, leuem plagam mors certa sequeretur. Deinde maiori Francorum multitudine circumfusâ, Romani aperta camporum, quæ de industria Franci liberum ac-



cessum habere voluerant; auidius quàm cautiùs petiere. Ibi equites primi voraginibus summersi, & foedâ hominum iumentorumque strage oppressi sunt. pedites etiam, quos equorum ruina non protriuera; implicati limo ægerimè ad ingrediendum trura explicabant: cùmque ex paludibus vix emerisissent, trepidi se in siluas abdebant. palantibus instare Franci; fugientes insequi; impeditos more pecudum trucidare; fortunæ non deesse. Eum in modum turbatis animis ordinibùsque cæsa sunt legiones Romanæ. Heraclius Tribunus Iouianorum; ac pæne omnes, qui militibus præerant, interfecti. paucis tutum effugium nox, & siluæ præbuere. Quæ cùm ita sint, ridiculè Fredegarius dicit Heraclium & Iouinianum cum exercitu vltra Renum transgressos, magnâ cæde suorum à Francis factâ vix ex proelio elabi potuisse. & falsò Sigibertus affirmat anno VII post Valentis mortem Quintinum ac Heraclium Romanorum Duces circa Augustam Treuironum cum suis pæne omnibus ab Francis occisos esse. Ex Sulpicio Alexandro intelligitur tres tum minimùm in Francia regnauisse; nimirum Genobaudem, quem ipse Genobaldum, Fredegarius Genebaudum appellat; Marcomerem; & Sunnonem. falsòque Eumenium affirmare Francos per fugiis siluarum & paludum bellum frustrari solitos esse.

Eadem hoc anno in Italia fortuna Tyranni partiù fuit. Maximum bis victum milites sui viuum tradiderunt; quo ad tertium milliare ab Aquileia interfecto; Andragathius Gratiani percussor, sicut erat armatus, è nauì in flumè sese deiecit. missusque in Galliam à Theodosio Arbogastes Magister militiæ Victorem Cæsarem Maximi filium, & vnâ (vt equidem arbitror) Nannenum, ac Quintinum celeriter oppressos interemit. sanè Sulpicius Alexander libro IV prodit Cariettonem natione Francum, & Syrum in locum Nanneni substitutos post Victoris cædem, & in prouincia Germania inferiore cum exercitu Francis oppositos esse. Sic Valentinianus in Imperium patrium restitutus, & Fl. Theodosius (quod per LXXXI vñ annos bis tantùm contigerat; primùm victo Maxentio Con-

CCCL-  
XXXVIII.

CCCL.  
CC C.  
L VII.

ccc.  
lxxxix.

Juliano Cæs. II Coss. post eadem Magnentij) Romam intraverunt, & Timalio ac Promoto Coss. ex ciuili bello triumphauerunt, populóq; Romano congiariũ dederunt.

cccl.  
xxxviii.

Philostorgius libro X scribit Timalium, Ricomerem, Promotum, & Arbogastem Duces ab Theodosio aduersus Maximum missos esse: à quibus victus, captus, & priuato vestitu ad Imperatores deductus sit: Certè clarissimus eo bello Dux fuit Arbogastes, qui Valentiniani fugientis comes, & in recuperando Imperio adiutor, vt in libro VII ait Orosius, *cùm Theodosio paruit, magnis instructum auxiliis Maximum cepit*: & (si Prospero, Hydatio, ac Zosimo credimus) Victorem interemit. Hydatius quidem, cùm in Chronico dicat *filium Maximi, nomine Victorem in Gallis per Arbogastem Comitem interfectum esse*: in Fastis Consularibus ait Theodosio Aug. II & Cynegio Coss. eundem à *Comite Theodosij Aug.* paucis post patrem diebus occisum. Minimè autem mirandum est Arbogastem, qui Valentiniani Comes fuerit, ab Hydatio *Comitem Theodosij* vocari. Nam & Zosimus scribit Abrogastem Magistrum militiæ ab Theodosio ad recipiendas Gallias, & ad interficiendum Victorem missum esse. Quippe non modò Valentiniani partium viui, sed etiam Valentinianus ipse profugus ac extorris Theodosio, à quo reducebatur, parebat: victóque Maximo Theodosius res Occidentis composuit: & Valentiniano in Galliam profecto, tres annos in Italia velut in prouincia sua vnà cum Honorio filio, quem Senatui Rom. commendauit; moratus cuncta administravit: ex qua tandem, credo ne Valentinianum in partem Imperij paterni restituisse; partem sibi iure belli vindicare videretur: Tariano & Symmacho Coss. in Thraciam transmisit: ac Constantinopolim IV Idus Nouemb. intrauit. quo anno Ricomerem Magistrum militum Theodosij fuisse in libro VII Codicis Theodosiani inuenio. Quominus mirari Orosium conuenit, quòd libro VII prodat, *interfecto à Maximo Gratiano, Theodosiam Imperiũ Orbis Romani solũ annis XI obtinuisse*.

ccc.  
xci.

Eunapius Sardonius Rhetor apud Suidam & Eustathium ait Arbogastem Francum, quem Abrogastem

appellat, Bautonis secundarium; viribus corporis & asperitate iræ totum igneum; virum rigidæ & perfectæ temperantiæ; cum pecunia quasi eum hoste continuum bellum gessisse: censu nihil à gregario milite differentem. ob eam rem Imperatori Theodosio idoneum visum esse, quem in regia Valentiniani naturâ ad severitatem æquitatēque propensi veluti rectam quamdam columnam propter gravitatem suam collocaret: ne quid in aula peccaretur, cuiquâmvē noceretur sedulò provisorum. Quibus ex Eunapij verbis intelligi potest Arbogastem, Curijs aut Fabricijs similem, Valentiniano adolescenti moderatorem à Theodosio appositum esse. Zosimus libro IV prodit Arbogastem ortum ex gente Francorum, quem Gratianus Aug. in bello Ducem à Bautone secundum esse voluerat; post utriusque mortem, suâ in agendo industriâ fretum, sine auctoritate Principis magisterium militum occupavisse: omnique exercitui propter virtutem, ac scientiam belli, & pecuniæ contentum idoneum visum ad magnam potentiam pervenisse. Decessit autem Bauto, (vtri existimo) antequam Maximus rupto fœdere Valentinianum ex Italia expelleret, & ad Theodosium in Græciam perfugere cogeret. nulla enim in reductione Valentiniani fit eius mentio, qui si tum vixisset, in hoc bello ipse, non Arbogastes; Magistri militum locum sicut antea erat habiturus. Apparet ergo Arbogastem quidem primum Magisterio militum ab exercitu sibi delato usum esse: deinde cum Valentinianus spoliatus Imperio Italiâ excessisset, ac Thessalonicam venisset; ipsum pariter profugum Magisterium amisisse: ac Valentiniano post annum ferè reducto à Theodosio pristina simul dignitati restitutum, atque etiam Principi admodum iuveni rectorem appositum esse. Orosius in libro VII Arbogastem, quem Hermias Sozomenus, Nicephorus & Hydatius Arbogastem, & Aruagastum vocant; *virum Barbarum; animo, consilio, manu, audaciâ, potentiâque nimium; & simulacrum cultorem* appellat. Eundem oriundum ex Gallia nomine; Magistrum militum; naturâ seuum admodum ac sanguinatum fuisse ait Socrates: apud quem ignarum lo-

eorum Franciam veterem transfrenanam non proprio nomine Galliam minorem appellari puto. propterea quòd Arbogastes natione Francus fuit: & (vri Aimoinus in libro de vita Ambrosij legisse se dicit) ad Romanos se contulit: constâtque cognomen minoris cuius alij prouinciæ magis quàm Gallix conuenire. Philostorgius Arbogasti patrem Barbarum fuisse libro XI tradit, sed eum in Gallia natum esse non scribit.

CCC-  
LXXXIX.

Timasîo & Promoto Coss. Franci elati recenti victoria Renum transferunt, atque ex prouincia Germania prædas egerunt. Quo cognito Arbogastes, iam ob exsilium suum ciuibus infestus, vehementer arsit cupiditate vlciscendi: fremensque incursionem in Galliam se Magistro militum factam, ac moræ impatiens monuit Valentinianum poenas à Francis debitas expetendas: nisi omnia, quæ superiore anno cæsis legionibus diripuerant, confestim redderent; auctoresque belli ad piaculum perfidiæ ruptique fœderis traderent. Itaque Valentinianus profectus in inferiorem Germaniam Marcomerem & Sunnonem Reges Francorum ad se euocauit: & habito cum his colloquio, imperatisque ex more obsidibus (sicut Sulpicius Alexander libro IV tradit) post paucos dies Augustam Treuironum in hiberna concessit. vnde in libro IV & in libro VI Codicis Theodosiani leges Valentiniani duas, alteram ad Messianum Procuratorem rerum priuatarum; alteram ad Constantium Præfectum Prætorij missas inuenio: quarum hæc data XVIII Kalendas Iul. Treuiris Timasîo & Promoto Coss. illa data VI Idus Nouemb. eodem anno eadêmque ex vrbe dicitur. cuius primæ subscriptionis mendum vt corrigatur, Kalendas Iul. in Kalendas Ian. mutari oportere arbitror. Nequaquam enim Valentinianus XV III Kal. Iul. Consulatu Timasij & Promoti in vrbe Treuironum statua habere potuit: si verum est, quod Socrates, Hermias Sotomenus, ac Marcellinus in Chronico tradunt; eundem nà cum Theodosio & Honorio puero nondum quinq; Idibus Iuniis, siue pridie eius diei Romæ supradictis Coss. de Maximo triumphum egisse. Fredegarius Scholasticus, qui ex Gregorio epitomen fecit, Sulpicius Ale-

Alexandrum non intellexit, cùm scripsit Arbogastem elatum superbiâ Francisc bellum intulisse; & acie victum fugisse; Francôsq; Augustæ Treuirorum hibernauisse. Nec minùs (sicut existimo) errauit Ioannes Auentinus, qui Arbogastem cùm apud Claudianum exsulem appellari, & Regibus Francorum inimicum fuisse dici apud Sulpicium forsitan animaduertisset; Marcomeris, ac Sunnonis fratrem esse, & ab his domo expulsam credidit.

Postquam Theodosius Aug. Italiâ decessit, Imperatori Valentiniano cum Arbogaste discordia esse cœpit: quæ huic primùm; deinde & illi, multisque vnâ hominum millibus exitiabilis fuit. Causa inimicitiarum erat, quod neuter alteri volebat esse subiectus, quippe Valentinianus (si Zosimo credimus) Arbogastis tristem seueritatem, & in reprehendendo libertatem ferre non poterat: titulûmque Imperij penes se, potestatem penes illum esse indignabatur. Arbogastes verò quidquid nec aulam decere, nec imperatoris dignitati conuenire existimabat, aut improbatum factum; aut ne fieret prouidebat: suoque arbitrio cuncta administrabat. cui cùm sæpe aduersaretur Valentinianus, nec quidquam proficeret, propterea quod Arbogastes militum studiis munebatur: in eo opprimendo vires suas experiri statuit. sedensque in regia sella, & toruo vultu hominem intuens sui salutandi causâ propiùs accedenti literas in manum tradidit, quibus ei Magisterium militum abrogabat. Has Arbogastes lectas conperpsit: & proiecit: negans cuius beneficio honorem non esset assecutus, eius se arbitrio depositurum. Tum Valentinianus iram contemptumque non ferens defiluit è folio Arbogastem percussurus, nisi à Protectore, cui gladium auferre conatus erat, inhibitus esset. eidemque paullo pòst tantæ iræ causam ex ipso percunctanti meditato mendacio respondit: quoniam Imperator cùm esset quod vellet facere prohiberetur; sibi ipsum manus afferre, & vitam miseram ac iniucundam abrumpere voluisse. Inde non iam occulta discordia, sed apertæ inter vtrumque inimicitie fuerunt: & in caput Valentiniani consilium iniri cœpit. Arbogastes enim, cùm animaduerneret dissensionem hanc nisi

alterius morte non posse finire; aduersarium tollere, quàm perire maluit. Itaque de fide popularium securus (sicut Sulpicius Alexander tradit) rei militaris curam Francis satellitibus mandat: ciuiles magistratus in societatem coniurationis adsciscit: quidquid militum ac eunuchorum in aula erat, pecuniâ & spe augendæ dignitatis sollicitat: Valentinianumque Principem apud Viennam Palatio intramurano includit pene infra priuati fortunam redactum: adeò vt nemo vnus ex omnibus sacramento obligatis inueniretur, qui familiari eius sermoni aut iussis parere auderet. Et Valentinianus quidẽ crebrò per literas Theodosium de Arbogastis arrogantia Maximi tyrannide grauiore certiore fecerat, auxiliũque petierat affirmans, si suas iniurias neglexisset, se ad eum secundò venturum. sed ab Theodosio nulla adolescentis querimoniarum ratio habita erat. Nihilominus Arbogastes sibi à Valentiniano, & Valentiniani amicis metuebat, vel metuere simulabat: neque eius verbis credebat. Quamobrem Valentinianus, ante biduum quàm exstingueretur; Ambrosium Mediolanensem Episcopum (vti ipse in Concione funebri de obitu Valentiniani Aug. scribit) vadem fidei suæ futurum per epistolam euocauit. tanta enim Ambrosio cum Arbogaste vel necessitudo, vel familiaritas fuit, vt idem eadem in Concione dicat se, si Viennam venisset, Arbogastem Valentiniano reconciliaturum: sin Arbogastes inexorabilis nullam concordiaẽ conditionem accepisset; apud Imperatorem remansurum, eiũque consilij sui copiam facturum fuisse. Sed iam Alpes Graias superanti Ambrosio de cæde Principis nuntiatum est: cui, cum propter murum vrbs Viennæ ludicro certamine cum paucis militibus sese exerceret, Arbogastes per emissarios fauces obliferat. Sunt, qui meridianam ab cubiculariis; sunt, qui meridie dum omnes ministri prandebant in regia interiore ad ripam Rhodani ludentem à Protectoribus Arbogastis immisso strangulatum; & vt mortem sibi metipse consciuisse crederetur, exanimem suspensum esse scribant. Quæ fuit causa, quare Prosper ac Senator sparso in vulgus rumore decepti memoriæ

traderent Valentinianum nimia Arbogastis Magistri militum seueritate ad tædium vitæ deductum suspendio periisse. Rufinus ac Sozomenus aiunt quosdam publicam opinionem secutos, id dolo & insidiis Arbogastis Ducis factum affirmauisse. alios expertem quidem sceleris Arbogastem; sed cùm Valentiniano tanquam ætate nondum valido liberam potestatem imperij non indulgeret; indignabundo adolescenti causam mortis fuisse dixisse. Augustinus in libro V de Ciuitate Dei dubitat, utrùmne is per insidias; an quo alio pacto vel casu fuerit extinctus. Interfectus est Valentinianus Idibus Maij, Arcadio Aug. II & Rufino Coss. antequam baptizaretur, viceſimo ætatis; sextodecimo imperij anno expleto: adolescens Principatu dignus; Regiis corporis, animique virtutibus præditus; atque si ad virilem ætatem peruenisset, patrem iustitiâ superaturus. cuius cædem omnes dissimulauere: quodd Arbogastem, virum ob contemptum pecuniæ fortitudinẽque multis bellis expertam militibus acceptissimum, & magnâ auctoritate subnixum metuebant. Fuerat inter coniurationis participes Eugenius quidam Magister scrinij, antè Grammaticæ Latinæ professione celeberrimus; nomine magis quàm re & studio Christianus: quem à Ricomere sibi commendatum ac traditum Arbogastes in amicorum numero habebat. Hunc aut propter genus diffusum sibi ipse, (sicuti ait Philostorgius) aut vt affectati Principatus suspicione careret: Imperatorem appellandum curauit, Imperium Occidentis, Eugeniumque recturus.

Eodem anno quo Valentinianus perierat; (vt Alexander scribit) hoc est Arcadio Aug. II & Rufino Coss. Arbogastes, qui Sunnonem & Marcomerem Reges Francorum gentilibus odiis proſequabatur; Coloniam Agrippinam rigente maximè hieme petiit: ratus tunc omnes Francia recessus penetrandos vrendoſque, cùm decussis arborum folijs nuda atque arentes silua insidiantes occulere non possent. Collecto ergo exercitu, transgressus Renum Bructeros ripa proximos; pagum etiam, quem Chamaui incolunt, depopulatus est: nullo vsquam occurrente: nisi quod pauci ex Amsinariis & Chattis, Marco-

*mere duce, in vltioribus collium iugis apparuere. Animaduerto Arbogastem alias præterea in Francos expeditiones fecisse. Paullinus enim in libro de vita Ambrosij scribit eum aduersus gentem suam; hoc est Francos, bellum gessisse, atque non paruam multitudinem manu fudisse, cum reliquis verò pacem inuisse: quærentibusque Francorum Regibus (nimirum Marcomeri & Sunnoni) quos ad cenam inuitauerat, an Ambrosium Episcopum nosset; ab eo se homine diligi, & frequenter cum eodem conuiuari solere respondisse. tum Reges dixisse: meritò te Arbogaste felicem ferunt, quoniam Ambrosium victoriarum conciliatorem inuenisti, cuius iussu solis ipse cursus sisti potest. Addit Aimoinus in libro de vita Ambrosij referri Arbogastem primò acie victum ab Francis fugisse: deinde conimisso iterum prælio ingentem hostium multitudinem parua manu fudisse, & cum reliquis pacem fecisse. Quæ Nicolaus Vignerus falsò existimat rum gesta esse; cum Eugenius susceptâ expeditione *Reni limitem petiit, vt* (quemadmodum tradit Sulpicius Alexander) *cum Alamannorum & Francorum Regibus antiquis fœderibus ex more initis, immensum eâ tempestate exercitum gentibus feris ostentares.* Ab Arbogaste enim bellum cum Francis variâ fortunâ gestum, & postea æquis conditionibus est compositum. ab Eugenio verò cum his, & cum Alamannis iuncta sunt fœdera: sicut Imperatoribus Romanis inirio principatus facere mos erat. quæ in vnam eandemque expeditionem nullo modo conueniunt.*

Allato nuntio de cæde Valentiniæpi, Theodosius non mediocriter est conturbatus. dolebat affinem & consortem potestatis, magnâ spe; ætate integrâ; nefariè occisum. & vt Eugenium hominem nouum atque imbellem, Imperatorem factum esse indignabatur: ita Arbogastem propter scientiam rei militaris auctoritatēque & fortitudinem audaciæ coniunctam maximè metuebat. Accedebar ad mærorem Gallæ coniugis luctus orantis, vt fratris mortem vlcisceretur: neu sorores suas, Iustam & Gratam, deuotas Deo virgines in hostium potestate & in periculo iniuriæ esse sineret. bellum itaque



summa ope parare constituit. & quòd pacem cum finitimis gentibus fecerat; Duces ac exercitus è limitibus euocat. auxilia ex Armenia maiore, Colchide, & Iberia accersit. Gildonem etiam Comitem magnæ in Africa auctoritatis ac potentiae sollicitat: qui tutò fortunam speculari, & neutrarum esse partium maluit, quàm cum periculo Theodosio contra Eugenium auxilia mittere. Auctor est Rufinus Sacerdotes de pace legatos ab Eugenio venisse ad Theodosium: & immunem sceleris, si quod in morte Valentiniani inesset, Arbogastem testatos esse. Theodosium autem cum Clericis, & populo omnes Ecclesias circuiuisse: ante Apostolorum & Martyrum reliquias cilicio inuolutum prostratùmque humi iacuisse: per quos auxilium se à Deo impetraturum confidebat, non tam armis & excubiis; quàm precibus ieiuniis ac peruigiliis fretus. Dum milites vndique conueniunt; reuertit ex Thebaide Eutropius Præpositus cubiculi, ubi Ioannem Lycopoliten, Monachum diuino afflatu res futuras prædicentem, de euentu belli consuluerat: & responsum refert Theodosium superiorem fore; multorum tamen morte victoriam constaturam. quo ille velut oraculo maximè est confirmatus: & tertio Consulatu Flauium Honorium minorem filium patruo cognominem, nonum annum agentem (nam Arcadio diadema pridem imposuerat) IV Idus Ianuarij in Tribunali Hebdomi de sententia militum Augustum nuncupauit: atque anno insequenti, Arcadio III & Honorio II Coss. profectus est Constantinopoli, vires Orientis & amplius vicena millia Gothorum foederatorum secum ducens: cui per Daciam mediterraneam & superiorem Moesiam iter facienti magna manus Hunnorum & Alanorum circa sinistram ripam Danubij colentium ultro seiunxit. inde per Pannonias, & agrum Noricum in Italiam contendit.

At Arbogastes quas sibi sumserat Imperatorias partes strenuè & prudenter implebat. nam innumerabiles copias ex Cisalpinis prouinciis, Italiæque coegerat: & ne Gallia incursionibus vastaretur, depositis odiis cum Francorum Alamannorùmque Regibus foedus inierat:

ac pro communi patria magna à Francis auxilia impe-  
 trauerat: néve in Maximi erratum incideret, qui sparsis  
 incautè manibus faciliorem Theodosio de se victoriam  
 dederat; in vestibulo Italiæ castris positis hostem oppe-  
 riebat, de Imperio totis viribus pugnaturus. Italiam  
 à Septentrionibus claudunt Alpes Iuliæ, interruptis  
 tantum angusto transitu celsissimis iugis. has fauces, quæ  
 maximè in artum coeunt, Arbogastes munitionibus fir-  
 mauerat, & sub radicibus montium ita confederat, vt  
 omnem ferè planitiem eius copiarum complerent. Quas ad  
 angustias vt Theodosius deimproviso peruenit; muro  
 ac turribus, quibus aditum Arbogastes intercluserat re-  
 pentè concidentibus; præsidium loco deiecit, patefa-  
 ctoque itinere editum collem castris occupauit. Inde  
 cum auxilia Gothorum, Gaina & Saule ducibus, in  
 campum descendissent; sub eius oculis acris pugna com-  
 missa est: cuius hic euentus fuit, vt Gothorum decem  
 millia caderent; reliqui vndique pressi, ac pæne circum-  
 uenti vix noctis beneficio recipiendi sui facultatem ha-  
 berent. Anxius itaque Theodosius quid optimum factu  
 videretur ad consilium retulit. Negabant Timasius &  
 Stilico Imperatoris amicorum primi, ceterique Duces  
 militibus timore perturbatis quidquam committi opor-  
 tere: secundo prælio hostes sublato, & ad pugnandum  
 alacriores factos: tantæ multitudini paucitatem suorum  
 opponendam non esse dicebant. redeundum igitur retro  
 quæ venerant, reparatisque copiis veris initio bellum re-  
 nouandum. Non tenuit iram Imperator, sed grauius  
 castigatis consilij auctoribus, quod turpissimam & peri-  
 culosissimam fugam relictus nomine prætexerent; ac  
 Christi Crucem imagine Herculis infirmiore existima-  
 rent; in secretum concessit: precatúsque Deum, vt me-  
 liori causæ faueret; circa galli cantum præ ægritudine  
 somno est consopitus. Tum secundum quietem visi  
 equites duo albat iusserunt eum primâ luce exercitum  
 aduersus Eugenium educere, Ioannem se ac Philippum  
 professi, & operam victoriæque polliciti. Lætus Im-  
 perator manè pro concione nocturnum visum expo-  
 suit, ac velut Iudas Maccabæus de prælii euentu secu-

rus, milites cohortatus est; vti duces cælo missos impigrè sequerentur: neu plus in armatorum numero, quam in eorum antesignanorum viribus reponerent. Magnum habet momentum religio humanis mentibus iniecta. Theodosiani, qui paullo antè aduerso prælio infracti pauore marcebant; tum repente mutati alacritatem vultu verbisque præferebant: Augustum, vt confestim duceret, orabant: suarum esse partium Deum; cælites habere se auxilios vniuersi credebant. nec moratus impetum Theodosius, signo Crucis dato, cum suis ex summo monte decurrit, & in hostem ire contendit. Arbogastes descendentes procul conspiciatus, primò fidem oculorum damnabat. vnde enim tantum audaciæ victis accessisse? mox exemtâ dubitatione aciem instruxit. alloquensque milites Eugenius admonuit adesse optatum votis laborum finem: hostes incompósitos, lymphatis similes cæco timore in perniciem incurrere: ipsis cum mollibus Græculis; cum imbellibus Asiaticis; cum Syris luxuriâ effeminatis rem fore. Irent fortes; irent felices; tenues fusi pridie exercitus reliquias delerent; præmia certæ plenæque victoriæ consecuturi. Neutris cohortatione opus erat: hos ira incitabat; illos confirmabat fiducia. Alpes Iulias transgressis, & Aquileiam petentibus aperit se spatiosa planities, sub radicibus montium iacens: per quam delapsus ex Alpibus fluuius Frigidus fertur non longiùs à supradicta vrbe millibus passuum sex & triginta. hîc acies dimicauere. Ac primum cùm propter locorum angustias & impedimenta calorum agmen suum paullo tardiùs in aciem descendere, & incitari Eugenianos eâ morâ animaduertetet; desiluit equo Theodosius, & ante aciem progrediens exclamauit, vbi est Theodosij Deus? quo dicto suos omnes excitauit. Hunc igitur ante signa cum paucis procurrentem Arbetio Comes Eugenij *insidiis exceptit: moxque conuersus ad reuerentiam Imperatoris* (vt ait Orosius) *non modò eum periculo liberauit; sed etiam auxilio instruxit.* tum summis copiis vtrîque cœptum contendî, & variâ fortunâ pugnatum. Dextrum Theodosianorum cornu cum sinistro Eugenianorum æquo Marte certabat: at Gothi,

ceterique Barbari, qui in læuo cornu erant collocati, compluribus suorum occisis ægrè hostium impetum sustinebant: & iam terga daturi videbantur, n̄ Bacurius rector Domesticorum primis ordinibus comitatus laborantibus opem tulisset, præliumque fortiter restituisset. Et si neutra inclinata erat acies; apparebat tamen futurum, ut Theodosiani numero ac virtute aduersariorum, vel sola diurnitate pugnae defatigati vincerentur. Cùm subito è summis Alpibus frigidus & vehemens Aquilo (qualis antea numquam flauerat) aduersus Eugenianos coortus magnam singulis ac vniuersis intulit cladem. alij abreptis scutis aut reiectis nudari: alij applicitis impediri: pars illis obuerberari: plerisque densus puluis in ora volutus prospectum adimere, & buccam implendo spiritum intercludere. non ordines seruandi, firmiter consistendi, vulnere inferendi aut vitandi potestas dari. vires perpaucis, animi præsentia nemini adesse. quæ coniecerant tela, turbo contrarius miris modis circumacta in ipsos retorquebat; vel innoxia aliò deflectebat: Theodosianorum autem hastas sagittasque ultra spatium humanis viribus concessum longè deferrebat, nullum ut eorum iaculum irritum caderet. Eugeniani conferti procumbebant: occæcati puluere, venti perculsi, toto corpore inutiles & illigati ab integris & expeditis more pecudum trucidabantur. Fluvius Frigidus coaceruatorum cadauerum sanguine redundabat, colorémque & frigus amiserat. Cùm magnus Eugenianorum númerus esset occisus; reliqui tandem Deo cedendum esse intellexerunt: atque armis abiectis à Theodosio Aug. ut ipsis ignosceret supplices petuere: quos Imperator pro sua clementia omnes conseruauit: ex hisque nonnullos ad Eugenium comprehendendum misit. quos cùm Eugenius in aggere confidens cursu ad se tendentes ac anhelantes videret; victoriæ nuntios ratus interrogauit, an quemadmodum præcepisset, Theodosium viuum & vinctum perducerent. illi autem non, inquiunt, Theodosium ad te captiuum adducimus: sed (sicut Deo visum est) te ad Theodosium victorem adducturi venimus. confestimque hominem

detractum è folio, ablatis insignibus imperatoriis, religatis manibus ad Theodosium deducunt. cui postquam Theodosius Valentiniani nefariam cædem, tyrannidem scelere quæsitam, atque imaginem Herculis impiè agminibus prælatam obiecit, ac bellum ciuile imputauit: demississimè vitam precanti ante pedes eius caput præcisum est. Arbogastes (vt loquitur Rufinus) *aduersò Deo nequidquam fortiter faciens*; vbi desertum se à suis vidit, profugit ex prælio: desperatisque rebus, duobus semetipse gladiis transuerberauit. multi præterea clarissimi viri in acie ceciderunt. Flauianus omnibus honoribus functus, qui Haruspicinâ & obseruatione siderum deceptus victoriam Eugenio prædixerat: antequam pugna committeretur, in Alpium faucibus, quas valido præsidio tuebatur, est interfectus.

Theodoritus in libro V ac Nicephorus Callistus in libro XII ita, vt suprâ diximus, biduo bis pugnatum scribunt. At Socrates in libro V & Hermias Sozomenus in libro VII memoriæ tradunt cùm se acies Theodosiana in planitiem demississet; ibique dubio Marte prælium committeretur: partem exercitus Eugenij in summo monte confidentem à tergo apparuisse. ac Theodosium veritum, ne sui pauci à multis, defessi à recentibus circumuenti interficerentur; Ducibus copiarum in monte consistentium datâ, sicut petierant, fide augendæ dignitatis eam manum ex insperato sibi iunxisse. Interea in campo permagnum Barbatorum Theodosij auxilium numerum esse occisum. Itaque Imperatorem proiectis armis fufum humi maximo fletu Deum implorauisse: ac subito Bacurium Regalem Iberorum, pietate & virtute animi corporisque præstantem subsidio laborantibus venisse: factâque impressione Eugenianos, qui paullo antè aduersariis pulsus vehementer instabant, in fugam conuertisse: atque magnam illam vim venti coortam esse. Turanius Rufinus quoque, quem Socrates Scholasticus & Hermias Sozomenus non secuti sunt modò, sed ferè totum transtulerunt; in lib. XI prodit, collocatis in superiore iugo insidiis, Eugenianos in descensu montis aciem instruxisse: & vbi ad primos ventum est, atque

hi scilico Theodosio tradiderunt; in imis vallibus prælium atrox initum esse: fusâque auxilia Barbarorum terga dedisse. tum Theodosium, vt auersos suos vidit, pro salute periclitantium Deum precatum esse: ac mox Theodosianis animum virtutemque rediisse: Bacuriûmque ingenti strage agmina hostium conferta & constipata perrupisse: & vehementem ventum in eorumdem exitium consensisse. Zosimus Christianæ religioni & Theodosio infensus, ne piissimum præncipem beneficio Dei ex aduersariis victoriam tulisse fateretur, mentiri maluit: ac nullâ cum huiusce venti; tum præcationis mentione factâ in libro IV scripsit, cum auxilia Theodosij magnâ cæde prostrata fuissent; postridie Eugenianos securos temulentos ac semisomnos deimprouiso oppressos, fusos, fugatosque esse: Eugenium in fuga captum: cuius capite amputato & per castra circumlato, ac veniâ promissâ, vniuersi se Theodosio dederint. Arbogastem verò in montes asperos ex fuga se recepisse: cumque dimissis à Theodosio in omnes partes militibus ad mortem conquireretur, ludibria arbitriûmque hostium sua manu occupauisse. Adicere ex Philostorgio licet pugnatum acerrimè, & multos vtrimque desideratos. etsi enim Auctor libri de vita & moribus Imperatorum Rom. & Iordanes in libro de successione Regnorum produnt Eugenium tyrannum, & Arbogastem ab Theodosio superatos prælio esse, ex eorum exercitu deletis armatorum millibus decem: tamen ea denorum millium cædes Gothis Fœderatis magis conuenit, quorum decem millia à Theodosio præmissa Magister militum Arbogastes apud Orosium & Paullum dicitur interfecisse. at ex parte Eugenij non paruum numerum fusam esse, sicut ait Orosius; sed ingentem hominum multitudinem cecidisse Claudianus præter ceteros ostendit his versibus.

*Alpina rubuere niues: & Frigidus amnis  
 Mutatis fumauit aquis; turbâque cadentum  
 Staret, nî rapidus iuisset flumina sanguis.  
 Crescunt intumulum strages: vallemque profundam  
 Equauere iugis: stagnant immersa cruore*

*Corpora. turbantur permisto funere manes.*

Victus est Eugenius VIII Idus Septembres Arcadio III & Honorio II in Oriente; in Occidente Flauiano & Arbogaste (vt existimo) Consulibus; post Valentiniani cædem annis II & mensibus ferè IV. & summa Imperij ante annos XXX ab Valentiniano maiore diuisi ad Theodosium peruenit. Ceterùm tam memorabilem felicemque victoriam Theodosius pietati suæ religiosisque precibus magis quàm armis debuit: vti Paullinum Aquitanum in Panegyrico quodam scripsisse ait Gennadius. Quare Claudianus versibus notissimis, & ab Augustino ac Orosio citatis testatur ætherem Theodosio militauisse, & coniuratos ventos ad classicum venisse. Et Augustinus in libro V de Ciuitate Dei Theodosium *contra robustissimum Eugenij exercitum magis orando, quàm feriendo pugnauisse* affirmat. atque apud Prosperum Tironem in Chronico aperto *Dei fauore conspirantibus elementis* Eugenius dicitur esse superatus.

Non diu Theodosio licuit bello confecto lætari, ac fructum laboris sui percipere. Nam Mediolani aquam intercutem nactus, cùm manè ludis Circensibus victoriam celebrauisset; post prandium subitò ingrauescente morbo spectaculo interesse non potuit: ei que Honorium filium, quem ex Thracia acciuerat, præsidere iussit: ac proximâ nocte decessit XVI Kalendas Februarias, Olybrio & Probino Coss. anno ætatis XLVIII; imperij sextodecimo exeunte: Arbogasti non longiùs IV mensibus ac vndecim diebus superstes: duobusque filiis ex priore coniuge Ælia Flaccilla Aug. genitis Flauio Arcadio puero annorum circa XVII partes Orientis; Fl. Honorio annum vndecimum agenti Imperium Occidentis recens armis quæsitum reliquit. qui eodem anno lege data XI Kalendas Maij Mediolani, quam libro XV Codicis Theodosiani insertam legimus; Eugenij acta infirmauerunt: cuiusque, & Arbogastis, ac Nicomachi Flauiani *funestorum* (ita enim appellant) *Consulium* nomina ex Fastis eradi iusserunt. Ex his colligi potest, quàm falsò Prosper, & Prosperum secutus Cassiodorus Senator asserunt Olybrio & Probino fratribus Coss. Eugenium

ccc.  
xciv.

victum esse, & Theodosium morbo interiisse. cùm non modò Hydatius ac Marcellinus, sed etiam vetustiores Prospero Claudianus & Socrates; alter secundo Consulatu Honorij Aug. alter v III Idus Septembris Arcadio III & Honorio II Coss. Eugenium à Theodosio pulsum acie & occisum esse memoriæ tradant.

Hocce prœlium, præter quinque supradictos Historiæ Ecclesiasticæ auctores, describunt Ambrosius in laudatione funebri Theodosij, Claudianus, Aurelius Augustinus, Magnus Orosius in libro VII, & Zosimus in lib. IV à ceteris omnibus consuetudine sua dissentiens. Apud Orosium quidem (cuius verba Marcellinus in Chronicum suum, & Paullus Langobardus in librum XIII Historiæ Miscellæ transtulere) dicitur Arbogastes Valentiniano interfecto *mox Imperatorem creauisse Eugenium: eligens hominem, cui titulum Imperatoris imponeret; ipse gesturus atque sibi vindicaturus Imperium: ac contraxisse vndique innumeras & inuictas copias partim ex Romanorum praesidiis; partim ex auxiliis Barbarorum; apud hos potestate (hoc est Magisterio militum) apud illos cognatione subnixus: & aduersus Theodosium collectis Gallorum, Francorumque viribus exundauisse.* Gallos, & Francos Orosius appellat, quos suprà cognatos, id est populares Arbogastis, item Barbaros; ac Romanos. Quod autem ait Eugenium ab Arbogaste Imperatorem factum; Claudiani, Orosij, Prosperi, atque Zosimi auctoritate nititur: adeoque verum est, vt qui parcius vel negligentius ea de re loquuntur Historici, scilicet Auctor libri de vita Imperatorum, Socrates, Marcellinus, ac Nicephorus Callistus; nihilominus Eugenium *Arbogastis fauore & viribus confisum; siue adiutore Arbogaste Imperium usurpauisse* scribant. quem ego virum tanto maiore admiratione dignum iudico, quanto gloriosius est Imperium, cùm occupare possis, fastidire, & dare alij malle. Quamquam videtur Arbogastes (sicuti prodit Orosius) Eugenium ignobilem & imbellem homunculum ex industria delegisse, vt inane nomen personamve Principis ferenti ipse imperaret: & penes eum umbra Imperij; corpus penes se atque vires forent. Certè Eugenium,



quem Christianum fuisse Ambrosius ac Paullinus aiunt, Philostorgius Socratis æqualis negat; Zosimus quidem amicum Arbogastis vocat: at Claudianus humillimum abiectissimumque eius clientem, atque etiam famulum, seu in rebus omnibus morigerum; Arbogastem verò Barbarum, & Germanum exsulem, hoc est Francum domo expulsum appellat his versibus.

*Interea turbata fides. ciuilia rursus  
Bella tonant, dubiumque quatit discordia mundum.  
Proh crimen Superum! longi proh dedecus aui!  
Barbarus Hesperias exsul possederat vrbes:  
Sceptraque desecto dederat Romana clienti.*

Idem in eodem Panegyrico de III Consulatu Honorij Aug. ita de morte Arbogastis refert:

*At ferus inuentor scelerum traiecerat altum  
Non vno mucrone latus: duplexque tepebat  
Ensis: & vtrices in se conuerterat iras  
Tandem iusta manus.*

Et alio loco de Maximi, & Eugenij; deque Andragathij & Arbogastis, qui eorum Comites & Magistri militum fuerunt, exitu sic loquitur.

*Per varium gemini scelus erupere Tyranni  
Tractibus Occiduis. hunc sana Britannia fudit:  
Hunc sibi Germanus famulum delegerat exsul:  
Ausus vterque nefas; Domini respersus vterque  
Infantis iugulo.  
Hic noua moliri praeceptis; hic querere tuta  
Promidus; hic fufis; collectis viribus ille;  
Hic vagus excurrens; hic intra claustra reductus;  
Dissimiles, sed morte pares: euadere neutri  
Dedecus, aut missis licuit procumbere telis.  
Amisâ specie, raptisque insignibus ambo,  
Qui modo tam densas nutu mouere cohortes;  
In quos iam dubius sese librauerat orbis;  
In vultus rediere suos: manibusque reuinctis  
Oblati gladiis summittunt colla paratis.  
Amborum periere Duces. Hic sponte carina  
Decidit in fluctus: illum suus abstulit ensis.  
Hunc Alpes, hunc pontus habet.*

Apud eundem Claudianum Honorius puer, de sententia exercitus factus Imperator, Theodosiū patrem rogat, vt cum eo sibi liceat ad bellum Eugenianum proficisci.

*Sed cur non potius, verbis quæ differis, vsus  
Exterior? gelidas certè nunc tendis in Alpes,  
Duc tecum comitem: figant sine nostra Tyrannum  
Spicula: palleſcat nostro sine Barbarus arcu.  
Italiámne feram furiis prædonis acerbi  
Subiectam? patiar Romam seruire clienti?*

ccc.  
xcv.

Olybrio & Probino Coss. sub finem anni Rufinus natione Aquitanus, natus Elusæ in Nouempopulis, quem Theodosius Magistrum Officiorum & Consulem fecerat, ac tutorem Arcadio moriens instituerat, periit: vir strenuus; prudentia; altitudine ingenij; magnitudine corporis; extemporali sermonis facilitate excellens; sed avarus & rapax: quem Patricium & Præfectum Prætorij Stilico vtriusque Imperatoris tutelam sibi vindicans, in Tribunali Hebdomi per milites Orientales post victum Eugenium domum remissos interficiendum curauit, affectati Imperij falsò suspectum: quippe Alaricum Gothorum Regem pecuniâ sollicitatum in Græciam; Hunnos in Armeniam & Cappadociam immiserat non ob aliud, quàm vt contra Stiliconis insidias eorum præsidio munitetur. insequenti anno Rufini vxor, & filia in exsilium missæ sunt.

cccl-  
xxxii.

Per hæc tempora in Francis Regnum obtinebant Marcomeres & Sunno, forsitan Priami eius, quem Tiro Prosper quarto imperij Theodosij anno in Francia regnauisse scribit, filij. Certè in libro de vita Sigeberti posterioris Francorum Regis reperio Priamum patrem Marcomeris, auum Faramundi, Clodionis proauum, abauum Merouei Alanos vicisse: & ab Imperatore Valentiniano victum acie atque occisum esse. Vetus quoque Historicus, qui res gestas Merouingorū Regum scripsit; Abbâsque Monasterij Vrspergensis Conradus Marcomerem Priami filiū, & Sunnonem Antenore quodam natum principatu Valentiniani Priamo successisse dicunt. & Rorico Monachus Marcomerem Priamo genitum ait. Denique Priamum imperante Valentiniano ma-

iore in Francia regnâsse auctor est Sigibertus: affirmâtque quosdam eum à Valentiniani exercitu prælio fufum & occifum fcribere. ipfe anno V post Valentis Aug. mortem obiiffe credit, eodémque anno Marcomerem Priami filium, ac Sunnonem Principatum in Francia obtinere cœpiffe. Neque hoc Priami nomen, quodd Græcum eft, & originem Francorum ad Troianos referendi materiam multis fcriptoribus præbuit: ob eam rem videri debet viro Germano minimè conuenire. cùm (vt de ceteris ficleam) è tribus Alamannorum Regibus vnū Serapionem; alios duos Vrficinū, & Macrianum; & Quadorum Regulum Gabinium Ammianus Marcellinus nominibus Ægyptiis & Latinis appellet. Si autem verum eft, quod Tiro Proſper dicit: apparet Priamū à priore Valentiniano occidi non potuiſſe, qui anno ſeptimo poſt eius mortem, quarto imperij Theodoſij in Francia regnare occœperit: eundémque, ac Mallobaudem vno tempore Franciæ imperium obtinuiſſe. quem Mallobaudem (ſicuti ſupraſcripſimus) Gratianus Aug. Comitem, ac bellorum commilitonem per annos ampliùs VI habuit: & cuius ductu Macrianus atque Priarius potentiſſimi Reges Alamannorum acie victi ſunt & interfecti. Quo magis miror à Proſpero Priami quidem pœne ignoti viri mentionem fieri: Mallobaudem verò, Genobaudem, Marcomerem, ac Sunnonem nobiliſſimos Reges Franciæ præteriri. quippe nullum Regem Proſper Priamo, & Faramundo medium interponit: ſed hunc anno IV Imperatoris Theodoſij illum Honorij ſexto & viceſimo regnare cœpiſſe affirmat: vt Priamo, quicumque eſt, vnde quadraginta annos attribuire videatur: cùm is, ſi IV imperij Theodoſij anno Regni potiri occœperit, vix ſexennium complere potuerit. Nam dum Maximus Aquileiæ amiſſâ ſpe Principatus amens & attonitus ſedet; ſiue Theodoſio Aug. iterum & Cynegio Coſſ. anno decimo poſt exortū Theodoſij, Francos Genobaude, Marcomere, & Sunnone ducibus in Germaniam prorupiſſe auctor eſt Sulpicius Alexander: quem cùm nequaquam intelligeret Gregorius, & apud eundem ſcriptorem legiſſet, Arbogaſte Francorum agros depopulante;

cccc-  
xxxviii.

*paucos ex Amsiuariis & Cattis Marcomere duce in vltioribus collum ingis apparuisse* : haud dubitauit affirmare Francis Duces, non Reges eâ tempestate fuisse. hocque non solum veteribus nostris Historicis Fredegario, Aimoino, Roriconi, Adoni, Sigeberto, ac Iuoni; sed etiam Nicolao Vignerio, aliisque recentibus nimis credulis auctoritate sua persuasit. tanta omnium vel securitas, vel linguæ Latinæ ignorantia fuit, vt quod cuiusquam ductu gestum sit; id eo duce actum esse Latine dici nescierint: non minùs ridiculi, quàm qui Iunonem apud Virgilium ita de se loquentem

*Me duce Dardanius Spartam expugnavit adulter?*

Ducem appellandam diceret, Reginam negaret. Scilicet Atech; Genobaudes, Mamertino Genoboudes dictus; Ascaricus; Regaisus; Nebiogastes, vel Nebigastes; atque Mallobaudes Reges Francorum fuerunt! Genobaudes minor, Marcomeres, & Sunno non fuerunt! quos posteriores duos Sulpicius Alexander ipse, & Paulinus in libro de vita Ambrosij, ac Claudianus Reges nuncupant. Quid quòd & Reges, quorum cum apud ceteras nationes; tum maximè apud Francos, gentem liberam atque bellicosam, præcipuæ partes semper fuere, vt exercitus ducerent; auctores Latini Ducum nomine sæpe vocauerunt? Sic Titus Liuius in lib. XLV Solouettium & Ducem Gallorum, & Regulum Gallorum appellat. Publius Virgilius Maro Turnum modò Ducatorem; modò Regem Rutulum nuncupat. Sed hoc clarius ac certius est, quàm vt indicari egeat aut probari. Neque est, quòd tantopere sudet Gregorius, dubitetque Reges; an regiam vicem functi fuerint Marcomeres, & Sunno: quoniam ambos idem Sulpicius Alexander Francorum Regales, ac Subregulos Francorum vocet. licet enim Regales propriè dicerentur Regum filij, atque propinqui, qui Regibus quidem auctoritate & potentiâ inferiores essent; sed Subregulis, ac nonnumquam etiam minoribus Regalibus imperarent: tamen ex superioribus satis apparet Alexandrum licentiùs verbis abusum Regales, & Subregulos pro Regibus dixisse.

Vt

Vt autem cuius filij; ita & cuius successores fuerint Genobaudes, Marcomeres, & Sunno, (nam saltem Marcomerem, & Sunnonem fratres fuisse infra docebimus) inter auctores non constat. Aimoinus Francioni cui-dam fabulis memorato; Nicolaus Vignerius Mallobaudi; alij scriptores Priamo eos successisse tradunt. Regnare in Francia cœpere paullo ante alterum Theodosij Consularum: quo anno Clementis Maximi bello ciuili pressi absentia inuitati, transito Reno, Galliam incurfionibus vastauere: ac transgressos in Franciam Romanos fudere & fugauere. cui expeditioni non diu superfuisse videtur Genobaudes, à Sulpicio Genobaldus; à Fredegario Aimoinoque Genebaudus dictus. quoniam Sulpicius Alexander nullam deinde eius; sed Marcomeris tantum ac Sunnonis mentionem facit; Genobaudem Marcomeri, Marcomerem Sunnoni præponens. ex quo intelligitur vt Genobaudem maximum ex fratribus; ita Sunnonem minimum natu fuisse. Idem Auctor apud Gregorium scribit Marcomerem & Sunnonem, ob ætas ex prouincia Germania prædas, Timasio & Promoto Coss. euocatos ab Imperatore Valentiniano in colloquium venisse: datisque ex more obsidibus domum rediisse: ac Arcadio Aug. II & Rufino Coss. sub finem anni, Arbogaste agrum Bructerorum ripæ Reni proximum, & pagum Chamauorum populante; paucos Amsuarios, & Cattos Marcomere duce in vltioribus collibus apparuisse: belloque varia fortunâ gesto pacem factam; & postea Valentiniano interfecto ab Eugenio antiqua fœdera cum Francorû Regibus, id est cum Marcomere & Sunnone inita esse. Hoc loco animaduerto Arbogastem Postumi, Lolliani, Probi, Maximiani, Constantij maioris, Constantini, Crispi Cæs. Iuliani, Valentiniani, & Quintini Magistri militum exempla secutum in Franciâ transisse: in qua præter homines & pecora nihil erat, quod capi posset; præter casae nihil, quod miles incenderet. atque post id tempus attritis Imperij viribus neminem Romanum vmquam cum exercitu fines Francorum ingredi ausum esse. præterea Marcomerem Faramundi patrem in Bructeris, Chamauis, Amsuariis, & Cattis Regnum obtinuisse. quippe ille, nisi his populis

præfuiſſet, priores duos defendere non debuit; poſteriores duos milites habere non potuit. Erant autem Amſuarij, vti Bruſteri, Chamaui, & Catti; Franciæ gens, quos Caius Cornelius Tacitus in libro XIII Annalium Anſibarios; Iulius Honorius Orator in libello de Coſmographia, ac Iſidorus Amſuaros, & Amſibaros appellant: & quos quidam apud Ammianum Marcellinum Attuarios dici falſò affirmant: cùm Attuarij Franci quidem & ipſi, Renóque coniuncti, & antedictæ trigæ populorum finitimi, ab Strabone Chattuarij; Attuari à Velſeio; à Tacito & Ptolemæo Chaſuari; & in Annalibus rerum geſtarum Caroli Ducis Hattuarij, atque Hazzoarij vocentur.

Ceterùm notandum eſt veterem Auctorem Hiſtoriæ Franciæ, Roriconem Monachũ, Adonem Viennenfium Episcopum, Sigibertum, Iuonem, multòſque alios, cùm apud Gregorium legiſſent *Genobaude Marcomere & Sunnone ducibus Francos in Germaniam irrupiſſe, ex eaque prædas egiſſe*; deceptos nomine Germaniæ tradidiſſe Francos relictâ Pannoniâ. Marcomeris & Sunnonis ductu in Germaniam commigrauiſſe: & loca circum extremas partes Reni, ſeu circa oſtium fluminis occupaiſſe. Vt appareat ab iſdem Sulpicii Alexandri verbis non intellectis & hunc recentiorum ſcriptorum, & ſupradictum Gregorij errorem ortum eſſe. Miror verò, quòd Marcomerem, & Sunnonem (priorem noſtri Marcomirum; poſteriore Sonnonem, ac Somnonem appellant) ſex & triginta annos regnauiſſe Sigibertus prodatur. nam ambo paullo ante alterum Theodoſij Aug. Conſulatum Regni potiti, ſub initia principatus Honorij ante Stiliconem Conſulem perierunt. Certè Claudianus, Poëta æqualis huius temporis in libro I de laudibus Stiliconis ſcribit Marcomerem & Sunnonem fratres, non ſanguine & Regni ſocietate quàm morum ſimilitudine coniunctiores, quoniam inquieti & otij impatientes cœdus cum Honorio ictum frangere volebant; miſerabilem exitum feciſſe. eorum enim alterum, id eſt (vt aliqui arbitrantur) Marcomerem à ſuis vel auro corruptis, vel bellum peroris viuum Flauio Honorio traditum eſſe: quem Imperator in carcerem & vincla conie-

cccl.  
xxxviii.

cccc.

cerit, atque cognitâ causâ in Etruriam relegauerit. alterum, fratris se exsilium ac iniuriam ulturum minitantem, Principum Maiorûmque coniuratione esse interfectum.

*Provincia missos*

*Expelles citius, fallax quàm Francia Reges,  
Quos dederis, acie non iam pulsare rebelles,  
Sed vinculis punire licet. sub iudice nostro  
Regia Romanus disquirat crimina carcer.  
Marcomer, Sonnoque docent: quorum alter Etruscum  
Pertulit exsilium: cum se promitteret alter  
Exsulis ultorem, iacuit mucrone suorum.  
Res auidi concire novas, odioque furentes  
Pacis, & ingenio scelerûmque cupidine fratres.*

Quibus etiam versibus videtur indicare Claudianus in locum Marcomeris & Sunnonis Reges ab Honorio esse suffectos. Vnde in libro I in Eutropium tradit Honorium Aug. cum ei Eutropius eunuchus ex Oriente Consul nuntiatus est; siue Consulatu Mallij Theodori cum Germaniz gentibus foedera iunxisse, aliis Reges imponentem, aliis obsides; aliis milites imperantem.

ccc.  
xcix.

*Tum fortè decorus*

*Cum Stilicone gener pacem implorantibus ultro  
Germanis responsa dabat: legesque Caycis  
Ardens, & flauis signabat iura Suenis.  
His tribuit Reges: his obside fœdera sancit  
Indictò: bellorum alios transscribit in usus:  
Militet ut nostris desonsa Sicambria signis.*

Deinde Romam cum Honorio sic loquentem fingit.

*Ante pedes humili Franco, tristisque Sueno  
Perfruor, & nostrum video Germanice Renum.*

Sed ut hoc incertum est; ita maximè constat Flauium Stiliconem, Magistrum militum, paucis comitatum in Rætiam contendisse & flumen Renum pernauigasse; euocatis ad se Alamannorum, ac Francorum Regibus: qui contra Theodosium adiuti Arbogastis & Eugenij sibi conscij pro summo beneficio pacem acceperint, filiosque obsides dederint. cum antea Imperatores Romani tributarios haberent, nec nisi acceptâ pecuniâ incurfio-

nibus abfisterent. Sic Stiliconem peruenisse ad locum, ubi Renus duo in ora se scindit: rebûsque ex sententia confectis, post paucos dies quàm profectus erat reuertisse. Marcomeres autem, & Sunno etiam tum in Francia regnabant: qui paullo post (vt supradictum est) cùm id fœdus frangere vellent, indignum nobilitate ac virtute sua exitum fecere. Ex quo intelligitur Faramundum Marcomeris filium præter ceteros oblidem Honorio datum esse. Hoc fœdus initio principatus Honorij ex more initum, seu potiùs renouatum esse Olybrio & Probinò Coss. priusquam Stilico in Alaricum Gothorum Regem Macedoniam & Epitum depopulantem expeditionem faceret, & Theodosianos ciuiliis belli victores domos ferneret, docet Claudianus in Panegyrico Honorio IY Consuli dicto, Honorium alloquens Stilicone subnixum.

CCC.  
XCV.

*Hunc tamen in primis populos lenire feroces,  
Et Renum pacare iubet. volat ille citatis  
Vectus equis; nullâque latus strigante caterua,  
Aspera nubifera: quâ Rætia porrigit Alpes,  
Pergit; & hostiles (tanta est fiducia) ripas  
Incommissus adit. totum properare per amnem  
Attonitos Reges humili ceruice videres.  
Ante Ducem nostrum flammâ sparsere Sicambri  
Cesariem: pauidoque orantes murmure Franci  
Procubuerè solo. iuratur Honorius absens,  
Imploratque tuum supplex Alemania nomen.  
Basternâ venere truces; venit accola siluæ  
Bructerus Hercynia; latisque paludibus exit  
Cimbrus; & ingentes Albim liquere Cherusci.  
Accipit ille preces varias, tardeque rogatus  
Annuat, & magno pacem pro munere donat.  
Quod longis alij bellis potuere mereri,  
Hoc tibi dat Stiliconis iter. Post otia Galli  
Limitis hortaris Graias fulcire ruinas.  
Ionium tegitur velis.*

Hanc pacem operâ Stiliconis factam cum Germanis ac-  
colis Reni; hoc est cum Francis, & Alamannis, ac fortas-  
se etiam pretio redemptam; velut felicem aliquam ex-



celsamque victoriam magnificentius inflatusque quam  
verius carminibus celebrat idem Poëta in libro 1 de lau-  
dibus Stiliconis.

Miramur rapidis hostem succumbere bellis,  
Cum solo terrore ruant? non classica Francis  
Intulimus: iacuer tamem non Marte Suenos  
Contudimus, quæis iura damus: quis credere possit?  
Ante tubam nobis audax Germania seruit.  
Cedant Druse tui; cedant Traiane labores.  
Vestra manus dubio quidquid discrimine gessit,  
Transcurrens egit Stilico: totidemque diebus  
Edomuit Renum, quot vos posuistis in annis.  
Quem ferro, alloquitis; quem vos cum milite, solus.  
Impiger à primo descendens fluminis ortu  
Ad bifidos tractus, & iuncta paludibus ora  
Fulmineum perstrinxit iter. Ducis impetus undas  
Vincebat celeres: & pax à fonte profecta  
Cum Remi crescebat aquis. Ingentia quondam  
Nomina, crinigero fluentes vertice Reges,  
Qui nec Principibus donis precibusque vocati  
Paruerant; iussi properant: segnitique verentur  
Offendisse morâ. transuerti lintribus amnem  
Occursant, ubicumque velis. nec fama fefellit  
Justitia: videre pium, videre fidelem:  
Quem veniens timuit; rediens Germanus amavit.  
Illi terribiles, quibus otia vendere semper  
Mos erat, & fœdâ requiem mercede pacisci:  
Natis obsidibus, pacem tam supplice vultu  
Captiuoque rogant, quàm si post terga reuincti  
Tarpeias pressis subeant ceruicibus arces.  
Omne, quod Oceanum fontèsque interiacet Istri,  
Vnius incursum tremuit: sine cade subactus  
Seruitio Boreas, exarmatique Triones.  
Tempore tam paruo tot prælia sanguine nullo  
Persicis; & Lunâ nuper nascente profectus  
Antè redis quàm plena fuit; Renumque minacem  
Cornibus infractis adeò mitescere cogis:  
Vt Salus iam rura colat, flexosque Sicambri  
In falcem curuent gladios, geminasque viator

*II. Cùm videat ripas, quæ sit Romana requirat:  
 Ut iam trans fluuium non indignante Cayco  
 Pascat Belga pecus; mediúmque ingressa per Albim  
 Gallica Francorum montes armenta pererrent.  
 Vltro quinetiam deuota mente tuentur,  
 Victoriq̃ fauent. quoties sociare cæteruas  
 Orauit, iungique tuis Alemaniam signis!  
 Nec doluit contempta tamen, spretoque recessit  
 Auxilio laudata fides. Prouincia missos  
 Expelles citius, fallax quàm Francia Reges,  
 Quos dederis.*

Quibus ex versibus apparet Claudianum aut studio adu-  
 landi, aut æstu quodam ingenij longiùs abreptum incre-  
 dibilia narrare. Si enim Stilico nouâ Lunâ profectus,  
 & à Mediolano ad diuortium Reni ampliùs 100 millia-  
 ria emensus ante plenilunium rediit: quâ festinâtionẽ  
 intra tam breue temporis spatium, hoc est intra XIV cir-  
 citer dies Principes Cheruscorum, & Cimbrorum ex  
 interiore Germania; atque etiam Duces gentis Bastar-  
 narum seu potiùs Bastarnarum ex Sarmatia euocari, ne  
 dicam in colloquium venire potuere? Quòd si quis di-  
 cet earum nationum Regulos ad ripam Reni aduentum  
 Stiliconis opperiri monitos esse, vt venienti celeriter oc-  
 currerent: constabit ne sic quidem Bastarnas eò acciri  
 debuissẽ. nisi fortè Bastarnæ Reno quàm Danubio pro-  
 piores; aut Sarmatarum incursiones Galliz magis quàm  
 Pannoniz Mœsizque metuendæ fuerunt. Præterea mi-  
 nor Claudianum sperauisse cuiquam posse persuaderi pe-  
 cora Belgarum non solùm vltra Renum propulsa in pa-  
 bulum; sed etiam trans Amisum, & Visurgim, ac Al-  
 bim ipsum, quod flumen à Reno millia passuum quadrin-  
 genta abesse Velleius affirmat; pastum vmquam exacta  
 esse. Quam ego mendam à librariis ortam, & ita corri-  
 gendam arbitror.

*Vt iam trans fluuium, non indignante Cayco,  
 Pascat Belga pecus; mediúmque ingressa per alueum  
 Gallica Francorum montes armenta pererrent.  
 Vbi fluuium, mediúmque alueum cùm dicit, Renum  
 Poëta vult intelligi: & Caucos, seu Caycos, nationem*

Germanam, gentibus Francorum annumerat. Sic Eumenius de laudibus Constantini Aug. dicit *greges Gallorum toto flumine bicorni* (id est Reno) *mersari* post Ascaricum & Regaifum Reges Francorum victos & captos.

Ob id fœdus, sicut antè dictum est, factum cum Francis & Alamannis; Claudianus Galliam indignantem querentemque nondum Consulatum præmium meritorum Stiliconi datum esse, fingit his versibus.

*Qui mihi Germanos solus, Francosque subegit,  
Cur nondum legitur fastis? cur pagina tantum  
Nescit adhuc nomen, quod iam numerare decebat?  
Vsq̃ue adeòne levis pacati gloria Reni?*

Honorio Aug. II III & Eutychiano Coss. aduersus Gildonem Maurum idolorum cultorem, sub specie partium Arcadij Africâ sibi vindicantem Mascizel eius frater, vir Christianus est missus: quocum se Francorum Imperatoris sociorum classem coniunxisse falsò affirmat Nicolaus Vignerius: quòd apud Claudianum Honorius, Gildoni hosti à Senatu iudicato bellum inferre parans sic loquitur.

ccc.  
xcviii.

*Transmittere primus*

*Ipse paro. quacumque meo gens Barbararum  
Stringitur, adueniat. Germania tota feratur  
Nauibus, & socia comitentur classe Sicambri.  
Pallida translatus iam sentiat Africa Renum.*

Quippe Claudianus ipse in lib. belli Gildonici, & Orosius in libro VII docent Mascizelem Pisis profectum Caralim venisse: inde secundo vento in Africam traiecisse: habuisse autem secum non plura quàm quinque militum millia; nimirum Iouianos, Herculianos, Sagittarios Nervios, Felices, Augusteos, Inuictos, & Leones: quæ tum nomina legionũ erant. eaque manu Gildonem, filiorum suorum interfectotem, fretũ armatis millibus LXX pæne sine pugna ac sine sanguine vicisse. Vt appareat exercitum, quem Imp. Honorius auctore Stilicone aduersus Gildonem misit, haudquaquam (sicuti credit Vignerius) ex Franciæ Germaniæque gentibus fuisse confectum. Gildone interfecto, & Africâ receptâ multi, qui partium eius adiutores fuerant, proscripti sunt: in his Mar-

charidus, nî fallor, cuius mentio fit in Codicis Theod. libri IX titulo XLII.

Quod verò suprà Claudianus ait Sicambros, quos quidam Græcos auctores secuti Sugambros, aut Sygambros appellant, sub signis Ducibusque Romanis militauisse; hoc de Francis dictum esse facillè intelligi potest: quoniam ea tum gens agrum veterum Sicambrorum possidebat. & Notitia prouinciarum Imperij Romani, Honorij principatu scripta, Salios in partibus Orientis Auxiliis Palatinis annumerat: docetque Alam primam Francorum Apollonos; Cohortem XI Chamauorū Peamû; Cohortem VII Francorum Diospoli; Alam I Francorum Cunnæ; & Alam octauam Flauiam Francorum Ripaltæ (quæ Thebaidis, Syriæ, & Mesopotamiæ loca erant) in præsidio fuisse. quæ Auxilia, Alas, & Cohortes Imperatores Constantinus Maximus & Constantius eius filius ex Francis cùm captiuis, tum dediticiis confecisse videntur, & in Orientem transtulisse. Eodem in libro in Occidente Francorum gentes Salij, Bructeri, Amsuarij, ac Salij Gallicani inter Auxilia Palatina numerantur: ex quibus Salij seniores, Bructeri, & Amsuarij in Galliis sub viro illustri Magistro equitum militabant: Salij iuniores Gallicani in Hispania præsidij causâ constituti erant: & Præfectus Lætorum Francorum Redonis, vrbi prouinciæ Lugdunensis tertiæ, præfuisse dicitur.





# HADRIANI VALESII

RERVM FRANCICARVM

LIBER TERTIVS.



**I**RES Occidentis Theodosianis bellorum ciuiliū victoriis, ac continuis Barbarorum incurſionibus attenuatas Fl. Stiliconis perfidia & ambitio fregit: qui Magiſter vtriuſque militiæ, bis Conſul, & Patricius, ac Honorij ſocer, inflatus matrimonio Serenæ Auguſtorum ſororis patruelis, nec contentus arbitria paciſ armorūque agere; Eucherio filio ſuo Imperium conciliare conatus eſt; nomine eiꝯ nummiſ clam percuffiſ inſcripto: nouāque & Reipublicæ pernicioſam rationem excogitauit, quā ſe nemini ſuſpectum fore exiſtimabat. Nam Alaricum Regem Gothorum apertis Alpibus immiſit Italiæ, & ſæpe victum opprimere cū poſſet noluit; ſæpe inſidiis incluſum de induſtria incolumem dimiſit: ac nihilominꝯ Radagaiſi Regiſ quoque Gothorum copiis partim cæſiſ, partim fame in deditiōnem ſubactiſ; Alanos, Sueuos, Vandalos, vnde genus ducebat, Burgundiones, multāque alias Germaniæ gentes magniſ doniſ illectiſ etiam ad

depopulandam Galliam euocauit. præterea Præfectos Italix, ac Galliarum, ac potentissimos quosque copiarum duces in societatem coniurationis adsciuit: ratus turbatis rebus necessariò milites, contemptâ Honorij desidiâ, Imperium ad Eucherium consociorum impulsu delaturos, seque Barbaros uti incitasset, sic in medio spatio facile repressurum. Igitur Alani, Tanais antea, tum Danubij accolæ, Respendiale & Goare ducibus primi arma sumere: & per agrum Marcomanorum, Toringorum, atque Francorum impunè iter fecere, & ad flumen Renum peruenire. Ibi Respendial aduentum Vandalorum expectare statuit: Goar autem Regulus partis Alanorum cum suis ab eo se abrupit, Romanisque iunxit. Vandalis mox eandem viam ingressis Franci armati occurrerunt, proelioque commisso millia hominum vicena occiderunt. Rex ipse, quem alij Godigiscum, alij Godigiscum, alij Gundigiscum appellant, est interfectus. nec quisquam ex tota gente cædi superfuisset, nisi Respendial audito Vandalos ab Francis itinere prohiberi, confestim copias suas circumegisset, & opportunè adueniens perterritos ac de salute desperantes periculo liberauisset. Ita Vandali coniuncti cum Alanis iter inceptum perrexere, & in Godigiseli locum Gundericum eius filium substituere: ut Renatus Profuturus Frigeridus apud Gregorium docet his verbis. *Interea Respendial Rex Alanorum, Goare ad Romanos transgresso, à Reno agmen suum conuertit, Vandalis Francorum bello laborantibus; Godigiselo Rege absumto acie; viginti ferme millibus ferro peremptis; cunctis Vandalis ad internecionem delendis, nisi Alanorum vis in tempore subuenisset. Credendum tamen est Francos, postquam Vandalos acie vicerant, superuentu Alanorum fusos, & fugatos esse: aut falsò Paullus Orosius affirmat eos à supradictis Barbaris protritos esse. Excitata (inquit ille) per Stiliconem gentes Alanorum, Sueuorum, Vandalorum, ipsòque simul motu impulsorum Burgundionum, multaque cum his alia copiis viribusque intolerabiles, quibus nunc Galliarum, Hispaniarumque prouincia premuntur; Francos proterunt; Renum transeunt; Gallias inuadunt; directoque impetu ad*

*Pyrenæum usque perueniunt: cuius obice ad tempus repulsa, per circumiacentes prouincias refunduntur. Ex quo intelligitur Orosium existimauisse Sueuos, ac Burgundiones, cum Alanis Vandalisque coniunctos, longo itinere per Franciam in Galliam ire contendisse. cum Sueui isti, quos Hieronymus in epistola ad Gerontiam, & Gregorius in libro II Historiæ Alamannos appellant; finitimi Burgundionibus ad superiorem partem Reni ferè pertinerent. Verba Orosij non eâ quâ Beda fide transcripsit Gregorius hunc in modum. *Stilico congregatis gentibus Francos proterit, Renum transit, Gallias peruagatur.* tamquam Stilico ipse Germanis instructus apertâ defectione prouincias Imperij Romani igne ferroque vastauerit, nec auctorem se solùm populationis, sed etiam ducem Barbaris præbuerit. Paullus Langobardus nequaquam fuit Gregorio diligentior, qui arbitratus Francos in Gallia iam tum consedisse, tradit Alanos, Sueuos, Vandalos, & Burgundiones *Renum flumen transisse, Francosque fugare e Galliâ voluisse.* Similiter Sigibertus non contentus eruptiones duas, annorum CXL spatio diuisas ferè coniunxisse, Vandalisque tribuisse, quarum altera Galliæ principatu Croco duce ab Alamannis; altera à Vandalis ductu Gunderici imperante Honorio in Galliam facta est; credit Francos cum Vandalis in Gallia pugnauisse, atque *Vandalis Gallias incursantibus congressos Francos Modigisilum Regem* (ita Godigisilum vocat) *cum XX millibus Vandalorum interemisse.**

Cùm igitur constet Godigisilum Regem Vandalorum, iter per vim tentantem, in Fræcia pulsum acie & occisum esse: & cùm Vandalos, quos alius Vindilos, alius Vandalos, alius Vandalios appellat, Plinius Secundus inter genera Germanorum quinque; Tacitus inter antiquas Germaniæ gentes numeret: cùmque Dio Cassius in libro LXXII, Iulius Capitolinus, Eutropius, Tabula Theodosiana, ac Hieronymus eos Marcomanis & Quadis Germanorum populis confines, circa Danubium & Albis caput ponant: mirari conuenit cuiquam probari potuisse opinionem Procopij, abusq; Mæotide Vandalos deducantis,

affirmantisque eos fame & inopiâ compulſos, Alanis ſociis ſibi adſcitis, in Germaniam, quæ tum Francia vocaretur, & ad flumen Renum veniſſe: inde Godigiſci ductu in Hiſpania ſedem cepiſſe. Quamquam Saluianus in libro VII de Prouidentia Diuina tradit Deum *excitatas pane ab vltimis terra finibus gentes trans mare miſiſſe*, quæ Afrorum ſcelera punirent. quod de Alanis quidem verè dicere potuit; de Vandalis non item, ſi eos gentem Germaniæ eſſe, aut certè ex Germania in prouincias Imperij Romani tranſiſſe exiſtimabat. Et Sido-  
nii in carmine, quod inſcribitur Narbo, Vandalos

— *Africana*

*Telluris Tanaiticum rebellem*

appellat: atque in Panegyrico dicto Maioriano Aug. Conſuli de Geiſerico Rege Vandalorum luxuria enervato ſic loquitur

*Conſumit in illo*

*Vim gentis vita vitium Scythicam feritatem.*

Vt Vandalos in Scythia ſedem habuiſſe circa Tanaim flumen Sidonius credidiſſe videatur, quemadmodum ſenſit Procopius. At Iordanes Dexippum ſecutus ait Vandalos ab Oceano circum Scanziam inſulam fuſo profectos, ad Romanum limitem; hoc eſt ad Danubium vix anni itinere perueniſſe: & in vetere Dacia conſediſſe: ibi ab Oriente habuiſſe Gothos, ab Occidente Marcomanos, à Septemtrione Hermunduros, à meridie Danubium: victosque acie à Geberico Gothorum Rege, in Pannoniæ agris ab Constantino Maximo Aug. eſſe collocatos: qua ex prouincia Honorij principatu vnà cum Alanis in Galliam; ac poſtea in Hiſpaniam; tandèmq; in Africam tranſierint.

Procopium de ſupradicta Vandalorum expeditione ac migratione ita vè diximus loquentem ſecuti ſunt, neque tamen intellexere Theophanes apud Conſtantinum Porphyrogenetum in libro de adminiſtrando Imperio, Paullus Langobardus, & Nicephorus Calliſtus in libro XIV. quippe produnt Vandalos iunctos Alanis, & Germanis, qui Franci appellabatur, Godigiſco duce per Gallias in Hiſpaniam perueniſſe, atque ibi conſediſſe. At



Vandali, & Alani ex Germanis Sueuos, & Burgundiones huiusce expeditionis socios; Francos autem infestissimos hostes habuere: & Godigifelus, seu Modogifelus Rex Vandalorum à Francis antequam Renum superaret victus atq; interfectus est. Quare falsò iidem Auctores dicunt mortuo in Hispania Godigifelo filium successisse Guntharum, qti à Procopio Guntharis, Gondaris à Zonara, ab ceteris Gundericus nominatur: quo Rege Vandalos in Galliam primùm, deinde in Hispaniam commigrauisse Gregorius in libro II memoriæ tradit. Minor frater Gunderici fuit Geisericus claudus, Godigifeli Regis ex ancilla filius, cuius incursionibus vastatas Gallias & Hispanias, ac iam pæne amissas Alarico Regi Gothorum sedes quæritanti Honorium Aug. paullo ante prælium Pollentinum, hoc est Arcadio V & Honorio V cgcen. Coss. condonauisse ait Iordanes: cùm eo anno nondum sollicitatis à Stilicone Barbaris Gallia omnis, & Hispania sub imperio Honorij ac ditione fuerit: & Geisericus anno IV post Honorij mortem, post prælium Pollentinum XXV, sicut Hydatius scribit, Gunderico successerit. Eundem Iordanem deceptum credo, cùm ait Vandalos Gratiani principatu in Galliam incursionem fecisse.

Igitur Alani Respendiale duce; Vandali Gunderici auspiciis; Sueui Hermerico, seu Ermenrico Rege; Burgundiones ductu Gundicarij Renum transiere, finésque Galliarum facile sunt ingressi: propterea quòd citeriorem ripam fluminis Stilico præsidis antè nudauerat. Quam obrem apud Claudianum in libro II de laudibus Stiliconis.

*Grates Callus agit: quòd limite tutus inermi,  
Et metuens hostile nihil, noua culmina totis  
Ædificet ripis: & seuum gentibus amnem  
Tibridis in morem domibus praeuelet amænis.*

Idemque auctor est Stiliconem bello Gothico legionum, quæ eius limitis tuendi causâ ex more gentibus Germaniarum oppositæ erant, operâ usum esse.

*Agmina quinetiam flauis obiecta Sicambris,  
Quæque domant Cattos, immanesque Cberuscos,  
Huc omnes vertere minas: tutumque remotis*

*Excubiis Renum solo terrore relinquunt.  
 Vllane posteritas credet? Germania quondam  
 Illa ferox populis, quæ vix instantibus olim  
 Principibus totâ poterat cum mole teneri,  
 Tam sese placidam præbet Stiliconis habenis:  
 Vt nec, præsiidiis nudato limite, tentet  
 Expositum calcare solum; nec transeat amnem,  
 Incustoditam metuens attingere ripam.*

De tempore huius Barbarorum expeditionis inter Au-  
 ctiores non conuenit. irrupisse Alanos, Sueuos, & Van-  
 dalos in Galliam tradit Honorij Aug. æqualis Paullus  
 Orosius ante biennium, quàm Roma caperetur: (Roma  
 ccccx. autem Flauio Varane Consule ab Alarico capta est) Pro-  
 sper quoque in Chronico XIII imperij Honorij anno,  
 cccc-  
 viii. hoc est (vt Marcellinus Illyricianus scribit) Basso &  
 Philippo Coss. sed apud Senatorem, & Zosimum, atque  
 in Fastis, qui etiâ sub Tironis Prosperi nomine feruntur,  
 ccccy. Arcadio VI & Probo Coss. pridie Kalendas Ianuarias  
 eisdem Barbaros Galliam ingressos inuenio. de quibus  
 Fastis, Chronicôque hoc sentio, alterutrum opus Prospe-  
 ri non esse: cùm minimè verisimile sit vnû eundemque  
 Auctorem non solùm de eisdem rebus bis scripsisse, sed  
 etiam cùm in aliis; tum maximè in notatione temporum  
 à se ipsum discrepare potuisse. Idem Prosper in præfa-  
 tione librorum de Prouidentia Galliam & Aquitaniam  
 à Vandalis & Gothis per annos X depopulatam dicit, &  
 castella rupibus, opida montibus præaltis, vrbes magnis  
 fluminibus impositas Barbarorum dolis aut virtuti pa-  
 cccc-  
 xv. tuisse. Honorij autem X & Theodosij VI Consulatus, quo  
 anno Ataulfus Gothorum Rex Gallia excessit, & in Hi-  
 spania interemtus est; post Arcadij VI & Probi Consula-  
 tum, quo Vandali in Gallias eruperunt, nonus est annus:  
 cccc-  
 xvi. & insequenti anno Theodosio VII & Palladio Coss. Va-  
 lia Ataulfi successor pacem cum Honorio fecit.

Quantis copiis inundaerint Gallias Alani, Sueui, Van-  
 dali, & Burgundiones, plurimarû gentium Barbararum  
 velut amnium accessu adaucti; quot vrbes ceperint, diri-  
 puerint, diruerint; Sophronius Eusebius Hieronymus, il-  
 lius ætatis locuples Auctor in epistola ad Gerontiâ de Mo-

nogamia docet his verbis. Innumerabiles & ferocissima nationes uniuersas Gallias occuparunt. quidquid inter Alpes & Pyrenæum est, quod Oceano & Reno includitur, Quadus, Vandalus, Sarmata, Alani, Gipedes, Eruli, Saxones, Burgundiones, Alemani, & o lugenda Respublica? hostes Pannonij vastarunt. Etenim Assur venit cum illis. Magontiacum nobilis quondam ciuitas capta, atque subuersa est, & in Ecclesia multa hominum millia trucidata: Vangiones longâ obsidione deleti. Remorum urbs propotens, Ambiani, Atrebatæ, extremique hominum Morini, Tornacum, Nemetæ, Argentoratus translata in Germaniam. Aquitania, Nouémque populorum, Lugdunensis, & Narbonensis prouincia, præter paucas urbes, populata sunt cuncta: quas & ipsas foris gladius, intus vastas fames. Non possum absque lacrimis Tolosa facere mentionem, quæ ut hucusque non rueret, sancti Episcopi Exsuperij merita præstiterunt. Ipsa Hispania, iam iamque peritura, quotidie contremiscunt, recordantes irruptionis Cimbricæ: & quidquid alij semel passi sunt, illa semper timore patiuntur. Olim à mari Pontico vsque ad Alpes Iulias quæ erant nostra, non nostra sunt: & per annos XXX fracto Danubij limite in medijs Imperij Romani regionibus pugnatur. quod non culpâ Principum, qui religiosissimi sunt; sed scelere Semibarbari accidit proditoris, qui nostris contra nos opibus armauit inimicos. Præterea Augustam Veromanduorum à Vandalis, Alanis & Hunnis euerfam Fortunatus ait: ab hisque oppugnatum Laudunum capi potuisse negat Auctor libri de vita Salabergæ. Sedunum quoque, Andematunnum Lingonum, & Vesontionem vrbes à Vandalis expugnatas esse auctores sunt Vfsuardus, ac Sigebertus: Desideriûmque Episcopum Lingonicæ Ecclesiæ cum Vincentio Archidiacono, multisque opidanorum iugulatum; Antidium Vesontionensem Episcopum occisum esse. Ex quibus intelligitur verum esse, quod Saluianus Ecclesiæ Massiliensis Presbyter in libro VI atque VII de Prouidentia Dei scribit, Vandalos, ceterosque Barbaros per prouinciam Germaniam cognomine primam, deinde per Belgicam, & Aquitaniam iter fecisse: hisque regionibus igne &

ferro vastatis singula Galliarum membra lacerauisse: & Mogontiacensium atque Basiliensium ciuitates ab eisdem excisas esse, atque deletas: nec falsò Prosperum in Chronico prodere *Alanos, & Vandalos partem Gallie Saxonum incursione vastatam deuastauisse*. Alemanos autem Hieronymus suprà vocat, quos Historici Sueuos, gentem Alamannis ac Rætis finitimam, fuisse dicunt. *Hofstes* quoque *Pannonios*, Hunnos appellat, qui victo & interfecto Valente Augusto Pannoniam annis L tenuerunt, ex eaque Hierio & Ardabure Coss. (vt Iordanes & Marcellinus scribunt) ab Romanis, adiutoribus Gothis, sunt pulsi. Nec de aliis quàm Hunnis Hieronymum loqui indicio sunt sequentia verba: *Assur venit cum illis*. quippe veteres Hunnorum fines non longè aberant à flumine Tigri, & monte Niphate: quorum alterum à Septemtrione, alterum ab Occidente habebat Assyria, ab Assure Noë abnepote cognominata. vnde apud Claudianum in libro primo in Eutropium dicuntur Hunni initio principatus Arcadij, *rupto Niphate*, Armeniam, Cappadociam, Ciliciam, & Syriam incursione deuastauisse. & Theophylactus Simocatta in libro IV Historiæ prodit Cosdroem posteriorem Regem Persarum, cum Regno expulsus & profugus Tigrim transisset, velut in confinio gentis positum dubitauisse; vtrumne ad Hunnos, qui Turci appellabantur, an ad Romanos sese conferret. Ceterum quas vrbes Gallie *translatas in Germaniam* ait Hieronymus, in ditionem nationum Germanarum redactas vult intelligi: & *Semi-barbarum proditorem*, Stiliconem Vandalò patre natum nuncupat, qui cum detecta coniuratio esset, X Kalendas Septembres; aut vt Olympiodorus scribit, IX. Kalendas Decembres Rauenne Basso & Philippo Coss. dato signo cum confectis ab exercitu est interfectus. Eucherius eius filius Romam in Ecclesiam confugit, ac paullo post occisus est. & iisdem Coss. Arcadius Aug. moriens successorem Imperij Orientis filium Theodosium, annorum septem puerum reliquit. Sed non possum non mirari, quòd Hieronymus in ea epistola dicat Hispanos, viros valde aut memores, aut doctos, sua ætate irru-

cccc.  
xxvii.

cccc.  
viii.

irruptionem Cimbricam recordatos esse : quorum ne atauorum quidem atauī Cimbroſ in Hiſpania videre poterunt. Cimbri enim, antequam ſeſe Italiæ ſuperfunderent, Pyrenæum ſaltum tranſgreſſi, depopulatiſ agris, multiſque opidiſ exciſiſ, abſ Celtiberiſ finibuſ Hiſpaniæ ſunt expulſi. à quo tempore ad irruptionem Vandalicam & Suevicam anni ſunt ferè 10XX. Noluit, credo, Hieronymo cedere Iordanes. nam vt ille affirmat Hiſpanoſ cladiſ ante multa ſæcula à Cimbris maioribuſ ſuiſ illatæ meminiffe: ita hiè in libro rerum Gothicarum ait Ilium, Gallieni principatu, poſt C10CCCCXLVI circiter annoſ quàm à Græciſ captum fuerat, *vix à bello Agamemnonio aliquantulum reſpiraſſe*: quæ vrbs & poſt illud excidium reſtituta diutiſſimè ſtetit; & iterum à Caio Flauio Fimbria incenſa reſurrexit ac floruit, donec dominante Gallieno ab Gothiſ direpta atque deleta eſt.

Dum ea, quæ antè diximus, in Gallia geruntur; & à Gothiſ vexatur Italia: ne qua Occidentis prouincia Barbariſ, aut Tyranniſ vacaret, inſulæ quoque reſ nouauerunt. quippe exercituſ Britannicuſ Marco primùm, inde Gratiano municipe inſulæ altero poſt alterum Imperatoribuſ factiſ, & intra VI meſeſ interfectiſ; Conſtanti-num gregariuſ militem nudi nominis omniſque cauſa Auguſtum ſalutauit. mirandum vt non ſit in epiſtola Hieronymi Preſbyteri ad Cteſiphontem Britanniam *prouinciā fertilem Tyrannorum* vocari, quæ (ne de Carauſio, & Allecto loquar) & Clodiuſ Albinuſ, & Clementem Maximuſ, & Conſtantinuſ Galliſ immiſerit. De tempore defectioniſ exercituſ Britannici, Conſtantiſque non conuenit. Olympiodoruſ apud Photiuſ ante ſeptimuſ Honoriſ Conſulatuſ, hoc eſt Arcadio VI & Probo Coſſ. Proſper in Faſtiſ, & Zoſimuſ in lib. V, Honoriſ VII & Theodoſio II Coſſ. ſub finem anni Conſtantinuſ in Britannia Tyrannuſ exortuſ aiunt. Pauluſ Oroſiuſ Alaniſ, Sueuiſ, Vandiſ, & Burgundionibuſ *per Galliaſ bacchantibuſ*; id eſt Conſulatuſ Baſſi & Philippi cum Imperatoreſ appellatuſ dicit. Similiter Herniaſ Sozomenuſ in Hiſtoriæ Eccleſiaſticæ libro IX

ccccvi.  
ccccvii.

cccc.  
viii.

prodit eodem tempore, quo Arcadius decessit, (Basso autem & Philippo Coss. decessit) Constantinum Galliam occupauisse, & Arelate Imperij sedem statuisse: eoque Honorium ab Stilicone deteritum esse, ne Constantinopolim ad res Orientis ordinandas proficisceretur. Quibus ego ambobus eo libentiùs assentio, quòd cum moris esset Principibus Romanis auspicia imperij à Consularu capere; Constantinus anno insequenti Kalendaris Ianuariis Consulatam iniiit: sicuti docet inscriptio Græca à Iacobo Sirmundo viro eminentis ingenij edita, in qua Honorij VIII Cof. collega non Theodosius, sed Constantinus nominatur. Hic vt primùm creatus est Imperator, Iustino, & Neobigaste Franco, quibus maximè confidebat, Ducibus lectis; exercitum Bononiam transmisit: & Galliam, ac Aquitaniam in ditionem suam redegit, *ubi sape à Barbaris incertis fœderibus illusus est*: Constantemque filium natu maiorem, ex Monacho Cæsarem factum, cum Barbaris quibusdam fœderatis cognomine Honoriacis, aduersus Didymum & Verinianum fratres propinquos Honorij in Hispaniam misit: qui ambobus in Lusitania prælio victis, captis, & interemptis omnem prouinciam obtinuit; & *remotâ rusticanorum utili ac fidâ custodiâ*, Honoriacis Pyrenæos saltus claustra Hispaniæ temerè commisit; ac cum re bene gesta ad patrem reuertisset, Augustus est appellatus. Tum Constantinus Honorio bellum inferre constituit, & per Alpes Cottias traductis suis copiis ad opidum Ligurum Libarnam venit: iamque Padum transire paranti de cæde Ellebici Magistri militum Honorij nuntiatum est: quem hominem vt puto Francum alij Allobicum, alij Alabicum vocant: & quòd suspectus erat Constantini partibus fauere, ab exercitu interfectum esse tradunt. Igitur Constantinus retrò quâ venerat Galliam repetiit, & Arelate se contulit: eodemque tum & Constans (vti ait Sozomenus) ex Hispania profugus rediit: quoniam Honoriaci laxatis custodiis, patefactisque Pyrenæi claustris Alanos, Sueuos, & Vandalos per Galliam effusos in Hispaniam immiserant, eisque se iunxerant. Renatus Profuturus Frigeridus apud Gregorium scribit Constan-

tem à Constantino patre accitum ex Hispania, vt ambo de summis rebus consilium caperent; vxorem, & instrumentum aulæ Cæsaraugustæ deposuisse: ac Hispaniensi exercitu Gerontij nequam improbique hominis fidei commissio, ad patrem festinauisse: & interiectis diebus plurimis, cùm nihil ab Honorio metuendum videretur, monente patre in Hispaniam reuerti statuisse: præmissisque agminibus, superuenisse qui nuntiarent Gerontium defecisse, & Maximum, vnum è clientibus suis, Imperatorem appellandum curauisse, relictóque eo Tarracone, auxiliis Barbarorum, quibuscum pacem pepigerit, instructum contra Constantinum Constantemque præparari. quo nuntio non mediocriter omnes esse perturbatos, & *Edobeco ad Germanas gentes premissio; Constantem, & Decimium Rusticum, ex Magistro Officiorum Præfectum Pretorij, petiisse Gallias, cum Francis, & Alamannis, omnique militum manu ad Constantinum iamque redituros.* Ita Hermias Sozomenus quoque Historiæ libro IX, & Nicephorus Callistus libro XIV tradunt defectione Gerontij cognitâ Edobicum Ducem, quem Zosimus Edobincum natione Francum appellat, ab Constantino trans Renum in Germaniam missum ad auxilia Francorum, & Alamannorum accersenda: Imperatori Constanti Viennæ, finitimarumque urbium curam mandatam esse. Sed ferendum non est Zosimi mendacium, qui nequam Stiliconis sui memoriæ inurat notam, libro VI prodit à Gerontio in senso Constantino, quòd alium quàm se Ducem cum Constante filio in Hispaniam misisset, Barbaros Transrenanos accersitos in Galliam transiisse.

Iam Gerontius Constantem apud Viennam interfecerat, & Arelate, quòd se Constantinus contulerat, magno impetu oppugnabat: quum Honorius Augustus ex pertus, quantas clades Respublica Magistris militum Barbaris, nimirum Stiliconi, Ellebicoque subiecta acceperat: Constantium Naifitanum, virum bello & fide egregium exercitui præposuit, atque in Galliam ad Tyrannos opprimendos misit: ad quem confestim plurimi Gerontianorum transiere. Itaque Gerontius cum paucis

in Hispaniam fugit, contemptusque ab exercitu Hispaniensi, & noctu circumfessus domi suæ, aduersarios amplius trecentos telis confodit: deficientibusque iaculis, & seruis clam fugâ elapsis, postridie manè ubi ignem ædibus subiectum vidit, desperatâ salute primùm Alano cuidam fidelissimo seruo, qui solus ab eo non discesserat, deinde & Nûnechiæ carissimæ coniugi, viriliter mortem precanti caput amputauit: postremò pugione seipse transfixit. Maximus, quem Olympiodorus famulum Gerontij, Sozomenus familiarem eius vocat; exutus purpura, desertusque à militibus Gallicanis inter Barbaros, qui per Hispanias effusi erant, exsul iæopem vitam tolerauit. Huic ablatis insignibus imperatoris veniam & incolumitatem concessam ait Prosper in Fastis: quòd *modestia humilitasque hominis affectati Imperij inuidiam non merebatur.* Eundem Maximum Agricola & Eustathio Coss. iterum Hispaniarum imperium per vim obtinuisse; & proximo anno vnâ cum Iouino Iouianove claro Duce, quo adiutore Imperator refectus erat, bello captum, atque ad Honorium tricesimum imperij sui annum ludicris certaminibus celebrantem Rauennam perductum, ostentatumque populo, ac demum interfectum esse Prosper, & Marcellinus in Chronico, & Paullus Diaconus in libro X I V memoriæ tradunt.

Non erat Constantini hoste mutato commutata fortuna. quippe is post Gerontij fugam à Constantio Magistro militiæ nihilo segnìus Arelate obsidebatur: & comperto Edobicum, à quo antea fuso fugatòque circa Valentiam Saro fuerat obsidione liberatus, breui cum magnis auxiliis affore; oppugnationem strenuè sustinebat. quâ re cognita tantus Honorij copiarum duces timor inuasit, vt in Italiam reuertendum esse censerent. Interim Constantius ab exploratoribus certior factus Edobicum adesse, necessariò damnato priore consilio flumen Rhodanum transit, atque appropinquanti obuiam proficiscitur; & Vlsilam Gothum Præfectum equitum haud procul considere occultum iubet. Igitur cum Constantiniani insidiarum locum prætergressi, ac iam cum peditibus Honorianis, quibus Constantius præerat,



proelium commissuri essent: dato signo subito sese equites à tergo necopinantibus ostenderunt, & sublato clamore incautos adorti in fugam coniecerunt. itaque multi cæsi sunt: compluribus suppliciter positis armis veniam precantibus vita concessa. Edobicus equo admissio in villam Ecdicij cuiusdam perfugit, quem magnis suis beneficiis affectum, fidum sibi amicum esse arbitrabatur. At ille cum fortuna mutatus noctu dormienti caput abscidit, tulitque ad Constantium: qui non tam lætus aduersarij cæde, quàm Ecdicij perfidiam auersatus homini quidem gratias agere Remp. dixit, sed remanere apud se volenti denuntiavit, vt extemplo castris excederet. Sic Ecdicius occisi hospitis & amici præmium pro honore ac donis, quæ sperauerat, ignominiam tulit. Victores Honoriani ad obsidendos opidanos cum reuertissent, Constantinus Edobici morte & clade suorum cognitâ, purpuram ac cetera insignia imperatoria abiicit, ingressusque Ecclesiam Presbyter ordinatur. tum milites eius, & Arelatenses acceptâ fide portas aperuere, atque omnes diligenter sunt conseruati. Constantinus cum Iuliano filio natu minore, quem Nobilissimum appellandum curauerat, antequam Rauennam ad Honorium perduceretur, in itinere interficitur. Hic exitus Constantini fuit, vt Hermias Sozomenus, & Nicephorus Callistus produnt. Sozomeno non videtur assentiri Frigeridus vetustus & grauis auctor. quippe is apud Gregotiu scribit incunte quarto obsessionis Constantini mense repentè ex vltiore Gallia venisse, qui nuntiarent Iouinum Imperatorem factum esse, & cum *Burgundionibus, Alamannis, Francis, Alanis, omnique exercitu obsidentibus imminere.* ita Arelatensibus celeriter ad dedicationem conditionum æquitate compulsis, Constantinum viuum traditum, confestimque ductum in Italiam, & à Principe missis obuiam militibus supra Mincium flumen capite truncatum esse. Ex quo colligi potest, quàm falsò Iordanes, & Nicephorus Callistus parum sibi ipse constans in fine libri XIV tradat Constantinum tyrannum à Vesigothis in Gallia interfectum esse: cum Tiro Prosper Aquitanus, & Hydatius in Fastis, ac Mar-

ccccxi. cellinus in Chronico cum Theodosio Aug. IV Cos. per-  
iisse, caputque eius fixum in conto XIV. Kal. Octob. ad  
Honorium latum esse affirmant: Gothi autem, qui &  
Vesigothi, ac Hypogotthi appellantur, & quos Clau-  
dianus ac Sidonius crinitam & pellitam gentem vocant;  
insequenti anno Honorio IX & Theodosio V Cosf. (si-  
cuti ait Prosper) Ataulfo Rege Galliam ingressi sunt.

Ante annum, quàm Constantinus interimeretur, Va-  
rane Cosf. Imperator Honorius Gaifonem, natione Fran-  
cum, Comitem sacrarum largitionum; deinde & Ma-  
gistrum Officiorum habuit: quem postea Honorio IX &  
Theodosio V Cosf. Magistrum militum fuisse in libro  
VII, ac libro IX Codicis Theodosiani inuenio.

ccccx. Eodem anno Vesigothi, cum ab filiis Theodosij, cui  
se Athanarico Rege mortuo sponte commiserant, defe-  
cissent; relicta Pannonia, ubi per annos amplius XXX  
confederant, ductu Alarici Romam cepere ac diripere.

ccccxii. Honorio IX & Theodosio V Cosf. Ataulfus, quem  
Gothi post Alarici affinis eius mortem Regem consalu-  
tauerant, onustus Italiae ac urbis Romae spoliis in Gal-  
liam transgreditur: atque inter Alpes & Pyrenaeum om-  
nibus depopulatis, & Iouino ac Sebastiano tyrannis op-  
pressis; repulsus à Massilia per Bonifatium, Burdigalam  
post datam opidanis fidem diripit ac incendit: Vatas  
obsidet: Narbonem Martium, caput provinciae cogno-  
minis capit: ibique Kal. Ian. Constantio, & Constante  
Cosf. Placidiam Theodosij Aug. & Gallae filiam, Hono-  
rij sororem, quae Romae excepta fuerat, multis blandi-  
tiis ac verbis tandem expugnata eius pertinacia uxorem  
ducit: & Attali ac Phœbadij panegyricis & epithala-  
miis nuptiae sunt celebratae. sed ex Placidia natus infans,  
nomine Theodosius paullo post obiit. Tum Ataulfus  
pacem cum Honorio facit, interdictisque sibi nauibus  
& commerciis gentium exterarum, Galliâ excedere co-  
actus Narbonem relinquit, & Hispanias petit, ac demum  
Barcinone, apud quam urbem opes & imbellem ma-  
num deposuerat, cum sex filiis ex priore uxore subla-  
tis à suis interficitur. Sed non possum non mirari, quòd  
Nicephorus Callistus secum ipse pugnans, ac in libro

XIII dictorum immemor, in libro XIV prodat ab Honorio Aug. Romanis ob seditiones ac defectionem irato Alaricum, quem Magistrum militiæ Gallicanæ fecerat, fidumque sibi esse arbitrabatur, ad vindicandam suam iniuriam Romæ immissum. illum Vrbe dolo capta atque direpta Gallam Placidiam Honorij sororem ibidem rapuisse, & apud Constantium Comitem amicum suum deposuisse: qui cum puella ad Imperatorem venerit, moxque accepto ab eo exercitu Alaricum acie vicerit, nec multo post fidei virtutisque præmium Placidiam in matrimonium acceperit.

Iordanes Rauennatium Episcopus in libro de Origine Gothorum scribit aduentu in Galliam Ataulfi perterritas gentes, quæ dudum Gallias infestabant, cum Francos, tum Burgundiones suis se finibus continere cœpisse: Vandalos autem, & Alanos ex Gallia, quam non multo antè occupauerant, fugientes in Hispaniam commigrauisse: ita Gallias Ataulfo patuisse. Quam falsam laudem Iordanes Gothus Ataulfo populari suo non affinxisset, si apud Prosperum & Hydatium legisset Alanos, Sueuos, & Vandalos triennio antequam Ataulfus fines Galliæ ingrederetur, Honorio VIII & Theodosio III Coss. in Hispaniam transcendisse. Burgundiones quidem metu Gothorum in suas sedes non reuertisse indicant Tiro Prosper, & Cassiodorus Senator in Fastis, qui eisdem insequentia anno Lucio Consule, post sexennium quàm Renum transierant, *partem Gallie proximam Reno*, hoc est partem superioris seu primæ Germaniæ ripæ fluminis appositam obtinuisse tradunt. quod est principium Regni Burgundionum à Gundicario in Gallia conditi. Similiter Franci aduentu Ataulfi ab incursionibus faciendis adedò non sunt deterriti, vt eo ipso anno, quo Iouinum & Iouinianarum partium adiutores Honoriani iugulauerant, post Consulatū Honorij IX & Theodosij V, siue Lucio Consule, Augustam Treuiorum direptam incenderint. Lucij huius collega in Consulatu Heraclianus Comes Africæ fuit, qui cum impulsus Imperij cupiditate Consul in Italiam exercitum traiecisset, apud Ocriculum ad XLVII lapidem ab Vrbe fufus à Ma-

cccx.

cccc.  
xiii.

rino Comite fugit in Africam: hostisſque iudicatus vnà cum conſciis coniurationis, & iuſſu Honorij Carthagine in æde Memorix capite truncatus eſt, noménque eius ex Faſtis eraſum.

ccccxii Anno proximo poſt Constantini Tyranni cædem (libentiùs enim Proſpero, ac Hydatio, quàm Frigerido aſſentior) Honorio IX & Theodoſio V Coſſ. Iouinus nobiliſſimus Gallorum, à Sozomeno & Nicephoro Iouianus dictus, Imperatoris nomen aſſumſit, Sebaſtianumque fratrem in conſortionem Imperij recepit: qui paulo poſt vnà cum Salluſtio quodam interfectus cum eſſet, Iouinus fugiens Valentiam ſe contulit: & ab Ataulfo Rege Gothorum, quem Dardanus vir ſtrenuus ab eius amicitia ac ſocietate auerterat, expugnato opido captus, Honorianiſque traditus, & Lucio Conſulè occiſus eſt. Hydatius ambos fratres oppreſſos ab Honorianis, & Narbone interemtòs dicit. Iouinum hunc Olympiodorus Thebaſus apud Photium ſcribit Imperij inſignia corripuiſſe adiutoribus Goare Alanorum Regulo, qui abruptus à Reſpendiale in Gallia morabatur, & Guntiarìo Phylarcho Burgundionum: (ita Gundicarium Regem appellat) mox Sebaſtianum fratrem poteſtatis conſortio ſibi æquatum Imperatorem appellauifſe, inuito Ataulfo: qui iratus pacem cum Honorio fecerit, & ad eum Sebaſtiani ac Iouini, alterius à ſe interfecti; alterius Valentix capti, & Dardani Præfecti Galliarum manu occiſi; capita miſerit, quæ præfixa haſtilibus, & Rauennæ pro portis oſtentata ſunt.

cccc.  
xiii.

Eodem tempore (vti ait Frigeridus) *Decimius Ruſticus Præfectus Tyrannorù, Agræcius ex Primicerio Notariorù Iouini, multiſque nobiles apud Aruernos capti à Ducibus Honorianis, & crudeliter interemti ſunt: ciuitasſque Treuitorum à Francis, qui Conſtantinum, & Iouinù auxiliis iuuerant, direpta incenſaſque eſt ſecundâ irruptione. nec multo poſt Caſtinus Domeſticorum Comes, expeditione in Francos ſuſceptâ, in Gallias mittitur. cuius expeditionis Frâcicæ tali duce non multo meliorem euentum fuiſſe quàm poſtea Vandalicæ exiſtimo. Falsò enim Sigonius & Pontanus victos ab Caſtino Francos & ex Gallia expulſos dicunt,*  
Fre-

Fredegarium quemdam, ineptum hominem ac verè Scholasticum secuti, qui vti Frigeridum; sic & Orosium à Gregorio citatum de Castino loqui arbitratus, vtriusq; Auctoris verba ita in Epitomen suam transtulit, vt Castinum *Francos protrivisse, Renum transisse, Gallias pervagatum esse, ac usque ad Pyrenæos montes pervenisse* scriberet: & Frigeridum non intelligens, Ioviniano (sic Iouinum vocat) Imperatore facto, Constantinum in Italiam fugisse, ac missis ab eo percussoribus capite truncatum; multos nobiles iussu eiusdem apud Aruernos opidū captos; & ab Ducibus Honorianis interfectos esse tradidit.

Ceterum cum Profuturus Frigeridus civitatem Treuirorum tum à Francis secunda irruptione direptam & incensam esse prodatur: apparet aliquot antè annis principatu Honorij Francos primū in eandem urbem irrupsisse. Vnde Sigibertus in Chronico tradit Francos, sæpe in Galliam transeuntes, anno Honorij Principis XVI diripuisse prima irruptione; secundā etiam incendisse urbem Treuirorum. quam urbem Galliæ summam & opulentissimam post septem circiter annos à Barbâris, id est à Francis tertio expugnatam, exustam, & eversam; opidanos alios captos; alios interfectos; nonnullos ambustos; reliquos spoliatos ac nudatos esse in libro VI de Gubernatione Dei indicat Saluianus: indignaturque paucos nobiles, qui tribus cōtinuis patriæ excidiis supererant, quasi pro solatio ludos Circenses ab Imperatoribus, hoc est ab Honorio & Constantio petiisse, nec impetrauisse. idem adiicit Augustam Treuirorū postea quarto excidio concidisse, & aliam non longè positam, ac parī ferè opulentiae magnitudinisque urbem; id est (vt arbitror) Agrippinam, eodem tempore captam ac direptam esse: ideoque tum, cum hæc scriberet, vtrobi-que ludos ex more celebrari desiisse: quod illa posterior vrbs hostibus plena esset; Augusta Treuirorum quater eversa, & deleta fuisset. Scripsit autem Saluianus post Litorianam cladem, captamque à Vandalis Carthaginem: vt appareat circa XVII imperij Valentiniani <sup>cccc.</sup> <sub>xli.</sub> annum, Chlodione regnante, ab Francis coloniam Augustam Treuirorum quartū expugnatam, & Colo-

niam Agrippinam Vbiorum occupatam esse. Ceterum notandum est, quod Saluianus eodem in libro tradit, Romæ tum ac Rauennæ, quæ sedes Imperatoribus Occidentis erant, ac *in paucis præterea urbibus Romanis* ludos Circenses & scenicos fieri consueuisse: in reliquis urbibus vel ob ærarij fisci que inopiam, vel quoddam sub ditione Barbarorum esse cœperant, edi desiisse.

ccccxv. Honorij X, & Theodosij sextus Consulatus morte Thermantiæ Aug. Stiliconis filiæ, coniugisque Honorij; cæde Ataulfi Regis Gothorum, cui Sigericus frater Sari, ac post VII diem Valia successit; & Prisci Attali captiuitate insignis fuit: de quo Attalo pauca dicenda sunt. Hic, natione Ion, Symmachi libri VII epistolâ LIV ac CXIII celebratus, cum à Romanis iussu Alarici ex Præfecto Urbis factus esset Imperator Honorio VIII & Theodosio III Coss. Alaricum Præsentī militiæ, Ataulfum Domesticis equitibus præposuit: Tertullū Consulem fecit: iudicisque, hoc est rectores militum & prouinciarum, in primis Constantem quemdam in Africam misit: & comite Alarico ad opprimendū Honorium Rauennam ire contendit: cuiusque legationi cōsortionem ipsi Imperij deferenti respondit, Honorio nisi priuato, relegatōque in insulam, & manibus ac pedibus truncato vitam se non concessurum. sed Alaricus à Saro Magistro militum Honorij acie victus, & à Rauenna repulsus est. Interim Heraclianus, interfecto Constante, custodias in litoribus Africæ disponit, ac frumentum Romam inuehi vetat. qua re cognitâ Attalus in Urbem redit, & consilium Alarici suadentis, vt quingentos Gothos aduersus Heraclianum mitteret, damnat; ratus Africam Barbaris tutò committi non posse. Igitur ab Alarico irato, atque Honorij promissis sollicitato ante Urbem insignia Imperij deponere iubetur: Romani, quoscumque ad dignitates promouerat, discinguntur: Tertullus Varanis collega Consulatu, Marcianus Præfecturâ Urbanâ se abdicat. quidam extra urbem Ariminum; sunt, qui ad LX à Rauenna stadium Attalum cedere Imperio coactum dicunt. Attalus ipse priuatus apud Alaricum nihilominus cum filio remanet, & Ataulfum eius successorem sequitur in Gallias, quo ad-

cccc-  
ix.

ccccx.

iutore iterum Imperatoris nomen assumit Constantio & Constante Coss. & proximo anno ab Ataulfo pace cum Honorio initâ in Hispaniam transeunte desertus ac proditus; dum Africam petit, in mari capitur: & Constantio Patricio viuis à Gothis traditur. quem Honorius in XI Consulatu Romæ triumphans ante currum egit, & præcisâ manu, aut (vt ait Philostorgius) duobus tantum digitis amputatis, infelicem Liparâ insulâ clausit. Quidam dicunt Fl. Priscum Attalum postdic eius dici, quo purpuratus cum stipatoribus processerat; iussu Alarici Gothi serui habitu ministrasse. Quamobrem Orosius scribit Attalum ab Alarico intra breuissimum temporis spatium *Imperatorem factum, infectum, resectum, ac defectum*; hoc est bis purpurâ indutum, bis exutum esse.

Prosper & Hydatius scribunt, XXIV imperij Honorij anno, Monaxio & Plinta Coss. Constantium Patricium Valiæ Gothorû Regi, quocum pacem fecerat, reuocato ex Hispania, ob egregias victorias de Alanis & Vandalis, redditamque Placidiam; condonauisse terras à Garumna flumine ad Oceanû pertinentes: hoc est Nouempopulos, & prouinciam Aquitaniam cognomine secundam, ac clarissimam Galliæ Narbonensis vrbem Tolosam Teçto-sagum: quæ apud Rutilium V.C. in libro I Itinerarij ante annum Vrbis CIOCLXIX, seu ante Honorium XI & Constantium II Consules ab Ataulfo, vt opinor, captâ esse dicitur, & per annos LXXXVIII Regum Gothorum regia fuit. Dixi Consulatum Monaxij & Plintæ XXIV Honorij Aug. annum ab Hydatio putari: quod Prosper, & Hydatius in Chronicis, aliique multi Consulatum Olybrij & Probinij, cuius initio Theodosius maior obiit, non Honorij, sed Theodosij annis adnumerant.

Valiæ, qui triennio tantum regnauit, & Monaxio ac Plinta Coss. decessit, plus XII annos tribuit Iordanes. huic successit Theodoricus maior, qui ab aliis Theodores, ac Theudoris; ab aliis Theudoridus, & Theodoredus dicitur.

Theodosio IX & Constantio III Coss. Honorius Fl. Constantio Patricio, cui ob res gestas ante triennium Placidiam sororem suâ recusantem iunxerat, æquam socie-

tatem Imperij, ita vt Diui fratres; Seueri filij; & Maximus atque Balbinus fecerant, pro indiuiso obtinendi inuitus magis quàm sponte detulit. cuius imagines ad se missas Theodosius minor fastidiit ac reiecit, nouitatem hominis causatus. sicut postea eandem ob causam imaginem Marciani à Pulcheria Aug. in consortium dignitatis recepti vix tandem, vicésimo mense quàm Imperator salutatus erat, Herculano & Sporacio Coss. Valentinianus ex more in vrbe Roma proponi permisit. Constantius irritatus contumeliâ, cum agigaret Theodosio bellum inferre, Agricolâ & Eustathio Coss. imperij mense VII lateris dolore oppressus decessit: ex Galla Placidia liberis genitis Honorîâ, ac Placido Valentiniano, quem Honorius Nobilissimum appellauit. Eum Rauennæ ab Honorio Monaxio & Plinta Coss. Imperatorem factum, ibidem proximo anno in tertio Consulatu obisse falsò affirmat Hydatius: cum in Codicis Theodosiani libro II & III Imperatorum Honorij Theodosij & Constantij leges duas ad Palladium Præfectum Prætorij missas, alteram v I Idus Mart. alteram v Kalendas Aug. datas Rauennæ Eustathio & Agricola Coss. inueniam.

Admonet me Rauennæ mentio, quamobrem Honorius eam Imperij sedem, regiâque delegerit, causam requirere. Augustus Cæsar, & omnes ab Augusto Imperatores Romæ in Palatio habitauerunt: cuius ex montis nomine cum regio X Vrbi, tum domus Cæsarum appellationem traxit. Roma autem non solum (vti ait in libro V Liuius) regionum Italiæ, sed etiam totius Imperij Romani media habebatur. Vnde Antoninum Pium præter ceteros in Vrbe sedisse auctor est Iulius Capitolinus, vt medius ex omnibus prouinciis nuntios audire celeriter posset. Postea Diocletianus Ionius, cum Maximianum Herculium in consortionem potestatis recepisset, & Fl. Valerium Constantium, ac Galerium Maximianum Cæsares nuncupauisset, Imperium Romanum ita diuisit, vt Herculio Augusto Italiam, & Africam; Gallias, Hispanias & Britanniam Constantio; Galerio Illyricum ac Thraciam committeret, ceteras prouincias ipse retineret. tum Ionius quidem Nicomediam; Con-



stantius Augustam Treuirorum; Galerius Sirmium, urbem Pannoniæ Quadis & Sarmatis interfluente Danubio oppositam; sedes habere cœpere. at Maximianus Herculus Mediolanum Iusubrium se contulit; quod opidum ab vrbe Roma millia passuum  $\text{I} \text{C} \text{X} \text{X} \text{X}$  abest, atque hunc domicilio locum elegit, vnde Italiam ab incursionibus finitimorum Alamannorum securam præstaret; & quotiescumque res cogeret, per Alpes Graias aut Peninas in prouinciam Germaniam; per Venetiam, saltumque Iulium in Illyricum maturè contenderet. Mediolanum verò non vni Herculo, à quo muris, thermis, aliisque operibus exornatum est; sed insequentibus Principibus, dum in Italia hiemarent, annos ampliùs centum sedem fuisse argumento sunt historiæ eorum temporum, legesque plurimæ Mediolani datæ: ex quibus etiam intelligitur Honorium initio principatus Mediolani fuisse: deinde alternauisse, ac modò Mediolani, modò Rauennæ mansisse: demum circa Lucij Consulat<sup>cccc.</sup>um posthabito Mediolano, quam ob id *quondam Re-*<sup>xiii.</sup>  
*giam urbem* Iordanes appellat, domicilium Imperij Rauennam transtulisse. quare Claudianus in libro de vi Consulatu Honorij Aug. Romam sese ab Imperatoribus pridem desertam querentem fingit his versibus.

*Quem, precor, ad finem laribus seiuncta potestas*

*Exsulat, Imperiūque suis à sedibus errat?*

*Cur mea, quæ cunctis tribuere, Palatia, nomen,*

*Neglecto squalens senio? nec creditur orbis*

*Illic posse regi? medium non deserit vquam*

*Calis Phæbus iter, radiis tamen omnia lustrat.*

*Segnius an veteres Istrum, Renūque tenebant,*

*Qui nostram coluere domum?*

Causa Mediolanum relinquendi eadem Honorio fuit, quæ Herculo causa fuerat deligendi; nimirum propinquitas Barbarorum. quippe id opidum expositum ad pericula repentinarum incursionum obsidionisque; contrà Rauenna, vrbs nobilissima prouinciæ Flaminie, quanto remotior à Germania & rebeli Gallia, tanto rutilior homini desidi ac timido videbatur. quæ (vt ait Iordanes) in sinu Imperij Romani, Hadriæque sita ab Orien-

te mari alluitur, ab Occidente paludibus cingitur, à Septentrione & à Meridie Padum habet eò duabus fossis perductum: vnde Honorius (quod Alarico Rauennæ appropinquante facere voluisse dicitur) Epirum petere, si res cogeret, & ad Theodosium fratris filium perfugere potuit. quem hominem, vt ex ortu tot Tyrannorum, & ex tot gentium incursionibus intelligitur, & à suis & à Barbaris ob desidiâ contemptum, omni Gallia ac Hispania propemodùm amissa, in Italia latuisse de salute magis quàm de Imperio sollicitum, nec vñquam Alpes transire ausum esse nemo non mirabitur: qui animaduertit Fl. Valerium Constantium, & insequentès Imperatores, aut Imperatoribus absentibus Cæsares rarò Galliâ excessisse; in repellendis continuis Francorum & Alamannorum bellis occupatos: atque Augustam Treuironum, vtriusque gentis finibus ferè mediam interpositam, annos amplius centum eorum regiam fuisse. quam ob id Marcellinus *clarum Principum domicilium; solium*, hoc est Imperatorum sedem, & *Augustam urbem* Ausonius appellat. vnde Gregorius Maximus, quòd ibi plerumque morabatur, *Imperatorem Treuircum* vocat. Honorij exemplum Valentinianus, deinde Odoacer, Regesque Gothorum secuti, Rauennam, *urbem Regiam* ob id à Senatore & Iordane dictam, Regni sedem habuere. Sed tempus est iam à Romanis ad Francos nostros, & ex Italia in Germaniam transire.

cccc.  
xx.

Faramundum, quem & Varamundum & Faramodum appellant; sexto & vicesimo imperij Honorij anno defectione Solis insigni, in Francia regnauisse, & IV principatus Valentiniani, vñdecimum regni sui annum non excessisse ait Prosper in Chronico. Vbi adnotare conuenit Prosperum Honorio post patris mortem XXXIII annos assignare, qui XXXIX tantùm annos imperauit: itaut detractò superuacaneo illo triennio aut Faramundum non plùs octo annos regnauisse; aut si XI annos impleuit, Imperatoris Honorij anno XXXIII, Honorio XI & Constantio II Coss. Regni potiri cœpisse putandum sit. Præterea animaduerto inter Marcomeris Sunnonisque mortem, & initium Faramundi annos minimùm

cccc.  
xvii.

XVII interfluxisse: intra quod tempus vt qui in Francia Regnum obtinuerint incertum est: ita Godigifclum Regem Vandalorum à Francis pulsum acie & interfectum; Constantinum, & Iouinum tyrannos copiis adiutos; atque coloniam Augustam Treuironum bis captam, direptam, ac incensam esse constat. Vetus quidam Historicus, Theoderici Regis & Caroli Ducis Francorum æqualis, scribit mortuo Sunnone, Marcomerem Principem gentis, quem tùm adhuc vixisse existimat, Francis persuasisse, vt Faramundum filium suum Crinitum Regem crearent. Aimoinus, Rorico, Auctor libri de vita Caroli Magni, Ado, & Iuo de Faramundo consentiunt, Marcomeris viri illustris filium, & primum (vt falsò arbitrantur) Regem Francorum fuisse: qui nihilo veriùs in vetusto Chronico Sunnonis filius, primus Franciæ Rex Capillatus vocatur: ac in Stemmate Regum nostrorum duos filios, alterum nomine Clenum omnibus ignotum, alterum Chludium, hoc est Chlodionem sustulisse dicitur. Sigibertus oblitus sui, qui Priamum in Francia regnauisse affirmauerat, post Sunnonis & Marcomeris Ducum interitum, Francos ad Faramundum Marcomeris filium Regnum detulisse anno CCCCXIX tradit: regnâsse autem Faramundum annis XI: quo tempore quatuor primores gentis, vsu rerum ac virtute præstantes, ex omnibus omnium consensu delectos; ter actis conuentibus, quos mallos appellabant, in vicis Germaniæ Salichamio, Bodichamio, & Widihamio legem Salicam à Salichamio vocatam cõdidisse: Quatuoruiros fuisse Wisigastem, Salagastem, Bosogastem, & Widogastem: quos Iuo, prætermisso vno, Wisogastem, Arbogastem, à quibusdam Bosogastem dictum, & Salegastem vocat; Ado Sigiberto & Iuone vetustior, & Auctor Historiæ Franciæ antè citatus Wisouastem, Wisogastem, Arogastem, (hoc est Widogastem & Arbogastem) & Salegastem deprauatis nominibus nuncupant. Mihi quidem similitudo nominũ cum latorum legis, tum locorum, in quibus condita dicitur, suspecta semper fuit: neque existimaui, cum Burgundiones, Vefigothi, Ostrogothi, & Langobardi non priùs

leges scriptas habuerint, quàm hi in Gallia, illi in Italia confedissent, legem Salicam in Germania Francis fuisse descriptam: quæ utique Faramundo regnante Germanicis conscribi literis, & à subsequentibus Regibus post occupatam Galliam linguâ Latinâ verti debuit. at huius conuersionis nemo mentionem facit. Quare ut Gundobadus Burgundionibus, Vesigothis Theodoricus posterior, aut ut aliqui arbitrantur, Euricus, Ostrogothis Theodericus, Rotharius Langobardis, Regnis iam diuturnitate confirmatis, iura Latinè describere: sic Chlodoueus Regnum primò, deinde & legem Salicam, quam in proœmio legis correxisse tantùm dicitur, videtur condidisse: cuius filius Theodoricus legû Francorum cognomine Ripariorum, Alamannorum, ac Baioariorû auctor fuit. Ceterùm Gregorius, ex quo nos primorum Franciæ Regum res gestas discere oportebat, non modò Faramundi acta; sed etiam nomen ipsum prætermisit: Chlodionem quoque, Meroueum, ac Childericum ferè inditos reliquit. nec illi deerant libri, ex quibus multa excerpteret: sed vir bonus Principes Christianæ religionis expertes silendos arbitrabatur. Hoc solum affirmare possumus, si Honorio XI & Constantio II Coss. regnare Faramundus occœpit, principatu eius ac forsitan etiam ductu Francos in Galliam eruptionem fecisse, & Augustam Treuironum (sicuti antè dictum est) tertium captam diripuisse ac incendisse. præterea ex Prosperi Fastis Chronicòque colligimus Faramundum partem Galliæ Reno proximam possessionis causâ occupauisse, quam primo regni anno Chlodio eius filius amiserit.

cccc.  
xvii.

cccc.  
xxii.

Honorio XIII & Theodosio X Coss. cùm Vandali & Alani, paullo antè ex Callæcia in Bæticam instante Asterio Comite Hispaniæ transgressi, finitimas provincias incursionibus vastarent: Castinus primarius Senator, ex Comite Domesticorum Magister militiæ factus, aduersus eos cum magno exercitu & auxiliis Gothorum mittitur. *qui Bonifatium virum belli artibus præclarum inepto & iniurioso imperio ab expeditionis suæ societate auertit. Nam ille (ut loquitur Prosper in Fastis) periculosum sibi atque indignum ratus cum sequi, quem discordem super-*  
bien-

*bientemque expertus esset; celeriter Portum Urbis petiit, atque inde in Africam transiit, omnemque provinciam occupavit. Idque Reip. multorum malorum initium; ea Africæ causa cladis exitiabilis fuit. At Castinus, qui se ipse tanto collega priuauerat, ne in societatem certæ exploratæque, ut putabat, victoriæ quemquam reciperet, vecorditæ pœnas dedit. Cùm enim Vandalos obsideret, adeo ut inopia pressi deditionem facere iam pararent; fiduciâ virium ferox, hostiûmque arroganter contemnens, temerè proclium commisit: & auxiliariorum suorum fraude deceptus victusque, ignominiosâ fugâ Tarraconem petiuit: Viginti ferè millia militum Romanorum cæsa Prosper est auctor in Chtonico, qui falsò anno octauo post Honorij Aug. obitum hanc cladem Romanis illatam dicit. Notandum autem est, id quod Saluianus in libro VII de Gubernatione Dei scribit, Vandalos timore perturbatos librum diuinæ legis apertum venientibus Romanis opposuisse: credo ut eo commento Christianos se esse, & ab Christianis sine causa oppugnari indicarent. Sic igitur Vandali (ut ait Saluianus) *post experimenta belli diu parati intellexerunt sibi Romane Reip. vires etiam cum Barbarorum auxiliis pares esse non posse.* Nec multo post Castinus ex Magistro militum & ex Consule non solum priuatus sed etiam exsul factus, quod Ioanni Imperium occupanti fauisse dicebatur; ex Italia in Africam ad Bonifatium inimicum suum perfergere coactus est, & genibus aduolui, patrociniòque ac fidei se permittere eius, quem tamquam militem & Barbarum antè despexerat. Hic est Bonifatius, qui Placidia ab Honorio fratre suo vnâ cum liberis expulsæ solus fidem seruauit, aurumque subministravit; & Africâ strenuè contra Ioannis copias defensâ fecit, ut Imperium tandem cum Valentiniano filio reciperet. Idem paullo post Hierio & Ardabure Coss. cùm in Africa potentiâ gloriâque auge-retur, falsò clam defectionis accusatus ab Aëtio, dolosisque eiusdem literis deterritus, in Italiam venire euocatus à Placidia recusauit. Quamobrem arbitrio Felicis Magistri militum, ut ait Prosper, vel potius Aëtij, Ma-uortio primùm ac Galbione Ducibus; deinde anbobus*

cccc-  
xxxi.cccc-  
xxvii.

Q

interemtis, ductu Sigisvulti Comitis bellum ei illatum est, cuius repellendi causâ Bonifatius data acceptâque fide Vandalos, qui vti nauibus nesciebant, ex Hispania in Africam transportauit.

Galla Placidia post Constantij Aug. viri sui mortem, de qua dictum est, Rauennæ remanebat, magni animi femina, ambitiosa, & imperij auida. Ea cum Honorio primùm aded coniuictè vixit, vt nimia familiaritas, crebritasque osculorum locum incesti amoris suspitioni daret: mox Helpidiâ nutrice Placidia & Leontio eiusdem Procuratore id agentibus, magnum inter ambos odium intercessit: donec post multas rixas, ac seditiones inter Honorianos Gothosque Placidia comites Rauennæ ortas, à fratre soror expulsa vnâ cum liberis Honoria & Flauio Valentiniano nauibus Constantinopolim petiit: & à Theodosio Arcadij fratris sui filio honoratissimè accepta est Mariniano & Asclepiodoto Coss. quo ipso anno XVIII Kalendas Septemb. morbo, quem hydropa vocant, Honorius Aug. interiit, XXXIX ætatis annum nondum transgressus: filius, frater, patruus, & auunculus Imperatorum: vir ita secors & ignauus, nulli vt vquam proelio interesse ausus sit. si tamen virum appellare eum licet, cuius vxores Maria & Thermantia Stiliconis filia altera post alteram virgines & intactæ obisse dicuntur. siue quodd naturâ frigidus in venerè, & inefficax fuit: siue quodd (vti ait Philostorgius) medicamentum sterilitatis à Stilicone datum biberat. Imperauit autem Honorius cum patre annos duos, dies VII; cum Arcadio fratre annos XIII, menses tres, dies XIV; cum Theodosio fratris filio annos XV, menses III, dies XV. vt appareat Prosperum & Hydatium, tricennalibus spectaculis ab Honorio editis deceptos, in Chronicis suis errare, quorum alter Theodosio XVII imperij annos, Honorio post eius obitum XXX; alter huic XVII, illi XXXII annos assignat: cum ab ortu Principis Theodosij ad mortem Honorij anni sint quinque & quadraginta non pleni.

Mortuo Honorio Ioannes, qui primus Notariorum fuerat, non prohibente magis quàm adiuuante Castino

Magistro militum, Occidentis Imperium nullo sibi iure debitum occupavit. & Exsuperantius Pictauus, Præfectus Prætorij Galliarum, is qui Armoricos Præses provincie Lugdunensis III rexerat, Arelati seditione orta à militibus interemtus est: atque Pæonius auctor cædis, Ioannis partibus aduersus, paullo antè ad opprimendum Marcellum quemdam Imperiũ affectantem signifer iuuentutis, fasces ac insignia Præfecturę corripuit. At Theodosius Aug. de Ioannis exortu certior factus nomen & insigne Cæsareum per Helionem Patricium missum Valentiniano amitino dedit Castino & Victore <sup>cccc. xxiv.</sup> Coss. quod Olympiodorus, Philostorgius, & qui pleraque de eius libris exscripsit, Nicephorus Callistus Thesalonice; Hydatius Constantinopoli factum ait. Eodem anno Gallam Placidiam iussu Theodosij Augustam salutatam esse Olympiodorus apud Photium scriptum reliquit & Marcellinus: cui ego ab Honorio, qui illius ergo Constantium Imperatorem, Valentinianum Nobilissimum appellauit, hoc nomen vnà cum Imperio delatum existimo. alioqui Prosper in Fastis Placidiam tum, cum ab Honorio fratre suo eiecta ad Theodosium confugit, Augustam non vocaret. Theodosius cum Placidia Aug. & Valentiniano Cæsare Ardaburem, & Asparem Ardaburis filium Duces in Italiam misit. Et Ardabures quidem post captam Salonam aduerso vento in manus hostium delatus est, & exceptus. At Aspar Præfectus equitum meliore fortuna visus primò Aquileiam caput Venetiæ; post Rauennam; ibique facto leui prælio Ioannem ipsum imperij mense duodeuicesimo à suis proditum cepit: cui Aquileiam perducto dextram præcidi, caputque amputari Placidia Aug. iussit Theodosio XI & Valentiniano Cæsare Coss. Fl. Aëtio venia, & Comitibus dignitas data est: quod Hunnis, quos mercede <sup>cccc. xxv.</sup> conductos ad LX millia die tertio post Ioannis mortem in Italiam adduxerat, quosque Aspar post commissum atrox prælium iterum aggredi non audebat, persuasisset, ut accepta fide atque pecunia, obsidibusque traditis domum reuerterentur. Castinus Senator Consularis, & Magister militiæ in exsilium missus: & Felix in eius lo-

cum substitutus. Bonifatius ( sic enim Græci melius, quàm Latini Auctores Bonifacium, vocant ) Africam, quam strenuè contra Ioannis copias defenderat, obtinere iussus, & ex Tribuno Comes Domesticonum & Africæ factus. Ita oppresso Tyranno, & recepto feliciter Imperio Placidus Valentinianus puerulus sextum annum agens VIII Idus Aprilis; aut (vt ait Socrates) ad X Kalendas Nouembres VII ætatis suæ anno, decreto Theodosij, ac consensu totius Italiæ Augustus appellatur: & Helion Magister Officiorum, atque Patricius Romæ (sicuti Olympiodorus, Prosper, ac Hydatius scribunt) diadema capiti eius imponit, quem falsò Marcellinus & Iordanes Rauennæ factum Imperatorem dicunt. Ex his apparet errare Nicephorum, qui Placidiam pro amita sororem Theodosij appellet, & à Ioanne Tyranno ante Honorij obitum eiectam esse in libro XIV tradat.

Eotempore imperium Orbis Romani, quem vix tum viri fortissimi prudentissimique à Barbaris tueri potuissent, penes feminas erat. quippe in partibus Orientis Flavius Theodosius quatuor & viginti annos natus, solo nomine auum; inertia patrem Arcadium referens, Pulcheriæ Augustæ sororis maioris natu & eunuchorū consiliis regebatur. in Occidente autem Placidia Aug. Placidi Valentiniani filij sui Imperijque tutelam à Theodosio sibi commissam gerebat. Hic est Theodosius, qui dum Reip. membra lacerabantur à Barbaris, parentem suum imitatus, domi Sanctorum corporum reliquias colligebat: & amisso propemodum Illyrico, vt ei prouinciarum suarum numerus constaret, nouas prouincias non armis, sed vnus in duas aut plures diuisione faciebat, quasi hacce ratione clades Imperij regi, aut iactura reparari posset.

cccc-  
xxviii

Anno V post Honorij mortem regnauit in Francia Chlodio; vt ait Prosper in Chronico, & annos viginti Regnum obtinuit. Clodium vocat eum Prosper & Sigebertus; Sidonius Cloionem, multi Chlodionem ac Chlogionem appellant. eundem Scriptor Historiæ Franciæ Caroli Ducis æqualis, Aimoinus, Rorico,



Auctor libri de vita Caroli Magni, aliique plurimi Faramundo patri successisse tradunt, & Chlodionem Crinitum nuncupant. similiter in vno & altero Stemmate Regum nostrorum Chlodio Faramundi filius & successor fuisse, & (sicut etiam suprà citatus Historicus, Adóque memorant) XX annos regnauisse dicitur. Addit vterque tum Francos in finibus Toringiæ confidentes crinitis Regibus parere cœpisse. Quo magis miror à Fredegario Chlodionem appellari filium Theudemericis Francorum Regis, Richimere patre nati, ab Romanis (vti ait) ductu Castini proelio fusi atque occisi. quem Theudemericem vel Theodomericem, *filium Richimeris quondam*, seu potius Consulis vocat Gregorius, accum Ascila matre sua interfectum, & Chlodionis æqualem fuisse ex Consularibus Fastis videtur indicare. à morte autem Richomeris Consularis ad initium Chlodionis anni sunt XXXIV; ita vt Theodomeres, si eo patre genitus fuit, certò ante Chlodionem Franciæ imperium obtinuerit. Hic est Teudomeres, vt existimo, cuius & nomen & vultum in nummo aureo publicauit Paullus Petauius Vir Clarissimus. Iuo in Chronico Didionem quemdam Faramundi filium, omnibus nostris auctoribus ignotum, Faramundo & Chlodioni medium interponit. cum Sigeberti Iuonis æqualis nullam eius mentionem faciat, Chlodionemque Capillatum post Faramundi patris obitum rerum potiri occœpisse anno CCCCXXX, ac in Francia annos duodeniginti regnasse prodat, atque ex illo tempore Francorum imperium penes comatos Reges esse cœpisse. Ego (pace Gregorij, Adonis, Sigeberti, Iuonisque dixerim) nequaquam crediderim tum primum Reges Franciæ cæsariem promississe. quippe Claudianus (vt de ceteris taceam) in libro I de laudibus Sciliconis Marcomerem Chlodionis auum, ac Sunnonem eiusdem maiorem patrum *Reges crinigerò vertice flauentes*, hoc est flauos & crinitos appellat: & Eumenius in laudatione Constantij Cæsaris, Francorum, qui pro Allecto Tyranno mercede pugnaverunt, *corpora Barbarà & prolixo crine rutilantia* vocat.

Tiro Prosper in Fastis, & qui multa de eo libro ex-

cccc-  
xxviii

scripsit Cassiodorus Senator tradunt Felice & Tauro  
 Coss. *partem Galliarum proximam Reno, quam Franci  
 possidendam occupauerant, multis casis Aëtij Valentiniani  
 Comitibus armis receptam esse.* Felicis autem & Tauri Con-  
 sulatus à morte Honorij Aug. quintus, & regni Chlo-  
 dionis primus est annus: vt in Chronico, quod Prosperi  
 esse dicitur, inuenio. quare si initium Chlodionis Re-  
 gis, & prima Aëtij aduersus Francos expeditio in vnum  
 eundemque annum inciderunt, existimandum est par-  
 tem provinciæ Germaniæ inferioris Reno propiorem  
 à Faramundo perpetuæ possessionis causâ occupatam;  
 Consulatu Tauri & Felicis, quo anno Chlodio Fara-  
 mundi filius principatum iniit, Aëtij ductu magnâ cæde  
 Francorum factâ, reliquis è Galliæ finibus pulsis, ab Imp.  
 Valentiniano receptam esse. Erunt forsitan, qui credent  
 de eodem bello Hydatium loqui, qui biennio seriùs, ni-  
 mirum anno VII post Honorij mortem, imperij Valenti-  
 niani VI, Aëtiû Ducem expeditionem in Francos fecisse,  
 eosque anno insequenti, hoc est Basso & Antiocho Coss.  
 proelio superauisse, pacemque cum victis iniisse memo-  
 riæ tradidit. Antiochum hunc ex eunucho & Præposi-  
 to sacri cubiculi Præfectum & Consulem factum falsò  
 scribit Baronius: si verum est, quod ait Marcellinus in  
 Chronico, Eutropium omnium spadonum primum &  
 vltimum Consulem fuisse. Poscere videtur hic locus,  
 vt de Flauio Aëtio pauca dicamus.

cccc-  
xxviiicccc-  
xxx.cccc-  
xxxi

Aëtio Durostorum opidû in Mœsiæ cognomine secun-  
 dæ, & Scythiæ confiniis positum parria fuit: pater Gau-  
 dentius, domi primoris loci, Magister equitum, qui in  
 Gallia seditione ortâ à miliribus interemtus est; mater  
 Italica, nobilis ac locuples femina, mendosè apud Gre-  
 gorium Itala appellata: quam Ioannes Chrysostomus  
 Constantinopolitanus Episcopus, ad eam scribens, Ro-  
 manam fuisse indicat, hortatûrque vt per se ac per suos  
 Orientis Ecclesias perturbatas arque distractas in con-  
 cordiam reducere conetur. Aëtius ipse à puero Præ-  
 torianus, Domesticûsve Protector, tribus annis apud  
 Alaricum Gorhorum Regem; deinde apud Hunnos,  
 quibuscum amicitiam coniunxit, obses fuit: postea

Carpilionis Comitis Domesticorum filiam, quam tamen Sidonius Gotham ac stirpis regiæ fuisse indicat, in matrimonium duxit, & Palatij Ioannis curam egit. falsò vt Paullus Langobardus, Constantinus Porphyrogenetus, & Nicephorus Callistus in libro XIV Bonifatium & Aëtium Duces ab Imper. Theodosio Fl. Valentiniano petenti missos esse tradant. quamuis anibo in Thracia Theodosij prouincia nati essent. Tum Aëtius Hunnis, quos in Italiam opem Ioanni laturos adduxerat, cùm persuasisset vt domum redirent, Comes creatur: cæsis Gothis, & Anaolfo Optimate eorum capto, Arelate obsidione liberat: atque Bonifatio Patricio, quem ob inuidiam Africâ pellere conabatur, falsò defectionis accusato bellum inferendum curat: cuius repellendi causâ Bonifatius Hierio & Ardabure Coss. Geisericum Regem trans Gaditanum fretum accitum cum Vandalarum & Alanorum millibus LXXX in Africam immisit. At Aëtius Magister militum factus Felicem Patricium virum Consularem, cui in Magisterio militiæ successerat, cum Padusia vxore sibi insidiantem occupat, ac Rauennæ interimit: Iuthungos vincit: Noricos, qui rebellauerant, domat: Francos è Galliarum finibus pellit: ac Bonifatium Magistrum militiæ iteius locum succedentem, & acceptâ à Placidia fide Romam reuersum bello aggreditur, ac vulnerat: pulsusque ad Rugilam Regem Hunnorum perfugit, & Barbarorum auxiliis fretus, Bonifatio iam ex vulnere mortuo, in Italiam; nec multo post Sebastiano Bonifatij genero fuso fugatoque, in gratiam cum Valentiniano & Placidia redit: neque Magisterium militum solum, sed etiam Patriciam dignitatem assequitur: Gothos à Narbone Martio per Litorium repellit, bellumque cum eis triennio Hunnis adiutoribus gerit: quorum Barbarorum auxiliatorum Regulus Gaufericus Cossionem Vafatium diu frustra obsedit, Gallisque magis oneri, quàm terrori hostibus fuit. post Aëtius oppressis Bacaudis, in tractu Valentino deserto Alanos, quibus Sangibanus præerat, in Sapaudia Burgundionum pæne excisorum reliquias collocavit: & Carpilionem filium suum legatum ad Attilam Regem Hunnorum misit,

CCCC.  
XXVII.

cccc.  
liv.

cumdemque pace ruptâ transgressum in Galliam atroci proelio superauit. demum suspectus Imperium affectare Aëtio & Studio Coss. ab Valentiniano Aug. interfectus est. Hic notare conuenit Aëtium ter Consulern, & annis circiter XXV Magistrum militum, hunc de quo loquimur, & cuius de virtutibus Renatus Frigeridus in Historiæ libro XII apud Gregorium retulit, eum esse non videri, qui Studij collega fuit, semelque Consulatum iniit. alioqui in Fastis non Aëtium & Studium Coss. sed Aëtium IV & Studium Consules scriptos inueniremus. Rebus gestis Aëtij strictim perscriptis, ad Chlodionem reuertendum est.

Gregorius in libro II scribit multos memoriæ tradere Francos, digressos finibus Pannoniæ, primùm circa ripas Reni incoluisse: deinde transito Reno in Toringiam immigrauisse, ibique Reges crinitos ex nobilitate delectos, qui pagis aut ciuitatibus præssent, creatuisse: ac Chlodionem Regem Francorum virum fortissimùm ac nobilissimum in castro quodam Toringiæ nomine Dis-pargo sedisse. eodemque tempore partem Galliæ à Reno ad Ligerim, id est ad meridiem versùs sub ditione Romanorum fuisse; vltra Ligerim Gothos, trans Rhodanum Burgundiones coluisse: Chlodionem verò, vt præmissi exploratores perspectis regionibus tuta omnia renuntiauisent; suis fugatisque Romanis, opidum Camaracum cepisse: eoque in opido paullisper constitisse: inde usque ad Suminam flumèn omnia occupauisse. Quibus de rebus vt dicam quod sentio; non dubito, quin Auctores, qui Francos ortos Pannoniis prodidere, quos Gregorius & Historici Gregorio recentiores secuti sunt; similitudine nominum decepti Francos à Brencis Breucisque gente Pannoniæ originem ducere crediderint. Sed cum ex Pannonia in Toringiam proficiscentibus Menus vel Mænus sit transeundus: Gregorium Renum nobis pro Meno ingessisse miror, tantùmque vel eius errorem, vel librarij mendum ab nemine animaduersum correctumque esse. Quodd si Chlodio præter ceteros in Toringorum finibus confedit; Toringiam omnem, aut saltem partem eius Cattis confinem dudum sub imperio Francorum

corum fuisse, vel à Chlodione ipso armis occupatam Francis postea in Galliam transgressis defecisse putandum est. Quare Aimoinus ac Sigebertus scribunt Chlodionem finitimis Toringis genti Germaniæ bellum intulisse, depopulatisque eorum finibus castellum nomine Dispargum cepisse, atque ibi aliquamdiu confedisse: Nicolaus Vignerius, multique alij cum animaduertent Francos profectos Pannoniâ superato Reno non in Toringiam, sed in Galliam migrare oportuisse; apud Gregorium Toringiam & Toringos in Tungriam Tungros mutauere. ita dum errorem vitare volunt, in errorem inciderunt. nam Tungri etiamtum sub Romanorum ditione fuerunt: si verum est, quod Gregorius dicit, antequam Chlodio in Galliam erumperet, Romanos à Reno ad Ligerim Galliam Belgicam Lugdunensémque tenuisse: & Seruatium Tungrorum Episcopum cognominem ei, qui Synodo Agrippinensi principatu Constantis interfuit, multis cum lacrimis Deum obsecrâsse, vt ab gente sibi commissa omnique Gallia Hunnos Christianæ religionis expertes auerteret. quem Hunnorum aduentum in Gallias Seruatius tantopere deprecari ac timere non debuit, si iam Franci non minus Hunnis Christianam sectam exosi, idolorumque cultores agrum Tungrorum occupauerant: Sunt, qui Dispargum supradictum, nunc esse Duisburgum falso arbitrentur. quippe Dispargum Gregorius, veteresque omnes Historici castrum Toringorum vocant; recentiores nostri Auctores. castellum Tungrorum appellari malunt. at Duisburgus neutrius gentis finibus adscribi potest: est enim opidum Germaniæ ad ripas Reni positum, quod flumen vti Franci tùm accolebant, sic Toringia numquam attigit. Tungros quoque ortos à Germanis Plinius Secundus, Caius Cornelius Tacitus, & Claudius Ptolemæus in Gallia; non in Germania ponunt. vt appareat eam gentem ne florente quidem Romanorum potentiâ, nedum Valentiniani principatu vtilos agros atque opida trans Renum habuisse. Ceterum quod ait Gregorius ante occupatum à Chlodione Camaracum Gallicas gentes, quæ à Reno ad Ligerim per-

cccc.  
 XLIII

tinent, sub ditione Romanorum fuisse; vltra Ligerim Gothos imperitauisse; Burgundiones trans Rhodanum incoluisse: non perinde intelligi oportet, quasi tum Romani omnes Transligeritanas, ac Transrhodanicas regiones Barbaris condonauissent, aut amisissent. Aquitaniam enim cognomine primam, & partem maiorem prouinciæ Narbonensis, & præter Sapaudiam Burgundionibus datam quod agri inter Rhodanum Alpesque erat, Imper. Valentinianus tenebat. Immo ne tum quidem, cum Chlodionis ductu Franci in Gallia confederunt, videntur Burgundiones trans Rhodanum sedes habuisse. siquidem anno XX post Honorij Aug. obitum (vbi ait Prosper in Chronico) Aëtius Sapaudiam eis cum incolis diuidendam dedit: transisse autem in Gallias Chlodionem anno XIV post Honorij mortem Marianus Scotus tradit.

Et ita quidem Gregorius, vt antè dictum est, de Chlodionis expeditione scribit. at Historicus, qui posteriore Theodorico regnante floruit, ex Toringia regione Germaniæ præmissis ad Camaracum exploratoribus, Chlodionem cum magnis copiis Renum transisse dicit, multisque Romanis cæsis ac fugatis, Carbonariam siluam intrasse; Turnacum, deinde Camaracum cepisse; ibique interfectis Romanis, hoc est Gallis, aliquantisper substituisse; & vsque ad Suminam flumen, quod alij Somenam, alij Sumnam appellant, atque ab Camaraco circiter millia passuum XXIV abesse aiunt, omnia loca armis occupauisse. Ex quo intelligitur Chlodionem, cum relicto Dispargo Renum transierit, (vbi & Rorico, Sigebertus, ac Iuo tradunt) non ex Tungria, prouinciæ inferiore Germania, sed ex Toringia, & magna vel Transfrenana Germania in Galliam Belgicam erupisse. Adiicit Rorico Samarobriam Ambianorum opido ad Suminam posito potitum hunc esse, eamque regionem elegisse, atque exinde à nemine interpellatum iure belli quietè tenuisse. cui Auctori haud scio an magis assentiri nos oporteat, quam Adoni scribenti Chlodionem saltum Carbonarium, quæ Arduennæ pars est inter Mosam, & Scaldem; obtinuisse: Camaracumque, quod à

Renō CXXX millia passuum abest; non Samarobriam regni sedem statuisse. In libro autem, quem Hincmarus de vita Remigij composuit, inuenio Francos Turnaco & Camaraco opidis expugnatis, & hinc vsque ad Suminam parte prouinciæ Belgicæ occupatâ, ibi diu sub Chlodione & Meroueo Regibus consedisse. Sed nemo è nostris Auctoribus supradicti Regis victorias licentiùs amplificauit, quàm Marianus Scotus. quippe in libro Chronicorum II prodit post Christum natum CCCCXXVIII, Theodosij Principis post Honorij mortem X<sup>IV</sup> anno, hoc est Aëtio II & Sigisulto Coss. quo anno Aëtius in bello Gothico repellendo, & in defectione Baccaudarum coercenda erat occupatus: Chlodionem Barauros, Menapios, Tungros, Turnacenses, Taruennenses, Morinos, Atrebates, Camaracenses, Ambianos, Bellouacos, & quidquid inter Sequanam ac Ligerim erat, Francico Regno adiecisse. quod Sigebertus septennio serius, nimirum anno CCCCXLV post Christi natalem actum esse tradit.

Apparet ergo Chlodionem Regem Francici in Gallia Imperij auctorem ac conditorem fuisse: eumque cum magno exercitu ex Germania transgressum in Galliam castella aliquot ad Renum, (aliter enim interiora regionis tenere vix potuit) superatâque Mosâ siluam Carbonariam, & Turnacum ac Camaracum opida Scaldi flumini apposita; inde omnia vsque ad Suminam perpetuæ possessionis causâ occupauisse. cum nec ab Romanis postea ex hisce opidis expulsus dicatur; nec urbem aliquam captam Regni sedem statuere eius sit, qui prædam sibi solum, non imperium quærat, & finibus hostium depopulatis domum redire festinet: à quo consilio tantum abfuit Chlodio, vt Atrebates quoque ditionis sue facere voluerit. Certè in eos exercitum duxit, nullis, sicut antè, speculatoribus præmissis, & ad vicum Elenam fluménque peruenit, more Germaniæ mulierum agmen trahens. ibi dum quidam clarus inter Francos virginem nationis eiusdem matrimonio sibi adiungit, saltantiùmque vocibus collis ripæ proximus resonat, Aëtius inopinantes improuisò aggreditur: angustiis lo-

corum inclusos fundit, fugátque: novam nuptam capít: plaustrisque compluribus portitur. Locum, ubi res gesta est, Elenam vicum Apollinaris Sidonius appellat: quem Ioannes Sauaro nunc esse Hefdinium vetus Quantix flumini impositum falsò existimat. cum Elena vicus in primis Atrebatium finibus, quæ Camaracenses attingunt; hoc est forsitan Lensium ad Deulam, Lenense castrum Balderico in Historiæ lib. II dictum: Hefdinium autem vetus (si tùm tamen iam erat) non in Atrebatibus, licet nunc eis attribuat, sed in Morinis ad Oceanum versùs castellum fuerit. Hoc furto belli magis quàm prælio circa Elenam fusi ac repressi sunt Franci paullo post Cæsarodunum Turonum per Iulium Maiorianum à Gothorum metu vindicatum, siue post Aëtij I & Sigisvultii Consulatũ. vt scribit Apollinaris Sidonius, apud quem vxor Aëtij, non minùs inuidens Maioriani iuuenis gloriæ, quàm pro Gaudentio communi filio sollicita, & huius magnitudinem illius incrementis quandoque obstaturam rata sic virum alloquitur.

cccc.  
xxxvii.

*Cùm bella timentes*

*Defendit Turonos, aberas. post tempore paruo  
Pugnastis pariter, Francus quæ Cloio patentes  
Atrebatum terras peruasferat. Hic coeuntes  
Claudebant angusta vias, arcuque subactum  
Vicum Elenam, fluménque simul sub tramite longo  
Artus suppositis trabibus transmiserat agger.  
Illic te posito, pugnabat ponte sub ipso  
Maiorianus eques. fars ripa colle propinquo  
Barbaricus resonabat hymen; Scythicisque choris  
Nubebat flauo similis noua nupta marito.  
Hos ergo, vt perhibent, strauit. crepitabat ad ictus  
Cassia, & oppositis hastarum verbera thorax  
Arcebat squamis, donec conuersa fugatus  
Hostis terga dedit. plaustris rutilare videres  
Barbarici vaga festa tori, coniectaque passim  
Ferula, captiuasque dapes, cirroque madente  
Ferre coronatos redolentia festa lebetas.  
Illicet increfcit Maurors, thalamique refringit*



*Plus ardens Bellona faces, rapit effeda victor,  
 Nubentemque nurum. non sic Rholoëtica monstra,  
 Atque Pelethronios Lapisbas Semeleius Euan  
 Miscent: Hamoniae dum flammant orgia matres,  
 Et Venerem Martemque cient; ac prima cruentos  
 Consumunt ad bella cibos; Bacchoque rotato  
 Pocula tela putant: cum crudecente tumultu  
 Polluit Emathium sanguis Centauricus Oshrym.  
 Nec plus nubigenum celebrentur iurgia fratrum.  
 Hic quoque monstra domat, rutili quibus arca cerebri  
 Ad frontem coma tracta iacet; nudatâque cervix  
 Setarum per damna nitet; tum lumine glauco  
 Albet aquosa acies; ac vultibus undique rasis,  
 Pro barba tenues perarantur pectine crista.  
 Strictius assuta vestes procera coercet  
 Membra virum. patet his altato tegmine poples:  
 Lasus & angustam suspendit balseus aluum.  
 Excussisse citas vastum per inane bipennes,  
 Et plaga praescisse locum, clypeosque rotare  
 Ludus, & intortas precedere saltibus hastas,  
 Inque hostem venisse prius. puerilibus annis  
 Est belli maturus amor. si forte premantur  
 Seu numero, seu sorte loci; mors obruit illos,  
 Non timor: inuicti perstant, animoque supersunt  
 Iam prope post animam. tales te teste fugavit  
 Et laudante viros.*

Ex quo apparet Francos, quos ridiculè ob proceritatem  
 eximiam Sidonius monstra appellat, tantâ magnitudine,  
 ac pernicitate corporum, tantâ in armis exercitatione,  
 atque arte cum viribus coniunctâ, tantâ fortitudine in  
 periculis, tantâ à paruulis bellandi cupiditate fuisse, vt  
 ab hoste etiam inuito laudarentur. Sic Libanius in ora-  
 tione de laudibus Constantij atque Constantis Augg.  
 fratrum ait Francos multitudine innumerabiles, haud  
 paullo tamen quàm pro multitudine validiores non ma-  
 re magis quàm continentem timere: & frigus Septem-  
 trionale cæli temperie gratius; otium, calamitatem ma-  
 ximam; quietem, languorem ducere: contrâ summam  
 sibi felicitatem in bello positam existimare: ac si quis

dextram perdiderit, debilem reliquâ manu pugnare: virtutisque apud eos, quam temeritatem ac dementiam Libanius vocat, & honorem haberi, & sua præmia legibus esse proposita. Quod autem ait Sidonius Francos post mortem animo pæne superesse: idem Florus dicit de Romanis à Pyrrho Rege victis; relictas in eorum vultibus minas, & *in ipsa morte iram vixisse.*

cccc-  
xxviii  
cccc-  
xxxi

Ceterum vti Felice & Tauro Coss. aut Consulatu Bassi & Antiochi accepta apud Renum clades Chlodionem minimè deterruit, ne in Galliam iterum transiret: ita Elenensis pugna eidem haud obstitit, quominus regionem, quam armis occupauerat, obtineret. videturque Aëtius post hoc leue proelium pacem cum Francis fecisse, atque Chlodioni liberam possessionem saltus Carbonarij, & Turnaci, ac Camaraci tradidisse. quod facile credet, qui animaduernerit Aëtium reliquiis Alannorum, qui Goare duce principatu Honorij in Gallia confederant, agrum Valentinum condonauisse, & Burgundionibus pæne funditus euerfis non solum pacem, sed etiam Sapaudiam dedisse. Certè Saluianus, qui tum iuuenis scribebat, in libro V de Gubernatione Dei postquam multum questus est de iniquitate potentiorum humiliores possessionibus per iniuriam expellentium, deque acerbissimis tributis & exactione capitum; affirmat Francos, Hunnos, Vandalos, & Gothos esse horum scelerum iununes, atque apud Barbaros meliore conditione Romanos vti. ex quo intelligitur vt tum Hunni Pannonias, Gothi Aquitaniam, Vandali Africam prouincias Imperij Rom. possiderent; sic & Francos partem Belgicæ Galliæ tenuisse.

cccc-  
xxix.

Anno VI post Honorij Aug. mortem, hoc est Florentio & Dionysio Coss. Iuthungi Danubij accolæ, non vt ait Dexippus Scythiæ, sed Alamanniæ gens; Rætiam depopulari soliti, arma corripuere: & Norici ac Vindelici prouinciales ab Imperio Romano defecere. siue seorsum bellum parauerant: siue potius Norici ac Vindelici cum finitimis Iuthungis vires iunxerant. quos omnes Aëtius supradictis Coss. vicit, & insequenti anno (vt ait Hydatius in Chronico) Noricos rebellantes domuit, ac

Vindelicos subegit. Hoc est, quod Prosper in Chronico tradit post annum septimum quàm Honorius decesserat, Aëtium Iuthungorum gentem delere conatum esse. Eam expeditionem aduersus Iuthungos, & Noricos ac Vindelicos susceptam esse ab Aëtio Auitum secum habente, antequam Burgundionibus bellum inferret, scribit Apollinaris Sidonius in Panegyrico Auito Aug. socero dicto.

*Aëtium interea, Scythico qui saepe duello est  
Edoctus, sequeris: qui quamquam celsus in armis  
Nil sine te gessit, cum plurima tu sine illo.  
Nam post Iuthungos & Norica bella, subaëto  
Victor Vindelico Belgam, Burgundio quem trux  
Presserat, absoluit iunctus tibi.*

Iordanes eiusdem de Iuthungis Aëtij victoriæ mentionem facit in libro de origine & actis Gothorum, cum ait Aëtium *superbiam Suauorum immensis cadibus seruire Romano Imperio coegisse*. Neque enim dubito, quin Suauorum, hoc est Sueuorum nomine Iuthungos appellauerit Iordanes, quòd alteri alteris proximi, & vtri-que Rætis confines erant. Certè Aëtius Sueuis in Germania habitantibus bellum intulisse non dicitur: Sueuos autem idem in Callæcia sedem habentes adèd Imperio Romano seruire non coegit, vt contrà, ipso Magistro militum, Rechila Rex Hermerici Sueuorum Regis filius Andeuotum Romanum Ducem proelio superatum castris exuerit; Emeritam, Myrtilim, ac Hispalim vrbes claras occupauerit; & Vito Magistro militiæ cum suis Gothisque auxiliariibus fuso Bæticam, & Carthaginensem prouinciam impunè vastauerit. Sed quoniam incidit Sueuorum mentio, notare conuenit Sueuos, cum qui in Germania remanserant, tum qui in Callæcia sedem ceperant; atque etiam Sauientes, Sauix seu prouinciæ ad flumen Sauum incolas, à Iordane Suauos; & tam horum quàm illorum regionem communi nomine Suauiam appellari: similiter Procopium in libro I rerum Gothicarum *Suauos mediterraneos non Franciæ parentes, sed alios*; hoc est non in Germania habitantes, Alamannisque finitimos; sed Sauii accolæ, Dal-

matix & Pannonix confines, Siscienſibus & Carnis medios interponere. Ex quibus Procopij verbis etiam intelligitur ætate eius, ſeu Iuſtiniani principatu Sueuos, quos Suauos vocat, vnà cum finitimis Alamannis Theodeberto tum in Francia Orientali regnanti paruiffe. Hac nominum ſimilitudine deceptus Iordanes prouinciales Sauienſes, Sueuóſque gentem Germanix confudit, cùm Hunnimundum vel Chunimundum, quem Eugepius in libro de vira Seuerini Alamannorum crebro tum Noricum vaſtantium Regem fuiſſe indicat; regnaſſe in *Suauia Dalmatia Pannoniaque vicina*, hoc eſt in Sauia ſcribit: & nihilominus regionem illam Suauorum, apud quos Hunnimundus regnabat, ab Oriente Baiobaros; ab Occidente Francos; à Meridie Burgundiones; à Séptemtrione Toringos habere; Alamanniſque foederatis confinem, hoc eſt Sueuiam Transfrenanam fuiſſe prodit. Simili idem errore Telephum, quem in Myſia Aſiatica regnaſſe conſtat, Myſix ſeu Mœſix Europæ, Gothorúmque ibi ſedes habentium Regem ait fuiſſe.

Dum Franci in Gallia ductu Chlodionis ſedem capeſunt: Theodoricus maior Rex Gothorum rupto foedere Narbonem Martium obſedit. ex altera parte Gundicharius Burgundionú Rex, Gundicharius à Senatore dictus, non contentus agro prouinciæ Germanix primæ, quem ante annos XXIII occupauerat, finitimos Belgas prouinciæ Belgicæ primæ incolas armis ſub imperium ſuum ſubiungere conatus eſt: quem Aëtius Theodoſio XV & Valentiniano IV Coſſ. repreſſit ac fudit, atque anno inſequenti Iſidoro & Senatore Coſſ. altero prælio victis & cæſis millibus hominum XX ſic fregit, vt non iam de proferendis finibus, ſed de ſua ſuorúmque ſalute cogitaret. itaque per legatos pacem ab Aëtio ſuppliciter petiit, atque eo facilius impetrauit, quòd iam Romani Gothico bello cœperant impediri. Nec diutina ea Pax Burgundionibus, aut fida pax fuit. Hunni quippe, hi cæſares, quorum auxilia ex Dacia Tranſdanubiana Romani accerſuerant, quibúſque tum adiutoribus bellum cum Gothis in Gallia gerebant, ſi non immiſſu, ſaltem permiſſu Aëtij

Gun-

cccc-  
xxxv.

cccc-  
xxxvi.

Gundicarium fessum adorti interfecerunt, vnâque propè omne nomen ac stirpem Burgundionum delcuerunt: vt Tiro Prosper in Fastis, Hydatius, & Cassiodorus Senator in Chronicis prodidere. Hancce Burgundionibus ab Vptaro Rege illatam calamitatem, eiuldémque ac Hunnorum cæde bellum esse finitum indicant Socrates Scholasticus in Historiæ Ecclesiasticæ libro VII, Sigebertus in Chronico, & Nicephorus Callistus in libro XIV, scribuntque Burgundiones, (quæ gens Barbara, circa Renum colens, vitam quietam atque otiosam sequeretur, fabrilémque artem, quâ setueretur, ferè omnis exerceret) cùm continuis Hunnorum incursionibus vexarentur; depopulatâ regione, multisque suorum acie fulis & cæsis, humani consilij auxiliique inopes communi consensu religionibus maiorum renuntiauisse, & in Christo spe victoriæ positâ ab Episcopo cuiusdam vrbis Galliæ, vt Christianis sacris ipsos initiaret, petiisse: mox rite edoctos quæ credenda ac facienda erant; atque septem dierum ieiunium seruare iussos, octauo demum die Baptisma consecutos, præpositoque eis Episcopo domum dimissos esse: tum ingenti fiduciâ accensos ad hostes contendisse: nec spe sua frustratos esse. Vptaro quippe Hunnorum Rege, qui mendosè à Sigeberto Suprar appellatur, noctu satietate rupto; cùm ducis morte turbatos improvisò inualissent, à Burgundionum millibus III millia Hunnorum dena interfecta esse. ex illo tempore Burgundiones ardenti amore, & summa cum cura ac diligentia Christianam religionem coluisse. Hæc autem gesta esse Proclo Constantinopolitanæ Ecclesiæ curam agente, cuius ille Episcopus factus est Aspare & Ariobindo Coss. ante annum quàm Aëtius Burgundionibus bellum inferret. Quamquam Paullus Orosius, qui Honorio & Theodosio minore Principibus, Valiâ Rege Gothorum in Hispania cum Alanis Vandalisque bellante Historiam scripsit, Burgundiones iam tùm Christianos fuisse in libro VII memoriæ tradidit his verbis. *Eorum esse prauvalidam & perniciosam manum Gallia hodièque testes sunt, in quibus præsumtâ possessione consistunt. quamuis prouidentia Dei omnes Christiani mo-*

C C C C.  
XXXIV.

do facti, catholicâ fide, nostrisque Clericis, quibus obedirent, receptis; blandè, mansuetè, innocentèrque viuant non quasi cum subiectis Gallis, sed velut cum fratribus Christianis. Nemo alius autem, vti opinor, Burgundiones, in primis armata millia III initiauit & tinxit, quàm Seuerus Treuironum Episcopus magnæ sanctitatis vir: quem Constantius in libro II de vita Germani tradit, antequam in Britanniam ad resurgentis hæresis Pelagianæ incendium extinguendum vnâ cum Germano proficisceretur, *Gentibus prima Germania*, hoc est Burgundionibus in ea provincia confidentibus *verbum Dei prædicauisse*. Seuerum hunc Treuiriæ Ecclesiæ ordinatum Episcopum, discipulum Lupi Tricassini Episcopi fuisse in libro de vita Lupi inuenio, & *prima Germania Gentibus prædicasse*, ob idque inter Apostolos sedem suam habere meruisse. Gentes autem eo tempore à Romanis vocabantur nationes Barbaræ sui iuris, nec Imperio Rom. subiectæ; vt Franci, & Burgundiones, præter quos paucissimi tum in omni Gallia idola coluerunt. Et Burgundiones quidem postea Vesigothorum, credo, contagione corrupti Arianam sectam sequi maluerunt. quo magis miror eos apud Gregorium ante aduentum in Gallias Chlodionis, quo tempore vix dum Christiani erant facti, Arianos fuisse dici. Viuebat tum Sidonius, qui Burgundiones ob proceritatem septipedes ac Gigantes appellat, & animis ac corporibus rigidos & incultos fuisse ait, atque promissam comam butyro perfudisse, & pridianis epulis graues inanè allia ac cepas assumere, trichordisque citharis canere consueuisse. Ceterùm *vniversam pene gentem Burgundionum cum Rege per Aetium bello deletam* ideo forsitan Prosper in Chronico prodit, quod Aetius in Gundicarium, quocum pacem fecerat, clam Hunnos immiserit. errâtque Paullus Langobardus, qui in libro v Appendicis ad Eutropij Historiam adiunctæ auctor est Atilæ Galliarum fines ingressò Gundicarium Burgundionum Regem armatum occurrisse, ac primo impetu obtritum esse. Post Gundicarij parentis sui mortem apud Burgundiones regnauere Gundiucus, vitio exemplarium à Iordane Gnudiucus, à Roricone Gundeueus di-

Ætus, ac Chilpericus, quem Apollinaris Sidonius in libro epistolarum v, *Chilpericum Magistrum militum*, & modò *Tetrarcham*, modò *Regem*; Iordanes Hilpericum appellat: & quem Gregorius in libro de vita Lupicini vrbem Geneuam Regni sedem statuissè scribit. Hi fratres collectis paternæ cladis reliquiis, anno XX post Honorij <sup>CCCC-  
XLIII.</sup> Aug. obitum, Maximo II & Paterio Coss. Sapaudiam, regionem inter Rhodanum ac Alpes iacentem beneficio Imperatoris Valentiniani, Aëtiique Patricij possidere: atque subactis paullatim per occasionem finitimis Regni terminos promouere. Nunc quoniam de bello Burgundionum diximus, superest vt de bello Gothico, quod eodem tempore ortum est, pauca dicamus.

Valia vel Vallia Rex Gothorum, qui & Vesigothi vocantur, redditâ Placiâ & pace factâ cum Honorio, in eius gratiam bellum Barbaris Hispaniensibus intulerat: ac pæne funditus euerfis Alanis in Lusitania confidentibus, & Vandalis Silingis in Bætica ad internecionem cæsis; promissi memor aliquot Hispaniæ prouincias Imperio Romano restituerat: ob idque Aquitaniam secundam, Nouempopulos, & quasdam vrbes confinium prouinciarum, in primis Tolosam, datas ab Honorio sedes acceperat. Successit Valiæ Theodoricus, Olympiodoro Theuderichus, Theudo Gregorio dictus; qui Castino Magistro militum Honorij in Vandalos expeditionem suscipienti magna misit auxilia: & quem Theodosio XI & Valentiniano Cæs. Coss. quo anno Placidia Aug. & <sup>CCCC-  
XXV.</sup> Valentinianus Cæsar aduersus Ioannem bellum gerebant, ex occasione pacem rupisse, & *Arelatum nobile opidum Galliarum multa vi oppugnauisse, donec imminente Aëtio non impunitus abscederet*, ait Prosper in Fastis. quamquam Prosper in Chronico biennio seriùs, nimirum anno IV post Honorij Aug. obitum Arelatum ab Aëtio Gothica obsidione liberatum dicit. Hydatius <sup>CCCC-  
XXVII.</sup> autem anno VI post Honorij mortem circa Arelatum <sup>CCCC-  
XXIX.</sup> quamdam Gothorum manum ab Aëtio cæsam, & Anaolfum Optinatem eorum captum esse memoriæ tradidit. Et tum quidem solutâ obsidione Arelati, Theodoricus foedus cum Valentiniano Aug. pepigit, obsi-

cccc.  
xxxv.  
cccc  
xxxvii

cccc.  
xxxvii

cccc.  
xxxviii

cccc.  
xxxix

désque à nobilitate Galliæ accepit, in his Theodorum Auiti, eius qui postea imperauit, propinquum: & cùm in recipiendo Magisterio militum, quod à Bonifatio victus amiserat, Hunnorum operâ Aëtius vteretur, rogatus à Placidia auxilia contra eum misit. Sed idem postea non contentus Regno Aquitanico, anno duodecimo post Honorij mortem, vt ait Hydatius in Chronico; vel insequenti anno Isidoro & Senatore Coss. sicuti refert Prosper in Fastis, pacem rupit: & pleraque municipia Romanæ ditionis vicina sedibus suis occupauit: Narbonémque Martium, cui ob vicinitatem maximè erat infestus, diuturna obsidione fatigauit. quam urbem Gothis cum Rege in fugam versis Prosper eodem anno; insequenti Hydatius à Litorio Comite summis obsessio- nis & inopiæ periculis liberatam dicunt. Aëtio II & Sigisulto Coss. Romani Hunnos, qui equitatu multum poterant, operâ Aëtij mercede conduxere, & aduersus Gothos, qui tanto apparatu territi pacem missis ad Valentinianū Episcopis frustra petiuerant, bellum gessere. Accidisse tum credo, quod Gregorius Ecclesiæ Turoni- cæ Episcopus in libro I de Gloria Martyrum scribit, vt ab Hunnis, quorum Ducem claro nomine Regem Barbarorum Chunorum Gaufericum appellat; diu multumque obsideretur Cossio Vafatium, vrbs in Nouempopulis sita Gothicæ ditionis: quæ Episcopi sui viri sancti preci- bus votisque defensa est, pauore hostibus iniecto: itaut Gaufericus nescio quibus monstris & speciebus perter- ritus obsidionem soluerit, & fugienti similis vnà cum suis inde abierit. Theodosio XVI & Fausto Coss. aduer- sus Gothos in Gallia quædam feliciter gesta sunt, & ductu Aëtij Magistri militum octo millia Barbarorum cæsa.

Tandem Theodosio XVII & Festo Coss. post quar- tum annum quàm cœptum erat, bellum finitum est. Li- torius, qui potestate secundus ab Aëtio Hunnis auxilia- ribus præerat, caput Regni Gothici Tolosam obsidebat, vir magnis in eo bello, ac recens aduersus Armoricos re- bellantes rebus gestis illustris. Is dum Aëtij Patricij glo- riam superare cupit, dùmque fallacibus Haruspicum



responsis confidit, qui ipsum Tolosam intraturum dicebant, si acie dimicauisset, proelium cum Gothis imprudenter commisit. quo tempore Theodoricus Rex tametsi Arianus, priusquam manu pugnaret precatione pugnauisse, & usque ad diem proelii stratus cilicio suppliciter Deum orauisse dicitur. Fecit igitur exitum Litorius, qualem inconsiderati ac temerarii Duces facere consueuerunt. amisit enim suorum pene omnium Hunnorum auxiliatorum manu, ipse vulneratus venit in Gothorum potestatem: *Et urbem hostium, quam eodem die victorem se intraturum crediderat, retortis post tergum brachiis, victis manibus captiuus intrauit.* ut in libro VII de Gubernatione Dei loquitur Saluianus, qui & cum longo tempore *Et diuturna in ergastulo Barbarorum tabe consumptum ait,* quem tamen Hydatius post paucos dies quam captus fuerat interfectum dicit. Cum itaque auxiliarem manu Hunnorum ab Gothis caesam auctor sit Hydatius, & cum Litorium Isidorus in Chronico exercitum amisisse scribat: apparet falso Prosperum in Fastis tradere, tantam à Litorio hostibus cladem illatam fuisse, ut nisi temerè pugnans captus esset, dubitandum foret Gothis Romanisne victoria adscriberetur: Gothosque post dubij Martis luctuosum experimentum *humilius quam umquam antea pacem poposcisse,* quæ & eodem anno facta sit. Nec veriùs Iordanes in libro de origine actisque Gothorum scribit diu utrimque instructa acie *cum utrique fortes, Et neuter infirmior esset, datis dextris in pristinam concordiam rediisse* Romanos & Gothos, foedusque ac fidam pacem iniisse. Quippe ut omittam moris non esse victoribus pacem à victis petere; auctor est Apollinaris Sidonius in Carmine VII, seu in Panegyrico Auito Aug. socero dicto, cum Aëtius Litoriana clade & ipse fractus nec pecunia nec precibus hostem superbum ac insolentem placare, multo minùs pacare armis posset; Auitum Praefectum Praetorio Galliarum eius rogatu ad Theodoricum Regem Gothorum litteras scripsisse, idque egisse, ut victor Barbarus, qui usque ad flumen Rhodanum Regni sui terminos proferre & poterat & volebat, mutatus mitigatusque foedus cum Romanis

iungeret. Versus Sidonij operæpretium est subiicere.

*Nil prece, nil pretio, nil milite fractus agebat  
Aetius. capto terrarum damna patebant  
Litorio: in Rhodanum proprios producere fines  
Theodorida fixum: nec erat pugnare necesse  
Sed migrare Getis. rabidam trux asperat iram  
Victor: quod sensit Scythicum pro mœnibus hostem  
Imputat: & nihil est grauius ( si forsitan umquam  
Vincere contingat ) trepido. Postquam undique nullum  
Præsidium, Ducibusque tuis nil, Roma, relictum est,  
Fœdus Auite nouas, sauum tua pagina Regem  
Lectæ domat. iussisse sat est te, quod rogat orbis.  
Credent hoc umquam gentes populique futuri?  
Littera Romani cassat quod Barbare vincis.*

Vbi notandum est, quod ait Sidonius, nihil esse grauius timido, si fortè umquam vicerit; Gothos naturâ timidos esse, sed victoriâ feroces & intolerabiles fieri solere indicans: idem Saluianum Presbyterum in libro VII de eodem bello loquentem dicere: nimirum *cum Gothi metuerent, spem illos in Deo; Romanos in Hunnis posuisse: illisque datam esse in summo timore palmam, Romanis in summa elatione confusionem.* Ita Gregorius Turonicus Episcopus in libro II Historiæ scribit Alaricum Regem Gothorum, supradicti Theodorici nepotem, *metuentem ne propter Syagrium iram Francorum incurreret, ( vt Gothi pauere mos est ) victum cum legatis Chlodouei tradidisse.* idemque eodem in libro tradit, in Vogladensibus campis *secundum consuetudinem Gothi terga vertentibus,* Chlodoueam Francorum Regem victoriam tulisse. Hoc ideo notaui, vt Hispani, qui tantopere Gothi maioribus gloriantur, sciant hos esse eodem Gothos, ex quibus in bello pauere, & timidè, vel ( vt ipsi loquuntur ) cautè ac prudenter se gerere, & terga vertere, & parua victoria tamquam re noua & insperata insolescere didicerint.

Non multo postquam bellum Gothicum finitum erat, Britanniz pars ad Meridiem spectans, quæ iam inde à Claudio Cæsare Drusi filio in prouinciam redacta Romanis parebat, ab Anglis occupata est. Quomodo res

gesta sit, scire conuenit. Clemens Maximus primùm, deinde anno pòst XXVI Constantinus in Britannia à militibus Imperatores facti, transmissio in Galliam exercitu Britannico & multa iuuentute numquam domum rediturâ, vacuam vicinis Barbaris insulam reliquere. quam obrem Prosper in Chronico scribit anno Honorij Principis quintodecimo, transgresso in Galliam Constantino Tyranno, præ imbecillitate Romanorum vires Britanniz penitus esse attenuatas. & Zosimus Comes in lib. VI tradit postquam Cōstantinus in Galliam suas copias traduxit, Britanniam nudatam militaribus præfidiis Barbaris patuisse, neque postea eam insulam Romanorum fuisse. Igitur Britanni, cūm continuis Pictorum atque Scotorum incursionibus vexarentur, aduersus eos auxilia ab Aëtio Magistro militiæ petiere: quibus negatis (nam Aëtius finitimorum Barbarorum hoc est Veligothorum bello in Gallia detinebatur) Vertigernum Anglorum Regem mercede accersiuere. Anglos gentem vetustam magis quàm claram Tacitus & Ptolemæus inter Sueuos in Germania ponunt, & ad mediam partem fluminis Albis pertinuisse dicunt. Hi peruecti in Britanniam Pictos & Scotos represserunt, deinde vt honestam aliquam belli causam perfidiæ prætenderent, questi parcè sibi ac malignè depensum stipendium, in Britannos ipsos arma verterunt, ac pæne totam ab Oriente ad Occidentem insulam igni ferrôque vastatam subegerunt. Hanc Britannis illatam cladem anno XVIII post Honorij obitum ait Prosper in Chronico: Beda & Marianus Scotus secundo imperij Marciani anno, hoc est Herculano & Sporaëio Coss. Miror autem qui Angli fuerint, à Prospero Saxones dici, *Britanniasque in ditionem Saxonum redactas esse* scribi. tamen si enim tum Anglorum fines Saxones attingerent, & quidam ex ea gente Vertigernum in Britanniam sequi potuerint: tamen verisimile non est Britannos ab infestissimis hostibus populatoribusque insulæ auxilium expetiuisse. Saxones quidem, eo ipso anno quo Germanus Autissiodurensis Episcopus in Britanniam profectus est, nimirum Florentio & Dionysio Coss. ante aduentum in in-

CCCC-  
IX.CCCC-  
IX.CCCC-  
XLI.CCCC-  
LII.CCCC-  
XXIX.

fulam Anglorum annis XII, regionem eius aliquam Pi-  
ctis confinem obtinuisse videtur indicare Constantius de  
vita Germani, Britonibus, hoc est Britannis Romanæ  
ditionis, bellum ab Saxonibus & Pictis iunctis viribus  
illatum describens. Sic igitur Britanniae prouincias v,  
quæ Romanis Principibus paruerant, Angli occupaue-  
re: reliqua Picti, Scotique incolebant. & cum antea, vt  
Prosper docet, pars Britanniae Imperio Romano sub-  
iecta, *Romana insula*; pars à Pictis & Scotis habitata,  
*Barbara insula* appellaretur: omnis Britannia Bar-  
bara insula facta est.

CCCC-  
XLVIII

Anno v ac vicesimo post Honorij mortem ( vt ait  
Prosper in Chronico ) hoc est Postumiano & Zenone  
Coss. Chlodione defuncto regnare in Francia coepit Me-  
roueus, quem alius Merouecum, alius Merouicum, alius  
Mereueum appellat. Hunc ex Chlodionis stirpe fuisse  
Gregorius ait quosdam prodidisse; Aimoinus in libro i  
eiusdem affinem tantum vocat. Vetera Stemmata i v  
edidit Andreas Duchenius, vir rerum nostrarum ac  
antiquitatum peritissimus, quorum vno & altero, nullâ  
Faramundi atque Chlodionis mentione factâ, origo Re-  
gum Franciæ ad Meroueam refertur: vt appareat eum  
Chlodionis filium habitum non esse. in tertio Stemmate  
Meroueam Regem, Chlodionis quidem successorem,  
sed Meroueo quodam patre natum; in quarto verò  
Chlodebaudum Chlodione genitum inuenio: qui forsi-  
tan in libro ii de vita Genulfi Chlodomeris nuncupa-  
tur, & Chlodioni ac Meroueo Regibus medius interpo-  
nitur. è contrario Fredegarius in Epitome, & qui vitas  
Sigeberti minoris ac Caroli Magni literis mandauere  
Monachi Meroueam Chlodionis filium fuisse dicunt.  
Addit Fredegarius vxorem Chlodionis ætate cum viro  
in litore meridianem lauandi causâ in mare descendisse,  
atque à bellua Minotauro simili, hoc est à marino ho-  
mine vi compressam Meroueam peperisse: ne Alexan-  
drum Magnum, Scipionem maiorem, & Augustum Cæ-  
sarem, Galeriumque Maximianum dracone patre glo-  
riatos miremur. Fredegarium sequitur Sigebertus, ac  
Meroueam Chlodionis filium annos x regnasse scribit,

ab

ab eo fortissimo Rege Francos Merouingos esse cognominatos. vti & Rorico, & Hincmarus de vita Remigij, & Auctor libri de vita Sigeberti posterioris prodidere. cùm Auctor quidam Historiæ Francicæ, tempore Gregorio proximus, Fredegarius Scholasticus in Epitome, Eginardus, ac ceteri rerum nostrarum scriptores Francorum Reges tantùm, viròsque generis regij à Meroueo dictos Merouingos veriùs affirmant: quos quidam Merouinchos, Merouincòsque; aliqui Meroueos appellant; & cæsariem barbâmq; immitisse aiunt. Eoldem in spina pilos setarum suillarum similes naturalem stirpis notam habuisse; ob idque Cristatos, hoc est *Τριχοειχάμους*, seu hirtâ spinâ insignes vocatos esse tradunt Landulfus Sagax in Historiæ Miscellæ libro XXII, & Georgius Cedrenus de vita Leonis Isauri, ambo Theophanem, quem Anastasius transtulit, secuti, atque suspecti, alter Græculus Franco nomini infensus; alter (nisi fallor) Langobardus, in gratiam posterorum Caroli Magni Merouingos deridens. Priscus Panopolites de Regibus, qui eâ tempestate apud Francos regnauerunt, ita omiſſis singulorum nominibus scribit, vt rem ex dubia incertiore faciat. quippe auctor est post Theodosij iunioris interitum Attilam Occidentis partes petere statuisse, vbi res ipsi foret non tantùm cum Italis, vt Honoriam Valentiniani Aug. sororem, misso clàm per eunuchum anulo nuptias suas pactam, vxorem duceret: verùm etiam cum Gothis, vt Geisericò Vandalarum Regi gratum faceret; atque cum Francis. belli autem Francis inferendi occasionem Attilæ obrulisse Regis eorum mortem, & de Regno inter eius filios ortam contentionem: ex quibus alter maior natu auxilia ab Attila accersere decreuerat; alter Aëtium sibi adiungere parabat. Minorem ait se Priscus Romæ vidisse, quò à patre legatus venerat, imberbum adolescentem, flauâ comâ per humeros effusâ conspicuum: quem Aëtius honoris causâ per arma sibi filium adoptauerit, & Imperator Valentinianus ac idem Aëtius iunctâ societate atque amicitia proficiscentem plurimis donis sint prosecuti. Decessit verò Theodosius minor Valentiniano

cccc. VII & Gennadio Auieno Coss. qui regni Merouci ter-  
 tiusest annus : itaut duos Regis Francorum, hoc est for-  
 sitan Chlodionis filios de Regno aliquot annos conten-  
 disse Priscus Sophista indicare videatur. At Meroueum  
 Chlodioni successisse, siue eius filius natu minor ; siue  
 nepos ; siue tantum affinis fuerit, nullâ belli ciuilis men-  
 tione illatâ, nostri Auctores constanter tradunt : eum-  
 demque Rorico tradit in opido Ambianorum Samaro-  
 briua , quam Chlodio regiam elegisset, Regem saluta-  
 tum ; virtutis prudentiæque ergo tantæ Francis venera-  
 tioni fuisse, vt tamquam communis pater ab omnibus  
 coleretur. Ceterum non est quod quis existimet Mero-  
 ueum, ac multo magis Chlodionem nihil in Gallia te-  
 nuisse : quoniam vtrumque, vti Faramundum, in Fran-  
 cia regnauisse tradit Prosper in Chronico. quippe Chlo-  
 dio & Merueus, quod paucos in Gallia, plurimos in  
 Germania Transfrenana pagos atque regiones, nimirum  
 veterem Franciam obtinere, in Francia regnâsse opti-  
 mè dici potuerunt.

cccc. - Valentiniano VII & Auieno Coss. Flavius Theodo-  
 sius minor, Arcadij filius, Theodosij maioris nepos,  
 octiesdecies Consul, quoties ante cum nemo, Constan-  
 tinopoli obiit quinquagesimo ætatis anno, relietâ Eudo-  
 xiâ vnicâ filiâ, quæ Valentiniano Aug. nupta erat. Hic  
 nouem mensium infans ab Arcadio patre ad Hebdomon  
 Augustus, non (vt ait Marcellinus) Cæsar creatus, impe-  
 rauit cum patre & Honorio patruo annos VII, post pa-  
 rentis obitum cum Honorio annos XV, quo mortuo an-  
 nis XXVII Imperium Orientis tenuit, Valentiniano  
 amitino Augusto appellato, Occidentique præposi-  
 to. Theodosium hunc, amisso pæne omni Illyrico, &  
 decresciente Imperio, prouinciarum quæ ipsi supererant  
 ac Præsidum numerum auxisse supra diximus : quod &  
 antea patrem eius Arcadium Aug. fecisse, impulsu Eu-  
 tropij eunuchi prouinciarum præfecturas auro venden-  
 tis, apud Claudianum in libro II in Eutropium queritur  
 Oriens his versibus.

*Aula chorus epulisque vacat, nec perdisa curat,  
 Dum superest aliquid. ne quid tamen orbe reciso*

- 1. *Venditor amittat, provincia quaque superstes*
- 2. *Diuiditur, geminúmque duplex passura tribunal*
- 3. *Cogitur alterius pretium facere perempta.*
- Sic mihi restituant populos. hac arte reperta*  
*Reكتورum numerum terris pereuntibus augment.*

Quare Innocentius, qui imperante Arcadio, & initio principatus Theodosij Ecclesiæ Romanæ Episcopus fuit, in epistola ad Alexandrum Antiochenſium Episcopum missa ſciscitanti ei, *utrum diuisis Imperiali iudicio prouinciis, ut duæ Metropoles fiant; sic duo Metropolitanæ Episcopi debeant nominari*: respondet Ecclesiã Dei commutari ac diuisiones perpeti non oportere. at nihilominus Concilij Calchedonenſis decreta docent Imperatorum exemplum imitatos esse postea quosdam Orientales Episcopos, qui Principis permissu vnã prouinciã in duas diuidebant, ut nouæ prouinciæ Metropolitanæ appellarentur. Vt autem appareat quales Hispani Imperio Romano Principes genuerint, fuit Theodosius clemens quidem, pius, patiens; sed non minùs patre & patruo ignauus & deses: numquam enim armatum exercitum vidit, nisi fortè cùm militibus ex aliqua expeditione reuertentibus obuiam extra portam Vrbs ex more egrediebatur: leuis idem, simplex, Monachi demum quàm Imperatoris similior, qui quotidie manè inter sorores suas psalmos canere solebat, & magis quartâ & sextâ feriã ieiunia seruare quàm prouincias didicerat, meliùs libros legere quàm milites norat. Præterea exemplo Arcadij Barbaris, præsertim Hunnis, obnoxius fuit, & feminis ac eunuchis ita addictus, ut quemadmodum pater eius suãſu Eutropij eunuchi Abundantium Consularem; impulsu Eudoxiæ vxoris Ioannem sanctissimum Constantinopolis Episcopum relegauerat, ipse in gratiam Dioscori & Eutychetis Hæreticorum Flavianum optimum ac piissimum eiusdem Augustæ vrbs Episcopum Chrysaphij spadonis impulsu in exsilium mitteret: adeo zelotypus, ut in vrbe Cæsarea Cappadociæ Paullinum Magistrum Officiorum falsò suspectum in Eudocia vxore sua iugulandum curaret, & ob eandem causam (sicut puto) Seuerum Presbyterum ac

ccc.  
xxii.

Ioannem Diaconum Hierosolymis ei ministrantes occidi iuberet. Sed quia Eudociæ incidit mentio, quam biennio post factas nuptias, & post genitam Eudoxiam Mariniano & Asclepiodoto Coss. IV Nonas Ianuar. Augustam demum appellatam esse Chronicon Alexandrinum docet, dabit mihi veniam Lector, si cum morem obscurum & paucis notum illustraero.

ccc.  
xcv.

cccc.

Animaduerto igitur à multis Imperatoribus coniuges nonnisi post expertam fecunditatem Augustas dictas coronatæque esse. Sic Caius Cæsar Miloniam Cæsoniam enixam vxorio nomine dignatus est, vti ait Suetonius Tranquillus. Sic Nero Claudius Cæsar Aug. (sicut tradit Cornelius Tacitus) natam sibi ex Poppæa filiã appellauit Augustam, dato & Sabinæ Poppææ eodem cognomine. & Flavius Domitianus Domitiam Longinam vxorem, ex qua in secundo suo Consulatu filiũ tulerat, altero anno consalutauit Augustam. Sic Eudoxiam, quæ Arcadio Aug. nupserat Olybrio & Probino Coss. v Kalendas Maias, & duas filias iam pepererat; Stilicone & Aureliano Coss. v Idus Ianuar. grauidam Augustæ nomine honoratam esse supradictus Auctor Chronici Alexandrini prodit, cùm antea tantũ Nobilissima vel Nobilissima femina vocaretur. Sicut ex duobus nummis æreis, quos à Fitone Anglo Presbytero acceptos nuper publicauit magno vir ingenio Ioãnes Tristanus, in vno quidẽ Constantini Maximi vxor, credo antequam pareret, *Fausta NF*, hoc est *Fausta Nobilissima femina*; in altero eius filia, Iuliani Cæsaris coniux similiter *Helena NF* inscribitur. Denique in Historia Miscella inuenio Iustinianum Aug. cognomine Rhinotmetum, post receptum Imperium, Theodoram vxorem suam vnã cum filio Tiberio, quem ex ea tulerat, coronauisse, & Augusti nominis participem fecisse: & Mariam coniugem Leonis Isauri Aug. cùm Constantinum enixa esset, v III Kalend. Ianuarias in Triclinio Augustam salutatam, coronatamque esse: atque Constantinum hunc ipsum, qui cognominatus est Copronymus, Eudociæ vxori suæ in Tribunali vnde viginti accubitorum coronam & nomen Augustæ impoluisse, filiõsque ex ea genitos Christophorum & Nice-



phorum Cæsares creauisse, Nicetam natu minimum nomine ad Cæsaris dignitatem proximè accedente Νικήσιμου vel Επικρίστου, hoc est Nobilissimum appellauisse, & his chlamydes ac Cæsarianas galeas; illi chlamydem similiter & coronam auream imposuisse.

Antequam Theodosiū Aug. decessisse palam fieret, Pulcheria Aug. eius soror, ne Imperium amitteret, anus nubere constituit. confestim igitur Marcianum accersit, atque ei, quem ipsa ex omnibus Senatoribus tanto fastigio dignissimum delegisset, Imperium promittit hac conditione, si se vxorem ducere & potestatis consortem bona fide habere vellet. Erat Marcianus grauis & prudens senex, patre milite natus in agro Thraciæ Philippopolitano; primū gregarius miles; deinde Imperatoris Domesticus Protector, Asparem Magistrum militiæ in bellum Vandalicum secutus; vnde à Procopio Domesticus Asparis vocatur: postea ad Tribunatum, Senatoriāque dignitatem peruenerat. qui insperatā fortunā lætus se imperata facere paratum esse dixit, & seruandæ dignitatis virginitatisque fidem dedit Pulcheriæ. Itaque Pulcheria Anatolium Constantinopolitanum Episcopum, Senatūque, ac primores populi in suburbanum conuenire iubet, & ad septimum ab vrbe Augusta milliarium, quem locum ob id Græci Εξδμήτ, Latini Septimum appellant, in Tribunali Marcianum VIII Kalendas Septembres de sententia omnium Imperatorem creat. Tum primū ministerio sacerdotali in precatōe agenda, & in coronando Imperatore vsos esse Romanos animaduerto. Sempérque postea Constantinopolitani Episcopi electionibus Imperatorum interfuerunt, sæpe vt sollemnem precatōnem tantummodò facerent, nonnumquam vt electos Principes etiam coronarent. Vti enim semper ante Marcianum, sic non rarò post eius principatum Imperatores Romani suismetipsi manibus diadema successoribus suis imposuere, purpurāque circumdedere. Marcianus postquam Augustus nuncupatus est, promissi memor statim Pulcheriam A. virginem Deo deuotam, quæ tum quinquagesimum secundum annum agebat, imaginariis nuptiis du-

xit vxorem. Quæ cùm ita sint, miror Marcianum in epistola ad Leonem Romanum Episcopum data Constantinopoli Consulatu Valentiniani perpetui Augusti de ortu suo sic scripsisse; vt nulla Pulcheriæ auctoris suæ mentione factâ, *se ad maximum imperium venisse Dei providentia, & electione Senatus excellentissimi, cunctaque militia* diceret: quòd forsitan Imperatorem se à muliere factum fateri erubescerat. Fuit autem Marcianus vir Catholicus, & pius, atque admodum beneficus, quietus, & felix, qui cum Persis Orientem vastantibus, & cum Vandalis omnia infestantibus maria pacem fecit; Atrilæ minas compescuit; Nubásque & Blemmyas, gentes Æthiopie, in Ægyptum transgressos per Forum Alexandriæ Procuratorem repressit. Sed intelligo me propositi metas excessisse, qui tamdiu in Orientis rebus immoratus sim. in Occidentis tractus reuertendum est.

Paullo post Theodosij Aug. mortem supradictis Valentiniano VII & Auieno Coss. non (vt ait Hydatius) insequenti anno Galla Placidia Aug. Theodosij prioris ex Galla Grariani & Valentiniani minoris sorore consanguinea filia, Valentiniani maioris neptis, soror quoque, amita, vxor, & mater Imperatorum Romæ v Kalendas Decembres obiit: virilis animi, optimi ingenij, magnarumque virtutum femina, & regendo Imperio haud paullo magis quàm Valentinianus filius idonea. Ac mihi quidem Theodosij maioris posterorum virtutes & vitia perpendenti semper visum est ambos eius filios Arcadium & Honorium, ambósque nepotes Theodosium iuniorem & Placidum Valentinianum, imbelles, timidos, ignauos, desides, fuso quàm iaculo rorquendo aptiores, feminis ac eunuchis subiectos, Imperio denique indignos, ac malo publico natos fuisse: vt ex supradictis satis intelligitur. contrà eiusdem Theodosij filiam Gallam Placidiam, ac neptes Pulcheriam & Honoriam, proneptemque Eudoxiam, veluti sexum cum maribus mutauissent, magno animo præditas, audaces, impigras, exsomnes, prudentes, Imperatorum ipsorum dominas magis quàm potestatis consortes, & vt imperarent quiduis facere ac pati paratas fuisse. Quis enim Gallæ Placi-

diæ regium animum non miretur, quæ Ataulfum Vesi-  
gothorum Regem, à quo captiua cogi poterat, tamdiu  
procum aspernata est, nec nisi multis blanditiis & ratio-  
nibus potuit expugnari? cui postea viduæ ac postlimi-  
nio reuerfæ, vt Constantio Magistro militum & Patricio  
secundum Consulatum ineunti nuberet, vix ab Hono-  
rio fratre persuasum est: quæ virum, quamdiu priuatus  
fuit, vt imparem spreuit, nec fratrem obtundere desiit,  
antequàm eundem Imperatorem; ipsam Augustam; &  
communem amborum filium Nobilissimum appellauis-  
set: quæ demum post Constantij mortem, motis Rauen-  
næ seditionibus Honorio Aug. fratri suo insidiata est:  
neque priùs quieuit, quàm eo mortuo per Theodosium  
Arcadij fratris filium reducta in Italiam, ac (vt loquitur  
Prosper) *tandem illata optato Regno*, Valentinianum fi-  
lium Imperatorem, & omne Imperium Occidentis sibi  
subiectum vidit. Præterea tametsi res non successit, quis  
prudentiam Placidia non laudet Bonifatium euocatum  
ex Africa suspecto Duci æmulum opponentis, ac primò  
ipsum, mox Sebastianum eius generum substituentis in lo-  
cum Aëtij Magistri militum, cuius potentia nimia & gra-  
uis Reip. erat. Iam verò Pulcheriam Arcadij Aug. filiam,  
Theodosij neptem nemo abundè mirari potest, quæ vir-  
guncula vixdum quintumdecimum transgressa annum,  
cùm Flaccillam maiorem natu sororem haberet, Au-  
gusta appellari voluit; & Imperium, Theodosiumque  
fratrem biennio tantummodò minorem tamquam in-  
fantem rexit; & ne imperare disceret, sub manu eum sua  
eunuchorumque semper tenuit; parèmq; se Reip. gu-  
bernandæ esse credidit. Ea cùm ita integritatem pud-  
icitia Deo deuouisset, vt consecrata velatæque nec esset  
nec esse vellet; sororibus suis vt similiter virginitatem  
seruarent persuasit, ne earum viros potentia locos aut  
æmulos pateretur: & Athenaida Leontij cuiusdam Athe-  
niensis Philosophi filiam baptizatam appellatamque Eu-  
dociam fratri nuptum dedit, vt ipsa puellam formâ qui-  
dem, ingenio, & Poëtica studio eminentem, sed genere  
obscuram pro collato beneficio obsequentiorem habe-  
ret. Eadem postremò post fratris obitum virgo non solum

quingagesimum secundum iam annum agens, sed etiam deuota Deo, ne ex Augusta priuata fieret, nupsit, senémque & ignobilem in consortionem potestatis recepit, vt comorigero omnibus in rebus vteretur. Quid de Honoria dicam Gallæ Placidie filia, Theodosij maioris nepte, quæ dimidiam partem Imperij Romani tamquam sibi à Constantio Aug. patre suo relictam, debitamque à Valentiniano fratre repetiit, eamque Attilæ armis occupare conata est, neque dummodò imperaret Barbarum virum fastidiit? Denique Eudoxia Aug. Theodosij minoris filia, vt viri sui mortem vlcisceretur, & facinus in Maximum auctorem vindicaret, Geisericum Vandalorum Regem in Urbem recipere quàm Valentiniani interfectorem in torum suum maluit. Sed de his plura dixi fortasse quàm debui, præstat res Gallicas Francicâsque persequi.

Paucis pòst annis, quàm Meroueus apud Francos regnare cœperat, Attila Hunnorum Rex cum magnis copiis Gallias ingressus est. De tempore huiusce expeditionis est inter scriptores controuersia. Tiro Prosper, Priscus Panopolites Sophista, seu Rhetor, Hydatius, & Cassiodorus Senator in Chronicis, quibus libens assenserim; Marciano Aug. & Adelphio Coss. Attilam in Gallia victum aiunt. contrà Auctor Appendicis Chronico Victoris Tununensis Episcopi adiunctæ, Herimannus, & Nicephorus Callistus in Historiæ Ecclesiasticæ libro XIV. ante Imper. Theodosij obitum Asturio & Prologene Coss. in campis Catalaunicis pugnatum esse dicunt. Sed quoniam ad Attilam venimus longè maximum clarissimùmque omnium ætatis suæ Regum, de tanti viri maioribus pauca præfari conuenit.





# HADRIANI VALESII

RERVM FRANCICARVM

LIBER QVARTVS.



VNNI, qui & Huni, Scythica gens, ferè ignoti prisca Aucto-ribus ( nemo enim præter Dionysium Characenum & Plinium eorum mentionem fecit ) inter Pontum & sinum Caspium sedes habuere, ac Septemtrionalia montis Caucasi tenuere: à quibus Abares, Turci, Hungarique sunt orti.

Chunos Aufonius, Claudianus, Prosper, Sidonius, ceterique recentiores eos appellant: cùm tamen Ptolemæus in Europa inter Bastarnas & Roxolanos Chunos ponat. Horum iuuentus multitudine innumerabilis Flauij Valentis principatu patriâ decessit: paludem Mæotin transiit tentatam antea nemini: Alanorum Tanaitarum multos interfecit; reliquos, vt ait Ammianus, pacto societatis & amicitie sibi adiunxit; vel si Iordani credere malumus, eos crebris certaminibus fatigatos subegit. inde Gothis, & Gipedibus partim multâ cæde subactis, partim expulsis vsque ad Danubium imperium prorulit. Quo fit, vt Procopium mirer in belli Gothici libro I V

tradere, cùm hanc paludem Hunni transierunt, iam tum Vandalos in Africa, Vesigothos in Hispania consedisse. Emigrantium finibus suis Hunnorum Rex erat Balamir, Iordani ac Sigeberto Balamber dictus, qui Winitharium Regem partis Gothorum acie victum occidit. Proximi post Balamirum simul regnauere Mundiucus, Attilæ pater, quem malè Nicephorus Numidium, aliqui Mundzucum appellant; & Huldes, is quem Zosimus in libro cccci. v tradit Vincentio & Frauito Coss. capite Gainæ Gothi Magistri militum rebellis ad Imper. Arcadium misso munera accepisse, & pacem cum eo atque amicitiam iunxisse. Eundem Hermias Sozomenus in libro IX & Nicephorus Callistus in XIII libro produnt initio principatus Theodosij rupto fœdere cum magnis copiis Danubium transisse, & Castra Martis Mœliæ opidum cepisse: vnde dum excursiones in Thraciam facit, à propinquis suis, & à plerisque ducibus ac militibus ad Romanos transeuntibus desertus amissâ magnâ multitudine Scirorum, qui agmen claudebant, trans flumen refugerit. Non desunt, qui hunc esse Huldin putant Hunnorum auxiliatorum ducem, cuius egregiâ operâ bello Radagaisi vsusest Honorius Augustus. Apud Olympiodorum Charatonem quemdam *Regum Hunnorum primum* dictum inuenio, quem, ob cædem Donati cuiusdam Subreguli iureiurando circumuenti ac iugulati à Romanis, irâ incensum donis placauerit Theodosius Aug. circa quartum imperij sui annum. Post hos regnum in Hunnis obtinuerunt Mundiuc & fratres Ostar & Roas, à Prisco Iordanè que ita dicti. quorum alterius nomen tantummodò nouimus: alterum Prosper ac Sigebertus Rugilam; Socrates in libro VII Rugam; Theodorus in libro v ac Nicephorus in libro XIV Roilam appellant. Hic, vt suprà diximus, Ioanni Tyranno auxilia contra Valentinianū misit: & Aëtium, ab Sebastiano Bonifatij genero expulsum ex Italia, reducendum curauit: ac quemadmodum Prosper in Chronico & Priscus tradunt, pace cum Theodosio pridem; cum Valentiniano recens initâ, domi morbo interit anno XI ab Honorij morte, Aspare & Ariobindo Coss. Quamquam idem

apud Socratem, & Theodorum, ac Nicephorum dicitur, cum transito Danubio in Thraciam incursionem fecisset, populabundusque regionem Constantinopoli excidium minitaretur, maximum exercitum amisisse partim pestilentiam lacerarum, parim tempestate & igneis turbinibus oppressum: ipse in primis fulmine ictus cecidisse.

Rox patruo Attila & Bleda fratres succedere, qui non contenti tributum duplicauisse, ac <sup>cccc.</sup> <sup>xlii.</sup> 1000 auri libras Romanis Orientalibus imposuisse, cum antea Octari & Rox in annos singulos tantum <sup>cccc.</sup> <sup>xlii.</sup> 200 penderentur; Cyro Consule iunctis viribus in Illyricum erupere: Naissum, Singidunum, Sirmium, plurimamque alia opida funditus diruere: iterum insequenti anno Dioscuro & Eudoxio Coss. Illyricum, & Thracias seuam populatione vastauere: usque ad Athyram flumen, quod a Constantinopoli millia passuum <sup>cccc.</sup> <sup>xlii.</sup> 224 abest, omnia castella, atque omnes vrbes cum maritimas tum mediterraneas præter Hadrianopolim & Heracliam cepere: tantumque Theodosio Aug. terroris iniecere, ut exercitum aduersus Geisericum missum reuocauerit, ac nihilo minus datis auri librarum millibus sex, & libris mille annuorum munerum (ita Romani appellabant) nomine promissis, pacem discessumque eorum per legatos redimere coactus sit. deinde, ut est infida Regni consortio; Attila, Græcis Attelas dictus, Bledam fratrem insidiis circumuentum interficit, atque Regnum eius suo adiungit: confirmatque imperio Reges & populos suæ ditionis secum ducens Callepio & Ardabure Coss. omnes ferè, quæ in Europa iacebant, ditionis Theodosij prouincias depopulatur: vrbes castellamque expugnat ac excidit: Arnegiscum, Magistrum militum in Dacia Ripensi circa flumen Utum obuim proelio vincit, atque occidit: petagratamque Macedoniam atque Thessaliam usque ad Thermopylarum angustias peruenit. quemadmodum Marcellinus in Chronico memorie prodidit. quamquam Iordanes & Græcus quidam Fastorum Auctor, qui mendose Anargiscum eum Ducem vocat, apud Marcianopolim pugnatum esse, occupatumque id opidum dicunt.

His Coss. anno XXIV post Honorij Aug. mortem non minùs LXX ciuitates ab Hunnis direptas atque vastatas, cùm nullam Valentinianus Theodosio socero opem ferret, Prosper in Chronico tradit. Præterea Priscus scribit ab Attila depopulatum agrum Mœsiæ cognomine primæ, & Daciæ Ripensis rectâ Istri regione à finibus Pannoniæ superioris ad Nouas opidum Mœsiæ secundæ pertinuisse, & in longitudinem millia passuum circiter CCLXXX; quâ recedebat à ripa, v dieum iter expedito patuisse, ac aliquamdiu Attilâ coli cū vetante vacauisse: Attilamque, quem & Regalem Scytham vocat, à Theodosio Aug. atque à Senatu Magistrum militum Romanorum esse appellatum, vt non ei tributa pendere, quæ tum auri pondo duûm millium centenûm erant, sed tamquam Duci stipendia soluere viderentur. tenuisse autem Attilam non solùm omnem Scythiam, & quasdam in Oceano insulas; sed etiam ex legibus pacis cum Aëtio initæ prouinciam Sauiam, & (sicut Eugepius quoque de vita Seuerini, Iordanésque ac Gregorius docent) vtramque Pannoniam. ex quibus Iordanes secum ipse pugnans ait Ostrogothis post Attilæ mortem domo eiectis ac profugis ab Imper. Marciano Pannoniam condonata. idémque præter Scythiam & Sarmatiam Europæam tradit Daciam antiquam illam vltra Danubium iacentem, & *Regna Germanica*, hoc est Quados, Marcomanos, reliquâsque gentes Germaniæ, Sarmatis & Danubio proximas, sub ditione Attilæ fuisse.

Hic tot tantarûmque nationum ac Regum Rex, Regis etiam pater, (Ellacem enim maiorem filium Acatziris genti Ponticæ Regem præposuerat) cùm Theodosium opésque Orientis exactione grauium tributorum, crebris incursionibus, & legationibus exhaustisset, arma in Occidentis partes vertere constituit. Materiam belli præbuit Honoria soror Valentiniani Augusti maior natu, patruo magno auunculóque cognominis, tres tum & triginta circiter annos nata: quam aliquot antè annis ex Eugenio Procuratore suo grauidam cùm frater Palatio expulisset, &, vt ait Iordanes, clausam seruari iussisset, (nam falsò Theodosio Principi missam Marcelli-



nus dicit ) Eugeniũque mandasset interfici : puella vltionis ac licentiæ peccandi cupida, nec minùs dolore quàm libidine accensa clàm Attilam per fidum cunuchum inuitauerat, vti in Italiam transiret, eique nuptias pollicita erat. Quamobrem Attila legatos ad Valentinianum misit, qui Honoriam vt traderet peterent, & anulum datæ fidei pignus dubitanti monstrarent, dicerentque nullam puellæ iniuriam fieri, quam sibi ipse vxorem despondisset. itaque Valentinianum dimidia parte Imperij, quam ab Constantio Augusto hereditario iure Honoriz filiz relictam inualisset, sorori sibiq; cedere æquum esse. nĩ fecisset, eius vlciscendæ causâ se in Italiam venturum. Legatis Valentinianus respondit Honoriam Attilæ nubere non posse, propterea quòd iam alij nupsisset : ( videtur tum Honoria viro collocata fuisse, ne ab Attila ampliùs peteretur ) nihilque ad eam pertinere Imperium Romanũ, quod virorum, non feminarum esse consueuisset. Iterum legati cum eisdem mandatis ad Valentinianum missi eadem ad Attilam responsa regulere. Iordanes duarum aliarum legationum mentionem facit, alterius ad Valentinianum Aug. alterius ad Theodoricum Vesigothorum Regem ab Attila missarum, vt faciliùs vtrosque imparatos & distractos opprimeret : atque Attilam ad Imperatorem scripsisse nequaquam sibi cum eo, quocum factam pacem sincerâ fide custodiret, & cui Galliz ac Hispaniz prouincias dudum amissas armis restituere pararet ; sed cum Theodorico communi vtrorumque hoste esse certamen : contrà Theodoricum per litteras hortatum esse, vt inter eum ac Valentinianum initam socieratem dirimeret, memorque belli atrocis paullo anrè ipsi à Romanis illati Aëtium securum, & Gallias aggredideretur : se in Italiam eodem tempore erũpturum. Attilam autem aduersus Theodoricum multis muneribus concitauerat, & velur currenti calcar addiderat Geisericus Rex Vandalorum, qui Theodorici filiam Hunerico filio suo nuptam, ob suspicionem comparati ab ea veneni naribus auribùsque amputatis deforme ac miserandum spectaculum Tolosam remiserat, & ne pater puellæ in-

iuriam vlcisceretur, non immeritò timebat.

Igitur Attila quammaximis poterat coactis copiis profectus Pannoniâ, per agrum Quadorum & Marcomanorum ditionis suæ populorum, ac per Toringos, quorum multos sibi voluntarios adiunxit; terendit in Cartos, & Bructeros: hi Franciæ pagierant. Vbi quid rerum egerit, & de Regno contententibus fratribus, Regis Francorum mortui filiis, an maiori, à quo (vt ait Priscus) erat accersitus, contra minorem auxilium tulerit, vererum Auctorum negligentia scire nos prohibet. tantùm Childericum Merouei filium ab Hunnis vnà cum matre captum esse, & Wiomadi cuiusdam Franci operâ profugisse Fredegarius tradit. Vtcumque Attila se in Francia gessit, certè non paucos & ex ea regione sibi socios adsciuit: inde ad flumen Renum peruenit, atque monoxylis lintribus, quas in Hercynia silua ex singulis arboribus cauari, ac in plaustra imponi ad eum vltum paratas iusserat, exercitum traiecit. Sequebantur Attilam ( vt Sidonius in Carmine VII, & Paullus in Historiæ Miscellæ libro XV produnt ) subiectæ ei nationes, Hunni, Gipedes, & Ostrogothi, hi Ardarico; illi Valameri Regibus Hunnorum tributariis parentes: Alani, Bastarnæ, Turcilingi, Sciri, Eruli, Rugi, Bellonoti à Valerio Flacco in Argonauticôn libro VI Ballonoti dicti: Sarmatæ; Burgundiones, Sarmatica gens, Gothis Alanisque confinis; Quadi; Marcomani; Sauientes, quos Suauos appellant: & inter voluntarios Toringi; Franci accolæ fluminis Vicri, & qui Francis annumerabantur, Bructeri. Omnium numerus (si Iordani & Sigeberto creditur) quingentorum millium, aut etiam multo pauciorum magis quàm, vt ait Paullus, septingentorum fuit.

Cum tanta multitudinē ubi Renum transiit Attila, fingit se belli Vesigothis inferendi causâ in Galliam venisse; fidemque pacis cum Imperatore Valentiniano factæ seruare, nec priusquàm Aquitaniam intrauerit, ferrû stringere sibi in animo esse. ita vrbes Galliæ partim dolo & simulatione pacis; partim vi capit. Diuodurum Mediomatricorum opidum Hunnorum sœuitiam aut primum, aut in primis expertum est: opidani, cùm Pascham per-

uigilio celebrarent, trucidati: Presbyteri ante altaria interfecti: vrbs direpta, ac exceptâ Ecclesiâ Stephani Martyris tota incensa: Augusta Treuiorum diruta, magnâ inde prædâ prius egestâ: Aduaca Tungrorum funditus euerfa, agrique populati: Durocortorum Remorum, post annos XLIII quàmab Alanis & Vandalis captum fuerat, iterum excisum, ac Nicasius Antistes (vti Siegeburtus scribit) cum Eutropia sorore plurimisque aliis cæsus: quem plerique Honorio Principe à Vandalis necatum dicunt. Augustobonæ Tricassium opido pepercit Attila Lupi Episcopi precibus motus, & cæde paucorum, quos vir sanctissimus pro ciuibus vitam precatum miserat, reliqui seruari sunt: quod Attilâ domum redeunte quidam factum esse putant. Autissiodurum à Barbaris incendiis vastatum, atque ibi Fraternus eo ipso die, quo Sacerdos factus erat, iugulatus: quem tamen apud Vsuardum Confessorem appellari video. Denique regiones inter flumen Renum ac Ligæim plæræque vexatæ & perditæ: in omnibus pæne vicis, castellis, opidis omnia barbaræ feriatæ, auaritiæ, libidinis exempla edita: donec Attila ad Aurelianos peruenit, & castra ante urbem posuit, cuius expugnatione apertâ sibi Aquitaniâ, Theodorici Regis fines ingressurus, ac prius Vesi-gothis quàm Romanis bellum illaturus videbatur. Præsenferat hanc tempestatem Annianus Aurelianensis Episcopus, summæ vir prudentiæ, ac sanctitatis singularis, & Arelate ad Aëtium venerat auxilium postulatum, dimissusque cum pollicitatione opis bonum animum habere opidanos; muros, portas, & propugnacula reficere; turrets tormentis ac telis complere; omnia demum ad defensionem vrbs parare iusserat. Et Aureliani quidem, quamquam murus vndique arietibus pulsabatur, oppugnationem strenuè sustinendo totam nubem belli detinebant. Aëtius autem promissi memor, dimissis quoquouersus legationibus, copias cogere, & obsessis succurrere maturabat. Venerat ille ex Italia in Galliam cum paucis militibus, iam Attilâ Galliam Belgicam ingresso, ratus Theodoricum secum vires & castra iuncturum: quem vt compexit in Regno suo subsistere, aduentumque

ibi hostium expectare statuisse, Auitum Aruernum nobilissimum virum ad eum misit. Erat Auitus magnâ apud Vesigothos propter vicinitatem gratiâ, legationemque fauorabilem contemplatio communis periculi faciebat. itaque Theodorico Regi, qui ab Hunnis per Aëtium mercede accersitis bellum sibi illatum recordabatur, facîle persuasum est, vt Reipublicæ, cuius membrum tenebat, opitularetur, & cum Aëtio celeriter sese coniungeret. quo factò ambo cum omnibus copiis ad Aurelianos proficiscuntur. tum fortè Annianus in castra hostium supplex ierat, & pro opidanorum libertate Attilam deprecatus repulsusque, postridie VIII Kalendas Iul. ne per vim opidum expugnaretur portas aperiri iusserat. Iamque procures Hunni intromissi incolas cum suis quemque coniugibus & liberis inter se fortiebantur, ac prædam in plaustra imponebant: cùm Romani atque Vesigothi interueniunt, ac Barbaros inopinantes opprimunt. fit magna cædes: plerique, qui urbem ingressi erant, interficiuntur: multi in flumen Ligerim compulsi gurgitibus hauriuntur: reliqui fugâ salutem petunt. vt appareat verum esse, quod Sidonius in libri VIII epistola XV, & Auctor libri de vita Anniani dicunt urbem Aurelianos ab Attila *obsessam, oppugnatam, irruptam, neque tamen direptam* fuisse. Quamquam Gregorius, Acta Anniani superiorum dissimilia secutus, in Historiæ libro II tradit quassato & labante crebris arictibus muro, Aëtium Patricium ac Theodoricum Vesigothorum Regem ad opidum Aurelianos deimproviso peruenisse, & Hunnis repulsis atque fugatis opidanos obsidione exemisse. Corrigendus est hoc loco error Sigeberti, qui Collisionem Valsatium ait diu obsessum ab Attila Hunnorum Rege, quem constat non vltra Aurelianos processisse, & solutâ obsidione retro in Galliam Lugdunensem rediisse.

Aëtius Aurelianis tanto periculo liberatis Sangibannum Alanorum Regulum cum valido præsidio præposuit, neque hostes perterritos insequi, & quamquam opportuna esse occasio rei bene gerendæ videbatur, fortunam periclitari voluit: quòd antequàm proelio con-

ten-

tenderet, variarum gentium auxiliis per legatos accersitis adiungi cupiebat. quippe expectabat præ ceteris (vt ait Iordanes) copias Francorum, Sarmatarum, Armoricianorum, Liticianorum, Burgundionum, Saxonum, Ripariolorum, Brionum. Francos quidem in auxiliū Romanis venisse Paullus Langobardus quoque in rerum Romanarum libro v, & Auctor libri de vita Sigeberti Regis Dagoberti filij tradunt, quos (sicuti Gregorius & Sigebertus scribunt) Rex gentis Meroueus adduxit. Sarmatiam autem Europæam non omnem Attilæ fuisse indicant supradicti Sarmatæ, accolæ fluminis Vistulæ, qui Aëtio Magistro militum opem tulerunt, & quemadmodum Saxones; nauibus in Galliam venerunt. Ceterum non est, quod quisquam miretur Armoricianos, siue Armoricos ab Iordane inter auxiliares numerari. cum Zosimus in libro VI prædat, effusis per Gallias Germanis, omnes Armoricos, & nonnullas alias earum regionum præfecturas atque gentes; quod nullum in Imperatore Honorio, & Constantino Tyranno ipsis esset præsidium, defecisse: eiectisque ob iniquitatem magistratibus Romanis & tributorum exactoribus Rempublicam suo arbitrio constituisse. Quare principatū Valentiniani Aëtius Magister militum primò Litorum cum Hunnis mercede accersitis; deinde aliquot post annis Eocharicum Alanorum Regem in Armoricos rebelles immisit. vt appareat eos, tamquam liberos & iuris sui populos, non iussos; sed rogatos auxilia contra Attilam Aëtio misisse. Idem de Ripariolis dicere conuenit, qui Galli incolentes circa ripam Reni ac fluminis Ruræ, vbi Bonna, Colonia Agrippina, Iuliacum, & Marcodurum sunt; cum continuis Francorum incursionibus vexarentur, nullumque in Romanis sibi præsidium positum esse intelligerent, Armoricos imitati ab eorum imperio defecerunt, ac suis legibus vti instituerunt, se suæque à Francis domesticis viribus defensuri: quos postea nostri Auctores pro Ripariis Ripuarios, ac Ribuarios mendosè vocauerunt. Denique Briones, vt ait Iordanes, antea Romanæ ditionis, tum iuris sui gens; hi sunt, quos Senator & Fortunatus Breones, veteres Geogra-

cccc.  
xxx.

phi Breunos appellant, atque in Vindelicia ponunt. Quamquam Sidonius in Carmine VII, & Hydatius in Chronico tradunt Noricos & Vindelicos, qui rebellauerant, anno VII post Honorij Aug. mortem Theodosio XIII & Valentiniano III Coss. ab Aëtio Magistro militiæ subactos perdomitosque esse. Liticianos apud Iordanem in libro I diximus nobis videri Lætos esse vel Letos, qui cum alibi, tum in pago Letico ad flumen Letiam, cuius pagi in rebus gestis Philippi Augusti Francorum Regis fit mentio, sedem habuere. tum autem Meroueus Rex terras Leticas in prouincia Belgica secunda vltra flumen Suminam iacentes obtinebat. quamobrem Liticiani, hoc est Leti, tamquam Francis parentes inter auxilia Aëtij à Iordane numerantur. His animaduersis ad ordinem reuertor.

Postquam tot gentium nationumque auxilia conuenerunt, iam non impar hostibus Aëtius prælio decertare constituit. Præerat Aurelianus (vt diximus) præsidioque ibi relicto Sangibanus Alanorum Rex. is siue euentum pugnae Romanis exitiabilem futurum arbitratus; siue clam per populares sollicitatus ab Attila promissis, urbem se suosque traditurum promisit. quâ re cognita præuenerunt inceptum vtriusque Theodoricus ac Aëtius, & munitâ vrbe, eduçtisque ex eadem Alanis, ad Attilam tum per Galliam Lugdunensem & Belgicam vagantem contenderunt, atque in campis Catalaunicis contra eius castra confederunt. Campi Catalaunici Tetricianâ clade nobiles vltra flumen Matronam iacent, quos Iordanes Priscum secutus Mauriacos vocat, aitque in longitudinem leugascentum; hoc est CL millia passuum, in latitudinem septuaginta patere. Antequam prælium hic committeretur, accidit res digna memoriâ. Manus Francorum Aëtianorum Gipedes & numero & virtute parés noctu improvisò obuios habuit. haud aliàs vehementius vtrîque ac pertinacius initum certamen. quippe quasi vir virum legisset, mutuis içtibus omnes ad vnum occubûere: nec ex omni eo Francorum ac Gipedum numero, qui fuit quindecim millium, quisquam superfuit. Erat in supradictis campis mons, quem qui teneret, loci

opportunitate superior futurus videbatur. Eius montis summum iugum Aëtius ac Thorismodus Theodorici Regis filius cum celeriter adscendissent, & firmo præsidio occupauissent, Hunnos eodem subeuntes facile decedere. quo incommodo perturbatos milites suos Attila oratione confirmat, & quamquam deterrentibus Haruspicum responsis circiter horam nonam prælium committit. Læuo cornu Valamerem; dextro Ardarium præposuerat: mediam aciem ipse cum Hunnis tenebat. Aëtius autem in sinistro cornu; Theodoricus in dexteriore erant: Alanos, ac Sangibanum Regem in medium agmen contulerant, ut vir suspectus inter Romanos ac Vesigothos positus, spe fugæ atque transitionis sublatâ, necessariò pugnare cogeretur. Fit prælium atrox, multiplex, cruentum, pertinax; Hunnis de gloria, Romanis de libertate pugnantibus. Theodoricus Rex, dum ad cohortandos suos in omnem partem decurrit, ex equo deiectus iumentorum ungulis obteritur: aut, ut quidam dicunt, sagittâ ab Andage Ostrogotho Amalæ stirpis emissâ configitur. Quam acriter verimpesta nox certamen diremit. quippe Vesigothi, nondum Regis morte cognitâ, abrupti ab Alanis mediam Hunnorum aciem inuaserant: magnûmque adisset periculum Attila, nî dux prouidens receptui cani iussisset, & suas copias reduxisset in castra, ubi pro vallo plaustra obiecta, & sagittariorum præsidia ad defendendos aditus disposita erant. Thorismodus natu maximus Theodorici Regis filiorum, ratus ea castra sua esse, cæcâ nocte ad hostium carpenta & stationes accessit, fortiterque dimicans capite vulnerato equo deiectus, atque ab suis ex periculo ereptus est. similiter Aëtius inter medios hostes versatus vagus, & ignarus quæ fortuna Vesigothorum fuisset, tandem sicut & Thorismodus, in castra peruenit. ibi dispositis scutatorum stationibus atque custodiis reliquum noctis egerunt.

Postero die primâ luce fœda strages spectaculo Aëtianis fuit. iacere corpora totis campis vident: amnem exiguum ac ignobilem, qui agros secabat, sanguine intui-

muiffe: Attilam quoque castris fele tenere, & armorum fonitu cantuque signorum fiduciam ac eruptionis faciendæ confilium fimulare. tum demum viciffe fe intellexerunt. Vefigothi Theodoricum Regem inter accruos corporum conquifitum ac inuentum, fub hoftium oculis, comitantibus Thorifmodo ac Theodorico filiis, cum inſignibus regiis extulerunt & ſepeliuerunt, funuſque eius more patrio cantu lugubri & lacrimis celebrauerunt. Iuſtis Theodorico ſolutis Thorifmodus ibidem Rex à ſuis ſalutatur: cùmque vlciſci patris mortem cuperet, Aëtiũ adit, ac quid faciendum eſſet exquirir. Is veritus, ne Vefigothi Hunnis occidione occiſis, remotoque potentiſſimi hoſtis metu, Romano Imperio graues forent; Thorifmodo perſuadet, vt celeriter Tolofam regrediatur: ne eius fratres, qui domi remaſerant, (quatuor autem remaſerant Fredericus, Euricus, Rotemerus, & Himmeritus) pecuniam regiam, ac Regnum patrium occupent. idẽmque (vt ait Gregorius) cum Meroueo Francorum Rege ſimili agens dolo effecit, vt conſeſſim ſe in Regnum reciperet. ipſe leſtis ſpoliis Arelate; Attila cùm cladis reliquiis domum rediit. Thorifmodus poſtea aurea gemmataque lance quingentũ pondus ab Aëtio donatus eſt. Attilam Vefigothorum, ceterorumque diſceſſu cognito inſidias veritum diu caſtris ſeſe cõtinuiſſe auctor eſt Iordanes, nec priuſquã diuturnum ſilentium ompem dubitationem profectionis hoſtiũ expulſiſſet, extra vallum egredi aulũ eſſe. Apparet ergo fabuloſum eſſe, quod in Hydatij Chronico, quale illud Iosephus Scaliger edidit, inuenimus; Theodoricum Regem apud Aurelianos contra Attilam pugnauiſſe, & cùm ipſo Vefigothorum millia CC; Hunnorum CL millia cecidiſſe: deinde in Tricaſſium finibus circa Mauriacum (quod opidum ad ripam Sequanz poſitum nunc Meriacum vocatur) Thorifmodum cùm Attila dimicauiſſe, & certamine toties nocte diremto ac luce repetito, infinitum numerum Barbarorum occiſum eſſe; Aëtium Patricium inſtructum Francorum auxiliis Hunnos diſcedentes vſque ad Toringiam procul inſecutum, noctu ignes in caſtris plurimos fieri iuſſiſſe, vt immente mul-



itudinis speciem præberent. Nec verius est, quod scribit Damascius in libro de vita Isidori Philosophi, commissio ad urbem Rōmam prælio inter Romanos & Scythas, hoc est Hunnos, quos Attila ducebat, tantam vtrimque cædem esse factam, nemo vt cū Romano- rum tum Bárbarorum præter Duces paucosque eorum stipatores ex pugna superfuerit: cūque pugnantes multis acceptis vulneribus cecidissent, corporibus defatigatos ac iacentes, animis nihilo segius stetisse, ac triduo tribusque noctibus certamen continuasse. Errat similiter Nicephorus Callistus, cū in Historiæ Ecclesiasticæ libro XIV tradit Theodoricum ac Aëtium improvisò Attilam vltra Danubium castra habentem adortos, multa hominum millia interfecisse: Attilamque, quem Gothum fuisse, & nihilominus à Gipedibus genus duxisse ait, hasta confossum; Theodoricum ipsum sagitta confixum occubuisse. Hic fuit exitus magni illius prælij, quo in prælio grauem vtrimque eladem acceptam, & *neutris cedentibus inestimabilem stragem factam* Tiro Prosper scribit; Hunnosque eo victos habitos esse, quod amisissâ pugnandi fiduciâ qui supererant celeriter domum redierint. Hydariū millia hominū ferè CCC; Iordanes ac Freulfus CLXV; Paullus Langobardus ac Sigebertus millia armata CLXXX cecidisse dicunt. quo in numero cætorum intendo Paullus à Iordane dissentire nemini videri debet. quippe alter XV millia Gipedum ac Francorum excipit: alter hos quoque ceteris in nouissimo prælio interfectis annumerat. Ex quo intelligitur Attilam non copias Darij aut Xerxis exercitibus numero pares, sed longè pauciora quàm quingenta armatorum millia in Galliam adduxisse. cū post prælium nec è castris erumpere obsessus; nec Aëtium Vesigothorum Francorumque discessu multo infirmiozem factum aggredi; nec Galliarum prouincias peruagari ausus sit: idemque apud Gregorium *cum paucis* domum reuertisse dicatur: cui, si initio belli 13 millia hominum habuit armata; tamen apud Ligerim Hunnos non paucos, & in Catalaunicis campis vtrimque millia CCC cecidisse credamus: tamen ex vtroque prælio plura quàm ducenta

cccc.  
LII.

millia Barbarorum superesse oportuit. Præterea ex his quæ suprà diximus, intelligi potest quantis copiis Franci, atque Vesigothi in auxiliū Romanis venerint. siquidem Aëtio ipsi, cui opem ferebant, suspecti timendique præ multitudine, & hac re nondum confecto bello tamquam graues socij, metu nouarum rerum Meroueo ac Thorismodo Regibus iniecto, ociūs dimittendi fuerunt. Insequenti anno Herculano & Sporacio vel Sphoracio Coss. Attila, clade in Galliis præter spem accepta furatus, celeriter reparatis copiis per Pannoniam & Noricum in Italiam contendit, vt cum loco belli fortuna mutaretur. Crederes non Hunnos paullo antè à Romanis; sed ab Hunnis victos esse Romanos. ita alteri fracti; alteri irâ, & vlciscendi ignominiam cupiditate ferociores facti erant. Certè Aëtius, qui manus cogere, & angustas Alpium Iuliarum fauces, vnde subeuntes Barbaros faciliè propellere potuisset, valido præsidio occupare debuerat; re improuisa perterritus eo magis quod ab hoste recens fuso fugatoque nihil tale metuendum existimauerat, relinquendæ Romæ ac Italiæ petendæque Galliarum consilium cepit: atque Imperatori Valentiniano suaserit, vt vnâ secum ex Vrbe profugeret. quod cum turpe ac periculosum videretur, vicit pudor timorem, creditumque est opulentissimarum prouinciarum populatione posse sæuitiam hostium & avaritiam expleri. Igitur Attila Alpes Iulias, quæ Italos ab Noricis diuidunt, vacuas præsidio transgreditur: & per Carnorum regionem, quæ tum Istriæ iuncta Venetiæ inferior dicebatur, itinere facto ad Aquileiam coloniam peruenit. Erat Aquileia posita ad amnem Natisonem, & ab Hadriatico mari millia passuum XII distabat: vrbs situ & mœnibus ingentis operis munita, armis atque viris valida, magnitudine, commercio, monetæ officina, gynæceo, ac Venetiæ classis statione insignis. Eam urbem, frustra quondam non à Barbaris modò; verum etiam ab Imperatoribus Romanis obsessam, Attila diu circumfedit, admotisque muralibus machinis, & omni genere tormentorum acriter oppugnatam, defensamque pertinaciter tandem vi cepit. propugnatores, opidanique partim interfecti;

partim capti sunt: vrbs direpta, incensa, ac funditus diruta: vix vt vllum eius hodiè que vestigium exstet. mox eodem impetu Concordia excisa: Altinum deletum: Patauium quoque, Vicetia, Verona, Brixia Venetiæ vrbes flammis ferroque vastatæ. Hunni deinde nondum Romanorum opibus expleti, & sanguine satiati in Italiam Transpadanam, quæ tum Liguria appellabatur, perueniunt: Bergomum capiunt: Mediolanum caput Liguriæ, quondam Imperatorum domum eruunt: Ticinum Regiam urbem à Paulo Langobardo dictum, quoddam ea postea Regibus Langobardorum sedes fuit, ac proxima loca æquant solo. abest autem Ticinum à mansionem Adrante Italiæ Noricique confinio millia passuum circiter CCC.L. Elatum successu Attilam, & iam circumactis suis copiis Romam petere cupientem ab eo consilio deterrere cœperunt principes amicorum, veriti ne quod Alarico Gothorum Regi acciderat, expetentibus poenas Romæ direptæ Diis patriis, paullo post captam Urbem morbo interiret. Dum ergo incussa superstitio moratur impetum, REXQUE dubius de Roma secum in vtramque partem deliberat: id ipsum metuens Imper. Valentinianus, cui ad prohibendum vires deerant, communi consilio Senatus populique Romani Leonem Episcopum Romanæ Ecclesiæ, Gennadium Auienum Consularem Coruinorum genitum familiâ, Abienum quibusdam dictum, & Trygetium præfectura & legatione ad Vandalos functum legatos ad eum misit, qui pacem peterent. Fuit aduentus legatorum non ingratus Attilæ tum in agro Venetorum Ambuleio ad Mincium castra habenti: quoddam vt mandata; sic pecuniam Imperatoris, quâ vnâ pelli poterat, ad ipsum deferebant. itaque Barbarus muneribus magis quam verbis precibusque placatus (quamquam id Historicis dicere puduit) pacem supplicibus dedit, suosque abstinere cædibus & incendiis iussit, ac per eadem vestigia quâ venerat Daciam Transdanubianam repetiit, antequam legatos dimitteret, sæpe minatus grauiorem se Italiæ cladem illaturum, nisi Valentinianus sororem suam Honoriam sibi uxorem, vnâque partem opum regaliū ei debitam mitte-

ret. Pacem tum non solum pecuniâ datâ, sed etiam pacto pensionis stipendij redemisse Romanos indicat Iordanes, apud quem equites Hunni nânciam canentes dicunt Attilam *utrumque Orbis Romani Imperium captis ciuitatibus terruisse, & ne reliqua diriperet, placatum precibus annum vectigal accepisse*. Et ita quidem, vt suprâ diximus, Tiro Prosper, & Iordanes Priscum auctorem Attilæ æqualem secutus de eo bello scripsere. Ex quo apparet falsò Hydatium dicere vrgente fame, & ingruentibus morbis, atque militibus, qui ab Marciano Principe missi auxilio Italiam venerant, seque Aëcio Duci adiunxerant, Attilam pacem cum Valentiniano fecisse, ac se in suum Regnum, quod ab alio Marciani Augusti exercitu vastari compererat, recepisse. Nec meliùs Constantinus Porphyrogenetus in præceptis de regendo Imperio ad Romanum filium, Attilam Abarum Regem appellat, qui Hunni Abares anno imperij Iustiniani XXVII, post Consulatum Herculani & Sporacij CXII Romanis primùm noti esse cœperunt: eundemque ait ad urbem Romam, atque in fines Calabriae peruenisse, quem haudquaquam Padum flumen transiisse constat. Notandum tamen est, quod Constantinus eodem in libro ac loco tradit, Attilâ Italiam depopulante, seu potius finibus Italiae appropinquante, cum pleræque urbes ac opida ab incolis defererentur; multos ex Aquileia, Concordia, Iustiniana, & ex castro Noni, quod mutatio ad Nonum in Itinerario Hierosolymitano vocatur, (addere potuit ex Altino, Patavio, Opitergio) perfugisse, & in incultas insulas Venetico litori adiacentes, nimirum Riuum altum, Gradum, Romatinum, Lipientiam, Madaucum, vel Meduacum, fossam Clodiam, & Lauretum se recepisse, ac structis tuguriis ibi confedissee, eamque Venetiæ, urbis notissimæ & maximæ, originem fuisse. Sanè Prosper in Chronico prodit, Attilâ petente Italiam, *incolas motu solo territos cum presidio nudauisse*, quod de alia re quàm fuga Italorum intelligi non potest. Venetiam autem, vel (vt alij vocant) Venetias non tamquam urbem, sed tamquam insulas à nautis & mercatoribus vimineas casulas per mare

re sparsas ac plurimas naues habentibus, solo piscatu videntibus, & salinas exercentibus habitatas primus (sic uti puto) descripsit Cassiodorus Senator in libri XII epistola XXIV, qui Auctor anno quinquagesimo post excisam Aquileiam florebat. eiusdemque opidi postea à Paulo Langobardo, & à scriptoribus rerum gestarum Caroli Magni fit mentio.

Sed non possum non mirari, quòd Iosephus Scaliger Iulij Cæsaris filius in Commentario operis Catulli scribat Attilam, quem Regem Hungarorum, gentis ante Arnulfi principatum eo nomine nequaquam notæ, malè & improprie appellat, cùm in Italiam erupisset, ab Theoderico Scaligero Gotho Veronensium finibus prohibitum repulsumque ad occupandam Aquileiam contendisse: Venetòsque repentino Barbarorum aduentu perterritos proximas insulas in Hadriatico mari sitas fugâ petiisse, quam Venetia vrbs opulentissima & munitissima originem habeat. Hunc Theodericum à Germanis Auctoribus Veronensem appellari, & Theoderici Magni Regis Italiæ fratrem patruelem fuisse, atque opidi Teriolenis regionisque ei appositæ, præterea Veronæ ac Sirmionis principatû obtinuisse. Quasi verò Attilam, per Pannoniâ (vt ait Prosper) itinere factò Italiam ingressum, non priùs ad urbem Aquileiam venire, quàm in fines Veronensium proficisci oportuerit: & qui Italiam ne Aëtio quidem Magistro militiæ prohibente populabatur, eum Theodericus iste nescio quis vnus aut alterius vrbis viribus pellere potuerit: aut alius tum quàm Valentinianus Aug. vllarum Rætiæ & Italiæ vrbiũ imperium obtinuerit. Nequè Theodericus Scaliger iste homo ignotus; nec, vt Auentinus putat, Theodericus Triarij filius, qui Zenonis principatu obiit, & numquam in Italiam venit; sed Theodericus Ostrogothorum & Itolorum Rex à Germanis scriptoribus appellatus est Veronensis, quòd Odoacrem apud Veronam atroci prælio superauisset, eamque urbem ob id non rarè sedem habuisset, & thermis, Palatio, ac porticu nouis operibus, aquæductu, murisque resectis exornauisset. Quod autem adiicit Iosephus Scaliger, Theodericum Scalige-

rum hunc, auctorem originis & nominis Scaligerorum Principum, Theoderici Italiæ Regis fratrem patrualem fuisse, æquè fabulosum est. nam Iordanes scribit Vandalarium, Vuinitharij Regis filium ab Amalo deducen- tem genus, tres filios sustulisse Valamerem, Theodemerem, & Vuidemerem Ostrogothorum Regulos: è quibus Valamer, (vt Malcho & Damascio placet) ex Erelieua concubina Græcis Eusebia dicta Theodericum, qui postea in Italia regnavit, Theodemundum, ac duas filias tulit: Vuidemer Vuidemerem, patrualem fratrem Theoderici Regis genuit. at de isto Theoderico Scaligero Cassiodorus Senator, & Iordanes, & Malchus, atque etiam reliqui ferè omnes Historici Paulo Æmilio Veronensi verustiores tacent. Postremò cùm Theodericus Valameris post Attilæ in Italiam aduentum, siue post Consulatum Herculani & Sporacij anno LXXIV, Olybrio Consule decesserit: vt Theodericus Scaliger non plusquam XXX annos Herculano & Sporacio Coss. habuerit, tamen necesse erit inter Theodericorum fratrum patruelium alterius natalem, mortem alterius annos CIV interfuxisse. nec vmquam Paullus Æmilius & Iosephus Scaliger mihi persuadebunt Scaligeros multo ante diuturnum interregnum Friderici Aug. mortem secutum, vel ante Mastinum quemdam emergere; & Veronam regionemque ei adiunctam possidere coepisse.

DXXVI.

CCCC.  
LII.

MCSLX.

Attila, vbi vastatâ Italiâ domum reuersus est, otij impatiens legatos ad Imper. Marcianum & Pulcheriam Aug. misit, stipendiûmque, quod ipsi Theodosius dependere consueffet, sub belli denuntiatione petiit. Iordanes in libro rerum Gothicarum scribit Attilam Gentium dominum memorem acceptæ in Gallia cladis, omisso, aut in aliud tempus referuato Marciano; partem Alanorum, quæ trans flumen Ligerim considebat, aggredi, & his subactis, bellum Vesigothis inferre constituisse: profectûmque Dacia atque Pannonia prouinciis suis, alio quàm quo antea venerat itinere in Galliam contendisse. Thorismodum autem Vesigothorum Regem, cùm dolum præfensisset, celeriter in auxiliû Alanis venisse, At-

tilámque fines eorum intrantem paratis copiis excepiſſe; & proelio fuſum ac fugatum in ſuas ſedes reuerti coegifſe. ita Hunnos acceptum in campis Catalaunicis incommodú dum expiare volunt, geminauiſſe, & Alános periculo eſſe liberatos: quos tamen ab Thoríſmodo proelio domitos eſſe Gregorius in libro II tradit. Sigebertus Iordanem ſecutus Attilam à Veſigothis, quos aggrediebatur, victum ait. Ego, pace Iordanis ac Sigeberti dixerim, vix crediderim Hunnos poſt Catalaunicam eladem in Galliam reuertifſe. cùm quòd præter Iordanem ac Sigebertum nullus de eo bello ſcripſit: tum quòd non mihi videtur Attila intra triennium tribus tantis ac tam longinquis expeditionibus ſine cauſa Regni vires fatigauifſe. contra idem apud Hydatium & Paullum Langobardum poſt exceſſum ex Italia atque domum redi- tionem mox obifſe dicitur. certè (vt ait Proſper) inſequenti anno Opilione & Vincomalo Coſſ. deceſſit: & cccc. cum more patrio, poſt ſuſceptos ex pluribus vxoribus LIII. liberos, puellam virginem excellentis formæ nomine Ildico in matrimonium accepiſſet, & mero ac ſomnò grauatus noctu ſupinus iacuiſſet, manè repertus eſt mortuus, ſanguine, qui è naribus fluere ei conſueuerat, in fauces lapſo. ſolus Marcellinus Aëtio & Studio Coſſ. ab noua nupta cultro traiectum dicit. Tum ex gente Hun- cccc. norum leſtiſſimi equites parte comarum ſciſſa, geníſ- LIV. que ferro laniatis circa corpus Attilæ medio in campo intra ſerica tentoria poſitum decurrere, cantu lugubri laudes mortui proſequentes. inde conſecto ſilicernio, quam Barbari ſtrauam appellabant, noctu clàm phálæxæ gemmis diſtinctæ, arma caſis hoſtibus detracta, & inſignia regia cum Attila condita ſunt atque deſoſa. moxque magna de Regno inter eius filios orta contentio eſt, & aliquot gentium, quæ ſub Hunnorum imperio eſſe conſueuerant, in primis Gipedum, Oſtrógothorum, Alánorum, Erulorum, Rugorum, atque Scírorum defectiones ſecutæ bella excitauere, quibus ferociſſimi populi attererentur. Fuit autem Attila ſtatura breui; lato pectore; capite grandiore; paruis oculis; ſimo naſo; barba rara; canis ſparſus; colore tæter; magnus animo;



versutus & callidus; bellorum quidem amans, sed itaut in præliis mente, non manu rem gereret; consilio prudentissimus; supplicibus exorabilis; propitius receptis in fidem; iracundus; impotens, successibus elatus; superbiam incessu vultuque præferens; huc atque illuc circumferens oculos; cum externis omnibus præsertim Romanis, tum etiam suis maximè terribilis.

cccc.  
LIII.

Eo ipso anno, quo Attila obierat, Opilione & Vincomalo Coss. mense Julio decessit Ælia Pulcheria Regina, filia Arcadij Principis, Imperatorum Theodosiorum alterius neptis; maior natu sororalterius; amittina Placidi Valentianij; vxor Marciani. Thorismodus quoque Vesigothorum Rex, quem aliqui Thurismundum appellant, à Theodorico ac Friderico fratribus iugulatus est, & Theodoricus Regnū occupauit. quod Auctor Appendicis Victoris Chronico insertæ Constantino & Rufo Coss. factū esse falsò ait. Admonet me hic locus, vt de Alanis, quibus Attilam bellum fecisse, Thorismodum autem auxiliū tulisse Iordanes scribit, pauca dicam.

cccc.  
LVII.

Cum Hunni Valentis principatu in Scythiam Europæam erupissent, Alanosque subegissent, aut potiùs pacto societatis sibi adiunxissent: multi ex ea gente, relictis sedibus suis, permissu Principum Romanorum (si Iordani credere libet) in finibus Pannoniæ confedere: vnde exciti ab Stilicone Consulari, Magistro militum ac Patricio vnà cum Vandalis in Gallias se effudere. Præerant Alanis Goar & Respendial Reges: è quibus Goar ad Romanos cum suis transiit, ac in Gallia remansit: vbi Iouinum Mogontiaci Imperatorem consalutandum curauit. reliqui adiunctis Vandalis & Sueuis, ductu Respendialis Hispaniam ingressi sunt Honorio VIII & Theodosio III Coss. & Lusitaniam, ac prouinciam Carthaginensem obtinuerunt. vbi à Valia Rege Gothorum per triennium continuum bello pressi, multos suorum, in primis Atacem vel Vtacem Regem, qui Respendiali successerat, amisere: itaut qui Vandalis antè ac Sueuis potentià præstabant, fracti præliis & ad paucos redacti abolito regni nomine se Gunderico Regi Vandalorum partisque Callæciæ in clientelam dicarent, atque Hierio

cccc.  
IX.



& Ardabure Coss. aut (vti ait Hydatius) anno v post Honorij Aug. obitum Consularu Felicis & Tauri Geisericum fratrem Gunderici ac successorem in Africam sequerentur. vnde Geisericus, & Hunericus, ac eorum successores Vandalorum & Alanorum Reges sunt appellati, eumque sibi titulum in edictis adscripserunt. Alani, qui in Gallia remanserant, Valentiniani principatu in duas partes videntur esse diuisi, & alteri ad Ligerim; alteri ad Rhodanum in agro Valentino sedem cepisse, hi Eocarico, illi Sangibano Regibus parentes. Certè Constantius in libro II de vita Germani Eocharicum ferocissimum Alanorum bellicosæ gentis Regem, ac idolotum cultorem vocat, & cum equitibus suis feratis ad coercendos Armoricos rebelles ab Aëtio missum esse dicit, quem idem (sicut existimo) cum populoribus circa ripam Ligeris collocauit, vt metu finitimorum Barbarorum Armorici in fide continerentur. Hic est Eocaricus, vel Eocricus, quem Tiro Prosper in *Fastis Vitricum* pro Iucrico appellat, aitque Theodosio xvi & Festo Coss. *Reipublica Romana fidelem, & multis documentis bellicis clarum habitum esse*. Igitur Attila, si vquam in Alanos expeditionem suscepit, eam *partem Alanorum trans flumen Ligerim confidentem* à Iordane dictam aggressus est: qui se postea ita Britannis in tractum Armoricum transgressis immiscuere, vt multi Britannorum Reges ac Duces præter ceteros Alani vocati sunt, nec vllum hodiè que in ea prouincia notius sit nomen. Alteri Alanorum parti præfuit Sangibanus, quem Sambidam pro Sangiba Prosper in Chronico appellat, scribitque tractum Valentinum desertum ab Aëtio locum domicilio accepisse, & anno vnde uicesimo post Honorij Aug. mortem, Dioscoro & Eudoxio Coss. resistentes possessores agris expulisse, atque ita Alanos id quod cum incolis diuidere iussi erant, totum armis occupauisse. Idem Alani Gallicani finitimam partem Galliarum postea incurfionibus vastauere. quippe Maiorianum Aug. cum expeditionem in Alanos, qui Gallias infestabant, faceret, à suis interfectum auctor est Iordanes. Nec de Alanis plura quæ memorentur occurrunt, nisi quòd scire

cccc.  
xxvii.  
cccc.  
xxviii.cccc.  
xxxi.cccc.  
xlii.cccc.  
xli.

conuenit Albanos à Menando Zonara & plerisque recentioribus Græcis corrupto nomine Alanos vocari.

cccc.  
LIV.

Aëtio & Studio Coss. anno Marciani Principis IV magnæ Valentinianū inter & Aëtium Magistrum militum inimicitia esse cœperunt, breui utriusque exitio futuræ. Habebat in matrimonio Valentinianus Liciniam Eudoxiam Aug. Theodosij minoris & Eudociæ filiam, nep-  
tem Arcadij Aug. & Eudociæ, Theodosij maioris pro-

cccc.  
XXIV.

neptem, quam Castino & Victore Coss. cum Cæsar factus esset, iussu Theodosij quimus bimam sibi desponde-

cccc.  
XXXVII.

rat, & quam Aëtio II & Sigisualto Coss. Constantino-  
polim profectus, dato pto munere focero Illyrico, vxorem duxerat. ex ea filias duas suscepit Eudociam & Placidiam, hanc maternæ auis; illam paternæ cognominem: è quibus Eudociâ Gaudentio Aëtij filio fide utrimque datâ desponderat. Igitur Aëtius iratior promissa re-  
poscebat, causamque filij animo patrio agebat, petens ut Eudocia adulta iam virgo connubio Gaudentio iungeretur. At Hetaclius spado Præpositus cubiculi, subornatus à Maximo Senatore Valentiniano persuasit hac affinitate insidias tegi, nec tam filiam ipsius quàm vitam ac Imperium peti: proinde ne opprimeretur, celeriter aduersarium esse præoccupandum. Erat Hetaclius in paucis carus Valentiniano, cuius animum (ut loquitur Prosper) *non sincero famulatu*, hoc est forsitan matrum familiâs introductionibus, sibi ita deuinxerat, ut cum faciliè ad quæ vellet impelleret: Aëtiūque suspectum nimia potentia faciebat. itaque solus in Palatium venite iussus Valentiniani manu, & circumstantium gladiis confoditur. amici eius, viri maximis honoribus functi, in primis Boethius Præfectus Prætorij per Protectorem, vel, ut tum dicebant, Spatharium alius post alium introducti sunt atque iugulati: moxque legati ad Reges Barbarorum, qui cædis causam docerent, missi: & Maiorianus, quem sub se militantem Aëtius impulsu coniugis suæ domum remiserat, ab Valentiniano euocatus, ut per eum tutius Aëtij milites Palatinis legionibus & auxiliis adiungerentur. Fertur quidam interrogatus à Valentiniano, quid de Aëtij cæde sentiret, respondisse: iu-

re, an iniuriâ cæsus sit ignoro, Imperator: hoc tamen scio finistrâ te tibi manu dextram præcidisse. Hunc habuit exitum Aëtius Dux, & ter Consul, ac Patricius; *magna* (vt ait Marcellinus) *Occidentalis Reip. salus*, ac singularis spes populi Romani: & vnâ eum eo Imperium Occidentis sic concidit, vt per annos CCCXLV iacuerit, nec nisi Francorum manibus atque virtute erigi potuerit. Nam qui Valentiniano successere, Maximus, Auitus, insequentisque VII Principes vsque ad Odoacrem, intra annos XXII mortui omnes, aut expulsi; Reges Italiæ magis quàm Imperatores fuerunt appellari: que debuerunt. vt non absurdè Cassiodorus Senator in Chronico dicat Maiorianum, qui vnus è Valentiniani successoribus fuit, *Italia Imperium suscepisse*: ceteris nimirum Occidentis prouinciis ferè omnibus tum amissis: ac ne Italiâ quidem ipsa propter Vandalorum latrocinia pacatâ & securâ. Aëtium autem ait fuisse Frigidus medio corpore, in quo nec obesitas oneri, nec gracilitas infirmitati esset; virili habitu atque decoro; animo alacrem; membris vegetum; equitem promptissimum; sagittandi, contôque pugnandi peritissimum; quorum alterum ab Hunnis, alterum à Gothis, aut Sarmatis Hunnorum stipendiariis obses didicerat: bello optimum; pacis artibus celebrem; expertem auaritiæ; ne impulsoribus quidem prauis ab instituto suo deerrantem; iniuriarum patientissimum; amantem laboris; minimè periculorum metuentem; famis, sitis, atque vigilæ tolerantissimum. idémque auctor est ei adolescentulo prædictum, fore vt ad magnam potentiam perueniret. quas laudes etsi Aëtio meritò impertiri Frigidum existimo: tamen defectio Bonifacii clarissimi ducis, & amissio omnis ferè Africæ; & Hunni bis in Italiam adducti; & per eiusdem gentis auxilia maior Galis quàm Vesigothis illata calamitas; & destitutio Britannorum opem flagitantium; & veniente in Italiam Attila nudatæ præsidii, ac velut ex industria apertæ Alpes; & corruptus otio, atque longa pace emollitus miles haud scio an alij debeant imputari. Certè Aëtius virtutes suas immodica ambitione fœdauit, ita Placidie &

Valentiniano parens, vt aliis imperare omnibus cuperet. quippe, ne quem haberet parem, Felicem Patricium veluti sibi insidiantem interemit: Bonifatium, cuius inuidebat gloriæ, potentiâque timebat, vt opprimeret, falso crimine inuisum Placidæ fecit: Sebastianum eius generum, virum peritum belli gerendi, Palatio domoque expulit: denique ad recuperandam dignitatem Barbaros in Italiam immittere, ac bellum nefarium suo Principi inferre sustinuit.

cccc.  
lv.

Valentiniano VIII & Anthemio Coss. anno Imperatoris Marciani v Aëtij mortem cædes interfectoris consecuta est. Adiunxerat sibi imprudenter Valentinianus atque inter stipatores corporis retinuerat Aëtij ab se occisi amicos & armigeros, Oprilam & Traustilam Gipedes, quos alius familiares Aëtij; alius satellites; milites eius alius appellat. Hi opportunitatem speculati egressum extra Urbem Principem, & vt ait Prosper, ludogestationis intentum viâ Labicanâ inter Duas Lauros XVII Kal. April. gladiis iugulauere: simulque Heraclium Præpositum cubiculi, tanti causam mali, vti erat lateri proximus, interemere. neque in magna circumstantium Protectorum, Aulicorumque multitudine repertus est quisquam, qui tantum ac tam atrox scelus vlcisceretur. Valentinianum Aug. Romæ in Campo Martio dolo Maximi Patricij circumuentum & occisum auctores sunt Hydatius, Marcellinus, Senator, & Victor Episcopus: è quibus Hydatius Aëtium anno Marciani Principis tertio; Valentinianum quarto iugulatum falsò dicit. Adiiicit Gregorius in Campo sedentem eum pro tribunali, concionantemque apud populum ab Optila Buccellario, hoc est milite Aëtij gladio confossum esse. vt malè Zonaras & Nicephorus à Maximo ipso in Palatio interfectum putent. Sic periit Flavius Placidus Valentinianus XXXVI ætatis, XXX imperij annum nondum transgressus, Constantij Aug. & Gallæ Placidæ filius, Theodosij & Gallæ nepos, Valentiniani maioris pronepos: Princeps plebi quidem ob popularitatem carus: vnde in Codice Theod. semel atque iterum *amantissimum sui populum Rom. appellat*: sed fortissimo cuique in-

inuidens; fastidiosus Nobilitatis; nihil ex proauo præter nomen & rectam de Deo sententiam retinens; quantum à paterna auitaque virtute degener, tantum Arcadio & Honorio auunculis suis, Theodosioque consobрино ac socero similis; nullum in vita seruans modum; veneficis deditus; margaritis & gēmis operiri Imperatorium ducens; Barbaris obnoxius & vectigalis; mulierosus, deses; à matre semper dominandi cupida & ab eunuchis more Regū Assyriorum & Persarum domi clausus, vitæque delicatæ & vmbraatili ita assuefactus, semel vt modò, neque belli incundi sed vxoris ducendæ causâ, ex Italia pedem extulerit, numquam castra viderit, eique Româ Rauennam aut vicissim Rauenna Romam proficisci maximus labor & instar expeditionis fuerit. sicut Theodosius minor eiusdem amitinus & socer Perinthum aut Cyzicum Propontidis opida aut Calchedonem amœnos secessus perere solebat, reuertentique ac Constantinopolim intranti, tamquam Hunnorum Persarumve victori Præfectus Vrbs ac Senatus occurrens coronam auream nonnumquam offerebat. Quare Valentiniani principatu Byzacium, Tripolim, maiorem Numidiæ partem, & provinciam Proconsularem à Vandalis occupatas; inferiorem Belgicam in Francorum potestatem redactam; Britanniam ab Anglis subactam; Alanis & Burgundionibus datos agros in Gallia; ac possessas ab Attila Pannonias non magis mirari conuenit, quàm Honorio imperante pleramque Hispaniam amissam; Romam à Gothis; à Burgundionibus sedem circa Renum captam; & Aquitaniam eisdem Gothis condonatam esse. apparétque inclytum Occidentis Imperium, atque etiam Orientem quatuor Principum Hispanorum, nimirum amborum Theodosij maioris filiorum ac amborum nepotum ignauia cecidisse. quippe Arcadij & Theodosij minoris exemplum secuti posteriores Imperatores vsque ad Heraclium, cum nullis vmquam præliis interessent, curamque bellorum Ducibus delegarent, desidia suâ Rempublicam labefactarunt. Non immeritò igitur Caius Apollinaris Sidonius Placidum Valentinianum *seminum amentem* appellat, & in Carmine ad Maiorianum

Aug. ait post Valentiniani fratris Gratiani à Theodosio in Imperium restituti eadem numquam venisse Imperatores in Galliam, vbi maxima moles bellorum erat: contra Honorio & Valentiniano sub specie maiestatis muliebriter Palatio inclusis & occultis, Orbis Romani prouincias à Barbaris vastatas & occupatas esse tradit his versibus.

*Ex quo Theodosius communia iura fugato  
Reddidit Auctoris fratri, cui guttura fregit  
Post in se vertenda manus: mea Gallia rerum  
Ignoratur adhuc Dominis, ignarâque seruit.  
Ex illo multum periit: quia Principe clauso,  
Quidquid erat miseri diuersis partibus Orbis  
Vastari sollemne fuit. contempta tot annos  
Nobilitas iacuit: pretium Respublica forti  
Rettulit inuidiam.*

Idemque in Panegyrico Auito Aug. socero dicto scribit pueritiam ac vitia Valentiniani Principis (addo & Honorij) cladium, lacerationis, occasusque Imperij causam fuisse: talémque Imperatorem propter claritatem familiz eius, religionémque sacramenti perpeffos esse milites Romanos. quo fit, vt Theodosius maior iustissimè felix dici potuerit, si filios superstites non reliquisset.

*Quàm nos per varios dudum fortuna labores  
Principe sub puero laceris terat aspera rebus;  
Fors longum, Dux magne, queri: cum quippe dolentum  
Maxima pars fueris, patria dum vulnera luges.  
Has nobis interclades ac funera mundi  
Mors vixisse fuit. Sed dum per verba parentum  
Ignauas colimus leges, sanctumque putamus  
Rem veterem per damna sequi; portauimus umbram  
Imperij, generis contenti ferre vetusti  
Et vitia, & solitam vestiri murice gentem  
More magis quàm iure pati.*

Interfecto Valentiniano, Petronius Maximus, Palladij forsitán Theodosij Aug. in VII Consulatu collegæ filius, qui cupiditate Imperij adductus Optilanz & Traustilam ad tantú facinus impulerat, postero die XVI Kal. Apriles

Romæ appellatus est Imperator: homo magnis clientellis, maximisque diuitiis, & qualis à Sidonio in libri II epistolâ XIII describitur; Præfecturis, Patricia dignitate, & duobus Consulatibus insignis; Clementis Maximi Tyranni ex filio nepos falsò à Procopio & Nicephoro dictus. siquidem constat Clementi Maximo vnicum filium nomine Victorem fuisse, eumque intra infantie annos iussu Theodosij paullo post patris mortem in Gallia iugulatum esse. Hic cum periclitanti Reip. profuturus crederetur, interfectores Valentiniani, quos ad mortem duci oportebat, in cohortem amicorum recepit: & Eudoxiam Aug. virum lugere prohibitam, imperij sui confirmandi causâ, intra paucissimos dies vt sibi nuberet coëgit: Palladium filium, quem ex priore vxore tum defuncta susceperat, Cæsarem creauit, eique Eudociam, Valentiniani filiam, pactam Gaudentij in matrimonium dedit: ac Auitum Magistrum militum fecit, cuius metu Francos, qui prouinciam Germaniam superiorem, & Belgicam secundam Meroueo duce depopulabantur; transgressos in Galliam Alamannos; & Saxones tractum Armoricanum prædationibus infestantes domum rediisse Apollinaris Sidonius Poëtica fide in Panegyrico Auito socero dicto scribit his versibus.

*Vixque tuo impositum capiti diadema, Petroni:*

*Illico Aremoricus piratam Saxona tractus*

*Sperabat: cui pelle salum fulcare Britannum*

*Ludus, & assuso glaucum mare findere lembo.*

*Francus Germanum primum, Belgamque secundum*

*Sternebat: Renumque ferox Alamanne bibebas*

*Romanis ripis, & utroque superbus in agro*

*Vel ciuis, vel victor eras. Sed perdisa cernens*

*Terrarum spatia Princeps iam Maximus (vnum*

*Quod fuit in rebus) peditumque equitumque Magistrum*

*Te sibi Auite legis.*

*Vt primum ingesti pondus suscepit honoris,*

*Legas, qui veniam possant Alamanne furoris:*

*Saxonis incursus cessat: Castumque palustri*

*Alligat Albis aqua.*

Quibus ex versibus cognoscitur non solum Catos gen-

rem Franciæ fuiffe, cùm Sidonius quem fuprà Francum vocauit, infra Cattum appellet: (id quod & Sulpicius Alexander docet, *paucos ex Amfuarium & Cattis Marcomere duce apparuisse* Romanis in Franciam transgressis fcribens) verùm etiam eofdem Cattos, qui, vt indicat Sulpicius, Marcomeri Faramundi patri, Chlodionis auo paruerant, Meroueo quoque Chlodionis fucceffori paruiffe.

Non omittendũ eft, quod Procopius in libro I belli Vandalici, & Ioãnes Antiochenfis in Hiftoria de Aëtij & Valentiniani Maximique cæde fcribunt: Valentinianum minorem, captum amore coniugis Maximi Senatoris lufiffe cum eo tesseris, & ab victo, cui tum fortè nihil aliud erat, anulũ accepiffe, ac velut ob rem aliquam feriam demandata alij vice fua egreffum cubiculo, quemdam cum anulo miffiffe, qui accerfiri à Maximo vxorem, & apud Auguftam cenaturam diceret. illam vifo vocatore, qui viri fui familiaris efferet, & ostenfo fibi ad faciendam fidem cognisq; eiusdem anulo in Palatium veniffe, exceptamque ab eunuchis, vt erat imperatum, & in gynæconitida deductam, atque ibi ab Imperatore per vim efferatam. deinde poft lufum domum aduenienti Maximo ignaro facti occurriffe mulierem corporis ludibrium deplorantem, & tamquam proditori pudicitia: fuæ probra ingeffiffe. Maximum autem re cognitâ occidendi Principis confilium iniiffe: quod cùm viuo Aëtio Magiftro militiæ fieri non poffe intelligeret, primò Valentinianum ad cædem eius velut infidiantis per fpadonem impuliffe: mox ipfummet tanto præfidio nudatum interemiffe, & Eudoxiam Reginam annorum circa XXXIII, feminam eximia pulchritudinis, vxorem duxiffe, atque amore malè fanum pro blanditiis beneuolentiæ conciliatricibus mulieri dixiffe cupidine potiunda eius Valentinianum à fe interfectum. enimuerò Eudoxiam cognito auctore viri fui cædis, cuius caufa fuiffe ipfa diceretur, Geiferico in Africa regnanti fcripiffe, vt Romam confestim veniret, feque miferam Maximi improbiſſimi hominis poteſtate liberaret. Ex quibus intelligitur, id quod Nicephorus Calliſtus in libro XV tra-



didit, & Latini Historici de industria omisere, Placidum Valentinianum à Maximo ob corruptam eius vxorem interemtum esse. Ceterum Geisericus Vandalorum Rex, vt erat vitio gentis suæque auarissimus, ac pecuniæ cupidissimus prædo; oblatam sibi exinsperato tantæ vrbs diripiendæ facultatem gauisus, & maximis Augustæ donis illectus celeriter naues conscendit, & cum copiis, quas ad piratica latrocinia repentinâsque expeditiones paratas habere consueuerat, in Italiam venit. cuius aduentu Romam nuntiato Senatus populique R. pars maior ex Vrbe profugit. Maximus, ob eadem Valentiniani nulli non inuisus, omnibus abeundi sibi que consulendi potestatem fecit, cumque & ipse fugam capeßere trepidus pararet, seditione militum & populi, ac foederatorum Burgundionum pridie Idus Iuniâs ab Vrso quodam milite Romano interfectus, & à famulis Reginae membratim discerptus, tractusque per vicos, vt Virellio & Elagabalo contigerat, atque in Tiberim deiectus est, nec Principatum scelere quæsitum plus LXXXVII diebus tenuit.

Tertio die post Maximum occisum, Geisericus Vandalorum & Alanorum Rex, quem alij Genfericum, vel Ginfiricum; alij Gaifericum; Græci Gezerichum, & Gizerichum appellant, Urbem ab omni præsidio vacuam occupauit. cui Romam aduentanti Leo Episcopus extra portam occurrit, hominemque crudelem & ferum precibus suis in tantum mitigauit, vt (quemadmodum ait Prosper) incendiis, cædibus, ac suppliciis suos abstinere iuberet. quamquam operibus miraculisque Vrbs ignem iniectum Nicephorus dicit. igitur à Vandalis per XIV dies securè ac liberè singula rimantibus, post annos XLV quàm ab Gothis erat capta, Roma direpta est: Capitoliolum ad partem dimidiam detectum, & regulæ eius æræ inauratæ sublata: insulæ, domus, Ecclesiæque spoliata: & in reditu vrbes Campaniæ Capua ac Nola omni clade belli vastata. nec contentus ingenti prædâ Barbarus ac perfidus Pirata Eudoxiam Aug. à qua erat accersitus, ambâsque eius filias Eudociam & Placidiam, Gaudentium filium Aëtij, ac multa captiuorum millia;

vt quisque aliquam ætatis, aut artificij commendationem habebat; Carthaginem abduxit. è quibus Eudociam Hunerico filio natu maximo, à multis Honorico dicto; non (vt ait Hydarius) Gentoni in matrimonium dedit: Placidiam vix tandem Imperatorum Marciani & Leonis, aliorumque legationibus fatigatus cum Eudoxia matre Constantinopolim remisit, vbi Olybrio Senatori, qui eò Româ perfugerat, conciliante nuptias Leone Aug. nupsit. Neque postea Geisericus Siciliam ac Italiam latrociniis & opidorum expugnationibus direptionibus ac excidiis infestare desit, hanc quotannis veris initio causam bello prætendens, quòd sibi bona Valentiniani, & Aëtij, quorum liberos ceperat, non darentur. quamobrem cum Eudociam captiuam Hunerico filio vxorem dedisset, partem bonorum Valentiniani ab Leone Imperatore Orientis velut dotis nomine accepit.

Paullo post Vrbem captam Auitus in Gallia appellatus est Imperator, Ecdicij, eius qui Edobicum hospitem & amicum interfecerat, filius. Hunc ait Sidonius natione Aruernum fuisse, natum Augustonemeti familia nobili, & Præfectis, Patriciis, in primis Philagrio, ac Consulibus clara: venandi studio insignem: Burgundico bello sub Aëtio militauisse: mox titulo Præfecturæ Prætorianæ Gallias rexisse: tum Theodosio XVII & Festo Coss. Theodorico Vesigothorum Regi litteris persuasisse, vt pacem cum Valentiniano Aug. faceret, legatumque ab eodem impetrauisse, vt cum Romanis aduersus Attilam arma consociaret: deinde à Petronio Maximo Magistrum militum esse factum, atque Præmissso Messiano aduentus sui nuntio ad Theodoricum minorem bellum parantem legatum venisse, mediūque inter Regem & Fridericum eius fratrem iunctis cum utroque manibus Tolosam intrasse. interea Theodoricum, vt Romam captam, & Maximum occisum cognouit, coacto Seniorum concilio Auito petenti pacem non solum annuisse, sed etiam auctorem recipiendi Imperij fuisse, & in hæc fidem ei cum fratre dedisse. inde reuerso Vgernum Auito idem suasisse principes Gallorum, excubiâsq̃ue neo-

cccc.  
xxxv.  
& vi.

cccc.  
xxxix.

cccc.  
li.

cccc.  
lv.



cccc-  
XLII

dictus, vir inquietus & vanus. Hic impulsus cupiditate proferendi Regni Carthaginensem regionem, quam à patre Rechila occupatam ipse Herculano & Sporacio Coss. pace facta Valentiniano Aug. reddiderat, depopulabatur: ac provinciâ Tarraconensem Romano etiamtum Imperio subiectam continuè incursionibus vastabat, successusque ferocior redditus legatos Auiti Principis, & Theodorici posterioris vxoris suæ fratris ludibrio habuit. Quamobrem Theodoricus Vesigothorum Rex, Gundiuco & Chilperico Burgundionum Regibus auxiliariis comitatus, Auiti Aug. voluntate & ordinatione cum magnis copiis in Hispaniam ire contendit, ingressusque Asturiam Rechiarium sibi occurrentem in campo Paramo apud flumen Vrbicum ad XII ab Asturica Augusta miliarium III Nonas Octobres acie vicit, fugientem cepit, & mense Decembri interfecit.

cccc-  
XLII

Eodem tempore magna manus Vandalorum, quæ LX nauibus Gallias, aut Italiam petebat, in Corsica ab Richimere Comite, quem Hydatius Rechimerem, quidam Richemerem vocant, insidiis circumuenitur, & cæditur. idemque Comes aduersus aliam Vandalorum manum ab Auito in Siciliam cum exercitu mittitur. ac nihilominus Geisericus Vandalorum Rex Mauritanias, atque Numidiam, præter quas provincias nihil in Africa Imperio Occidentis reliquum erat, Regno suo adiecit. Quare Marcianus Princeps bis legatos ad eum misit, qui peterent, vt vastatione Italiæ ac Siciliæ abstereretur, vxorémque & filias Valentiniani captiuas dimitteret. Auitus quoque ei denuntiavit pacis Dioscoro & Eudoxio Coss. cum Valentiniano factæ, & Africæ certis finibus inter verumque diuisæ meminisset: id si facere recusaret, bellum se ipsi suis copiis sociorumque auxiliis illaturum: & regressus Arelatum, ad provincias ripis Reni proximas ordinandas Augustam Treuiorum proficiscitur. ibi simulatâ valetudine, cum à coniugibus Senatorum visitaretur, vxorem Lucij Consularis Belgicæ primæ forma excellentem captus amore mulieris per vim stuprat, nec contentus adulterio patientiam viri petulantibus verbis illudit, quem tamquam segenem in vnerem,

nerem, & tali coniuge indignum irridens quæsiuit, quid ita qui pulchras thermas haberet, frigida lauaretur. Et ille quidem tum dolorem pressit, sed reuerso in Italiam Imperatore Augustam Treuiorum in potestatem Francorum tradidit, à quibus vrbs direpta est ac incensa. Aimoinus, etiam si sicut Fredegarius Scholasticus id ab Auito Aug. factum dicit, tamen non Merouicum ait regnauisse tum in Francia, sed Faramundum, quem anno V post Honorij mortem, ante Auitum Principem XXVII decessisse auctor est Prosper. Non multo post pœnas libidinis Auitus pependit destitutus à Gothis. nam Remiscus Patricius adiutor eius partium in Palatio Classis XV Kal. Octob. occisus est: ipse imperij mense XVI aut XVIII, à Ricimere Magistro militum, atque etiam, vt ait Marius in Chronico, à Maioriano apud Placentiam victus & captus, Imperiũ deponere cogitur, nouaque & hætenus inaudita fortunæ commutatione ex Imperatore fit supradictæ vrbis Episcopus, innocenti ac simplici homini parcente Ricimere. ac Messianus, quem Patricium fecerat, XVI Kal. Ianuar. interimitur. Gregorius in Historiæ libro II tradit Auitum Senatorem, & ciuem Aruernum, ob libidines à Senatu deiectum Imperio, cuius in possessionem vacuam inuolauerat, & apud Placentiam Episcopum constitutum; cùm comperisset Senatũ adhuc indignantem vitâ ipsum priuare velle, Briuatem vicum Aruernorum, tumultu Iuliani Aruerni Martyris nobilem, cum multis muneribus fuga petere contendisse, vt loci religione salutem suam tueretur, ac in itinere decessisse, delatũque Briuatem, & ad pedes Iuliani sepultum esse. quem falsò Hydatius tertio imperij anno obisse; Iordanes dies paucos; Euagrius & Nicephorus VIII menses imperauisse scribunt. è quibus Euagrius ac Nicephorus Callistus Auitum pestilentia correptum, sublatũque dicunt. Auito filius fuit Ecdicius, cuius de virtutibus infra referemus: & Papianilla filia, vxor C. Sollij Sidonij Lugdunensis, viri nobilissimi, & de primariis Galliarum Senatoribus, patre, auo, & proauo Præfecturis Vrbani Prætorianisque; & Magisterio Palatino militarique insignibus nati: qui primò

Comes, mox Præfectus Urbis, ac Patricius, deinde Aruernorum Episcopus fuit.

cccc.  
lvi.

Eodem anno Ioanne & Varane Coss. Gundiucum & Chilpericum Burgundionum Reges, qui Aëcio contra Attilam auxilium tulerant, & belli Rechiaro inferendi causâ Theodoricum Vesigothorum Regem in Hispaniam secuti erant; post victos acie Sueuos domum reuersos, ac interregno tamquam occasione prolatandorum finium vsos inuenio. quippe tum *Burgundiones partem Gallia occupauisse*, atque agrum armis quæsitum *cum Gallis Senatoribus diuississe* auctor est Marius Auenticensis Episcopus in Chronico. quo tempore Lugdunum à Burgundionibus, Sapaudiam proximam ei regionem tum obtinentibus, captum esse arbitror, quod Apollinaris Sidonius Comes ab Maioriano Aug. paullo pòst receptum dicit, *seque*, qui mortuo Auito socero contra eum arma tulerat, in Gallia victum atque seruatum.

cccc.  
lvii.

Constantino & Rufo Coss. qui ambo, sicut Ioannes & Varanes, Constantinopoli Consulatum inierunt, in Oriente Marcianus Aug. obiit VII imperij; LX v ætatis annum agens. eique Flavius Leo Tribunus militum, natus in regione Bessica Thrax Thraci successit, VII Idus Februar. auctore Aspare Patricio & Consulari ab exercitu Senatûque Imperator appellatus: quem Candidus Isaurus oriundum ex Dacia prouincia Illyrici, & Præfectum militum in opido Thraciæ Selymbria præsidij causâ constitutorum fuisse ait. in Occidentis autem tractibus Flavius Ricimer Arianus, patre Sueuo; matre Gotha Valiæ quondam Vesigothorum Regis filia genitus, ex Magistro militum Patricius factus est pridie Kalendas Mart. atque eodem die Iulius Valerius Maiorianus in eius locum Magister militum constituitur: vt scribit vetus Auctor Chronici editi ab Cuspiniano. quas dignitates videtur Marcianus Aug. rogatus per legatos à Senatu populóque Romano paullo ante obitum amobus per codicillos contulisse. neque enim à se ipsi alter Patricius; alter Magister militiæ fieri potuerunt. Certè in litteris initio insequentis anni Rauennæ datis, quarum infrà mentionem faciemus, *patrem Patriciûmque*

*suum Ricimerem* Marcianus appellat. falsò vt cum Hydatius post XI annos ab Anthemio Aug. matrimonio filia suæ, & Patricia dignitate honoratum dicat.

Non diu Magisterio militiæ functus est Maiorianus. quippe eodem anno Kal. April. ad milliarium VI ab vrbe Rauenna in campo ad Columellas cum Imperatorem esse salutatum tradit Auctor Chronici à Culpiniano editi. Cùm tamen Maiorianus ipse de ortu Consulatusque suo coniunctim ad Senatum Idibus Ianuariis Rauennâ scripserit, nec verisimile sit amplissimum Ordinem de tanta re X post mense factum esse certior, Rauennâque ab vrbe Roma non ampliùs millia passuum CCLIV distet: haudquaquam dubito, quin sub anni exitum Maiorianus Principatum; proximisque Kalendis Ianuariis Rauennæ Consulatum inierit. Cum omnibus Historicis, & Fastis pugnat Victor, qui Leone Aug. Cos. Maiorianum Romæ Imperium recepisse falsò prodit in Chronico. Et ille quidem in litteris ad Patres Conscriptos missis ab exercitu Imperatorem se appellatum dicit. At Apollinaris Sidonius non solum militum, & Senatus populique Rom. omniùmque ordinum, sed etiam collegæ consensu iudicioque ad eum delatum Imperium ait: quo collegæ nomine Leonem Aug. designat. tamen enim Iordanes in libro de origine Gothorum tradit Maiorianum iussu Marciani Principis Imperium Occidentis regendum recepisse: idem tamen in libro de successione regnorum dicta retrectans, & Marcellinus in Chronico nutu ac voluntate Leonis eum apud Rauennam Augustum consalutatum esse scribunt. quamuis Leo non Maioriani magis quàm Seueri successoris eius nomen legibus suis præfixit. Ex quo intelligitur, id quod infra magis apparebit, Theodosium minorem, post Placidum Valentinianum primò Cæsarem, deinde Imperatorem factum; Theodosiique successores Marcianum & Leonem in Oriente dominantes, despectâ Occidentalium infirmitate primum sibi dignitatis locum, ac ius electionis Principis confirmandæ, dandique etiam Imperij Occidentis vindicauisse, quique illud iniussu suo recepissent, in Tyrannorum numero habuisse. Quare Hydatius

cccc-  
lviii.

& Cassiodorus Senator in Chronicis scribunt Honorio mortuo *solum Theodosium Romanum Imperium annis XXVII tenuisse*, similiterque post Valentiniani cædem Marcianum. & in libro qui Notitia prouinciarum Imperij Romani inscribitur, quique Theodosio minore Principe editus est, Oriens Occidenti præponitur. præterea Iordanes principatum Seueri, qui iniussu Leonis Aug. Maioriano successit, *Tyrannidem Seueri* vocat, eumque III *Tyrannidia sua anno expleto* obisse ait: atque Glycerium ob eandem rem *Tyranni more* Imperium arripuisse dicit. Quasi verò non multo antè Valentinianus Aug. Valentem fratrem, & Gratianus Theodosium Imperatores fecerint, retentoque sibi Occidente tamquam præstatori Reipublicæ membro Orienti præposuerint: aut quasi non ab vrbe Roma velut à capite in eas partes nominis Imperijque Romani sit diffusa maiestas. Quare Galla Placidia Aug. in litteris, quas ad Theodosium Aug. de posteriore Synodo Ephesi habita scribit, sic loquitur. *Decet nos huic maxime ciuitati, quæ domina est omnium ciuitatum tuarum, in omnibus reuerentiam seruare.* Omitto Occidentales Consules in Fastis & in legibus Imperatorum Occidentis Orientalibus præponi consueuisse. quòd scio (vt vel ex vno Marcellini Chronico cognoscitur) Orientales contra Consulum suorum nomina Occidentalium Consulum nominibus anteposuisse.

cccc-  
LVIII.

Rauennæ, vbi Consulatum inierat, leges complures tulit Iulius Maiorianus, quem Victor Maioranum; Procopius & Euagrius Maiorinum appellant: & quidquid vsque ad Indictionem XI. id est vsque ad Consulatum suum reliquorum erat, prouincialibus remisit: ac sociis sibi ad bellum adscitis Bastarnis, Sueuis, Neuris, Hunnis, Gothis, Gipedibus Daciam Transdanubianam tum obtinentibus, Alanis, Rugis, Burgundionibus Sarmatica gente, reliquisque Barbaris Danubij & Tanais accolis, circa Idus Nouembres ex vrbe Rauenna profectus est. cui Alpes transgresso etiam tum Consuli sub finem anni Panegyricum dixit Apollinaris Sidonius, cum ex Gallia per Hispaniam in Africam transire, ac bellum



Vandalis inferre constituisse, clāsisque ad transpor-  
tandum exercitum in mari Supero & Infero, nimirum  
Aquileiæ, Rauennæ, ac Miseni fieret. quare Cassiodorus  
Senaror scribit Maiorianum Aug. Consulatu suo in A-  
fricam mouisse: vt appareat biennium in apparatu belli  
Vandalici esse consumtum. constat enim ex Hydatio &  
Mario Maiorianum ante annum quā interficeretur,  
Magno & Apollonio Coss. profectum in Hispaniam, &  
Africam petere paranrem, mox captis ab Vandaliis na-  
uibus suis frustratum spe transmittendi, in Italiam reuer-  
tisse. Maiorianum hunc in Panegyrico carmine tradit  
Sidonius viri Illustris Comitiss sacrarum largitionum fi-  
lium fuisse, intimi familiaris ac commilitonis Aëtij:  
auum matrum habuisse Maiorianum, qui initio prin-  
ciparus Theodosij maioris Magister militum per Illyri-  
cum fuit: sub Aëtio adolefcenrem militauisse: Cæsaro-  
dunum Turonum à Gothis defendisse: in prælio, quod  
cum Chlodione Rege Francorum in Atrebatibus com-  
missum est, fortiter fecisse: Ricimeremque Valiæ Regis  
ex filia nepotem contubernalem suum sibi familiari  
amicitia coniunxisse: ac post magnas res gestas ab Aëtio  
vxi inuidiæ morem gerente in agrum patrium rele-  
gatum, deinde interfecto Aëtio à Valentiniano Aug.  
euocatum, tandem auctore ac adiutore Ricimere Im-  
peratorem appellatum esse.

Leone, & Maioriano Augustis Coss. patre mortuo re-  
gnare in Gallia cœpit Childericus, a quibusdam Hilde-  
ricus; ab aliis Hildricus dictus, filius successôrque Mero-  
uei. quem Meroueam post Aëtij mortem prouinciæ  
Germaniæ primæ, ac Belgiæ secundæ bellum intulisse,  
vt Regni terminos promoueret, in Panegyrico socero  
dicto scribit Sidonius, Auitique Magistri militum metu  
in Franciam veterem trans Renum sese cum suis abdidisse  
vult credi. ex quo intelligitur eum, cū antea Carbo-  
nariam siluam, Turnacum, Camaracum, & Samarobri-  
uam Ambianorum opidum ab Chlodione armis quæsitā  
solus aut ex parte tenuisset: mortuo Aëtio occasione  
vsum Suminam flumen transisse, & intra triennium sal-  
tem vsque ad Sequanam pleraque occupauisse. Neque

enim Childericus paullo postquam in Regnum patrium, quo ob intemperantiam & ignauiam expulsus fuerat, est restitutus, circa Aurelianos fluménque Ligerim præliis cum Saxonibus potuisset configere, si Regnum à patre Sumina flumine terminatum acceperisset. Vetus Auctor Historiæ Franciæ Theoderici Regis æqualis, Rorico Monachus, Ado aliique Historici Childericum regnauisse scribunt XXIV annos, quibus biennium addit Sigebertus: quorum XXIV annorum pars sunt octo Childerici exsilij regniue Ægidij anni.

Præerat tum exercitui Gallicano Ægidius, quem ab Maioriano, paullo postquam Auito successerat, in Galliis Magistrum militum factum esse in libro II tradit Gregorius. Ricimer autem Patricius Magister militiæ erat eius, quam quòd Imperatores circum se habere consueuerant, Præsentem appellabant: vt docet lex Maioriani Aug. de Clericis per vim non ordinandis data v Kalendas April. Arelati Magno & Apollonio Coss. & ad *Ricimerum virum Illustrẽ Comitem, & Magistrum vtriusque militia ac Patricium* missa. Præterea Euagrius atque Nicephorus Maiorianum ab Ricimere, quem τῶν Ρωμαίων Στρατηγὸν, hoc est Magistrum militiæ vocant, dolo cæsum dicunt: vt appareat Ricimerem Patricium, postquam Maiorianus Imperator factus est, Magisterium militiæ, quo ei paullo antè cesserat, resumpsisse.

Ricimere & Patricio Coss. Iulius Valerius Maiorianus Aug. cum Theodorico Rege Vesigothorum, quem proelio superauerat, non tantum pacem, sed etiam belli societatem iniit, ac gentes, quæ Imperij R. fines attingebant, plerasque aut bello, aut missis legationibus sibi adiunxit. hanc pugnam, cuius Hydatius mentionem facit, inter Romanos & Vesigothos tum fuisse existimo, cum Ægidius Magister militiæ Gallicanæ Arelati obsessus, interclususque à suis, inuocato Martino ex vrbe eruptionem fecit, & hostibus fuis ac fugatis cum auxiliis sese coniunxit, eaque victoria Maioriano Principi securitatem, Galliæ pacem reddidit. vt scribit Gregorius in libro I virtutum Martini, secutus Paullinum, cuius

versus in libro VI de vita Martini ad Perpetuum Episcopum digni sunt qui hîc legantur.

*Illustrem virtute virum, sed moribus almis  
Plus clarum, magnûmque Fide, quâ celsior exstat,  
Ægidium hostilis vallauerat agmine multo  
Obsidio, obiectis quæ mania sēpserat armis;  
Auxilia excludens, & clausos viribus urgens:  
Vt minus obsessis faceret diuisio robur.  
Nec iungi ad bellum socialia castra liceret.  
Verum presidio Domini deiecta fugantur  
Mœllia, & egressum portus bipatentibus agmen  
Restaurat solidas securo Principe vires.  
Interea trepido vicinia mæsta pauore  
Pallebat tanti Proceris discrimine, & omnis  
Anxia pendebat populorum cura pauentum.  
Dum se quisque putat similem perferre procellam?  
Inque vno nutat, quidquid consistit in vno.  
Haud alio penitusque ipso rerum ordine venit  
Nuntius illam urbem tanta obsidione solutam,  
Precipitem Rhodanum molli quæ ponte subegit,  
Et iunxit geminas connexo tramite ripas,  
Vt siccum praberet iter, quod puppibus instat,  
Desuper & presso nutans via pendet in amne.  
Hanc quoque presenti sociatus Sanctæ patrôno  
Eripis.*

*Socialia castra*, forsitán auxilia Burgundionum; *Præsentem patronum* Paullinus Genesium ciuem & Martyrem Arelatensem; Martinum autem sicut sæpe alibi; simpliciter Sanctum, & Dominum appellat: quem Seuerus Sulpicius Dominum Martinum bis, & semel absolutè Dominum vocat, Gregorius in libri VIII Historiæ capite VI Dominum suum. Ex quo apparet morem fuisse plerisque Gallis Martinum honoris causâ eo nomine appellare.

Magno & Apollonio Coss. mense Maio Maiorianus cum maximo exercitu ingressus Hispaniam, in prouinciam Carthaginensem contendit: ex qua in Africam transire decreuerat bellum Vandalis illaturus. quos, tamquam parum esset tot ac tam opulentas Africæ prouincias nutrices populi Rom. occupauisse; maria obtinere,

vrbes portúsque Siciliæ & Italiæ capere ac diripere indignabatur. qua re cognita Geisericus Vandalorum Rex pacem ab eo per legatos petit, irritúsque spei Mauritaniam. oppositam Hispaniæ, per quam Maiorianum iter facere oportebat, omnem igne ferróque vastat: frumenta, & quidquid vsui esse potest, corrumpit: fontes veneno miscet, nudum solum relinquit. cümque ex transfugis cognouisset classem Romanam ad transportandos milites factam in Illicitano sinu iuxta Carthaginem Spartariam stare; celeriter inuectus in eum locum naues ferè trecentas, vt erant deligatæ ad litus, & inanes, abducit. ita frustratus spe Africæ recipiendæ Maiorianus Aug. reuertit in Italiam, ac Geiserico per legatos pacem petenti dedit.

CCCC.  
LX.

Eisdem Coss. IV Leonis imperij anno Æliam Eudociam Aug. Theodosij quondam coniugem in vrbe Ælia Hierosolymitanorú decessisse Nicephorus libro XIV prodit.

CCCC.  
LXI.

Insequenti anno Seuerinus, & Dagalaifus Consules fuerunt, è quibus Seuerinus, *vir inter magnos Principum motus & inaequalem Reip. statum gratia semper equalis*, Arelati Consulatum iniit, & ex more ludorum Circensium spectaculum edidit: atque vnà cum Magno Consulari, Camillo, Pæonio, Athenio, Gratianense, Sidonióque à Maioriano Aug. conuiuio adhibitus est.

CCCC.  
LXI.

Eodem anno Imperatorem Maiorianum, cüm ex Gallia rediret Romam, aut (si Iordani quàm Hydatio credere malumus) cüm aduersus Alanos Galliam vastantes expeditionem suscepisset, Ricimer Patricius inuidia, & consiliis improborum impulsus apud Dertonom IV Nonas Aug. Imperio deiecit, & VII Idus Aug. ad flumen Iram vel Iriam, quod vrbem eiusdem nominis attingit, fraude circumuentum per emissarios interfecit, cüm, vt ait Iordanes, I V principatus annum transgressus non esset. Falsò enim sicut Victor Tununensis Episcopus, & Auctor, qui Chronico eius nonnulla inseruit, alter Olybrio & Rusticio Coss. alter Basilio & Viuiano Coss. Maiorianum occisum dicit: ita Euagrius ac Nicephorus non ampliùs biennio imperauisse eum scribunt. Procopius ab omnibus Historicis dissentit, Maiorianumque morbo

CCCC.  
LXIV.  
CCCC.  
LXIII.

morbo interiisse tradit. Hunc aiunt militibus suis ob virtutem admirationi amorique, hostibus maximo terrore fuisse; equitandi, iaculandi, ac cæstu dimicandi peritissimum; patientem laboris & impigrum: Ducem; adèò vt nullam rei bene gerendæ occasionem prætermitteret; liberalem; mitem; pium; & salua auctoritate multū ioci; denique dignum qui felicioreffet: vt non immeritò queratur Ennodius humili sepulcro & qualia sepulcra Tyrannis fieri consueuerant) conditum tanti Imperatoris corpus.

Interfecto Maioriano Ricimer Patricius Libium Seuerum<sup>cccc.</sup> natione Lucanum, cædis eius conscium, Rauennæ<sup>lxi.</sup> primùm ab milicibus XIII Kal. Decemb. deinde Romæ a Senatu Imperatorem appellandum curauit: quem *in-*  
*iussu Leonis Aug. locum Maioriani inuasisse, & Principatum Occidentis arripuisse* Marcellinus & Iordanes dicunt. Quamobrem apud eundem Marcellinum in Fastis Orientalibus duorum insequentium annorum alter notatur Leone Aug. II solo Consule; alter Viuiano & Felice Coss. at in Fastis partium Occidentis editis ab Ioanne Cuspiniano, & apud Marium Auenticensem Episcopum in Chronico prior annus notatur Leone II & Seuerio Coss. posterior Basilio, & Viuiano Coss. vt appareat Leonem Aug. qui senior, ac Macelles appellatus est; Occidentales Consules, nimirum Seuerum ipsum, & Cæcinam Basilium ex Præfecto Prætorij & Patricio ab eo Consulem factum in Fastos referri vetuisse. biennio quidem paria Consulium, duo Rusticium & Olybrium, Hermenericum & Basiliscum, Leo in Oriente; nullum in Occidentis tractibus Consulem Seuerus designauit. Quamquam videtur Seuerus postea legationibus Leonem ambiisse, ac sibi placauisse, non tam quòd duabus legibus datis Romæ, & ad Basilium Præfectum Prætorij ac Patricium missis eius nomen præfigit, ac præponit suo: (quippe & Marcianus initio principatus per menses circiter XX nomen Valentiniani Aug. à quo nondum in collegium Imperij receptus erat, nihilominus legibus suis adscripsit) quàm quòd ab Leone auxilium contra Vandalos expetiuit. Nam, vt auctor est Priscus Pa-

nopolites, Romani Occidentales, hoc est Itali & Seuerus Aug. post Maioriani Principis mortem legatos ad Leonem seniore[m] misere, classem, aut vt Vandalos ipsis placaret, petentes. quorum precibus motus Leo naues quidem negauit dare se posse, propterea quod pacem cum Geiseric[o] fecisset: sed Phylarchum quemdam ad eum misit rogatum, vt Italis bellum inferre desineret. cui Geisericus respondit non prius se arma depositurum, quam Valentiniani & Aëtij bona ab ipsis accepisset, & mox Vandalos, ac Mauros repentinis incursionibus atque latrociniiis omnibus litoribus timendos, in Italiam ac Siciliam immisit. Quamobrem Leo Aug. fatigatus altera legatione Italarum, negantium nili Geiseric[o] placato stare rem Italiam posse, Tatianum tum Patricium, ac non multo post Consulem futurum, oratorem ad eum misit, qui suaderet, vt vastatione Italiae & Siciliae absteret, Regina[s]que captiuas dimitteret. Ricimer quoque eidem denuntiavit pacis cum Diuo Maioriano factae meminisset, neu foedus paullo ante iunctum sine causa ramperet. Quae legationes etsi apud Barbarum nullius momenti fuerunt, indicant tamen Leonem Aug. Seuero Principi, cuius Imperij tantam ageret curam, inimicum tum esse non potuisse. Ceterum Hydatius in Chronico scribit Eudoxiam Aug. coniugem Placidi Valentiniani, & Placidiam minorem eius filiam secundo imperij Seueri anno ab Geiseric[o], datâ prius in matrimonium filio suo Eudociâ natu maiore, Constantinopolim remissas esse: & Procopius in belli Vandalici libro Iambas ad Leonem Aug. à Geiseric[o] missas tradit. Quo minus assentiri possum Euagrio atque Nicephoro, qui dicunt Eudoxiam & Placidiam Reginas cum cultu comitatusque regio Constantinopolim remissas ab Geiseric[o] Rege Vandalorum, vt Imperatori Marciano satisfaceret indignanti urbem Romam incensam, easque Carthaginem abductas esse: & mox Marciani iussu Placidiam Eudoxiae filiam Olybrio nupsisse.

cccc-  
LXIII.





HADRIANI  
VALESII  
RERVM FRANCICARVM  
LIBER QVINTVS.



**I**N Occidentis tractibus, potentia  
Barbarorum magis magisque incre-  
scente, vires Romanorum in dies mi-  
nuebantur: & tamquam Imperium  
sua infirmitate ac veluti senectute sa-  
tis cito occasurum non esset, ciuiles  
dissensiones atque discordie interitum  
eius maturabant. id indicat su-  
pradieta mors Maioriani ab Ricimere insidiis oppressi,  
viri, cui ad tuendam augendamque Remp. nihil præter  
fidem amicorum defuit. id ipsum indicat & factum A-  
grippini, eius, qui In gratia Anniani noui Aureliatorum  
Episcopi victos omnes variorum criminum reos solui  
iussisse dicitur: & ad quem Euphronius Augustodunen-  
sis Episcopus de quibusdam in celo animaduersis sub A-  
tilæ ingressum in Galliam epistolam misit, quippe anno cccc.  
Leonis Principis v, Seueri I, magis quàm vt ait Hydatius l.  
II, Leone II & Seucero Coss. Agrippinus Comes, natione cccc.  
Gallus, Ægidio viro insigni Magistro militiæ Gallicanæ l. XII.  
inimicus, cum intelligeret ad eum palam oppugnandum  
opes sibi deesse, dispendio Reip. vires acquirere suis par-

tibus statuit: atque vt externis auxiliis iuuaretur, Narbonem Martium circa XLIV annos instar firmissimi muri Vesigothis oppositum, quem Constantius Ataulfo eripuerat, & Aëtius per Litorium obsidione Theodorici maioris liberauerat, in potestatem Theodorici minoris eius filij tradidit. vnde ille postea quasi conuulsis repagulis decurrens vsque ad Rhodanum imperium protulit: cū iam post victum Rechiarium Regem Sueuorum occupatis opidis Hispaniæ, Bracarâ, Emeritâ, Asturicâ, Pallantiâ, & Scalabi ab Occidente Regnum Ana flumine terminauisset. Hic est Ægidius, quem veteres nostri Historici modò *Ducem*, modò *Principem*, modò etiam *Regem Romanorum* in Gallia habitantium; modò *militem Imperatoris*; nonnumquam *Regem militia Romanae*, hoc est rectorem exercitus; Aimoinus & Iuo *Patricium* appellant, & in Childerici Regis locum à Francis successum esse dicunt. hunc virum natum esse in Gallia Occidentali scribit Priscus, atque maximas circum se copias habuisse, & mortem Maioriani, cuius Comes, ac bellorum commilito fuerat, vlturum fuisse, nisi à bello Italis, hoc est Seuero & Ricimeri cædis auctoribus, inferendo propior eum hostis in semet auertisset. quippe de finitima regione, nimirū Aruernia, aut Armorica, inter eum ac Gothos in Gallia sedem habentes ortam esse contentionem, aduersus quos fortiter bellum gesserit, maximasque res egerit. Vbi notandum est apud Priscū vitio exemplarium Νικησιου nomen pro Αιγιδιου legi. Certè Fridericus frater Theodorici Regis Gothorum; quem alius Frediricum, alius Fretiricum, alius Fridaricum appellat; & quem Hilarus Pāpa in epistola ad Leontium Arelatensem Episcopum data Domino Seuero Aug. Col. *Magnificum virum filium suum* vocat; apud Hydatium anno Leonis Principis VI cum copiis intrauisset prouinciam Armoricam dicitur, & ab Ægidio *Comite vtriusque militiae*, hoc est Magistro equitum & peditarum, optimo viro piissimoque fusus acie, ac cæsus esse. cuius prælij mentionem quoque facit Marius in Chronico, sed in notatione temporis ab Hydatio dissentit. scribit enim Basilio & Viuiano, vel Vibiano Coss. qui est

CCCC.  
LXII.

CCCC.  
LXIII.



VII imperij Leonis annus, inter Ægidium & Gothos pugnam fuisse circa Aurelianos in medio inter Ligerim & Ligericinū, hoc est Ligerittum flumen campo, ibique Fidericum Regem Gothorum (sic eum falsò tamen appellat) interfectum. Armoricos autem ab Vesigothis flumen Liger diuidebat: & tractui Armoricani limitis vt provincia Lugdunensis secunda, ac tertia, ita & Senonia, cuius vrbs Aureliani erant, adscribebatur. quemadmodum inuenio in Notitia prouinciarum Imperij Romani. Eodem bello, quod Theodoricus Rex pacis cum Diuo Maioriano factæ immemor ciebat, Narbo Martius ab Agrippino, vt diximus, proditus; & Caino ab Ægidio obsessus est. quippe apud Gregorium in libro de Gloria sanctorum Confessorum inuenio Cainonem castrum Turonum, quod præsidio Gothico tenebatur, ab Ægidio oppugnatum: cùmque castellani & agrestes eodem compulsi aquâ fluminis Vigennæ prohiberentur; nec obstructo puteo, quj in latere montis fossus erat, aquari amplius possent; precibus Maximi Abbatis Martini discipuli à Deo impetratam pluuiam, & Romanos fragore nubium ac fulguribus in fugam coniectos esse: ita solutam obsidionem, castrumque seruatum.

Paullinus in libro VI virtutum Martini ad Perpetuum Episcopum Turonicæ Ecclesiæ, Ægidium Procerem virtute animi magnum, sed probitate & Fide maiorem, in quo vno omnia Galli reponerent, appellat; ac scribente se vixisse indicat. Perpetuus autem Concilio Turonico primo interfuit, & subscripsit Seuerino V. C. Consule cccc.  
lxi. XIV Kal. Decembres, pridie quàm Seuerus Imperator appellaretur: ita ut Episcopatum inire non potuerit post Martini mortem, id est (vti putat Gregorius) post Attici & Cæsarii Consulatum anno LXV, Basilio & Viuiano cccc.  
lxiii. Coss. Versus Paullini tametsi suprà positos iterum huic loco inferere conuenit.

*Illustrem virtute virum, sed moribus almis  
Plus clarum, magnūque Fide, qua celsior exstat,  
Ægidium hostilis vallauerat agmine multo  
Obsidio, obiectis qua mœnia sepeferat armis.*

Hydatius in Chronico tradit VII imperij Leonis, III

ordinatum consecratumque esse. vt appareat Seuero imperante vno eodémque tempore Ægidium Gallum, & Gunduicum Regem Burgundionum ambos in Gallia Magistros militiæ fuisse, alterum à Maioriano factum, alterum forsitan priori oppositum ab Seuero, nimirum Gunduicum, qui cùm Hilaro de eiusmodi rebus scripserit, & tantam pacis Ecclesiæ curam egerit, non Ariarum; sed Catholicarum partium fuisse videri potest.

Ex supradictis facillè intelligitur Ægidium Rusticio & Olybrio Coss. septimo Magisterij militum anno decessisse: si verum est, quod ait Gregorius, vbi Maiorianus Augustus consalutatus est, mox Ægidium *Romanum*, hoc est Gallum, *missum à Republica*, nimirum ab Imperatore capite Reip. & *Gallia Magistrum militum datum esse*: & quod Hydatius scribit III imperij Seueri anno eundem obiisse. Dissentit ab Hydatio Gregorius, Ægidiumque Anthemij principatu excessisse è vita indicat. quippe eius morti coniunctim subtexit Gothorum aduersus Britannos pugnam, atque victoriam, quos Britannos Anthemio Principe in finibus Biturigum pulsos ab Vesigothis acie infrà dicemus. Dissentit ab Hydatio etiam Siegebertus, qui anno demum Childerici Regis XXIV, post Consulatum Rusticij & Olybrij XVII regnante in Italia Odoacre Ægidium mortuum parum tamen verisimiliter tradit: siquidem Childericum IV regni anno expulsum, & in eius locum Ægidium ab Francis susceptum VII annos regnauisse, ac post reditum Childerici anno XII decessisse ait. Cùm autem eodem anno, nimirum Leone & Maioriano Coss. Childericus regnare in Gallia, & Ægidius exercitui Gallicano præesse occæperint, nec simile veri sit Childericum ipso initio seu primo anno regni sui pulsum fuisse, constetque eum octauo exsilij anno reuocatum reuertisse, & multa cum Ægidio prælia commisisse: apparet diutius Ægidium vixisse, quàm Hydatio videatur, nec nisi Anthemij principatu decessisse.

Ceterùm de Childerico, Ægidioque Historici nostri Gregorius, Fredegarius Scholasticus, Aimoinus, Roricóque sic scribunt: Childericum Merouei filium libidino-

CCCC.  
LXIV.CCCC.  
LXXXI.CCCC.  
LVIII.

sum & intemperantem, quòd ætati suæ indulgens nobiles matronas virginésque ad stuprum raperet, à Francis Regno pulsum, & ad necem conquistum, consilio Wiomadi perfidelis amici, declinandi periculi causâ exsultatum abire statuisse: & cum Wiomado, quem aliqui Widiomarum, alij Winomadum vocant, nummum aureum diuississe, monitum vt si quando alteram nummi eius partem accepisset, confidenter domum rediret: tuta enim omnia reuertenti; & Francos placatos ac morigeros fore. ita in Toringiam fugisse, & apud Bisinum Toringorum Regem latuisse: vbi velut oblitus amissi ob libidinem Regni Basinam Reginam, mulierem eximia pulchritudine, adulterio cognouerit. interea Ægidium, Magistrum militum Romanorum in Galliis constitutorum, cui Imperator Galliarum tutelam delegauerat, à Francis vna voce Regem salutatum esse, & instinctu Wiomadi, quo consiliario plurimùm utebatur, simulata hominis amicitia deceptus, Francos talium onerum insolentes grauissimis tributis oppressisse, in capita singula tres aureos imponendo: centum quoque Optimates manu promptos, qui Childerici restitutioni maximè aduersaturi videbantur, ad infringendos gentis spiritus interemisse. tum Wiomadum arrepto tempore intulisse se in circulos popularium fortunam suam complorantium, castigantem fletus, quos sibi ipsi conciuissent. quo enim furore impulsos fuisse, vt ciui externum per interpretem audiendum, eúmque nationis Francis semper infestæ; humanissimo Regi dominum crudelem, superbum, & auarum; honestæ denique libertati turpissimam seruitutem anteferrent: & quod antea ne victis quidem vnuquam contigisset, vltro victores se suâque omnia in hostis ditionem dederent? ideòne Childericum optimi Principis bonum filium, quia ætate frui volebat, ferri non potuisse, vt Ægidio, Imperatoris militi, quidquid liberet, facere liceret? & nunc illum, qui precariò, & alieno beneficio regnet, ad acerbissimas nouorum tributorum exactiones eadẽ Nobilitatis adiungere, quanto humilioribus infirmioribûsque; tanto obsequentioribus Francis vsurum: Childericum Regno patrio

patrio spoliatum in exilio & egestate consensescere. Sed quoniam hæc fato quodam accidissent, dandâ omnibus operam, si viri essent, vt alterius reuocatione, expulsionem alterius emendarentur. quippe nec de Ægidio quidquam nisi nefarium, & antefactis respondens sperari oportere: nec dubitandum, quin Childericum res aduersæ sapientiore fecissent, cuius vnâ cum ætate animus iam maturuisset, ac cupiditates deferbuissent. Assentientibus cunctis, & pœnitentiam culpæ approbantibus, sed vbi Rex esset scire se negantibus; Wiomadum preces popularium suorum cum dimidiata parte aurei nummi, vt conuenerat, clâm per nuntios ad Childericum perferendas curauisse, reuertentique in Galliam comitatum Proceribus Francorum apud castrum Barrum occurrisse, & Barrensibus, quod primi Regem receperant, tributi remittendi auctorem fuisse, atque ex eo potestatis consortem egisse, adeo vt *regnasse simul* ambo à Gregorio dicantur. at Ægidium post octo annos quàm regnare cœperat, expulsum à Francis, ac (si Aimoino credimus) acie victum ab Childerico & Wiomado, Regno decedere coactum esse. Basinam vero Reginam Toringorum, audito in Regnum & in gratiam cum Francis rediisse Childericum, quem amanti absentia, & fortunæ mutatio desiderabiliorem faciebat; relicto viro ad eum venisse, interrogantique tam longi itineris causam respondisse ob fortitudinem dignitatēque formæ conditionem Childerici sibi meliorem visam: si quem alium vsquam gentium sapientia & virtute præstantiorem nosset, ex eo liberos quæsituram fuisse. delectatum responso Childericum Basinam secum connubio iunxisse, Chlodouēumque genuisse, & multa proelia atque ea secunda cum Ægidio commisisse, qui paullo post amissam Coloniam Agrippinam, & Augustam Treuironum obierit.

Rusticio & Olybrio Coss. pars Alanorum eorum, qui post Attilæ mortem ab Hunnorum imperio defece-  
CCCC.  
LXIV.  
 rant, aliquamdiu vagata & sedes quærens, transscensis Alpibus Iuliis erupit in Italiam, atque apud Bergomum antea Italiæ Transpadanæ; tum Venetiæ opidum, sub

radicibus montis VIII Idus Februar. à Ricimere Patri-  
cio proelio fusa est: & Rex Beorgor, quem quidam Beur-  
gum, alij Biorgum appellant, cum exercitu cæsus est:  
vt Auctor Chronici à Cuspiniano editi, Marcellinúsque,  
& Cassiodorus Senator scribunt. Ex quo apparet falli Ior-  
danem, ac Sigebertum: è quibus Sigebertus Maioriani  
principatu hanc victoriam de Alanis Ricimeri contigisse  
tradit; Iordanes Anthemio imperante. Vbi & notare con-  
uenit Ricimerem magno errore à Marcellino Regé dici.

CCCC-  
LXV.

Hermenerico & Basilisco Coss. Seuerus Aug. IV im-  
perij annum agens, X VIII Kal. Septemb. Romæ in Pa-  
latio decessit: quem sua morte defunctū, præter Paullum  
Langobardum, Apollinaris Sidonius in Panegyrico An-  
themio Aug. iterum Consuli dicto indicat his verbis:

*Auxerat Augustus natura lege Seuerus*

*Diuorum numerum.*

Contrà Cassiodorus Senator in Chronico fraude Ricci-  
meris veneno necatum dicit. Imperauit Seuerus annos  
III, menses VIII, dies XXVII, quorum mensium ra-  
tione non habita Iordanes cum tertio imperij sui anno  
expleto obiisse ait; Euagrius triennio imperauisse.

Interregnum deindè per biennium fuit. cui occa-  
sioni defuisse Francos non arbitror. tametsi scribit Si-  
donius Ricimerem Interregem Ostrogothis tum cul-  
toribus Pannoniæ, Francisque accolis Reni aded ter-  
rori fuisse, vt alteri Noricum; alteri Galliam tentare  
non auderent.

*Noricus Ostrogothum quòd continet, iste timetur:*

*Gallia quòd Reni Martem ligat, iste pauori est.*

CCCC-  
LXVII.

Pulxo tandem & Ioanne Coss. cum Vandali quotannis  
initio veris in Italiam venire soliti ab Italis timerentur:  
Senatus populúsque Romanus auctore Ricimere lega-  
tos ad Leonem Aug. misit, qui peterent, vt Anthe-  
mium clarum genere atque opibus Senatorem ipsis  
Principem, eiúsque filiam Ricimeri Patricio nuptum  
daret. Anthemius natus erat Constantinopoli patre  
Procopio Magistro militiæ per Orientem, atque Patri-  
cio; Anthemij, qui Consul, Præfectus Prætorij, & Pa-  
tricius fuit, genero: ac Marciani Aug. vnica filiam

nomine Euphemiam adolescens duxerat vxorem, atque ab focero primùm Comes, deinde Magister vtriusque militiæ, ac Patricius, mox & collega Valentiniani V III <sup>cccc.</sup> Consulis factus fuerat. idem ab Imp. Leone successore <sup>lv.</sup> Marciani missus cum copiis in Illyricum, quod Valamer, Theodemer, & Widemer Ostrogothorum Reges depopulabantur, ibi ita se gessit, vt præsidio prouinciis; hostibus terrori fuerit: cùmque Sarmatæ duce Babai vel Babaz Regulo per adstrictum glacie Danubium in superiorem Mœsiam erupissent, occupatòque Singiduno finitimam Mœsiæ omnem Daciæ mediterraneam incursione vastarent: apud Serdicam cum eis pugnavit, & Camundi Ducis collegæ sui fuga perturbatos milites confirmavit, præliumque restituit, ac repressos Barbaros cæde Camundi proditoris, qui re malè gesta ad ipsos transfugerat, pacem Leoni iussit redimere. Igitur Anthemium Leo Aug. nominatim exposcentibus Italis Imperatorem creauit Pulchro & Ioanne Coss. & cum lectissimis Comitibus, cùmque magno exercitu in Italiam misit. quare in lege de bonis vacantibus Leo Aug. ait Deum, & se, *cui totius mundi regimen commisit diuina Providentia, Anthemio plenam imperij potestatem detulisse.* Auctor libri de publicis ædificiis Constantinopolis scribit Anthemium, antequam in Occidentem proficisceretur, ea in vrbe ex domo sua Ecclesiam fecisse, & locum curandis senibus dedicatum, balneasque extruxisse. eundemque Theophanes & Nicéphorus piissimum, ac Christianissimum fuisse dicunt. Quominus assentiri possum Damascio de vita Ildori Philosophi, apud quem inuenio Anthemium priuatum clam idola coluisse, & (vt antè Eugenius Tyrannus; & Eucherius Stiliconis filius; ac postea in Oriente Zeno Aug. facere voluisse dicuntur) reuocandæ idololatriæ occulta consilia iniisse cum Seuero Patricio, idem sentiente, & arti magicæ dedito, quem postea secutum se in Italiam Imperator Consulem designauerit.

Postquam Anthemius classe peruenit in Italiam, ab exercitu Italico, qui cum Ricimere Patricio erat, ad octauum milliarium ab vrbe Roma mense Augusto Au-

CCCC-  
LXVII.

gustus appellatus est: vt ait Hydatius in Chronico, qui eum falsò pro filio Procopij fratrem vocat, atque nulla diuturni interregni ratione habitâ (sicuti & Sigebertus facit) eo ipso anno, quo Seuerus Princeps decesserat, Imperatorem consalutatum dicit. Apud Auctorem Chronici ab Cuspiniano editi, & in Chronico Græco, quod Alexandrinum appellant, inuenio Anthemium Romæ pridie Idus April. Pusæo & Ioanne Coss. Imperium recepisse. Marcellinus, Cassiodorus Senator, Victor, & Marius Auentitensis Episcopus de anno consentiunt. è quibus Senator Anthemium ad tertium lapidem ab Vrbe in loco Brontota Imperatorem appellatum ait. Adiicit Auctor Chronici Alexandrini imaginem Anthemij per Ferentium Præfectum Urbis Constantinopolim ex more introlatam esse, eique Senatum populûmque cum ture & cereis occurrisse. Non fuit immemor collati sibi à Leone Imperij Anthemius. nam (vt leges eius duæ docent ad Lupercianum Præf. Præt. missæ) leges Leonis, quem *Dominum, & patrem suum, Principem sacratissimum* vocat, sæpe confirmauit, eundemque multis de rebus non rarò consuluit: & inuicem Leo Anthemium *pium, ac triumphatorem, semper Augustum, filium suum serenissimum Principem* appellat, legibûsque, quas tum tulit, eius nomen præfigit, ac coniungit suo.

CCCC-  
LVII.

Sub finem anni Anthemius Aug. spe publicæ securitatis filiam virginem in matrimonium dedit Ricimeri, quem anno Anthemij. Principis tertio generum Imperatoris, & Patricium factum falsò tradit Hydatius. cum (vt suprâ indicauimus) Constantino & Rufo Coss. Patricia dignitate honoratus fuerit: & Sidonius, qui tum Romæ erat, in libri I epistola IX scribat post factas filiæ nuptias Anthemium proximis Kalendis Ianuariis secundum Consulatum iniisse. Sed non possum non mirari Sauaronem, & quosdam alios, qui cum apud Gregorium legissent Theodomerem Regem Francorum, filium Richimeris cum Ascila matre sua interfectum; Richimerem hunc, qui natione Francus, & pater Regis Francorum fuit, Ricimerem de quo nunc

loquor, hominem paterno genere Sueuum, materno Gothum; & Ascliam, feminam vt nomine sic gente Barbaram, Anthemij Aug. filiam, vxorẽque eius fuisse putauerunt.

Eodem tempore Aruandus, qui Præfectus Prætorij Galliarum bis fuerat, Romam in custodiam abductus; & à legatis prouinciæ Galliz Tonantio, Ferreolo Afranij Syagrii Consulis nepote, Thaumasto, & Petronio publico nomine accusatus maiestatis; atque Senatusconsulto damnatus est, & bona eius publicata. propterea quod per epistolam, quæ intercepta fuerat, Gothorum Regi suaserat, vt Græco Imperatori, (ita Anthemium appellabat accitum ex Græcia) & *Britannis super Ligerim suis* bellum inferret, & cum Burgundionibus iure gentium Gallias diuideret. quemadmodum scribit Sidonius in libri I epistola VII. Hic apud Senatorem in Chronici vetere editione Arabundus, pro Arbando, & in recentiore Ardaburius vocatur; apud Paullum Langobardum & Sigebertum pro Eruando Seruandus. Videtur autem Anthemius poenam capitis Aruando remississe motus precibus Sidonij & Auxanij eius amicorum, atque exsilio fuisse contentus. etsi enim Sigebertus Aruandum ob affectatum Imperium anno Anthemij Principis secundo necatum scribit: tamen ceteri, in primis Senator, Marciano & Zenone Coss. ob hæc ipsa relegatum dicunt. quamquam ex Sidonij verbis intelligitur Aruandum non affectatæ purpuræ, sed litterarum ad Gothorum Regem missarum accusatum, & ante secundum Consulatum Anthemij, hoc est Pulfæo & Ioanne Coss. circa finem anni esse damnatum.

CCCC-  
LXIX.CCCC-  
LXVII.

In Chronico Marij Auenticensis Episcopi inuenio Theodoricum Regem Gothorum, interemptorem Thorismodi fratris sui, supradictis Pulfæo & Ioanne Coss. ab Eurico fratre Tolosæ interfectum: quem Auctor, qui Chronico Victoris nonnulla de rebus Gothicis inseruit, anno antè Leone Aug. III & Tatiano Coss. iugulatum prodit. Euricum autem Marius Euthoricum vocat; Sidonius in libri VIII epistola IX pro Eudorico Theodoricum mendosè, & in libri VII epistola VI Euarigem;



alij Eoricum, & Euarigem appellant.

cccc-  
LXVIII

Insequenti anno Anthemio Aug. Romæ secundum Consulatam incunty Apollinaris Sidonius Panegyricum dixit, ab eoque præfecturam Urbis, & Patriciæ dignitatis gradum obtinuit.

Eodem anno Leo Aug. multis de causis bellum Vandalis inferre constituit: primùm quòd Afros grauissimis tributis oppressos; dirutos Africæ urbium muros; agros prouincialium à Rege Vandalis datos; Episcopos sedibus expullos; spoliatas Ecclesias; multos propter constantem Catholicæ fidei professionem necatos, multos relegatos dolebat: tum etiam maximè quòd Geisericus ab eo per Phylarchum legatum certior factus Anthemium Imperatorem creatum esse, & sub belli denuntiatione iussus Italiam ac Imperium dimittere, recusauerat affirmans Romanos Occidentales fœdera rupisse. Accedebat, quòd cùm Geisericus in dies vires augeret suas; timendum erat, ne vt Africæ prouincias ad Imperium Occidentis pertinentes occupauerat, ita finitimæ Libyæ ac Ægypto Orientalis Reip. membris manum iniiceret. Quamobrem Leo Princeps Basiliscu Consularem Verinæ Aug. coniugis suæ fratrem, impium hominem atque Eutychianum cum mille & centum nauium classe in Africam aduersus Vandalos mittit. cui proficiscenti Aspar & Ardabures Ariani Imperium promississe dicuntur, si Geisericus Ariano & ipsi, Arianæque gentis Regi exercitum prodidisset, & de se victoriam dedisset, aut saltem bellum traxisset. Orientalibus Basilisco duce delatis in Siciliam, atque inde breui & commodo traiectu in Africam transituris accepta fide iunxit se magna cum manu Marcellinus Patricius Occidentis, Marcellianus Procopio dictus, moxque ab eisdem contra religionem iurisiurandi dolo confossus est. cuius de cæde vbi Geisericus cognouit, lætus velut iam exploratâ victoriâ affirmauit Romanos sinistra sibi manu dextram amputauisse. Hic autem Marcellinus Patricius, & Iulij Nepotis, qui postea imperauit, auunculus dicitur idola coluisse, & Sallustio Cynico similiter idololatæ familiarissimè vsus esse,

vir alioqui pace belloque optimus, diuinationis bene peritus, & Romanis disciplinis eruditus. idem post occisum Aërium amicum suum, metu similis exitus ad Valentinianum Principem venire recusauit, coactaque magna manu Scytharum Dalmatiam Illyrici Occidentalis prouinciam occupauit, ac ita in potestate habuit, ut sui iuris esset, nec ulli Imperatori, aut Barbararum gentium Regi pareret. transiit deinde in Siciliam, Vandalosque fusos ac fugatos ex insula expulit. rogatusque ab Romanis Occidentalibus Leo Cæsar per Phylarchum quemdam legatum ei persuasit, ne, quod auctis copiis facturus putabatur, popularibus suis nefarium bellum inferret. Haud multo post Marcellinus sponte, aut (sicut scribit Procopius) rogatu Leonis Augusti potius quam (uti ait Hydatius) missu Anthemij Sardiniam Vandalis breui ac facile eripuit, & se Orientalibus auxilij gratiâ iunxit, atque impulsore Ricimere, qui militum partem maiorem ab eo ad se pecuniâ traduxerat, mense Augusto interfectus est. apparuitque breui Geisericum, cognita tanti viri cæde, non sine causâ victoriam sperauisse. quippe Basiliscus cum Africam petiisset, & fuis apud Tripolim Vandalis, captâque ea vrbe Carthaginem Magnam à mari oppugnare cœpisset, clam collocutus cum Geisericò supradictam urbem antè Barbaro pecuniâ vendidit, quàm in Romanorum potestatem redegisset, exercitumque, ut inter ambos conuenerat, prodidit ac perdidit. Itaque intempesta nocte à Vandalis naues ad vnam omnes incensæ sunt, vehementi vento extemplò ignem spargente, ac per totam classem latè effundente: milites semisomnes partim flammis, partim gurgitibus hausti; partim contis remisque confecti. Basiliscus ipse ægrè cum paucis euasit, regressusque Constantinopolim in Ecclesiam Magnam confugit, atque Verinæ Aug. sorori donatus, & Heracleam Thraciæ, quam veteres Perinthum dixerunt, à Leone missus, breuique reuocatus est: atque, ut ex Prisco intelligitur, mox pace facta Eudoxia & Placidia Constantinopolim redierunt. Procopius in libro I belli Vandalici tradit, post victos Vandalos occu-

patamque Tripolim seu Neapolim, bellum facilè confici & Carthaginem expugnari potuisse, si Romani eò protinus contendissent: sed factum lentitudine aut ignavia Basilisci ad promontorium Mercurij tempus terentis, aut certè proditiōe eius, vti occasio victoriæ dimitteretur, & vt v dierum indutiæ Geiserico ad deliberandum darentur, aut auro venderentur, intra quod tempus Barbarus classē instruxerit.

Hic fuit euentus nouissimę Romanorū aduersus Vandalos expeditionis, quam anno Anthemij Principis tertio factam falsò ait Hydatius. neque quidquid dicat Cedrenus; Leo postea, aut vllus alius Geisericum bello laceessere ausus est. Quem ego virum fortiozem, an fortunatiorem dicam nescio. nam cū non (vt prodit Senator) ab Gothis exclusus Hispaniā, sed accitus ex Bætica à Bonifatio, initio regni cū Vandalis omnibus & Alanis Hierio & Ardabure Coss. mense Maio in Africam transmisset; eundem accepta à Placidia Aug. fide & magno exercitu missum aduersus se, iunctumque Aspari Orientalium copiarum Duci vicit acie Aëtio & Valerio Coss. maximamque multitudinem Romanorum, in primis Marcianum Asparis Domesticum, qui postea in Oriente imperauit, cepit: reliquos in fugam coniecit. Quamobrem Placidus Valentinianus in quarto Consulatū suo per Trygetium legatum pace necessaria magis quàm vtili composita, partem ei Africæ condonauit. cūque paullo post Barbarus rupto fœdere piraticam exercuisset, & multas insulas, præcipuè Siciliam vastauisset, Carthaginemque cum omni Africa dolo captam diripuisset, Carthaginensibus Senatoribus nudis in Italiam transire compulsis, nec iam Imperium Occidentis modò, verum etiam Orientem latrocinii infestaret: iterum Theodosius Aug. Cyro Consule Ariobindum, vel Areobindam natione Gothum, Patricium & Consularem, Anaxilam, & Germanum Duces cum CIOCLXX nauium classe aduersus eum misit: qui Siciliam petire, & longis cunctationibus insulæ magis oneri, quàm Africæ auxilio fuere. siquidem insequenti anno Dioscoro & Eudoxio Coss. Attila vel forte, vel Geiserici ipsius

CCCC-  
XXVIICCCC-  
XXXIICCCC-  
XXXVCCCC-  
XLICCCC-  
XLII

ipſius bellum à ſe auertere cupientis impulſu, Thracias & Illyricum depopulante, coactus eſt Theodoſius exercitum morantem adhuc in Sicilia ad tutelam prouinciarum ſuarum celeriter reuocare, pacemque cum Geiſerico inire. imitatus quoque ſocerum Valentinianus ſtatim pace facta cum eo Africam Occidentalem diuiſit, Byzacium, Tripolim, & prouinciam Proconſularem Barbaro cedens, retentâ Mauritaniâ Sitifenſi, Mauritania Cæſarienſi, atque Numidia, & quæ pars Mauritaniæ veteris fuerat, ſed Hiſpaniæ prouinciis annumerabatur, Tingitania: quæ IV prouinciæ poſt Valentiniani mortem vnâ cum Sardinia, Maiorica, Minorica, Ebuſo, aliſque mediterranei maris inſulis à Vandalis ſunt occupatæ. Pace facta Geiſericus Byzacenâ, Abaritanâ, Gætuliâ, & parte Numidiæ ſibi reſeruatis; Zeugitanam & Proconſularem prouinciam exercitui diuiſit. Quis deinde Maioriani Principis, quis poſtremò Baſiliſci ab Leone Aug. miſſi expeditionis Africanæ exitus fuiſſet, & quæ Placido Valentiniano mortuo à Vandalis geſta eſſet, narrauimus. ex quibus intelligitur Geiſerico ad vincendos Romanos nec virtutem vmquam, nec fortunam deſuiſſe: qui, quod Alaricus, Ataulfus, & Attila Reges facere voluerant, fortiter felicitérque perfecit, ac poſt euerſum demum Imperium Occidentis voti compos obierit. Geiſericus autem Godigiſcli Regis partis Vandalorum ex concubina filius, Gunderici frater minor natus, atque ſucceſſor, dicitur ex equi caſu claudicauiſſe; ſtaturâ fuiſſe modicâ; ſermone raro; magna ad ſimulandum altitudine ingenij; continens; exſomnis; iracundus; ſæuus; auarus; callidus; inter quietas gentes bella, inter concordēs odia ſerendi ſcientiſſimus; ſemper expedita claſſe, & exercitu, quem alere conſueuerat, ad nauigandum parato hoſtibus timendus; rebus ſecundis ſuperbus & ferox, nec ſine cauſa, quippe qui toties repellens bellum, aut inferens, numquam niſi fortè leuibꝰ præliis abſens ſuperatus ſit. cum Attila non ſolùm eo validior, ſed etiam omnium ætatis ſuæ Imperatorum ac Regum potentiſſimus, pæne exitiabilem in Gallia cladem acceperit: quem tamen

adeò magis quàm Geisericum videntur metuisse Romani, numquam vt armati eius Regnum ingredi sint ausi. Geiserico successit Hunericus natu maximus filius; Hunerico Gunthamundus; huic Thrasamundus non minùs Geiserico & Hunerico in Catholicos sæuus: post Thrasamundum Hildericus, Hunerici ex Eudocia Regina filius regnavit. eo in custodiam dato, ac post interemto Regnum Gelimet Geiserici adnepos occupavit: quo per Belisarium Magistrum militum ac Patricium acie pulso, atque in deditionem accepto, Iustinianus Aug. omnem Africam Imperio Romano restituit. vti Iordanes, Victor, Procopius, & Isidorus scribunt. Hoc notandum duxi, quòd Gregorius in Historiæ libro II nescio quem Auctorem secutus omisso Geiserico, atque Gunthamundo, Reges Vandalorum quinque tantum, ac ne ordine quidem enumerat, nimirum Gunthericum, Trasimundum, (ita appellat) Honoricum, Childericum, ac Gelesimirum, hoc est Gelimerem: scribitque post Gunthericum, quo duce Vandali vastatis Galliis in Hispaniis confederant, regnante Trasimundo, inter Sueuos & Vandalos de finibus ortam esse contentionem, quòd vtrique in Callæcia sedem habebant: ac iam instructa vtrimque acie conuenisse, vt duorum militum pugna controuersia finiretur, & cuius populi cuius vicisset, is populus omnem Callæciam solus obtineret: atque cæso Vandalo, Trasimundum ex fœdere icto post parata ad iter necessaria Hispaniâ decessisse, & prosequentibus Sueuis vsque ad Traductam, quod est opidum Bæticæ freto proximum Transducta à Ptolemæo dictum, exercitum in Africam traiecisse, eamque occupauisse: post Trasimundum autem Honoricum electum Regem à Vandalis Regnum Africæ obtinuisse: Honorico Childericum; Childerico mortuo Gelesimirum successisse, qui ab Romanis victus Regnum amiserit, Africâ Imperio restitutâ. Non negauerim tamen Vandalos in Hispania cum Sueuis bella gessisse. quippe Hermericum Sueuorum Regem rupto fœdere à Guntherico Rege Vandalorum anno Honorij Principis XXV in montibus Neruasorum obsessum auctor est Hydatius, &

insequenti anno Gundericum dimissa oppugnatione Sueuorum, instante Asterio Comite Hispaniæ, urbem Bracarum Augustam, & prouinciam Callæciam reliquisse, atque in Bæticam immigrauisse, vbi Castinum Magistrum militum acie vicerit, viginti ferè millibus Romanorum cæsis, moxque prædatus Baleares insulas, & depopulatus Hispanias, captâ ac direptâ Carthagine Spartaria atque Hispali, anno IV post Honorij mortem obierit: cuius frater successorque regni Geisericus sequenti anno, Hermigario Sueuo in Lusitania apud Augustam Emeritam cum multis oppresso atque interfecto, Vandalos omnes in Mauritaniam transmisit. Auctor Chronici, quod Prosperi esse dicitur, quo nihil est in notatione temporum mendosius, anno VIII post Honorij Aug. mortem XX millibus Romanorum in Hispania interfectis Vandalos in Africam transiisse dicit: cum hæc clades sub Magistro militiæ Castino accepta sit, Honorio XIII & Theodosio X Coss. & quin- cccc.  
xxii.

quennio post Vandali Africam petiuerint. Marciano & Zenone Coss. Anagastes Comes Dengizicem, Attilæ filium, Regem partis Hunnorum, quem Marcellinus Denzicem, Iordanes Dindzichum appellat, victum occidit, caputque eius Constantinopolim ad Leonem Aug. latum est. cuius maiorem fratrem nomine Ellacem Regem Barbari, in primis Gipedes, & Ostrogothi ab Hunnis desciscences paullo post Attilæ mortem acie victum occiderant. cccc.  
lxx.

Eodem anno Magnum Felicem, natione Gallum, Magni Consulis filium, & Sidonij amicum, qui Præfectus Prætorij fuerat, Anthemius Aug. Patricium fecit. hic postea mutata veste religioni se dedit, & à Fausto Reienfi Episcopo per epistolam in proposito confirmatus est.

Suero, & Iordane Coss. Romanus Patricius, is credo, quem Tribunum militum vnâ cum Romulo Comite & Prompto Norici Præfide Valentinianus Aug. legatum ad Attilam misit, Imperium affectasse conuictus capitali supplicio afficitur. cccc.  
lxx.

Circa id tempus, cum Euricus Rex Visigothorum, crebram mutationem Principum Romanorum suam

cccc.  
LXI.

occasionem putans, totam Galliam occupare conaretur: ad eum repellendum Anthemius Aug. Britannica auxilia accersuit. Britanni enim complures, subactâ ab Anglis nobilissima parte Britanniae insulae, externae dominationis intolerantes in tractum Armorici cum duce Rioualo emigrauerant Placidi Valentiniani principatu, & in finibus Venetorum, Curiosolitem, ac Osilimiorum confederant, regionemque Britanniam appellauerant. quorum Britannorum Episcopum nomine Mansuetum Seuerino V. C. Consule Concilio Turonico interfuisse ac subscripsisse inuenio. Horum Rex, à Sidonio in libri III epistola IX Riorthamus; à Iordane Riorthimus Rex Brittonum dictus, XII armatorum millia in naues imposuit, & secundo aestu Oceani inuentus os Ligeris, aduerso flumine subiit, atque exscensione factâ Auaricum Biturigum pedibus peruenit: receptusque ab incolis, ut socium decebat, ac inde progressus priusquam cum Romanis vires suas iungeret, in Euricum incidit circa vicum Dolos, ubi diu cum esset pugnatum, ab hostibus numero magis quam virtute victus, amisâ magnâ parte exercitus ad Burgundiones, gentem finitimam, trans Ligerim perfugit. Erant tum Burgundiones socij Romanorum atque amici, adeo ut Chilpericus eorum Rex, cuius Regia Lugdunum erat, tamquam successor officij Gundiuci fratris sui, Magisterio militum in Gallia fungeretur: quemadmodum Sidonius tradit in libri V epistolâ VI, qui & ob id in epistola I V libri III, & in carmine ad Catullinum Burgundiones *propugnatores, & patronos* Aruernorum vocat. Eius pugnae mentionem habuit proximus à Iordane Gregorius, Britannosque ab Gothis finibus Biturigum expullos, & multos apud Dolensem vicum interfectos esse scripsit: quam victoriam de Britannis Eurico Regi contigisse anno II post Anthemij mortem imperante Iulio Nepote falso Sigebertus prodit.

cccc.  
LXXIV.cccc.  
LXXI.

211 Leone Aug. IV. & Probiano Coss. Aspar, Ardaburis viri Consularis filius, Consularis & ipse, ac trium Consularium pater, primusque Patriciorum iussu Leonis Aug. cui sua auctoritate Imperium conciliauerat, occi-

ditur: de quo, etiam si in Oriente floruit, vt antea mentionem feci, sic nunc mihi pauca dicenda sunt. Hic Aspar secta Arianus, Asper à Græcis quibusdam dictus, quem Candidus Isaurus natione Alanum; Iordanes Gothum fuisse dicit, à Principe Theodosio minore Magister militiæ, Patricius, & Consul erat factus, plurimùmque apud eum, & apud Marcianum potuerat, ac ex tribus vxoribus tres filios susceperat Ardaburem, Patricium, & Hermenericum. quorum natu maximo Ardaburi vel Ardaburio Theodosius Ducatus, Patriciam dignitatem, Consulatumque; Marcianus Magisterium militum Orientalium detulerat: Patricium verò, quem quidam Patriciolum vocant, Leo Aug. non solum Consulem, sed etiam Cæsarem ex pacto creauerat, atque Hermenericum quoque Consulem fecerat. tantâ potentiâ fretus Aspar Magister militum Præsentium cum fauere Vandalis diceretur, Isaurósque, quos circum se Leo Aug. habebat, sollicitare; affectati Imperij suspectus magis quàm reus Constantinopoli in Palatio vna cum Ardabure à spadonibus iugulatus est. Hermenericus absens re cognita in Isauriam perfugit, vnde postea reuersus Constantinopolim, notham Zenonis Principis filiam duxit vxorem. at Patricius Cæsar etsi multis vulneribus acceptis tamen conualuit. cui in exsilium misso Ariadnen vxorem ademptam, ac Zenoni in matrimoniũ datam falso ait Nicephorus, secutus Marcellinum, qui Patricium generũ Leonis Principis appellatum tradit. cum Iordanes in libro de successione regnorum Asparem occisum dicat *instinctu Zenonis, qui Imperatoris gener erat.* Certè Zonaras Patricium quidem Cæsarem à Leone Aug. factum; non item matrimonio filix eius in affinitatem receptum ait: contrà regiarum virginum alteram Zenoni; alteram Marciano nuptum datam, Asparem autem idèò occisum esse prodit, vt Leo Aug. nepoti ex Zenone & filia Ariadne Leoni Imperiũ conciliaret. & Georgius Cedrenus secundo Leonis imperij anno Ariadnen maiorem natu eius filiam Zenoni nupsisse tradit. Patricij vel Patricioli filius fuit Vitalianus; is qui cupiditate Imperij impulsus Anastasio Aug. bellum intulit, moxque



12xx. Magister Præsentis militiæ, & Consul ab Iustino factus; V II mense Consulatus sui in Palatio factione Iustiniani Parricij XVI plagis confosus est: cuius filius nomine Ioannes Germani Patricij filiam duxit, & Magister militiæ in Italia principatu Iustiniani aduersus Ostrogothos magnas res gessit. Ceterum errat Hydatius in Chronico, cum XI Leonis imperij anno Asparem non occisum, sed priuatum factum, & tantummodò filium eius, nimirum Ardaburem, interfectum dicit.

cccc-  
lxxi.

Eodem anno, quo Leo Asparem fiduciâ meritorum sibi aduersantem ac prægrauem trucidauit, in Occidente inter socerum & generum orta discordia est. nec Anthemius ferre æqualem volebat, nec Ricimer superiorem. Aspar cum filiis fraude Leonis deceptus in oculis Ricimeris erat, cauendum sibi intelligentis, ne similiter ab Anthemio securus opprimeretur. alentibus odium vtriusque amicis, alter Romæ; Mediolani aliter ciuile bellum parabant: cum reconciliatio gratiæ per Epiphanium Ticinensem Episcopum facta est, ac insequenti anno Festo & Marciano Coss. Ricimer Patricius violata Romæ cum Anthemio bellum gessit: Olybrium potentissimum Senatorem Romanam à Leone Aug. missum in locum viui ac videntis soceri Imperatorem suffecit: & Bilimerem, rectorem Galliarum, Principi in auxilium venientem apud pontem Hadriani acie fusum occidit: moxque Anthemium ipsum v Idus Iul. contra reuerentiam imperatoriæ Maiestatis & ius affinitatis cum magna clade Urbis interemit, quem falsò Victor in Chronico Leone Aug. IV & Probiano Coss. occisum dicit.

cccc-  
lxxi.

cccc-  
lxxii.

Eisdem Festo & Marciano Coss. Theodericus Triarij filius, Ostrogorhorum Rex frustratus hereditate Asparis sororis suæ viri, & Ostrui Comes Gothus, mortem eius, cuius quondam Protektor fuerat, vlcisci cupiens Constantinopolim obsedere, atque per Zenonein & Basiliscum ab vrbe repulsi sunt.

Circa id tempus Scronatum Præfectum Prætorij Galliarum Barbaros, in primis Vesigothos. clam inuitantem, vti prouincias Romanas occuparent, Romanam per-

duxere Aruerni, & Maiestatis accusauere: de quo Senatus conuictio atque damnatio supplicium sumit.

Anthemio ex Euphemia filij fuere Marcianus, Romulus, & Procopius. è quibus Marcianus Patricius, & Consul à patre Aug. factus filiam Leonis Aug. Leontiam natam in purpura duxit vxorem: cuius soror Ariadne, patre adhuc priuato genita, Zenoni nupserrat. Quamobrem Marcianus post loceri mortem vxorio iure Imperium sibi vindicauit. causa Leontiae quibusdam fauorabilis videbatur. nam Darius Persarum Rex Xerxem minorem filium ob idipsum Artameni natu maiori ante regnum suscepto; similiter Xerxes Darii maiori filio Artaxerxem praeponuisse dicitur. sic postea Henricus Henrici Regis filius, Demetrius quoque Porphyrogenetus Despotæ Manuelis Aug. filius, cum ob eandem causam Imperium sibi deberi dicerent, maioribus natu fratribus prior Ortoni; posterior Ioanni bellum intulere. Igitur Marcianus cum aduersus Zenonem Principem plebem Constantinopolitanam armasset, superatisque ad ipsas Palatii fores Isauris, oppugnationem eius in posterum diem distulisset, à suis deseritur, & per illum Isaurum, Patricium & Consularem virum in Thermis Zeuxippi vincitur, & capitur. quem Zeno per Acacium Patriarcham Presbyterum faciendum curauit, & Mazacæ Cæsareæ clausit: vnde clàm elapsus circa Ancyram caput Galatiæ primæ tumultum mouit; iterumque comprehensus, & in castello Papirii apud Isauros custoditus est. Euagrius & Nicephorus tradunt Marcianum Constantinopoli extractum ex Martyrio Apostolorum, quò confugerat, & Cæsaream Cappadocum in exilium missum esse: ibi fugam meditantem apud Monachos latuisse, atque patefacto consilio in vrbe Ciliciæ Tarso Presbyterum ordinatum. Romulus, & Procopius fratres coniurationis participes ad Regem Gothorum Theodericum, Triarii filium, cognomine Strabonem in Thraciam perfugere, frustra que sæpius per legatos ab Zenone repetiti, assignati agelli reditu precariam vitam tolerauere. Fuit etiam Zeno Anthemij Aug. nepos, is quem Procopius Iustiniani principatu Præsidem

Ægypti fuisse, & nullis relictis liberis decessisse scribit.

cccc.  
LV.

Olybrius, qui post Anthemium imperauit, genitus erat Aniciâ familiâ, quæ vetustate, maximis rebus honoribusque gestis, possessionibus per omnes Imperij Romani prouincias sparsis adeò inter Senatorias gentes eminuit, vt Imperator Iustinus natus in vico Thraciæ, & Iustinianus Aug. sororis eius filius huic se familiæ inseruerint, quasi nouitatem suam hocce mendacio nobilitaturi. Is ante Vandalorum aduentum relictâ vrbe Româ Constantinopolim petierat Valentiniano VIII & Anthemio Coss. & Placidiam Diui Placidi Valentiniani filiam, Diui Valentiniani maioris abneptem, ab Geisericum cum Eudoxia matre Constantinopolim remissam in matrimonium acceperat. Idem Senator vrbis Romæ ab Hydatio dicitur; Patricius, & Princeps Senatus Romani à Nicephoro, qui, vt & Ioannes Zonaras, tradit Geisericum Nobilissimam Placidiam, vbi Olybrio desponsam fuisse cognouit, vnâ cum matre Marciano Aug. sponsoque remisisse. Nos Priscum Rhetorem secuti, qui tum Constantinopoli Historiam scribebat, suprâ diximus Placidie nuptias à Leone Principe conciliatas esse: quibus celebratis, Geisericus Vandalorum Rex multo quàm antea infestius Siciliam Italiâque vastauit, vt Olybrio, nurus suæ sororem in matrimonio habenti, Imperium Occidentis conciliaret. Eundem Leo Aug. cum Rusticio Magistro militiæ Consulem fecit: quem Victor & Marius in Chronicis etsi ab Imperatore Orientis in Oriente designatum, & posteriorem renuntiatum; tamen quòd Senator Romæ veteris erat, tamquam Occidentalem Consulem Rusticio Orientali præponunt. Auctor est Nicephorus Callistus in libro XV operâ Valerij & Olybrij Patriciorum Athenaidi, vel Eliæ Eudociæ Theodosij minoris quondam vxori reconciliatam Pulcheriam Aug. Marciani Principis coniugem, perque eam factum, vt cum Geisericum pace initâ Eudoxia Eudociæ filia, neptisque Placidia in vrbe Roma captæ, Constantinopolim dimitterentur. Cui ego assentiri non possum, cum Marcianus (sicuti ipse eodem in libro tradit) datæ Geisericum fidei me-

cccc.  
LXIV.

me-

memor initio principatus, ante quadriennium quàm Roma caperetur, cum Vandalis pacem fecerit, & Pulcheriam Reginam anno Marciani Principis tertio, Oplione & Vincomalo Coss. mense Iulio, hoc est biennio ante Urbem captam decessisse Hydatius ac Marcellinus prodant. Igitur Olybrius post annos XVI quàm Constantinopolim se contulerat, Romam reuersus cum Placidia vxore, operâ Ricimeris Patricij, à quo erat reuocatus, recepit Imperium, atque Anthemium Aug. oppressit. Neutri tamen licuit victoriâ belli ciuilis diu lætari. quippe Fl. Ricimer Magister vtriusque militiæ, ex Consule ordinario, atque Patricius XV Kal. Septemb. post Anthemium occisum nono ac tricesimo die, aut (vt Senator ait) XL mortem obiit: vir bellicosus quidem, ac pæne tum solus in Italia Ducis nomine dignus; sed perfidiosus; fallax; sæuus; nec aliis, nec sibiipsi consentiens; & ad conciliandum adimendumque Imperium potentia suâ malè vsus. Olybrius autem allecto inter Patricios Gundiuaro, sororis Ricimeris filio, quem Senator Gundibatum, aliqui Gundibalum appellant, Romæ VII imperij mense decessit, vt Marcellinus, Iordanes, & Cassiodorus Senator scribunt. Quare si verum est, quod Auctor Chronici ab Ioanne Cuspiniano editi ait, Imper. Anthemium Festo & Marciano Coss. V Idus Iul. periisse, eodémque anno Olybrium Aug. Romæ X Kal. Nouembr. obiisse: credere conuenit ante tertium mensem quàm Anthemius interficeretur, Olybrium Imperatorem appellatum esse. Ex his intelligitur errare Paullum, qui in Historiæ Miscellæ libro XV tradit à Glycerio correptis apud Rauennam insignibus Imperatoris Olybrium Imperio expulsum. Placidia Augusta cum filia, quam ex Olybrio habebat, paucis annis post viri mortem Constantinopolim repetiit, atque à Zenone Aug. Leonis successore honorificentissimè accepta, habitaque est. quo ei nomine gratias per legatos egit Hunericus Geiserici filius Rex Vandalorum, cui soror Placidie Eudocia nupserat, & rogatus à Zenone ac Nobilissima Placidia Carthaginensi Ecclesiæ permisit, vt quem vellet sibi Episcopum ordinaret. mentionem eius

cccc-  
liii.cccc-  
lxxii.

facit Simplicius Romanus Episcopus in epistola ad Zenonem Aug. Illo Conf. missa, in qua Placidiam *Nobilissimam feminam* vocat. Olybrij & Placidie filia, quam Zeno Princeps Theoderico Valameris filio daturum se uxorem spondit, si Theoderico Triarii bellum inferre voluisset; fuit Iuliana Nobilissima Patricia, à Paulo in libro XV Historiæ Miscellæ dicta Illustrissima femina: nupta Areobindo Duci ac Patricio, Areobindi Gothi, Magistri militum, Patricij, atque Consularis nepoti, quem Catholicarum partium virum anno sexto post initum Consulatam Paulo & Musciano Coss. plebs Constantinopolitana, odio Anastasij Aug. Eutychniani vel Theopaschitæ, Imperatorem facere voluit. Iuliana autem tanta fuit pietate, tantæque constantia, ut Basilicam Beatæ Mariæ extruxerit, neque ei à Timotheo Patriarcha, ac ne ab Imper. quidem Anastasio persuaderi potuerit, ut actis Synodi Calchedonenfis damnatis, Eutycheris Presbyteri & Abbatis sectam sequeretur. Hæc est Valentiniæ Aug. neptis Iuliana, quam Cyrillus Monachus ad magnum Sabam Monachum in suburbano Rufini ad Calchedonem morantem XXII imperij Anastasij anno crebro venisse scribit. Chtonici Alexandrini Auctor tradit Olybrium Roman missum à Leone Aug. inuitum & coactum à Romanis, Impetium recepisse: & ex Placidia uxore Iulianam filiam tulisse, quæ Areobindo postea nupsit, eique Olybrium minorem futurum Consulem genuerit. falsò enim supradictus Auctor Areobindum Iulianæ virum, Areobindum maiorem fuisse scribit, singulari certamine in Perside inito illustratum, quem Asturio & Protogene Coss. decessisse ex Matcellino cognoscitur. Falsò item Areobindi & Iulianæ filium hunc esse Olybrium tradit, quo Consule Zeno Aug. obiit, cum non nisi Iustini principatu Consulatam inierit.

Anthemij & insequentium Imperatorum principatu florebat Arbogastes Francus in Gallia, Arigij clarissimi ac ditissimi viri filius, Romanis fidus: præeratque Augustæ Treuironum, (quam urbem Meroueus paucis antè annis direptam & incensam diffidens ab se teneti

CCCC.  
LXXVIII.

13XII.

CCCC.  
XLIX.CCCC.  
XCL.  
12XXVI.

posse reliquerat ) vbi successor Iamblichō Metropolitæ Episcopo voce publica destinabatur. Arbogastis nobilitatem; spectatas belli domique virtutes; religionem; sanctitatem; verecundiam; vrbaneitatem; fortitudinem; iustitiam; temperantiam; elegantiam sermonis Latini, consuetudine & familiaritate cum accolis Barbaris, hoc est cum Francis minimè corruptam Apollinaris Sidonius Aruernorum Episcopus Epistolarum libri IV epistolâ XVII celebrat. eundemque Auspicius Tullenis Antistes Ecclesiæ magno Arbogasti Magistro militum, qui ante annos LXXX Imperatores interemerat, & fecerat, antepōnit. Ex Auspicij ad Arbogastem virum Spectabilem Comitem Treuironum epistolâ versibus trochaicis tetrametris scriptâ pauca quædam ponere operæpretium duxi.

*Pater in cunctis nobilis fuit tibi Arigius,  
Cuius tu famam nobilem aut renouas, aut superas:  
Sed tuus honor, eius est; eiusque, tibi permanet.  
Congratulandum tibi est, o Treuerorum ciuitas,  
Quæ tali viro regeris, antiquis comparabili.  
De magno origo semine descendit sui nominis:  
Certè virtutis eius est, ut Arbogastes legitur.  
Scribantur in annalibus huius triumphī pariter,  
Sicut & ejus scripti sunt, quem supra memorauimus.  
Sed hoc addamus meritum huic, qui verè maior est,  
Quod Christi nomen inuocat religioni deditus.  
Fuit in armis alacer ille antiquus, verum est:  
Sed infidelis moritur, & morte cuncta perdidit.  
Hic autem noster, strenuus, belligerosus, inclutus,  
Et (quod his cunctis maius est) cultor diuinis Numinis.*

Tum etiam Francos, & Vesigothos societatem coiuisse, Euricumque Regem Sigismeri cuiusdam Francorū Regis filio (nam in Francia vno eodemque tempore plures regnabant) filiam suam velut pignus pacis nuptum dedisse auctor est Sidonius, qui in epistola III libri VIII scribit Euricum victorem cum Barbaris ad Vacalim tremētibz sedus innoxisse: & in epistola IX tradit senes Sicambros, hoc est Seniores Maiorēve natu Francorum, legatos de pace ad Euricum Burdigalam venisse, capillo

(vti victis mos erat) pone verticem summisso. Sigif-  
merem quidem *Regium iuuenem*, siue Regalem, cum  
iret in Prætorium futuri foceri, filiæ eius in matris mo-  
nium petendæ causâ, visum à se Sidonius dicit: in-  
cessisse autem pedibus medium inter suos pedisequos  
atque cursores, agasionibus instratos phaleris gemma-  
tis equos ducentibus: fuisse flauo capillo; ore rubi-  
cundo; cándido corpore; cocco, serico, & auro cultum;  
comitatum Regulis, ac sociis, quorum vestitum, habi-  
tum, armaturamque supradictus Auctor ita describit,  
nomen vt gentis non tam præteriisse, quàm superuaca-  
neum existimâsse videatur. Sed non possum non mira-  
ri, quòd Francos, quos nunc Sicambros; nunc Cattos  
appellat, in Francia veteri inter Renum & Albim tan-  
tum, nec vsquam alibi ponat Sidonius: quasi Franci  
ætate eius nondum in Gallia sedem cepissent. Sic cer-  
tè in Panegyrico Auito Aug. dicto Sicambros in ripa  
Reni collocat.

— *Flauis in pocula fracte Sicambris  
Rene tumens.*

Et in eodem Carmine Attilæ Gallias petenti Francos,  
accolas fluminis Vicri, voluntarios expeditionis comi-  
tes iungit:

*Bructerus, vltusâ vel quem Vicer alluit vndâ,  
Prorumpit Francus.*

Sic ibidem post Valentiniani cædem Francos, qui pro-  
uinciam Germaniam primam, & Belgicam secundam  
incurfione vastabant, metu Auiti Magistri militum do-  
mum rediisse ait, Albimve repetisse.

— *Cattumque palustri  
Alligat Albis aqua.*

Et in libello ad Imperatorem Maiorianum.

*Sic ripa duplicis tumore fracto  
Detonsus Vacalim bibat Sicamber.*

In Carmine etiam ad Consentium Narbonensem, virum  
Clarissimum, qui Valentiniani principatu Consistoria-  
nus fuerat, & mox ab Auito Aug. sibi mandatam Pala-  
tij curam egerat, Franciæ amnes appellat Sidonius Va-  
calem, Vicrum, Visurgim, Albim.

*Tu Vicum, & Vacalim, Visurgin, Albim,  
 Francorum & penitusſimas paludes  
 Intrares, venerantibus Sicambriſ:  
 Solis moribus inter arma tutus.*

Sic demum ſuprà *Barbaros ad Vacalim* Francos vocat: nihil vt in Gallia præter inſulam Batauorum inter Valem & Renum poſitam Francis assignare videatur, qui tamen (vt alibi diximus) non contenti pagis Transrenanis, iam inde à Chlodione partem Belgicæ ſecundæ armis occupauerant. quare etiam Sidonius ipſe in libri IV Epistoſarum epiſtola I, ætate ſua Sicambrorum, Alannorum, & Gelonorum, qui cum Alanis in Gallia Honorij principatu confederant, ſoliditatem à Gallis rideri dicit, ferociam timeri: & in epiſtola XV II ius Romanum in terris Belgicis & Renanis pridem abolitum ait, ac ſermonem Latinum. Francos Sidonius nunc Catos, nunc Sicambros appellat, ſecutus veterem Iuuenalis Scholiaſtem, qui Catos, & Sicambros gentes Germanorum ſue Francorum interpretatur. Ceterum feci, vt apud Sidonium in Panegyrico Auito Aug. dicto, vbi Nicer erat Alamanniæ veteris vltra Mænum fluuius in Renum exiens; mutatâ vnâ litterâ Vicer poneretur: & in Carmine ad Conſentium Tuncrum flumen omnibus Orbis ſitus & Hiftoriarum Auctoriſus ignotum ſimiliter in Vicum mutauit. Eſt autem Vicer Franciæ Transrenanæ amnis, opidum ſui nominis attingens, inſuensque in Oceani ingentem ſinum vel æſtuariũ, vulgò Zuiderſeum, hoc eſt paludem Auſtrinam dictum: quem à Claudio Ptolemæo in Germania inter Renum & flumen Amiſium poſitum, vitio exemplarium Vidrum pro Vicro appellari, & hodièque Veſtum vocari animaduerto.

Leone Aug. v ſolo Conſule poſt interregnum, quod per meſes IV dièsque XIV fuerat, Rauennæ III Nonas Martias hortante Gundiuaro Patricio Glycerius ex Domestico Imperium arripuit iniuſſu Leonis Aug. quem ob id Marcellinus & Iordanes dicunt *Tyranni more, & præſumptione magis quàm electione Caſarem factum.*

Eodem anno Fl. Leo Auguſtus, cum Zenonem generum ſuum, Conſularem & Patricium virum, ex Co-



mite Excubitorum, & ex Comite Orientis, vel potiùs (vt quidam dicunt) ex Magistro militum Orientis consortem imperij facere voluisset, atque repugnante plebe Constantinopolitana esset inhibitus; Leonem eius filium, ex Ariadne filia nepotem suum, Augustum appellauit. Quamquam Ioannes Zonaras à Candido Isaurò dissentiens scribit Leonem maiorem capiti Leonis nepotis sui admodum infantis diadema imposuisse, propterea quòd Zenonem hominem deformi corpore ac facie, animo autem longè turpiore ac deteriore, nequaquam Imperio idoneum existimabat.

Tum etiam Widimer, Wandalarij filius, Winitharij Regis nepos, eius, qui apud Senatorem in libri XI epistola I mendosè Munitaurius vocatur; Walameris & Theodemeris Regum frater, patruus Theoderici, qui postea Regnum Italiæ occupauit; Rex partis Ostrogothorum summa rerum omnium inopia compulsus emigravit finibus inferioris Pannoniæ, quam post Attilæ Regis mortem annis ferè XX beneficio Marciani Aug. cum fratribus possederat, atque in Italiam venit, moxque ibidem moriens Widimerem filium reliquit superstitem, cui Imperator Glycerius datis muneribus & mandatis persuasit, vt quemadmodum Beremundus Thorismundi Ostrogothorum Reguli filius antea fecerat, in Galliam, vbi tum Euricus regnabat, profisceretur, & cum Vesigothis hominibus eiusdem & sanguinis & linguæ suas vires iungeret. Similiter Theodemer, ab Iordane Theodemir; à Senatore Theudimer dictus, maior frater Widimeris, Rexque maioris partis Ostrogothorum, cui Imperium Orientis depopulandum fortitò obtigerat, sollicitatus à Geisericò pecuniâ cum suis inferiore Pannoniâ decessit, transitòque amne Sauo Naifum occupauit, quod opidum Ptolemæus Dardaniæ; recentiores Auctores Daciæ Mediterraneæ attribuunt. inde per Vlpianum ingressus Thessaliam, Heracleam & Larissam prouinciæ eius vrbes capit ac diripit, atque Thessalonicam caput Illyrici Orientalis oppugnat: quam cum facile recepturus videretur, Leo Aug. per Hilarianum Patricium muneribus datis pacem redemit, iunctòque

foedere cum Theodemere, Ostrogothis, qui cum eo erāt, sedes in prouincia Scythia minore, nimirum Bereum, Cium, & finitima loca concessit, vbi armis depositis Barbari confedere.

Leone iuniore Aug. Consule Leo senior decessit quo mortuo Imperator Leo minor impulsus à Verina auia & Ariadne matre, consensu & auctoritate Senatus capiti Zenonis patris sui diadema imposuit in Campo ad VII milliariū ab vrbe Constantinopolitana, & coram exercitu Imperatorem eum appellauit, vt Candidus Isaurus, Theodorus Anagnostes, Cedrenus, & Zonaras scribunt. Imperarunt ambo simul paucis mensibus ita tamen, vt filij nomen patris nomini præponeretur. móxque Leo eodem anno mense Nouembri obiit, cū vix annum vnum imperauisset: solusque Zeno Orientis Imperium obtinuit. Hic natus erat Seleuciæ in Isauria patre Rufumbladeoto nobilissimo viro, & Tarasicodisas, aut ( vt Euagrio placet ) Arimæsus vocabatur: sed cū Isauros ad custodiam Leonis Aug. in urbem Constantinopolim adduxisset, filiāque eius Ariadnen in matrimonium accepisset, & Magister militum Orientis esset factus, Zeno maluit appellari nomine Isauri cuiusdam ethnici Flauij Zenonis, qui ad Consulatum, & ad Magisterium militum peruenerat, & accersitus ab Theodosio Principe cū magna popularium manu Constantinopoli bello pressæ auxilium tulerat, Imperatoribusque Theodosio ac Marciano ob nimiam potentiam suspectus ac timendus fuerat.

Eodem anno Zeno Aug. fratris filiam, aut, vt ait Malchus, Verinæ Aug. cognatam Iulio Nepoti Patricio, Nepotiani ex Marcellini Patricij sorore filio, Rauennæ in matrimonium dedit, cūque ibidem per Domitianum clientem suum Imperatorem appellandum curauit: quem ob id Iordanes *Regno legitimo potitum* dicit. Hic est Nepos Magister militum Dalmatiæ, ad quem Imperatores Læo & Anthemius Augusti legem misero Codicis Iustiniani libro VI insertam, datam Kalendis Iuniis Leone Aug. IV Cos. Igitur Nepos deimproviso superueniens in Portu Urbis, quem alij Portum Roma-

CCCC-  
LXXIV.

?

CCCC-  
LXXI.

num; alij Portum Augusti vocant, Glycerium Principatu deiecit, tuncque Salonæ opidi maritimi Dalmatiæ Episcopum fecit, pro Imperio Ecclesiam rectorum: (vt Iordanes in libro de successione regnorum, & Euar- grius tradunt) atque ipse mox Romæ VIII Kalendas Iulias Imperator est consalutatus. Quamquam Marcellinus in Chronico & Iordanes sibi non consentiens in libro de origine Gothorum minimè verisimiliter scribunt Glycerium in Portu urbis Romæ Episcopum constitutum esse: è quibus Marcellinus insequenti anno

CCCC.  
LXXV.

Zenone Aug. II Consule Nepotem Romæ Imperatorem appellatum dicit, sed à Cassiodoro Senatore, & Mario refellitur. Vt appareat falsum esse, quod Euar- grius, secutique cum Paullus Langobardus & Nicephorus Callistus aiunt, Glycerium post quintum imperij sui annum expulsus ab Iulio Nepote, & in ordinem coactum: quem constat sextumdecimum imperij mensem non expleuisse. falsò etiam Victor in Chronico scribit post Olybrij mortem Herculanium nescio quem Orestis filium, qui Imperium arripuerat, cum patre suo interemtum esse, locumque eius Nepotem inuasisse.

¶ Eo tempore florebat Faustus, ex Abbate Monasterij Lerinensis Reiorum Episcopus, Maximi in vtraque dignitate successor, vir doctrina ac pietate eminens. qui prætet Homilias & epistolas volumen de Spiritu sancto, & aduersus Arianos ac Macedonianos libellum edidit, & de Gratia Dei liberòque arbitrio parum probata scripsit: è quibus librum de Spiritu sancto per Riochatum Antistitem ac Monachum, popularem suum pro se Britannis suis misit. vt in libri IX epistola IX ad eum ipsum missa tradit Sidonius, quem secutus Auitus Vienne- nensis Episcopus, in epistola ad Gundobadum Burgundionum Regem, Faustum natione Britannum; domicilio Reiensem fuisse dicit: cum Facundus Hermianensis Episcopus, in libro aduersus Mucianum Scholasticum, Gal- lum eum vocet. quod si verum est, fateri conuenit Fau- stum non in insula Britannia, sed in Britannia cismarina vel Armoricana, parte prouinciæ Lugdunen- sis ter- tiæ, natum esse.

CCCC.  
LXXV.

Post

Post Consulatum Leonis iunioris Aug. vel Zenone Aug. II Consule cū Euricus Vesigothorum Rex, tot turbas occasionem suam ratus, rupto antiquo fœdere ab Oceano & Pyrenæo vsque ad Ligerim Regnum proferre conaretur; Iulius Nepos Imperij fines armis tueri pararet: Epiphanius Ticinensis Episcopus, magnā vir sanctitate morum & auctoritate, legatus ad Euricum venit, (sicuti scribit Ennodius) ferocique Barbaro persuasit, vt pacem cum Nepote æquis conditionibus faceret. Sunt, qui existiment Nepotem Aug. Aruernis & Biturigibus, præter quas ciuitates Romanis tum in Aquitania nihil erat reliqui; Eurico cecidisse, atque ex Sidonij libri VII epistola VII ad dominum Papam Græcum Massiliensem Episcopum missa id intelligi credant. quæ tamen epistola si semel atque iterum perlecta perpendatur, apparebit Sidonium de tam turpi & ignominioso fœdere tamquam de re non comperta sed incertis rumoribus accepta loqui, & cauere sibi ipsum his verbis: *ut fama confirmat: quantum audio. Quare* idem Auctor in eiusdem libri II epistolis posterioribus decimā & XI *periculum se à vicinis timere* ait, (hoc est à Vesigothis) *inuidiam à patronis*; nimirum Burgundionibus: & *semissis muri fragilis angustis clausum* semetu belli dicit: nondum vt tum Aruernos sub imperio Eurici fuisse constet. Certè Iordanes in libro de origine Gothorum Augustonemetum Aruernorum opidum armis occupatum ab Eurico esse indicat. quippe scribit eum contemptu tot annuorum, quadrimestrium, ac trimestrium Imperatorum, præterea Geiserici muneribus impulsū, Galliz obtinendæ causā Romanis bellum intulisse, & *Aruernos Gallia ciuitatem occupauisse*. præfuisse autem vrbi *Romanorum Ducem*, vel Magistrum militiæ *Ecdicium, nobilissimum Senatorem*, Auiti Aug. filium, qui post diuturnam propugnationem, & multa certamina edita; cū Vesigothos repellere non posset, relicta hosti vrbe atque patriā, in tutiora loca sese receperit. Sigebertus quoque auctor est Euricum *Aruernos Galliarum urbem*, hoc est Augustonemetum, Nepotis principatu *inuasisse*. Hic est Ecdicius, frater Papienillæ vxo-

ris Sidonij, cui Iulius Nepos promissam ab Anthemio ob res aduersus Vesigothos gestas Patriciam dignitatem per codicillos contulit: & quem crebris eruptionibus ac furtis magnam Barbarorum stragem edidisse; priuatis opibus contracto exercitu bellum sustinuisse; Burgundionum pauperum amplius IV millia ob sterilitatem procul patriâ vagantium in villis suis pauisse, & redeunte vbertate frugum in plaustra impositos domum dimisisse inuenio.

CCCE-  
LXXV.

Igitur Euricus Rex Vesigothorum Zenone Aug. II solo Consule, cùm Augustonemetum Aruernorum diu multumque frustra tentatum vel armis, vel conditionibus iuris sui fecisset; Victorium Comitem, quem Gregorius Ducem appellat, opido præsidere iussit: & Sidonium Episcopum, virum Romani animi, muris Liuianæ millia passuum XI à Carcassone distantis inclusit: vnde postea Leonis Eurici consiliarij curâ sedi suæ est restitutus. nec dubito, quin Euricus potitus Aruernis, eodem tempore eadēque opera Auaricum Biturigum, & Cæsarodunum Turonum occuparit. At Iulius Nepos Aug. Ecdicium Patricium, quem relictis Aruernis tuta in loca concessisse compererat, ex Gallia euocauit ad sese, & Orestem in eius locum Magistrum militum constituit. Hic notandum est malè Gregorium existimasse Euricum Regem Vesigothorum XIV regni sui anno Aruernis potitum esse: cùm scribit Victorium Ducem ab Eurico anno regni quartodecimo septem ciuitatibus, in primis Aruernis præpositum fuisse, & annos nouem Augustonemeti vel Aruernis versatum esse, cùmque ibi alienas vxores iniret, metu mortis ex vrbe Romam profugisse, atque à Romanis ob libidinem saxi obrutum esse, ante quadriennium quàm Euricus decederet, quem ait Gregorius XXVII regni sui anno obisse, cùm annum imperij XIX non sit transgressus.

Orestes Tatulli Pannonij filius vxorem duxerat Peto- uionensem, patre Romulo genitam Valentiniani Principis Comite, multis legationibus pro Rep. obitis claro, ex eaque filium Romulum Augustum susceperat, quem

veteres Historici ob pueritiam Augustulum; recentiores Auctores Euagrij vitiata exemplaria secuti pro Romulo Momyllum magno errore appellant, & qui in nummis Dn. Romulus Augustus P. F. Aug. dicitur. Is quoddam habitabat in provincia Savia, parte veteris Pannoniæ, Attilæ Hunnorum Regi subiecta, Notarius Barbari fuerat, & scribendarum nomine eius epistolarum officioungebatur, à quo etiam non raro cum mandatis ad Theodosium Aug. Constantinopolim missus est: post Attilæ obitum in Italiam reuerterat, & Patriciam dignitatem erat consecutus. Tum verò ab Iulio Nepote Magister militum factus, tantæque potestate instructus ducendum in Vesigothos exercitum in auctorem dignitatis suæ conuertit: Rauennam omnibus copiis occupauit: fugatûmque Nepotem v Kal. Septemb. imperij mense XV conscensa naui Dalmatiam, cui post Marcellinum auunculum præfuerat, petere coëgit: Romulûmque filium suum admodum puerum Rauennæ pridie Kal. Nouembr. post Nepotis fugam mensibus II Imperatorem fecit, ac cum Geiserico Rege Vandalorum foedus iunxit. Auctor Chronici cuiusdam nuper editi scribit Nepotem Aug. metu Orestis Patricij, qui opprimendi sui causâ cum exercitu Rauennæ appropinquabat, se in nauem contulisse, & ab vrbe Rauienna Salonam fuga petiisse, quod in opidum Glycerium spoliatum Imperio sub Episcopatus titulo paulo antè relegauerat. Dissentit Iordanes à ceteris eorum temporum Historiæ scriptoribus: quippe tradit Orestem, accepto ab Iulio Nepote exercitu cùm discessisset Româ, tamquam in hostes proficisceretur, Rauennam peruenisse, ibique Romulum Augustulum filium Imperatorem appellandum curauisse: quo audito Nepotem relictâ vrbe Româ in Dalmatiam fugisse.

Basilisco II & Armato Coss. Zeno Aug. Verinæ Aug. cccc.  
lxxvi.  
socrus suæ & Basilisci fratris eius insidiis circumuentus, vnâ cum Ariadne vxore fideisque amicis aduersa tempestate in Isauriam fugit: & adiutore Theoderico Triarrij Basiliscus Senator, Consularis vir Imperium Orientis arripuit: cuius iussu Patricius Magister officiorum,

cccc.  
LXXVII.

cui Verina adamato nubere & Imperium conciliare voluerat, occisus est. ac insequenti anno post Consulatum Basilisci II & Armati, postque menses XX, quàm Constantinopoli expulsus fuerat, Zeno pecuniâ corruptis Basilici ducibus recuperavit Imperium. vt docent Simplicii Papæ epistolæ II: altera Basilisco II & Armato Coss. IV Idus Ianuar. data, qua Zenonem hortatur, vt pro Imperatore quædam agat: altera data post Cons. Basilisci II & Armati VIII Idus Octobr. qua eadem de recuperato Imperio gratulatur: & leges Imper. Zenonis Aug. duæ Codicis Iustiniani libro V insertæ: prior ad Ælianum Præf. Præt. missa, & data Kalend. Ianuar. Basilisco II & Armato Coss. posterior ad Sebastianum P. P. data X Kal. Mart. supradictis Coss. ex quo intelligitur errare Marcellinum & Victorem, qui Zenonem in II Consulatu pulsum, Basilisco II & Armato Coss. Imperium recepisse tradunt.

cccc.  
LXXVII.

Basilisco II & Armato Coss. Odoacer Ediconis filius, non eius, quem Edeconem Hunnum Priscus vocat, sed eius, quem Iordanes *Edicam Scirorum Primatem* appellat, Italiæ Regnum occupavit: de quo pauca dicenda sunt. Odoacer apud Eugepium de vita Seuerini Abbat. nunc Odouachar; nunc Odobagar; interdum Otachar vocatur, & cum quibusdam Barbaris venisse in Italiam dicitur, iuuenis procerus, vilissimis pellibus vestitus, moxque (vt Seuerinus proficiscenti prædixerat) Regnum eius obrinuisse. Hunc mendosè Agathias in libro primo aduenam Turenium pro Turcilingo; Marcellinus quoque in Chronico *Gothorum Regem* magno errore appellat, cum postea ab Gothis bello victus sit & occisus. Falsò eundem Iordanes in libro de successionem regnorum *natione Rugum* fuisse ait, quippe quem post subactam Italiam Rugis bellum intulisse constat. Eum idem Auctor in libro de origine Gothorum *Odomacrem Turcilingorum Regem* gentis ignobilis vocat, & secum Sciros, Erulos, ac variarum nationum auxilia habuisse tradit, quibus fretus Italiam occupauerit. Sciri autem, quos Sozomenus Scirros, Sidonius Sceros appellat; & Eruli, vel Eluri, Scythicæ gentes tum super



Danubium colebant. Igitur Odoacer Basilisco II & Ar-  
 mato Coss. ab extremis finibus Pannoniæ Italiam petit, cccc.  
LXXVI.  
 & itinere per Noricum factò, atque Alpibus Iulius su-  
 peratis, cum magna Scirorum & Erulorum manu pri-  
 mum Venetiam ingreditur, mox Liguriam. (sictum re-  
 gionem Transpadanam vocabant) ibi Orestem Patri-  
 cium Imperatoris patrem victum acie Ticini obsidet,  
 potitúsque opido viuum capit, & transito Pado apud  
 Placentiam Æmiliæ urbem occidi iubet: atque Paullum  
 fratrem eius ad Pineta prope Classẽ portum Rauennatẽ  
 proelio pulsum interficit: deinde Rauennam in-  
 gressus Romulo Augusto Imperium abrogauit, misera-  
 túsque formam ac ætatem eius, quamquam instiganti-  
 bus in cædem amicis, puero non solùm vitam, sed et-  
 iam sex solidorum millia annua dedit, in Lucullanum  
 Campaniæ castellum cum propinquis suis amoto, quod  
 Senator in libri VIII epistolâ XXV, & Gregorius Ma-  
 gnus castrum Lucullanum; Suetonius villam Lucullia-  
 nam appellat. Ita Odoacer occupatâ Italiâ, abolito in  
 Occidente Imperatoris nomine, sine purpura regiõque  
 insigni Regis nomen assumpsit. Quæ Romanis Orienta-  
 libus, vel Græculis causa fuit eos, qui postea Italiæ Oc-  
 cidentisq; Imperium obtinuerunt, Latino nomine Πῆγας  
 vocandi. adeò vt ægrè nec nisi belli metu Imperator Mi-  
 chaël leges pacis à Carolo Magno, quem Romanorum  
 Imperatorem Augustum vocari indignabatur, dictas  
 acceperit, quibus ipsum per legatos Αὐτοκράτορ, & Βα-  
 σιλία appellare iubebatur: Basiliúsque Macedo homo  
 ignobilis, Saracenis & Bulgaribus obnoxius, Ludoui-  
 cum Aug. Caroli Aug. pronepotem per litteras mo-  
 nuerit, ne alienos titulos & indebita honorum voca-  
 bula vsurpare perseueraret, sed vnum Basilium Βασιλεία  
 τῶν Ρωμαίων Cæsarem Augustum; se tantummodò Πῆγας  
 τῶν Φράγγων & esse & dici oportere meminisset. Quare  
 Willelmus Tyriorum Archiepiscopus in Historiæ libro  
 sextodecimo tradit Græcos iniquo tulisse animo Ger-  
 manorum Regem, velut Imperij æmulum, & Constan-  
 tinopolitano Imperatori dignitate æqualem, *Imperato-  
 rem Romanorum* dici, eaque appellatione plurimum de-



trahi Principis sui maiestati existimauisse, quem ipsi Μονάρχω, tamquam Romanorum unicum & solum Imperatorem appellarent. Quasi verò non Βασιλεὺς tam Regem quàm Imperatorem significet, multòque ante Imperatores Romanos non magnarum gentium modò; sed etiam vnius vrbs Regibus ab veteribus Græcis hoc nomen delatum fuerit: aut quasi non Imperatores ipsi & Augustæ, Reges ac Reginae ab Auctoribus sæpe dicantur. Certè, vt alios omittam, Plinius Secundus initio libri XXI Valeriam Messallinam Aug. Claudij Cæs. Reginam vocat. Claudianus quoque in Epithalamio Honorij Aug. & Mariæ Mariam Reginam appellat. & Seuerus Sulpicius in libris de vita Martini Constantium Principem Constantini Maximi filium, Regem; Valentinianum maiorem & Clementem Maximum sæpiùs Reges quàm Imperatores; Maximi autem coniugem Reginam semper nuncupat. Similiter Hydatius prouinciæ Callæciæ Episcopus in Chronico Pulcheriam pro Augusta Reginam vocat. & Marcellinus Comes Illyricianus Imperatorem Theodosium minorem, Theodosium Regem; & vxorem eius Eudociam Reginam appellat. Sed nimirum Græculi hosce imperij titulos studiosius quàm Imperium ipsum semper seruauere, quanto magis eos amplificassent, tanto potentiores se habendos rati. Sic postea Comneni, ac Palæologi Principes, quantum imminuto Imperio tantum vanitate crescente, Aulicorum cateruas augebant: & dum foris premebantur à Turcis, pro Euphrate ac Nilo Mæandro clausi & Eurymedonte amne Pamphyliz, nouas domi dignitates excogitabant. cùmque antea Augusti, Traiani, Antonini, Seueri, Diocletiani quoque, & Constantini florentissimis rebus Romanis non aliter quàm Αυτοκράτης Καίσαρ, Σεβαστοκράτης, Καίσαρ, Πρωτοβέσις, Παυσιπρωβέσις; & Παυσιπρωβέσις appellari iubeant, vt viderentur plusquam Imperatoribus & Augustis imperare. Ceterum, vt redeam vnde digressus sum, Auctor Chronici ab Ioanne Cuspiniano editi scribit Basilisco

salutatam esse, Orestemque Patricium Placentiæ v Kal. Septembr. Paullum apud Rauennam pridie Nonas Septembres occisum. Ego Cassiodoro Senatori, Auctori Chronici à doctissimo viro Henrico Valesio fratre meo vulgati, Sigeberto, ceterisque assentiri malo, qui Oreste & Paulo interfectis Odoacré Regem appellatū dicunt.

Non fuit contentus Odoacer finibus Italiæ. itaque Basilisco II & Armato Coss. Siciliam Vandalicis latrociniiis & opidorum expugnationibus diutissimè infestam ac vastatam (vti ait Victor Vticensis) pacto tributi recepit ab Geisericō Rege Vandalorum: ac post Consulatum Basilisci II & Armati Bracilam Comitem, quem quidam Brauilam appellant, sibi suspectum v Idus Iul. Rauennæ interemit. Idem Senatum Rom. & Romulum legatos ad Zenonem Aug. mittere coëgit, qui Imperij insignia, & omnia ornamenta Palatij ad eum reportarent, dicerentque Occidentales proprio Imperatore non indigere, sed communem vtrique Orbi vnum Imperatorem Zenonem sufficere: ob id Odoacrem ab ipsis promotum esse, virum Reip. defendendæ idoneum, & belli pacisque artium peritum: orare se nomine Senatus, atque obsecrare Zenonem, vt Patriciam ei dignitatem codicillis, & Italiam administrandam daret. Legatis Zeno Aug. respondit è duobus, quos ex Oriente Imperatores acceperant, Anthemium ab Senatoribus occisum; Iulium Nepotem in Dalmatiam expulsū esse: cui viuō parere eos, ac neminem alium præferre oportere. Odoacrem rectè atque ordine facturum, si à Nepote Aug. Patriciam dignitatem peteret, votique sui compos factus vestitu & habitu Romanis conueniente vteretur, & Imperatorem, à quo tantum honorem affectus esset, beneficij memor coleret. Nihilominus Zeno in litteris, in quibus Patriciam dignitatem Odoacri negabat, Patricium eum appellauit. Alius à superiore legationis mentionem facere videtur Candidus Isaurus in libro Historiæ II apud Photium, cū ait, post Imperatores Nepotem & Augustulum expulsos, Odoacrem Italiæ & vrbis Romæ imperium obtinuisse: Gallosque, quotquot adhuc Romanæ ditionis erant, tu-

cccc.  
LXXVI.cccc.  
LXXVII.

multum mouisse, ac Odoacris imperium aspernatos esse: atque eum ipsos; tum Odoacrem de ea re legatos misisse ad Zenonem Aug. qui in Odoacrem magis studiis inclinauerit. Eo ipso tempore, quo legatos ad Zenonem Senatus miserat, legati à Iulio Nepote venerunt Constantinopolim, qui Zenoni receptum recens Imperium, & Basiliscum Tyrannum oppressum gratularentur: orarentque, ut eum idem passus esset, quod Nepos; non ignarus mali calamitoso opem ferret, eumque ad recuperandum Principatum auxiliis & pecuniâ iuaret. Legatis quid Zeno responderit, Malchus non scribit, sed Theodericum Valameris filium, Ostrogothorum Regem, atque Patricium, Zenone Aug. III Cos. post depopulatam Græciam cum Adamantio Patricio de pace agentem dixisse prodit paratum se esse, si Imperator iuberet, ex Dalmatia Nepotem expellere. ut videatur Zeno Aug. opprimendi Nepotem magis quam in Imperium reducere consilium inuisse. Et ille miser anno V post amissum Imperium Basilio iuniore Consule V II Idus Maias insidiis Glycerij Episcopi Salonitani, quem Principatu deiecerat; peritus ac circumuentus perit, sicuti Malchus scribit: vel (ut auctor est Marcellinus) Viatoris & Quidæ Comitum suorum scelere haud procul ab opido Salona sua in villa oppressus est & occisus. Hunc Quidam natione Gothum, Cassiodorus Senator in Chronico Odiuam mendosè appellat, & insequenti anno Placido V. C. Cos. in Dalmatia, quam interemto Nepote sibi vindicabat, ab Odoacre victum, & cæsum esse tradit.

cccc-  
lxxxix.cccc-  
lxxx.cccc-  
lxxvi.cccc-  
xxvii.cccc-  
xxvii.cccc-  
xxxix.

Basilisco II & Armato Cos. sub anni exitum Geisericus Rex Vandalorum & Afrorum decessit: quem Hydatius ait anno IV post Honorij Aug. interitum Gundérico fratri successisse, & insequenti anno cum omnibus Vandalis mense Maio Hispaniæ finibus emigravisse: Prosper in Fastis melius Hierio & Ardabure Cos. ex prouincia Bætica transisse in Africam dicit. Obiit Geisericus anno regni sui & aduentus in Africam I; non (sicuti Isidorus putat) LX, post captam Carthaginensem XXXVII mense III: quam urbem XIV Kalend. Nouemb. Theodosio XV II & Festo Cos. non (ut ait Hy-

Hydatius ) anno XV post Honorij mortem , hoc est cccc-  
xxxviii.  
 Theodosio XVI & Fausto Coss. occupauerat, Regniq̃ue  
 sedem delegerat. vnde à Damascio Carthaginensium  
 Rex appellatur. Victor Tununensis Episcopus magno  
 errore decessisse Geisericum scribit XL regni anno Ru-  
 sticio & Olybrio Coss. qui est annus XXXVIII post ad-  
 uentum in Africam Geiserici, ante eius obitum XIII. cccc-  
lxiv.  
 Idémque Hunericum Geiserici filium regnauisse annis  
 VII mensibus VI, & tamen Zenone Aug. III Consule cccc-  
lxxix.  
 obisse dicit, id est anno XV post Consulatum Rusticij  
 & Olybrij. Mortuus est autem Hunericus Theoderico  
 & Venantio Coss. cuius regni annos V Victor ad Gun-  
 thamundi successoris eius duodecim annos adiunxit, cccl-  
xxxiv.  
 vt in trium insequentium Regum annis digerendis  
 temporum ei ratio constaret.

Post Gundicarium parentem suum apud Burgundio-  
 nes regnasse Gundiucum, & Chilpericum in libro III  
 diximus. è quibus Chilpericum Andreas Duchenius  
 Gundiuci filium, fratremque Gundobadi fuisse falsò  
 tradit: cùm Auiti principatu, nimirum anno LXI ante  
 Gundobadi interitum, Chilpericus vnà cum Gundiuco  
 iam in Burgundia regnaret, vt prodidit Iordanes. Gun-  
 diucum autem vel Gundeucum Fredegarius Gundio-  
 chum; Ado mendosè Gundoucum; Gregorius Gun-  
 diuicum appellat, ac genus eum duxisse ait ab Athana-  
 rico Rege Teruīngorum Gothicæ gentis, qui populares  
 Christianos varijs supplicijs affecit, & Regno expulsus  
 à suis, Constantinopoli Theodosio maiore imperante  
 decessit: quo tempore Teruīngi cum Taifalis in Dacia  
 vetere Transdanubiana; Burgundiones in Germania  
 sedes habebant, alteri ab alteris multis magnisque re-  
 gionibus ac fluminibus diuisi. tamen Agathias quoque  
 Burgundiones nostros, Burguziones gentem Gothicam  
 vocat. Gundiuco IV filij fuerunt Gundobadus; Go-  
 degisilus; Chilpericus, vel Hilpericus; & Godomarus;  
 qui & Gundomarus, ac Gotemarus dicitur. Hi post  
 patris patrūque mortem circa initia regni Odoacris  
 apud Burgundiones regnare cœperunt: cùm iam Gun-  
 diucus & Chilpericus regiones ripis fluminis Rhodani

Ararique proximas, quas Magistri militum ipsi à Barbaris antè defenderant, & in potestate Imperatorum Rom. retinuerant, post euersum Occidentis Imperium egentes præsidij nec inuitas Sapaudie sue adiecisse nt. Hos fratres excepto Chilperico Chrothildis patre Arianos cum popularibus suis fuisse videtur indicare Gregorius initio libri III Historiæ. quippe Godegisilum, Gundobadum, & Godomarum Hæreticos vocat, atque ob hæresim Regnum simul & animas perdidisse ait, non omisurus Chilpericum eorum fratrem, si & ipse Arianus fuisset.

Circa idem tempus eadem, quâ Burgundiones, occasione inuitatus Euricus Vesigothorum Rex per Hispaniam & Galliam longè latèque Regni terminos promouebat. Auctor est Iordanes Geisericum missis ad Euricum & Theodemerem Reges legatis cum muneribus id egisse, vt Vesigothis Occidentem; Ostrogothis Imperium Orientis vastantibus, ipse quietus & à Leonis ac Zenonis insidiis tutus in Africa regnaret. Igitur Euricus Pompelonem, Cæsaraugustam, Tarraconem, ac totam Hispaniam superiorem sub ditionem suam subiunxit, reuersusque in Galliam Arelatum, & Massiliam Græcorum cepit, & victis Burgundionibus Vesigothici imperij æmulis, quibuscum postea pacem fecit, usque ad Alpes Ligusticas, vel Maritimas fines Regni prolatauit. Auctor Appendicis, quæ Chronico Victoris Tununensis Episcopi inserta est, Anthemij principatu Iordane & Seuero Coss. vrbes Arelatum ac Massiliam à Gothis occupatas falsò dicit. quippe Procopius in belli Gothici libro I tradit Odoacrem, quem, quòd iniussu Zenonis Aug. in Italia regnauerit, *Tyrannum* appellat, iacentes inter Rhodanum & Alpes terras Vesigothis donauisse. Quo magis miror Gregorium in Historiæ libro II prodere prouinciam Massiliensem Chlodouei principatu sub Regum Burgundionum imperio fuisse. cum non solùm Arelatum, Massiliam, Aquas Sextias, Forum Iulij, Antipolim, Diniam, Sanitium, sed etiam Auenionem Alarico Eurici & Ragnahildæ filio paruisse ex Episcoporum, qui permissu eius Messalla Cos.

CCCC-  
LXX.

IOVI.

Agathæ conuenere, subscriptionibus cognoscam : & cum apud Fredegarium in Chronico, atque in testamento Caroli Magni Prouinciam à Burgundia distinguam animaduertam.

Quid rerum interea reuocatus in Galliam Childericus egerit, quot & quantas victorias ex hostibus tulerit, quemadmodum vsque ad flumen Ligerim Regnum protulerit, scire difficile est. siquidem Gregorius, ceterique nostri Historici veteres paucis tantum memorie prodidere ab Francis Coloniam Agrippinam expugnatam, adeò vt Ægidius multis suorum amissis ex vrbe profugeret: depopulatisque agris, qui intererant, coloniam Augustam Treuironum captam, & incensam esse: ac Childericum Regem Francorum magnâ manu ad Aurelianos, hoc est Genabum Carnutum contendisse, ibi prælia commisisse, agrumque vrbis vastauisse. Sub id tempus Adouacrium, quem Gregorius Odoacrium, Fredegarius Odouacrum Saxonum Regem appellat, nauibus Galliam petiisse, & flumine Ligere subeuntem Iuliomagum, vulgò Andecaui dictum venisse, magnam in opido cædem fecisse, cognitâque Ægidij morte ab opidanis & finitimorum locorum incolis obsides accepisse. tum Paullum Comitem cum Gallis, quos Romanos vocant, & cum Francis auxiliariis bellum intulisse Gothis recenti victoria de Riothimo Britannorum Rege exsultantibus, atque ex eorum agro prædas egisse. postridie autem eius diei, quo die Adouacrium Iuliomagum intrauerat, Childericum deimproviso superuenisse, interfectoque Paulo Comite, qui ei præerat, urbem per vim occupauisse: Adouacrium naue profugisse. (quamquam quidam auctores sunt Iuliomagum absente Adouacrio ab Childerico captum) deinde ab Gallis prælio fusos, fugatosque Saxones insequentibus victoribus multos suorum gladio amisisse: insulas Ligericas, in quibus tamquam in stationibus opportunis deponendæ prædæ causâ hiberna munierant, cum magna strage à Francis captas euersasque esse. postea Adouacrium Saxonum Ducem cum Childerico pacem ac fœdus iniisse, & iunctis ambobus viribus in Ala-

cccc.  
lxxxi.

mannos, qui partem Galliæ peruaferant, expeditionem fecisse: quibus victis Childericum Francorum Regem, cum Samarobriam Ambianorum reuerteretur, morbo interiisse XXIV regni anno vertente, hoc est Placido V. C. Consule.

Ceterum notare conuenit, id quod vetus Auctor Historiæ Franciæ tempore Gregorio proximus, Hincmarus in libro de vita Remigij, & Sigebertus scribunt, Coloniam Agrippinensem & Augustam Treuironum à Francis captas suprà dici, non (vt putat Rorico Monachus) ab Childerico. quippe Coloniam Agrippinam Vbiorum, Chlodoueo regnante, Sigiberti senioris cognomine Claudi Francorum Regis sedem fuisse tradit Gregorius in Historiæ libro II, quæ vrbs si à Childerico occupata fuisset, nemini alij quàm Chlodoueo eius vnico filio ac successori fuit haud dubiè paritura. Ex quo intelligitur Coloniam saltem (ne de Treuiris loquar) à patre Sigiberti Regulo partis Francorum, & propinquo Childerici Regis expugnatam, ac filio cum Regno relictam esse. Aurelianos autem Hincmarus de vita Remigij, Aimoinus ac Sigebertus, ab Childerico captos aiunt: è quibus Aimoinus prodit Childericum apud Aurelianos pugnauisse cum Adouacrio Saxonum Duce, quem victum fugientemque persecutus Iulio-magum Andecauorum cum non reperisset, urbem ipsam expugnauisse, Paullumque Comitem interfecisse, atque ita vsque ad flumen Ligerim prolato Regno suo Aurelianos & Andecauios capita gentium adiecisse. Et ita de Aurelianis videtur sensisse Gregorius: tametsi enim in libri II capite XVIII tantum tradit Childericum ad Aurelianos pugnas commisisse: tamen in huiusce capitis inscriptione ait *Childericum Aurelianos; Adouacrium Andecauios venisse*: vt intelligamus, quemadmodum Adouacrius Andecauios cepit, sic & Childericum Aurelianis potitum esse.

Saxones quidem & tùm, & sæpe antea modò soli, modò iuncti finitimis Francis, oram Galliæ Belgicæ, & Lugdunensis latrociniis infestauerunt, ad eò vt in tractu Armoricano, & in prouincia Belgicâ II circa Granno-

nam & Marcos, quemadmodum & in insula Britannia, *Lisna Saxonicum* ab his prædonibus populatoribûsque suis sit cognominatum. multiq; Saxones non contenti præda Gallicana, iam abollto in partibus Occidentis Imperatoris nomine, in finibus Baiocassium confederunt, quos Saxones Baiocassinos Gregorius in Historiæ libro V ac X appellat, & quorum pagum Carolus Rex Francorum, Ludouici Aug. filius in legibus Siluaci latis *linguam Saxoniam* vocat. multi etiam ex eadem gente in agro Namnetico sedem cepere, quamobrem Venantius Fortunatus in Carminum libro III Felicem Namneticum Episcopum Saxones mansuefecisse, & Christianis mysteriis initiauisse scribit.

Similiter Alamanni non contenti Sueuiâ & Rætix parte maiore, transito Reno in finibus Galliæ, quam incursionibus sæpe vastauerant, confedere: agrûmque Heluetium, monte Iura ab Sequanis; lacu Lemano ac flumine Rhodano à Sapiaudia & prouincia Viennensi diuisum, armis occupauere, Alamanniâque appellauere, quorum Alamannorum Gallicanorum Seruius Honoratus Grammaticus in Georgicôn libri IV versum CCLXXVIII, & Isidorus Hispalensis Episcopus in Originum libro IX mentionem faciunt: quippe scribunt *populos habitantes iuxta Lemannum fluiuium*, cum, de quo Annæus Lucanus loquitur, (lacum debuerunt dicere) *Alemanos vocari*. Seruius autem Flauio Honorio imperante viguit, vt appareat eius principatu Alamannos in agro Heluetiq; iam sedem habuisse. Præterea Gregorius Episcopus Turonicæ Ecclesiæ tradit *Iura deserta inter Burgundiam & Alamanniam* (hoc est inter Sequanos, & Heluetios) *sita vrbi Auentico adiacere*, qua in Alamannia eremôque Lupicinus ac Romanus fratres tria Monasteria statuerint. Hi sunt Alamanni, quos Fredegarius in Chronico, bello ciuili inter Theodobertum ac Theodoricum germanos orto, cum Transiurenensibus, id est cum Sequanîs pugnauisse ait, & à quibus Aimoinus in Historiæ libro I, ac Hugo Monachus pagos Heluetiorum incolæ produunt.

Seuerinô iuniore, & Trocundo Coss. regnare cœpit <sup>cccc-  
lxxxii</sup>  
Gg iij



Chlodoueus, Childerici Francorum Regis filius, XV annos natus, cuius de nomine, quo nullum peius acceptum, aut sæpius mutatum fuit, pauca dicenda sunt. Alcimus Ecdicius Auitus Viennensis Episcopus, Venantius Fortunatus Presbyter in Carminum libro IX, & quidam alij Chlodouechum Regem eum appellant. ipse in epistola ad Ecclesiæ Gallicanæ Episcopos post victum Alaricum missa Chlothouechum Regem se vocat. Similiter Episcopi, qui Felice Consule in vrbe Aurelianis conuenerunt, *Dominum suum, Catholica Ecclesiæ filium, Chlothouechum gloriosissimum Regem* nuncupant. Idem apud Cassiodorum Senatorem Luduin; & apud Iordanem Lodoin Rex Francorum, utrobique corruptè pro Luduui, & Lodoui dicitur. Certè in præfatione legis Salicæ *Lodoueus pulcher, & inclytus*; in libello de vita Romani Rotomagensis Episcopi Ludouius; nonnumquam in veteribus libris Clodouius, & cum adspiratione Hludouuius appellatur. Agathias Scholasticus in rerum gestarum Iustiniani Aug. libro I hoc nomen, quod ore Græco concipi nequibat, corruptit, & omisâ litterâ vnâ pro Chlothoueo Chlothozum dixit. Paullus Langobardus, & Freculfus Lexouiorum Episcopus Ludouicum vocant; Hincmarus quoque de vita Remigij Hludouuicum, & Chlodouuicum, vel Hludouuicum, maximum omnium ante se Franciæ Regum, fortissimûmque; Sigebertus in Chronico Ludouuicum. Denique Imperator Ludouicus Pius ei ipsi Principi se cognominem esse ait apud Frodoardum in Historiæ Remensis libro II, qui Auctor nunc Clodouicum; nunc Ludouicum, Ludouuicum, & Lodouicum nuncupat: quemadmodum Herimannus in Chronico Ludouuicum, eundem & Chlodouicum magnum Francorum Regem esse, dicique non semel tradit: & Aimoinus in Historiæ libro IV Chlodouicum Dagoberti filium, Hlodouicum etiam vocatum scribit. ex quo intelligitur Chlodoueos Francorum Reges à Ludouicis non magis, quàm Chlotharios ab Lorthariis distingui oportere. In veteri stemmate, quod edidit Andreas Duchenius, Chlodoueus noster Childeuius appellatur, & Chlode-

rici, hoc est Childerici, filius; Chlodebaudi nepos; Chludij, vel Chlodionis pronepos; Faramundi abnepos; Hlodmari frater; Hildeberti, Theoderici, & Hlotharii pater fuisse dicitur, nullâ factâ Merouci mentione, quem Chlodouci auum paternum fuisse constat. Hlodmarus quidem, qui Chlodouci frater ibi appellatur, videtur pro Chlodomere vno è quatuor eius filiis ac successoribus positus esse.

Venantio & Theoderico Coss. Euricus Vesigothorum Rex XIX, vel (vt quibusdam placet) XIX regni sui anno Arelati, herede Alarico filio, excessit è vita: quem Auctor Appendicis Chronico Victoris Tununen-<sup>CCCC-  
LXXXIV.</sup> sis Episcopi insertæ Leone Aug. III & Tatiano Coss. interfecto fratre Regnum inuasisse, ac Symmacho V. C.<sup>CCCC-  
LXVI  
CCCC-  
LXXXV.</sup> solo Consule, hoc est vndeicesimo post anno obiisse, & tamen XVI tantum annis regnauisse tradit; Gregorius maiori errore XXVII. Eo regnante Vesigothi leges scriptas habere cœperunt, apud quos antè mos maiorum pro legibus erat. Euricum autem, quem modò Eoricum, modò Euarigem appellat, non multo antequam interiret, Catholicos in Galliis, præsertim in Nouempopulana & *utraq*ue Germania persecutum esse in Historiæ libro II prodit Gregorius, *truncasse passim* de Deo rectè sentientes, Arianamque hæresim exosos: Clericos in vincula coniecisse: Sacerdotes partim in exsilium egisse, partim interfecisse: & Ecclesiarum aditus spinis obserari iussisse: exstare hodièque Sidonij epistolam ad Basilium Episcopum ea de re scriptam. Et ita quidem Gregorius loquitur: at Apollinaris Sidonius in supradicta epistola, quæ in Epistolarum libro VII sextum locum obtinet, tantum ait Crocum & Simplicium Episcopos sedibus suis expulsos, relegatosque esse: & apud Burdigalenses, Petrocorios, Rutenos, Lemouices, Gabales, Elusates, Vafates, Conuenas, Auscos, ac plerasque alias vrbes, hoc est in Aquitania prima, Aquitania secunda, & Nouempopulis, *summos Sacerdotes morte truncatos*, id est sua morte mortuos, nec vllos Episcopos in defunctorum locum substitutos esse: desertas rusticas parochias: & aut la-

plā Ecclesiarum. culmina; aut *valuarum cardinibus auulsis Basilicarum aditus uepribus obstructos*: cāmque *Catholici status valetudinem occultam* appellat, ac Euricum *non tam Romanis urbibus, quā legibus Christianis insidiaturum* videri sibi scribit. Ex quo iudicari potest, qua fide Gregorio credere nos oporteat, qui sic Auctores intellexerit. *Geminam autem Germaniam* vocat suprà Gregorius vtramque prouinciam Aquitaniam, credo quòd ab Vesigothis gente (vt putabat) Germana teneretur: videturque imitatus more suo Apollinarem Sidonium, qui prouinciam Lugdunensem primam in libri V epistola VII *Lugdunensem Germaniam* appellauit, propterea quòd à Chilperico priore, Magistro militum, & Rege Burgundionum gentis Germaniæ possidebatur.

Ægidius Magister militum, atque Patricius, natione Gallus, moriens filium reliquerat superstitem nomine Syagrium, quem Gregorius *Romanorum*, hoc est Gallorum, *Regem*; Fredegarius & Ainoinus *Romanorum Patricium*; *Principem Romanorum* Hincmarus appellat: quòd forsitan nonnullas regionum vrbiūque Galliæ, quas pater eius in potestate Imperatorum retinuerat, post euersum Occidentis Imperium in formulam regni redeigisset. In eum Chlodoueus, non ignarus occupati ab Ægidio paterni Regni, hereditarium odium exercebat, & claras Galliæ Belgicæ vrbes ab homine Gallo tamquam æmulo imperij sui teneri indignabatur. Igitur V regni anno Decio & Longino Coss. coactis omnibus copiis, Ragnachario etiam Rege partis Francorum cognato suo à Camaraco accito, bellum Syagrio infert, ingressusque fines Sueffionum diem pugnae locumque ab eo petit, nec Syagrius detrectauit certamen, victusque acie Tolosam ad Alaricum Vesigothorum Regem perfugit. Eo bello Chararicus Francorum Regulus accersitus à Chlodoueo procul cum exercitu constitit, euentum proelii speculaturus, & cum victore amicitiam conciliaturus: quæ eidem postea causa exitij fuit. Chlodoueo sub belli denuntiatione Syagrium deposcente, Alaricus metuens, ne alienæ cladis accessio fieret,

cccc-  
lxxxvi.

ret, (vt timere Gothis mos erat) vincum legatis tradidit. quem Chlodoueus custodiendum vinculis, dum eius Regnum occuparet, deinde clàm iugulandum curauit. ita Augustam Sueffionum, Syagrii regiam, necnon Durocortorum Remorum, vt opinor, aliàque cōplura opida & castella imperio suo subiunxit. Accidit tum res digna memoriâ. milites Franci post spoliatas multorum locorum Ecclesias, apud Durocortorum Remorum vasa omnia, quibus ad res diuinas vti mos est, in primis vrceum ex argento maximum pulchertimūque sustulerant. cuius iacturâ motus Remigius Remensis Ecclesiæ Episcopus quosdam homines ad Chlodoueam misit vtceū suppliciter repetitum: quos Rex Augustam Sueffionum sequei se iussit. vbi prædâ in medium collatâ cū vrceum, extra sortem, ac super partem suam, postulanti ei dedisset exercitus, vnus è militibus temeritatis ac impudentiæ incredibilis elata voce simul ac bipenni vrceum impulit, Regem in vas nisi sortis beneficio ius habiturum negans. & Chlodoueus quidem, mirantibus vniuersis leuitatem hominis ac cōtumaciam, dolorem preffit, acceptūque vrceum Ecclesiæ, vnde etat, restituendum curauit: sed insequenti demum anno ostendit memoriam facti in animo suo non exoleuisse. Tum Frāci quotannis Kal. Mart. in campum atmati & ad bellum parati conuenite consueuerant, idque conciliū *Campum Martium*, & *Martii Campum* appellabant. quem conuentum cū post Pipinus maior sexto regni anno in mensem Maium differre ad colligendum populi fauorem maluisset, *Campum Maium*, vel *Maij Campum* vocare coeperunt. Huiusmodi Chlodoueus indicto concilio cū exercitum recenseret, singulosque circuitet ac tēcognosceret, ad supradictum militem accessit: eius atma diu multūque inter manus versans negauit terfa, acuta, & ad pugnam habilia esse: securim etiam, tamquam hebes esset, de industria abiecit in terram. ad quam colligendam cū sese miles inclinauisset, elatam altē securim suam Rex inopinantis capiti infixit, adiectis etiam verbis: sic supetiore anno vrceum petcussisti. ea cæde Francos obsequentiores ac reuetentiores sui red-

ditos, quòd à bello vacabat, domum redire omnes iussit. Ceterùm notare conuenit vrbs nomen, ex qua vrceus raptus est, ab Gregorio omitti, quam urbem Fredegarius, Hincmarus, & Frodoardus Remos nomine gentis vocant. è quibus Hincmarus scribit Chlodoueam Durocortorum Remorum intrare noluisse, ne quam opidani ab armatis iniuriam acciperent: quosdam tamen Francorum insciente Rege vr-  
bem ingressos sacra vasa, vrceumque abstulisse.

ccccl-  
xxxvii

Boëthio V.C. vnico Consule Odoacer Rex Italix Rugos domuit, de qua gente quæ ex Eugenio aliisque didicimus, huic loco inferenda sunt. Rugi, Christiani quidem, sed Arianarum partium, Regibus Hunnorum parere, & post Attilæ mortem recuperata libertate, pars in Danubij vltiore ripa contra Noricum confedere: pars Bizyam & Arcadiopolim Thraciæ vrbes beneficio Marciani Aug. possedere. Apud priores regnauit Flacitheus, qui ab Ostrogothorum Principibus Theodemere & Widimere commeatum transendi in Italiam petiit, nec impetrauit, ac non multo post decedentibus Pannoniâ Ostrogothis metu liberatus est. Flacitheo patri successit Feletheus, idem Faua & Feba dictus, cuius frater Fridericus, vt erat pauper, & impius, Monasterium Seuerini Abbatis paullo antè defuncti diripuit, atque intra mensem ab Friderico Fauæ fratris filio interfectus prædam cum vita amisit. Qua re cognita Odoacer, tametsi Arianus, indignatus spoliatum esse Monasterium sanctissimi ac beatissimi viri, quem tanti viuum fecerat, nihil vt petenti denegaret, Rugis intulit bellum: Feletheumque Regem gentis acie vicit, & cum Gisa vxore, femina crudeli & auara, captum in Italiam adduxit Boëthij Consulatu, nec multo post occidit: atque ob id à Iordane non solum Turcilingorum; sed etiam Rugorum Rex appellatur. Quamquam Paullus in Historiæ Langob. libro I tradit Odoacrem fretum non solum Turcilingis, Erulis, ac Italis, sed etiam parte Rugorum iamdudum sibi subiecta, Feletheo bellum intulisse. Fridericus fugâ salutem petiit, moxque hoste Rauennam reuerso, similiter domum rediit, ac Regnum

cccci-  
xxxvii

recepit. Quamobrè Odoacer Aonulfum, vel Aunulfum fratrem suum cum magno exercitu aduersus eum misit, & vniuersos opidorum Norici ad ripam Danubij positorum incolas, continuis finitimorum Barbarorum incursionibus vexari solitos, cum suis omnibus transferri in Italiam iussit. Ita Norici sedibus suis emigrauerunt, & assignatos sibi in variis Italiae regionibus agros coluerunt. At Fridericus Felethi Regis filius iterum donto expulsus ad Theodericum Ostrogothorum Regem, qui tum Nouas, Mœsiae inferioris urbem, sedem habebat, per fugit, hominemque inquietum spe occupandae Italiae in bellum impulit, quod antequam exponam, Theoderici res gestas, omissis fabulis, quas Aimoinus & Rorico de eo finxere, ab origine repetere conuenit.

Theodericus, à Marcellino Valamer; à Germanis scriptoribus Veronensis cognominatus, Valameris; non (vt Iordani placet) Theodemeris Ostrogothorum Regis ex Erelieua pallaca filius, apud Leonem Aug. patris patruorumque obses per annos X fuit. remissus ad suos XV III ætatis anno Babai Sarmatarum Regem de improviso victum occidit: & patre patrisque mortuis Rex salutatur. tunc ab Zenone Aug. qui præclara eius operâ in recuperando Imperio usus erat, Patricius creatur, per arma filius adoptatur, atque Magisterium militiæ Præsentis consequitur, Consul etiam ordinarius cum Venantio designatur, & statuâ equestri ante fores Palatii posita honoratur. eidemque nihilominus Thraciam & Illyricum crebris incursionibus vastanti, resque suas sibi à Romanis ademptas bello repetenti, pars Dacia Ripensis ac Mœsiae inferioris credita est, quam quinquennio cum popularibus tenuit, in opido Mœsiae Nouis domicilio sibi constituto. tandem hortante cupiditate dominandi, & Friderico propinquo, Felethi Regis filio, simul Zenonis insidiarum metu compulsus, persuadet suis rapto viuere assuetis, vt secum in Italiam proficiscantur: probatoque Imperatori consilio pacificetur sibi mercedis nomine, si Odoacrem vicisset, fiduciarium Regnum Italiae, Zenoni, simul ac eò venisset restituendum, eaque res Zenonis Aug. decreto,

cccc.  
xxxiv.

quod pragmaticum vocant, comprehensa est. Igitur Theodericus vnà cum matre ac sorore, & cum omnibus copiis (iam enim sororem alteram, Theodemundum fratrem, ac filium ex morbo amiserat) Mœsiæ inferioris vel secundæ, & Daciæ Ripensis finibus emigrat, & per prouinciam Mœsiam primam iter in Pannoniam facit. ibi Gipedes cum Trafstila vel Trapstila Rege transitum dare nolentes ad Vlcam flumen fundit: inde Noricum emensus, Alpes Iulias nemine prohibente transgreditur, & apud pontem Sontij Odoacrem victum castris exiit Probrino & Eusebio Coss. iterum eodem anno in campis Veronenſibus, Philippi Aug. Sabini Iuliani, & Maxentianorum clade nobilibus; tertio Longino II & Fausto Coss. Vesigothorum auxilliis adiutus ad Aduam flumen, non (vt mendosè apud Senatorem legimus) ad Ducam fluuium eundem reparatis viribus occurrentem cruentis vtriusque præliis superat: Faustumque Nigrum virum Illustrem Magistrum Officiorum legatum ad Imper. Zenonem mittit petiitum, vt eius voluntate ac permissu vestem regiam, hoc est purpuram sumeret. Interim Tufa Magister militum Odoacris, qui cum multis ad Theodericum transierat, iterum ad Odoacrem cum magno exercitu redit. qua re perterritus Theodericus muris Ticini se inclusit, suosque omnes in munimentis vrbis aliquamdiu continuit: inuitatusque ea occasione Gundobadus Burgundionum Rex Transpadanam regionem, quam tum Liguriam vocabant, maxima manu depopulatus est, & infinitam multitudinem captiuorum in Galliam adduxit. At Odoacer Rauennæ obsessus ab Theoderico, Olybrio solo Cos. noctu eruptione facta, multis hostium caesis plurimos suorum, in primis Leuilam Magistrum militum amisit: repulsusque in opidum cum per annos ferme tres obsidionem fortiter tulisset, post multas pugnas, & omnia frustra tentata, nouissimè accepta fide, & Thelane filio suo obside dato se Theoderico dedit: portisque patefactis post aliquot dies, magis ne res nouaret, quam (vt Ostrogothi videri voluere) ob comparatas vllas insidias, contra religionem iurisiurandi in

cccc.  
xxix.cccc.  
xc.cccc.  
xcl.

laureto Palatij Rauennatis manu Theoderici confosus est Albino & Eusebio Coss. & eadem die eius filius, <sup>cccc.</sup>  
 propinquique, & milites ad vnum omnes cum liberis in- <sup>xciii.</sup>  
 terfecti. Tum Theodericus cognita Zenonis morte, non exspectato Anastasij noui Principis consensu, ac legari reditu, ab exercitu suo Rex appellatus est: atque VIII post anno per Festū caput Senatus atque Patricium mitigato Anastasio, sibi ob præsumtum Regnum infenso, factaque pace, regia insignia & omnia ornamenta Palatij, quæ Odoacer Constantinopolim deportanda curauerat, recepit. vt appareat errare Iordanem, qui Theodericum tamquam Gothorum Romanorūque Regem, anno III post aduentum in Italiam, interfecto Odoacre, Imper. Zenonis consulto priuatum patriūque vestitum regio insigni mutauisse scribit. cum v anno quā Italiam ingressus erat, nimirum Albino & Eusebio Coss. Zenone pridem mortuo Rauennam <sup>cccc.</sup>  
 ceperit, & Odoacre interemto Rex ab suis sit consalutatus. <sup>xciii.</sup>

Ita confecto bello Theodericus XVII Italix prouincias; Pannoniam ferè omnem, expulso ex vrbe Sirmio Trasferico Gipedum Rege Trafftilæ filio; Sauiam; Dalmatiam; Liburniam occupauit: & cum Gundobado Burgundionum Rege icto foedere per Epiphanium Ticinensem Episcopum, Transpadanorum dediticiorum VI millia ab eo dono data recepit; bello captorum magnam multitudinem de publico redemit. vxorem, vel (vt Iordani placet) concubinam in Mœsia habuerat, & ex ea filias duas, Theodegotham natu maiorem, quam Iordanes Theudicodonem, Procopius Theudichusam appellat; ac Ostrogotham. priorem Alarico Vesigothorum Regi; posteriorem Sigismundo Gundobadi filio nuptum dedit: Amalafridam sororem suam, matrem iam ex alio viro Theodahadi, & Amalabergæ, Thrasamundo Vandalorum Regi; Amalabergam ipsam Herminafrido Toringorum Regi collocauit. imitatusque Odoacrem, tertiam partem agri bello quæsti popularibus attribuit, Vesigothorū principibus æquior, qui in diuisione agrorum Romanos, hoc est Hispanos,



Gallos, atque Callæcos tertia parte contentos esse iusserunt. idem cum alias vrbes præcipuis operibus, tum maximè Romam, Rauennam, Veronam, Ticinum palatiis, aquæductibus, porticibus, thermis, muris, amphitheatris, similibusque monumentis partim nouis, partim resectis exornauit, & in opportunis locis ca-  
 10. stella constituit. Patriciisque & Hypatio Coss. Urbem cum intrauisset, Senatum populûmque Romanum à Zenone & Anastasio multum sibi commendatum ad Palmam auream allocutus, quæcumque priores Principes Romani statuerant, se sanctissimè obseruaturum promisit; Circensēsque dedit; & plebem CXX millia modiorum frumenti quotannis accipere iussit è publico. tum *Flauins Theudoricus*, vel *Theodericus Rex* appellari cœpit, vt docent litteræ duæ ab eo ad Synodum Palmarem missæ Rufo Magno Fausto Auieno  
 101. Consule. leges quoque seuerissimas, saluâ Iuris ciuilis, quod publicum appellat, reuerentiâ, Barbaris ac Romanis seruandas vno Edicto complexus est. Quo magis miror Procopium in rerum Gothicarum libro I tradere nullam ab Theoderico eiusque successoribus latam legem; præterea nullum magistratum aliis quàm Romanis datum esse; eisdemque permissum, vt quotannis ab Imperatore Consulatum peterent. quippe Ariger-  
 20. num, Sunthiudum, Marabadum, Dudam, aliisque Gothos homines, vt ex nominibus ipsis intelligi potest, *Comites*, hoc est Iudices fuisse Cassiodorus Senator docet, & Felici à Theoderico; Paullino ab Athalarico Consulatum delatum, & Tolum Patricius Senatui vrbis Romæ scribens affirmat multos Senatores ad Consulatus, ad Patriciam dignitatem, atque Præfecturas sua apud Theodericum Principem suffragatione promotos. Præterea Ennodius ait Theodericû *Curules & Trabeas*, (hoc est Consulatus) *Patricias etiam dignitates aut nature*, (id est nobilitati) *aut moribus dedisse*. nemo vt dubitare debeat, quin Theodericus, & Athalaricus eius ex Amalasuentha filia nepos atque successor eadem omnia fecerint, quæ Imperatores facere consueuerant. Ceterum Ostrogothos post Attilæ Regis mortem be-

neſcio Marciani Principis in Pannonia Sirmienſi, deinde in Illyrico Orientali ſedes habuiſſe, antequam in Italiam proficiſcerentur, auctor eſt Iordanes. à quo Paullus in Hiſtoriæ Miſcellæ libro XIV, Conſtantine Porphyrogenetus in libro de regendo Imperio, & Nicephorus Calliſtus in Eccleſiaſtica Hiſtoriæ libro XIV diſſentiunt, ſcribuntque Oſtrogothos primùm in Pannonia; poſt permiſſu Theodoſij minoris vndeiceſimum imperij annum agentis in Thraciæ finibus conſediſſe, atque annis LVIII (LXI dicere debuerunt) ibi fuiſſe, tandem iuſſu Zenonis Aug. ductūque Theoderici Patricij Imperium Occidentis, nimirum Italiam, finitimāſque aliquot prouincias occupauifſe. Hoc loco arguendi ſunt Theodorus Anagnofteſ, & Ioannes Zonaras, è quibus prior vnà cum Cedreno Theodericum Regem Italiæ *Aſrum*; poſterior *Africa Regem* appellat: cùm non Theodericus aut Oſtrogothi in Africa, verùm Vandali dominarentur. Sed tempus eſt ex Italia in Gallias, & à Theoderico ad Chlodoucum noſtrum tranſire.

Paucis poſt annis, quàm Syagrius ab Chlodoueo fuerat interfectus, Toringi, Germana gens, in agrum confinium ſibi Francorum, hoc eſt (vt puto) Cattorum incurſionem fecere: obſides, quos ab eis belli deprecandi cauſā datos acceperant, excruciatos necauere: pueros neruis femorum ex arboribus ſuſpendere: captiuas puellas plus ducentas crudeliter interemere, alias bigis nudas alligando, & pernicipibus equis in diuerſum iter concitatis paſſim diſtrahendo: alias præcutis ſudibus in terram defixas ſuper orbitas viarum diſtendendo, & grauib. pluſtris per eas actis obterendo: depopulatāque regione cum magna præda domum rediere. Quo nūtio Chlodoueus grauiter pro rei atrocitate commotus X regni ſui anno Olybrio ſolo Coſ. Renum tra-<sup>ccccc.</sup> duxit copias, ac Toringis intulit bellum, victiſque poſt<sup>xxvii.</sup> agros igne ac ferro effuſè vaſtatos tributum impoſuit, non (vt ait Gregorius) ſuo eos imperio ſubiunxit.

Eodem anno Zeno Aug. mortem obiit, vir libidinoſus; deſceſ; Theoderico Triarij, ac Theoderico Valameris,

Ostrogothorum Regulis, Thraciam ac Illyricum vexantibus obnoxius; & Eurychianarum partium occultus adiutor; Longino & Cononi fratribus suis, ac Sebastiano cuidam Præfecto Prætorij, rapacissimis hominibus addictus. Huius Principis ingratus animus atque perfidia à nemine satis argui potest. plerosque enim, quorum ut defectione expulsus, sic transitione restitutus ipse in Imperium fuerat, cruenta morte remuneratus est. Armatum quidem, ab aliquibus Armatum & Harmatum dictum, Basilisci Tyranni consobrinum, Consularem virum, Magistrumque militiæ Præsentis per Honoülfum Toringum, Magistrum militum Illyricorum, occidendum ac discerpendum curauit: Basiliscumque eius filium, admodum puerum, quoniam id patri promiserat, in vrbe Nicæa Cæsarem, ac mox tamquam liberata fide sua ex Cæsare Lectorem fecit, Cyzicenorū postea futurum Episcopum. Illum verò popularem suum, quem alij Hellum, alij Illonem appellant, Patricium, Consulem, Magistrum officiorum, & Magistrum militum Orientalium factum, cū impulsu Verinæ socrus & Ariadnes vxoris interimere voluisset, ut maturius à se descisceret, excitauit, ac tandem in Pappirio Isauriæ castello per Theodericum Valameris Ostrogothorum Regem captum cum Leontio Tyranno capite truncauit. Verinam Aug. socrum, quæ primò pro Basilisco fratre, mox pro ipso genero suo steterat, multis petitam insidiis, in vrbe Ciliciæ Tarso, deinde in supradicto Isauriæ castello custodiri iussit, & ibidem in exilio mori coëgit, vbi Leontio Patricio purpuram circumdare ac diadema imponere ab Illo compulsa est. Denique cognito vnum è Silentariis Imperio & coniuge sua potiturum esse, ratus destinari Pelagium virum præstantissimum ac sapientissimum, ab Silentariorum Schola ad Patriciam dignitatem promorum, cuius operâ Theodericum Triarij filium, Gothorum Fœderatorum Ducem à Constantinopoli armatum auerterat, iussit in insula Panormo in fontem strangulari, tamquam successorem suum occidere, aut fati legem immutare posset. Cedrenus ait Pelagium Patricium, quòd Zenonem

nem ius violantem liberè argueret, & Longinum Cæsarem creari nollet, ab eo vita priuatum. Suidas, nescio quem Auctorem secutus, scribit Zenoni Principi duas vxores fuisse, priorem Ariadnen, Leonis iunioris Aug. matrem; posteriorem Arcadium, Historicis Græcis Latinisque ignotam, cui statua Constantinopoli posita sit: filium quoque, admodum arrogantem, qui adolescens torminibus ex intemperantia contractis ante patrem decesserit. Ego Candidum Isaurum veterem Historicum sequi malo, qui Zenoni, postquam priorem vxorem (quæcumque illa fuerit) ex morbo amiserat, Ariadnen à Leone Aug. in matrimonium datam esse tradit.

Mortuo Zenone, cùm Longinus, eius frater, bis Consul stupris & rapinis infamis, ac inuisus, Imperium affectaret: Ariadne Augusta Leonis Principis filia, quæ fuerat Zenoni nupta, impulsâ ab Urbicio eunucho gratiosissimo, Senatu & exercitu consentiente, Anastasio Silentario, necdum Senatori, diadema imposuit, eidemque quamquam sexagenario mox nupsit. at Isauri ex vrbe Constantinopolitana omnes expulsi sunt, & Longinus Seleuciam Isauriæ, vnde erat, dimissus. vbi cùm res nouas moliretur, victus, comprehensus, & Alexandriam in exilium missus, Presbyterque factus paullo pòst obiit: vt tradit Zonaras. quamquam Euagrius & Nicephorus Callistus à Ioanne Scytha victum cum acie vnâ cum Theodoro cæsûmque aiunt.

Flavius Anastasius, in opido Epiri nouæ Dyrrachio genitus, cognomine *Δύραγος*, imperauit annos XXVII menses III. vir callidus, prouidens, mitis, crebras ob Eutychianam hæresim Constantinopolitanorum seditiones passus, & in bellis ciuilibus, quàm in externis meliore fortuna vsus. quippe & Isauros donatium ab Illo Tyranno ipsis auctum, & à Zenone inuito reconciliationis causâ concessum armis repetentes vi; & Vitalianum Ducem Fœderatorum Gothorum dolo magis quàm ferro feliciter exarmauit. At eodem tempore Bulgares, Pontica gens, Thraciam, & Illyricum; Persæ Armeniam & Mesopotamiam, superatis prælio Roma-

nis, securi vastauere: Hunni, portis Caspiis effractis, & Armeniâ maiore peragratâ, Cappadociam, & Galatiam depopulati sunt: Saraceni in Phœnicen, & Palæstinam erupere. Ceterùm miror, quòd Flauius Anastasius Dyrachinus apud Baronium in litteris ad Senatum vrbis

12XVI. Romæ missis Petro V. C. Consule *Germanicum inclytum, Alamannicum inclytum, Francicum inclytum* se appeller; quibuscum gentibus non bellum ei, sed contrâ amicitia fuit: si verum est, quod scribit Gregorius, Chlodoueo Francorum & Alamannorum Regi Patriciam dignitatem ab Anastasio codicillis delatam esse. Hæc de Imperatoribus Orientis transcurso dicta sint: ad Chlodouicum reuertor.

Gundobadus, Godegisilus, Chilpericus, & Godomarus, (vt supra diximus) Gundiuco patri suo Burgundionum Regi successerant, Regnumque inter se diuiserant. Non fuit fratrum diuturna concordia. Chilpericus enim & Godomarus æqua parte minimè contenti Alamannos mercede accersiuere, & Gundobadum apud Augustodunum fusum acie Regno expulere. qui cum apud amicos lateret, audito Alamannorum auxilia dimissa esse, fratresque suos securos victoriâ frui; manu coacta in Burgundiam rediit: poritúsque Vienna, quæ tum Regum sedes erat, Chilpericum captum interfecit: Godomarum in turri quadam, in quam confugerat, viuum exussit: Chilperici vxorem oneratis lapide ceruicibus mergi in flumen; duosque eius filios capite truncatos in puteum abiici iussit. Filias Chilpericus ex coniuge duas susceperat. ambas in exilium missas ait Gregorius: quarum maior nomine Mucuruna, quam Fredegarius Sedeleubam Reginam, quidam Chronam appellant, mutata veste virginitatem Deo deuouit, & extra urbem Geneuam Ecclesiam exstruxit: natu minor Chrothildis vocabatur. Quamquam Auctor Historiæ Francicæ, ætate Gregorio proximus, & Rorico Monachus Chronam in exilium actam; Chrothildem ab Gundobado patruo suo domi retentam, educatamque dicunt: quam posteriorem Nicecius Rodhildem; Fredegarius Chrotechildem; Rorico

Chrochildem; Hrodhildem Herimannus; aliqui Chrodigildem, & Chrodioldem appellant. Hæc, siue primum Arianam sectam cum popularibus secuta erat, deinde hæresin eiurauerat; siue potius semper Catholicarum partium fuerat, de Christo & Spiritu Sancto rectè sentiebat. quam cum vidissent legati, quos Chlodoueus Francorum Rex ad Gundobadum variis de rebus sæpe miserat, admiratiquè puellæ formam, ac prudentiam, regia stirpe genitam, & Chilperici quondam Burgundionum Tetrarchæ filiam esse cognouissent, relatione sua Chlodoueam iuuenem in amorem virginis facilè impulerunt. Itaque Chrothildem sine mora Chlodoueus in matrimonium petiit, missisque ob id legatis traditam ab Gundobado, quia negare non audebat, ac perductam ad se duxit vxorem (vt ait Herimannus) XII regni anno, hoc est Albino & Eusebio <sup>ccccc-</sup> <sup>x ciii</sup> Coss. cum iam haberet ex concubina Theodoricum, & (sicut Iordanes, Paullus, ac Freulfus tradunt) Audesledam, quam alij Odesledam; alij Angosledam; alij Anafledem appellant, Theoderico Italiæ Regi nupturam. Gregorius tamen & Aimoinus eam Chlodouei sororem fuisse verisimiliùs dicunt: quippe apud Cassiodorum Senatorem in libri III epistola IV Theodericus Ostrogothorum Rex Chlodoueam Francorum Regem *affinem, & cognatum*, hoc est, vxoris suæ fratrem; se autem ipse *patrem* Chlodouei appellat, filium vtrique appellaturus, si gener eius fuisset.

Apud Scriptorem rerum nostrarum ætate Gregorio proximum, Roriconem, aliòsque dicitur Aurelianus quidam Gallus, Chlodouei consiliarius, mendici habitum indutus Viennam ad Chrothildem venisse, eique anulum fidei pignus, & ornamenta sponsæ conuenientia à Chlodoueo attulisse: quibus Chrothildis acceptis anulum in patru sui inscientis loculum reposuerit, atque in nuptias consenserit. tum Aurelianus à Chlodoueo legatum ad Gundobadum missum esse produnt, qui Chrothildem sponsam sub belli comminatione peteret: móxque negante primùm Gundobado, & Aurelianus speculatorem appellante, deinde vbi anulur

Chlodouci imagine & nomine signatum è locello suo prolatum vidit, ægrè annuente; virginem regiam legato traditam, & ad Regem Francorum perductam esse: qui nuptias Augustæ Sueffionum confecerit, iterumque Aurelianum ad Gundobadum miserit res Chilperici vxoris suæ patris repetitum, ab eoque, consilium popularium, suadenrium ne feroci homini vllam belli materiam præberet, non sponre securo, pretiosissimam supellectilem & multum auri argentique receperit. Fredegarius Scholasticus, & Aimoinus Monachus rem paullo aliter exponunt, nimirum Aurelianum assumto cum pera mendici habiru clam venisse ad Chrothildem Geneuam Allobrogum, vbi vnà cum sorore exsulabat, & Chlodouci mandata anulumque detulisse: quo illam accepto centum solidis, anuloque suo legatum donauisse, celeriterque Chlodoueo nuntiare iussisse, nō per legatos quammaturrimè ab Gundobado patruo suo in matrimonium peteretur, deducereturque, timere se, ne Aredij interuentus cœpta destrueret. quā cognitā re Chlodoueam missis confestim ad Gundobadum oratoribus Chrothildis nuptias petiisse: cūque is consensisset, potentissimi Regis amicitiam hac affinitate se adquisitionum sperans; legatos more Franciæ oblato solido atque denario puellam virginem Chlodoueo absenti despondisse: & ad diem nuptiis Cabilloni celebratis eam à patruo Francis traditam, & in basternam esse impositam. quæ comperto Aredium Constantinopoli reuertisse, duces ac comites suos festinare iter, ac se in equum inferre iusserit. id consilium euentu felicissimum fuisse: quippe Aredio tale coniugium improbante, & Chrothildem parentum mortem viri armis vlturam dicente; Gundobadum sine mora ad retrahendam puellam equites misisse, qui basternam quidem vacuam, & aurum ac ornamenta comprehenderint, sed ipsam longè progressam consequi non potuerint. tum Chrothildem, cū Francorum finibus appropinquaret, comites rogauisse, vt quantum possent extrema Burgundiæ quouersus igne & ferro vastarent: quo factō Villariacum, qui est locus in agro Tricassino, ad Chlodoueam

perductam, ac in matrimonium acceptam esse. quas fabulas finxisse Historicos nostros non miror, cùm iidem Childericum Chlodouei patrem amisso Regno venisse Constantinopolim ad Mauricium Tiberium Aug. qui CXX post annis imperare cœpit, & post Basinam vxorem ductam primâ nocte portenta vix pueris credibilia vidisse memoriæ tradiderint.

Hincmarus, & Aimoinus, Rorico, ac Sigebertus, aliique Auctores Historiæ nostræ scribunt Chlodoueam, paullo post nuptias factas, Regnum suum primò vsque ad Sequanam; mox vsque ad Ligerim protulisse: & Aureliano Melodunum opidum Senonum, quod castrum appellant, præmium meritòrum dedisse, simulque cum eo beneficio nomen Ducis contulisse. ceu verò non id antea Childericus Chlodouei pater fecisset, quem ipsi produnt Iuliomagum Andecauorum non longè à confluyente Meduanæ & Ligeris positum, & opidum Aurelianorum ripis Ligeris adiacens occupauisse.

Aliquanto post Chrothildis Regina marem enicitur, & patiente magis quàm approbante Chlodoueo ablui eum more Christianorum iubet, Ecclesiâque velis ac cortinis ornandam curat: vt virum suum, què verbis expugnare non poterat, eo mysterio ad Christianam religionem illiceret. Nomen infanti Ingomeris imponitur, quod Arminij Cheruscotum Principis patruo nomen fuisse accepimus, quem Cornelius Tacitus in Annalium libro I Inguiomerum appellat. Et Ingomeres quidem, ab aliquibus Ingomirus dictus, paucis post diebus interiit. cuius mortem molestè ferens Chlodoueus, ac Baptismo imputans, grauiter Chrothildem obiurgauit, dixitque Deos patrios, ob contemptum numinis sui iratos, parentibus filium eripuisse. at illa se felicitis vteri esse respondit, cuius primitias Christus sibi consecratas repetiuisset: filiûque postea peperit, qui nihilo seciùs baptizatus, & appellatus Chlodomeres cùm ægrotare cœpisset, affirmante Rege fore, idem vt ei, quod fratri, contingeret, Reginæ votis, ac Dei misericordiâ conualuit. Ex his intelligitur Chlodo-



ueum quamlibet naturâ ferum ac immitem, valdè  
vxorium fuisse: quo non prohibente potiusquàm af-  
ficiente Chrochildis Ingomerem tinguendum cura-  
uerit, acritérque ob id increpita minorem filium Chri-  
sto initiare non dubitauerit.





HADRIANI  
VALESII  
RERVVM FRANCICARVM  
LIBER SEXTVS.



AM Franci dudum bella non sum-  
mouere, sed inferre; & quascum-  
que aggredierentur gentes atque re-  
giones subigere consueuerant: iam  
terras inter Renum & Ligerim,  
partem Galliæ meliorem validio-  
rémque, armis occupatas obtine-  
bant, & linguam Latinam, morés-  
que cultiores à Gallis docebantur: adhuc tamen pa-  
trio more siluas & fontes Deorum numero ducebant,  
atque auibis sacrificia faciebant: timendúmque erat,  
ne post confirmatum sibi Galliarum imperium si ido-  
lorum cultui non renuntiauisent, in Ecclesiam reli-  
gionémque Christianam arma conuerterent. Dei pro-  
uidentia ortum est bellum, cuius victoriá Chlodoueus  
Rex gentis maximus ac potentissimus de idolis simul  
hostibúsque triumpharet. quippe quintodecimo regni  
eius anno, qui Paullum fratrem Imperatoris Anastasij  
Consulem habuit, Alamanni, gens iam inde ab Antó-  
nino Caracalla nulla Germanica gente viribus & famâ  
inferior; magnâ manu flumen Renum transiere. Cau-

cccc.  
xcvi.

sam belli, noménque Regis Auctores nostri non dicunt. tantum apud Cassiodorum Senatorem in libri II epistola vltima inuenio Alamannorum Regem perfidiæ notari: credo, quod fœdus cum Chlodoueo ictum violatâ fide ruperat: siue is Gibuldus Alamannorum Rex ab Eugenio in libro de vita Seuerini memoratus; siue quis alius fuit. Equidem existimo Alamannos (id quod Burgundionibus, Vesigothis, Francisque bene cessisse videbant) partem Galliæ multis suis maiorumque suorum incurfionibus per annos CCLXXX vastatæ occupare voluisse. Regnabat tum Colonia Agrippinæ Sigibertus, partis Francorum Rex, regionemque ad Gallicam ripam Reni iacentem, & finitimos Germaniæ Transrenanæ pagos possidebat. cuius vbi Regnum depopulatâ iam superiore Germaniâ ingressi sunt Alamanni; Chlodoueus magnis coactis copiis ad eos contendit: adiunctoque sibi Sigiberto, apud Tolbiacum Vbiorum hostes assecutus prœlium commisit. ibi cum inclinatam videret suorum aciem, & plurimis cæsis, Sigiberto etiam genu saucio, ex quo vulnere postea claudicauit, reliquos vehementer vrgeri; Chrothildis monitorum memor ad cælum oculos sustulit, & admonitu Aureliani (vt quidam aiunt) multis cum lacrimis auxilio Christi implorato vouit, si victoriam ex hoste tulisset, se Christianam sectam secuturum, quoniam Deos patrios frustra inuocauisset. statimque exauditæ sunt supplicis preces. nam & Francis animus ac virtus rediit; & iteratâ de integro pugnatâ Alamanni ingenti strage fusi, ac fugati: Rex ipse occisus: nec prius finis cædendi capiendique factus, quàm Barbari, pacta salute, sese victori dedidissent. sic Alamanniam, vnâque (vti Hincmarus & Rorico dicunt) Sueuiam cum incolis ab Chlodoueo tributariam esse factam Historiæ nostræ Auctores tradunt. nisi quod Fredegarius Scholasticus scribit Chlodoucum ad bellum proficiscentem hortante vxore supradictum votum nuncupauisse, atque Alamannos, post eam cladem acceptam extorres annos IX multis locis vagatos, cum nihil à quoquam auxiliorum contra Francorum Regem

gem impetrauissent, deditiōem non sponte fecisse. Sed malo equidem Magno Felici Ennodio Chlodouei æquali accedere, qui in Panegyrico Regi Theoderico dicto air Alamannis omnibus intra fines Italiæ sine damno prouincialium receptis accidisse, vt postquam Regem suum amiserant, alienum nanciscerentur, & ex vexatoribus prouinciarum Imperij Romani defensores fierent atque custodes: eisque feliciter cessisse fugam ex patria sua, pro agro aspero, palustri, atque siluestri solum ferax, & aratri patiens consecutis: ob idque Theodericum Alamannicum appellandum esse dicit. Ex quo intelligitur Alamannos complures, non tamen omnes, siue Chlodouei victoris arma iramque metuentes, siue imperium Francorum auersantes, relictis sedibus suis ad Theodericum Regem in Italiam perfugisse, & in extremis Regni terminis, hoc est, vt puto, in Rætiis, quæ prouinciæ Italiæ proximæ Alamannorum finibus erant, ab eo esse collocatos, vt eas regiones ab incursionibus tuerentur, & data facultate, vel oblata occasione in sedes suas maturè ac facilè reuerti possent. Quare apud Cassiodorum Senatorem in epistola vltima libri II Theodericus Ostrogothorum Rex per legatos Chlodoueo Regi gratulatur, quòd *gentem Francorum, priscâ* (sicuti falso ait) *atate residem, feliciter in noua prælia concitaueris*, & Alamannos virtute victos domuerit. petitque vt quoniam auctores perfidiæ ceciderint, imperet animo, ignoscat fessis reliquiis, quæ ad se confugerint, Italiæque in finibus lateant exterritæ: quippe euadere mereri, qui affinem eius defensorem elegerint. Iam Regem Alamannorum cum popularium superbia cecidisse: iam innumerabilem gentem partim interfectam, partim captam esse: Alamannoque acerrimo bellatori tantum terrorem iniectum, vt victorem suppliciter vitam precari cogatur. quem triumphum amplissimum, ac dignissimum memoriâ sufficere Chlodoueo debere, ne, si cum reliquis confligat, nondum vniuersos superâsse videatur. ita sibi gratissimum facturum, *nec de ea parte, qua ad se pertineat, sollicitum futurum*. Præterea eadem in episto-

la Theodericus Chlodoueu monet, vt parcat salutem suam, atque in acie cautior sit, & aduersus victos moderatior ac mitior, & citharœdum, à Seuerino Boëthio Patricio, cum musicæ tum omnium bonarum artium peritissimo, optimum electum, qualem petierat, inter epulas neruorum vocisque consono cantu placiturum ei mittere se pro acroamate dicit. Deprecatio tamen Theoderici pro Alamannis irrita fuit, nec ullam dedicationis conditionem accipere Chlodoueus voluit. quamobrem Alamanni non omnes quidem, (vti cum Agathia persuadere nobis conatur Ennodius) sed *ea pars*, quam supra Theodericus ait *ad se pertinere*, annis XL in Italia sub Theoderici, Athalarici, & Theodahadi Ostrogothorum Regum imperio ac tutela fuisse. reliqui, qui apud Tolbiacum se Chlodoueo dederant, quique domi remanserant, gentis pars maior, ex eo tempore Francorum Regibus paruere. Falsum vt sit, quod in Historiæ libro I tradit Agathias Scholasticus, Mauricij Tiberij Aug. æqualis, Alamannos ab Theoderico post occupatum Italix Regnum subactos & stipendiarios esse factos, atque eo mortuo Ostrogothos, Iustiniani A. bello pressos, gente & agro Alamannorum in Theodeberti Francorum Regis gratiam cessisse. quasi verò Theodericus omnem Alamanniam cum habitatoribus domuerit: quorum pars tantum post proelium apud Tolbiacum relictis suis sedibus ad eum sponte perfugit, & XL post anno à Vitige Ostrogothorum Rege Theodeberto Chlodouei nepoti tradita postliminio domum rediit, Francorum Austrasiorum Principibus vnà cum reliquis popularibus paritura. Addit Agathias Alamannos, tametsi Francorum imperio subiectos, habere tamen leges suas, Deosque patrios seruare, nimirum lucos, fluuios, colles, quibus equos & alia animalia, capita abscindendo, immolare soleant: sed Francorum consuetudine mollioris paulatim animis & ritibus Barbarorum prudentissimum quemque commutatum ad meliora conuerti, breui vt ea gens omnem barbariem depositura videatur. Ceterum Tolbiacum, pugnae locus, quod ab Colonia Agrippina XVI leugas abest, apud

quod castrum anno CXX post Consulatum Paulli Theodobertus Chlodouei abnepos à Theodorico fratre atroci prælio fusus est; indicat Alamannos prius Sigiberto Regi, quàm Chlodoueo bellum inferre voluisse. quippe cum nec supra Vindonissam, nec multum infra Mogontiacum flumen Renum transire Gallia depopulanda causâ consueuissent: si Chlodoueam præ omnibus vnum aggredi statuerant; non Germaniam inferiorem, in qua Sigibertus Rex dominabatur, petere; sed per Argentoratum aduersum finibus suis, perque Diiodurum Mediomatricorum ac Verodunum, Chlodouei Regnum ingredi debuerunt.

Fufis fugatisque circa Tolbiacum, vt supradictum est, Alamannis, Chlodoueus Francorum Rex Renum transiit, & cum victore exercitu ingressus Alamanniam ac Sueuiam, exceptis qui in Italiam perfugerant, gentes regionésque eas à Mæno fluuio ad Alpes Ræticas vsque promissas perdomuit: atque domum reuertens Vedastum Presbyterum, popularem suum, virum sanctissimum, quem postea Remigius, sibi à Rege commendatum, Atrebatice Ecclesie Episcopum constituit, ex opido Leucorum Tullo deduxit, ab eoque rectam fidem & religionem in itinere edoctus, & cæci mirabili curatione in proposito confirmatus est. Chrothildis Regina, quam Sigibertus Rothildem, aliqui Chrodildem, & Chrodchildem appellant, apud Remos viro læta occurrit: victos hôstes gratulatur: ordinem rei gestæ cognoscit: confestimque dum propositum calebat, ne dilatio obliuionem, aut consilij mutationem afferret, Remigium clam accersitum orat, vt Regem ad votum soluendum, & ad Baptismum hortaretur. Erat Remigius Remorum Episcopus, Principij Sueffionici Episcopi frater, sanctitate præcellens, & liberalibus studiis imbutus, atque, vt illa ferebant tempora, declamandi peritus, quem Fredegarius, aliique malè Remedium vocant. is Chlodoueam secretò ad se vocatum monere cœpit, vt vnum & summum Deum mundi conditorem, cuius beneficio insperatam ex hostibus palmam tulisset, crederet ac confiteretur: néve bestias

hominibus ab auctore suo subiectas, & aues rationis expertes diuinis honoribus coleret, neu' arboribus sensu carentibus sacrificia facere nihil profutura, & aquas surdam naturæ partem inuocare perseueraret. Probat Rex Remigij salubre consilium, nec recusabat voto se exsoluere, sed Francis patrij moris tenacibus materiam seditionis præbere metuebat. Commodissimum visum est apud exercitum orationem habere. Igitur aduocata concione hortatur singulos ac vniuersos, vt euerfis idolis, quæ nec sibi, nec cuiquam alij prodesse possent, Dominum ac Deum, cuius expertæ virtuti victoriam belli Alamannici deberent, Christum venerarentur, *& nondum initiatus sacris, sit sua gentis Apostolus.* Chlodouei orationem interruptit Francorum consensus vna voce testatus, succlamatumque est ab omnibus, se eum, cuius Sacerdos esset Remigius, Deum colere paratos esse. Lætus tam admirabili assensione Remigius, vbi Chlodoueus, ceterique Catechumeni quæ ad sacra pertinebant fecere, Ecclesiam velis aulaïsvæ pictis, ac cortinis ornari; Baptisterium parari; spargi vnguenta; cereos accendi iubet: ac primum omnium Chlodoueam, petentem vt baptizaretur, atque in lauacrum descendentem his verbis hortatur: *mitis deponere colla Sicamber: adora, quod incendiisti; incende, quod adorasti.* tum Rex fidem interrogatus ab Remigio, & Deum vnum trinumque confessus, ter in aquam demittitur, vngitur, signaturque. Hincmarus de vita Remigij, Aimoinus eius æqualis in Historiæ libro I, & Frodoardus Remensis Ecclesiæ Presbyter rem admirabilem, & Gregorio, Fredegario, aliisque veteribus nostris Historicis ignotam narrant: nimirum cum ferenti Chrisma Clerico omnes ad Baptisterium aditus turba intercluderet, columbam niue candidiorrem aduolauisse, ampullam rostro ferentem, eamque in Remigij aquam consecrantis manibus deposuisse, ac statim non comparuisse, ita Chlodoueam perunctum esse. Addit Hincmarus Remorum Episcopus (vt in actis Synodi Mettis habitæ, cui ipse præsedet, & in Appendice Aimoini inuenio) sacrum hoc & cælo missum

Chrisma religiosè seruari, necdum sua ætate post annos amplius CCC LXX defecisse, eoque Chlodoucum vnctum, & Regem consecratum esse XV regni anno. in quo Hincmarum sua tempora, suique decipere mores, existimantem iisdem cærimoniis Merouingos regnum iniisse, quibus posterì Caroli Maioris domus inierint: cùm Pippinus primus omnium Franciæ Regum, imitatus Iudæos, ac posteriores Vesigothorum Reges, vt se sacra vnctione venerabiliorem augustiorémque faceret, semel atque iterum vngi voluerit. ante ætatem verò Hincmari solus Ludouicus Pius; ab eo ad Hugonem Francorum Reges non amplius tres, nimirum Carolus Ludouici Pij pronepos, Rotbertus frater Odonis, & Lotharius Durocortori Remorum Reges vncti sunt ac consecrati. mirum vt non sit Chrisma de cælo delapsum, quod non in vllos vsus, sed in memoriam miraculi seruaretur, tamdiu superfuisse, ac post tot annos minimè consumtum ostentari potuisse. Baptizato Chlodouco, è sororibus Regis Albofledis Baptismum accepit: Lanthildis, vel Landechildis, Christiana quidem dudum sed Arianarum partium, post eiuratam hæresim sancto Chrismate delibuta est, quam tamen aliqui vnà cum sorore tinctam affirmant. Francorum quoque sub Chlodouco militantium millia amplius III, non (vti ait Fredegarius) vñ Baptisma inierunt, qui albatì cum albaro Duce triumphalis exercitus speciem præbuerunt. Lanthildem autem falsò Rorico pro Audefleda Theoderico Ostrogothorum Regi nuptum datam ait. at Albofledem (quod & fortasse de Lanthilde dicendum est, neutram enim nupsisse reperio) consecratam Deo virginem decessisse Remigij ipsius ad Chlodoucum epistola ostendit, in qua Albochledem eam appellat, & *benedictionem virginis acceperisse* scribit, atque *sacratam lugeri* negat oportere. Equidem miror nec Gregorium, qui hanc epistolam legerat, nec ceteros nostros Historicos id animaduertisse, existimóque Albofledem non ab alio quàm Remigio vt baptizatam, sic consecratam fuisse. In Chronico Roberti Monachi Autissiodurensis in-



uenio Theudechildem, Chlodouei filiam, Theuchildem Reginam ab Odoranno dictam, deuota virginitate & pietate venerabilem, apud Agendicum vel Agedincum Senonum Monasterium, quod S. Petri Viui appellatur, magnificè exstruxisse, Apostolis consecrauisse, ac prædiis locupletauisse, vbi & sepulta sit.

cccc-  
xcvii

Et Chlodoueus quidem, ita vti suprà diximus, ablutus est: qua autem in vrbe, quòque tempore ablutus sit, inter Auctores non constat. Gregorius, quantum in ipso erat, id scire nos noluit: nam nec loci, nec diei mentionem vllam fecit. Fredegarius verò, qui Pippino regnante floruit, Aimoinus, Hincmarus in libro de vita Remigij, & in duabus epistolis, ac Frodoardus Presbyter in Historiarum Ecclesiæ Remensis libro primo, Chlodoueam in Basilica sanctæ Mariæ Durocortori Remorum in peruigilio Paschæ baptizatum esse tradunt, eo nimirum anno, qui victoriam belli Alamanici secutus est. similiter Ludouicus Pius apud Frodoardum in Historiæ libro II in Remensi Ecclesia beatæ Mariæ & Chlodoueam ablutum, & se, qui ab eo genus noménque deduceret, manu Stephani Romani Episcopi Imperatorem consecratum, vnctum, ac coronatum dicit. Contrà Nicetius Treuirorum Episcopus in epistola, quâ Chlodosoindam Chlodouei ex Chlothario filio neptem etiam atque etiam hortatur, vt Alboinum Langobardorum Regem virum suum è secta Arij ad Catholicam fidem adducat, Chlodoueam in Ecclesia Martini Baptisma consecutum esse ostendit his verbis. *Audisti ab auia tua Domina bona memoria Rodhilde, qualiter in Franciam venerit, quomodo Dominum Chlodoueam ad legem Catholicam adduxerit. & cum is esset homo astutissimus, noluit acquiescere, antequam vera agnosceret. Cum ista, qua supradixi, probata cognouit, humilis ad Domini Martini limina cecidit, & baptizari se sine mora permisit.* Ecclesiæne apud Turonos Martini Apostolici viri sepulcro illustrem, Martini limina appellet Nicetius; (vt Fredegarius in Chronici capite LIV) an aliquam aliam Basilicam eius nomine nobilitatam, ambigi potest. Equidem vix cre-

diderim Nicetium, hominem tantæ prudentiæ ac dignitatis, qui Chlodoucum videre puer potuit, & vbi baptizatus fuisset scire non solum debuit, sed etiam videre voluit; cum Chlodofuindæ scriberet, in re tam ei quàm Francis Gallisque notissima errauisse, & pro beatæ Mariæ Basilica, Martini Basilicam, siue pro Durocortoro Remorum Cæsarodunum Turonum posuisse, quam vrbem constat tum Alarico Vesigothorum Regi paruisse. Certè actis Synodi permisso Alarici apud Agatham Messalla Consule habitæ Leo Diaconus missus à Domino Vero Episcopo Turonicæ Ecclesiæ subscripsit. auctórque est Gregorius Volusianum, & Verum hunc, alterum post alterum Turonicos Episcopos, propterea quòd prodendæ Francis vrbs consilia iniisse credebantur, à Vesigothis in exilium actos esse. neque verisimile mihi videtur, etiamsi cetera gratis concessero, Remigio, prouinciæ Belgicæ secundæ Metropolitano Episcopo, (à quo omnes Historici Chlodoucum ablutum dicunt) viro, qui in epistola quadam Fulconi Episcopo tantopere ob Canones non seruatos irascitur, vilo modo persuaderi potuisse, vt neglectis Patrum regulis in Metropoli prouinciæ Lugdunensis tertiæ, præsentē ac spectantē vrbs Episcopo, Chlodoucum baptizaret: aut Chlodoucum, victis ac domitis Alamannis, à ripa Reni ad flumen Ligerim contendisse, vt tam longè ab Augusta Sueffionum, quam interfecto Syagrio regiam delegerat, in extremis Regni terminis, ac velut sub oculis Vesigothorum intingeretur. Malo igitur cum Frodoardo Hinemarum Remorum Episcopum, ampliùs C C C L X X annis distinctum à Chlodouci ætate, quàm Nicetium ei supparem erroris arguere. nec dubito, quin *limina Martini* vocauerit Nicetius Ecclesiam S. Martini apud Remos ad portam Collaticiam, vel Basilicarem, cuius mentio fit in Remigij testamento. vbi ablui voluisse Chlodoucum non mirabitur, qui Martini nomen ob signa atque virtutes summæ Gallis & Francis venerationi fuisse, votaque ei ab ipso Chlodoueo ante Vogladense prælum nuncupata intelliget, & Rotbertum fratrem Odonis, ac Lotharium, qui Durocortori

Remorum regnum inierunt, non in primaria vrbe Ecclesia, sed in Basilica Beati Remigij Reges ab Episcopis Remensibus consecratos esse animaduertet. Nec plura de loco, vbi ablatus est Chlodoueus, dicenda occurrunt.

De tempore non magis conuenit. Fredegarius, Hincmarus, ac Frodoardus (vt suprà diximus) in peruigilio Paschæ XVI regni Chlodouei anno hoc actum esse scribunt. è quibus Fredegarius, vt sententiam suam confirmet, addit Chlodoueam, cum Remigius in *Albia* Euangelij lectionem de Domini nostri Iesu Christi suppliciis ei exponeret, dixisse, si tum vixisset, atque Francis comitatus Hierosolymis fuisset, Christi se iniuriam vindicaturum fuisse. Deceptos credo Hincmarum ac Frodoardum verbis & auctoritate Fredegarij; Fredegarium autem, opinionis eius auctorem, veteri more institutòque Ecclesiæ, quæ non aliis diebus quàm Paschæ ac Pentecostes Catechumenis valentibus Baptismum conferri permisit. quippe Nicetius Augustæ Treuitorum Episcopus, in antedicta epistola ad Dominam Chlodosoindam Reginam, Chlodoueam *sine mora baptizatum* ait, vt appareat, post victos acie hostes subactamque Alamanniam, simul ac domum rediit, circa initium hiemis finemque anni Baptismum ei collatum instante Chrothilde, non in Pascha dilatum fuisse. Sed omnem dubitationem eximit, errorémque dissoluit Alci-mus Ecdicius Auitus, Viennensis Episcopus, vir ingenio ac virtute eminens, & pro captu illorum temporum in prosa oratione carminibùsque perfectus, atque (vt in epistola ad Faustum & Symmachum Senatores Vrbe & Consulares ipse se appellat) Senator Romanus. Hic igitur Auitus in epistola, quâ Chlodoueo Regi de accepto Baptismo gratulatur, VIII Kalendas Ianuarias, quum Christi natalis nocturna peruigilatione celebrabatur, præsentibus multis Episcopis tinctum eum indicat his verbis, quæ si legissent Fredegarius & Hincmarus, in errorem non incidissent. *Gaudeat quidem Gracia habere se Principem legis nostræ, sed non iam quia tanti muneris dono sola mereatur illustrari: quod non desit & reli-*

reliquo Orbi claritas sua. Siquidem & Occiduis partibus in Rege non nouo noui iubaris lumen effulget, cuius splendorem congruè Redemptoris nostri natiuitas inchoauit: ut eo die ad salutem regenerari ex unda vos pareat, quo natum redemptioni sue cali Dominum mundus accepit. Igitur qui celebrer est natalis Domini, sit & vestri, quo vos scilicet Christo; quo Christus ortus est mundo. Comparat Auitus hoc loco Chlodoueuum Francorum Regem cum Anastasio Augusto, quem *Principem Græciæ* appellat, & legis nostre, hoc est Catholicarum partium esse ait. tamquam ut Chlodoueus post Baptismum acceptum in Occidentis tractibus; sic tum in Orientis Imperio Anastasius Princeps Catholicus fuerit: quem Dioscorianorum vel Eutychianorum hæresim secutum esse, & quinque Patriarchas sibi aduersantes, ac de duabus Christi naturis rectè sentientes in exsilium misisse constat. Chlodoueuum autem existimo vnum ex omnibus ætatis suæ Regibus Catholicum & orthodoxum fuisse. quippe eo tum statu res Christiana erat, ut hæresi vbique dominante Imperium Orientis Princeps Eutychianus obtineret: & Reges Barbarorum, qui in prouinciis Occidentis confederant, nimirum Sueuorum in Callæcia; Burgundionum, & Vesigothorum in Gallia; Vandalorum in Africa; Ostrogothorum in Italia; Langobardorum in Pannonia secunda; Gipedum quoque in Dacia Transdanubiana, Arij sectam sequerentur: ceteræ gentes tenaces patrij moris idola venerarentur. Causa autem, quare omnes ferè Barbari Ariani essent, hæc erat, quòd (ut scribit Prosper in Chronico) Arianus ab Imperatoribus Arcadio & Honorio Orbe Romano expulsi ad Barbaros, in primis ad Vesigothos sese contulerant, ac plerisque eorum ex idololatria, nonnullos etiam è Catholica religione ad suam hæresim perduxerant. Quamquam Iordanes in libro de Origine Gothorum, & Nicephorus Callistus in Historiæ Ecclesiasticæ libro X I tradunt Vesigothos Fridigerno Regi parentes, auctore Vlfila Episcopo populari suo principatu Valentis Aug. factos Arianos, Ostrogothis, & Gipedibus consanguineis suis, ac ceteris omnibus linguæ suæ nationibus Barbaris Istri

accolis, nimirum Taifalis, Vandalis, Erulis, aliisque hanc perfidiam insequisse. à diuerticulo ad ordinem reuertor. Eadem in epistola Auitus Chlodoueu[m] laudat, quòd cum cum varij hæretici ad suas quisque partes trahere conarentur, Catholicam Fidem professus sit: & veritatis ac rectæ de Deo sententiæ *quidam arbiter* datus, dum *sibi eligit, omnibus iudicauerit*: nec vt plerique noxio pudore, & inutili maiorum reuerentia moti facere consueuerant; Christianorum Sacerdotum monitis & cohortationibus religionem popularium & ritus patrij vetustatem opposuerit: vt qui priscæ originis stemmate, ac nobilitate illustris proauos Reges bonorum auctores habebat, posteris suis auctor esset ipse meliorum. Adijcit ab Chlodoueo, quem *timendum gentibus, Regum florentissimum, ac felicissimum, ac patrem omnium* appellat; captiuos vinculis liberatos, atque dimissos: & per nuntium Viennam missum de Baptismo suscipiendo initi consilij se certiore[m] factum: neque opus esse *Fidem perfectò predicare, quam ante perfectionem sine predicatione viderit*: tum nimirum cum Chlodoueus inuocato Christo Alamannos acie vicit, ac (sicuti suprà dicit Nicecius) quæ de religione Christiana ab Chrothilde vxore audierat, *vera agnouit*, præsentis Dei auxilio comprobata. Præterea se impetrasse Auitus scribit à Domino Gundobado, *sua quidem gentis Rege, sed Chlodouei* (vti ait) *milite*, ei[us]que seruire in omnibus parato, vt viri Illustris Laurentij cuiusdam filium ad eum, quemadmodum petierat, mitteret. vnum orat Chlodoueu[m], vt quoniam gens vniuersa Francorum per eum breui Christiana futura sit, *ulteriores gentes*, quas vnus ac summi Dei ignaras nondum vllæ hæreses aut praua dogmata corruerunt, nimirum interiores Germanorum nationes, quæ sub imperio Francorum non erant, dimissis quoquouersus legationibus ad religionem Christianam inuitet. Et id quidem forsitan Chlodoueus fecit. certè imitatus Constantinum Maximum, Francos saltem ditionis suæ (vti ait Sigebertus) cum exemplo suo; tum et[er]a edicto ad Fidem Christianam partim inuitauit, partim perduxit. vt non sine causâ à Remigio in II episto-

*lis non solum predicator Fidei Catholicae, sed defensor, meritis illustribus appelletur.*

Exemplum Chlodouei Regis intra paucissimos annos Francorum pars maior & melior imitata est. eodem plerique consilio Presbyteros adire, ad Episcopos conuenire, his magistris quæ credenda erant edoceri, & Christianam religionem profiteri, colere, amplificare cœperunt. càmque postea non modò integram à contagione accolarum seruârunt, verùm etiam Alamannis, Baioariis, Toringis, Saxonibus, Frisiis, aliisque gentibus idololatriis domitis inseuerunt. tantum denique sacrarum Virginum, sanctorum Monachorum, Abbatum, Presbyterorum, Episcoporum tulerunt: tot experimentis pietatem suam testatam fecerunt, magis vt Fidem Christi Gallos edocuisse, quàm à Gallis didicisse videri possent. Quamobrem Iustinianus Aug. apud Procopium in libro I belli Gothici & Agathias dicunt omnes Francos rectissimam atque eandem, quam Romanos, de Deo opinionem habere, eosdem festos dies anniuersarios agere, & hæresin atque perfidiam Ariatorum damnare, & Pelagius Episcopus vrbs Romæ in epistola ad Auxanum Arelatensem Episcopum ait Francorum Reges cum Romanis in rectæ Fidei confessione consentire. similiter Gregorius cognomine Magnus, Romanæ Ecclesiæ Episcopus, in litteris cùm ad Childebertum Regem Francorum, tum ad eius filios scriptis, affirmat, quanto Reges ceteris hominibus præstent, tanto eorum Regnum Fidei sinceritate, & integritate Christianæ religionis omnibus omnium gentium regnis antecellere. Ex quo intelligitur Reges nostros, qui Chlodouei insequentiumque Principum vt virtutis ita & pietatis heredes, & Catholicæ disciplinæ semper tenaces fuerunt, iure meritòque Christianissimos appellari.

Ceterùm postquam Chlodoueus Baptismum iniit, Galli, qui sub Francorum imperio erant, multo placidiores & obsequentiores facti sunt: & qui non erant, eos habere dominos plerique summopere cupiuere. licet enim antea Galli, qui Visigothis, & Burgundio-

nibus Arianis parebant, partim amore, partim metu impulsī, in Francos studiis inclinauerint: & beatus Aprunculus Lingonicę Ecclesię Episcopus propterea Burgundionibus suspectus, & clam occidi iussus sit, atque noctu de muro castri Diuionensis demissus Aruernos petierit, in locum C. Apollinaris Sidonij tum fortē defuncti subrogandus: tamen post acceptum à Chlodoueo Baptismum multo alacrius & prouioribus animis cū alijs, tum Episcopi, homines magnę sanctitatis auctoritatisque, pro se quisque odio hæreseos Arianę, & amore Fidei Catholicę res ad Francos traxere. quippe (vt Gregorius scribit) Volusianus, stirpis Senatorię, Turonicę Ecclesię Episcopus, & Verus eius successor, cū Vesigothis suspecti essent fauere Chlodoueo, ac defensionem attentare, alter post alterum iussu Alarici Regis in exilium acti sunt. & Quintianus Rutenorum Episcopus, ante prælium Vogladense ab opidanis apud Gothos ibi habitantes accusatus initio de tradenda Francis vrbe consilij, cū cognouisset se in periculo mortis esse, noctu profugit, & ad Euphrasium Aruernicę Ecclesię Antistitem, Aprunculi Diuionensis successorem, Augustonemetum se contulit, cuiusque & liberalitate viui sustentatus, & mortui in locum anno v post Chlodouei obitum successus est. Postremò Aquitani, post victum cæsūque à Chlodoueo Alaricum, quālibet libenter Arianum Regem Catholico mutarent, prompta omnes ac celeri deditione ostendere. Quamquam de Verō, ac maxime de Quintiano an Gregorio credi oporteat nescio. siquidem Leonem Diaconum, missum à Verō Episcopo Turonicę Ecclesię, decretis Sacerdotum, qui Messalla V. C. Consule XXI regni Alarici anno Agathę conuenerunt, subscripsisse inuenio. ex quo cognoscitur Verum, si sedē suā verē expulsus fuit, circa finem eiusdem anni aut initium insequentis, quō Alaricus interfectus est, pulsū fuisse. Quintianum autem Rutenorum Episcopum constat Synodo huic apud Agatham habitę interfuisse, eūque, ac similiter Euphrasium Aruernorum Episcopū

10VL Felice V. C. Consule, ante paucos menses quā Chlo-

10XI

doueus decederet, acta Concilij Aurelianensis manu suâ confirmauisse. Præterea cum tam Aruerni, quàm Ruteni sub imperio ac ditione Vesigothorum fuerint, quoad vixit Alaricus minor: apparet Quintianum, ob supradictam rem pulsum ac profugum, viuo Alarico mortis effugiendæ causâ Aruernos petiturum, & ab Euphrasio Episcopo accipiendum, agrisque ac vineis donandum non fuisse. Denique Aprunculum quidem Burgundionibus; Volusianum, ac Verum Vesigothis suspectos facere potuit propinquitas Francorum, quæ & horum commercium prodicionis adiuuaret, & illis ad occupanda retinendâque opida plurimum conferret. nam Andematunnum Lingonum non ampliùs passuum XLIII millibus aberat à Tullo Leucorum, ab Augustobona Tricassium aliquanto minùs, quæ vrbes ambæ parebant Chlodoueo. & flumen Liger, cuius ad vltiorem ripam positum est Cæsardunum Turonum, fines Vesigothorum à Francis diuidebat. At Ruteni, vltima Aquitanix gens, & prouinciæ Narbonensi contemina, regnante Alarico variis ditionis eius nationibus vndique claudiebantur. minimè vt verisimile sit Quintianum tum prodendi Francis opidi Rutenorum Segoduni consilium iniisse, quò ne præsidium quidem mittere inuitatus Chlodoueus potuisset. eò enim per Bituriges, & Aruernos, gentes infestas, hoc est, per omnem ferè, quàm lata est, Aquitaniam Alarico parentem tendere oportebat. Quare existimo Quintianum Rutenorum Episcopum, si è sede sua vmquam expulsus est, post non solum Alarici sed etiam Chlodouei mortem expulsus esse, idque ita accidisse. Vesigothos, cum, vt ait Gregorius, mortuo Chlodoueo multa ex his, quæ Vogladensi prælio amiserant, armis recepissent, Segodunum opidum Rutenorum præ ceteris occupauisse, atque aliquot annis tenuisse, eiusque Episcopum Quintianum, tamquam Francis faueret: suspectum habuisse, & interimere voluisse: qui vnâ cum fidissimis seruis fugâ salutem, Aruernosque perierit, ibique iussu Theodorici Francorum Regis; anno v post Chlodouei Magni obitum Euphrasio vrbis Sacerdoti successor sit datus.



Hincmarus in libro de vita Remigij scribit Chlodoucum, Proceresque Francorum post acceptum Baptismum omnibus Ecclesiis Regni ablata restituisse; ac præterea plurimas possessiones per varias prouincias Remigio piè contulisse, quarum is partem, nimirum Luliacum, castrum Codiciacum, & Bernam villam, Remensis Ecclesiæ prædiis adiunxerit; partem, non modicam castro, quod Laudunum Clauatum appellant, vel Basilicæ sanctæ Mariæ ibi positæ attribuerit, eique loco Genebaudum, nobilissimum hominem atque doctissimum, Episcopum præposuerit. Eulogium quoque virum potentissimum, clarissimumque, vt ex nomine intelligitur, natione Gallum, cùm maiestatis reus in Ecclesiam beatæ Mariæ confugisset, vsusque deprecatore Remigio vitam, veniàmque, ac rerum suarum dominium à Chlodouco impetrauisset, Sparnacum villam suam eidem dono dare voluisse, recusantique in vsum Ecclesiæ Remensis argenti librarum quinque millibus vendidisse. Præterea Hormisdam vrbis Romæ Episcopum, post prælium Vogladense, cæsumque Alaricum, Remigio Remorum Episcopo vices suas per Regnum Chlodouci commisisse tradit Hincmarus, eoque sedem Apostolicam obtinente Chlodoucum hortatu Remigij legatos Romam misisse, qui coronam ex auro & gemmis, donum eximium, in Basilica Petri ponendam, Principique Apostolorum dicandam & consecrandam curarent. exemplum quoque litterarum Hormisdæ ad Remigium subscribit, quas non minùs falsas atque confictas, quàm Remigij testamentum subiectum arbitror. quippe anno IV post Chlodouci obitum, nimirum Florentio & Anthemio Coss. (sicuti ait Marcellinus in Chronico) Hormisda in locum Symmachi Romanæ Ecclesiæ Episcopus est subrogatus.

1225.

cccc.  
xcvii.

Auctor Appendicis Chronico Victoris adiunctæ prodit Anastasio Aug. II Consule *Gothar*, hoc est *Vesigothos*, intra *Hispanias sedes accepisse*. quod cùm falsum sit, (nam Barcinonensis regio iam inde ab Ataulfo sub ditione *Vesigothorum* fuit, & Theodoricus posterior, ac Euricus frater eius multas Hispaniæ clarissimas vr-

bes armis occupauerant) non dubito, quin hic error non Auctori, sed vitio exemplarium ac duabus litterulis debeat imputari, & quin Vesigothi nequaquam intra Hispaniam *sedes accepisse*, verum *caedes occupasse* dicendi sint. Certè hoc Auctoris ipsius verba indicant. addit enim Burdimelum, qui ante annum ab Alarico descuerat, & in Hispania regnum inuaserat, à suis traditum, Tolosam perductum, ibi tauro æneo impositum, ac flammâ subiectâ viuum crematum esse: & Messalla V. C. Consule Dertosa à Vesigothis opido positus alium quemdam Tyrannum interemtum, caputque eius Cæsaraugustam allatum dicit. quæ Tyrannorum Hispaniensium cædes sine multorum cædibus, qui aut participes coniurationum fuerant, aut fuisse putabantur, fieri non potuere.

Eodem anno Verodunenses à Chlodoueo defecere, <sup>cccc-xcvi.</sup> moxque obsessi vbi arietibus murum quati, & aggerem exstructum proferri viderunt, pro Firmino Episcopo, qui paucis antè diebus decesserat, ciuem suum Auspicium vrbis Archipresbyterum, virum sanctissimum, ad Regem misere oratum, vt sibi ignosceret, veniâque impetratâ portas aperuere, & Chlodoueam cum suis copiis opido recepere. Hoc accidisse Anastasij secundo Consulatu vt credam facit Aimoinus Monachus, qui narrationi belli Alamannici, & Baptisimi Chlodoueo Regi Francisque collati continuè defectionem Verodunensium deditiõnemque subtexit. Quamquam Auctor non vetus libri de vita Maximini Verodunenses ab Chlodoueo descuiisse inter ipsa *regni eius auspicia* tradit. quem tamen nihilominus secum pugnans honoris causâ præcedentibus Clericis vrbem intrasse, & in Ecclesia Deo gratias egisse scribit. ex quo intelligitur Chlodoueam, tum cùm Verodunum recepit, Christianum fuisse: at is non initio principatus, sed quintodecimo regni sui anno, Consulatu Paulli factus est <sup>cccc-xcvi.</sup> Christianus.

Patricio & Hypatio Coss. Theodericus Ostrogothorum Rex, anno VII post interemtum Odoacrem, ac omnem Italiam perdomitam, vrbem Romam intrauit, 12.

ibique Odoinum, vel, ut alij dixerunt, Odoindum, Comitem ac popularem suum sibi insidiantem capite truncari iussit in Palatio Sessorio. cuius Sessorij Palatii, in IV Synodo Romæ iussu Theoderici huius habita, mentionem fieri video, & in Actis Xysti Romani Episcopi, in quibus *Heleniana Basilica*, vel *Hierusalem Basilica* Sessorij Palatii, alio nomine *Sessorianum atrium* appellatur.

15. Eodem anno bellum Burgundicum initum ac finitum esse prodit in Chronico Marius Auenticensis Episcopus. Tum Burgundiones, qui & Burgundij, tenebant in Gallia Lugdunensem primam, Sequanos, partem maiorem provincie Viennensis, Alpes Peninas, & Graias, atque Maritimas, & aliquot Narbonensis Secundæ vrbes, quæ pars Gallie Burgundia ab gente cognominata est, & ita apud Senatorem in libri I epistola vltima vocatur. Horum Rex Gundiucus IV filios, Gundobadum, Godegisilum, Chilpericum, & Godomarum, superstites ac Regni sui successores reliquerat. è quibus Gundobadus Chilpericum, Chrothildis Reginæ patrem, & Godomarum interfecerat, Regnumque totius Burgundie occupare conabatur. ipse Lugdunum Segusianorum Regiam delegerat: Godegisilus, quem Fredegarius Gundeghisilum, Frecculfus Gundeisilum, Hincmarus Godegisilum appellat, Geneuam Allobrogum opidum sedem habebat. Breui apparuit inter malos fratres fidam pacem, ac diuturnam concordiam esse non posse. cum enim alter alteri insidiareretur, bellum ciuile palam exarsit. Godegisilus, opibus & gratia apud populares inferior, clam per legatos annum tributum Chlodoueo, quantum vellet imponere, se pensurum promisit, si eius operâ fratrem victum occidere, aut saltem Regno spoliare potuisset. Facile à viro, qui in pace bellum quærere solebat, accepta conditio est, & legati cum pollicitatione auxiliorum dimissi. Lætus igitur Chlodoueus spe prædæ, & occasione vindicandæ fœceri cædis, maximas copias cogit, & ut erat constitutum, in Burgundiam contendit. At Gundobadus ignarus fraudis legatos ad Godegisilum fratrem suum mittit oratum, sibi ut ab Francis oppugnato celeriter opituletur: condonet inimi-

inimicitias patriæ periclitanti, & aduersus communem hostem in commune consulat: ne qui iuncti pares esse Chlodoueo possint, distracti opprimantur. Pollicetur auxilium Godegisilus, móxque cum omnibus copiis ex composito adiungitur Gundobado, simul ac pugnae signum datum esset, ad Chlodoueam transiturus. tum ambo Chlodoueo armati occurrunt. Committitur prælium apud Diuionem, quod erat castrum in finibus Lingonũ ad Oscaram flumen, ab Imperatore Aureliano non ( vt Gregorius putat ) exædificatum, sed nouis mœnibus cinctum. Vbi pugnari cœptum est, Godegisilus, quemadmodum conuenerat, cum exercitu ad Chlodoueam transit, & arma in fratrem vertit. quod posteaquam sensit Gundobadus, multis suorum amissis fugam capeßiuit: nec munimentis Lugduni, ac ne Viennę quidem, aut Valentię satis confisus, Auenionis muris se inclusit, tanto ( vti existimabat ) ab hostibus tutior, quanto remotior futurus. eò frumentum comportari, pecus ex agris compelli iubet. Godegisilus autem, promissa Chlodoueo parte Regni sui, discessit, triumphansque, tamquam iam totius Burgundię imperium obtineret, Viennam Allobrogum, inuitantibus opidanis ac popularibus, intravit. Interea Chlodoueus auctis copiis suis Gundobadum quā fugerat sequi, ac interficere statuit: penetrat interiora Burgundię: superatque flumine Rhodano castra ante Auenionem ponit, minimè plenam ab se latam victoriam, confectumque ducens bellum, si Rex hostium euadere potuisset. Iam depopulatis agris, cæsis oliuetis, vineis excisis, vicis incensis, feruebat obfidio, & Gundobadus intra muros cum suis non modò de Regno, sed etiam de auxilio ac de salute desperabat. ægro animi, anxioque supradictus Aredius, amicorum eius facilè primus, consilij sui rationem aperit, & ex constituto ad Chlodoueam transfugit, affirmatque se victorię ipsius comitem, quàm socium Gundobadi pulsi ac obsessi esse maluisse. receptus inter familiares, vir in suadendo prudens, & in arcano sibi commisso celando fidelis, nec minùs iucundus & suauis, quàm callidus, breui in magno honore apud Regem fuit.

quem cùm diuturnæ obsidionis tædere animaduerte-  
ret, arrepto tempore veniam libertatis precatus monuit,  
vt irrita munitissimæ vrbis oppugnatione dimissâ, Gun-  
dobado tributum in annos singulos pendendum impo-  
neret, suâque in eo negotio operâ vteretur. Placuit  
Chlodoueo consilium, remissumque confestim Auenio-  
nem Aredium subsecuti eius legati Gundobadum impe-  
rata facere paratum inuenere. itaque conditiones pacis  
quæ ferebantur acceptæ, & promisso annuo tributo, ab  
altero pecunia in annum; ab altero obsidio soluta est.  
Chlodoueus Burgundiæ spoliis onustus exercitum præ-  
dâ grauē domum reduxit.

Exstincto cum in modum externo, ciuile bellum de-  
integro in Burgundia exarsit. Gundobadus enim, quem  
Fredegarius Gundebadum; Regino Cundibaldum ap-  
pellat, post discessum Francorum receptis viribus, opi-  
dum Allobrogum Viennam caput Regni sui oppugna-  
re instituit. id opidum Godegisilus popularium aliquot,  
& Francorum auxiliatorum præsidio tenebat. qui cùm  
angusta re frumentaria vteretur, multitudinem inopia  
pressam opido excedere iussit. Eiectus præter ceteros  
Curator aquarum publicarum; indignabundus, ac fre-  
mens contemptum se, & tamquam vnum de inutili ple-  
be expulsus, statim Gundobadum adit: docet frustra  
tot operibus, tanto cum virorum fortium periculo Vien-  
nam oppugnari, cuius potiundæ compendiarium viam  
demonstrare possit. probatôque Regi consilio suo, dux  
ipse armatis datus robustissimos expeditissimôsque mi-  
litum Gundobadianorum per aquæductum ducit, &  
amoto ferreis vestibus magno lapide, quo spiraculum  
eius intramuranum clausum erat, in urbem intromittit.  
illi, vt imperatum erat, simulac ex aquæductu velut è  
cuniculo emerferunt, bucinâ signum captæ vrbis de-  
dere. Respicientibus; qui è muris propugnabant, & se  
à tergo circumuentos esse videntibus, Gundobadus oc-  
cupatis portis cum copiis suis in urbem irrupit, & de-  
fensores perterritos ac in medio conclusos occidit. Go-  
degisilus in Ecclesiam Hæreticorum confugit, ibique  
vna cum Episcopo Ariano Arianus interficitur. at Fran-

ci, quos à Chlodoueo Godegisilus acceperat, in turrim  
 concessere, quos Gundobadus captos à militibus suis  
 violari vetuit, Tolosamque perducere, (vt ait Gregorius)  
 & Alarico Vefigothorum Regi tradi iussit. Quamquam  
 Fredegarius Scholasticus, & Aimoinus produnt Fran-  
 cos hosce, v *millia* numero, vel, quod malim, 11, ab Gun-  
 dobadianis ad vnum omnes occisos esse. Primores Vien-  
 nensium, quos Gregorius Senatores, Marius Seniores  
 appellat, ac Burgundiones complures, qui Godegisili  
 partibus fauerant, multis exquisitissimisque suppliciis  
 affecti sunt, ac necati. Eum in modum Gundobadus  
 intra finem anni, quo Patricius & Hypatius Consules  
 fuerunt, aduersam, ac secundam fortunam expertus,  
 primùm acie victus; deinde obsessus; paullo pòst fra-  
 trem, à quo erat pulsus, obsedit: Regnòque suo tam  
 citò & facillè recepto quàm amisso Regnum eius ad-  
 iunxit: ac omnem Burgundiam occupauit, cædibus  
 trium fratrum infamis. atque suis postea viribus con-  
 fisis promissum Chlodoueo tributum non pependit:  
 móxque Burgundionibus leges mitiores instituit, ne  
 Romanos, hoc est prouinciales Gallos iniuriis affice-  
 rent. Hæ sunt leges, quas cùm Auieni Consulatu pro-  
 mulgatas legamus, Auieno & Pompeio Coss. vel infe-  
 quenti anno, nimirum Flauio Auieno iuniore & Probo  
 Coss. latas fuisse credere nos oportet, & quas Reges  
 Francorum Burgundionibus domitis reliquerunt. Cer-  
 tè Agobardus Lugdunensis Episcopus, qui post CCC  
 annos, quàm Burgundia ab Childeberto & Chlothario  
 Chlodouici filiis in prouinciam redacta fuerat, floruit,  
 Christianissimum & piissimum Imperatorem Ludoui-  
 cum semper Augustum epistola quadam hortatur &  
 monet, vt (si fieri possit) Burgundiones, quos *cines suos*,  
 & *Gundebados* appellat, legibus Francorum vt iubeat,  
 legem Gundebadi Regis Burgundionum hæretici, quam  
 & Gundebadam vocari dicit, lites non iure & virorum  
 bonorum testimoniis; sed aut rei ipsius iureiurando, aut  
 armis terminantem abrogando. Bello confecto Gun-  
 dobadus, Christum filium Dei, & Spiritum Sanctum  
 æqualem Patri confessus, Auitum Viennensem Episco-

pum orauit, vt clam ipsum vngeret. Cui Auitus respondit non oportere Regem, qui nullum timere debeat, metu seditionis à publica professione veritatis deterri: meliusque esse, vt multitudo Regis fidem sequatur, quam Rex multitudinis sectam. illum caput esse gentis suæ, & quemadmodum cum expeditionem facit, præire soleat copiis quò duxerit secuturis; ita exemplo suo ac veluti ductu populares ab errore abducere debere. At Gundobadus ob supradictam causam æqualitatem trium Personarum publicè confiteri noluit, nec in eiuranda hæresi ausus est Chlodouei in patria superstitione damnanda animum imitari.

Et Marius quidem in Chronico, Gregorius Aruernus, Turonicæ Ecclesiæ Episcopus in Historiæ libro 11, Fredegarius Scholasticus in eius excerptis, Freulfus, ac Aimoinus Monachus, ita vt suprà retulimus, de bello Burgundico scripsere. ac Auctor quidam Historiæ Francicæ, ætate Gregorio proximus, Hincmarus in libro de vita Remigij, & Rorico Monachus, nullâ perfidiæ Godegisili mentione factâ, falsò dicunt Chlodouicum impulsus ab vxore sua Gundobado & Godegisilo iunctis bellum intulisse, ambòsque circa Diuionem acie fudisse. & aliò quidem Godegisilum, Gundobadum verò Auenionem se contulisse, moxque obsessum, supradicto comento Aredij viri illustris Consiliarij sui, nimirum pacto pensionis annui tributi, quod seruaturus non erat, datisque multis muneribus à Chlodouei manibus euasisse, ac postea Regnum totius Burgundiæ, quoad vixit, feliciter administrauisse. quem Gundobadū alij Gundobaldum; alij Gundobaudum; alij Gundebaldum; Hincmarus ac Sigebertus Gundebaudum appellant. Procopius, Cæsariensis Palæstinus, Rhetor in libro 1 belli Gothici dissentit ab omnibus. quippe scribit Toringorum ac Vesigothorum Reges Herminafridum ac Alaricū posteriorem, cum post Odoacris mortem vires Francorum iam auctas admodum timerent, eaque gens multitudini ac virtuti suæ confisa finitimos omnes lacefferet, ac apertè violaret, Theoderici Regis Ostrogothorum afinitatem delegisse. ex eo Francos metu Theoderici in-

iuriis & vexationibus Toringorum ac Vefigothorum abstinuisse, bellumque Burgundionibus intulisse. ( quorum Regis filius tamen, nomine Sigismundus, Ostrogotham minorem natu filiam Theoderici in matrimonio habebat ) Addit Procopius Francos postea, & Ostrogothos, quos semper Gothos appellat, hoc est Chlodoueuum, & Theodericum Reges, belli Burgundionibus faciendi occupandæque Burgundiæ inisse societatem: atque vtri forte pugnae non affuissent, hos multari certâ pecuniâ, quam alteri operæ ac victoriæ præmium acciperent, ac nihilominus dimidium agri ex hoste capti obtinere placuisse. Cum diem ex die duceret Theodericus, longumque esset eius exercitum expectare; Francos cum magnis copiis Burgundiam ingressos esse, solosque per se aduersus Burgundiones pugnauisse: ac postquam æquo atque dubio Marte diu atque acriter dimicatum erat, & magna vtrimque cædes facta, tandem Burgundiones fufos terga vertisse, ac in extrema Burgundiæ ad Alpes versus refugisse: quibus in partibus multa castella situ naturali & opere munita habebant. vrentibus victoriâ Francis, & reliquam omnem regionem occupantibus, celeriter aduenisse Ostrogothorum Duces cum copiis, quos lentè iter facere, atque si victos esse Burgundiones comperissent, festinare; sin autem contrâ atque speraret vicisse cognouissent, non progredi vterius Theodericus iusserat. Hos, accusatos grauitè & increpitos à sociis, longinquitati ac difficultatibus locorum moram suam imputauisse, partemque pecuniam victoribus pœnæ nomine dedisse: ac mox, vti conuenerat, quidquid agri Burgundionibus ademptum erat, inter Francorum ac Ostrogothorum Reges ex æquo diuisum esse. quæ gesta esse, antequam Chlodoueus Alarico Vefigothorum Regi bellum inferret. Quibus verbis videtur indicare Procopius, ante prælium Vogladense cædemque Alarici, duas à Francis in Burgundiones expeditiones fuisse susceptas, prioremque designare, cum scribit Francos Burgundionibus bellum intulisse: de posteriore loqui, cum ait eisdem postea vnâ cum Ostrogothis belli Burgundici socie-



tatem iniisse, ac Burgundiam ingressos esse.

Et Procopius quidem, ita ut alius nemo, bellum Burgundicum exponit. Quominus miror, quæ de Arboricis idem Auctor, memoriæ tradidit: eos nimirum magnæ homines virtutis, Francis finitimos, & cum reliqua omni Gallia atque Hispania pridem Imperio Romano subiectos fuisse, tum verò veterem Reip. formam mutauisse. quos cum Franci diuturno bello experti vincere non potuissent, petiere, sibi ut cum eis foedus & connubia essent. (nam utrique Christianam religionem profitebantur) in has leges pacem compositam, & societate ac affinitatibus ex duabus vnam gentem factam esse, talique pacto magna Francos potentiae incrementa quæsiuisse. At milites Romanos in ultimis Galliae finibus custodiæ causâ constitutos, cum numero impares nec resistere, nec in Italiam, vnde venerat, reuerti possent, nec ad hostes Arianos transire vellent, se, & quam præsidius tuebantur regionem in Arboricorum atque Francorum ditionem dedidisse: necdum apud eorum posteros leges patrias, disciplinam rei militaris, habitumque Romanum sua ætate exoleuisse. Quos ego Arboricos, vel Arborychos ignoto nomine appellatos à Procopio, non alios quam Armoricos esse indicarique arbitror. Nam quod ait Procopius, Arboricos Francis confines, & Christianos fuisse, atque cum reliquis omnibus Gallis ac Hispanis diutissime Romanis paruisse; id de Armoricis propriè vocatis dici posse, & verò oportere constat, qui oram prouinciæ Lugdunensis II ac III à Sequanæ exitu ad ostium Ligeris vsque promissam tenebant. quippe Armorici cum omni Gallia Christum coluere, ac Imperatoribus Rom. paruere: & Franci, dum trans Renum habitauere, tractum Neruicū & Armoricum ut proximum; sic piraticis latrociniis ac prædationibus sæpe infestum habuere. & postquam Belgicam, ac pleraque Lugdunensis Galliae domuere, Aulercosque Cenomanos & Andecauios gentes Armoricis affines in deditionem accepere: iidem mihi videntur, ne quid inter Renum ac Ligerim hostile esset, ciuitatibus Armoricis bellum intulisse. Certè Gregorius in libro

primo de Gloria Martyrum scribit Chillonem quem-  
 dam à Chlodoueo Francorum Rege in Namnetes, quæ  
 gens Armorica erat, cum exercitu missum esse, & post  
 bimestrem eorum opidi oppugnationem subitâ ac oc-  
 cultâ formidine Francorum animis diuinitus incusâ ob-  
 sidionem soluisse, baptizarique voluisse. quod tamen  
 opidum Namnetum postea, cum Venetorum, Redo-  
 num, Abrincatuorum, Constantinorum vrbibus, ac  
 Rotomago, hoc est cum maiori parte tractus Armori-  
 cani, Chlodoueo paruissè indicant subscriptiones Epi-  
 scoporum, qui iussu eius in opido Aurelianorum con-  
 uenerunt. è quibus Veneti (vt Eginardus in Annalibus,  
 & Aimoinus in libro IV tradunt) primùm à Britannis,  
 metu Anglorum & amore libertatis ex patria profugis,  
 tributarij facti sunt: deinde ab Chlodoueo Rege domiti  
 sub Francorum ditione atque imperio per annos circiter  
 XC fuerunt. donec anno XVII regni Guntchramni  
 atque Chilperici à Waroco Britanno recepti sunt. qui  
 non multo pòst cæso cum suis copiis Beppoleno, frau-  
 de decepto Ebrachario Guntchramni Ducibus, Vene-  
 tiam in potestate sua ita retinuit, vt vsquè ad Pippi-  
 num Regem; qui opidum Venetos anno DCCCLIII  
 cepit, per annos CLXXIV non alios quàm Britannos  
 Regulos habuerit. atque ob id Veneticam regionem à  
 Waroco Venetorum Comite, quem Guerecum, & We-  
 rocum appellat, Broguerec Britannico nomine dictam  
 ait Auctor libri de vita Gildæ Sapientis. Vt ad Chlodo-  
 ueum reuertamur: tamen si nec Concilij Aurelianensis,  
 nec Gregorij auctoritate niteremur; nequaquam cre-  
 dere nos oporteret eum Regem, Armoricis post occi-  
 pitium hostibus relictis, flumen Ligerim transiturum;  
 & antequam citeriora pacauisset, occupandæ Aquita-  
 niæ causâ Alarico Vefigothorum Regi bellum illaturum  
 fuisse. Præterea vti Procopius tradit Arboricis, quo  
 tempore cum Francis societatem & amicitiam iunxere,  
 Reipublicæ formam pristinæ dissimilem fuisse: ita ex  
 Zosimò cognoscitur, id quod in libro IV notauimus,  
 effusus per Gallias Germanis, hoc est Sueuis, Vandalis,  
 & Burgundionibus; Armoricos ab Honorio Aug. in

DCLXX.  
 VIII.

quo nullum sibi aduersus impotentiam Tyrannorum, & Barbarorum latrocinia, ac exactorum iniquitatem præsidium esse intelligebant, defecisse, eiectionisque magistratibus Romanis, Remp. suo arbitrio constituisse. quamobrem principatu Placidi Valentiniani à Litorio subacti, (vt ait Sidonius) paullo post rebellauere: missoque ad eos compescendos Eocharico Alanorum Regi Germanus Autessiodurensis Episcopus persuasit, vt cum suis copiis domum rediret: ac Rauennam profectus, Imper. Valentinianum pro fontibus deprecatus est: impetrassétque veniam, nisi ea gens naturâ mobilis & perfida per idem tempus denuo defecisset. Addit Procopius, milites Romanos in vltima Gallia custodiæ causâ constitutos, cum in Italiam reuerti non possent, Barbaris eam, ac Galliam ferè totam, per quam iter faciendum erat, occupantibus; neque ad hostes Arianos transire vellent, se suâque omnia, quæ diutiùs tueri non valebant, Francorum & Arboricorum fidei potestatiq; commisisse. quibus verbis designari puto descripta in Notitia prouinciarum Imperij Romani præsidia opidorum portuumque oræ Armoricæ, flumine Ligere diuisæ à Vesigothis Arianis, quorum Vesigothorum imperio milites isti præsidiarij Francorum & Arboricorum, Christianarum Catholicarumque gentium, imperia prætulerant. Vbi notare conuenit, cum Procopius scribat Francos fuisse Christianos, quo tempore foedus cum Arboricis iunxerunt, & supradictos milites Romanos in deditionem acceperunt, post initum à Chlodoueo Baptismum ea gesta esse oportere. His animaduersis, tametsi Procopius in prædicto loco libri primi belli Gothici Francos, Toringos, Burgundiones, Sueuos, & Alamannos gentes Germanicas commemorat, Francisque ac Toringis Arboricos suos medios interponere videtur: tamen hosce ego nequaquam in Germanis numerandos existimo, sed Procopium ignorantia verè Armoricos gentem Gallicam, mutato eorum situ ac corrupto nomine, in Germania posuisse credo. præsertim cum, post Varum Ducem tresque legiones cæsas, constet Germanos Transfrenanos Imperatoribus

Romanis minimè paruisse, nullamque Germanicam genrem sedes habenrem in Germania, principatu Chlodouei, quo tempore Franci Galliam occupauerunt, Christianam fuisse.

Admoncor suprafacta mentione Britannorum, vt de his aliquid dicam. Britanni complures, siue ab Anglis eiekti domo, siue externam dominationem perosi, in prouinciam Lugdunensem tertiam aduersam insulæ Britanniae transiere Placidi Valentiniani principatu; ibique domitæ parti Armoricorum, nimirum Veneris, Curiosolitibus, & finitimis nationibus iura & leges, ac nomen suum dedere. incolæ enim Britanni, vel Brittones; regio Britannia appellari coepta, quam alij nouam, alij Gallicam, quidam Cismarinam, nonnulli minorem cognominant. Hæc regio an Francorum Regibus paruerit, ambigi potest. nam Britannos post Chlodouei Regis obitum semper sub Francorum ditione fuisse in Historiæ libro IV tradit Gregorius, quique eis præerant, pro Regibus Comites (vel Duces, addere debuit) vocatos esse. & Auctor libri de vita Leonorij Episcopi scribit Childebertum Regem Chlodouei filium Franciæ imperium Briranniæque obtinuisse. & in libello de vita Pauli inuenio Childebertum huncce Francorum Regem *Vuithuro Comiti*, qui & *Princeps* ibidem dicitur, partem Britanniae regendam commisisse, proficiscentique anulum suum tradidisse, & Paulum Agnensi Leonensi que Britanniae pagis Episcopum præponendum curauisse. Præterea Samson Britannorum vel Dolensium Archiepiscopus dicitur Monasterium Penetale Monasterio Dolensi, quod vtrumque exstruxerat, permisso Childeberti Regis subiecisse ac commendauisse. Eginardus quoque in Annalibus, Aimoinus in Historiæ libro IV, & Poëta quidam Saxo, Arnulfi Aug. æqualis, in rerum gestarum Caroli Magni libro II produnt, *Britannos ab Regibus Francorum subactos ac tributarios factos, impositum sibi vectigal quamuis inuitos soluere consueuisse.* & Episcopi, qui in villa agri Tullensis nomine Saponariis anno Domini 1000 LIX conuenerunt, in epistola ad Episcopos Britannorum scribunt *eam*

gentem *Francis* ab initio fuisse subiectam, ac tributum pependisse. Auētor etiam Annalium, quos Bertinianos appellant, scribit *Salomonem Ducem Brittonum* Carolo Francorum Regi, Ludouici Pij filio occurrisse, eique se commendauisse, & fidem sacramento obligauisse, omnesque primores Brittonum idem facere iussisse, & censum illius terra secundum antiquam consuetudinem eidem pependisse: & insequenti anno Carolo Regi, conuentum ex toto Regno apud Pistas habenti, & annua à suis dona ibidem accipienti, supradictum censum 1. argenti librarum, quem Salomon more maiorum mittebat, oblatum esse. & in Annalibus, qui Mettenses dicuntur, inuenio Saxonum, Frisiorum, Alamannorum, Baioariorum, Aquitanorum, Vasconum, atque Brittonum, gentium quondam *Francis subiectarum* Duces, antequam Pippinus auus Pippini Regis Præfectus Palatii fieret, à Francorum Regibus, quorum desidiā contemnebant, contumaciter defecisse. Et hæc quidem persuadent Britannos Francorum Regibus Merouingis paruissē. Contrā Auētor Historiæ Francicæ Gregorio proximus, ac Freulfus Lexouiorum Episcopus Chonobrum, vel Cunobertum, qui bello Chramni interfectus est, non, ut Gregorius, *Comitem*; sed *Regem Britannorum* appellant. & apud Fredegarium, ac Aimoinum, atque apud Florentinum Abbatem de vita Iudoci, & in libro de vita Dagoberti reperiō Iudicailem, vel Iudichælum, Iuthaëli Regis filium, quem quidam Vidichailum, alij Iudicheilum nuncupant, *Britannorum Regem* & fuisse & vocari. Aimoinus etiam in Historiæ libro II versus Childberti senioris tumulo inscriptos refert, in quibus Brittonum Regibus terrori fuisse dicitur. & Gregorius, velut secum ipse pugnans, in libro IV ac V tradit Chanaonem, seu Conanum, *Britannorum Comitem*, Macliaui fratris sui Regnum occupauisse: quo mortuo Macliauum Regnum recepit, ac Theodoricum quemdam Bodici filium Regno patrio spoliauissē. nemo autem nescit Comitatus & Ducatus quos vocant, hoc est Præfecturas urbium atque regionum *Francis subiectarum*, non armis obtineri, sed ab Regibus Francorum dari ad tempus

confueuiffe. Neque ignoro Comites, & Duces, à noſtris Historicis nonnumquam Reges; & ſubiectas eis regiones, Regna appellari: ſed affirmo, id quod Gregorius ſcribit, Warocum Macliaui filium in agrum Namneticum, Redonicumque pagum ſæpe excurriſſe, & cum Chilperici atque Guntchramni Regum Ducibus pugnauiſſe, nequaquam conuenire ei, qui Francorum Regibus pareret. Vt omittam non alios quàm Britannos in Britannia Ciſmarina regnauiſſe, cùm Reges Franciæ quolibet è populis ſuæ ditionis vrbibus ſuis prouinciis, que præponere ſolerent. Certè Fortunatus in libro IX, de Chilperico Rege ſcribens, inter gentes Francorum inimicas, vti Getas, hoc eſt Veſigothos, Vaſcones, Danos, Æſtiones, quos alij Æſtios, alij Æſtos vocant, Saxones, Friſones, Sueuos; ſic & Britannos numerat. è quibus Vaſcones Pyrenæorum montium incolæ, gens Hiſpaniæ Tarraconenſis libera, prouinciam Nòuempopulanam ætate Fortunati crebris incurſionibus vaſtabant, omnemque tandem uſque ad Garumnam flumen, Francis ſub Maioribus domus bello ciuili laborantibus, occupauere, & Vaſconiam appellauere. qui in Hiſpania remaſerant, *Hiſpanos Vaſcones*; qui Pyrenæum tranſgreſſi in finibus Nouempopulorum conſederant, *Citiſmos Vaſcones* ſcriptores rerum geſtarum Caroli Magni & Ludouici Pij vocant. vnde Aſinarium in Annalibus Bertinianis *Ciſterioris Vaſconia Comitem* dictum inuenio. Friſones verò vel Friſij, qui primò Francis diu paruerant, eiſdem poſtea dominantibus in Gallia, à finitimis Saxonibus ſubaſti eſſe mihi videntur, plurimique eorum in Batauiam tranſiiſſe. vnde Friſia nonnumquam Saxonia; & Bataua cùm ab aliis, tum ab Auctore Annalium Mettenſium Friſia dicta eſt. Miror tamen, quòd hoſtibus Francorum Sueuos annumeret Fortunatus, quos Procopius Rhetor eius æqualis ſub imperio Francorum fuiſſe in belli Gothici libro primo tradidit.

Vt ad Britannos redeam, Epiſcopi Gallicani in Epiſtola ad Nomenoium Britannorum Regem, quem *Priorem gentis Britannica* appellant, ſcribunt certos fuiſſe *ſriſnes*, quos *Franci* ab exordio dominationis ſuæ in Gallia

sibi vindicauerint; & certos, quos petentibus Britannia concesserint. & in Annalibus Bertinianis idem Nomenoius Britto anno DCCCXLIV fines sibi suisque antecessoribus attributos insolenter egressus esse dicitur. quos fines Britannicos Auctor vetus libri de vita Ludouici Pij, alij Britannorum limitem, alij Germanico nomine Marcam Britannicam vocant. & qui de vita Caroli Magni scribere, cum Widonis Comititis ductu anno DCCCXCIX totam Britanniam, quod numquam antea factum erat, perlustratam armis, & à Francis subactam fuisse tradunt, satis apertè ostendunt ante Caroli Magni principatum si non omnem Britanniam; saltem maximam eius partem Francorum Regibus nequaquam paruissse. Neque Fredegarius solùm in Chronico, de Chlothario iuniore Chlodouci pronepote loquens, sed etiam supradicti rerum gestarum Caroli Magni scriptores Britannorum limitem, vel Marcam Britannia, & Praefectum Britannici limitis commemorant. vt appareat Merouei posteris regnantibus, & Carolo ipso Magno in tot tantisque prouinciis dominante, Britannos, veluti alienæ ditionis gentem; à Francis limite diuisos, tribusque per eius Principis Duces expeditionibus victos magis quàm domitos fuisse. Certè à Ludouico Aug. Caroli filio defecere, primùm Murrmano duce, qui regium insigne nomenque sumsit, & ab exercitu Imperatoris occisus est; deinde auctore Wiomarco, qui & ipse dolo circumuentus, ac domi suæ interfectus est. atque quatuor expeditionibus in Britannos cum per se, tum per legatos factis, & depopulata regione, id vnum tantummodò Ludouicus egit, vt obsides ex more darent, & se imperata facturos promitterent, breui fidem violaturi. siquidem Nomenoius, regij sanguinis Princeps, quem Ludouicus Aug. Iudicem, aut (vti ait Regino) Ducem Britannis dederat, rupta fide à Carolo Rege Ludouici Aug. filio desciuit: adiunctoque sibi Lamberto Comite, qui similiter à Carolo defecerat, Reginoldum vel Rainaldum Namnetum Ducem apud Vicinoniam flumen cum magna manu Francorum occidit: nec multo post alium exercitum Caroli Britanniam ingressum, paludibus in-

clufum prælio fudit. Idem non ſolùm Venetos, quam vr-  
 bem Pippinus Caroli Magni pater ceperat, Regno ſuo  
 adiunxit; ſed etiam *limitem antiquum tranſgreſſus* (vt ait  
 Adreualdus) Redonas, atque Namnetas, vrbes Fran-  
 cicæ ditionis, partemque pagi Andecauenſis ac Cêno-  
 mannici vſque ad Meduanam flumen, agris igne & fer-  
 ro longè latèque vaſtatis, occupauit: & ex IV Episco-  
 patibus ſeptem factis, pulſiſque legitimis Episcopis, &  
 aliis in eorum locum ſuffectis, ab Archiepiſcopo Do-  
 lenſi regio more vngi ſe iuſſit. cum Carolo etiam, bis  
 fruſtra Britanniam cum copiis ingreſſo, pacem æquis  
 conditionibus fecit: Regnùmque Heriſpoio filio ſuo  
 moriens tradidit, à quo Carolus Rex acie victus exce-  
 dere Britannîâ, & pacem facere coactus eſt. Hic eſt  
 Heriſpoius, quem datis vtrimque cum fide obſidibus  
 ad Carolum Francorum Regem Iuliomagum Ande-  
 cauorum veniſſe dicit Regino, eique ſeſe commiſiſſe,  
 magniſque muneribus honoratum in Regnum rediiſſe.  
 Adicit Auſtor Annalium Bertinianorum Heriſpoium,  
 quém, vt Nomenoium patrem eius, ſucceſſorémque  
 Salomonem, *Brittonum Ducem* ſemper appellat, regia  
 veſte & *paterna* (vti ait) *potestatis honore*, hoc eſt patrio  
 Regno à Carolo donatum eſſe, additis Redonis, Nam-  
 netis, & *Ratenſi*, id eſt, Ratiatenſi pago, qui ex nomine  
*vici Ratiatenſis*, quem Gregorius, in libro de Gloria  
 Confellorum, prope urbem Namnetas in finibus Picto-  
 num ponit, appellationem traxit. Vbi notandum eſt,  
 cùm Nomenoius Redonas, Namnetas, & Ratiatenſem  
 regionem occupauiffet, Heriſpoio eius filio ac ſucceſſo-  
 ri Carolum Francorum Regem non tam condonauiffet.  
 ſupradictas vrbes, quas iam habebat in poteſtate, quàm  
 earum expugnationem & poſſeſſionem ceſſione ſua  
 comprobauiffet: pagùmque Ratiatenſem ex eo tempore  
 Britanniæ, à qua flumine Ligere diuidebatur, partem  
 eſſe cœpiſſe. Paucis poſt annis Heriſpoius à Salomone  
 Duce & Almaro Britannis, poſteaquam diu rebellaue-  
 rant, interimitur, & Salomon à Britannis Rex ſalutatur.  
 qui vt Carolum Regem placaret iratum ſibi, propterea  
 quòd Guntfridum & Gozfridum rebelles, Ludouicum



quoque filium eius receperat, & ad depopulandam Andecauiam finitimóſque pagos copiis inſtruxerat; anno 1000CLXIII occurrit ei, commiſitque ſeſe: atque eidem ſacramento fidem obligauit, ac argenti libras quinquaginta, eo anno, atque inſequenti tributi nomine pependit, ob idque parte agri, qui Inter-duas-aquas dicitur, & Abbatia S. Albini à Carolo Rege donatus eſt. ſed poſt triennium, nimirum anno 1000CLXVII cum Britanni tributum pendere recuſarent, adiunctique Nortmannis opidum Cenomannos diripuiffent, & iam Carolus bellum eis pararet inferre: tandem conuenit, vt Carolus Salomoni obſides daret, ſicque Paſuuithenus, Salomonis gener, legatus ad Carolum veniret. tum Carolus Salomoni eiúſque filio pagum Conſtantinum hac conditione donauit, ſi fidem ambo, quam per Paſuuithenum dabant, ſibi Ludouicóque filio ſuo ſancitè præſtarent, & auxilia contra hoſtes petentibus mitterent: atque inſequenti anno coronam ex auro gemmis ornatam cum inſignibus regiis Salomoni miſit, quem Nicolaus Epiſcopus Romanæ Eccleſiæ præter ceteros in epiſtola quadam Regem appellat. Idem Salomon anno 1000CLXXIII Carolo, Iuliomagi Andecauorum Nortmannos obſidenti, in auxilium venit, nec tamen caſtra ſua caſtris Caroli iunxit, ſed trans Meduannam flumen cum magno exercitu conſedit, ab eáque parte opidum oppugnauit: & filium ſuum nomine Wigonem ad Carolum, vt ei ſe commendaret, fidemque coram primoribus Britannorum ſacramento obligaret, miſit, nec multo poſt à Ducibus Proceribúſque Britannorum Paſquitano, Vurfando vel Vurnahato, & Wigone Riulini filio interfectus eſt. Tuncque Carolus Rex Francorum de recipiendo Regno Britanniz diu multumque fruſtra cogitauit. Quare ipſe in legibus apud Siluacum latis Redones, Namnetes, Veneros, Curioſolites, vel Corioſopites, Leonenſes, Oſiſmicum pagum, Aletenſes, & Aulercos Diablintes, gentes Armoricas Britannis ſubiectas, inter pagos ſuæ ditionis non numerat, nullamque eorum mentionem facit. & Aſſer Meneuensis eſt auctor Imper. Carolum Craſſum Ludouici

Pij nepotem, qui Ludouici Balbi fratris sui patruelis filiis successit, præter ceteras prouincias *omnem Galliam, excepto Armoricano Regno*, hoc est, exceptâ Britannîâ, tenuisse. quo mortuo Francorum Reges, bellis ciuilibus ac externis impliciti, tantum abfuere à Britannia vindicanda occupandâque, vt ne suos quidem fines aduersus Barbaros tueri potuerint. Hæc de Britannis, digna memoriâ visa, ideo huic loco inferenda existimaui, vt omnes scirent ne Caroli Magni quidem; nedum Chlodouei posteris eos vnquam certa imperij confessione paruisset.

Messalla & Areobindo, vel Areobinda Coss. XV F 10 VI.  
Kalendas Octobres decessit Caretene Regina, quinquagesimum ætatis annum transgressa, conditâque est Lugduni in Ecclesia beati Michaëlis, quam ipsa exstruxerat: femina benefica in pauperes; cilicio, ac ieiuniis in Palatio assucta; filiisq; ac nepotes suos ad Fidem Catholicam hortari solita. vt docent versus tumulo eius inscripti, relatiq; ab Andrea Duchenio: qui Gunduici Burgundionum Regis vxorem, matrêmque quadrigæ Principum, Gundobadi, Godegisili, Chilperici, ac Godomari fuisse Caretenen putat, credo quòd Consulatu Messallæ, viuo Gundobado, eam de Regina Monacham obisse ibidem legerat.

*Doribus his pollens, sublimi mente subire*

*Non spreuit sacrum post diadema iugum.*

Quasi verò non & Radegundis, Bertharij Toringorum Regis filia, similiter permissu Chlotharij viri sui vestem regiam sacro velamine, & Palatium Monasterio mutauerit. Præterea Iordanes scribit, Theodericum Ostrogothorum Regem, *simul ac in Italiam venit*, hoc est, saltem statim post confectum aduersus Odoacrem bellum, Asterio & Præsidio Coss. filiam natu minorem nomine cccc. xciv.  
Ostrogotham Sigismundo Gundobadi Regis filio in matrimonium dedisse. tum autem Caretene plùs minùs XXXV III annum agebat, siquidem anno XII post, Messalla Consule quinquagenaria erat. potuitne verò 10 VI.  
femina annorum circa XXXVIII non iam filium, sed nepotem suum maritum videre? Non igitur Caretene

Gundiuci vxor, sed nurus; non Gundobadi mater, sed coniux fuit, cuius filius Sigismundus, (ne de Godomaro loquar) neposque Sigisfricus post Gundobadi mortem, hæresi Arianâ eiuratâ, Catholicam Fidem professi sunt. Caretenes huius pieratem, omisso nomine, laudat Gregorius in libro II de Gloria Martyrum: in quo scribit de Burgundionibus, qui Briuâte vico Aruernorum Vesigothis parenrium direpto, spoliataque Basilica Iuliani Martyris, ab Hillidio Vellauo cæsi erant, quatuor fuga elapsos domum reuertisse, & prædam suam, nimirum patinam ex argento, quatuor in partes diuississe, vrceum autem similiter argenteum Gundobado Regi dono dedisse. Quo cognito Reginam viro suo persuassisse, ne propter tantillum argentum tanti Martyris gratiam amitteret, vrceumque, & patinam, sicut erat diuisa, additis multis muneribus, Ecclesiæ Iuliani restituisse.

12 VI.

Eodem anno Alaricus Vesigothorum Rex, secutus exemplû Eurici parentis sui, qui primus leges Vesigothis describendas curauerat, Codicis Theodosiani libros XVI, quibusdam consilio & consensu Episcoporum ac Nobilitatis partim emendatis, partim explicatis; in epitomen coëgit, ac edidit, vt his legibus Romani, hoc est prouinciales Galli, Hispanique, ac forsitan etiam (vti Præfatio Alarici indicare videtur) Vesigorhî vterentur: Episcopisque Aquitanix & Gallix Narbonensis permisit, vt Agathæ conuenirent. Certè in præfatione Cæsarionum Episcopi ipsi profirentur *permissu Domini suæ gloriosissimi, magnificentissimi, piissimique Regis* in vrbe Agathæ conuenisse. Cæsarius Arelatensis Episcopus, magnæ vir sanctitatis atque doctrinæ, huic Synodo præfuit, statutisque primus subscripsit III Idus Septembr. Messalla V. C. Cos. anno XXII regni Domini Alarici Regis, cui Concilio nullos ex Hispaniæ prouinciis Alarico subiectis Episcopos interfuisse miror.

Ne quis autem forsitan miretur, quòd suprà dixerim Gallos & Hispanos vocatos esse Romanos: notare conuenit, cum Barbari prouincias Imperij Romani perpetuæ possessionis causâ in Occidente occupauissent, prouin-

uinciales quidem nomen vnà cum dominis minimè mutauisse, & vti anrea dicebantur, Romanos à Barbaris dictos esse: ipsos autem non iam, sicut antè, contumeliæ, sed honoris causâ Barbaros appellari cœpisse. Sic Theodericus Ostrogothorum Rex in Ediçto suo leges *Barbaris Romanisque*, hoc est Italici, & Ostrogothis ferre se dicit, ibidémque alteros numquam aliter quàm *Romanos*; alteros non aliter quàm *Barbaros* vocat: quos posteriores Cassiodorus Senator Gothos appellare maluit, Romanisque semper præposuit. Sic in Legibus Visigothorum Hispani; sic apud Eugepium in libro de vita Seuerini Norici *Romani* dicuntur. & Victor Vticensis Episcopus in libro III de Persecutione Ecclesiæ Africanæ scribit Vandalos, qui *Barbari* vocentur, alio conuenientiore & magis proprio nomine appellari non posse. quippe id vocabulum ferociæ, crudelitatis, ac terroris esse: Barbarosque, quantumuis muneribus donentur & colantur obsequiis, Romanis nihilominus inuidere, splendorémque nominis Romani obscurare semper cupere, nec vllum Romanum diligere aut saluum velle. Et vt de Francis ac Gallis loquar, apud Gregorium in Historiæ libro IV Francos, latam Monasterium spoliare parantes, Monachi suppliciter alloquantur ac deterrent his verbis. *nolite, o Barbari, nolite huc transire. Beati enim Martini istud est Monasterium.* & in libro II Gundobadus Burgundionibus leges mitiores tulisse dicitur, ne quam *Romanis*, hoc est Gallis iniuriam facerent. Præterea Fortunatus vt Wilitlutam natione Francam fuisse indicet, sed adedò lenem & cultam, vt Galla videri posset, ita loquitur

*Romana studio, Barbara prole suis.*

Idem in libro VI Chariberto Francorum Regi, Chlodouei nepoti, hinc *Barbariem*; illinc *Romaniam* plaudere ait. & in Carmine de laudibus Chilperici Regis non ipsum quidem; sed (quod idem est) popularem eius, *interpretem Barbarum* vocat.

*Chilperice potens, si interpres Barbarus exstet,*

*Adiutor fortis, hoc quoque nomen habes.*

Hoc est, si Francus linguæ Latinæ peritus nomen ruum

interpretetur, Chilperice Rex, adiutorem fortem interpretabitur. Ex his satis intelligitur Barbari appellationem non ignominiosam tum, & opicam, vt ait Cato; sed claram & illustrem fuisse, & cum Francos, tum alios honoris causâ Barbaros appellari consueuisset à populis suæ ditionis, atque ita se ipsos appellitauisset. Quare ridiculus mihi videtur Gundobadus, qui, credo quòd Burgundiones ante Francos in Gallia confedisset, & patrem ac patruum suum Magistros militiæ sub vltimis Imperatoribus, sociosque & amicos Romanorum fuisse isorat, apud Gregorium Francos, duce Chlodoueo Auenione ipsum obsidentes, contumeliæ causâ *Barbaros* nominat. quasi non etiam Burgundionibus ea appellatio conueniret, qui, vt Franci, gens Germana erant. Sed ferendum id in Burgundionibus, quos non minùs superbos, quàm voraces, garrulos, & imbelles fuisse, & ob superbiam toto gutture loqui consueuisset auctor est Liutprandus. Quòd igitur Galli præ ceteris Romani dicebantur, hinc factum est, vt lex, quâ utebantur, lex Romana appellaretur. quemadmodum apud Gregorium in libro de vita Nicetij Lugdunensis Episcopi, apud Adreualdum Floriacensem Monachum, & alios veteres Historicos reperio. Ob id quoque partem Galliæ, quæ Odoni Francorum Regi parebat, *Franciam Romanam*, hoc est Franciam Gallicam Liutprandus vocat in libro primo rerum in Europa gestarum, vt à Francia eam Germanica distinguat. & in libro de vita Odiliæ Childericus posterior, Dagoberti Regis nepos, *Romana, & Francica terra* imperauisse dicitur, hoc est terræ Galliæ, Neustriæ appellatæ, & Franciæ Germanicæ ad Renum, vel Austriæ, quas vtrasque à Germanis, id est Francis *Germaniam, & Regna Germanica* Fortunatus cognominat. Ob id ipsum denique Nithardus in bellorum ciuiliu libro tertio *Romanam linguam* vocat eam, quâ Galli utebantur. Sed tandem vti Barbari suæ quique gentis nomine appellari maluerunt; sic prouinciales nomen Romanum, propterea quòd Barbaris in Occidente dominantibus ludibrio erat, deposuere. quippe ætate Ottonis Aug. (vt scribit Liutpran-

duſ) Franci, Burgundiones, Sueui, Langobardi, Saxones, Lotharienſes, hoc eſt pars Francorum in Regno Lotharij ſedem habens, & Baioarij ita Romanos dedignabantur, vt inimicum ſuum non aliter quàm Romanum contumeliæ cauſâ irati appellarent, & quidquid ignobilitatis, quidquid auaritiæ, quidquid libidinis, quidquid mendacij, quidquid denique vitiſſimum eſt, hoc vno nomine ſe complecti arbitrantur. Hæc de Romanorum ac Barbarorum appellatione huic loco inferui, vt legentibus eſſent diuerticuli loco. ad rerum ordinem redeo.

Alarico in Aquitania deſidente, & Codicis Theodoſiani libros emendante, Chlodoueus longè alijs rebus animum intendebat. quippe non contentus veteri Francia, ac omnibus ferè inter Renum & Ligerim terris, rationem excogitabat, quâ Regnum totius Galliæ occuparet. vir magni animi & inſatiabilis victum ſe, niſi viciffet; & quidquid non cepiffet, amiſſum putabat. cùmque fuſo cæſoque Syagrio; Toringis, ac Burgundionibus fractis; domitis Alamannis, à finitimis omnibus timeretur, ſolos Veſigothos intactos, necdum vim Francorum expertos in magna parte Galliæ dominari indignabatur. Apud eos regnabat Alaricus, à puero comiſſationibus & otio aſſuetus, deditus ſpectaculis, (nam Cethego Conſule Cæſarauguſtæ Circenſes ediſſe dicitur) & conuiuium quàm aciem inſtruere doctior. cuius contentu duos in Hiſpania, alterum poſt alterum, Tyrannos exortos eſſe prædiximus, & quem futuræ ſuæ cladis præſagio monetam adulterauiffe Auitus ſcribit. Hic excitatus tamâ rerum geſtarum Chlodouei, metuensque ne idem ſibi, quod ceteris, accideret, miſſis legatis à Chlodoueo poſtulauit, vt de re comuni cum eo agere liceret. Die dicto, ac loco finito, in inſulam fluminis Ligeris, Ambaciæ tum vico, nunc opido Turonum proximam, quam Sancti Ioannis inſulam vocant, venerunt collocutique, ac vnâ epulati amicitiam inter ſe iunxere. Fredegarius Scholaſticus, qui ex Gregorio epitomen fecit, & Hincmarus in libro de vita Remigij produnt, Alaricum Regem Veſigothorum,

cùm Chlodoucum per Paternum virum industrium decipere conaretur, ipsummet ab eodem Paterno legato Chlodouci illusum, fraudemque eius deprehensam, ac thesauros arte subarratos esse. Aimoinus autem & Rorico Monachi, aliique aretalogi veriùs quàm Historici scribunt, Paternum legatum, exploratis omnibus rebus, ad Chlodoucum reuersum renuntiauisse, Alaricum, qui cum paucis eisque inermibus se in colloquium venturum dixerat, longis cultris veste tectis armatos ad colloquium adduxisse: negante Alarico, magnam inter ambos Reges ortam esse contentionem: tandèmque conuenisse, vt ad Theodericum Ostrogothorum Regem legatos mitterent, controuersiamque deferrent. Hunc cognitâ causâ statuuisse, vt circum legatum Chlodouci, qui Tolosæ ante fores Palatij insidens equo, elatam manu hastam teneret, tamdiu ab Alarico ac Vesigothis aurum argentùmque congereretur, donec summus hastæ mucro nō appareret, vtque hic acerius nummorum pro compositione Chlodoueo Regi traderetur. Reuersis ex Italia legatis, Vesigothos Theoderici sententiam improbauisse, negantes hoc se facere posse, & Paternum contumeliis affecisse. quibus rebus cognitis, Chlodoucum bellum parauisse. Et ita quidem supradicti Monachi de causis belli Vesigothici scripsere: quas fabellas si fingere eis licuit, nobis credere non libet. nemo enim non intelligit Paternum multo minùs etiam quàm Vesigothos ridiculæ huicce Theoderici sententiæ stare debuisse, & vnà cum equo equitem priùs auro obruendum fuisse, quàm hasta in manu eius tota operiretur. Certè Cassiodorus Senator in Variarum libro III nullius fraudis insidiarumque Alarici mentionem facit, indicatque Chlodoucum *parua de verbis contentione*, & (vt ait) *causis mediocribus incitatum ad primam legationem statim arma mouisse*. & Chlodoueus ipse, cùm apud Gregorium dicit ægrè se ferre, quòd Ariani partem Galliarum obtineant, satis apertè ostendit se prætextum armorum hæresin; libidinem prolatandi Regni causam belli habere. falsò vt Sigebertus tradat Alaricum rupto foedere, quod biennio antè cum Chlo-

douco iunxerat, insidias ei molitum, ob idque ab Francis oppugnatum esse.

Dum bellum paratur, Theodericus Italiæ & Ostrogothorum Rex Alaricum Regem generum suum per litteras monuit, videret etiam atque etiam, quantum Vesigothis, numero quidem frequentibus, & Attilæ quondam victoribus, sed longa pace emollitis contra Francos fortissimos ac exercitatissimos committendum esset: leuem de verbis contentionem ne vltra verba progredi sineret: imperaret animo, expectaretque, dum Francorum Rex ad mandata sua respondisset: quem, si controuersiam amicorum arbitrio componi noller, communibus viribus oppugnari oportere. Scripsit etiam Gundobado Burgundionum Regi, quem fratrem suum appellat, Theodericus, vt Chlodoucum & Alaricum in pristinam concordiam reduceret *Regios* (vti ait) *iunuenes, & florida ætate feruentes.* nisi enim æquis conditionibus lis terminaretur, totius belli inuidiam in se recasuram. similiter Erulorum Oceano assidentium Regem, vt puto, Rodulfum à Procopio & Paulo Longobardo memoratum, Varnorum Regem gentis Germanicæ, quem Procopius Hermegiselum appellat; & Herminafridum, qui apud Toringos regnabat, idem rogauit, vt contracte secū affinitatis, beneficiorumque Eurici Regis memores filio eius Alarico genero suo gratiam referrent, ac Chlodoucum Francorum Regem, superbum, obstinatum, ius in viribus habentem, missis simul omnes legatis ad pacem hortarentur: tergiuersanti bellum denuntiarent, occuparentque ambitiosa conata eius, à quo singuli, si Vesigothos vinci contigisset, sine dubio essent oppugnandi. Apud Cassiodorum Senatorem in Variarum libro III, præter tres supradictas litteras, missam per legatos ad Chlodoucum Regem Francorum à Theoderico epistolam inuenio, qua in epistola scribit mirari se, quòd Chlodoueus *causis mediocribus ac lenibus incitatus* Alarico Regi filio suo (eo nomine generum appellabat) bellum inferre statuisset, & impatiens, ac iræ immodicus ad primam legationem arma caperet: vt multi, qui vtrumque timebant, lætarentur duos



*summarum gentium Reges*, ac ætate florentes, dimicando infirmiores fieri. oportere ipsum pertinaciæ finem facere, arbitrósque aliquos ex affinibus sumere, dum omnia ambobus integrâ essent. deponeret igitur arma, & æquis conditionibus cum Alarico in gratiam rediret: neu' gentes, quæ sub parentibus eius longa pace floruisent, in periculum coniceret, committendo prælium, quo alteruter ab altero deleri exercitus posset. postremò iure patris Alarico; iure amici Chlodoueo minatur Theodericus se ac socios suos eum pro hoste habituros, qui tam salubre consilium spreuisset. Sed nec precibus, nec minis deterritus Chlodoueus contractos Luteciam Parisiorum Francos hortatur, vt Alaricum, à quo iniuriam acceperit, se duce aggrediantur, Vesigothósque Deo propitio vincant, ac eorum regionem armis occupent. neque enim Catholicis ferendum esse ab Arianis partem optimam Galliarum obtineri. Pari omnes consensu orationem Regis exceperunt: nec contenti causam belli probare, ac elatis altè dextris suum Principi auxilium polliceri, vouere (vt ait Rorico) se nisi hostibus debellatis barbam non posituros. quod Cartos sua ætate; hoc est multo antequam in Francorum gentibus numerarentur, facere consueuisse Cornelius Tacitus scribit. Rex ipse, hortante vxore Chrothilde, Luteciæ Basilicam Petro ac Paulo Apostolis vouit, si victor & saluus ex Aquitania reuertisset: auctúsque auxiliis, quæ Sigibertus Rex partis Francorum per Chlodericum filium suum pro cognatione miserat, & omnibus rebus ad expeditionem comparatis, Luteciâ proficiscitur. ac ad conciliandam sibi Aquitanorum gratiam, priusquam in Aquitaniam irrumpat, Ecclesias spoliarî, deuotis Virginibus ac viduis, Clericis quoque, filiisque Clericorum, ac viduarum, & seruis Ecclesiarum vim & iniuriam fieri edicto prohibet: superatósque flumine Ligere agrum Turonum ingressus, pro reuerentia B. Martini suos præter aquam & herbam quidquam accipere vetat. Accidit, vt miles paucos feni manipulos agresti cuidam eriperet, dictitans fenum nihil aliud quàm herbam esse. Quod vbi Chlodoueus

cognouit, statim militem quidem interficit, fenum autem agresti restitui iubet: adiiciens desperandum esse de victoria, si beatum Martinum rapinis & sacrilegiis offenderent, regionemque, cui tantus Episcopus præfuisset, depopularentur. quo facto magnus exercitui iniectus est metus. Eodem tempore pueri ad sepulcrum Martini, quod à Cæsaroduno Turonum passus IOL distabat, cum muneribus missi, votorum nunciupandorum & ominis ex more tum recepto capiendi causâ, ad Chlodoucum redeunt, renuntiântque ipsis Basilicam ingredientibus contigisse, vt versum XLIII Psalmsi XVII, quo Dauid ob inimicos pedibus suis subiectos Deo gratias agit, Primicerius caneret. Quo lætus omine Chlodoucus ad Vigennam flumen peruenit. Vigenna per fines Lemouicum, Pictonum, & Turonum fertur, & post acceptos Clennum & Crosam amnes non ignobiles in Ligerim influit. Is tum fortè imbribus intumuerat. Hærentem igitur ad ripam Chlodoucum ægrum animi, quòd pontes interruptos videbat, nec aut naues habebat, aut aquis non tentatis Francos obiiicere volebat, nox oppressit: quam cum vigiliis & precibus extraxisset, postero die manè cerua eximæ magnitudinis, spectante exercitu, flumen vado transiit. ( locus hodièque ceruæ Transitus vocatur ) Agnouere Dei beneficium vniuersi, ducemque itineris feram sine mora secuti sunt.

Hilarij imperante Constantio Aug. Pictauorum Episcopi in Aquitania erat nomen illustre. quamobrem vbi Pictonum fines ingressus est Chlodoucus, iniuriam fieri cuiquam vetuit, cum ne beatissimum Hilarium iratum haberet, si populares eius vexauisset: tum maxime vt Aquitani ad vendendum nostris, aut etiam ad gratis subministrandum frumentum ac pabulum æquitate Regis, ac militum continentia inuitarentur. aliter enim Chlodouei milites per Turones & Pictones Alarico subiectos iter facere non potuerunt. nisi fortè quis sibi persuadet tot armatorum millia, quos Chlodoucum habere tum oportuit, ad eam expeditionem conficiendam satis cibariorum ex Francia tulisse. Gregorius Turoni-

cæ Ecclesiæ Episcopus scribit Chlodoucum castra po-  
 fuisse ad Augultoritum, vel Piçtauos, vbi Alaricus Rex  
 Vesigothorum pridem statua habebat: facémque ei  
 ab Ecclesia Hilarij, grauis quondam Arianorum aduer-  
 sarij, ad tabernaculum suum per cælum ferri visam esse,  
 clarissimæ de Vesigothis Arianis omen victoriæ. Ala-  
 ricus Rex, qui ingressu Aquitanix, transituque Ligeris  
 ac Vigennæ fluminum Francos non prohibuerat; siue  
 quòd initio belli copias in vnum locum nondum coëge-  
 rat; siue quòd intra Regni sui terminos prælio decertare  
 statuerat; tandem cum exercitu ex opido Piçtauis egre-  
 ditur, & ad decimum ab opido milliarium Chlodoueo  
 pugnandi potestatem facit. qui lætus reperta occasio-  
 ne, quam votis optauerat, alacriter copias eduxit, ac  
 quemadmodum docet Rorico, post allocutionem hastæ  
 innixus, Dominicæ Crucis signaculo milites suos si-  
 gnauit, signumque *nomen Domini* dedit. In Vogla-  
 densibus campis, qui ex nomine castelli Clenno flumi-  
 ni appositi appellationem trahunt, directa acie dimi-  
 catum est Anastasio Aug. tertium & Venantio Coss.  
 sicut scribit Auctor Appendicis Chronico Victoris Tu-  
 nunenſis Episcopi attextæ, qui & locum pro Voglade  
 Boglodoretam appellat. Neque alius, quam speraue-  
 rat Chlodoueus, prælij exitus fuit. Vesigothi magna  
 strage fusi fugatique. Alaricus XXIII regni sui anno in  
 fuga periit, quem Chlodoueus apud Roriconem, dum  
 dissipatos persequitur, sua manu dicitur interfecisse. at  
 ipsum, fugientibus ferociter instantem, equites duo ex  
 aduerso inuecti repentè inuasere, & inopinantis latera  
 contis appetiere: quos ille ictus loricâ propulsauit, pe-  
 riculúmque equo concitato vitauit. Cecidere in acie  
 cum Alarico Aquitanorum nobilissimi, stirpe Senato-  
 ria orti, & magna in primis multitudo Aruernorum,  
 quos Apollinaris ducebat, Sollij Sidonij Præfectori, Pa-  
 tricij, ac demum Aruernorum Episcopi filius, Impera-  
 toris Auiti Aruerni ex Papianilla filia nepos. Vesigo-  
 thorum autem procures Senioresque Narbone conue-  
 nere, ibique Gesalicum, quem alius Giselicum, alius Ge-  
 salaicum, alius Gesaericum vocat, Alarici maiorem ex  
 con-

concubina filium, Regem salutauere. falsum vt sit, quod Gregorius scribit, Amalaricum, Alarici & Theodegothæ filium ex acie fugisse in Hispaniam, Regnumque patrium occupauisse. quem & paruum puerum fuisse, tum cum patrem amisit, & post Gesalici fratris, postque Theoderici Italiæ Regis aui materni tutorisque sui mortem, nimirum anno XIX exeunte post prælium Vogladense regnare cœpisse constat. Notandum quoque est Roriconem Monachum, & Freulfum Lexobiorum Episcopum errare, qui ante Vogladensem pugnam inter Chlodoueam & Alaricum vario Marte sæpe certatum esse prodant.

Victor Vesigothici belli Chlodoueus, nihil actum ratus, nisi omnem Aquitaniam subegisset, Theodericum filium natu maiorem cum parte exercitus sui mittit ad recipiendos Albienses, Rutenos, Cadurcos, ac Aruernos, quas *superiores Regni Alarici partes* Aimoinus melius, quam Fredegarius *maritima* appellat. ipse cum multas alias vrbes, opida, atque castella capit; tum (si recentioribus credimus) in loco agri Burdigalensis, quem hodieque Campum Arianorum vocant, superatis qui iterum experiri voluerant Vesigothis; Burdigalam Biturigum Viuiscorum positam ad Garumnæ flumen in suam ditionem redigit, ibidemque hibernat. ac initio veris Venantio iuniore & Celoe Coss. profectus Burdigalâ Tolosam petit caput Regni Vesigothici, Regumque sedem, & gaza omni regia potitur. inde in opportunis locis, præsertim in Santonico pago atque Burdigalensi ad delendam Vesigothorum gentem relictâ parte suarum copiarum; Ecolismam, quam Ausonius Iculismam appellat, opidum ad ripas Carantoni situ & opere munitum oppugnat. ibi Vesigothi milites in præsidio constituti venienti portas clausuerant, obsidionemque ferre decreuerant. sed ne quid victoris festinationem moraretur domum redire maturantis, maxima pars muri sub Regis oculis repentinâ ruinâ concidit. sic vrbs capta est, & Vesigothi qui ibi erant, vt ait Gregorius, ciecti; aut (sicuti Hincmarus & Aimoinus scribunt) ad vnum omnes in-

terfecti. Rorico, veterem aliquem Auctorem secutus, rem memoria dignam narrat, nimirum opidanos, cum murus ruiſſet, inopinato calu percuſſos Deum ſtare cum Francis credidiſſe, ac ſe ſuaque omnia Chlodoueo dedidiſſe, & arcem opidi machinis expugnauiſſe, atque milites Veſigothos, qui eam tenebant, captos Regi tradiſſe, quos omnes interfici iuſſos eſſe. tum ingentem prædam inter Aquitanici belli commilitones à Chlodoueo æquiter diuiſam, lectiſſimòſque ac fortiſſimos militum cum coniugibus & liberis in Aquitania dereliectos, magniſque muneribus donatos, qui vrbes captas tuerentur, Veſigothòſque reprimerent. Receptâ Ecolimâ Chlodoueus finitimas vrbes ſimiliter in dirionem ſuam redigit, vbique Veſigothis occiſis præſidium ſuorum collocat, & poſt tantas res geſtas, omnémque Aquitaniam ſubactam, Cæſarodunum Turonum peruenit. Ceterùm ex Ecolimienſium factò intelligi poteſt Aquitanos Catholicos, odio hæreſeos Arianae & impotentia Veſigothorum, datâ occasione animos nudaiſſe, & excuſſo pleroſque imperij iugo Francis Orthodoxis, à quibus non ſe, ſed Veſigothos oppugnari videbant, fauiſſe, portàsque ſponte aperuiſſe, deletis aut ciectis præſidiis Barbarorum. quippe ſi Aquitani cum Veſigothis aduerſus noſtros conſenſiſſent, trium opulentiſſimarum, maximarúmque prouinciarum clariſſimæ ac munitiſſimæ vrbes intra annum circiter ab Chlodoueo armis occupari nequaquam videntur potuiſſe. at omnis tamen Aquitania, diuiſa in prouincias tres, quam Auctor Appendicis Chronico Viſtoris adiunctæ, ac Iſidorus in Chronico Regnum Tolosanum appellant, poſt prælium Vogladenſe à Francis Chlodouei ductu capta atque perdomita eſt. & præter prouinciã Narbonenſem primam, quæ Septimania & Gothia vocabatur, ac Narbonenſem Secundam, partémque Vienneniſis, Veſigothis in Gallia nihil fuit reliqui. quamquam has quoque prouincias eis tum ademtas, Barbaròſque Arianos omni Gallia ad tempus expulſos fuiſſe videtur credidiſſe Fredegarius, apud quem inuenio, Regnum Alarici, quod mari Tyrrheno, montibus Pyrenæis, Oceano, &

fluminibus Ligere ac Rhodano continebatur, à Francis euerſum & occupatum eſſe. ad mare autem Tyrrhenum vel potiùs Gallicum prouincia Narbonenſis vtraque eſt. quare Sigebertus in Chronico ſcribit Chlodoueum, occiſo Alarico Rege, quidquid in Galliis Veſigothi poſſidebant, occupauit. quod de prouincia Narbonenſi prima verè dici forſitan potuit, de ſecunda non potuiſſe dici infra apparebit. Igitur Chlodoueus, poſt ſubactam Aquitaniam, per Pictones & Turones iter faciens, Pictauis Baſilicam Sancti Hilarij; apud Cæſarodunum Turonum Eccleſiam beati Martini multis muneribus ditauit: vt eximijs Episcopis, quibus adiutoribus tantas res geſſerat, gratiam referret, votòque ſe exſolueret: atque captiuos complures cùm Clericos tum Laicos, repetentibus Aquitanicis Episcopis, domum remiſit. Gregorius, Hincmarus, Rorico, ac Sigebertus tradunt ad Chlodoueum, Cæſaroduni Turonum commemorantem, veniſſe à Flauio Anaſtaſio Aug. legatos cum muneribus, & codicillis, quibus Conſulatus ei ob res geſtas deferebatur. munera fuiſſe tunicam purpuream, & chlamydem, coronamque auream gemmis diſtinctam. quibus inſignibus in Baſilica atque ante ſepulcrum beati Martini ſumtis, & coronâ capiti ſuo impoſitâ, Chlodoueum equum conſcendiſſe: & à porta atrij ſupradictæ Baſilicæ vſque ad Eccleſiam vrbiſ, in qua gratias Deo acturus erat, triumphantis more procedentem, nummos aureos argenteòſque in populum ſparſiſſe: ex eòque tamquam Conſulem & Auguſtum appellatum eſſe: & coronam hancce gemmatam poſtea hortatu Remigij Petro Apoſtolo in Baſilica eius Romæ dicandam ponendamque curauit. inde Luteciam Pariſiorum contendit, quò & Theodoricus, Albienſibus, Rutenis, Cadurcis, & Aruernis ſubactis, paullo poſt venerit, eamque captum amœnitate loci ſedem delegiſſe. cuius Principis exemplum ſecuti ſunt poſteri. neque alia tantorum Luteciæ incrementorum, & in publicis agri Pariſiorum villis, Cala, Clippiaco, Spinogilo, Roſoialo, Bonogilo, aliſſque exſtructarum regiarum cauſa fuit.

Admonet me Consulatus suprafacta mentio, ut quid eo nomine Historici nostri significari voluerint, paucis doceam. Ne quis igitur putet Chlodoueam ab Anastasio Aug. Consulem suffectum, quòd more Consulum procedentium nummos in populum sparserit; aut saltem ornamentis Consularibus donatum, quòd etiam tum multi Consularibus codicillis ab Imperatoribus honorati, insignibus honorarij Consulatus decorarentur: apud supradictos Auētores Consulatus nomine Patricia dignitas significatur. Sanè Gregorius ipse Historiæ libri II caput XXXVIII *de Patriciatu Chlodouei Regis* inscribit. & Aimoinus Monachus in libro I tradit Anastasium Principem in codicillis ad Chlodoueam missis scripsisse, sibi & Senatoribus placuisse, ut amicus & Patricius Romanorum appellaretur: versusque ab Remigio Episcopo factos, & in sepulcro eius incisos subiicit, in quibus Patricius vocatur. Sic idem Gregorius in libro V Tiberium Constantinum Aug. comitatum *Consulibus*, hoc est Patriciis, (non enim alij tum quàm Imperatores, Consules in Fastis legebantur) Palatium intrauisse prodit. & Carolum Maiorem domus, quem in breui quodam veterique Chronico de Vestigothorum rebus Francorum Regem, ac Patricium vrbis Romæ fuisse inuenio, Fredegarius Scholasticus ab Gregorio Episcopo Romano, aduersus Leonem Aug. ipsi ob defectionem inensum, & Liutprandum Langobardorū Regem auxilium petente, ac Imperatorias sibi partes sumente, *Consulatum Romanum* consecutum esse dicit. Quin & nepotem eius ex Pippino quoque Patricio Carolum Magnum Francorum Regem, qui, itaut Carolomannus frater, Patricius fuit, Godiscalcus in præfatione libri Euangeliorum *Consulem* appellat. Denique Albericum, *Romanum Patricium* à Frodoardo dictum, Leo Marficani in libro I rerum gestarum Abbatum Monasterij Cassinatis *Romanorum Consulem* vocat. credo quòd Patricios, Imperatorum Patres, Confessores, & Consiliarios, primus eorum auctor (siue is Fl. Constantinus Aug. siue quis alius fuit) à Consulibus proximos, neque tamen annuos, sed perpetuos esse

voluit. Præterea Cassiodorus Senator in Variarum libri VIII epistolâ IX *chlamydem*, calceosque Romanos inter insignia Patriciatus, non autem Consulatus numerat. & Eginhardus scribit Carolum Magnum, petente Hadriano Episcopo, Romæ *longam tunicam, & chlamydem*, (qualia munera Chlodoueus Rex ab Imper. Anastasio accepisse dicitur) calceosque Romanorum more confectos induisse: tum nimirum cum subactâ omni ferè Langobardia, & obfesso Ticini Desiderio Rege, Romam contendit, & in Ecclesia Petri Apostoli, Hadriano Papa sollemnia agente, Rex Francorum ac Patricius Romanorum à populo Romano est appellatus. Neque verò mirari conuenit Chlodoueam Regem Francorum ab Anastasio Aug. Patricium factum esse. cum Odoacer, & Theodericus, alter post alterum Italiæ Reges, (ne de aliis loquar) ab Imper. Zenone Patriciam dignitatem pro summo munere acceperint. & cum Sigismundus, Gundobadi filius, Burgundionum Rex, ab Anastasio Aug. Magister militiæ Patriciusque sit factus, exemplo Gundiuci aui sui, & maioris patris Chilperici, qui sub ultimis Imperatoribus Occidentis Magistri militum Romanorum esse ac dici, quàm Reges Burgundionum appellari maluerunt. quas dignitates conferre non Imperatoribus decorum magis, quàm petere atque accipere Regibus utile fuit, ut scilicet gentes Occidentales Imperio nominique Romano dudum assuetæ, quemadmodum pleræque tum Imperij Orientis prouinciæ, à Patriciis regerentur, & nouum Barbarorum imperium minime aspernarentur, quos Romanis officiis & dignitatibus honoratos pro Romanis essent habituræ. De Burgundia quidem illud transcurfu dicendum est, non Sigismundum modò eam, sed multo post, regnante Chlothario minore Chilperici filio, Aletheum, regio Burgundionum genere ortum, Patricium habuisse: Patriciosque dictos esse Procures, quibus Reges Francorum, qui Burgundiam tenebant, pagum Transiurensem, aliasque Burgundiæ regiones, necnon prouinciâ Arelatensem, Massiliensemque cum exercitibus ad tem-



pus regendas commisissent: quales Gregorius Magnus Romanus Episcopus in epistolis claro nomine *gloriosos viros Patricios Galliarum*; & Audoënus de vita Eligij *Burgundia Patricios* appellat.

Sed vt ad nostros reuertar, Chlodoucum *ex eo tempore tamquam Consulem & Augustum appellatum*, hoc est, vt Consulem & Augustum adoratum esse ait Gregorius. quem cùm Hincmarus, Aimoinus, & Rorico, ac Sigebertus non intelligerent, nec animaduertenter appellare apud Romanos Auctores sæpe idem esse, quod salutare & alloqui: simpliciter & absolute Chlodoucum *Consulem & Augustum appellatum* fuisse dixerunt. atqui ante Gregorium ita præter ceteros locutus est Aurelius Victor, apud quem Diocletianus Aug. dicitur *adorari se appellarique uti Deum* permisisse. Ceterùm eo libentiùs Anastasius Princeps Patriciam dignitatem Chlodouco victori Vesigothici belli detulisse videtur, quo, ob cladem sub Sabiniano Consule & Magistro militum per Theodericum Regem acceptam, Gothico nomini erat infestior. Certè Venantio Iuniore & Celere Coss. qui annus proelium Vogladense secutus est, Anastasius & classem ad depopulandam oram Italiæ, & legatos ad Chlodoucum cum supradictis codicillis ac muneribus misit. Quamquam miror Græcos huiusce legationis nullam fecisse mentionem, nec intelligo, qua ratione legati, nisi tum Septimania à Francis teneretur, & proelium cum Iba Duce Ostrogothorum nondum commissum fuerit, tutò egredi in litus Galliæ, & ad Chlodoucum peruenire potuerint. neque enim aut per Italiam, quæ tum hostilis erat; aut per prouinciam Narbonensem secundam, quæ sub imperio Francorum non erat; aut per Illyricum tot Barbaris gentibus obseptum iter fecisse eos puto.

15VII. Venantio Iuniore & Celere Coss. Gundobadus Burgundionum Rex fœdus cum Chlodouco metu potentiae eius iunxit, & aduersus Vesigothos belli societatem coiuit. Quamobrem Arelatum à Francis & Burgundionibus obfessum esse auctor est Cyprianus in libro I de vita Cæsarij. Ad eam urbem, tamquam ad obi-

cem cursus victoriarum Chlodouei stetit. Theodericus enim Ostrogothorum Rex, qui forsitan Francorum celebritate occupatus Alarico auxilium ferre non potuerat, timens, ne Vesigothis omni Gallia expulsi Chlodoueus bellum in Italiam trāsferret, Ibam Ducem cum copiis in Galliam misit. qui superatis Alpibus Maritimis rectā ad Arelatū proficiscitur. adortusque Francos, amplius XXX hominum millia occidit acie. vt Iordanes, & Paullus in Historiæ Miscellæ libro XV ac Sigebertus tradunt. Eā victoriā Alarici mors vindicata: Arelatenſes obſidione liberati: & ora Galliæ à flumine Rhodano ad Alpes Maritimas vsque promissa, quam Odoacer Rex Eurico Alarici patri donauerat, Regnóque Italiæ abſciderat; eadem reddita atque adiuncta est: totiúsque regionis imperium à Vesigothis ad Ostrogothoſ translatum. Auenio quoque, siue antea Alarico; siue (vt affirmat Gregorius) Burgundionibus paruerat, vnā cum castellis Druentiaē impositis, & Septimania in Theoderici potestatem redacta est. Ibam hunc, Iordanes Hibbam, Isidorus aliique Ebbanem vocant. eundem plerique *Theoderici Ducem*, nonnulli *Comitem* dicunt. cuius de expeditione, victoriæque ex Francis lata, loquitur Magnus Aurelius Cassiodorus, cum ait Venantio iuniore & Celere Coss. 15viii  
à Theoderico missum esse exercitum, qui Gallias Francorum incurſione vastatas, victis eis ac fugatis, occuparet: loquitur & Auctor breuis Chronici de Regibus Vesigothorum à Duchenio editi, in quo falsò dicitur Theodericus Italiæ Rex Alarici generi sui vindicandi causā Francos prostrauisse, & *Regnum Gothis totum restituisse*. siquidem regio vltra Rhodanum non Vesigothis, quorum fuerat, restituta est, sed in Theoderici Ostrogothorum Regis ditionem cessit: neque Aquitania Francis erepta est. Vbi notare conuenit, nec Cassiodorum Senatorem ambitiosum laudatorem Principum suorum, nec Procopium Cæsariensem istorum XXX millium cædis mentionem vllam facere. qua clade accepta, quantam ne in proelio quidem Vogladensi intulisse Vesigothis videtur, Chlodoueus omnem Aquitaniam nondum bene pacatam citiùs quàm subegerat amissurus

fuit. Procopius Rhetor, qui à ceteris Historicis sæpe dissentit, in libro I belli Gothici de expeditione Vesigothica totòque eo bello sic scribit : Francos, quos Germanos appellat, cùm auctis viribus suis Theoderici Ostrogothorum Regis metum deposuissent, Alarico Vesigothorum Regi bellum intulisse, & ad Carcaffonem opidum Volcarum Tectosagum castra fecisse : Alaricum autem coactis copiis contra eos confedisse, ibique Theodericum socerum suum, qui accersitus cum magno exercitu in auxilium veniebat, exspectare constituisse. Cùm diutiùs sese castris tenuisset, suorumque voluntati resistere non posset, indignantium agros ab hostibus impunè vastari, pugnamque seditiosis vocibus postulantium, ac per se negotium confici posse affirmantium, Regisque cunctationem, secordiae ac pavori assignantium; tandem inuitum praelio decertauisse, victumque ab Francis, & cum maxima parte suarum copiarum interfectum : & quòd Amalaricus puer admodum erat, Gesalicum, vel Gesalecum, Alarici ex concubina filium, à Vesigothis, qui praelio superfuerant, Regem appellatū esse. tum Francos partem maiorem Galliarum occupauisse, Carcaffonemque, vbi gaza imperatoria & praeiis ornata vasa Salomonis Regis Iudæorum seruebantur, obsedisse : mox cognito Theoderici aduentu oppugnationem reliquisse, & regiones Galliae ultra Rhodanum iacentes atque ad Oceanum pertinentes, hoc est Aquitaniam, subegisse. Theodericum verò, quod poterat, reliquam partem Galliae Vesigothis antea subiectam, nimirum Narbonensem primam, vel Septimaniam, & Prouinciam inter flumen Rhodanum ac Alpes positam recepissee, & thesauris Carcaffone sublatis Rauennam reuertisse, Gesalicòque mortuo, sub specie tutelae Amalarici missis in Galliam & Hispaniam copiis, utrique prouinciæ stipendium imposuisse. Quae fere omnia non solum nostrorum Historicorum consensio, sed etiam res ipsa arguit ac refutat. quis enim credat fieri potuisse, ut Franci, Alarico non prohibente, totam, quàm longa est, Aquitaniam peragrarent, tot flumina montesque transirent, & ad fluuium Atacem, opi-

opidumque Carcaſſonem, hoc eſt, ad fines Galliæ Narbonenſis peruenirent, & cuius metu obſidionem ſoluerant, ſub eius pæne oculis omnem Aquitaniam perdomarent? Omitto Auſtorem Chronico Viſtoris adiunctum, Ilidorum Hiſpalenſem Epiſcopum, aliūque ſcriptorem Chronici de Regibus Viſigothorum à Duchenio editi, qui, vti & noſtri Hiſtorici, Alaricum Regem in agro Piſtauo à Francis fuſum acie cæſumque eſſe memoriæ tradunt. & Caſſiodoro Senatori, ac Cypriano in libris de vita Cæſarij, quam Procopio, aſſentiri malo. è quibus Senator in Catalogo Conſulum Romanorum ſcribit Theodericum Regem, à quo ipſe Quæſtor; Conſul ordinarius; Magiſter Officiorum, Præfeſtus Præſ. ac Patricius factus eſt, Venantio iunior & Celere Coſt. non veniſſe in Galliam, ſed *exercitum* 12 VIII.  
*aduerſus Francos eo miſiſſe.* Cyprianus eundem *Italiæ Regem miſiſu Ducibus ſuis provinciam Arrelatenſem ingreſſum* ait. Salomonis quidem Regis ſupelleſtilem Titum Veſpaſianum Hieroſolymis roties iam expugnatis anno milleſimo & XLV poſt Salomonis obitum deuexiſſe, eamque Viſigothos in vrbe Roma capta reperiſſe, & Carcaſonem tranſtulſiſſe non magis credo, quàm quod refert Cedrenus, Coſdroem Regem Perſarum, victum abſentem, atque fugientem, opes Croſſi Lydorum Regis, in opido Gazaco conditas à Cyro ante annos circiter CIOCC LX, imminente Heraclio Aug. eruiſſe, ſecumque abſtulſiſſe: & quod Procopius ipſe in libro II belli Vandalici, & Procopium ſecuti Euagrius Scholaſticus, Paullus Langobardus, ac Nicephorus Calliſtus tradunt, pretioſiſſima Templi Hieroſolymitani ornamenta ac vaſa, quæ Salomon in uſum ſacrorum Deo dedicauerat, Vrbe iterum capta, Geiſericum Vandalorum Regem in Africam portari, eadēque à Belifario Patricio, poſt victos Vandalos & occupatam Carthaginem, in triumphum tranſlata Juſtinianum Principem Hieroſolymitanæ Eccleſiæ reddenda curauſſe. Non multo poſt bellum Viſigothicum conſectū Chlodoueus morbum ex continuatione laborum contraxit. cumque Lutetia Pariſiorum per annum ſerè ægrotat.

uisset, hortante Tranquillino Archiatro, quem artus sua deficiebat, accersuit ex Burgundia Seuerinum Monasterij Acaunensis Abbatem, virum sanctitatis virtutumque fama notissimum, rogauitque vt pro salute sua Deum precaretur. quo facto ipse quidem diuturna febris liberatus est, Seuerinóque permisit, vt quos vellet vinculis liberaret, & quantam vellet pecuniam in egen-tes erogandam è fisco acciperet. at Seuerinus, sicut pu-  
to, exoratus à Rege remansit in Francia, relictaque Lu-  
tecia, in castro Nantonensi Senonum reliquum vitæ egit,  
ibique ( vt Fasti Ecclesiastici docent ) III Idus Februar.  
decessit, cuius in memoriam Childebertus Chlodoueii  
filius ibidem amplissimam Ecclesiam exstruxit.

Posteaquam Chlodoueus conualuit, ab externo hoste  
partim domito partim pacato in ciues arma conuertit,  
atque vt Regnum filiis firmum relinquat, cædibus Re-  
gum, quos sanguine contingebat, opes amplificat. ac  
primùm Chloderico clàm per certos homines persua-  
det, vt Sigibertum patrem suum admodum senem ac  
pede debilem occidat, Regnùmque eius occupet. Iu-  
uenis malum secutus consilium parentem egressum Co-  
loniâ Agrippinâ, vt trans Renum in Buchonia silua To-  
ringis confini venaretur, atque in tabernaculo meri-  
diantem immixtis latrunculis interficit, confestimque  
Chlodoueum de eius morte certiore facit. Lætus il-  
le nuntios iterum ad Chlodericum mittit præmonitos,  
quid fieri vellet, ab quibus Chlodericus, dum patris  
thesauros exponit, quorum partem Chlodoueo promi-  
serat, manúmque in arculam aureorum plenam demit-  
tit, vt erat cernuus, à tergo securi capiti infixâ occidi-  
tur. Chlodoueus, qui cœprorum exitum opperiens  
per flumen Scaldem nauigabat, vtriusque morte cog-  
nita Coloniam Agrippinensem contendit. eò cùm ve-  
nisset, populum ad concionem vocat: docet Sigibertum  
à Chloderico filio, Chlodericum non multo pòst ab  
alio quodam interemtum: affirmátque se amborum  
cædis ignarum fuisse, neque enim ( quod facere nefas  
sit ) se in cuiusquam propinquorum suorum necem du-  
rare. postremò vniuersos hortatur, vt quoniam Rege ac

defensore egeant, in defuncti locum se substituant. Magnis acclamationibus & plausibus populi oratio Chlodouci excepta est, statimque impositus scuto Rex appellatur, & Regnum Sigiberti, hoc est Coloniam Agrippinam, ripamque Gallicam finitimam, ac regionem à Reno ad flumen Fuldam & Toringiæ fines usque promissam sine pugna occupat. Hic non possum non mirari, quòd Gregorius Turonicæ Ecclesiæ Episcopus, enarratis, quæ de Sigiberto ac Chloderico supradixi, subiiciat Chlodoucum beneficio Dei quotidianis de hostibus victoriis fines Regni ampliuisse, propterea quòd rectissimam voluntate esset, & (ut ipse loquitur) faceret quæ Deo placerent. tamquam aliquis ob cædes infontium & cognatorum suorum, & ob fraudes ac latrocinia gratus Deo esse acceptusque possit.

In Chararicum Regem expeditio haud maioris molis fuit. Hic accersitus à Chlodoueo aduersus Syagrium, procul cum suis copiis constiterat euentum pugnae speculaturus, ut cum victore fœdus iungeret. cuius perfidiæ atque iniuriæ memoriâ post annos amplius III ac XX nondum depositâ, Chlodoueus Chararico bellum intulit, hominemque quamuis versutum & callidum dolis circumuentum vnâ cum filio cepit, ambosque vinctos tonderi, & alterum Presbyterum, alterum Diaconum ordinari iussit, deinde quòd contumeliæ impatientes minabantur se, postquam capilli recreuissent, ipsum interfectorum, vtriusque capita frustra prius raso abscindi imperauit, Regnumque eorum ac thesauros occupauit. Ex quo intelligitur ambos patrem filiumque, quacumque in Gallia regione regnauerint, Christianos fuisse. non enim postquam ab Chlodoueo capti sunt, baptizati esse dicuntur, & Idolorum cultores Clericos fieri non potuisse nemo infitiabitur.

Regnabat tum in vrbe Camaraco finitimisque ultra flumen Suminam pagis Ragnacharius, ab Hincmaro Raganarius, à Roricone Ragnerius, ab aliis Ragenharius & Ragneharius dictus, Chlodouei cognatus & aduersus Syagrium Ægidij filium commilito, homo patriæ superstitionis tenax, & adeo in venerem præceps, vix

vt se à propinquare corporibus abstineret: habebatque Faronem vnicum amicum & consiliarium, nulla re magis quàm morum similitudine sibi coniunctum, quocum, quidquid sibi muneris datum esset, partiri consueuerat. quibus rebus cùm grauitè Francos ei parentes offendi comperisset Chlodoueus, occasione vsus quosdam è Leudibus Ragnacharij (sic Gregorius vocat populos, ac Proceres eius ditioni subiectos) armillis & balteis ex ære inaurato ad prodicionem sollicitat, armatusque Regnum eius intrat. Ragnacharius coactis similiter copiis ad certamen se parat, exploratorésque, quos speculatum miserat, reuersos interrogat, quantus hostium esset exercitus. hi corrupti à proditoribus respondere: tibi Faronique tuo maiores sunt copię. Quibus verbis confirmatus Ragnacharius in aciem descendit, superatusque proelio cùm fugam capessere intenderet, à proditoribus comprehenditur, ac religatis post tergum manibus vnà cum Richario fratre suo ad Chlodoueam adducitur, illususque ab Chlodoueo quærentè, quare degener & oblitus regiæ stirpis se vinciri passus esset, nec tantam ignominiam voluntaria morte occupauisset, ab eodem securi capiti infixæ occiditur. Richarius, ne frater fratrem desereret, eadem bipenni percutitur, adiectis verbis: si auxilium fratri tulisses, victus ille non fuisset. Faro captus & interfectus est. Tum deprehensa faude proditores Regem adeunt, queruntur æs inauratum pro auro se accepisse. quibus ille, vt erat meditatus, respondit meritò tali auro donatos esse voluntarios dominorum suorum proditores: vitam ipsis sufficere debere, quos ob perfidiam excruciatos necari oporteret. Fulminati hacce miseri exprobratione se humi prostrauere, & nihil ampliùs præter vitam veniàmque petere dixere, atque ita derisi discessere. Omittere non possum, quod ait Rorico Monachus Gregorij verbis non intellectis deceptus, *Francos superiores* (ita Francos Ragnachario parentes vocat, credo quòd Septemtrionalia Galliæ tenebant) Ragnacharium ob *versandum crimen & scelus horrendum* supplicij Sodomitæ expiandum, hoc est, ob vsum puerorum exosos

esse. Quod verò addit eos Chlodoueam in Ragnacharij bellum impulsisse, idem vetus Auctor Historiæ Franciæ, Theoderici Merouingorum Regum penultimi æqualis, & Aimoinus in libro primo scribunt, nimirum primotes Francorum Ragnacharij imperio subiectorum, Regi suo ob libidines ac desidiam infestos, missis clam nuntiis Chlodoueo promississe, si pretium operæ esset, & Ragnachario bellum inferre vellet, se ad ipsum armatum citra prælium transituros, & Ragnacharium viuum tradituros esse. quibus Chlodoueus, vt libentiùs exsequerentur quæ obtulerant, pro auro æs inauratum miserit, moxque cum copiis Regnum Ragnacharij ingressus sit. quem ego Ragnacharium existimo, cum in vrbe Camaraco quondam à Chlodione Francorum Rege capta regnauerit, Chlodionis pronepotem fuisse. Regnabat in vrbe Cenomanis Regnomeris, aliis Rignemirus, aliis Ragnimirus dictus, qui ne Ragnacharij & Richarij fratrum suorum mortem vlceretur, iussu Chlodouei Regis interemtus est, singulorumque regna & thesauri vni cessere. Eum in modum interfecit præter supradictos Principes multis aliis Regibus, & propinquis suis, Chlodoueus quidquid Franci subiectum erat, nimirum pagos Germaniæ Transfrenanæ complures, & partem maximam Galliarum occupauit, atque ita prouidit, ne quisquam in Francia regnaret, qui ipso mortuo liberis suis, tum excepto Theodorico admodum iuuenibus, bellum inferre aut Regnum adimere posset. Idem tamen, vt erat callidus, adstantibus Optimatibus Francorum & populo, qui ex more iussi conuenerant, dixisse fertur miserum se, qui destitutus, tamquam hospes & peregrinus, inter externos in aliena terra remansisset, amissis propinquis omnibus suis, à quibus in rebus aduersis adiuuari posset. quod ideò dicebat, vt si quis superesset longa ipsum cognatione contingens, affectata orationis simplicitate deceptus sponte se proderet, professusque stirpem regiam ac propinquitatem Chlodouei interimeretur.

Dum in Septemtrionali Gallia dolo res geritur, ad Meridiem virtute certabatur. Fusos fugatosque ab Iba



Theoderici Ostrogothorum Regis Duce Francos supradiximus. sæpe postea inter Theodericum, & Chlodoucum eiusque filios graui bello & variâ victoriâ de Gallia, nimirum de ea parte, quæ inter Alpes Maritimas & Pyrenæum interiacet, pugnatum esse ex verbis Leon-  
 tij ad Theodebaldum Francorum Regem apud Procopium cognoscimus, *nec umquam* (vt ait Iordanes) *dum vixit Theodericus, Gothi Francis cessere.* Quippe Importuno V. C. Consule Mammo quidam, *Dux Gothorum*, hoc est Ostrogothorum, à Mario in Chronico dictus, partem Galliæ, quam Chlodoueus Vesigothis ereptam occupauerat, depopulatus est. & Boëthio. Cos. Gundobadus Rex Burgundionum, Chlodouei tum socius & amicus, quem Senator Gundibadum, Marius Gundobagaudum appellat, Narbonem Martium cepit ac diripuit, victo fugatoque Gesalico Rege. qui tantâ acceptâ clade cum turpiter Barcinonem se cõtulisset, Hocricumque in Palatio interfecisset, ob ignominiosam fugam (vt ait Isidorus in Chronico) à Theoderico Ostrogothorum Rege Regno spoliatus est. Quamquam Theodericus ipse apud Cassiodorum Senatorem in libri v epistola XLIII Gesalicum propterea pulsus scribit, quòd dum à se foueretur, hostibus suis, hoc est Francis, clandestino fœdere esset adiunctus. Et ille quidem vir, nescias infelicior, an inertior, ab Iba Theoderici Regis Duce Hispaniæ finibus expulsus in Africam perfugit. vbi à Thrasamundo Vandalorum Rege Theoderici sororis viro non impetratis, quæ petierat vt in Regnum restitui posset, auxiliis, sed acceptâ tantummodò pecuniâ, Aquitaniam petiit, in qua annum vnum permisso Chlodouei latuit. postremò cum Francorum copiis ingressus Hispaniam obuium habuit supradictum Ibam, quem Auctor Appendicis Victoris Chronico insertæ pro Hebbane Helbanem; Paullus Hippam vocat. Igitur commisso prælio ad duodecimum à Barcinone milliarium funditur fugaturque Gesalicus, captusque trans Druentiam flumen Galliæ, cum ad Burgundiones confugeret, Felice & Secundino Cos. quarto regni sui anno interficitur. Quas ob victorias Ibam *virum Spe-*

*fabilem, Ducem bello clarum & gloriosum*, suisque factis commendabilem apud Senatorem in libri IV epistola XVII ad eum scripta appellat Rex ipse Theodericus.

Interea Chlodoueus Francorum Rex, oblatam sibi rei bene gerendæ facultatem ratus, Indiétione III Boéthio solo. Consule magnas copias, quæ Arelatum obsiderent, misit. Et iam Franci agris Prouinciæ igne & ferro vastatis urbem oppugnabant, atque ad vltimum inopiæ opidos adduxerant: cùm venere missi à Theoderico cum exercitu Duces, in his Tolum, vel Tholuit Ostrogothus, postea ab Athalarico Rege Patricius factus, & in affinitatem receptus. quorum aduentu Franci primùm à ponte nauali flumini Rhodano imposito; deinde ab vrbe repelluntur, & Arelatenses iterum obsidione liberantur. Eo Gallicanæ expeditionis exitu lætus Theodericus muros ac turres vrbis huius de se tam bene meritæ pecuniâ suâ refecit, & Prouincialibus ob recentem calamitatem agrorûmque suorum populationem; Arelatensibus ob fidem sibi exhibitam in annum sequentem Indiétionémve quartam tributum remisit, ac insuper frumentum gratuitum præbuit. Eodem anno Indiétione IV Felice & Secundino Coss, non, ut ait Auctor supradictæ Appendicis, Probo Coss. Gesallus Vesigothorum Rex ab Iba Duce victus interficitur, ut antè diximus. post quod factum Theodericus Ostrogothorum Rex sub specie tutelæ Amalarici pueri nepotis sui Regnum Vesigothicum occupauit, atque annos XV, quamdiu superuixit, Galliæ & Hispaniæ prouincias, quæ Vesigothorum Regibus paruerant, absens administrauit: & Galliæ quidem Petrum Marcellinum Felicem Liberium V. C. & Illustrem Præfectum Prætorij Galliarum atque Patricium; Hispaniensi autem exercitui, & tutelæ Amalarici Theudim Arpiugerum suum præposuit: & pecunias ac stipendia ex his prouinciis Rauennam ad se quotannis à Quæstoribus deportari iussit. quare inter Vesigothorum Reges ab Alarico maiore vndecimus numeratur. Quæ fecisse Theodericum existimo non tam impulsus cupidine profe-

rendi fines, quam quòd Amalaricum puerum admodum consilio & auxilio suo plurimùm egere, nec nisi armis & viribus suis regnum aduersus Francos defendere posse intelligebat.

Tum quidem pacem cum Gundobado Burgundionum Rege fecisse videtur Theodericus, & certis cum eo finibus Prouinciam diuissse: quam ob id Auitus Viennensis Episcopus, in epistola ad Faustum & Symmachum Senatores Vrbis, *Prouinciam præfixis Regnorum terminatam limitibus* appellat.

10XI. Felice & Secundino Coss. Chlodouei Regis iussu XX XII Episcopi in Aurelianensi vrbe conuenerunt, & de quibus ab eo consulebantur Ecclesiæ Gallicanæ rebus egere. Synodo præfuit, primusque subscripsit Cyprianus Episcopus Burdigalæ Metropoleos, is qui Concilio apud Agatham Messalla Consule permissu Alarici Regis Visigothorum habito interfuerat, secundusque subscripserat. Interfuere Episcopi vtriusque Aquitanix, & Nouempopulorum; prouinciarum Lugdunensium tertix, secundæ, atque Senoniæ; & Belgicæ secundæ. in his viri sanctissimi, & omnium virtutum gloriâ celeberrimi, Gildaredus, vel Gildardus Rotomagensis Ecclesiæ Metropolitanus; Quintianus Rutenicus; Euphrasius Aruernicus; Heraclius Parisiacus; Lupus Sueffionicus; Camillianus Tricassinus, à quibusdam corrupto nomine Camelianus dictus; Auentinus Carnutenus, successor Sollemnis eius, qui Francos fidem Christianam laboriosissimè edocuit, multosque ad veram religionem perduxit; & Melanius Redonicus, quo auctore Chlodoueus Rex multas Ecclesias partim nouas extruxisse, partim dirutas aut vetustate collapsas refecisse, Monasteria excitauisse, egentes pauisse, ius cuique suum seruauisse, Dei seruis, cuiuscumque essent ordinis, honorem habuisse, atque diuinum cultum pro viribus amplificauisse dicitur. Quo magis miror, cum Episcopi prouinciæ Belgicæ, nimirum Lupus Sueffionum, Hedybius Ambianorum, Sophronius Veromanduorum, Libanius Siluanectum, in urbem Aurelianos conuenerint; Remigium eiusdem prouinciæ Metropolitanam,

litam, Chlodouei Regis amicum & Consiliatium, ac Francorum (vt ita loquar) Apostolum; & Vedaſtum Atrebatum Episcopum ſanctæ tot tantorûmque Sacerdotum Synodo non interfuiſſe: atque neminem vnum de Episcopis Belgicæ primæ, & ſuperioris, inferioriſque Germaniæ, quæ tres prouinciæ tum ſub imperio Chlodouei erant, eò ſe contuliſſe. Sacerdotes, poſtquam de rebus Eccleſiæ profuturis egerant, VI Idus Iul. Felice V. C. Conſule ſtatutis ſubſcripſere, & ad Chlodoueam, quem *Dominum ſuum, Catholica Eccleſia filium, gloriſſimum Regem* appellant, legatos cum litteris miſere petiſſe, vt Synodi decreta, ſi tamen iudicaret recta eſſe, conſenſu & auctoritate regia confirmaret, & pro ſua fide ac religionis Catholicæ colendæ cura à populis ſuæ ditionis ſeruanda curaret. in Canone v ſupradiſti Concilij oblationum & agrorum, quos Chlodoueus Rex Eccleſiis contulerat, fit mentio. 10 XI.

Paucis poſt diſmiſſum Concilium menſibus Chlodoueus Luteciæ Pariſiorum deceſſit, anno ætatis quinto & quadreſimo, regni triceſimo, poſt prælium Vogladenſe quinto ſemipleno, Felice & Secundino Coſſatque quatuor filios, ex vno etiam nepotem, ſuperſtites reliquit, & in ſacrario Baſilicæ Sanctorum Apoſtolorum, quam ipſe paullo antè hortatu coniugis exſtruxerat, Canonicisſque attribuerat, humatus eſt. vir, cui ad augendas Francorum opes ſtabiliendûmque Regnum nec fortitudo cum felicitate coniuncta, nec calliditas deſuit. meritò vt Gregorius in Præfatione libri v Hiſtoriæ, dum in bellum ciuile Sigeberti ac Chilperici inuehitur, Chlodoueam *caput*, hoc eſt initium, *victoriarum* Regum Francorum, & alio in loco *Magnum* appellet; Remigius, in epiſtola ad Heraclium, Leonem, & Theodoſium Episcopos, *præcellentiſſimum Regem, regionum præſulem, gentium triumphatorem*. qui etiam in alia epiſtola, in qua mæſtum eundem ſoris morte conſolatur, *vigorem prouidentia eius ingenita*, hoc eſt, innatæ prouidentię laudat. Sepultus eſt Chlodoueus in Baſilica Apoſtolorum v Kalendas Decembres, vti docent duo vetera Kalendaria manuſcripta eius Eccleſiæ, in quibus 10 XI.

v Kal. Decembr. *depositio magni Regis Chlodouei* notatur, quam depositionem, siue humationem hodiè que ibidem eo die anniuersariis precibus celebrari constat. Gregorius in libro Historiæ II Chlodouem morte functum scribit anno vndecimo postquam Licinius factus erat Turonicæ Ecclesiæ Episcopus, atque à Martini obitu ad Regis mortem annos C XII computat. idem tamen, in fine libri X atque operis sui Turonicos Episcopos ordine enumerans, Briccio, vel Bricchioni Martini successor Episcopatus annos XLVII; Eustochio XVII; Perpetuo XXX; Volufiano VII; Vero XI; Licinio XII, ac menses ferè III assignat. itaut si Sacerdotij Licinij anno XI Chlodoueus decessit, à Martini morte ad eius interitum annos esse CXXIII oporteat.

Præterea ab Attici & Cæsarij Consulatu, quo anno (non autem, vt Prosper scribit, Stilicone & Aureliano Coss.) Martinum octogenario maiorem obisse tradit Gregorius, ad Felicem & Secundinum Coss. siue ad Chlodouei mortem anni sunt non CXII, sed CXIV. Quod porro ait Gregorius, Licinium Andecaum Ecclesiæ Turonicæ præfuisse, tum cum Chlodoueus Cæsarodunum Turonum Vesigothis victis intrauit, verum quidem esse potest. sed quod dicit, vndecimo Episcopatus eius anno Chlodouem decessisse, haud dubiè falsum esse debet. quippe Messalla V. C. Consule Verus Turonicam adhuc Ecclesiam regebat, sicuti ex Synodo apud Agatham permissu Alarici Regis habita intelligitur. à Messalla autem & Areobindo Coss. Felicis & Secundini Consulatus annus est quintus. itaut Licinius, tamen si Messalla Cos. sub finem anni pulso Vero Episcopatum inierit, tamen Felice & Secundino Coss. cum Chlodoueus obiit, annum Sacerdotij quintum transgressus non fuerit. Nemini autem mirum videri debet, quod ait Gregorius, Chlodoueu anno ætatis quinto & quadragesimo, regni tricesimo è vita excessisse, ac nihilominus Theodbertum ex Theodorico filio suo nepotem pulchrum & iam tum strenuum reliquisse superstitem, qui anno quinto post eius mortem à patre aduersus Danos cum exercitu missus sit. Nam si Childericus non am-

cccxv.  
vii.  
cccc.

12XI.

12VI.

12VI.

12XI.

plius XXIV regnavit annos, quorum pars sunt octo exilij eius anni, atque si idem anno octavo, quàm pulsus fuerat, restitutus in Regnum mox Basinam duxit uxorem, Chlodoueu[m]que ex ea tulit: apparet Chlodoueu[m], cùm paterno Regno successit, XV tantum annos natum fuisse, quibus adiecti triginta imperij Chlodouei anni annos solummodò quinque & quadraginta conficiunt. Theodoricus verò, Chlodouei ante ductam Chrothildem ex concubina filius, cùm patrem amisit, annos XXVIII habere potuit: Theodebertus, Theodorici ex iusta & legitima uxore filius annum duodecimum tum agere potuit, itaut quinto pòst anno copias duceret. nisi si negare quis velit hominem masculum anno ætatis septimodecimo generare posse. Sigebertus in Chronico, quo nihil ferè est in temporum notatione confusus, anno II post Synodum Aurelianensem, Christi IOXIV Chlodoueu[m] decessisse tradit.

Non alienum erit hoc loco subiicere versus, quos Remigium Remorum Episcopum fecisse, & tumulo Chlodouei inscripsisse haud falsò forsitan ait Aimoinus: in his enim Chlodoueus *felix meritis* dicitur, vt à Remigio in duabus epistolis *Dominus illustris meritis*, item *Dominus insignis & meritis magnificus Chlodoueus Rex* appellatur. Versus tales sunt.

*Dives opum, virtute potens, clarusque triumpho  
Condidit hanc adem Rex Chlodoueus, & idem  
Patricius magno sublimis fulsit honore.  
Plenus amore Dei, contempsit credere mille  
Numina, qua variis horrent portenta figuris:  
Mox purgatus aquis, & Christi fonte renatus  
Fragrantem gessit infuso Chrismate crinem:  
Exemplumque dedit, sequitur quod plurima turba  
Gentilis populi, spreto qua errore suorum  
Auctorem est cultura Deum, verumque parentem.  
His felix meritis superavit gesta priorum,  
Semper consilio, castris, bellisque tremendus:  
Hortatu Dux ipse bonus, ac pectore fortis:  
Instructas acies firmavit, in agmine primus.*  
Quibus in versibus virtutem ac fortitudinem Chlo-

uei, agmen ducere & inter primos dimicare soliti, prudentiam, felicitatem, naturalem quamdam eloquentiam, quoties milites alloqui & ad pugnam hortari oportebat, non immeritò laudari fateor. Vna est, in qua iure culpetur, prolatandi Regni libido. Quippe Chlodoueus causas bellorum ex interminata auiditate animi finitima quæque tenere cupientis plerumque accersuit, & omnem occasionem promouendorum imperij finium quamuis iniustam auidè semper attripuit. præterea inerat in eo Principe plurimum Germanæ feritatis, adèd vt non minùs propinquis quàm hostibus perniciosus fuerit. Primus ille omnium Franciæ Regum, vt Francicum Regnum in Gallia, sic potentiam inter populares valdè auxit suam. neque enim successores eius prædæ partem cum militibus suis æquo iure sortitos, aut in conciliis à populo Duces delectos fuisse legimus. quod vtrumque regnante Chlodoueo factum esse vrceus Remensis Ecclesiæ in fine superioris libri memoratus, & Remigius Remorum Episcopus in epistola ad Chlodouicum ipsum missa docere videtur his verbis. *Rumor ad nos magnus peruenit administrationem vos secundum rei bellicæ suscepisse. Non est nouum, ut cæperis esse, sicut parentes tui semper fuerunt.* quibus verbis nihil aliud ( nisi fallor ) Remigius indicat, quàm Chlodouicum Regem in Campo Martio delegatam sibi iterum à populo armato curam magni alicuius belli, summamque imperij suscepisse.

Ceterùm notandum est, quod in libro II ait Gregorius, Chrothildem Reginam post Chlodouici viri sui obitum Turonos, hoc est Cæsarodunum Turonum se contulisse, vt Basilicam Martini, cuius memoriæ magnum honorem habebat, adire frequētius posset, ibique, quamdiu vixit, summâ pudicitix & benignitatis famâ moratam esse, raròque Luteciam Parisiorum venisse. Quamquam idem Gregorius in Historiæ libro III tradit Chrothildem viduam *Parisis moratam* esse, eaque in vrbe Chlodomeris Regis filios nepotes suos, patre orbatos educauisse. Adiicit eam ita se post viri mortem gessisse, vt omnibus venerationi esset: castitatis & pudici-

tiæ magnam curam habuisse: nocturnis precationibus in Ecclesia agi solitis interfuisse: egentibus benignè fecisse: Ecclesiis, Monasteriis, & quibusque locis sanctis prædia, quorum Clericos & Monachos indigere animaduuerat, largè contulisse: ac se non tam Reginam, quàm humilem Dei ancillam esse meminisse, quæ nec Regno filiorum, nec potentia sua, nec amplissimis opibus ac possessionibus inolesceret. Chrothildis autem, cùm puella admodùm Chlodoueo nupserit, annum regni duodecimum agenti, & annos duodeuiginti cum eo vixerit, anno ætatis circiter XXXVI virum videtur amisisse. quam Francorum Reginam, Burgundionum Regis filiam, Anna verè Felix Augusta Francorum Regina, regio Ducum Burgundiæ genere orta, cùm in aliis; tum in circumeundis ac locupletandis Ecclesiis vidua viduam imitatur.

Initio eius anni, quo Synodus apud Aurelianos habitata est, ut ait Sigebertus, hoc est, Felice & Secundino 13XI. Coss. tertio Nonas Ianuarias Beatissima Genouefa Parisiorum patrona decessit: femina professione virginitatis venerabilis, nec minùs vitæ quàm pudicitie integritate sancta. cuius & virtutes viuæ admirata Lutecia est, & cælo receptæ præsens auxilium contra febres, nimiosque imbres ac siccitates experitur. Sepulta est in Basilica Apostolorum, nonnumquam à Gregorio Basilica Sancti Petri dicta: quam ob id postea *Ecclesiam Sancti Petri, & S. Genouefa* coniunctim; sæpe etiam simpliciter *Ecclesiam S. Genouefa* appellauerunt. Genouefam natione Francam fuisse nomen Germanicum docet, compositum ut Genobaldus, Marcouefa, siue eius maiores à Romanis bello capti, & in vico agri Parisiæci Nammetoduro vel Nemptodoro collocati fuerant: siue sponte patriâ relictâ ibi confederant, atque inter Gallos Gallicis moribus & ritibus assuescendo, cultum idolorum Christiana religione mutauerant. Aimoinus Monachus Genouefam Virginem, natam Honorij & Theodosij minoris principatu, atque ab Germano, Autessiodurenfi ciue & Episcopo, in Britanniam proficiscente consecratam, post parentum suorum obi-



cccc-  
xxix.

tum, regnante Childerico Luteciam Parisiorum commigrauisse tradit, ibique vsque ad Childebertym & Chlotharium Reges vixisse. at octogenariam obisse Genouefam præter ceteros Sigebertus scribit: & à morte Honorij Aug. ad Chlodouei Genouefæque obitum anni sunt LXXXVIII: vt non computentur anni, quos & Honorio Principe, & Childeberty ac Chlothario regnantibus Genouefa vixisse super apud Aimoinum dicitur. Sed & quidam à Villico Carnuteno Episcopo, non à Germano, (vt Vfsuardus & Aimoinus produunt) sacro velamine capiti imposito, Deo dicatam Genouefam tradunt. certè Germanum vnà cum Lupo Tricassino Episcopo Florentio & Dionysio Coss. hoc est annis LXXXIII ante Chlodouei & Genouefæ mortem, in Britanniam traiecisse reperio in Fastis Tironis Prosperi Aquitani, quem tamen Beda non sequitur. Præterea Auctor libri de vita Genouefæ Virginis, multo antequàm Childericus in parte Galliæ regnaret, nimirum Placidi Valentiniani principatu Luteciæ Parisiorum consedisse eam putat. siquidem cùm Attila in Gallias irrupisset, omnesque perterriti fugâ sibi consulere pararent, sanctam Virginem conuocatis opidanis persuasisse ait, vt ieiuniis, peruigiliis, ac precationibus Deum iratum placarent, domique remanerent. nam vrbes, quas insulâ suâ munitiores existimarent, & quò se ac sua conferre statuisent, expugnandas ab Hunnis, & Barbarorum seuitiam ac avaritiam experturas esse: Luteciam saluam & intactam fore. ab Attilæ autem aduentu in Galliam ad Chlodouei & Genouefæ obitum anni sunt LXI. mirum vt sit ac pæne incredibile puellam, vix annorum viginti, virorum se circulis inferuisse, atque de fuga cogitantes auctoritate sua ab incepto deteruisse. Denique quis non miretur eundem Auctorem affirmare, Genouefam ob merita atque virtutes Childerico Francorum Regi, Comitibusque Childericj tantæ venerationi & amoris fuisse, vt ei Rex (quod & Chlodoueus fecisse veriùs dicitur) damnatorum supplicia condonauerit. cùm non solùm Childericus idola coleret, sed etiam Chlodionis & Merouei exemplo.

Samarobriæ Ambianorum; (vti ait Rorico) non autem Luteciæ Parisiorum habitaret: quam urbem à Chlodoueo eius filio primo nostrorum Regum, post fufum acie cæfúmque Alaricum, fedem delectam dicit Gregorius. à quo ita diffentit Auñtor libri de vita Genouefæ, vt non modò Luteciam Parisiorum diu obfeffam, habitante ibi Genouefa, ac tandem captam eſſe à Childerico Rege Francorum; (quod verum eſſe poteſt) ſed etiam ſedem Regni ſtatutam ſcribat.





HADRIANI  
VALESII  
RERVM FRANCICARVM  
LIBER SEPTIMVS.



MORTVO Chlodoueo Francorum Regi quatuor filij succedere: quorum cum ætate corporis, animique virtutes in tantum adoleuere, ut pro vno quatuor Chlodouei Francis dati esse viderentur. quippe sicut eorum pater Alamanniam Sueuiamque subegerat, & Aquitaniam Vefigothis eripuerat: sic ipsi Regna Toringorum, & Burgundionum, validissimarum gentium, sub imperium suum ditionemque subiunxere. Maior natu Theodoricus vocabatur, quem Chlodoueus, antequam Chrothildem vxorem duceret, ex concubina susceperat. tres alios, nimirum Chlodomerem, Childebertum, & Chlotharium, ex Chrothilde vxore genuerat. Hos Agathias, in libro primo rerum auspiciis Iustiniani Aug. gestarum, *Childibertum*, *Chlotharium* vel *Lotharium*, *Theudericum*, & *Chlothomerum*, suo quemque nomine, sed non seruato ordine natalium appellat: minimum enim natu Chlotharium maximo præponit. At Iordanes manifesto errore tres tantum filios Chlodoueo fuisse putat. sic enim in libro de Origine Gothorum scribit,  
Theo-

Theodericum Ostrogothorum Regem, post victum & interfectum Odoacrem, postque occupatum Regnum Italiæ, Audefredam Chlodouci filiam in matrimonium petiisse: quam libenter Theoderici legaris Chlodoucus tradiderit, futurum credens, vt *filij sui Ildebertus, Cheldebertus, & Tuidepertus* hac affinitate cum gente Gothorum inito fœdere sociarentur. sed non multum ad pacem atque concordiam affinitatem istam profuisse, quia sæpe propter Galliam grauius inter se bella gesserunt. Vbi nemo non videt Ildebertum, & Cheldebertum, vnum vnus eiusdemque, nimirum Childeberti, nomen esse: Tuidepertum verò, vel potius Tiudepertum, Chlodouci ex Theodorico nepotem fuisse, non filium. itaut tres Chlodouci filij ab Iordane commemorati ad vnum redigantur. Theodoricus, cum patrem amisit, XXVIII annos habere potuit, vt supradiximus. Chlodomerus maximus Chlodouci ex Chlothilde filiorum saltem decennio minor fuit.

Igitur quatuor Chlodouci filij Regnum paternum inter se diuisere, & in ea parte, quæ cuique sortitò obtigerat, singuli regnauere. vnde factum est, vt singulæ partes, vel Regna *sors* appellarentur: quemadmodum in decretis Concilij apud Aruernos habiti, & Synodi Aurelianensis tertiæ vocari inuenio. Rorico Monachus, vnus ex omnibus nostris Historicis, à Chlodoueo ægro- tante, paullo antequam decederet, conuocatis Francorum Optimatibus, quorum consensu & iureiurando diuisionem approbati oportebat, Regnum inter filios diuisum esse scribit. quod Dagobertum, Chlodouci abnepotem, Regum Francorum primum fecisse, & postea (ne de Præfatis Palatii loquar) Pippinum Paruum, Carolum Magnum, ac Ludouicum Pium animaduerto. Quæ singulis vrbes atque prouinciæ sorte obuenerint, scire non possumus: cum quod nostri Auctores eius rei nullam mentionem faciunt: tum maximè quod Chlodomerus anno XIII post Chlodouci parentis sui obitum à Burgundionibus interfectus est, eiusque Regnum Theodoricus, Childebertus, & Chlotharius inter se partiti sunt. vnum omnino ex Fredegario Scho-

lastico, Aimoino, & Roricone Monacho discimus, Theodoricum Diuoduri Mediomatricum; aut (vt Roriconi placet) Durocortori Remorum sibi domum constituisse: Chlodomerem urbem Aurelianos regiam delegisse: Childebertum Luteciæ Parisiorum Regni sedem statuisse, à qua *Rex Parisiorum* is Gregorio dicitur: Chlotharium Augustæ SueSSIONUM habitauisse. Nihilominus tamen facile est intelligere falsò Gregorium tradidisse, Regnum paternum *aqua lance*, & optima fide inter fratres esse diuisum. quippe siue diuisioni & fortitioni faciendæ præpositos Theodoricus pecuniâ corrumperat, siue quo alio dolo & fraude fratres suos admodum adolescentes & rerum imperitos deceperat, constat Regni paterni partem maiorem atque meliorem Theodorico natu maiori sorte obuennisse. is enim Albienfes, à quibusdam Albigenfes dictos, Rutenos, Cadurcos, & Aruernos, Aquitanorum populos, quos patris auspiciis post proelium Vogladense subegerat, præterea prouinciam Belgicam primam, superiorem inferioremque Germaniam, Alamanniam vnà cum Sueuia, & Franciam veterem vel Transfrenanam sortitò obtinuit: itaut *finis* eius initium caperent à Rutenis prouinciæ Narbonensis primæ conterminis, & ad Saxoniam pertinerent. Tum primùm noua nomina ab Francis excogitata sunt, & Galliarum prouinciis imposita. Austriam, vel Austrasiam appellauere Franci partem Galliæ ad orientem Solem meridiemque spectantem, quæ Reno ac Mosa fluminibus continetur, cum Transfrenanis gentibus Franciæ ditioris partem ad Septemtriones occasumque Solis vergentem, quæ inter Mosam & Ligerim interiacet, Neustriam, vel Neustrasiam, nonnumquam Neptricum vel Neptriā vocauere. Burgundiæ, & Aquitanix sua nomina reliquere. & Franci quidem, qui Neustriam incolebāt, Neustrij; qui Austriam habitabant, Austrasij sunt dicti.

Recens Auctor, non tam Episcopatu quàm doctrina illustris, Nouempopulanam, vel Vasconiam, & Aquitanicam primam, ac secundam, Regni Aurelianensis, quod Chlodomeri obuenerat, prouincias fuisse scribit: è quibus Nouempopulana, post Chlodomeris mortem, Chil-

deberto in partem cesserit. quod ego à tanto viro scriptum nollem. cùm Gregorius præter ceteros initio libri tertij Historiæ tradat, post quadriennium quàm Chlodoueus decesserat, apud Aruernos in locum Euphrasij Quintianum electione populi Episcopum subrogatum esse. at Apollinarem, Sidonij quondam Aruernorum Episcopi filium, impulsus à Placidina vxore, & Alcima sorore, ad Regem (nimirum Theodoricum) venisse, oblatisque multis muneribus Episcopum ordinatum esse, atque menses non ampliùs IV Episcopatu malè vsum obiisse. qua recognita *Theodoricum* Aruernæ Ecclesiæ Quintianum præponi iussisse. Ex quo intelligitur Aruernos, gentem validam Aquitaniæ, (ne de Albienensibus, Rutenis, & Cadurcis loquar) anno quinto post Chlodouei mortem, hoc est octo annis ante Chlodomeris cædem, Theodorico Mediomatricorum vel Mettensium Regi paruissse, partemque Regni eius, non Chlodomeris fuisse.

Et quoniam suprà de Apollinare & Alcima mentio facta est, notare conuenit Apollinarem hunc fuisse Apollinaris Sidonij, qui primò Præfectus Vrbs, & Patricius, deinde Aruernorum Episcopus fuit, filium, Auiti Augusti ex Papianilla filia Sidonij coniuge nepotem, qui in acie Vogladensi Aruernis præfuit, & ad quem sunt Auiti Viennensis Episcopi aliquot epistolæ, *Apollinari Illustrissimo, & viro Illustri Apollinari inscriptæ*, in quibus eum *Dominum & fratrem*, ac in epistola ad Euphrasium *virum Sublimem ac piissimum, fratrem suum Apollinarem, Domni Sidonij filium, Magnificumque* Auitus appellat. Hic Apollinaris, à Sidonio patre in epistola IX & XI libri V memoratus, sororem habuit nomine Alcimam, & ex Placidina vxore Arcadium genuit. vnde *Placidinam, matrem Arcadij; & Alcimam, sororem patris eius*; hoc est amitam Arcadij; Arcadium autem ipsum, *Senatorem Aruernum* in libro Historiæ III vocat Gregorius. qui & in libro de Gloria Martyrum Apollinarem vnà cum Victorio Aruernorum sexque finitimarum ciuitatum Duce Italiam petiisse tradit, Victoriôque Romæ ob adulteria interfecto, comprehensum

à Romanis, ac Mediolanum in liberam custodiam missum esse: & equo fugientem, comite puero, custodes euasisse, ac in opidum Aruernos reuertisse. Arcadio, Apollinaris filio, Apollinaris Sidonij & Papienillæ nepoti, Auiti Principis pronepoti, filia fuit Placidina, quæ Leontio, homini nobilissimo prouinciæ Aquitanix, postea Burdigalensi Episcopo futuro nupsit, ei que superstes fuit. vt Venantius Clementianus Fortunatus in libri I Carmine XV docet his versibus.

*Cogor amore etiam Placidina pauca referre,  
Qua tibi tunc coniux, est modò cara soror.  
Lumen ab Arcadio veniens genitore refulget,  
Quo manet Augustum germen, Auite, tuum:  
Imperij fasces toto qui rexit in Orbe,  
Cuius adhuc pollens iura Senatus habet.  
Sed genus ipsa suum sensus moderamine vicit,  
Cuius ab eloquio dulcia mella fluunt.  
Clara, serena, decens, sollers, pia, mitis, opima,  
Qua bona cuncta gerit, quidquid honore placet,  
Moribus, ingenio, meritorum luce coruscans.  
Ornans sexum mens pretiosa suum.*

Hic est Leontius, qui iuuenis (vti significat Fortunatus) Childebertum Regem Francorum in Hispaniam secutus est: posteaque Episcopus Burdigalæ Basilicam S. Mariæ; Mediolani Santonum in patria sua Ecclesiam extruxit: Bissonnum, Vereginim, & Præmiacum villas Burdigalenses restituit & excoluit: ac mille aureis à Chariberto Rege multatus est, propterea quòd Emericum, quem Chlotharius apud Santonos Episcopum faciendum curauerat, post Chlotharij mortem Episcopatu deiecerat. Ceterum cum ex aliis, tum ex facto vtriusque Placidinæ auiæ & neptis cognoscitur mulieres nobiles à viris suis libenter secubuisse, dummodò eos Episcopos viderent: vimque omnem suam ad id contendisse. Hæc in gratiam Apollinaris Sidonij scripsimus, cuius nepotis Arcadij nobis infra mentio facienda erit. ad rerum ordinem reuertendum est.

Gregorius Aruernus, Turonicæ Ecclesiæ Episcopus, in libro Historiæ tertio morti Chlodouci, diuisionique

Regni eius nuptias Chrothildis subtexit, quam Chlodoueus ex Chrothilde vxore susceperat: scribitque, cum Chlodouei filiis multum virium & roboris esset, Amalaricum Alarici filium, *Regem Hispania* sororem eorum Chrothildem in matrimonium petiisse, quam fratres *cum magna ornamentorum mole* ad virum in Hispaniam miserint. At cum Chlodoueus obiit, Chrothildis puella admodum infans; Amalaricus puer tum adhuc & paruulus erat, vt Iordanes, Procopius, & Auctor Appendicis Victoris affirmant. nec tum ipse, sed Theodericus Ostrogothorum Rex, maternus eius auus, sub specie tutelæ Regnum Hispaniæ ac Vesi gothorum obtinebat. vnde Concilij Tarracone Petro V. C. Cos. coacti, <sup>10xv1.</sup> & Synodi Gerundæ Agapeti Consularu habitæ decre- <sup>10xv11.</sup> tis anni regni Theoderici, non verò Amalarici adscribuntur. Præterea cum nonnisi anno vndeicesimo post Chlodouei mortem Amalaricus à Childeberto Francorum Rege victus sit & interfectus: si paullo post Chlodouei parentis sui obitum Chrothildis ei nupserat, credendum erit (id quod parum verisimile est) mulierem tamdiu scruitiâ viri tulisse, & post annos circiter duodeviginti de contumeliis suis, quibus diuturna assuetudo callum obducere debuit, fratri per fidum seruum questam esse. vt omittam, quod alio in loco notabo, Merouei posteros filias, & sorores suas, virginésque stirpis regiæ non aliis quàm Regibus collocare consueuisset. quare si tum (sicuti ait Gregorius ipse) *Rex erat Hispania* Amalaricus, cum Chrothildem duxit vxorem; nonnisi Olybrio solo Cos. quo anno III Kal. Septembr. <sup>10xxv1.</sup> Theoderico mortuo Hispaniæ Regnum obtinuit; aut potius insequenti anno eam in matrimonium accepit. Ob id apud Aimoinum in libro II dicitur Amalaricus, *cum partem Regni paterni, quæ à Francis non fuerat occupata, suscepisset regendam*, missis ad Childebertū & Chlotharium legatis rogasse, vt inito fœdere sororem suam ipsi nuptum darent. Certè Amalaricum, quo tempore Alaricum parentem suum amisit, paruulum & infantem fuisse putandum est, si post Consularum Lam- <sup>10xxx1.</sup> padij & Orestis, hoc est anno XXIV post patris mortem,



quo anno periit, adolescens erat: vti ait Iordanes, qui in libro de Origine Gothorum Amalaricum *in ipsa adolescentia Francorum fraudibus irretitum Regnum cum vita amisisse* scribit. & ne quis sit dubitationi locus, auctor est Procopius in libro I belli Gothici post Theoderici mortem, postque subactam à Francis Toringiam, atque Burgundiam, (in qua tamen Godomarus etiamtum regnabat) Amalaricum Vesigothorum Regem, Francorum arma virésque metuentem, sororem Theodeberti Francorum Regis (Childeberti debuit dicere) in matrimonium petiisse & accepisse. Theodebertum autem, quem Theudibertum appellat, sicut suprà Iordanes, Chlodouei filiis annumerare videtur Procopius, vxorem Amalarici, quæ Chrothildis Chlodouei filia fuit, Theodeberti sororem vocando. Ceterum an præter Chrothildim alias Chlodoueus filias habuerit, dubitare quis potest. Nam (ne de Audesteda loquar) Robertus Monachus Autissiodurensis, in Chronico anno M C C X scripto, à *Theudechilde Chlodouei Regis filia*, pia Virgine Monasterium Apostolorum in vrbe Senonis exstructum ait: quod Monasterium apud Odorannum Monachum *Theuchildis Regina* dicitur excitauisse. Quæ Theudechildis, vel Theuchildis non magis mihi Chlodouei filia videtur fuisse, quàm Emmia, aut Emma pridie Nonas Octobres Martyrologio Vsuardi inserta, & *Sancta Emmia, Virgo eximia sanctitatis, filia Chlodouei Regis dicta*.

Postquam Quintianus apud Aruernos in locum Apollinaris Episcopus est subrogatus, hoc est anno V vel VI post Chlodouei Francorum Regis mortem, Dani, qui sinus Codani Septemtrionale latus possidebant, oram Saxonix Frisixque præteruecti, Galliam classe petiuere, egressisque nauibus pagum vnum de Regno Theodorici, hoc est forsitan Batauiam, igne & ferro vastauere. iamque in naues captiuos, ac omnem prædam imposuerant: iam reuerti domum parabant: Réxque eorum nomine Chochilaicus, quem alij Cochilagum appellant, exspectabat cum paucis in litore, dum naues altum tenerent, ipse mox secururus. quum Theodebertus à patre suo Theodorico aduersus prædones missus

cum magno exercitu apparatúque armorum deimpro-  
uísó superuenit, qui & Regem interfecit, & Danis in-  
opinantibus oppressis, ac nauali certamine superatis,  
maxima cæde facta, captiuos & prædam recepit. Vetus  
Auctor Historiæ Franciæ, Theodorici Merouingorum  
Regum penúltimi æqualis, pagum à Danis depopula-  
tum vocat Attuarias. quod si verum est, ex eo cogno-  
scitur Attuarios, gentem Franciæ veteris Reno con-  
terminam, si non omnes, saltem eorum partem tum in Gal-  
lia prope Riparios sedes habuisse, regionisque, in qua con-  
federant, nomen suum dedisse. Hi sunt Dani, quos post-  
ea Nordmannos vel Nortmannos Franci vocauere, qui  
regnantibus Caroli Magni posteris omnem Galliam cæ-  
dibus, latrociniiis, ac incendiis deformauere. Danorum  
primi mentionem fecerunt Iordanes, atque Procopius.  
è quibus Iordanes eos Cogenorum, hoc est Cognorū  
gentis Germanicæ, stirpe ortos esse, viros proceritatis  
eximie, Erulósque finibus expulisse scribit, & Scanzie  
suz cultoribus adnumerat. Procopius in belli Gothici  
libro primo Danorum gentes prope Varnos ponit, qui  
à Senatore Guarni, ab Iordane Warni appellantur.

Florentio & Anthemio Coss. Theodericus Rex Ita-  
liæ Amalasuentham filiam suam, quam ex Audefreda  
Chlodouci Regis sorore tulerat, Eutharico Cillicæ col-  
locauit. qui anno 11 pòst collega Iustini Aug. factus dela-  
tum sibi à focero Còsulatum Romæ iniit, eúmque in Vr-  
be primùm, deinde Rauennæ ludis Circensibus, ven-  
ationibus, ac sparsione numinorum in populum celebra-  
uit, atque ante Theodericum decessit, ex Amalasuentha,  
vxore sua liberis genitis Athalarico, & Matasuentha.  
è quibus Athalaricus Theoderico auo materno successit;  
Matasuentha Vitigi Regi, ac postea Còstantinopoli Ger-  
mano Patricio nupsit. Natus erat Eutharicus in Hispania  
patre Veterico, vel Viderico, auo Beremundo, Thoris-  
mundi Ostrogothorum Reguli filio, qui vt Hunnorum  
se dominationi eximeret, patriam reliquerat, & ad Ve-  
sigothos populares suos, regnante Theodorico maiore,  
commigrauerat. Thorismundus autem Rex, proauus Eu-  
tharici, consobrinus fuerat Wandalarij, aui Theoderici

10 XV

Italix Regis. Eutharicum hunc Cillicam vel Cilligam, regio Amalorum genere ortum, ac iuuenem prudentem fuisse, magnisque animi & corporis virtutibus eminuisse tradit Iordanes. incertus Auctor Chronici nuper editi asperum, & Fidei Catholicæ infestissimum cum fuisse dicit, quem in Chronico Viætoris malè Heraclium; apud Marium Eutheriû pro Euthero appellari reperio.

12XVI.

Petro V. C. Consule Rex Burgundionum Gundobadus decessit, superstitibus relictis Sigismundo & Godomaro filiis. è quibus tamen solus Sigismundus, Sigismundus Gregorio dictus, Regno paterno successit. cum antea in Burgundia, quemadmodum apud Francos, Regnum patrium fratres inter se diuidere, & in sua singuli parte regnare consueuissent. Vir doctissimus Sigismundum viuò patre Regis nomen obtinuisse putat, propterea quòd apud Auitum legitur epistola ad Symmachum vrbs Romæ Episcopum sic inscripta: *Epistola ab Auito Episcopo dictata nomine Sigismundi Regis ad Symmachum Papam*: Symmachus autem obiit Senatore solo Cos. ante biennium quàm Gundobadus decederet. & quòd Marius Auenticensis Episcopus in

12XIV.

12XV.

Chronico Florentio & Anthemio Cos. anno ante Gundobadi obitum Monasterium Acauni à Rege Sigismundo exstructum dicit. Quo argumento si quid probari posset, credere nos oporteret Sigismundum, ante annos minimùm XXII quàm Gundobadum patrem amitteret, hoc est, saltem anno post Odoacris cædem, viuo ac regnante in parte Burgundiæ patruo suo Godegisilo, Regem fuisse, regniq; participem & consortem egisse. cum Iordanes in libro de Origine Gothorum scribat Theodericum Ostrogothorum Regem, vbi in Italiam venit, mox finitimis Regibus Alarico & Sigismundo filias suas in matrimonium dedisse. At Auctor Chronici ab Henrico Valesio fratre meo editi meliùs quàm Iordanes Theoderici filiam Sigismundo filio Gundobadi Regis., non autem Regi nuptum datam ait. Regem igitur ab Auito, & à Iordane ac Mario appellatum Sigismundum existimo, non quòd viuo patre regnauerit, sed quòd Regis filius, ac postea Regni luc-

successor fuerit. Regum enim liberos Reges vocare mos erat. sic Gregorius Guntharium, & Chramnum Chlotharii Regis filios; Fortunatus in libro IX Chlodobertum & Dagobertum infantes, eius ex Chilperico nepotes, Reges appellat. sic & Brunichildis Regina Achanagildum, suum ex Ingunde filia nepotem, non priuatum modò sed exulem ac egentem, Còstantinopolim à Græcis abductum, & Childebertus Francorum Rex eundem sororis suæ filium in litteris *Dominum gloriosum Athanagildum Regem* vocat. Certè Gregorius, cum tradit, mortuo Gundobado, *Regnum eius Sigismundum obtinuisse*, & Marius ipse in Chronico, cum ait Petro Cos. *Regem Gundobadum obisse, & leuatum esse filium eius Sigismundum Regem*, ambo satis apertè indicant eum non ante patris mortem Regem appellatum esse. Quod autem scribit Fredegarius in Epitomie, Sigismundum apud Geneuam in villa Quadriuio iussu patris Regem salutatum esse, id si verum est, ita intelligendum & accipiendum videtur, vt maiorem natu filium Sigismundum Gundobadus moriens solum, excluso Godomaro natu minore, à Burgundionibus Regem iusserit appellari. Eidem Sigismundo inter initia principatus Anastasius Aug. Patriciam dignitatem, atque etiam (vt existimo) Comitiam Sacrarum largitionum, vulgò Comitiam Sacrarum dictam, codicillis detulit. Quapropter Alcimius Ecdicius Auitus, Viennensis Episcopus, in epistola ad Ioannem Constantinopolitanum Episcopum, *Dominum suum Patricium Sigismundum* vocat. & in epistola ab Auito dictata nomine Sigismundi ad Imperatorem Anastasium, Sigismundus ipse *militie fascibus, Aula pollentis contubernio*, (hoc est, militià Palatinà) & *veneranda Romani nominis participatione* honoratum se ab Imperatore dicit. præterea Auiti epistola XLII sic inscribitur: *Epistola ab Auito Episcopo dictata nomine Domini C. S. ad Vitalianum Senatorem*: & epistola XXXVI, ita inscripta legitur: *Epistola ab Auito E. dictata nomine Domini Regis C. S. ad Imperatorem Anastasium*, hoc est, nomine Domini Regis, Comitum Sacrarum, potiusquàm (vt putat vir doctissimus) *Comitis Sigismundi*. Notandum

autem est, quod Sigismundus Rex Burgundionum, apud Auitum in epistola XXCIII, ad Anastasium Aug. scribens, ait se gratiæ debitorem non magis parentis debitis, quàm beneficiis sibi datis factum, proauósque & auctores suos nomini Imperiòque Romano semper fuisse deuotos, & *militia titulos* ab Imperatoribus sibi oblatos magni fecisse, magisque semper ambiisse, quod à Principibus acciperent, quàm quod à patribus attulissent. Quibus verbis videtur indicare Sigismundus ab Anastasio Principe dignitatem aliquam Gundobado patri suo delatam esse, Gundiucumque auum suum, & Chilpericum maiorem patruum, Burgundionum Reges, ab vltimis Imperatoribus Occidentis, nimirum à Seucro & Anthemio Magisterium militum obtinuisse.

Florebat tum non minùs pietate quàm doctrina supradictus Alcimus Auitus, Hesyhij primùm clarissimi Senatoris, deinde Viennensis Episcopi filius, sedisque successor: Apollinaris Valentis Episcopi, & Fuscinae Virginis Deo sacratæ frater. qui, quod Gundobado persuadere non potuerat, eius filio Sigismundo initio regni persuasit, vt Ariana Hæresi damnata, Patrem, & Filium, & Spiritum Sanctum vnus eiusdemque maiestatis ac virtutis esse publicè profiteretur. quo facto, Auitus orationem apud populum habuit, cunctosque ad Fidem Catholicam inuitauit. Facile impetratum est à Burgundionibus, vt Regis sui imitarentur exemplum, & religionem Catholicam, in qua eorum maiores versati erant, eiurato errore sequerentur. Erant Sigismundo ex Ostrogotha vxore liberi, puella virgo, & Sigisfricus adolescens, à Gregorio Sigiricus, ab Auito *Dominus Segisfricus* dictus. è quibus prior puella Arij Hæresim damnauit, postridie Sigisfricus: vt docent inscriptiones duarum Homiliarum, vel orationum ab Auito tum habitarum. Ostrogotham vel Ostrogothonem, Theoderici Ostrogothorum & Italix Regis filiam, Sigismundi coniugem fuisse dixi, secutus præter ceteros Procopium, qui in belli Gothici libro I Theudichusam, hoc est, Theodegotham sororem Ostrogothæ, Alarico minori Vesigothorum Regi nupsisse tradit. vt ap-

pareat errare incertum Auctorem supradicti Chronici nupet vulgati, apud quem dicitur Theodericus alteram filiam nomine Areuagni (ita eam solus appellat) Alarico Regi Vesigothorum in Gallia; alteram nomine Theodegotham Sigismundo filio Gundobadi Regis collocauisse. Ceterum Burgundiones vnà cum Sigismundo Rege, eiusque liberis Anastasio & Agapeto Coss. videntur 12XVII. Catholicam Fidem secuti esse. quippe eo anno, qui II regni Sigismundi annus est, Episcopi Burgundiæ Epaeone conuenerunt, de antiquis regulis, & de nouis controuersis sententiam dicturi. cui Concilio præfuit, Sacerdotumque decretis primus subscripsit Alcimus Auitus Episcopus XV II Kalend. Octobr. Agapeto V. C. Consule: 12XVIII. subscripsisse dicitur & Pelagius Presbyter missus à Domino Salutare *Episcopo ciuitatis Auennica*, nisi si potius, ut puto, Episcopus ciuitatis *Auentica* is fuit, nam Auenticum Burgundionum Regibus parebat. Auenionem autem Senator in Variarum libri III epistola XXXVIII docet Theoderici tum fuisse.

Magno solo Cos. Anastasius Aug. decessit. quo mortuo Amantius Præpositus sacri cubiculi, magnâ eunuchus potentiâ Iustinum Comitem Excubitorum accersit, ingentemque ei pecuniam dat, militibus Theocriti nomine dispertiendam. qua ille pecunia Imperium sibi quàm alij emere maluit, atque à populo & ab Excubitoribus largitione deuinctis VII Idus Iul. Imperator est consalutatus, vxorem eius coronatam & Augustam nuncupatam, pro Lupicia vel Lupicina, quod nomen inhonestum ac indecorum videbatur, Euphemiam Constantinopolitani vocauerunt. Erat Iustinus natione Thrax, vel potius (ut ait Victor) Illyricianus. quippe Agathias in libro V Bederianam eius patriam *urbem Illyricam Bederianam* vocat: à qua apud Auctorem Chronici Alexandrini Iustinus Bendarites mendosè cognominatur, cum dicendus sit Bederianites. & Iustinianum, sororis eius filium, natum ait Procopius in quodam loco Dardaniæ Europæ Illyrici prouinciæ dicto Tauresio; alij in vrbe Pelagoniæ Achride, quæ regio Macedoniæ Illyrici quoque prouinciæ attribuebatur. Iustinum, ob-

seurissimis parentibus genitum, primò pastorem ac suarium fuisse scribit Zonaras, deinde inter gregarios milites stipendia meruisse, tum per omnes militiæ gradus ad Senatoriam dignitatem, & ad Comitium Excubitorum, ac tandem ad Imperium peruenisse. Quo libentiùs credo, id quod Euagrius Scholasticus, Syrus Epiphanensis, in Historiæ Ecclesiasticæ libro IV tradit, Iustinum, senem ignotæ originis, tam liberalium studiorum expertem, ut nomen scribere nesciret, præter spem cum suam tum ceterorum omnium Imperatorem factum esse, prælatumque multis Anastasij Aug. propinquis opulentissimis, potentissimisque, ac ætate florentibus, in primis Hypatio, Pompeio, & Probo, genere consobrinis, & Anastasij sororum filiis, Consularibus viris, & Patriciis. è quibus Hypatius auunculi sui Anastasij Aug. principatu Magister Præsentis militiæ, vnà cum Arcobindo Olybrij Aug. & Nobilissimæ Placidix genero, Magistro militum Orientis, aduersus Persas, ac deinde aduersus Vitalianum bellum infelicitè gesserat, atque anno XIV post Anastasij mortem, orta Constantinopoli seditione, à populo per vim Imperator appellatus, & rebellibus per Belisarium fuscis ac cæsis captus, Iustinianique Principis iussu vnà cum Pompeio fratre interfectus est. Hic animaduertere libet, Constantinopolitanos metu malorum, quæ Orientales passi erant grauissima, Arcadio & Theodosio pueris dominantibus, qui *delicati & luxuriosi* Principes (ut ait Iordanes) *per annos fere LX imperantes Regnum minuerant*, post vtriusque obitum non alios quàm ætate prouectos Imperatores creauisse. siquidem Marcianus LVIII ætatis suæ anno, & Leo iam senex, & Zeno XLVII transgressus annum, Anastasius etiam L XII I emensus, ad Imperij insignia viri consilio & pace optimi, nec rerum imperiti peruenere. & Iustinus senex annorum L X V III recepit Imperium. qui petentibus Proceribus, ut Iustinianum sororis filium, XL tum circiter annos natum, in consortium imperij reciperet, purpuram manu tangens respondit: quin vos potius oratis, ne hoc insigne Imperatorium à me iuueni deferatur. Idem simul ac Imperiū obri-

nuit, Amantium Præpositum cubiculi, & Theocritum, quem Domesticum suū Amantius Imperatorem facere voluerat, & Andream Cubicularium, velut insidiantes sibi, vnà cum aliquot aliis in Palatio Consulatu suo & Eutharici interemit, corporaque iugulatorum in Rheuma delicti iussit. cūque Apionem Patricium, Diogenianum, & Philoxenum, Magistros militiæ, iussu Anastasij relegatos, ab exsilio reuocauisset, Vitalianum similiter, Patricioli filium, belli ab ipso Anastasio illati memor, ex Thracia ad se in urbem Regiam inuitauit, vt hominem Imperij cupidum, & gloria ac potentia præstantem, quoniam aliter non poterat, fraude & insidiosa simulatione amicitie deceptum opprimeret. Hunc igitur V II die quàm Constantinopolim venerat, Ducem vnus è duobus exercitibus, quos Præsentes vocant, id est, Magistrum vel equitum, vel peditum Præsentium; ac mox cum Rusticio Consulem ordinarium fecit, septimoque mense Consulatus sui in loco Palatij, quem Delphicum vocant, per Iustinianum Patricium sororis filium vnà cum Celeriano & Paulo satellitibus suis interemit. quo anno Ioannes Præfectus Illyrici, qui ante Iustinum à quibusdam Imperator electus fuerat, Heraclæ Thraciæ Episcopus est ordinatus. Tum Iustinianus, quem auunculus ex Candidato Patricium fecerat, Magister militum ordinarius est constitutus, & proximis Kalendis Ianuar. Consulatum iniit, nec multo post Nobilissimus à Senatu appellatus est, eaque appellatio Imperatoris decreto comprobata, qui tandem æger, postulantibus Senatoribus, inuitus (vt ait Victor) participem eum imperij & successorem creauit. Hæc de Iustino dicta sufficiant. in Occidentem reuertendum est.

Circa initia principatus Iustini Aug. bellum Franci Toringis intulere, quod priusquam exponam, de Toringorum Regibus pauca dicenda sunt. Toringi, quos Senator, & Græci Auctores Thoringos, Iordanes, alique Thuringos appellant, gens Germaniæ valida magis quàm vetusta fuere. Incertus Auctor, qui de Lantgrauis Toringiæ scripsit, & Sifridus Presbyter in Epitomes suæ libro I tradunt Meruigum quemdam cog-



natum Regis Francorum, de sententiâ consilióque eiusdem Regis à Toringis anno CCCCXXX Regem electum esse, qui castrum prope Erpfesfurtum exstruxerit, ac Meruuigiburgum suo nomine appellauerit. post Meruuigum regnauisse in Toringia Bassinum, à nostris Historicis Bisinum, ab Aimoino Bissinum dictum, ad quem Childericus Francorum Rex, Regno expulsus, confugerit, & cuius vxorem Basinam, quæ ipsum reuersum in Franciam secuta erat, in matrimonium acceperit, ex qua Chlodoucum, tréscque filias, nimirum Audefredim, Lanthildim, & Albofredim tulit. Bassino successisse Irmenefridum, qui non sororem Theoderici Regis Francorum, (vt aiunt) sed sororis Theoderici Ostrogothorum Regis filiam vxorem duxit. Hic est Irmenefridus, quem Procopius Hermenefridum, Cassiodorus Senator Herminafridum, Iordanes & Fortunatus Hermenefredum, aliqui Hermenefredum, & Ermenefridum appellant. Herminafridus, Bisini Regis (vt existimo) filius, fratres habuit Badericum, atque Bertharium, à quibusdam Bertecharium, ac Brittharium dictum. è quibus Badericum, tamquam natu maiorem, Gregorius ac Fredegarius Herminafrido præponunt. hi fratres apud Toringos in sua quisque parte regnauere. quo magis miror apud Cassiodorum Senatorem, tamquam solus tum Herminafridus in Toringia regnaret, Theodericum Ostrogothorum Regem de bello Chlodouci litteras *Toringorum Regi* scripisse. De vxore liberisque Baderici, quem Aimoinus Baldricum, quidam Baldericum appellant, nihil accepimus. Herminafridus autem in matrimonio habuit Amalabergam, Amalafridæ sororis Theoderici Ostrogothorum Regis filiam, Procopio Amelobergam, nostris Historicis Amalbergam dictam: quam Aimoinus filiam Theoderici Italiæ Regis pro sororis filia appellat. Auctor Chronici à C. V. Henrico Valesio fratre meo vulgati sororem eam Theoderici falsò vocat, & cum Theodericus mense Augusto Româ Rauennam reuertisset, Herminafrido Toringorum Regi collocatam esse dicit, hoc est Patricio & Hypatio Coss. quo anno Theodericus Rex Vrbein in-

gressus est, post interfectum Odoacrem anno VII. Sic Procopius in belli Gothici libro I Odoacris Regis mortis Amalabergæ nuptias; hisce nuptiis bellum à Francis Burgundionibus illatum continuò subtexit: quod bellum Patricio & Hypatio Coss. gestum auctor est Marius in Chronico. At apud Cassiodorum Senatorem, post Arelateneses obsidione liberatos, postque Indictionem IV, hoc est, post Consulatum Felicis & Secundini, quo anno Chlodoueus obiit, Theodericus sororis filiam, aut ( ut loquitur ) *neptem* ad Herminafridum Regem Toringorum mittit. ut appareat Senatorem in suis Variarum libris non semper rerum ordinem sequi. Nam exempli causâ liber eius secundus à Consulatu Felicis incipit, finiturque epistolâ Theoderici Regis, ad Chlodouicum Regem Francorum scriptâ, orantis ut victis Alamannis parcat, quos anno quintodecimo ante Consulatum Felicis huius ac Secundini, nimirum Paullo Consule ab Chlodoueo constat proelio esse superatos.

Nupta Herminafrido Amalaberga Amalafridum, & Ranicundam genuit, de quibus infrâ pauca dicemus. Hæc femina Toringis excidij, & primùm leuiris, deinde viro ipsi suo mortis causâ fuit. quippe uti erat insolens ac superba, nec minùs sanguinis quàm regni auida, Herminafrido persuasit, ut Berthario fratre suo interemto angustos imperij terminos promoueret. quo facto minimè contenta, virum hortari cœpit, ut Baderico alteri fratri Regnum ac vitam eriperet: atque ut magis cunctantem stimularet, post multas verborum rerumque contumelias mensam ei dimidia parte nudam iussit apponi, ac interrogata, quid hoc sibi veller, respondit meritò dimidiam cum mensam nudam habere, qui dimidia parte Regni spoliatur. His aliisque verbis increpitus, ac muliebri furore instinctus Herminafridus Baderico fratri bellum inferre constituit: legatisque clàm missis Theodorico Francorum Regi dimidiam partem Regni fratris pollicetur, si eius operâ victum interficere potuisset. Latusoblato præmio belli Theodoricus mox copias cogit, Toringiam, Catts genti ditionis suæ confinem, ingreditur, & cum Herminafrido

collocutus, data inuicem fide, societatem iungit. tum ambo iunctis viribus Regnum Baderici intrauere. Nec dubitauit Badericus instructo exercitu obuius hosti procedere, commissoque prælio multis suorum amissis fusus est & interfectus. Victor, & compos votorum suorum Herminafridus Theodorico perluasit, vt domum rediret, affirmans se, simul ac Toringiam omnem pacauisset, promissa cum parte Regni donaturum. quo in Franciam reuerso, datæ fidei oblitus Regnum Toringiæ totius occupauit, & quod Theodorico pollicitus erat, prætare neglexit. quamobrem magnæ inter eos ortæ sunt inimicitia, breui Herminafrido exitio futura.

Dum Herminafridus in Toringia, impulsus ab vxore, fratres interimit, Sigismundus in Burgundia, imitatus Gundobadum patrem trium fratrum suorum interfectorem, hortante coniuge, filium natu maiorem occidit. Habuerat hic in matrimonio Ostrogotham, Theoderici Ostrogothorum & Italarum Regis filiam, puellæ virginis, & Sigisfrici matrem, eaque amissâ aliam duxerat vxorem, quæ nouercali odio priuignum prosequabatur. Accidit, vt festo die Sigisfricus nouercam cultum Ostrogothæ matris indutam videret, quo agnito grauiter commotus negauit dignam eam esse, quæ dominæ suæ vestibis vteretur. At mulier, se contemtam fremens, ac furore accensa Sigisfricum falso patricidij crimine in secreto ad virum suum accusat, tamquam adulescens cupiditate principatus impulsus, patre interfecto totius Burgundiæ imperium, atque etiam (vti ait Gregorius) Regnum Italiæ, quod Theodericus auus eius maternus obtinuerat, occupare vellet. Vbi notandum est errare Gregorium, qui tum Theodericum Regem Ostrogothorum mortuum arbitretur. cum is non modò Sigisfrici nepotis sui, sed etiam Sigismundi generi superstes exstiterit: si verum est, quod tradit Marius Auenticensis Episcopus in Chronico, Sigisfricum, quem

12XXII. Segericum appellat, Symmacho & Boëthio Cos. iussu patris sui occisum esse, & Sigismundum insequenti anno

12XXIII. Maximo Cos. captum à Francis & interfectum. Theodericum autem Ostrogothorum & Italarum Regem

anno

anno tertio post Consulatum Maximi, nimirum Oly-  
 brio Consule decessisse omnes Auctores magno con-  
 sensu tradunt. Igitur Sigismundus, cum vera esse cre-  
 deret, quæ ab vxore ficta crimina deferebantur, Sigis-  
 ricum filium, somno ac vino sopitum, meridianumque  
 nefarie iussit occidi, intromissis, qui circumdatum col-  
 lo eius orarium ad se vtrunque trahendo innoxium  
 adolescentem strangularent. Interfectus est Sigisricus  
 (vt ait Marius) Symmacho & Boethio Coss. Cuius fa-  
 cinoris magnitudinem Sigismundus serò perpendens,  
 quem viuum oderat, sublatum mox lugere ac flebiliter  
 dolere cœpit: super filij corpus eiulans afflictiūque se-  
 se procubuit, & omnibus questibus, quos dolor dictare  
 consuevit, consumtis, Acaunum petiit, locum Penninis  
 Alpibus proximum, abditūque in Monasterio, quod  
 ibidem exstruxerat, per dies multos lacrimis, ieiuniis,  
 precatione veniæ, & assiduitate psallendi iratum sibi  
 Deum placare conatus est. Tum etiam Sigismundus  
 Monachi habitum induisse mihi videtur. quippe idem  
 apud Marium in Chronico insequenti anno Maximo  
 Cos. à Burgundionibus Francis traditus, & in Fran-  
 ciam in habitu Monachi perductus esse dicitur. & Vsuar-  
 dus in Martyrologio scribit Sigismundum Regem Bur-  
 gundionum, cum videret se Francis obistere non pos-  
 se, solum fugisse, atque capite raso habitum religio-  
 sum, hoc est pallium summis, & dies atque noctes ieiuniis  
 peruigiliisque continuantem, à Francis cum vxore  
 & liberis captum esse. Quod fecisse Sigismundum statim  
 post occisum filium, non autem post commissum cum  
 Francis prælium credendum est. amisso enim exercitu  
 cum Acaunum fugâ peteret, mox à Francis captus  
 est, neque euadendi, neque ad Monasterium peruenien-  
 di, nedum pallij sumendi spatio dato. Hoc Monaste-  
 rium, in loco Vallis Penninæ Acauno, quem multi A-  
 gaunum appellant, exstructum, maximè illustre effece-  
 runt sepulcra beatissimorum Martyrum legionis Feli-  
 cis Thebæorum, nimirum Mauricij, commilitonūque  
 eius ibidem occisorum, quos Gregorius *Sanctos Agau-  
 nenses* vocat. vnde Monasterium ipsum Fredegarius

*Monasterium Sanctorum Agaunensium*; Vsuardus *Monasterium Agaunense*; Anastasius *Monasterium S. Mauricii* appellat. è quibus Vsuardus, atque etiam Aimoinus precibus votisque Seuerini *Monasterij Acaunensis Abbatis* Chlodoueu Francorum Regem diuturna valetudine liberatum esse produnt. cùm Marius Auenticensis Episcopus in Chronico Florentio & Anthemio  
 1235. Coss. hoc est anno quarto post Chlodouci mortem Monasterium illud à Sigismundo exstructum dicat: quod apud Gregorium Sigismundus post Gundobadi obitum; apud Fredegarium & Aimoinum post occisum filium dicitur ædificauisse, domibúsque & basilicis magnificè ornauisse, ac prædiis locupletâsse. ita ut non videam, quomodo Seuerinus uiuo Chlodoueo Abbas esse potuerit Monasterij Acaunensis, quod nonnisi post eius mortem exstructum est.

Posteaquam igitur Sigismundus Burgundionum Rex in Monasterio Acaunensi diu multumque Sigisfricum filium suum luxit, Lugdunum Segusianorum reuertit, credo quòd iam Francos expeditionem Burgundicam parare cognouerat. quam nubem belli ut à se auerteret, Theodorico Francorum Regi, filiorum Chlodouci maximo filiam suam in matrimonium dedit, cuius nomen, ut & prioris Theodorici coniugis, Theodeberti matris ignoratur. Brouerus quidem, qui Fortunatum notis illustrauit, Theodechildem Reginam, à Fortunato tantopere laudatam, vxorem Theodorici, matrémque Theodeberti Franciæ Regum fuisse credit. cùm quæ Fortunatus de Theodechilde dicit, vxori Theodorici minimè conueniant. Nam Theodoricus Francorum Rex duas duxit vxores. ex priori Theodebertum genuit, quâ amisâ, Sigismundi filiam in matrimonium accepit. si verum est, quod ait Gregorius, Theodoricum, cui iam filius adolefcens, victor Danici belli, Theodebertus erat, paullo post Sigisfrici cædem, hoc est anno regni vndecimo, filiam Sigismundi Regis vxorem duxisse; at Theodechildis, vel Theodechilda Regina, Fortunato teste, viro superstes fuit, ac quinque & septuaginta annos vixit.

*Ter quino lustro vixit in Orbe decus.*

ita ut non potuerit esse mater Theodeberti, quam ante Theodoricum virum suum decessisse docui. Sed nec Theodechildis ista, Theodorici posterior coniux, filia Sigismundi fuit. Sigismundi enim filia, posterior Theodorici vxor, Regem fratrem non habuit, contra iussu patris iugulatum eum vidit. at Theodechildi Reginae non modo pater, auus, proauus, virque, sed etiam frater Reges fuerunt, vt in libri IV Carmine XXV auctor est Fortunatus,

*Hic properante die Theodechilda iacet:*

*Cui frater, genitor, coniux, auus, atque priores,*

*Culmine succiduo regius ordo fuit.*

Ex quo etiam intelligitur fratri eam, & viro superstitem fuisse. & in libri VI Carmine V.

*Currit in Orbe volans generis noua gloria vestri,*

*Et simul hinc frater personat, inde pater.*

Ego Theodechildim hanc, non Theodorici Francorum Regis vxorem, sed ex posteriore vxore filiam; non Theodeberti Regis matrem, sed sororem; Sigismundi que ex filia neptem fuisse existimo, Hermegisclo primum, deinde Radigeri Varnorum Regibus nuptam, de qua Procopius in belli Gothici libro IV sic scribit. Hermegisclo quemdam regnasse apud Varnos, quæ gens oram Septemtrionalis Oceani, & ripam inferiorem ostiâque fluminis Reni occupabat, eoque flumine à Francis diuidebatur. cum Regem amissa coniuge, ex qua Radigerem filium tulerat, vt Regnum suum affinitate confirmaret, sororem Theodeberti Francorum Regis in matrimonium petiisse, atque duxisse. & aliquanto post cum mortem sibi adesse intelligeret, Radigeri coram Optimatibus mandauisse, vt sponsam natione Britiam sororem Regis Anglorum repudiaret, sinceretque habere sibi, quas sponsaliorum nomine dedisset, pecunias pretium iniuriæ, nouercamque, ex qua ipse nihil liberorum tulisset, in matrimonium acciperet, conciliandorum sibi Francorum causâ, quæ gens, & finitima, & validissima, vt facile Varnos auxiliis iuuare; sic non

sitis opprimere ac euertere funditus posset. His dictis Hermegiselum quadagesimo post die morbo interiisse, Regnumque Varnorum Radigeri vnico filio per manus tradidisse: qui patris consilium secutus de sententia Optimatum, repudiata sponsa, nouercam suam, sororem Theodeberti Francorum Regis, vxorem duxerit. Qua re cognita puellam virginem impatientem iniuriæ, propterea quod mos erat Barbaris sponas nisi ob stuprum non dimittere, missis ad Radigerem legatis de contumelia questam esse, & postulasse, vti causam repudij aperiret. Radigerem, cum nihil haberet, quod responderet, legatos re infecta dimisisse. Tum sponsam virginem permissu fratris Regis Anglorum quadringentis nauibus armata millia bellicosorum hominum centum imposuisse, atque vno è fratribus suis expeditionis socio, ex insula Brittia in continentem regionemque Varnorum traiecisse. ibi circa ostium Reni castris positis cum paucis sese continuasse, & fratrem vnà cum reliquis omnibus copiis aduersus Varnos, qui non longè à litore Oceani & ostio supradicti fluminis confederant, misisse. à quibus fusus acie Radiger Varnorum Rex, amissa magna parte militum, terga cum reliquis verterit, quos fugientes Angli, propterea quod more Varnorum pedestria omnes proelia inire consueuerant, non longius persecuti in castra reuertere. At victorem militem malè acceptum, fratrem etiam conuiciis à regia virgine proscissum esse, clamitante nihil actum, quoniam Radiger euasisset: confestimque perniciosissimos ac fortissimos iuuenes ex omnibus copiis delectos, & ad comprehendendum Radigerem missos esse, qui latentem eum in silua ceperint, vinetumque ad sponsam adduxerint. Captiuum verò mortis expectatione tremulum atque pallentem, interroganti virgini, cur se nullius probri insinulatam repudiauisset, & solutis sponsalibus, aliam duxisset vxorem, respondiisse, supremæ patris voluntati, Procerumque studio se obistere non potuisse, culpamque necessitati imputauisse, postremò precibus suppliciter admotis adiecisse, paratum se esse, si modò vellet, ipsam in matrimonium du-

cere. ab hac voce continuò Radigerem vinculis liberatum, Theodeberti Francorum Regis sorore domum remissâ, Brittiâ sponsam matrimonio sibi iunxisse anno belli Gothici sextodecimo.

104

Et ita quidem Procopius de Theodorici Francorum Regis filiæ nuptiis refert. Vbi fateor mirari me, quâ ratione fieri potuerit, vt Varni tum in Francia regnarent. quippe ripa Rheni dextra, vel Germanica, ad ostia fluminis Oceanûmque Septentrionalem pertinens, quam Varnos incoluisse ait Procopius, pars veteris Franciæ Theodorico Regi tum subiecta erat. Non igitur Varni Reno diuidebantur à Francis, qui vltra Renum longè latèque dominabantur. Vt verisimiliùs idem Auctor in libro II belli Gothici Varnos prope Danos ponere videatur, quos à Warna, vel Waharna fluuio in Visurgim exeunte cognominatos puto. Hi Varni non multo pòst (id quod Hermegisclus Rex timuerat) illato à Francis bello victi atque domiti sunt, quos Fredegarius in Chronico tradit anno DCCVII rebellauisse, atque ab exercitu Childeberti minoris ita victos acie cæsisque esse, vt gente pæne excisa pauci ex eo prælio superessent. Præterea cùm Procopius, vt facere debuit, Anglos distinguat à Brittonibus, quorum alteros Angilos, quemadmodum Ptolemæus; alteros sæpe Brittiis vocat: nihilominùs tamen sponsam Radigeris Varnorum Regis, quæ Angla erat, sororque (vti ait ipse) Regis Anglorum, Brittiâ semper; eius verò commilitones, modò Anglos, modò Brittiis appellat. Certè Brittiâ insulam, patriam patris Radigeris, incolæ tradit Procopius à tribus frequentissimis gentibus, nimirum Anglis, Frisonibus, & Brittonibus, vel Brittiis, insulæ cognominibus: quarum gentium singulæ Regem suum habeant, tantæque fecunditatis sint, vt abundante multitudine plurimi quotannis vnâ cum coniugibus & liberis ex insula in Galliam transeant, & à Regibus Francorum in incultis agris collocentur. Adiicit Regem Francorum, hoc est, sicuti existimo, Theodebertum, cum legatis suis Anglos quosdam ex his, quibus agros dederat, Constanti-



nopolim misisse, vt Iustiniano Aug. persuaderet Brit-  
tiam insulam sub ditione sua imperioque esse. Ego  
apud Auctores, qui res nostras, vitasque Sanctorum  
scripsere, multos quidem Brittones ex insula Britannia;  
Scotos quoque non paucos sæpe cum ex Britannia,  
tum ex Ibernia in Galliam transiisse inuenio: ab An-  
glis, & Frisonibus idem factum esse non reperio. Quæ  
autem de Brittia insula, id est Ibernia, tradit Procopius,  
insulæ Britannix pleraque magis, quàm Ibernix conue-  
niunt. Nam Brittones vel Britanni, atque Angli præter  
ceteros in Britannia sedes habuere, non in Ibernia,  
quam à Scotorum gentibus incolæ Orosius & Iulius  
Honorius produnt. Vnde Ibernia apud Isidorum, &  
in libro de vita S. Fursei, alio nomine *Scotia* appella-  
tur: apud Eginardum, Ainoinum, aliósque Auctores  
rerum gestarum Caroli Magni *Ibernia Scotorum insula*  
dicitur; apud Bernardum de vita Malachix *ulterior*  
*Scotia*; apud alios *Scotia maior*, vt distinguatur à Sco-  
tia citeriore vel minore, parte insulæ Britannix. Fri-  
sones verò, vel Frisij nec in Britannia, nec etiam in Iber-  
nia sedem cepisse, atque regnauisse ab alio quàm Pro-  
copio dicuntur. Deinde quod ait ibidem Procopius,  
Brittiam insulam in Septemtrionali Oceano Reni ostia  
spectare, eaque ex parte à continente non amplius  
ducenta stadia abesse, id de Britannia à Geographis di-  
ci, nequaquam de Ibernia, nemo nescit. Præterea quod  
scribit Procopius, in ora Oceani ex aduerso Brittix in-  
sulæ vicis esse plurimos, qui à piscatoribus, agricolis,  
& mercatoribus Francorum imperio subiectis incolan-  
tur, de ora Gallix aduersa insulæ Britannix tantum-  
modò intelligi potest. cum Ibernia nihil præter insu-  
las, easque Francorum Regibus minimè parentes, cir-  
cum se haberet. Vt omittam murum illum vetustum,  
quo Procopius scribit Brittiam insulam bifariam diui-  
di, murum esse videri, quem Seuerus Aug. imitatus  
Hadrianum, per transfuersam insulam duxit, vt eo vallo  
provinciales à Barbaris dirimeret.

Vt ad Theodechildin Reginam reuertar, quam su-  
pradixi Theodorici filiam, sororémque Theodeberti

mihi videri: hæc ab Radigere Varnorum Rege inuito inuita dimissa, & domum reuerfa, magna experimenta pietatis dedit, in viduas, pupillos, egentisque benefica, munifica Ecclesiarum ornatrix, ita suavis & mitis, vt ab omnibus amaretur inagis quàm metueretur. quemadmodum ait Fortunatus, apud quem eadem *prole potens* cùm dicitur, prolis nomine genus, non liberi significantur. sic enim non semel loquitur Fortunatus, exempli causâ in libri quarti Carmine septimodecimo.

*Hic puer Arcadius, veniens de prole Senatus,  
Festinante die raptus ab Orbe iacet.*

Et in Carmine XXVI.

*Vvilisthuta decens, Dagaulsi cara iugalis,  
Romana studio, Barbara prole fuit.*

Hæc est Theodechildis, quam Gregorius in libro de Gloria Confessorum Theudechildam Reginam appellat, cùm ait Nonninum, vel Nantinum quemdam Tribunalum ex vrbe Aruernis in Franciam venisse ad Theudechildam Reginam tributa deferentem, quæ ei forsitan Theodebaldus Rex fratris filius domum reuersæ assignauerat. Aruerni enim vt Theodorico; sic Theodeberto, ac Theodebaldo paruerunt. Huius Theodechildis matrem, quam Sigismundi Regis Burgundionum filiam, & Theodorici Francorum Regis posteriorem vxorem fuisse dixi, vnus Frodoardus in Historiæ Ecclesiæ Remensis libro II *Suauegottam Reginam, Theudechildis Regina matrem* appellat. Ceterum non dubito, quin Theodechildis hæc eadem sit, quam Odorannus & Robertus Monachi in Chronicis tradunt ad urbem Senonas Monasterium Apostolorum, S. Petri Viui nomine hodie notum, exstruxisse, multis atque amplis ædificiis ornauisse, & prædiis locupletauisse, ibique sepultam esse. è quibus Odorannus truncato nomine *Theuechildim Reginam* appellat in versibus tumulo eius inscriptis; Robertus Theudechildim, quam magno errore Chlodouci Regis filiam, deuotamque Virginem fuisse dicit. Agendici igitur, vel Senonis Theodechildis consenuit, atque decessit. quæ vrbs Theodeberto, ac Theodebaldo eius filio paruit, vt docet Leonis Se-

nonicæ Ecclesiæ Episcopi ad Childebertum Regem epistola, De exstructione supradicti Monasterij mentionem facit Fortunatus his versibus ad Theodechildim Reginam scriptis.

*Ecclesia sacra te dispensante nouantur,  
Ipsa domum Christi condit, & ille tuam.*

Fuit & alia ætate Fortunati Theudechildis, vel Theodegildis, opilionis filia, Chariberti Francorum Regis vxor Fredegario; Regina Gregorio dicta, cùm Dominæ Ingobergæ Reginæ pellex potius vocanda fuerit. de qua Fortunatum suprà loqui nemo sanus credet. Nec de Theodechilde Regina plura, quæ memorentur, occurrunt. Res Francicas, vt cœpimus, persequamur.

Gundobadus Burgundionum Rex, sicut in libro v diximus, Chilpericum Regem quartæ partis Burgundionum, fratrem suum, Chrochildis Reginæ patrem interfecerat, vxorémque eius in flumen merserat. quod nefandum facinus cùm in auctorem, patruum suum, vindicare non potuisset Chrochildis, in eius filios Sigismundum atque Godomarum, fratres patruales suos, paterni sceleris immunes vindicare cupiebat. Igitur cùm Luteciam Parisiorum venisset, Chlodomerem, Childebertum, ac Chlotharium Francorum Reges, filios suos hortata est, vt iniuriam suam, cruentamque patris sui ac matris, aui ipsorum & auix mortem vlciscerentur, atque hanc sibi pro nutrimentis & educatione gratiam referrent. Non erat difficile iuuenes impatientes otij in bellum impellere. Itaque Reges matris precibus, & sceleris atrocitate, ac maximè sua sponte moti expeditionem suscipiunt, ingressique Burgundiam, obuios cum magnis copiis Sigismundum, atque Godomarum fundunt acie. quos ambos verus Auctor Historiæ Francicæ Reges appellat, quasi Godomarus, viuo & sospite Sigismundo, in Burgundiæ parte regnauerit. Victi Burgundiones, multis suorum amis, terga verterunt. Godomarus fugâ salutem sibi peperit. at Sigismundus Rex, cùm Monasterium Sanctorum Acaunensium peteret, à Chlodomere vnâ cum vxore & liberis, quos ex ea tulerat, captus, atque in agro Aurelia-

relianensi diligenti custodia asseruari iussus est: vt ait Gregorius. quamquam auctor est Marius in Chronico Maximo Consule Indictione I Sigismundum Regem à suis Francis traditum, & in Franciam in habitu Monachi perductum, & cum coniuge ac liberis in puteum abiectum esse. Marius sequitur Aimoinus, cum scribit Chlodomerem ex de Sigismundi non diu esse latatum, sed *insequenti anno* in Burgundia periisse. at Gregorius, ceterique nostri Historici iussu Chlodomeris Burgundiam repetentis, hoc est Indictione II Iustino Aug. II & Opilione Coss. Sigismundum interfectum dicunt. Ex Mario igitur intelligimus superiorem in Burgundiones expeditionem à Francorum Regibus Consulatu Maximi Indictione I factam esse.

Postquam tres Francorum Reges, Chrothildis filij, contenti victoriâ, cum captiuis & præda in Franciam reuertere, Godomarus, Gundobadi Regis filius, Sigismundi frater, quem alij Godmarum, alij Godemarem appellant, cladis reliquias collegit, receptisque viribus Burgundiæ Regnum obtinuit. Rex Burgundionum factus est Godomarus (vt ait Marius) Iustino II & Opilione Coss. ipsum in manus hostium venturum, eademque cum vxore & liberis passurum, quæ Sigismundo coniugique ac liberis eius fecisset. Damnavit Chlodomeres salubre consilium, negans prudentis esse hominis foris bellum gerere, hostibus domi post tergum relictis, quibus occisis facilius reliquos vincere & interficere posset: statimque Burgundiam petens Sigismundum cum vxore & liberis iugulari apud Columnam agri Aurelianensis vicum, Aimoino Calumniam dictum, & in puteum abiici iussit. Has Sigismundus Burgundio-

num Rex, eiúsque coniux occisi Sigisfrici pœnas pependere. Non omittendum est, quod ait Vsuardus in Martyrologio, Sigismundum Regem Burgundiæ, quem Sanctorum ordinibus adscribit, à Francis cum coniuge & liberis captum esse, ac in profundum putei mersum Kalendis Maiis exspirauisse, atque postea sepultum à quodam Abbate, *etiam miraculis claruisse.* In quo videtur Vsuardus secutus esse Marium Episcopum, qui Sigismundum vnà cum suis in puteum proiectum esse tradidit: cùm eum Gregorius, Aimoinus, ceterique nostri Historici, antequam deiiceretur, interemtum dicant. è quibus Florentius Gregorius in libro de Gloria Martyrum, & Aimoinus Monachus in Historiæ libro 11 produnt corpus Sigismundi postea Acaunum delatum, (qui est locus Sedunis, gentis Sedunorum capiti, proximus) ibique in Monasterio S. Acaunensium Martyrum honorificè sepultum esse.

Igitur Chlodomeres Francorum Rex, maximus Chrothildis filiorum, comperto Godomarum vires Regnùmque recepisse, Sigismundum (vt diximus) interficit, atque ad societatem belli Theodoricum maiorem natu fratrem suum inuitat: qui Sigismundi socii sui iniuriam vindicare volens, cum eo sese expeditionem suscepturum confirmauit. apud Visorontiam, vel Vise-ronciam, locum agri Viennensis, in Burgundiæ finibus coniunguntur exercitus. tum ambo fratres cum Godomaro prælio conflixere. Fusi Burgundiones cum Rege terga verterunt. quos fugientes Chlodomeres, vt equo pernicissimo vehebatur, incautiùs insecutus est. at illi Francorum Regem longè à suis remotum vbi agnouere, simulant se Francos esse, signum eius vsurpant, dubitantemque quid ageret ad se inuitant. quippe Burgundionibus eadem, quæ Francis, vt origo, sic lingua, nimirum Germanica erat. Chlodomeres, non minùs in credendo, quàm in persequendo temerarius, ad Burgundiones accedit, dùmque Francis adiungi putat, in medios hostes incidit, circumuentusque interficitur. Eius caput Godomarus amputatum conto præfigi, ostentarique Francis iussit. quo viso agnitóque, nostri

contrà atque sperauerat, non consternati, sed ad ultionem incitati proelium redintegrauere, funditur fugaturque Godomarus: qui non multo post Regnum recuperauit. cæsi ad internecionem Burgundiones. Burgundia omnis igne ferroque vastata, & in Francorum potestatem redacta est. senibus quoque, & infantibus parci ira dolorque vetuere. sic bellicoso Regi hostium cæde parentatum est. Nupta fuerat Chlodomeri Gundeuca, quam Fredegarius Gunthiucham, aliqui Godeucam appellant. Hanc Chlotharius post fratris mortem incesto sibi matrimonio iunxit. Ex Gundeuca tres filios sustulerat Chlodomeres, Theodoualdum, multis Theudoaldum dictum, Guntharium, vel Gunthacharium, & Chlodoaldum: quos auia Chrothildis Regina, diebus luctus exactis, apud se educauit. Interfectus est Chlodomeres XIII regni sui, XXX circiter ætatis anno Iustino Aug. II & Opilione Coss. vt scribit Ma-<sup>1024</sup> rarius in Chronico, qui & eodem anno Boëthium Consulare atque Patricium iussu Theoderici Ostrothorum Regis in agro Mediolanensi occisum dicit. Agathias à Gregorio, & reliquis nostris Auctoribus, quos in superiore expeditione scribenda secutus sum, dissentit. quippe in Historiæ libro I tradit Chlodomerem quartæ partis Francorum Regem, quem ipse Chlothomerum, alij Chlodomirum appellant, cum Burgundionibus pugnantem, telo pectori infixio, cecidisse. cuius comam promissam & compositam, atque ad dorsum pertingentem vt Burgundiones videre, Regem hostium ab se interfectum esse intellexere. propterea quòd moris erat Francorum Regibus capillum à pueris intonsum retrò per cœuicem & dorsum effundere, eundemque à fronte diuisum in humeros demittere, atque ingenti diligentia pexum & ornatum pro insigni regio habere: cum priuati omnes essent circumtonsi, nec facillè cuiquam permitteretur, vt comam promitteret. Addit Agathias Burgundiones abscissum Chlodomeris Regis caput in hasta fixisse, Francisque ostendisse. quo spectaculo tantum singulis ac vniuersis timorem iniectum, tantamque desperationem illatam esse,

vt infractis animis certamen detrectauerint, & conditiones pacis à victoribus latas acceperint. ita bello composiro reliquias Francici exercitus celeriter libenterque domum rediisse. Regnum autem Chlodomeris (cui nihil liberorum fuisse falsò ait Agathias) fratres eius statim inter se diuissse, quod tamen Gregorius nonnisi post interemtos Chlodomeris filios diuissum esse indicat in libri tertij capite duodeuicesimo. Vt manifestus sit error Aimoini Monachi, qui Chlotharium Regnum cum vxore Chlodomeris fratris confestim post eius mortem obtinuisse tradit, quasi Theodoricus & Childeburtus Reges æquo animo passuri fuerint sua se à fratre natu minore supradicti Regni parte priuari. Idem Aimoinus, paullo aliter quàm ceteri nostri Historici, de posteriore hacce & nouissima Chlodomeris aduersus Burgundiones expeditione refert, nimirum Chlodomeri Burgundiæ fines ingresso Godomarum armatum occurrisse, præliumque cum eo non dubitasse committere: sed Burgundiones more suo, cum Francorum vim & impetum sustinere non possent, terga vertisse. tum Chlodomerem Regem iuuenta & successu exultantem, dum audaciùs hostes insequitur, incitato equo suos longè post se reliquisse: quem Burgundiones, quia cominus incessere non audebant, procul telis appetere cœperint. ipsum in confertissimam hostium partem irrupisse, & quem primum obuium habuit, equo deiecisse, circumuentumque confossis lateribus concidisse, Principem magnum animo, impigrum, & manu strenuum, ac eximia specie venerabilem, sed consilio parum prouidentem. Francos verò cognita Regis morte non, vt ceteræ nationes facere consueuerant, fugam capeßiuisse, sed ira inciratos magnam Burgundionum cædem fecisse, vastatâque omni Burgundia Franciam repetiuisse.

Ceterum vt suprà retuli, apud Gregorium dicitur Theodoricus, *iniuriam socii sui vindicare volens*, Chlodomeris fratris legatis de belli Burgundici societate ad se missis venturum se promississe. quo autem is modo Sigismundi socii sui mortem in auctorem vltus

fit, tribus verbis indicat Fredegarius Scholaſticus in Epitome, cùm ait, apud Viſorontiam pugnâ confertâ, Chlodomerem interfectum & capite truncatum eſſe, *deceptum ab auxiliis Theodorici*, qui filiam Sigismundi habebat vxorem. Ex quibus intelliigi poteſt Theodoricum Francorum Regem ſignum, quod Chlodometes militibus ſuis dederat, clâm ad Godomarum Burgundionum Regem vxoris ſuæ patrum deferendum curauiffe, auctoremque ei fuiſſe, vt Chlodometem, incautum iuuenem, & audum pugnæ ſimulatione fugæ deciperet, atque vt Sigismundum focerum vindicaret, fratrem ſub oculis ſuis interfici paſſum eſſe, citcumuentoque ſubſidium ferre noluiſſe. Præterea notare conuenit, id quod aiunt Gregorius ac Fredegarius, Burgundiam tum nihilominus *in Francorum poteſtatem redactam* eſſe. Nam cùm nonniſi Indiſtione XII Iuſtiniano Aug. I v. & Paullino Iuniore Coſſ. Childebertus & Chlotharius Francorum Reges Burgundiam obtinuerint, ſicuti tradit Matius in Chronico: tamen Synodo XXII regni Childeberti anno, hoc eſt Indiſtione XI Iuſtiniano Aug. III Conſule apud Autelianos <sup>10xxx.</sup> <sup>iv.</sup> habitæ interſuere, decretis que in primis ſubſcribere <sup>10xxx.</sup> <sup>iii.</sup> Iulianus Epiſcopus Eccleſiæ Viennensis, Agrippinus Æduorum Epiſcopus, & Aſclepius Preſbyter pro Adelphio Epiſcopo Rauraceniſi. Vienna autem, & Auguſtodunum Æduorum, & Auguſta Rauracum, vel Rauricorum, Burgundiæ vrbes erant. Vt appareat, antequam Childebettus & Chlotharius Regnum Burgundiæ armis occupauiffent, partem eius, præſertim ſupradictas vrbes Francis paruiffent. quam Burgundiæ partem nouiſſima Chlodomeris aduerſus Burgundiones expeditione à Francis, Regis ſui mottem vlcifcentibus victoribusque, ſubactam fuiſſe credendum eſt. Idque eo veriſimilius videtur, quòd tum & Theodeticus Oſtrogothorum Rex, qui Prouinciã tenebat, hoc bello tamquam ſua occaſione uſus, partem Burgundiæ finitimam Prouinciæ, miſſo ex Italia cum copiis Tolum vel Tholuit Duce, occupauit. Vt apud Caſſiodorum Senatorem in libri Variarum v IIII epiſtola X Athalaticus Rex docet



his verbis. *Mittitur igitur, Franco & Burgundio decertantibus, rursus ad Gallias tuendas, ne quid aduersa manus præsumeret, quod noster exercitus impensis laboribus vindicasset. Adquisiuit Reip. Romana, aliis contendentibus, absque ulla fatigatione Prouinciam, & factum est quietum commodum nostrum, ubi non adiunimus bellica contentione periculum: triumphus sine pugna, sine labore palma, sine cade victoria. tantum ergo eius gloriæ debemus, quantum utilitatis accepimus.* Certè Synodo Opi-

12XXIV.

lione V. C. Coss. hoc est eo ipso anno, quo Chlodomeres in Burgundia interfectus est, apud Arelatum permissu Theoderici Ostrogothorum Regis habitæ interfuere præter ceteros Philagrius, Prætextatus, Iulianus, Florentij duo, & Constantius Episcopi, ij omninò, qui 12XXVII. Agapeto V. C. Consule vnà cum ceteris Burgundiæ Episcopis Epaonem venerant, decretisque subscriperant. è quibus Philagrium Episcopum Cabellicum, Prætextatum Aptensem, Iulianum Carpentoratensem, Florentium Arausicum, Florentium Tricastinum, Constantium Vapincensem Episcopum fuisse subscriptiones docent. Ex quo cognoscitur Cabellionem, Aptam Iuliam, Carpentorate, Arausionem, Augustam Tricastinorum, & Vapincum, atque, vt Synodus Carpentoratensis docet, vicum Vasensem, hoc est, Vasionem, vrbes Burgundiæ à Theoderico Ostrogothorum Rege post Sigismundi mortem ex occasione esse occupatas, Godomarumque post cædem Chlodomeris Francorum Regis totum Burgundiæ Regnum minimè recepiſſe.

12XXV.

Probo iuniore & Philoxeno Coss. Theodericus Ostrogothorum Rex Ioannem sedis Apostolicæ Antistitem Rauennam euocauit, & vnà cum Episcopis Ecclesio Rauennate, Eusebio Fanestri, & Sabino Campano, cumque Senatoribus Theodoro, Importuno, & Agapeto Consularibus viris, & Agapeto Patricio, Constantino-polim ad Iustinum Principem legatum misit, qui peteret, vt in partibus Orientis ademtæ iussu Imperatoris Hæreticis, ia primis Arianis Ecclesiæ restituerentur, & qui damnata Hæresi facti erant Catholici, Hæreticis

redderentur. si id Augustus non fecisset, minabatur Theodericus se in Italos Catholicos sæuiturum. Ioanni omnium Romanorum Episcoporum primo Constantinopolim venienti Imperator Iustinus cum Clero vrbis occurrit, eumque honorificentissimè accepit. qui (vt ait Marcellinus) Constantinopoli dexter in dextro Ecclesiæ Magnæ solio confedit, *Paschamque plena voce Romanis* (id est Latinis) *precibus celebrauit.* Anastasius Bibliothecarius, & Aimoinus Monachus in Historia libro II produnt Ioannem, tamquam B. Petri Vicarium, Iustini Aug. capiti diadema imposuisse, eumque Principem omnium Imperatorum primum à Romano Episcopo insignia imperij accepisse. quod nullus alius Græcus, aut Latinus Auctor memoriæ tradidit. nequaquam enim verisimile est Iustinum Aug. qui ante annos ferè septem à Constantinopolitano Episcopo coronatus fuerat, iterum ab Ioanne coronari voluisse. constatque Carolum omnium primum, à Leone Episcopo Romano coronâ capiti impositâ, Imperatorem Augustum appellatum esse, cuiusque exemplum secutos esse filium, nepotes, pronepotésque, & abnepotem, vt non antè Imperatores dicerentur, quàm ab Ecclesiæ Romanæ Episcopo fuissent coronati. quo ætatis suæ more decepti Anastasius ac Aimoinus Ioannem quoque Rom. Episcopum capiti Iustini Aug. coronam imposuisse existimauere. Dum Constantinopoli morantur legati, Theodericus Rex Symmachum Principem Senatus, ex Consule, atque Patricium, cuius filia nomine Rusticianna Boëthio nupta fuerat, Româ Rauennam perduciiussit, virum sanctitate, doctrina, & nobilitate non minus Boëthio eminentem, & gloria ac fauore populi florentem: metuensque, ne ob generum suum falso crimine damnatum res novas moliretur, eum similiter falso maiestatis crimine insinulatum occidit, reuersumque Ioannem cum sociis coniecit in vincula.

Breui impietatis & sæuitiæ merita Barbarum pæna consecuta est. quippe insequenti anno, quo Olybrius, 10xxvi. Arcobindi ex Magistro militum Orientis, ex Consule, atque Patricij, & Iulianæ Nobilissimæ feminae filius,

Imperatoris Olybrij & Placidie Aug. nepos, Placidi  
 Valentiniani Aug. & Eudoxie pronepos Consulatum  
 iniit; Theodericus, dum Basilicas Catholicorum per vim  
 occupare, & suarum partium viris, nimirum Arianis  
 tradere parat, morte præventus est. Decessit Theo-  
 dericus Rex Gothorum & Itolorum III Kalendas Se-  
 ptembres; aut, ut ait Auctor Chronici à Cuspiniano  
 editi, mense Septembri, Olybrio V. C. vnico Consule:  
 10XXVI. cum XXXIII annos mensēque ferè sex post interfe-  
 ctum Odoacrem Regem in Italia; post occisum Gesali-  
 cum Vesigothorum Regem annos XV in Hispania Se-  
 primaniāque regnauisset. Quamquam Synodus Tarra-  
 cone habita anno VI *Theodorici Regis Consulatu Petri*  
 10XXVII. dicitur, item Synodus habita Gerundæ anno VII *Theo-*  
 10XXVIII. *dorici Regis, Agapeto V. C. Consule.* cum Consulatus Pe-  
 tri, quintus regni Theoderici in Hispania; Consulatus  
 autem Agapeti, sextus sit annus. nisi Theodericum, cui  
 Auctor Appendicis Chronico Victoris adiunctæ, & Isi-  
 dorus, alique XV tantum regni Vesigothici annos tri-  
 buunt, Vesigothis Hispaniensibus annos XVI impera-  
 uisse credimus. quod aliter facere non possumus, quàm  
 quartum & vltimum regni Gesalici annum, quo is pro-  
 fugus, & à Theoderico Regno expulsus, in Aquitania  
 latuit, Theoderico attribuendo. Apud Iordanem dicitur  
 Theodericus, paullo antequam obiret, Athalaricum,  
 suum ex Amalasuentha filia nepotem, patre Eutharico  
 orbatum, puerum vix decem annorum, Regem consti-  
 tuisse: Comitibusque, & primoribus Ostrogothorum,  
 quos conuocari iusserat, mandauisse, *ut Regem colerent,*  
*Senatum populūque Rom. amarent, Principēque O-*  
*rientis placatum semper propitiūque haberent.* cuius  
 mandati memores Athalaricum Regem, & matrem eius  
 octo annos in pace regnauisse. Ceterum Theodericus,  
 quem alius Theudoricum; alius Theodoricum; quidam  
 Græcos secuti Theudericum appellant, Procopius in li-  
 bro I belli Gothici verbo quidem *Tyrannum*; re autem  
 verum Regem fuisse scribit: Tyrannum inquam, credo  
 propterea quòd iniussu Anastasij Aug. Rex à suis fuerat  
 appellatus. ut idem Odoacrem Tyrannum vocat, qui  
 sine

sine Zenonis Aug. consensu Regnum Italiæ occupauerat. Idem eodem in libro Noricos, & Dacos Theoderico Ostrogothorum Regi, eiusque successoribus paruisse tradit. è quibus tamen Daci, nimirum Transdanubiani tum sub Gipedum ditione erant, (vt ait Iordanes) Daci Ripenses, & Daci Mediterranei Imperatoribus Rom. obediebant. Baioarij verò, qui, teste Paulo in rerum Langobardicarum libro III, Noricum incolebant, Theodorico Francorum Regi paruere. quippe is leges Alamannorum, *Baioariorum*, ac Ripariorum corrigendas curauisse dicitur. Ex quo etiam intelligitur, id quod in libro VI diximus, Chlodoueam post proelium Tolbiacense Alamanniam subegisse, partemque minimam Alamannorum ad Theodericum Regem Italiæ perfugisse. cum Chlodouei filius successorque Theodericus Alamannorum leges emendauit. Non negauerim tamen partem aliquam Noricorum sub Ostrogothorum imperio fuisse. quod videtur docere Epistola Theoderici Regis ad *prouinciales Noricos*, Senatoris Variarum libro III inserta.

Mortuo Theoderico Gothorum Rege, nepotes eius, 19 x xvi.  
Athalaricus, puer annorum circa octo vel decem, in Italia sub tutela Amalasuenthæ matris suæ; Amalaricus Alarici filius in Hispania regnare occæpere. qui consobrini Galliæ partem Gothicæ ditionis ita inter se diuiserunt, vt regionem inter Alpes Maritimas ac Rhodanum iacentem, vulgò Prouinciam dictam haberet Athalaricus: Septimaniam, vel Gothiam à flumine Rhodano ad Pyrenæum vsque promissam Amalaricus obtineret, ac tributa, quæ antea Theoderico pendebantur, deinceps ipse exigeret. thesauri quoque, qui (vt ait Procopius) Carcassone sublatis fuerant, Amalarico sunt reddituri. & quoniam Ostogothi & Vesigothi, dum vtrique Theodericum Regem habebant, affinitatibus conubiorum alteri alteris sese commiscuerant, singulis, qui extra fines gentis suæ eiusmodi matrimonia contraxerant, optio facta est, vt vel vxor virum, vel vir vxorem sequeretur. Athalaricus, postquam rerum potitus est, legatos cum litteris ad Imper. Iustinum misit,

qui peterent, ut eorum, quæ paullo antè à Theoderico auo suo facta erant, obliuisceretur, memorque Eutharici patris, quem per arma adoptauisset, pacem & amicitiam eisdem conditionibus, quibus à Zenone & Anastasio Augustis cum auo suo iuncta fuerat, secum iniret. Iordanes de Origine rebûsque Gothorum, & in libro de Successione Regnorum, ac Freulfus in Chronico tradunt Francis, contemptu regni puerilis ac muliebris tutelæ bellum parantibus, quidquid Theodericus in Gallia occupauerat, concessum, hoc est, partem Galliarum, quam annos circiter XVIII Ostrogothi tenuerant, Francis repetentibus redditam esse. Assentitur Iordani ac Freulfo Sigebertus in Chronico, quippe ait *Francos extorsisse è manibus Athalarici, quidquid Galliarum ausus eius Theodericus tenuerat.* Sed Iordanem, Freulfum, ac Sigebertum falli Cassiodorus Senator, in Variarum libri VIII epistola VI, & libri XI epistola I, & Concilium Arausicanum indicant, ex quibus discimus Provinciam Athalarico Regi paruisse, atque à Felice Liberio V. C. & Illustri, Præfecto Prætorij Galliarum atque Patricio administratam esse. & disertis verbis Procopius in libro I belli Gothici scribit partem hanc Gallia à Vitige Ostrogothorum Rege Francorum Regibus Childberto, Chlothario, ac Theodeberto datam fuisse.

Operæpretium est Cassiodorum Senatorem V. C. & Illustrem, ex Consule, Præfectum Prætorij, atque Patricium in libri Variarum XI epistola I de iniuriis principatus Athalarici & Amalasuenthæ loquentem audire. *Franci, tot Barbarorum victoris præpotentes, quam ingenti expeditione turbati sunt? Lacesiti metuerunt cum nostris inire certamen, qui precipitatis salibus prælia semper gentibus intulerunt. Sed quamuis superba natio declinauerit confictum, vitare tamen proprij Regis nequiuuit interitum. Nam Theodericus ille, diu potenti nomine gloriatum, in triumphum Principum nostrorum languoris potius pugna superatus occubuit: ordinatione (credo) diuina, ne nos aut affinium bella polluerent, aut instè productus exercitus vindictam aliquam non haberet. Macte*

*procinctus Gothorum omni felicitate incundior, qui hostem Regalem capite cadis, & nobis nec vnus vltimi fata subducis. Burgundio quinetiam, ut sua reciperet, deuotus effectus est, reddens se totum, dum accepisset exiguum. elegit quippe integer obedire, quàm imminutus obfistere. tutius tunc defendit Regnum, quando arma deposuit. recuperauit enim prece, quod amisit in acie. Beatam te, Domina, laude multiplici, cui diuino beneficio necessitas tollitur cuncta certaminis.* Quibus verbis indicat Cassiodorus Senator Theodericum, vel Theodoricum Francorum Regem Athalarico Regi Amalasuenthæ filio bellum intulisse, cumque Ostrogorhi nihilo secius se ad resistendum pararent, morbo ipsum obiisse. quem affinem Athalarici & Amalasuenthæ non sine causa appellat, quippe Amalasuentha, Theoderici Ostrogothorum Regis ex Audeflæda Chlodouei sorore filia, Theoderici Francorum Regis amitina erat. & Athalaricus, ac Theoderici huius vxor, Sigismundi Regis filia, consobrini Theodeticum Ostrogothorum Regem communem auum maternum habebant. Quod autem supra ait Cassiodorus Senator, Theodoricum Francorum Regem, dum aduersus Ostrogorhos bellum gereret, morbo interiisse circa initia principatus Athalarici, videtur conuenire cum his, quæ nostri Historici scribunt, Theodoricum, misso cum copiis aduersus Gothos Theodeberto filio suo, decessisse. nisi quod nostri mortuum eum dicunt anno regni XXIII, hoc est Iustiniano Aug. IV & Paullino Coss. quo ipso anno Athalaricus Rex obiit. Porro quod ibidem ait Senator, *Burgundiones* tum sua precibus recepisse, hoc est, Godomarum Burgundionum Regem vrbes Burgundiæ, post Sigismundi fratris sui captiuitatem & mortem à Theoderici Ducibus occuparas, pace cum Athalarico inita recuperauisse: id initio regni Athalarici factum esse non potest. quippe Concilium apud Carpentorate urbem Burgundiæ Mauortio V. C. Consule habitum legimus. 15XXVII. & Synodum apud Arausionem, urbem quoque Burgundiæ antea ditionis, Decio Iuniore V. C. Consule 15XXIX. coactam esse constat, cum ad dedicationem Basilicæ;

- quam Illustrissimus Præfectus & Patricius Liberius ea in vrbe exstruxerat, inuitati ab ipso Episcopi conuenissent. eodémque anno paucis pòst mensibus Concilium apud Vafensem vicum, hoc est, apud Vafionem opidum antea Burgundiæ, est congregatum. cui Concilio, vt & duobus superioribus Conciliis, nimirum Arausicano, & Carpentoratenfi, præsedit Cæsarius, Episcopus Arelatensis vrbis, vti antea Theoderico Ostrogothorum Regi; sic tum Athalarico subiectæ. Ex quo cognoscitur nonnisi Episcopos vrbium Athalarico parentium hisce tribus Conciliis interfuisse, & Carpentorate, Arausionem Cauarum, ac Vafionem Vocontiorum, vrbes Sigismundo Burgundionum Regi quondam subiectas, ( vt Synodus Epaonensis docet ) fratri eius successorique Godomaro ab Athalarico, III regni sui anno exaeto, nondum fuisse restitutas; quemadmodum nec Vapincum, Cabellionem Cauarum, & Aptam Iuliam. Neque enim dubito, quin Constantius & Philagrius Episcopi, qui Carpentoratenfi Concilio Mauortio Cos. interfuerunt, & Prætextatus, qui Arausicano affuit, iidem sint, qui decretis Concilij Epaone coacti inter
- 10XXVII. Episcopos Burgundiæ Agapeto V. C. Cos. subscripsere, nimirum *Constantius Episcopus ciuitatis Vapincensis, Philagrius Episcopus ciuitatis Cabellica, & Prætextatus Episcopus ciuitatis Aptensis.*
- 10XXVII. Indictione v. Mauortio solo Consule Iustinus Aug. ex vlcere, quod in pede habebat, in languorem incidit, cùmque ingrauescente vi morbi de vita pæne desperaret, Iustinianum, sororis suæ filium, annos XLV natum, quem iamdudum Nobilissimum designauerat, Kalendis Aprilibus in consortionem potestatis recepit, Epiphanio Constantinopolitano Episcopo, Senatoribusque, ac primoribus militum conuocatis, Imperatoremque appellauit, atque eius capiti diadema sua manu imposuit. Tum Iustinianus cum insignibus imperatoriiis ad populum, qui in Circum venerat, ex more processit, faustisque acclamationibus, & solitis laudibus exceptus, in Palatium rediit: ac statim vxor eius Theodora Augustæ nomen accepit. vt Marcellinus, Euagrius,

Auctor Chronici Alexandrini, & Zonaras, ac Cedrenus tradunt. Ex quo apparet errare Victorem Tununensem Episcopum in Chronico, cum ait post Consulatum Iustini A. II & Opilionis, quem male Apionem appellat, Philoxeno & Probo Coss. Iustinianum, orante 13xxv.  
 Senaru, à Iustino Principe inuito *Casarem* tantummodo factum. Imperauit Iustinianus cum auunculo suo menses IV. quippe Iustinus ex vulnere pedis, quod quondam, in proelio sagittâ ictus, acceperat, Mauortio Consule Kalendis Aug. interiit, LXXV II ætatis, I X imper- 13xxvii.  
 rij anno, ac die XXII, vir Catholicus & pius.

Decio solo Consule *Stephanum Præfectum Hispaniarum factum, tertio anno Præfectura sua*, hoc est post Consulatum Lampadij & Orestis, quo anno Amalaricus periit, *Gerunda in Concilio discinctum esse* scribit Auctor Appendicis Chronico Victoris adiunctæ. Vbi notandum est Amalaricum Vesigothorum Regem absentem Hispanias per Præfectos administrasse, propterea quod, Gesalici fratris sui exemplo, Narbone in Gallia habitabat, post occupatam à Chlodoueo cum Aquitania Tolosam, quæ Regum Vesigothorum domus fuerat. Post Amalaricum autem omnes Vesigothorum Reges in Hispania, cuius partem maximam obtinebant, habitare, vno excepto Liuuu, qui Regno Gallix Narbonensis contentus, Narbone triennio regnauit: videturque primus Vesigothorum Principum Athanagildus, Iustiniano imperante, Toleti regni sedem statuisse.

Herminafridus Toringorum Rex, vt supradiximus, Theodorico Francorum Regi dimidiam partem Regni Baderici fratris sui daturum se promiserat, si Francicis viribus victum cum interficere potuisset. sed cum adiutore Theodorico fusum acie fratrem occidisset, quod pollicitus erat, reuerso in Franciam Rege facere neglexit. Cuius periurij non immemor Theodoricus, deceptum se ac derisum fremens, Herminafrido bellum inferre summo opere instituit, Chlothariûmque fratrem suum socium sibi adsciuit, parte ei prædæ promissa, si ex hoste victoriam tulisset. Deinde conuocatos Francos hortatus est, vt cum priuatam iniuriam suam,



tum eædem popularium vlciscerentur, reminiscerenturque crudelitatis ac perfidiæ Toringorum, qui quondam incurfione in Franciam facta obfides, quos à Francis bellum deprecantibus acceperant, necauissent, pueros neruis femorum ex arboribus suspendissent, captiuas puellas partim equis pernibus alligatas distraxissent, partim grauibz plaustris obtriuissent. (quod ego X regni Chlodouei anno factum retuli, quoniam ea mihi bellum à Chlodoueo Toringis illati causa fuisse visa est) Postremò adiecit Theodoricus Herminafridum, violata fide, quod pollicitus sit, facere recusare, ab eoque pœnas periurij Deo secundo iusta ultione expetendas esse: quoniam ipse frustra sæpe per legatos promissa repositisset. Quo Franci audito indignâtes Regem suum tanto scelere circumuentum fuisse, vno animo vnâque sententiâ causam belli probauere, & quò duceret sequi paratos se esse confirmauere. Igitur Theodoricus, Chlothario fratre & Theodeberto filio comitibus, Renum traducit copias, ac Toringiæ fines ingreditur. At Herminafridus, qui Francos virtute à suis superari non posse intelligebat, dolo eos decipere conatur. campum, in quo prælium committere constituerat, fossis intercidit, easque denso cespite operit. Postquam pugnari cœptum est, inulti Francorum equi in fossas decidere, donec nostri cautiores facti cognitam fraudem euitauere, & circuito insidiarum loco Toringos inuasere. quorum cum magnus numerus esset interfectus, reliqui omnes vnâ cum Herminafrido Rege terga vertunt, nec priùs fugere destiterunt, quàm ad Onestrudem fluuium peruenerunt. Ibi Franci fugientes consecuti tantam eædem fecere, vt alueus fluminis cadaueribus repleretur, & victoribus amnem transeuntibus aceruus corporum loco pontis esset. Sic apud Fortunatum in libro, quem de Virtutibus Hilarij scripsit, inuenio Chlodoueam Theodorici patrem, media nocte monitum in somniis ab Hilario Pictauorum Episcopo, vt votis in Basilica sua nuncupatis confestim cum hostibus prælio decertaret, post id factum tam feliciter pugnauisse, vt intra horam diei tertiam ex gente Hære-

tica victoriam ferret, & propter Veligothorum coaceruatorum cumulos ex longinquo campus in collem mutatus esse videretur. quod suo loco omisſum hic retuli, vt ex his duobus præliis, Vogladenſi, atque ad Onestrudem, quiſque colligat, quales tum Francorum pugnae eſſe conſueuiſſent, qualéſque victoriæ. Hic eſt Onestrides, vel Vneſtrodes fluuius, ad quem poſtea Sigibertus, Dagoberti filius, Auſtraſiorum Rex à Radulfo Duce Toringiæ rebelli eruptione facta victus eſt, & magna clades accepta.

Cæſis circa Onestrudem Toringis, Herminafridus Rex cum paucis fugâ ſalutem petiit, atque in munitam ſe urbem cum coniuge & liberis contulit. Franci autem victores, agris igne & ferro vaſtatis, & depopulata regione, magnum hominum numerum in ſeruitutem abduxere. Gregorius Turonicæ Eccleſiæ Epicoſpus Toringiam tum captam, & in Francorum poteſtatem redactam dicit. quod ſi verum eſt, ita intelligi debet, vt non omnis Toringia, ſed pars eius à Theodorico Francorum Regē poſt victos Toringos armis occupata fuerit. cū Herminafridum Toringorum Regem fuga mortem euaiſſe, muris munitæ urbis ſe incluſiſſe, nec in Francorum manus veniſſe conſtet. Regiam quidem ſedemque Regum Toringorum (ſiue ea Erpfesfurtum, ſiue alia vrbs fuit) tum à Theodorico & Chlothario Francorum Regibus captam fuiſſe ex eo iudicari poteſt, quòd Chlotharius, cui ex pacto pars prædæ debebatur, Bertharij Toringorum Regis filium, filiâque nomine Radegundim, qui in aula Herminafridi patri ſui educabantur; captiuos abduxit. niſi adoleſcentulum & virgunculam cum patruo profectos ad bellum, ibique captos eſſe credimus.

Non fuit cōtentus victoria belli Toringici Theodoricus Rex, ſed vterat Chlodouei parentis ſui læuitia & auiditate animi ſimillimus, Chlothario fratri, quo adiutore & ſocio Toringos fuderat, pro auxilio nefariam in Toringia mortem perſoluere voluit, vt eius Regnum adiungeret ſuo: cūque viros armatos poſt aulæ ſtare iuſſiſſet, qui inopinantem deimproviſò interficerent, Chlotharium

ad se vocauit, tamquam cum eo sine arbitris de summis rebus acturus. Domum intranti Chlothario propter aulae breuitatem pedes insidiatorum apparuere detecti. qua re dissimulata haudquaquam territus suos armatos sequi se iubet, domumque fratris comitatus ingreditur. Tum Theodoricus, ubi intellexit detectas esse insidias, causam comminiscitur, cur armatos domi post aulam collocauisset, & alia ex aliis turbatus loquitur, vagis sermonibus fictisque fabulis innocentiam simulans: atque ut fratrem deliniat, catinum ei magnum dat ex argento. Vix Chlotharius vale dicto, & pro munere gratias actis domum redierat, cum Theodoricus, questus apud suos se sine causa catinum perdidisse, Theodebertum filium post eum misit, qui a patruo munus peteret, quod ipse ei dedisset. hac arte relatum à Theodeberto catinum recepit. Ex quo apparet Regibus Francorum, quamuis maxima tum Galliarum parte potirentur, non multum argenti fuisse. Vnde Gregorius Turonicæ Ecclesiæ Episcopus in Præfatione libri V Historiæ tradit, Chlodoucum, Theodorici & Chlotharij patrem, cum hostilium gentium Reges interficeret, regionisque subigeret, *neque aurum, neque argentum* (sicut Chlotharij filij, eius nepotes, ætate sua in thesauris habebant) *habuisse.*

Victis Toringis, Theodoricus, & Chlotharius Francorum Reges exercitus spoliis graues in Franciam reduxere. è quibus Theodoricus, domum reuersus, Herminafridum Toringiæ Regem, à quo fuerat promissis deceptus, pari fraude decepit: & data eum fide euocatum ad se, cum venisset Telbiacum, accepit honorificè, magnisque muneribus donauit. moxque cum ambo super murum opidi colloquerentur, Herminafridus impulsus, & de summo muro in terram deiectus, effuso cerebro expirauit. ita vir pessimus dignum crudelitate sua habuit exitum, Regnumque, propter quod fratres suos interemerat, deformi morte sublatus amisit. Gregorius in Historiæ libro IIII nescire se ait, à quo Herminafridus deiectus fuerit, multos tamen affirmare Theodorici dolum ea in re manifestò

festò patuisse. Fredegarius in Epitome Herminafridum à Theodeberto Theodorici filio interfectum; Aimoinus à Theodorico ipso de muro præcipitatum dicit. Addit Aimoinus, secutus (vt solet) veterem Auctorem Historiæ Franciæ, Theoderici Merouingorum Regum penultimi æqualem, Herminafridi liberos iussu Theodorici interfectos esse, totumque Regnum Toringiæ (vti & Fredegarius tradit) ab eodem subactum & occupatum.

Nouissimum hoc aduersus Toringos bellum Indictione IX post Consulatum Lampadij & Orestis gessisse atque confecisse videtur Theodoricus. quippe Gregorius scribit Theodorico in Toringia morante, Childebertum fratrem eius Aruernos opidum occupauisse, moxque cognito eiusdem reditu ex Aruernia in Hispaniam ad vindicandam Chrothildis sororis suæ iniuriam contendisse, Amalaricòque Regi Vesigothorum bellum intulisse, vt appareat vno eodémque anno duos pòtentissimos Reges Herminafridum Toringum à Theodorico; Amalaricum Vesigothum ab Childeberto fusos acie, interfectòsque esse. Constat autem post Consulatum Lampadij & Orestis Amalaricum à Childeberto Francorum Rege prælio superatum atque cæsum esse. quem admodum prodit Auctor Appendicis Chronico Victoris Tununensis Episcopi adiunctæ.

De expeditione Theodorici Regis Francorum aduersus Toringos Procopius in libro primo belli Gothici sic refert. Toringos Barbaros beneficio ac permissu Cæsaris Aug. (post cuius obitum tamen annis ampliùs quadringentis nulla eorum fit mentio) sedes, quas nunc obtinent, possedisse. quibus Francos, post Theoderici Gothorum Regis mortem nemine ampliùs ipsis resistente, bellum intulisse, & Herminafrido eorum Rege interfecto, totam Toringorum gentem regionemque subegisse: vxorem Herminafridi Amalabergam cum liberis ad Theodahadum fratrem suum Ostrogothorum Regem in Italiam perfugisse. Quamquam Athalaricum tum in Italia regnauisse, nec nisi anno III post expeditionem Toringicam, nimirum Iustiniano Aug.

13XXIV. IV & Paullino Coss. Theodahadum ei successisse non  
 minus certum est, quàm falsum, quod suprà vetus Au-  
 ctor Historiæ Francicæ & Aimoinus produnt, Hermi-  
 nafridi liberos à Theodorico Francorum Rege post pa-  
 tris sui cædem interfici iussos esse. Amalaberga enim  
 vnà cum liberis fugâ Italiam petiit, ex Regina facta  
 priuata, amisso Regno, propter quod virum in cædem  
 fratrum suorum impulerat. Femina digna, quæ publi-  
 ca ruina protereretur, nec Toringiæ excidio, cuius  
 causa erat, superesset; ambitiosa, superba, intolerabilis,  
 matris demum filia. siquidem Amalafrida eius mater,  
 post mortem Thrasamundi Vandalorum Regis viri sui,  
 cum freta Gothis, quos circum se habebat, res nouas  
 moliretur, atque Hilderico Thrasamundi successori in-  
 sidiaretur, capta & in custodia priuata mortua est. Her-  
 minafrido Toringorum Regi ex Amalaberga vxore li-  
 beri fuerunt Amalafridus, auix maternæ cognominis,  
 Hamalafredus Fortunato, Procopio Amalafridas di-  
 ctus, & Ranicunda. è quibus Amalafridum Procopius  
 in belli Gothici libro IV Gothum virum, Amalafridæ  
 sororis Theoderici Gothorum Regis nepotem, Her-  
 minafridi Toringorum Regis filium fuisse ait, atque à  
 Belisario cum Vitige Constantinopolim abductum, ibi  
 ab Imperatore Iustiniano Romanis copiis esse præposi-  
 tum: sororem eius Audoino Langobardorum Regi in  
 matrimonium datam: eundem iussu Imperatoris Iusti-  
 niani cum militibus Romanis, quibus præerat, auxilium  
 Langobardorum Regi Audoino aduersus Gipedes tu-  
 lisse, à quo hostes proelio superati sint, & magna cædes  
 facta. Siue igitur Amalaberga in Italia decessit, ante-  
 quam Vitigis caperetur, siue cum Ostrogothorum O-  
 ptimatibus Constantinopolim abducta est: constat eius  
 liberos primùm ab Amalasuentha, & Athalarico Re-  
 ge, sobrino suo, tum à Theodahado, Ostrogotho-  
 rum Rege, auunculo suo, deinde à Matafuentha Re-  
 gina, vxore Vitigis Regis, sobrina quoque sua Ra-  
 uennæ in Palatio esse educatos, & Indictione II A-  
 13XXIX. pione viro clarissimo solo Consule, vnà cum Vitige,  
 Ostrogothorum Rege, qui Rauennæ obsessus à Beli-

fario, sese dederat, cūque Matafuentha Constantinopolim captiuos abductos esse: vbi Amalafri di soror, Herminafri di & Amalabergæ filia, à Iustiniāno Aug. Audoino Langobardorum Regi collocata est, vti ait Procopius. Accedit Procopio Iordanes, apud quem in libro de Successione Regnorum dicuntur Langobardi, socij Principum Romanorum, *Theodahadi sororis filiam*, traditam sibi ab Imperatore, *Regi suo* matrimonio iunxisse, ac cum Gipedibus Romanorum æmulis prælio commisso, eos pæne castris exuisse, & vtrimque hominum millia amplius sexaginta cecidisse. Hæc est Audoini Langobardorum Regis aduersus Thurisindum Gipedum Regem magna pugna atque victoria, cui Amalafri dus interfuit. vt appareat *Regem Langobardorum* à Iordane dici Audoinum, qui Amalabergæ Theodahadi sororis filiam, Amalafri di germanam in matrimonium duxit. At Paullus in Rerum Langobardicarum libro 1 *Ranicundam filiam Regis Turingorum*, ( hoc est Herminafri di ) primam Waconis, qui ante Audoinum apud Langobardos regnavit, vxorem fuisse scribit, & nullis eam genitis liberis decessisse indicat. siue falsò Ranicundæ, pro Audoino, Waconem virum fuisse credidit: siue duæ Herminafri di filix ( plures enim ex Amalaberga suscepit ) duobus Langobardorum Regibus; maior nomine Ranicunda Waconi; minor Audoino nupsere. Amalafri dus Herminafri di filius à Iustiniāno Principe Magister militum factus est, atque in Orientis partibus obiit, quem apud Fortunatum Presbyterum Radegundis, soror eius patruelis, mortuum luget his versibus.

*Quid mihi flere vacet? pressam hanc an funere gentem?*

*An variis vicibus dulce ruisse genus?*

*Nam pater antè cadens, & auunculus inde secutus*

*Triste mihi vulnus fixit vterque parens.*

*Restiterat germanus apex: sed sorte nefanda*

*Me pariter tumulo pressit arena suo.*

*Omnibus extinctis, heu viscera dura dolentis!*

*Qui super vnus eras, Hamalafrede iaces.*

*Tale venire diu expectaui munus amantis,*

*Militiaque tua hanc mihi mittis opem.*

*Cernere non merui viuum, nec adesse sepulcro.  
 Perfero in exsequiis altera damna tuis.  
 Non fuit ex longa consanguinitate propinquus,  
 Sed de fratre patris proximus ille parens.  
 Nam mihi Bertharius pater; illi Ermenefredus.  
 Germanis geniti, nec sumus orbe pari.*

Vbimiror, quòd Radegundis de patris quidem sui Bertharij, & de Herminafridi patrui (quem *auunculum* parum proprio nomine appellat) deque fratris cæde, ac de Amalafridi fratris patruelis morte mentionem faciat; de Baderici autem alterius patrui sui exitu nihil dicat. Apud eundem Fortunatum Radegundis, ad Amalafridum scribens, de cæde fratris sui, adolescentis primâ lanugine conspicui, & de sororibus Amalafridi sic loquitur.

*Vos quoque nunc Oriens, & nos Occasus obumbrat,  
 Me maris Oceani, te tenet vnda Rubri.*

— *Quid differo luctus?*

*De nece germani cur dolor altè taces?  
 Qualiter insidiis insons cecidisset iniquis,  
 Oppositæque fide raptus ab orbe fuit.  
 Deque tuis similis mihi cura sororibus hac est,  
 Quas consanguineo cordis amore colo.*

*Nec licet amplecti qua diligo membra parentum.*

Quibus ex versibus cognoscitur, Herminafridum Toringorum Regem ex Amalaberga vxore marem vnum Amalafridum; feminini autem sexus plures liberos generauisse, qui Constantinopolim abducti, & à Iustiniano Aug. viris sint collocati. Hæ autem Herminafridi filix, grandes admodum virgines & ætate prouectæ nupsêre, si verum est, quod ait Auctor Chronici à fratre meo editi, Patricio & Hypatio Coss. Amalabergam, ab Theoderico Ostrogothorum Rege auunculo suo Herminafrido nuptum datam esse. quippe nonnisi Apione filio Strategij solo Consule, hoc est post Consulatam Patricij & Hypatij anno XXXIX, Herminafridi liberi Rauennæ capti à Belisario, & vnâ cum Vitige Rege in Orientem abducti sunt. Præterea ex Fortunato intelligitur Radegundi, Bertharij Toringo-

12

12xx-  
IX.

rum Regis filiz, fratrem vnicum fuisse, qui falso crimine apud Chlotharium Regem accusatus, ac iussu eius interemtus sit. quamquam apud Gregorium in libri III capite IV. dicitur Bertharius Rex Radegundim filiam pupillam reliquisse, & *alios filios*, de quibus infra scripturum se Gregorius pollicetur. at is in eiusdem libri capite VII. velut dictorum immemor, & parum sibi ipsi consentiens, de vno tantum Bertharij Regis filio, Radegundis fratre mentionem facit, quem ait iussu Chlotharij Francorum Regis, à pessimis hominibus impulsus, nefarie occisum esse. Nunc quoniam de Herminafridi liberis, & de Radegundis fratre scripsimus, de Radegunde ipsa pauca dicenda sunt.

Chlotharius Francorum Rex, antequam Toringiam cum Theodorico fratre suo peteret, partem prædæ in præmium latæ opis pactus sibi erat. Igitur post fustum acie Herminafridum Toringorum Regem, postque subactam ab Theodorico Toringiæ partem maiorem, plurimi Chlothario captiui obrigere. Inter eos fuere Bertharij Toringorum Regis filius, & filia nomine Radegundis, puella excellentis formæ, quam Chlotharius, captus amore eius, apud Ateias educauit, & vt Regis filiam decebat, instituendam, ac litteras docendam curauit, & annos pubertatis ingressam in matrimonium duxit, adeoque dilexit, nihil vt præter eam se habere nonnumquam diceret, at illa, pro nihilo ducens regale fastigium, noctu nudis pedibus orationis causâ Basilicam petebat, manè egentium curam agebat: cum egentibus vesci, quàm cum viro conuiuari; sola humi cubare, quàm cum Rege in lecto geniali malebat: Monachis ac seruis Dei non solum honorem habebat, sed etiam ad vitam necessaria conferebat: itavt Rex affirmaret non se Reginam, sed Monacham vxorem habere. Nec multo post Radegundis relicto viro, vestem regiam sacro velamine mutauit, & profuga in Aquitaniam venit, ac pro reuerentia Hilarij Pictauiensis quondam Episcopi Pictaui habitare constituit. vbi postea permisso Chlotharij Regis Monasterium puellarum extruxit, Virginésque ibidem Deo sacratas, ac seipsam



Regulæ S. Cæsarij Arelatensis Episcopi, & Agneti, quam Abbatissam constituerat, subiecit. vt refert Boëthius Wlfinus Episcopus in libro de vita Iuniani Confessoris ad Godolenum Abbatem, qui & *Brittharium* patrem Radegundis Reginae Francorum appellat, falsoque ait Chlotharium, quem *gloriosissimum, & excellentissimum, ac orthodoxum Regem* vocat, inter ceteras clarissimas ac ferocissimas nationes, *nobilissimam Toringorum gentem* suæ ditioni imperioque subiecisse. Quippe Toringi à Theodorico, cuius vnus è Chlodouei filiis fines attingebant, subacti, tributarii que facti sunt, Chlothario (vt diximus) in præmium lati fratri auxilij pòrtione prædæ contento. Apud Gregorium inuenio Radegundim ieiuniis claruisse, orationibus, ac eleemosynis crebrò vacauisse, & fuso nere consueuisse: résque omnes ac possessiones, quibus à Chlothario Rege viro quondam suo, filiisque ac successoribus eius aucta fuerat, in Monasterium suum contulisse, donationemque eam eorumdem Regum diplomatis confirmandam curauisse: Basinam, Chilperici Regis filiam, Monacham suam, ne nuberet, deterruisse, patrique eius restitisse: atque cum litteris Sigiberti Regis, cui Pictaui parebant, (ac forsitan etiam cum versibus Fortunati ad Iustinum iuniorem Aug. ea de rescriptis) Clericos in partes Orientis misisse, qui ab Imperatore Dominicæ Crucis lignum peterent, quod cum in Monasterio positum fuisset, loco nomen dedit. nam Monasterium S. Crucis cœptum est appellari, quod alij ab auctore Monasterium Radegundis; alij à loco Monasterium Pictauiense cognominant. Decessit B. Radegundis (vt ait Gregorius) anno XII regni Childeberti iunioris, mensis sexti tertiodecimo die, hoc est Idibus Augusti, ac post triduum in Basilica S. Mariæ, quam inchoauerat, sepulta est anno LVI postquam à Chlothario Francorum Rege capta, & in Franciam abducta fuerat. Radegundim cum sæpe alibi, tum in libro VIII Fortunatus laudat his versibus.

13XX.  
CVII

*Splendida ferraco quondam subuecta superbo,  
Nunc terit obsequio planta modesta lutum.*

*Quæ prius insertis onerata est dextra smaragdis,*

*Servit inops famulis sedulitate suis.*

*Aurea fulcra tenens, iam sum sibi vilis honore*

*Effugit exstructum, pulvere fusa, torum.*

Hæc de regio Toringorum genere dicta sint. res Francicas persequamur.

Dum Theodoricus bellum in Toringia gerit, in vrbe Aquitaniz Aruernis falsi rumores increbuere à Toringis victum eum interfectumque esse. quod cum non minus libenter quam temere credidisset Arcadius, vir nobilissimus, vnus è Senatoribus Aruernis, Auiti Aug. pronepos, Childebertum Francorum Regem inuitauit, vti regionem Aruernorum tamquam vacuum possessionem occuparet. nec moratus ille cum exercitu eò contendit. aduenienti portas Aruerni clausere. hærentem itaque Regem Arcadius, noctu incisa serâ vnus portæ, vrbi intromittit. sic porito Aruernis Childeberto nuntiatur Theodoricum sospitem atque victorem ex Toringia reuertisse. cuius de reditu certior factus, Aruernis præsidio imposito, Luteciam Parisiorum rediit. vbi mox iustioris belli gerendi occasio cupido oblata est. Amalaricus Vefigothorum Rex, arma virisque Francorum metuens, à quibus victum cælumque Alaricum patrem suum, & omnem Aquitaniam subactam viderat, Chrothildim, Chlodouei & Chrothildis filiam, ab eius fratribus in matrimonium petierat, vxoremque duxerat. Hæc affinitas, quæ Amalarico præsidio futura fuerat, si coniugem amauisset, eidem dissidenti atque sæuienti causa exitij fuit. quippe Amalaricus Arianus, Chrothildi Catholicæ piissimæque feminæ diu multumque persuadere conatus, vt Arii sectam sequeretur, postquam expugnari posse desperauit, immeritam habere sibi odio & despiciatui cœpit: & ad Ecclesiam procedentem sæpe stercore aliisque purgamentis desuper proiectis inquinari iussit. postremo firmam propolito, atque in fide Catholica perseverantem furens pugnis & calcibus sæuissimè cecidit, ad eò vt sanguinem vomeret. Ita tractata Chrothildis Regina, in dies grauiora metuens, ad fratrem Childeber-

tum epistolam, & sudarium suum, sicut erat, sanguine infectum misit, petens vt fortunam suam miseraretur, ac vindicaret iniuriam, celeritérque his se malis eriperet. Litteræ cum sudario ferendæ fido seruo traduntur. quibus lectis Childebertus, contumeliâ sororis graui- ter commotus, contractis copiis expeditionem in Amalaricum suscepit.

Vetus Auctor Historiæ Francicæ, & qui eum sequi solet, Aimoinus Monachus tradunt Childebertum Francorum Regem in vrbe Aruernis, itaut diximus, capta hæc à Chrothilde sorore sua litteras accepisse, statimque non exspectatis fratris Chlotharij, quem & Chrothildis implorabat, auxiliis, ex ea vrbe in Hispaniam cum maximo exercitu contendisse. Contrà Gregorius in Historiæ libro III scribit Childebertum, cognitâ Theodorici fratris sui ex Toringia regressione, ex finibus Aruernorum *rediisse*, & in Hispaniam ob sororis iniuriam profectum esse. idémque in libro de Gloria Confessorum prodit, Childebertum Regem in Hispaniam tendentem ad Eusychium vel Eusicium Eremitam in agro Biturigum habitantem venisse, ac quinquaginta ei aureos obrulisse: quos vir sanctus aspernatus, Regi victoriam prædixerit. tum hunc auro egentibus dato vouisse, si victor Deo propitio ex Hispania reuertisset, Basilicam se ibidem, in qua pius senex sepeliretur, exstructurum, votóque se postea exsoluisse. & in libro de vita supradicti Eusicij dicitur Childebertus Francorum Rex, cùm Hispanias & Amalaricum peteret, *Francia finibus egressus esse*, & per Bituriges iter faciens, Eusicium ibi habitantem de euentu belli consuluisse, seque ac suos eidem per nuntium commendauisse. Ex quibus intelligitur Childebertum ex Aquitania finibusque Aruernorum in Regnum suum *rediisse*, & Luteciæ Parisiorum, quæ & ipsius regia, & Franciæ, hoc est Neustriæ vrbs erat, omnibus rebus ad expeditionem comparatis, in Galliam Narbonensem contendisse.

Historicorum, qui de eo bello scripsere, non modica discordia est. Vetus Auctor Appendicis, quæ Victoris Chronico adiuncta legitur, natione (vt existimo)

Hi-

Hispanus, tradit post Consulatum Lampadij & Orestis DXXXI.

*Amalaricum Regem à Childeberto Francorum Rege, quem pro Hildiberto Zidibertum appellat, in Gallia Narbonensi prælio superatum, Barcinonem fuga peruenisse, ibique à Franco angone percussum interisse.* hastam autem seu lanceam Franci angonem vocabant. Sic & Fredegarius Scholasticus in Epitome, Amalaricum filium Alarici propter uxorem suam, quæ soror Regum Francorum erat, *Barcinone à Childeberto & Francis occisum*; Sigebertus in *Hispania à Childeberto interentum* dicit. Auctorem Appendicis sequitur quidem Isidorus in Chronico, sed ita tamen ut Amalaricum à suis interfectum affirmet. quippe apud eum dicitur Amalaricus, cum ab Hildeberto Francorum Rege circa Narbonem prælio superatus fuisset, Barcinonem fugiens venisse: omniumque contra se odio excitato, apud Barcinonem (apud Narbonem mendosè legitur) in foro ab exercitu iugulatus interisse. ab exercitu, inquam, non Childeberti, sed suo, cui ob cladem acceptam cõtemtuierat, vel potius à Theudeipso, qui Regnum Hispaniæ post eius mortẽ occupauit, neque enim aliter accipi potest, quod ibidem ait Isidorus, Theudim Regem Vesigothorum morientem vetuisse percussorem suum supplicio affici, ac meritas se pœnas sceleris luere dixisse, quod ipse *Ducem suum priuatum sollicitatum* (hoc est Amalaricum Regem suum sollicitatum ad secretum colloquium) *occidisset*. Hic rem pæne incredibilem mirari libet, Francis tantum animorum tantumque virium fuisse, ut Amalaricum, quem apud Narbonem acie vicerant; pedibus trans Pyrenæum Barcinonem persequerentur, & cum Vesigothos fugatũ, Francos insequendo millia passuum amplius CLX emetiri potuisset.

Procopius in libro I belli Gothici Amalaricum in Gallia, hoc est in prouincia Narbonensi prima, vel Septimania, quam obtinebat, à Francis interfectum indicat. sic enim scribit: Amalaricum Vesigothorum Regem sororem Theodeberti Germanorum Regis in matrimonio habuisse. quam cum more patrio Deum colere vir Arianus prohiberet, & à fide Catholica abducere co-

naretur, in recta sententia perseverantem despiciatui habere coeperit. mulierem, postquam quotidianas iniurias & contumelias amplius ferre non poterat, de viri sæuitia fratri per litteras questam esse. eam ob rem Germanos (hoc est Francos) Vesigothis bellum intulisse, magnūque & atrox prælium esse commissum, quo tandem fusus Amalaricus, multis suorum amissis, ceciderit. tunc Theodebertum non modò sororem suam cum omnibus regiis opibus, sed etiā partem eam Galliarum totam, quam Vesigothi tenebant, recepisse. Vesigothos verò, qui cladi superfuere, ex Gallia in Hispaniam, in qua Theudis regnabat, cum coniugibus & liberis transisse, ibique consedisse. Vbi notandum est falli Procopium, cum quòd uxorem Amalarici sororem Theodeberti appellat, quæ Childeberti soror, amita Theodeberti erat: tum maximè quòd regionem Galliarum, quam Vesigothi obtinebant, hoc est Septimaniā, præter quam eis in Gallia nihil erat reliqui, à Francis tum subactam & occupatam dicit. Constat enim Childebertum Francorum Regem, contentum ultione sororis iniuriæ, post victum cælumque Amalaricum domum rediisse: provinciāque Narbonensem primam, vel Septimaniā (quod fuit Vesigothis, ac Rege ipso interfecto, haud difficulter facturus videbatur.) bello minime quæsiuisse. Quam Septimaniā nec Guntchramnus Rex, fratris eius filius, semel atque iterum missis eò maximis exercitibus, nec quisquam alius Francorum Rex, ante aduentum Saracenorum in Hispaniam, siue ante Carolum Præfectum Aulæ Pippini Regis patrem, eripere Vesigothis, ac imperio suo subiungere potuit.

Ut ad Historicos nostros veniam, Gregorius Turonicus Episcopus in libro Historiæ tertio de eo bello Childeberti tantā securitate (ut solet) tantæque negligentia scribit, ut nec pugnae ullius mentionem faciat, nec unde, quove Amalaricus fugerit, dicat. sic autem, eo teste, res gesta est. Cum Childebertus Francorum Rex, vindicandæ sororis iniuriæ causâ, Hispanias petiisset: Amalaricus Rex, postquam de eius aduentu cognouit, naues parauit ad fugam. iamque imminen-

tibus hostibus nauem conscendere properanti relicta-  
rum in thesauro suo gemmarum venit in mentem :  
quarum secum asportandarum causâ in ciuitatem reuer-  
sus, ab exercitu Childeberti à *portu* intercluditur. tum  
Amalaricus, spe euadendi sublata, in Ecclesiam Chri-  
stianorum ( sic Catholicos vocabant ) confugere cœ-  
pit, ac priusquam limina sancta contingeret, ab Fran-  
co emissâ manu lanceâ interficitur. At Childebertus  
nudatis ac spoliatis hostium Ecclesiis, vt Regni sui Ba-  
silicas instrueret, præter reliquam prædam vasa ex au-  
ro puro gemmis ornata, quæ Salomonis fuisse dicunt,  
nimirum LX calices, XV patinas, quas patenas vocant,  
& Euangeliorum thecas XX domum retulit. Chrothil-  
dis verò, Clotildis quibusdam dicta, dum à fratre  
cum magnis opibus in Franciam reducitur, in itinere  
decessit, ac postea Luteciam Parisiorum delata, & iux-  
ta Chlodoueam patrem suum sepulta est. Et ita qui-  
dem Gregorius scribit; nomine *ciuitatis* atque *portus*  
Narbonem Martium, portumque Narbonensem haud  
dubiè designans: apud quam urbem Amalaricum à Chil-  
deberto proelio superatum esse Auctor Appendicis su-  
prâ & Isidorus produnt, Auctor Chronici à Duchenio  
editi etiam ibidem interiisse ait. Præterea aut Narbo-  
tum à Childeberto captus, atque direptus est, qua in  
vrbe Chrothildis soror eius erat: aut certè Narbonen-  
ses redditâ fratri Chrothilde Reginâ, ac sacro profa-  
nòque auro à victore se redemerunt. Ne quis porrò  
existimet non in Gallia & circa Narbonem, sed in  
Hispania rem gestam esse, propterea quòd Gregorius  
scribit Childebertum, belli Amalarico inferendi causâ,  
*Hispanias petiisse*: scire conuenit, Septimaniâ non-  
numquam à scriptoribus Hispaniam appellari. Vnde Isi-  
dorus in Chronico, loquens de exercitu Guntchramni à  
Fl. Reccaredo Veligothorum Rege per Claudium Eme-  
ritensium Ducem apud Carcassonem Septimaniæ opi-  
dum fuso, negat vllam vmquam in *Hispaniis* Gothis  
maiores contigisse victorias. & Lucas Tudensis in li-  
bro III ait, *provinciam Gallie*, ( hoc est Septimaniâ )  
*Hispaniam citeriorem* dici: ac in fine libri Septimaniâ,

*Hispaniam citeriorem*; Hispaniam autem ipsam, *interiorem Hispaniam* appellat: atque diuisionē Sedium Hispaniæ à Vamba Rege factæ hæc verba subtextit: *Sunt Sedes harum duarum Hispaniarum* XXX sub imperio Gothorum, id est Sedes Hispaniæ propriè dictæ, atque Septimaniæ. quamquam Ioannes Monasterij Biclariensis Abbas, Luca multis sæculis vetustior, non Septimaniam, sed Hispaniam, *citeriorem Hispaniam*, vel *Regnum citerioris Hispaniæ* vocat. Denique Fredegarius in Chronico, & Aimoinus in Historiæ libro III exercitum Guntchramni, qui Septimaniam tantùm petierat, (vt ait Gregorius) bis intra quadriennium *Hispaniam ingressum* esse dicunt.

Vetus Auctor Historiæ Francicæ, Theodorici posterioris Francorum Regis æqualis, & qui cum transcribere solet, Aimoinus Monachus in relatione huiusce Childebiti expeditionis ita Gregorium sequuntur, vt in quibusdam ab eo dissentiant. Siquidem memoriæ tradunt, Amalaricum Regem Gothorum, quem ipsi Amalricum, quidam Almaricum vocant, à Childebito Rege equitatu validiore victū acie, multis suorum amissis, cum reliquis fugâ naues petere cōtendisse, sed persequentibus Francis, aut (vt ait Aimoinus) occurrentibus, & præoccupato itinere hostes à mari intercludentibus, ipsum Ecclesiam Catholicorum cursu petiisse, quò antequam perueniret, ab equite Franco hastâ confossus sit. tum Childebitum, vastatâ Hispaniâ, Toletum urbem sine mora oppugnavisse, atque opidanis consternatis cepisse, magnisque opibus inde sublati, & sorore suâ receptâ, in Franciam reuertisse. Quo tempore Childebitus, per Biturigas iter faciens, Eusicium sanctissimum virum salutauit, ac nummorum libris XV donauit, & rogatu eius multa captiuorum alterius alteri colligatorum paria solui iussit, regressusque Luteciam milites, in his Wlfinum propinquitate sibi coniunctum, optimum hominem piissimūque, pro suo quemque gradu suæque operâ præmiis & opimis fundis remuneratus est. Hic animaduerto supradictum veterem Historicum, & Aimoinum, atque etiam Adonem, in Hispa-

nia fufum acie cæfùmque Amalaricum , & Toletum à Childeberto captum effe credidiffe , propterea quòd Childebertum *Hispaniam petiiffe* , & interfecto Amalarico Chrothildim fororem fuam recepiffe apud Gregorium legerant , neque exiftimabant , nifi captâ Regiâ Regum Veligothorum , Chrothildim Reginam à fratre recipi potuiffe . At , vt fuprà diximus , poft interfectum Alaricum , ereptâque Veligothis cum Aquitania Tolofam , Narbo Martius amborum Alarici filiorum , Gefalici & Amalarici , alterius poft alterum , ac deinde Liuuæ fedes fuit . nec ante Amalarici mortem Reges Veligothorum Hispaniam , exceptâ Callæciâ Sueuorum Regno , totam fibi parentem Septimaniæ prætulêre , & relicto Narbone Toletum Regiam delegêre , vbi quanto remotiores à Francis , tanto tutiores à repentinis eorum incurfionibus forent . nam Toletum Carpetanorum Tago flumini impositum , vmbilicus Hispaniæ effe dicitur , abéftque ab vrbe Narbone millia paffuum circiter feptingenta . Vnde factum eft , vt Toletum *vrbs regia* , & *metropolis* , *regia fedes* vocaretur , & Reges Veligothorum ac Hispaniæ , ab ea vrbe nonnumquam *Principes Toletani* , & *Reges Toletani* cognominarentur . Et quoniam Toleti mentionem facere cœpi , omittere non poffum Fortunati de ea vrbe verfus , quibus Brunichildim , & Gailefuintam , Athanagildi Veligothorum Regis & Goifuint hæ filias , alteram ad Sigibertum , alteram ad Chilpericum Francorum Reges Toletum miffas in Galliam indicat , atque priore fupervivente pofteriorem paullo poft factas nuptias deceffiffe . Verfus tales funt

*Toletus geminas mifit tibi Gallia turres :*

*Primâ ftante quidem , fracta fecunda iacet .*

*Alta fuper colles , fpeciofa cacumine pulchro ,*

*Flatibus infestis culmine lapfa ruit .*

*Sedibus in patria fua fundamenta relinquens ,*

*Cardine mota fuo non ftetit vna diu .*

Qui verfus pæne mihi perfuadent Toletum , Veligothorum Regum fedem , tum duas turres habuiffe pro infigni , quo pofttea Castellæ & Toleti Reges , orti Veligo-



thorum genere, vti voluerint: atque par sororum Gaile-  
fuintam & Brunichildim, regias virgines duas, Toleti  
educatas, hisce duabus turribus, regię vrbis insigni ob  
magnitudinem comparari. neque enim credo has puel-  
las suprà turres dici, quòd vectæ carrucis argentatis,  
quas Fortunatus ob formam rotundam turres appellat,  
in Galliam venissent.

Amalarico Vesigothorum Regi successit Theudis  
Ostrogothus, antea Theoderici Italię Regis Armiger,  
atque in tutela Amalarici gerenda eiusdem vicarius:  
qui à Iordane Thiudis, vel Thiodes; Theuda à Grego-  
rio; ab Aimoino Theodus dicitur. Regnavit annis XVI,  
mensibus VI, vt ait Isidorus in Chronico. Quamquam  
Auctor Appendicis Chronico Victoris Tununensis E-  
piscopi adiunctæ Theudi non ampliùs XII regni annos  
10XXXI. tribuit. quippe post Consulatum Lampadij & Orestis  
Amalaricum Regem à Childeberto Francorum Rege  
prelio superatum & interfectum, & post Consulatum  
10XLIII. Basilij V.C. anno II successorem eius Theudim mortuum  
dicit. Procopius in belli Gothici libro I tradit Theu-  
dim hunc, hominem *Gorhum*, (sic semper Ostrogothos  
appellat) à Theoderico Rege Italię Hispanienli exer-  
citu præpositum, mulierem natione Hispanam, locu-  
pletem admodum & latifundiis diuitem in matrimo-  
nium accepisse, militumque duo millia mercede con-  
ducta, & satellites ad custodiam corporis lectos circum  
se habuisse, itavt verbo quidem Dux Ostrogothorum  
à Theoderico in Hispaniam missorum; re autem tyran-  
nus non occultus esset. quâ re cognitâ Theodericum  
timentem, ne si Theudi bellum inferret, Franci arma-  
ti sibi occurrerent, aut Vesigothi res novas molirentur,  
eidem quamvis rebelli Magisterium militiæ non abstu-  
lisse, sed Primores Ostrogothorum ad Theudim scri-  
bere iussisse, rectè cum facturum, si Theoderici salu-  
tandi causâ Rauennam venisset. Theudim porrò nihilo  
seciùs imperata quidem fecisse, & quotannis tributa  
ex Hispania Rauennam deportari minimè prohibuisse,  
ad Theodericum verò nec venire voluisse, nec per lit-  
teras inuitantibus venturum se promississe.

Quo anno Amalaricus Rex Vefigothorum & Hispanorum, à Francis victus est & occifus, eodem in Africa Hildericus Vandalorum & Alanorum Rex à fuis regno fpoliatuf eft. Rem ab origine repetere conuenit. Geifericus Vandalorum & Alanorum Rex maturâ fenecture deceffit, quem annos XXXVII menfes tres regnauiife, nimirum poft captam Carthaginem, tradit Viâtor Vicienfis Epifcopus, non ( vt falfo putat Procopius ) annos XXXIX. Hic non multo ante obitum pacem cum Zenone Aug. per Seuerum Patricium legatum conuentus fecit, quæ ab vtriuſque ſuccefforibus vſque ad Imperatorem Iuftinianum ſummâ fide ſeruata eft. Geiferico patri ſucceffit Hunericus natus maximus filius, qui Eudociam, Valentiniani Principis & Eudoxiæ Aug. maiorem filiam, Romæ captam, in matrimonium duxit, ex eâque Hildericum ſuſcepit, atque VIII regni anno obiit. Poſt Hunericum Gunthamundus, Geiferici ex Gentone filio nepos, Vandalis & Alanis præfuit annos XI, menfes VI, & Traſamundo fratri moriens regnum per manus tradidit. qui amiſſâ coniuge, ex qua nihil liberorum tulerat, Amalafridam, ſororem Theoderici Oſtrogothorum Regis, viduam, matrêmque iam ex alio viro Theodahadi & Amalabergæ, in matrimonium petiit, miſſamque à fratre ſuo cum ſex Oſtrogothorum millibus, & vno de Sicilia promontoriis Lilybæo dotatam, duxit vxorem, atque ſeptimo & viceſimo regni anno menſe IV interiit. Hi Reges omnes ( nam ne Gunthamundum quidem excipit Procopius ) domi maiores Afris Catholicis, quàm foris hoſtibus, nimirum Maurorum gentibus, clades intulerunt. Traſamundo fratri ſuo patrueli ſucceſſit Hildericus, Hunerici Regis ex Eudocia filius, Geiferici & Placidii Valentiniani Aug. nepos, optimus & aditu facillimus, ac nemini grauis Princeps: qui & Catholicos Sacerdotes ab exilio reuocauit, & clauſas priùs Eccleſias aperiri iuſſit. tum Amalafrida à Vandalis in cuſtodiam tradita eſt, & Oſtrogothi, qui eam in Africam ſecuti erant, tamquam res nouare voluiſſent, ad vnum omnes interfecti. Amalafridam tradit Viâtor in Chronico

- 12XXIII. Maximo Consule post viri sui mortem, cùm fugeret ad Barbaros, commisso proelio apud Capsam locum Eremo proximum captam, & in priuata custodia mortuam esse. quam sororis iniuriam Theodericus Ostrogothorum Rex minimè vindicauit, propterea quòd (vt ait Procopius) classem non habebat. Quamquam apud Cassiodorum Senatorem in libri Variarum IX epistolâ primâ non Theodericus, sed Athalaricus eius nepos atque successor de mortè Amalafridæ queritur, postulâtque, vt Hildericus sibi satisfaciat. Habebat Hildericus Rex propinquum nomine Gelimerem, Gelaredi filium, Gentonis nepotem, Geiserici pronepotem à Procopio dictum, cui tamen Iordanes *atauum* fuisse Geisericum dicit, vt si eo nomine malè vsus non est, Gelimerem Geiserici adnepotem fuisse credidisse videatur. Hic despectâ Hilderici senectâ atque segnitâ, (erat enim admodum imbellis) persuasit Vandalorum Optimatibus, vt homini desidi, à Mauris victo, imperiumque Africæ ad Imperatorem Iustinianum transferre conanti Regnum adimerent, ac se in eius locum sufficerent. Ita Gelimer ab Vandalis Rex salutatur, ingressusque Carthaginem, Hildericum VIII regni annum agentem, consobrinósque eius, Hoamerem &
- 13XXXI. Euageem fratres post Consulatum Lampadij & Orestis mandat custodiæ, multosque nobilium prouinciæ Africæ fortunis spoliât, multos interimitt. Quâ cognitâ re Iustinianus Aug. casum Hilderici amici sui miseratus, legatos ad Gelimerem misit, qui postularent, vt cum in libertatem Regnumque suum restitueret. At Gelimer, vir non minùs crudelis quàm rapax, dimissis legatis, Hoameri quidem celeberrimo Duci, quem Achillem Vandalorum vocabant, oculos effodit: Hildericum autem & Euageem artiùs custodiri iubet, calumniatus Constantinopolim eos ad Iustinianum confugere velle. Tum Imperatòr per legatos sub belli comminatione petiit, vt Gelimer Hildericum, consobrinósque eius ad se Constantinopolim mitteret. quo non impetrato, pace cum Persis factâ, Belisarium Magistrum militiæ, & Patricium viribus instructum in Africam misit. cuius  
de

de aduentu simul ac Gelimer cognouit, Hildericum Regem cognatū suum, & propinquos eius, amicōsque cūm Vandalos tum Afros, quoscumque custodiæ mādauerat, iugulari iussit, superatūsque præliis Ammatam, & Tzazonem, vel Sesaonem fratres suos amisit, atque petitis frustra à Theude Vesigothorum Rege auxiliis, fugatus, ac post trimestrem oblidionem fame ad deditionem compulsum est, nec plusquam annos tres ac menses VIIII potiri potuit Regni eius, quod legitimè adepturus, & quietè possessurus fuerat, si HildERICI senis fatalem mortem expectare voluisset. Recepta est Africa à Romanis, Imperiōque restituta Indictione XII Iustiniano Aug. IV. & 1500XIV. Paullino Coss. post annos CVII quàm ab Vandalis & Alanis ductu Geiserici occupata fuerat: & Carthago anno XCV, postquàm à Geiserico capta fuerat, iterum in ditionem Romanorum cessit. quæ eo facilius celebris gesta sunt, quòd Geisericus Rex vrbium Africæ omnium, exceptà Carthagine, muros solo æquaue-  
rat. Sardinia, & Corsica, quæ insulæ Italiæ quidem XV II prouinciis adnumerabantur, sed sub Vandalorum Regum imperio fuerant; item Ebusus, Maiorica, & Minorica, quæ Baleares appellantur, iterum Romanæ prouinciæ sunt factæ, non iam Imperatoribus Occidentis, qui dudum esse desierant, sed Principibus Orientis parituræ. & Gelimer cum vxore & liberis, & ingentibus opibus, quas Africæ, Italiæ, & Illyrici prouinciarum spoliis ac populationibus Geisericus cumula-  
uerat, Constantinopolim abductus est, quem Iustinianus Aug. possessionibus in Galatia non contemnendis donauit, Patricium facturum, si Arianam hæresim dam-  
nare voluisset. HildERICI autem liberis & nepotibus, à Valentiniano Aug. ducentibus genus, multa & magna contulit. Ex Vandalis captiuis alæ V equitum factæ, & vrbibus Orientis præsidere iussæ. Nec multo post Vandalī, qui in Africa relictī erant, à Salomone Duce, timente ne res nouas molirentur, plerique cum coniugibus & liberis totius prouinciæ finibus expulsi sunt.

Circa id tempus, quo Romani in Africa Vandalorum Regnum euertebant, Francorum Reges in Gallia

Regnum Burgundiæ occupauêre. Gregorius Turonicus Episcopus, qui sæpe fabellis, & leuissimis rebus, aut etiam nihil ad Historiam pertinentibus paginas implet, hoc bellum tribus verbis inuoluit magis quàm explicuit, cùm scripsit Childebertum & Chlotharium Francorum Reges, postquam Theodoricum fratrem frustra inuitauerant, vt aduersus Godomarum vxoris suæ patrum vnà cum ipsis expeditionem susciperet, Burgundiam petiisse, obsessoque Augustoduno, ac *fugato Godomaro*, omnem regionem occupauisse. Gregorium Fredegarius Scholasticus in Epitome, & Aimoinus Monachus in Historiæ libro II secuti sunt. Procopius Gregorio vetustior in libro I belli Gothici tradit Francos, quos Germanos appellat, cum *Burgundionum reliquiis* pugnam conseruisse, fusisque hostibus, eorum Regem (hoc est Godomarum) castello quodam inclusisse, ibique artâ custodiâ setuasse, & omnem regionem, quam Burgundiones obtinuerant, tributariam fecisse, atque gentis domitæ ac subactæ armis & opera, vt vellent, postea vsos esse. Vbi notare conuenit, cùm Franci tum omnem Burgundiam subegerint, vt ait Gregorius ipse, Augustodunum opidum Burgundiæ non obsessum modò ab eis, sed etiam captum fuisse: neque fugatum solùm Godomarum proelio, verùm & captum, cùm Procopius apertè prodatur in castello quodam eum à Francis custoditum esse. Iuo in Chronico, malum securus Auctorem, scribit Francos, Chlodomeris Regis mortem indignè ferentes, Godomarum, quem Gothimarum vocat, persecutos esse atque interfecisse. & Ioannes Parisiensis, qui ante annos trecentos floruit, eundem à Regibus Franciæ, Chlodouei filiis interemtum dicit. Subacti autem sunt à Francis vno proelio Burgundiones eo faciliùs, quòd aliquot iam ab eisdem expeditionibus & certaminibus fracti & attriti erant. quamobrem Procopius suprâ Francos non cum Burgundionibus, sed cum Burgundionum reliquiis pugnauisse ait.

Occupata est à Francorum Regibus Burgundia Iustiano Aug. IV & Flauio Paullino Coss. Indictione XII, vel Fl. Paullino iuniore Consule: si credimus Mario

Auenticensi Episcopo, cuius verba notanda sunt. *Hoc Cos. (ait) Reges Francorum Childebertus, Chlotharius, & Theudebertus Burgundiam obtinuerunt, & fugato Godomaro Rege, Regnum eius diuiserunt.* Quibus verbis indicat Marius Theodebertum Theodorici filium iam tum regnauisse, cum nouissima hæc in Burgundiones expeditio suscepta est, nimirum Paullino iuniore Con-<sup>IXXXIV.</sup> sule, quo ipso anno Theodoricum decessisse infra docebimus. At Gregorius contra, Childeberto & Chlothario Burgundiam petentibus, Theodoricum eorum fratrem Aquernos recepisse ait, deinde Mundericum Regnum affectantem oppressisse; cum Childeberro fratre fœdus iniisse, quod postea ruptum sit; Theodeberto filio suo Wisigardem despondisse; eumque ad recipienda opida, quæ Gothi post Chlodouci mortem recuperauerant, misisse; ac tandem decessisse. quæ omnia cum Theodoricus Francorum Rex vno anno eoque regni ac vitæ ultimo facere non poruerit, credendum est vel ante subactam Burgundiam ea gesta esse, nec ab Gregorio ordine exponi: vel certè Marium Paullino iunio-<sup>IXXXXV.</sup> re Consule Burgundiam à Francis occupatam falsò dixisse, quæ potius post Consulatum Lampadij & O-<sup>IXXXXII.</sup> restis anno II, post aduentum Burgundionum in Galliam CXX, post occupatam ab eis Sapaudiam XC anno perdomita fuerit. Sanè ante Iustiniani Aug. IV & Fl. Paullini iunioris Consulatum Burgundiam in Franco-<sup>IXXXXIV.</sup> rum ditionem cecisse nonnulla sunt quæ mihi pæne persuadeant. quorum illud primum & maximum est, quòd Concilio, X XII regni Childeberti anno, hoc est Iustiniano Aug. III Consule Aurelianus habito, inter-<sup>IXXXXIII.</sup> fuère à Burgundia Iulianus Viennensis Episcopus, Agrippinus Æduorum; vel Augustodunensium Episcopus, & Asclepius Presbyter missus ab Adelphio Episcopo Rauracensi. quæ tres Burgundiæ vrbes, Vienna Allobrogum, Augustodunum Æduorum, & Augusta Rauracum, licèt (vt alibi dixi) à Francis, Chlodomeris Regis sui mortem vlciscentibus victoribusque captæ credi possint; tamen videntur potius ab Childeberto & Chlothario cum reliqua omni Burgundia esse

occupatæ. siquidem tum Augustodunum (vti ait Gregorius) ab eisdem obseisum & captum est. Accedit etiam, quòd cum vno eodémque tempore Childebertum & Chlotharium Burgundiam; Theodoricum Aruernos petiisse dicat Gregorius, parum verisimile est Theodoricum Regem Francorum, recenti victoriâ belli Toringici ferocem, Aruernos urbem, quam post Consulatum Lampadij & Orestis dolo fratris amiserat, nonnisi tertio pòst anno, Iustiniano Aug. IV & Paullino Coss. armis recepisse. vt omittam Gregorium Vesigothicæ Childeberti expeditioni Burgundicam eiusdem expeditionem continuò subtexere, Procopium & Aimoinum, quamuis falsò, etiam præponere. ex quo intelligi potest, post Consulatum Lampadij & Orestis confectâ expeditione Vesigothicâ, insequenti anno, 10 XXXI post Consulatum Lampadij & Orestis secundo, expeditionem Burgundicam à Childeberto esse susceptam. 10 XXXII Quare apud Sigebertum Vesigothicam expeditionem proximè sequitur Burgundica, sed prior octauo, posterior nono imperij Iustini senioris anno facta falsò dicitur.

Ceterum tamen si Marius scribat Childebertum, Chlotharium, & Theodebertum Burgundiam inter se diuississe: tamen existimo eam inter ambos tantummodò fratres Childebertum & Chlotharium fuisse diuisam: propterea quòd (vt suprà docui) regnabat tum adhuc Theodoricus Theodeberti pater, cum Burgundia subacta est. neque verisimile est Childebertum & Chlotharium portionem Regni suo periculo ac suo labore quæsitum Theodorico fratri, qui expeditioni interesse noluerat, sponte concessuros fuisse. Neque est, quòd quis dicat Concilio, apud Aruernos consensu Theodeberti Regis habito post Consulatum Paullini iunioris, tres Burgundicæ Episcopos interfuisse, nimirum Gregorium Lingonicum Antistitem, Venantium Viuariensem, seu Albensensem, & Grammatium Vindonissensem. nam Episcopi ex omnibus Francorum Regnis ad Synodos euocati venire consueuerant, atque (vt Concilij Aurelianensis III Præfatio docet) absentiam suam diuisione fortis excu-

sare non poterant. Præterea quod ait Aimoinus Germanum ad Theodebertum Aultrasiorum Regem, pro villis Augustodunensis Ecclesiæ precaturum, Cabillonum venisse, quæ Burgundiæ vrbs fuerat, id in libris Aimoini à Duchenio editis non reperitur.

Theodoricus à fratribus suis ad Burgundici societatem inuitatus legatos re infectâ dimisit: siuè quòd Godomarum, Burgundionum Regem, vxoris suæ patruium oppugnare nolebat, siue quòd in Aruernos rebelles arma conuertere, & erepta sibi à Childeberto recipere constituerat. At Franci Austrasij Theodorici ditioni subiecti, qui Burgundicam prædam spe præsumferant, secuturos se Childebertum & Chlotharium, deserturosque eum denuntiauerunt, si in Burgundiam non proficisceretur. quos Theodoricus vbi ad defectionem paratos vidit, hortatus est, vt se in regionem Aruernorum sequerentur, ex qua multum auri argentiq; , magnum mancipiorum, pecorisque numerum, & pretiosas vestes ipso permittente domos essent relaturi, & semel atque iterum exercitui promisit, quemque, vnà cum regionis præda, captiuos quòd vellet translaturum. His Austrasij pollicitationibus illecti futuros se in potestate Regis affirmant, & quò duceret ituros. Igitur Theodoricus, agrum Aruernorum ingressus, totam regionem vastat. cuius aduentu territus Arcadius, Auiti Aug. pronepos, qui Aruernos Childeberto Regi prodiderat, fugâ sibi consuluit, & Auaricum Biturigum urbem Childeberto tum parentem petiit. Placidina mater eius, & Alcima amita iussu Theodorici comprehensæ, omnibus rebus exspoliatae, & Cadurcos in exilium missæ sunt. Theodoricus verò Francorum Rex, depopulatis agris, urbem Aruernos obsedit. quo tempore repetitos à Porciano Abbate sanctissimo viro captiuos non paucos solui iussit, domosque dimisit, & potitus vrbe, cum muros eius euertere constituisset, ab Hilpingo Duce placatus est. Hic est Hilpingus, cuius hortatu Theodoricus intra VIII ab Aruernis lapidem iniuriæ fieri cuiquam vetuit, vt in libello de vita Quintiani Aruernorum Episcopi tradit



Gregorius. In libro, quem idem Auctor de virtutibus Iuliani Martyris edidit, inuenio Theodoricum Francorum Regem pro reuerentia Martyris intra VII à Briuate vico milliarium quemquam vexari ac diripi prohibuisse, & milites, qui Ecclesiam S. Iuliani spoliauerant, vicanosque in seruitutem abduxerant, supplicio affecisse, atque ablata loco restituisse. Post captos Aruernos, expulsumque Childeberti præsidium, Theodoricus ad castrorum oppugnationes conuertitur: Tigernum incendit: Louolautrum, quod in libro de vita Quintiani Episcopi Vtrense castrum Gregorius appellat, seruo Proculi Presbyteri prodente, occupat. ibi Proculus, qui quondam Quintianum iniuriâ affecerat; ad altare Ecclesiæ ab Austrasiis interfectus atque discerptus est: castrum ferro & igne vastatum: castellani capti atque abducti. Erat in finibus Aruernorum Meroliacum, maximum & situ atque opere munitissimum castrum: ex quo emissos milites, L. ad prædam agendam Austrasij cepere. quos Theodoricus Rex religatis post tergum manibus ad munimenta castri producendos curauit, denuntiarique Meroliacensibus iussit, nî imperata facerent, captiuos se ibidem ante ora parentum interfecturum. hac Meroliacenses denuntiatione territi singulos captiuos singulis trientibus, ac seipsos eodem pretio redemere. Sic igitur depopulatâ perdomitâque Aruerniâ, maiores, ac minores natu omnibus fortunis spoliari; in his Gallus pupillus, genere nobilis, Gregorij Historici nostri patruus, Aruernorum postea Episcopus, quem tum in aulam Theodorici translatus, hoc est Palatinis Clericis adscriptum, auctor est Fortunatus. ac præter nudum solum, nihil cuiquam à Francis Austrasiis relictum est. Multi Clerici iidemque ciues Aruerni, à Theodorico abducti, & Treuiriæ Ecclesiæ seruire iussi, credo, vt Regi essent obsidum loco. sicut postea Theodebertus, Theodoricum patrem suum imitatus, Aruernorum nobilissimi ac potentissimi cuiusque liberos, in his Florentium patrem Gregorij Historici, obsides ad se adduci iussit, ne ad Childebertum iterum deficerent. Vrbi regionique Aruernorum, ac mi-

litibus ibidem relictis Theodoricus Rex Sigivaldum, cognatum suum, Ducem præfecit, & cum exercitu locuplete domum rediit. Fuit Sigivaldus magnâ vir potentiâ & auctoritate, qui apud Aruernos bona multorum inuasit, nec multo post à Theodorico occisus Givaldum filium reliquit, ac Ranichildem filiam, quæ Brachioni Toringo, postea Abbati Monasterij Mahatensis, quo Sigivaldus seruo ad venatus aprorum vsus erat, prædia ac saltus dedisse dicitur.

Auctor libri de vita Fidoli Confessoris memoriæ tradidit factum esse quorundam insolentiâ, vti Theodoricus Francorum Rex, Sigiberti ac Brunichildis nepos, Aruernis & Biturigibus redderetur infensus, ac Theodeberto fratre suo ad auxilium euocato tantam eis calamitatem inferret, vt clarissimus quisque ex diuite mendicus & patriâ extorris factus sit. Tum pueros & adolefcentes corporis pulchritudine egregios, & puellas specie excellentes, reuinctis post terga manibus, à Francis abductos venditôsq; esse. in his fuisse venerabilem Fidolum, iuuenem clarum genere, Aruernorum vrbis incolam, quem à Barbaris doctum reuertentibus, & per agrum Tricassium iter facientibus emerit Auentinus Abbas, Cameliano, magni Lupi successore, Tricassinam Ecclesiam regente. Et ita quidem hic Auctor scribit. quem ego existimo nomine deceptum supradictam Theodorici maioris in Aruernos expeditionem Theodorico minori, Brunichildis nepoti, ac fratri Theodeberti tribuisse. Quippe Historicorum nostrorum nemo huiusce Theodorici minoris aduersus Aruernos expeditionis mentionem facit. Præterea Camillianus Episcopus Ecclesiæ Tricassinæ, quem hic Auctor Camelianū appellat, Concilio Aurelianensi I Felice & Secun-<sup>1321.</sup> dino Coss. interfuit, & viuere vsque ad XXI regni Theodorici maioris annum potuit, vsque ad Theodoricum minorem nullo modo potuit, qui anno XXXCVIII post Felicis & Secundini Consulatam, siue post Chlodouci abauī sui mortem regnare cœpit. intra quod tempus Camilliano mortuo Vincentius primū, tum Ambrosius, deinde Gallomagnus, & Agræcius Tricassinæ Ec-

clesiæ præfuere. è quibus Ambrosius Tricassium Episcopus anno XXXVIII regni Childeberti Regis Concilio Aurelianensi V interfuit : Galloinagnus Concilij Parisiensis IV, & Synodi Matisconensis primæ statutis consensit atque subscripsit: Agræcius Concilio Matisconensi II affuit, euocatus inter ceteros à Guntchramno vel Guntchramno Rege, Theodorici iunioris maiore patruo.

Post receptos à Theodorico Aruernos, Mundericus quidam familiæ regiæ se inferens, & Regnum affectans opprimitur, res ita gesta est. Mundericus, vel Modericus, vnus ex Optimatibus Francorum Austrasiorum, elatus superbiâ Principem se esse, ac propinquum Regum, nec minùs sibi quàm Theodorico Regnum deberi affirmare cœpit. quod cùm multis agrestibus persuasisset, adiiciens comitibus suis adiutoribûsque partium bene futurum, faciliè cunctos perpulit, vt in verba sua iurarent, ac regium sibi honorem haberent. Theodoricus Rex, defectione Munderici cognitâ, dolo cum decipere ac interficere intendit: mittit, qui hominem inuident vti ad se veniat, portionem Regni sui, si qua ei debeatur, accepturus. quâ Mundericus fraude intellectâ nuntiis respondit, se ad Theodoricum minimè venturum: irent, renuntiarentque Regi suo, Regem se, sicut illum, esse: moxque comperto missum aduersus se ab Theodorico exercitum aduentare, quoniam ad prælium committendum vires deerant, Victoriaci castrimuris cum suis se inclusit, & oppugnationem strenuè sustinuit. Cùm per dies VII nihil regiæ copiæ proficerent, certior factus de pertinacia oblessorum Theodoricus, vnum è suis, nomine Aregisilum vel Charigisilum misit, qui Munderico fidem incolumitatis daret, egressumque Victoriaco interimeret. Facit, quod iussus est, Aregisilus: acceptâ fide castrum ingreditur: Mundericum monet, consulat sibi, habeat rationem liberorum suorum, dedâtque se Regi, cui tametsi velit diu resistere non possit, fame & inopiâ subactus ( nî consilium suum sequatur ) breui venturus in manus eius, atque periturus. Tum Mundericum timere se dicentem,

ne

ne egressus cum liberis & amicis omnibus suis iussu Regis interficeretur, confirmat Aregisilus, & in pristina apud Regem gratia pristinoque honore futurum ait: nec dubitavit manibus altari impositis fidem dare, inuiolatum eum fore. Igitur Mundericus castro egreditur, manum Aregisili tenens. in quem conicientibus oculos militibus Aregisilus ex composito signum cædis dedit his verbis. quid ita Mundericum, quasi numquam antea visum, defixi intuemini? statimque in eum ab omnibus impetus factus est. At Mundericus ubi intellexit deceptum se periurio, detestatus Aregisilum, auersum lanceâ confodit, strictoque gladio vnâ cum suis magnam stragem regionum edidit, & ne inultus moreretur, dum spiritus superfuit, quoscumque consequi potuit, interficere non destitit. bona eius in fiscum illata sunt. Ceterum qua in regione hæc gesta sint, haud facillè dixerim, propterea quòd cum Mundericus Victoriaci obsessus dicatur, plura in Gallia loca eo nomine appellari reperio. Siquidem Gregorius in libro IV Historiæ Victoriaci villæ mentionem facit, quam idem *villam Victoriacensem* in libri VI capite XLI; Jonas in libro de vita Columbani *Victoriacum villam publicam, in suburbano Arauiensis urbis sitam* vocat. apud quam Sigibertus à Neustrasiis Rex consalutatus, moxque summissis à Fredegunde Regina percussoribus interemptus est. Eiusdem Victoriaci, *Vitrei & Vitri* ibi dicti, in testamento Euerardi Comitis, & Gislae eius coniugis fit mentio: quem esse ait Aubertus Miræus vicum inter Atrebatas & Duagium medium. at Victoriacum illud villa publica, non castrum; & in Chlotharj, non in Theodorici Regno positum erat. Aimoinus in Historiæ libro II castrum Victoriacum, quòd Mundericus se contulit, in Aruernorum finibus posuit, ceteris omnibus ignotum. certè apud neminem alium castrum eius nominis in Aruernis inuenisse memini. Quare existimo castrum Victoriacum, quòd Mundericum sese cum suis contulisse ait Gregorius, fuisse ad Matronam flumen in pago Pertensi Regnòque Theodorici, id quod Frodoardus, Presbyter Remensis Ecclesiæ,

in Chronico modò Viſturiacum caſtrum , modò Viſturiacum caſtellum appellat , recentiores Auctores caſtrum Vitriacum vocant.

◀ Circa id tempus Theodoricus & Childebertus Francorum Reges, compoſito bello ciuili, quo alter alterum petierant , ſœdus inierunt , & pace iureiurando firmatâ, multos Senatorum, hoc eſt Procerum Gallorum filios obſides inter ſeſe dederunt: ſed poſtmodum nefariorum hominum impulſu ortæ ſunt iterum inter amboſ fratres inimicitie, ſœdusque ruptum, & obſides eorum , apud quos custodiebantur, ſerui ſunt facti. è quibus multi fugâ domum rediêre; quidam ab ſuis pretio redempti ſunt; nonnulli in ſeruitute remanſêre.

Quo tempore Theodoricus Francorum Rex Mundericum nihil ad ſe pertinens Regnum affectantem interfecit, Childebertus & Chlotharius Chlodomeris fratris ſui filios, ne paternum Regnum repeterent, interemere. Chlodomeres, quibuſdam Chlodmirus dictus, xxxiv Iuſtino Aug. 11 & Opilione Coſſ. à Burgundionibus circumuentus & caſus tres filios ex Gundeuca vxore ſuſceptos, nimirum Theodoualdum, Guntharium, & Chlodoaldum pupillos reliquerat. Hoſ auia Chrothildis Regina apud ſe educabat, diligebâtque vnice, futurum ſperans, vt à patruis in Regnum paternum ſubſtituerentur, quod illi tamquam fratris filiis integrum intactumque ſeruarent, nondum inter ſe diuiſerant. ſed infelix Chrothildis, vtî antea Chlodomeri filio, expeditionem Burgundicam ſuadendo, cauſa mortis fuerat; ſic tum nepotibus curâ & beneuolentiâ ſuâ, dum conſulere ſtudet, odium & exitium attulit. Quippe Childebertus ductus inuidiâ, timênſque, ne regij pueri fauente Chrothilde in patris locum ſufficerentur, nuntium clâm Auguſtam Sueſſionum ad Chlotharium mittit, vt maturè Luteciam veniat, ſecum deliberaturus de fratris filiis, more priuatorum tonderi oporteat, an interim: alterutro facto Regnum, quod eis Chrothildis mater ſua tradi velit, ipſos inter ſe nemine prohibente eſſe diuiſuros. Nec Chlotharius moram fecit, lætûſque Luteciam Pariſiorum ad Childebertum venit.

Interea dolo Childeberty sparsus in populum rumor totâ vrbe discurrit, ambos Reges coïre, non ob aliud, quàm vt fratris filiis debitum Regnum restituant. Collocuti inter se Childebertus & Chlotharius Reges, vbi de agendæ rei via conuenit, per nuntium petunt à Chrothilde Regina matre sua, quæ tum in vrbe Lutecia morabatur, vt ad se fratris filios paterno Regno donandos mittat. Gaiusa Regina, post caprum cibum, pueris nutriciisque comitatos eos misit, adiectis verbis: *Non mihi videbor amisisse filium, si vos in eius Regnum substitutos videro.* At Theodoualdus, Guntharius, & Chlodoaldus, Chlodomeris filij, simul in Palatium venêre, comprehensi, seorsum à pueris & nutriciis suis custodiuntur. confestimq; ab Childeberto & Chlothario missus Arcadius, Auiti Aug. pronepos, forfices & strictum gladium Regina ostendit: interrogat, quid de nepotibus suis fieri velit, forficibusne tonderi, & priuatos viuere placeat, an gladio iugulari. Tam inexpectatis verbis velut telo icta Regina respondit, malle se nepotes suos, si ad regale fastigium non extollantur, mortuos videre, quàm tonsos. siue mente irâ & dolore perturbatâ nesciebat quid diceret: siue existimabat filios in hoc scelus minimè duraturos. Quo celeriter per Arcadium relato responso, Reges tamquam fauente matre pessimum propositum exsequuntur. Chlotharius Theodoualdum maximum Chlodomeris filiorum brachio prehensum arietat in terram, ac sub ala cultro crudeliter traiecit. quo spectaculo exanimatus Guntharius ad pedes se Childeberty patrui supplex prosternit, & genua eius amplexus cum fletu, *Succurre mihi, (inquit) piissime pater, ne & ego peream sicut frater meus.* Serâ motus misericordiâ Childebertus lacrimas profudit, rogauitque Chlotharium fratrem, vt Guntharium sibi donaret, quidquid voluisset pro vita pueri reddituro. Mouere potuissent vel iratissimum & alienissimum hominem preces: sed Chlotharius, feræ similis gustato sanguine in rabiem actæ, omnem humanitatem exuerat. itaque mortem fratri ipsi minatus est, nî puerum à se repelleret, & tu (inquit) tam citò datam mihi si-

*dem violas ? iam paniset te facti , cuius dux & auctor fuisti ?* His territus verbis Childebertus fraterno furori cessit , ac Guntharium à se reiecit , quem Chlotharius exceptum cultro in latere transfixit. Chlodoaldus , vel Chlodoualdus , minimus natu filiorum Chlodomeris , per viros fortes periculo liberatus mortem effugit , neque à patruis potuit comprehendì. Is sibi ipse capillos secuit , Clericusque factus , magnis postea à Childeberto & Chlothario possessionibus ob sanctitatem vitæ donatus est. è quibus Dufiacum , vel Tufiacum in pago Mosomagensi , quod Frodoardus Duodeciacum , quidam Duficam villam , alij Dociacum appellant , Remensi Ecclesiæ legauit : Ruilliacum in Biturigibus positum S. Dionysio dedit : Nouientum , vicum agri Parisiaci , Ecclesiæ Parisiorum , qua in vrbe Presbyter ordinatus fuerat , donauit , vir non genere quàm virtutibus clarior , atque apud Nouientum VII Idus Septembris decessit , & in Basilica , quam ibidem exstruxerat , est sepultus. locus nomen eius tenet. & in epistola Eginardi ad Gozbertum Abbatem de Monasterio S. Chlodoualdi fit mentio. Post Theodoualdi & Guntharij cædempueri ac nutricij eorum ad vnum omnes iugulantur. quo nefando facinore peracto , Chlotharius equum conscendit , ac vnà cum suis Augustam Sueffionum repetiit. Childebertus quoque , cùm oculos ciuitatis ferre non posset , abdidit se in suburbanum : nec multo pòst ambo Regnum Chlodomeris , causam pretiũque sceleris sui , inter se diuisere , imitati Chlodoueum parentem suum , qui cædibus propinquorum Regni terminos promouerat. Theodoualdus autem & Guntharius elati sunt magnà Clericorum psallentium frequentiâ , magnòque omnium bonorum luctu , Chrothilde Reginâ vsque ad Basilicam S. Petri , in qua sepulti sunt , funera prosequente.

Hæc miserabilis iugulatio Chlodomeris Regis filiorum Luteciæ facta est post Burgundiam perdomitam , vt Gregorius , Fredegarius , & Aimoinus tradunt. Subacta est autem à Childeberto & Chlothario Burgundia Iustiniano Aug. IV & Paullino iuniore Coss. si Marium sequimur , hoc est post decennium quàm Chlodo-

meres perierat : vel potiùs post Consulatum Lampadij <sup>12xxxii.</sup>  
 & Orestis anno II, post Chlodomeris mortem octauo.  
 itaut insequenti anno, Iustiniano Aug. III Cof. Theo- <sup>12xxxiii</sup>  
 doualdus & Guntharius, IX post amissum patrem anno,  
 à patris suis interemti esse videantur. Ex quo apparet  
 falsum esse, quod ait Gregorius, cùm iugulati sunt,  
 alterum, nimirum Theodoualdum, annos X; alterum,  
 puta Guntharium, septem tantùm habuisse. ne de  
 Chlodoaldo loquar, qui cùm esset minimus filiorum  
 Chlodomeris, vix tum sexennis fuisset. Ceterùm no-  
 tare conuenit, quod tradit Gregorius, Chlodoaldum  
*auxilio virorum fortium* esse liberatum, & qui sint hi  
*virī fortes*, scire operæpretium est. Animaduërto igitur  
 à Gregorio Viros Fortes vocari eos, qui tum propriè Ba-  
 rones dicerentur. Vnde Isidorus in Originum libro IX  
 ait acceptâ mercede seruientes, *mercenarios*, eosdem &  
*Barones* dictos, *quòd sint fortes in laboribus*. quem ta-  
 men falsò affirmare putò Barones mercenarios fuisse.  
 & in veteribus Glossis *Baron, fortis in laboribus* appel-  
 latur. ex qua nominis interpretatione cognoscitur Ba-  
 ronem idem significare quod fortem. Eosdem Grego-  
 rius in Historiæ libro VII *Viros Fortissimos*, & in libro  
 IX *Viros Fortiores* vocat, cùm scribit omnes *Viros For-*  
*tissimos* regionis trans Duranium sitæ Gundobaldo iun-  
 ctos esse: atque *Viros Fortiores*, qui Sueffionis & Meldis  
 erant, ad Childebertum minorem Francorum Regem  
 venisse, ab eoque petiisse, vt Theodobertum filium  
 suum natu maiorem ipsis præficeret. & Fredegarius in  
 Chronico, cùm ait Wilibadum Burgundiæ Patricium  
 ex Patriciatu suo, hoc est, ex prouincia cui præerat,  
*Pontifices, ac Nobiles, & Fortes*, plurimam præterea  
 multitudinem coëgisse, vti se ab inimicis defenderet,  
 nomine *Fortium* non alios (nî fallor) quàm Barones de-  
 signat. Porro tamen Gregorius scribit Childebertum  
 & Chlotharium Regnum Chlodomeris inter se æquâ  
 lance diuississe: tamen apud Faustum de Vita Mauri Ab-  
 batis inuenio, Cenomanos & Andecauos, qui non mi-  
 nùs quàm Turones sub ditione Chlodomeris fuisse mihi  
 videntur, Theodeberto paruissse: itaut ipse, aut Theo-



doricus eius pater portionem Regni Chlodomeris à Childeberto & Chlothario accepisse credi possit.

Paullo post eadem Chlodomeris Regis filiorum, Theodoricus Rex Wisigardem, vel Wisegardam, Waconis Langobardorum Regis filiam, Theodeberto filio suo despondit. Hic est Waco, qui ab aliquibus Guaco, à Procopio modò Vacis, modò Vaaces appellatur, & qui Ioanne Consule, sollicitantibus legatis ipse ingentis pecuniæ, belli aduersus Romanos societatem cum Vitige Ostrogothorum Rege inire noluit, propterea quòd Imperatori Iustiniano amicus sociusque erat. Eumdem Paullus in rerum Langobardicarum libro I filium Zuchilonis fuisse ait, & Tatone Rege patruo suo victo & interemto, atque Hildechie filio eius fuso fugaròque, Regnum Langobardorum occupauisse: vxores habuisse Ranicundam, vel Ranigundam, Toringorum Regis filiam, de qua suprà scripsimus; deinde Austrigofam, filiam Gipedum Regis, ex qua Wisegardam, & Walderadam tulerit: quarum maiorem Theodeberto Regi Francorum in matrimonium tradiderit; minor *Cusupald*, seu potius Teudupald, hoc est Theodobaldo Francorum Regi collocata sit.

Vesigothi, vt alibi diximus, Vogladensi clade omnem Aquitaniam, & partem aliquam Septimaniæ amiserant. sed cùm multa ex his, quæ Chlodoueus armis adquisierat, post eius mortem, Francis in Toringos, Burgundionesque conuersis, recuperauissent; Theodoricus Theodebertum, Chlotharius Guntharium maiorem filium, ad recipienda quæ defecerant, cum copiis misere. Guntharius, vbi ad urbem Septimaniæ proximam Rutenos peruenit, incertum quam ob causam, domum reuertitur. At Theodebertus, fratre suo patrueli constantior, Septimaniæ fines ingreditur, Deas castrum Beterensium expugnat, ac ditipit. Erat in eodem agro castrum Capraria, à quo *Monasterium S. Marie Capariensis* apud Septimanos in decreto Ludouici Pij de Monasteriis dictum puto. Ad eos castellanos Theodebertus caduceatorem misit, qui denuntiaret, nò dedicationem facerent, ipsos castro incenso vincula & serui-

tutem esse passuros. In eo erat castro matrona, nomine Deuteria, non genere & prudentiâ quàm formâ eminentior, quæ virum suum, metu Francorum Beteras sese conferentem, ex industria sequi noluerat, ibique vnà cum filia remanserat. Hæc cognitis mandatis misit, qui Theodebertum inuitarent vti veniret, faceretque quod placeret, quoniam resistere ei nemo posset. quibus verbis Deuteria Theodebertum non tam in castrum, quàm in lectum suum inuitabat. Igitur Theodebertus receptus in castrum, cum pacata ibi omnia, nihil vquam hostile cerneret, summam adhibuit curam, ne quam Franci castellanis iniuriam inferrent. Castrum intranti Deuteria cultè exornata occurrit, quam Theodebertus, captus amore mulieris, contubernio sibi adiunxit. Deuteriam autem arbitror Caprarie dominam fuisse, nec aliter feminam, ( quæ virorum partes erant ) legatos de deditione ad Theodebertum fuisse missuram, aut castrum in potestatem eius tradere potuisse. nisi quis credere malit mulierem nobilem ac potentem auctoritate suâ Caprariensibus persuasisse, vt portis patefactis Theodeberto se dederent, quem Gregorius hoc loco more suo, quod Regis filius erat, *Regem* appellat. Fuit Deuteria, vt ex nomine intelligitur, natione Galla, vel (quemadmodum tum loquebantur) Romana: vnde Fredegarius in Epitome eam *genere Romanam*, hoc est Gallam; Aimoinus quoque in Historiæ libro II *Romani generis feminam* vocat. è quibus Fredegarius Scholasticus, linguæ Græcæ ignarus, pro Deuteria corruptè Deoteriam, ac Teoteriam appellauit. Nimirum qui Græcis aut Latinis nominibus tum dicti reperiuntur in nostris historiis, scire licet hos Gallos esse. dudum enim Gallica nomina exoleuerant. contra Franci habendi sunt, vel in parte Germaniæ Francis subiecta nati, quotquot circa ea tempora Germanicis nominibus appellantur. sic & Afri à Vandalis; sic Hispani Septimani que ab Visigothis; sic Itali & Prouinciales ab Ostrogothis; sic Britanni ab Anglis distinguebantur. Sed postea Franci à Gallis non raro vt vxores, sic nomina cognominâque Latina accepere, &

Gallis nonnumquam, sublato discrimine, ob maternum genus Francica data sunt nomina. quod semel notasse sufficiat. Porro Theodeberto tum non in Septimania modò cum Vesigothis, sed etiam ac multo magis cum Ostrogothis in Prouincia res fuit. Quare Gregorius in libri III capitis XXI inscriptione Theodebertum *in Prouinciâ contendisse* dicit, & in capite XXIII ab Arelatensibus eum obsides accepisse, quæ vrbs, caput Prouinciæ Arelatensis, Athalarico Ostrogothorum & Italarum Regi parebat. Verùm Cassiodorus Senator, vt suprâ retulimus, in libro Variarum XI, dum Athalaricum puerum, Regem suum, more Panegyristarum laudar, ait Francos, ingenti expeditione turbatos, cum Ostrogothis, tametsi ab eis laceſcebantur, pugnare noluisse, Theodoricumque Regem morbo amisisse. Ex quo facile est cognoscere Theodebertum, non Ostrogothorum viribus, sed allato nuntio de morbo Theodorici patris sui territum (sicuti ait Gregorius) ad eum festinauisse, Prouinciâque excessisse.

Vesigothos Voglâdenſi clade partem aliquam Septimaniæ amisisse suprâ diximus. quod vt intelligatur, notare conuenit in Septimania, quam prouinciâ Narbonensem primam appellabant, vrbes, vel ( vt loquebantur ) ciuitates fuisse octo, nimirum Narbonem metropolim, Tolosam, Beteras, Agatham, Nemaufum, Magalonam, Luteuam, Vcetiam. quemadmodum in Notitiis prouinciarum & ciuitatum Galliæ ante occasum Imperij Occidentalis editis inuenio. Ex quo apparet Carcaſſonem & Elenam, nonniſi regnantibus in Septimania Vesigothis, ciuitates, sedesque Episcoporum esse cœpiſſe. Certè in Synodo apud Narbonem iuſſu Reccaredi Regis habita earum ambarum ſedium primùm fit mentio, cui Synodo Sergius Carcaſſonenſis Episcopus, & Benenatus Elenenſis Episcopus interfuere. Vesigothi igitur prælio uſi à Chlodoueo Alaricum Regem, & omnem Aquitaniam, cuius partem maximam annos XXCV III tenuerant, reliqua non multo antè Eurici ductu occupauerant, amiſſere, præterea Septimaniæ vrbes Tolosam, caput Regni, Luteuam, vel  
Lu-

Lutubam , & Vcetiam. è quibus Luteua aliquamdiu Francorum Regibus paruit : vti docet Synodus permiffu Theodeberti Regis apud Aruernos habita , cui Deuterius Epifcopus Ecclefie Luteuensis interfuit. fed <sup>10XXXV.</sup> poftea à Veligothis , & ( nî fallor ) à Leouigildo Rege per Reccaredum filium recepta eft , tum cum Reccaredus III imperij Mauricij anno , repulfis Francis , tria <sup>10XXXV.</sup> cafta occupauit , nimirum Caput arietis , Vgernum , atque aliud , quod nec Ioannes in Chronico , nec Gregorius in Hiftoriæ libro VIII fuo nomine appellant , ego Luteuam fuiſſe exiſtimo , in IV veteribus Notiitiis prouinciarum & ciuitatum Gallie *Luteuam caſtrum* dictam. Vnde inter Epifcopos prouincie Gallie , vel Septimanie , qui Toleti & Narbone iuſſu Reccaredi Regis conuenerunt , *Agrippinus de ciuitate Lotena Epifcopus* numeratur. & Leontianus *Lutubensis Epifcopus* edicto Flauij Gundemari Regis ſubſcripſit. Anatolius quoque *Eccleſia Lutubensis Epifcopus* Concilio Toletano quarto , ſextoque interfuit ; Gilibertus Diaconus , agens vicem *Anſemandi Epifcopi Lotobensis* , Concilio Toletano XIII. Tolofa verò & Vcetia poſt Vogladenſe prælium ſub Chlodouci , poſteriorumque eius ditione ſemper & imperio fuerunt : quemadmodum Gregorius , Fredegarius , & Concilia Gallie docent. Quare in ſtatu-  
tuto Ludouici Pij de Monafteriis Regni Francorum pagus Tolofanus à Septimania diſtinguitur. & apud Lucam Tudenſem , in deſcriptione Sedium Hiſpanie ac prouincie Gallie à Wamba Rege Veligothorum facta , Narboni metropoli Beteræ , Agatha , Magalona , Nemaufus , Luteua , Carcaſſo , & Elena ſubiiciuntur , quæ VIII vrbes Septimanie vſque ad Saracenorum aduentum in Hiſpanias Veligothorum Regibus paruerunt : nec vlla Tolofæ & Vcetie ibidem fit mentio. Quamquam recentiores quidam Auctores Hiſpani huic deſcriptioni Tolofam falſò inferuere , cuius vrbis Epifcopus Narbonenſi quidem Metropolitæ , ſed non Regibus Veligothorum ac Hiſpanorum ſuberat , nec magis quàm Vceticus Epifcopus vllis ob id vnquam cum Metro-  
politano ſuo Hiſpanie Conciliis interfuit. vt omitam

Isidorum Pacensem Episcopum, veterem scriptorem Hispanum, qui in Chthonico tradit Tolosam Eudoni Franco Aquitanorum Duci paruisse, atque à Saracenis frustra obsessam esse. In libro de vita Betharij Carnutenorum Episcopi inuenio, Theodoricum minorem, Francorum Regem, coactis ex Burgundia, Alamania, & Gothia copiis, Chlothario Chilperici filio bellum intulisse: tamquam Gothia vel Septimania sub ditione eius esset, cuius partem minimam, Tolosam nimirum & Vcetiam obtinebat. Nec id magis miror, quàm quod semel atque iterum affirmat Rodericus Toletanus Archiepiscopus in Rerum Hispaniæ libro III, *Rutenos, Albam*, (Albigam vult dicere) *ac Viuarium ciuitates, Gothorum tempore, ad Narbonensem prouinciam pertinuisse*: & antequam Saraceni in Hispaniam transirent, hæc tres vires, cum Narbonensi prouincia, vel Gallia Gothica in potestate Vesigothorum fuisse, quas Francorum Regibus paruisse fatebitur, quisquis vel vnum Gregorium, vel Concilia Galliæ legerit. Ad rerum ordinem reuertor.

Dum Theodebertus in Septimania, atque Prouincia bellum gerit, Theodoricus eius patet, quem aliqui Theudericum appellant, Chlodouicum parentem imitatus, Sigualdum propinquum suum, ex Duce Aruacnorum, capite truncat, statimque nuntium clàm ad Theodebertum mittit, vt Gualdum Sigualdi filium, quem tum secum habebat, interimat. At Theodebertus, vt erat mitis, iuuenem, quem de facto fonte exceperat, interficere noluit, vocatòque patris litteras, quibus eum occidere iubebatur, legendas tradidit, ac suasisit, vt fugeret, nec antè domum rediret, quàm Theodoricum patrem suum decessisse, ac se regnare comperisset. Obligatus tanto beneficio Gualdus Theodeberto gratias egit, confessumque valedixit, & Arelatum urbem Ostrogothicæ ditionis, à qua Theodebertus obsides acceperat, petiit. vbi cùm parum tutò se latere intelligeret, ob vicinitatem Vetiæ, aliarumque urbium Theodorico parentium, in Italiam fugit.

Interea fidissimorum amicorum diligentia Theodeberto nuntiatur Theodoricum patrem ipsius grauius ægrotare, cuius nisi mortem velocitate antecederet, futurum esse, ut interclusus à patris Regni paterni finibus prohiberetur. Quo cognito Theodebertus apud Aruernos Deureriam cum filia sua deponit, atque omnibus rebus postpositis, celeritate quantâ poterat, festinat ad patrem, in vrbe regia Mediomarricis, Mettise ve ægrotantem. nec multis post diebus quàm adueniat, Theodoricus decedit, Mettisque sepelitur, ut ait Herimannus Contractus in Chronico. Obiit Theodoricus III & XX regni sui, LI circiter ætatis anno, hoc est Iustiniano Aug. IV & Paullino iuniore Coss. malè enim Fredegarius & Aimoinus (nisi si exemplarium vitium est) ei XXIV regni annos attribuunt. DXXXIV

Fuit autem Theodoricus vir acer, agilis, astutus & callidus, ac bellicosus, omnium demum patris sui virtutum, vitiorumque consors, insidiosus sociis, infidus fratribus, cognatis perniciosus. quippe & Chlodomerem fraude decepit, interclusoque à Burgundionibus auxilium ferre noluit: & Chlotharium in societatem belli adscitum per summum nefas interimere voluit: atque ante paucos menses quàm decederet, Sigivaldum Ducem, propinquum suum, non ob aliud (credo) suspectum, quàm quia potens & genere propinquus erat, occidit, ut sublato viro, qui res nouas moliri poterat, firmitus filio relinqueret Regnum. Quæ facta minùs mirabitur, qui animaduernerit finitimis Regibus rarò inter se bene conuenire, ac nescio quo facto fieri, ut Reges plerumque fratres ac propinquos, etiam priuatos, nedum dignitate æquales, suspectos habeant & inuisos. A paterna pietate minimè degenerauisse Theodoricum indicio sunt Venderæ, Remigio Remorum Episcopo ab eo datæ: Gaugiacum in pago Remensi, ac Germiniacum, vel Germaniacum Theodorico Abbati collata, cuius etiam exsequias celebrauit, summis sanctitati humillimi Monachi regali fastigio. Gregorius in libello de vita Nicetij Treuironum Episcopi tradit, Theodorico Regi Nicetium tum Abba-

tem magno honori ac venerationi fuisse, propterea quòd ipsum peccantem liberè admonere ac castigare consueuerat: atque ob id Regis iussu ac decreto, & consensu populi, Treuiriæ eum Cathedræ impositum esse. Idem in libro de Vita sanctorum Patrum fanum fuisse apud Agrippinenses scribit variis donis & ornamentis refertum: in quo Franci idololatræ (nondum enim omnes facti erant Christiani) sacrificare, ac vsque ad vomitum potione & cibo repleti, & quam dolebat quisque, corporis partem sculptam è ligno ponere consueuerant. Hoc fanum, cum nemo intus esset, succensum esse à Gallo patruo suo, tum Diacono, Clericòque Palatino: qui vt ethnicos strictis gladiis persequentes euaderet, in aulam properè se abdiderit. Regem autem Theodoricum, re cognitâ, minaces & furore accensos blandis sermonibus mitigauisse, ac postea mortuo Quintiano Gallum, ex Diacono Presbyterum factum, gratis Aruernorum Episcopum designauisse, ac ciuibus eum suis epulum publicâ impensâ præbere iussisse, atque in urbem Aruernos duobus Episcopis comitatum misisse. Et hæc quidem sunt pietatis bonitatisque Theodorici argumenta certissima.

Quod verò ad rem militarem pertinet, bello eum optimum fuisse docent Albiones, Ruteni, Cadurci, ac Aruerni, Chlodouei patris imperio perdomiti; & post parentis mortem Chochilaichus Danorum Archipirata interfectus; Badericus ac Herminafridus Toringorum Reges alter post alterum fusi magnis præliis ac cæsi; totaque Toringia subacta, & in formulam redacta provincie; tam faciliè & Aruerni recepti, & Mundericus oppressus; pars denique Saxonie numquam peregrina imperia expertæ facta tributaria. Quippe cum Franci, antequam Galliam occupassent, positi essent inter Alamannos, & Saxonas, gentes nationum Germanarum validissimas, ac ne Francis quidem ipsis famâ & viribus inferiores; post domitam Galliam ne quid esset in Germania, quod timere deberent, magnâ felicitate & singulari quodam Dei beneficio accidit Chlodoueo atque Theodorico Francorum Regibus, vt Alamannos subi-

geret pater; filius Saxonibus fractis, si non omnibus, saltem finitimis tributum imponeret. Quod ex Gregorio Turonicæ Ecclesiæ Episcopo colligo, cuius in libro Historiæ IV inuenio, Chlotharium, cum *Regnum Francia*, hoc est Regnum Austræ, quod Theodebaldo mortuo acceperat, circumiret, à suis de altera defectione Saxonum cognouisse, tributa, quæ in annos singulos pendere solebant, conferre recusantium, statimque Saxoniam petiisse. cuius finibus simul ac appropinquauisset, Saxones ad eum legatos misisse, qui pacem peterent, & quæ *fratribus ac nepotibus* eius dependere consueuissent, dare paratos se esse dicerent. Vbi emendandus Gregorius, & non *fratribus*, sed *fratri, ac nepotibus* Chlotharij tributa pependisse dicendi sunt Saxones, nimirum Theodorico fratri Chlotharij, & eius filio, ac nepoti, Theodeberto, ac Theodebaldo, qui regionem Cattorum, Toringiam, alióque pagos Saxonix finitimos obtinuerunt. vt tam facili Theodoricus bellum Saxonibus inferre potuerit, quàm constat Chlodomeri, & Childeberto eius fratribus, qui in Galliis tantum regnauere, necnon Chlothario ipsi, ante Theodebaldi mortem, nullo modo cum ea gente Transfrenana rem fuisse. Nepotes autem, ætate Gregorij, fratrum & sororum filios, fratrumque ac sororum filijs genitos appellare mos erat.







HADRIANI  
VALESII  
RERVM FRANCICARVM  
LIBER OCTAVVS.



THEODEBERTI amicorum, suadentium vt ad patrem ægrotantem festinaret, & à patris metuendum esse monentium, salubre consilium, nec vanus metus fuit. Quippe Childbertus & Chlotharius Francorum Reges, quemadmodum antea Chlodomeris fratris sui filiis interemtis Regnum Aurelianense occupauerant, sic Theodeberto Theodorici fratris filio Regnum eripere conati sunt. Ex quo iudicari potuit, quid eo absente facturi fuerint, qui præsentem oppugnare non dubitauerunt. Sed experti sunt ambo facilius pupillos quàm iuuenem ætate florentem posse spoliari. cum enim iunctis viribus Theodeberto bellum intulissent, obuium cum, non minoribus copiis instructum, habuere, incertumque prælii exitum timentes, & à nouo Rege placati ac demulsi muneribus domum redire. Sic igitur Theodebertus à Primoribus Francorum sibi subiectis, quos Gregorius *Lendes* appellat, defensus, ac in paterno Regno stabilitus est. In quo iuuenis prudentiam mirari libet, qui pacem & amicitiam

patruorum auro redimere , quàm se & suos inter initia principatus pugnando in periculum coniicere maluit.

Confirmato Regno , Theodebertus , aliis Theodobertus ; aliis Theutbertus dictus , Deuteriam ex vrbe Aruernis euocauit , perductamque ab his , quos miserat , in matrimonium accepit , Childerico proauo suo magis reprehendendus. hic enim idolorum cultor , & cælebs Basinam , Bisini Toringorum Regis coniugem , duxit vxorem. ille & Christianus , & sponsus , immemor fidei datæ Wisigardi , alienam vxorem , viuo prior marito , sibi coniunxit.

Interea Childebertus , posteaquam vidit se Theodeberto nihil nocere potuisse , cum eo in gratiam redire constituit , inuitatōque per legatos vti ad se veniat , nuntiari iubet , sibi , qui muliebris tantum sexus liberos genuerit , esse in animo filij ipsum loco habere. Venit igitur Theodebertus Luteciam Parisiorum , excipiturque honorificè à patruo , & armorum , vestium , ceterorumque ornamentorum regionum , equorum quoque & catenarum ternis paribus donatur. At Gualdus Sigivaldi filius , audito Theodebertum Regni paterni potiri , ad eum ex Italia reuertit. cui Rex lætus multis osculis excepto faustum reditum gratulatus est , tertiamque partem munerum , quæ à Childeberto patruo acceperat , dedit , ac paterna bona , quæ Theodoricus in fiscum suum intulerat , restituit. *Catenas* autem videtur appellasse Gregorius torques , quod eis collum tamquam catenis innectitur , ac euincitur. quibus præ ceteris gentes Germaniæ , Cheruscos , Sueuos , & maiores Francorum Sicambros decorari consueuisse in Epitomes rerum Romanarum libro IV auctor est Annæus Florus.

Eodem anno , quo Theodoricus Francorum Rex obierat , Iustiniano Aug. IV & Paullino iuniore Coss. Athalaricus Ostrogothorum & Italorum Rex , Eutharici & Amalasuenthiæ filius , Theoderici & Audestedæ Chlodouei sororis nepos decessit , duodeuicesimum ætatis ; octauum regni annum nondum transgressus. Quo

mortuo Amalasuentha, Theoderici filia, ne sœxus & orbitas sua Ostrogothis contemptui esset timens, acciuit ex Tuscia Theodahadum, fratrem amicum suum, atque iussum fidem sibi dare seruandæ dignitatis ac primi loci, Rauennæ in Regni cum consortionem recepit. de qua electione Iustinianus Aug. & Senatus vrbis Romæ Amalasuenthæ Reginæ, ac Theodahadi Regis litteris certiores sunt facti. Hic Theodahadus, quem Græci Theudarum appellant, erat Amalafridæ, sororis Theoderici Ostrogothorum Regis, filius: homo à secta quidam Academica, & ab Ecclesiasticis Latinisque litteris non alienus, sed imbellis, timidus, & admodum avarus, itaut in Tuscia, in qua priuatus consenuerat, magnosque fundos habebat, possessiones confinibus suis per vim ablatas semel atque iterum à Theoderico auunculo, necnon postea ab Amalasuentha paullo ante Athalaricimortem restituere coactus sit. Cuius (sicuti videri volebat) iniuriæ magisquàm tanti accepti beneficij, ac datæ fidei memor, breui Amalasuentham auctorem suam Regnopulsam in insulam lacus Volsiniensis relegauit, ac post paucos dies per satellites suos in balneo strangulauit, supradictis Iustiniano Aug. IV & Paullino juniore Coss. feminam omnibus virtutibus adornatam, prudentem, seueram, paucis lites componentem, in consultando acutam, in loquendo grauem, iuris & æqui seruantem, aded vt Symmachi & Boëthij liberis bona restituerit, Liberium Patricium, Præfectum Galliarum, bene de Republica meritum suâ liberalitate ditauerit, & ad violandos Romanos nihil Ostrogothis vnquam indulserit. Eamdem, præter notitiam litterarum, Græco ac Latino sermone doctam, & linguâ Gothicâ ita vsum esse tradit Senator in libri Variarum XI epistolâ I, vt legatis externarum gentium, & hominibus suæ ditionis se interpellantibus, sine interprete auditis responderet.

Quo magis miror Gregorium Turonicum Episcopum in libro Historiæ III de Amalasuentha, omisso eius nomine, scribere: Theodericum Regem Italiæ morientem paruulam filiam, quam ex Chlodouei Regis foro-

re suscepit, superstitem reliquisse, quæ cum creuisset, & ad maturam ætatem peruenisset, contra matris voluntatem, à qua adolescenti cuidam nobili Regis filio collocanda erat, Trauuilani seruo suo nupsit, & vnà cum eo munitæ se vrbs muris incluserit. Tum matrem, posteaquam filiam frustra monuerat, vt in matrimonio sortiendi iudicium suum consiliũque sequeretur, nè diutiùs nobilitatem generis sordido contubernio fœdaret, accensam contumeliâ exercitum aduersus eam misisse, captâque vrbe Trauuilanem capite truncatum, puellam domum reductam esse, vbi matrem veneno sustulerit. Ambas autem sectam Ariam secutas ait Gregorius, adiicitque Italos indignantes mulierem Regno expulisse, & Theodahadum, quem *Theodatum Regem Tuscia* appellat, accersitum Regem salutauisse. cuius iussu Theoderici filia, parricida matris, præferuido balneo cum ancilla inclusa, & vapore eneçta perierit. Quâ cognitâ re Childebertum & Chlotharium Francorum Reges, consobrinos mulieris, ac Theodebertum, missis Rauennam legatis, Theodahado anitinæ mortem obieciisse, ac nî homicidium satisfactione lueret, Regnum se ei, ac vitam eodem mortis genere erepturos denuntiavisse, confestimque à Theodahado perterriti Laureorum millibus fuisse placatos. quam pecuniam Childebertus, vt erat præ inuidia ad decipiendum Chlotharium fratrem semper paratissimus, cum Theodeberto Theodorici fratris filio diuiserit. Chlotharium verò, thesauris Chlodomeris iniectâ manu, multo plura his, quibus à fratre fratrisque filio fraudatus fuerat, rapuisse.

Et ita quidem Gregorius de vnica Theoderici filia Amalasuentha scribit. quæ falsa esse ex eo intelligimus, quòd Amalasuentha Florentio & Anthemio 10xv. Coss. anno XII ante parentis sui obitum Eutharico nupsit, & viro primùm, deinde patre orbata, Athalarici filij sui annum circa decimum agentis tutelam gessit, Regnũque Italiæ administravit, atque vidua postea, quoad vixit, fuit. vti omnes eorum temporum Auctores tradunt. Præterea non ab Italis, sed ab Ostro-

gothis , quorum sub ditione tum Itali erant , Regem appellatum Theodahadum dicere debuit Gregorius. Quem Theodahadum , antequam in Italia regnaret , idem Regem Tusciæ vocat , vt appareat eum priuatum adhuc vulgò *Regem Tusciæ* dictitatum esse , propterea quòd magnas ea in prouincia possessiones habebat , maximamque ætatis partem , Theoderico auunculo & Athalarico regnantibus , ibidem exegerat. Vnde castrum insulæ lacus Volturniensis impositum , & Urbem Veterem loca Tusciæ munitissima elegit , quòd Rex opes omnes suas ac pecuniam inferret , castròque supradicto Amalasuentham clausit. Auðórque est Procopius , in belli Gothici libro I , Theodahadum plurimorum in Tuscia locorum ac latifundiorum dominum , cùm ab Amalasuentha Athalarici tutelam gerente finitimos possessionibus per vim expellere veraretur , & sua cuique restituere coactus esset , legatis , quos tum fortè Iustinianus ad Amalasuentham miserat , clàm pollicitum esse , Tusciam acceptâ magnâ pecuniâ & Patriciâ dignitate se in potestatem Imperatoris traditurum : quod eum facturum fuisse , & Constantinopoli reliquum vitæ acturum , nisi paullo post Athalarico mortuo , ab Amalasuentha Regina blanditiis mitigatus , & in Regni consortium receptus esset.

Ceterùm Audesteda Regina soror Chlodouei , vxor Theoderici Regis Ostrogothorum , matèrque Amalasuenthæ , siue viro superstes fuit , siue ( quod mihi verisimilius videtur ) ante eum decessit , tam Ariana esse potuit , quàm Lanthildis soror , quæ antequam Chlodoueus Christianus fieret , errorem Arianorum secuta est. præsertim cùm à fratre suo adhuc idola colente Ariano Arianaeque gentis Regi in matrimonium data sit. vt apud Cassiodorum Senatorem Theodericus ipse significat in litteris , quibus Chlodoueam Francorum Regem pro Alamannis victis profugisque deprecatur , affinem eum appellans , & *gloriosa* eius *affinitati gratulari* se dicens , quòd Alamannos victrici dextrâ subegerit. Ex quo intelligitur Audestedam ante victoriam Alamannici belli , seu ante baptizatum Chlodoueam fra-

trem suum Theoderico Ostrogothorum & Italarum Regi nupsisse. Quod & Iordanes docet, cùm scribit Theodericum, post tertium annum quàm Italiam ingressus erat, ( Probino autem & Eusebio Coss. anno <sup>cccc-xxcix.</sup> VII ante victos à Chlodoueo Alamannos Italiam ingressus est ) missis legatis ad Chlodoueam Francorum Regem Audefredam in matrimonium petiisse. quam Chlodouei filiam pro sorore falsò appellat, & à patre ad Theodericum libenter missam ait, propterea quòd existimabat eà affinitate contractà inter Ildebertum, Cheldebertum, & Tiudepertum filios suos, gentemque Gothorum fidam pacem & societatem futuram. cùm Chlodoueus vnum tum ex concubina filium Theodoricum haberet, ac vixdum Chrothildim duxisset vxorem. Quod autem ait Gregorius, Theoderici Regis Italiæ filiam *seruum suum nomine Trauuilanem accepisse*, ita intelligi debet, vt Amalasuentha dicatur non mancipium aliquod ære emtum, sed priuatum hominem, vnum è subiectis sibi Ostrogothis in torum recepisse, quem Fredegarius Scholasticus in Epitome *Traquillanem*, & *Traquilam*, ac in quibusdam codicibus *Tranquillianum* pro Traguillane appellat. Nec dubito, quin Trauila, vel Traguilla is sit, quem Boëthius in libro primo de Consolatione *Triguillam* vocat *Præpositum regie domus*, Theoderico Amalasuenthæ patre regnante. tum enim plerique vt non Melam, sed Melanem; non Attilam, sed Attilanem; non Ebbam, sed Ebbanem; sic Trauuilanem potiùs quàm Trauuilam, dicebant. Cùm verò suprà indicauerim Childebertum & Chlotharium, interemtis Chlodomeris filiis, Regnum eius inter se diuississe Iustiniano Aug. III Coss. ante Theoderici fratris sui mortem, hoc est, ante Iustiniani Aug. IV & Paullini Consulatum: miror à Gregorio dici, regnante in Italia Theodahado, & Regibus Francorum, ne Amalasuenthæ amitiæ mortem vleiscerentur, pecuniam mittente, nimirum sub finem supradicti anni, aut circa sequentis inirium Chlotharium Chlodomeris thesauris manum iniecisse. quos thesauros post Chlodomeris Regis obitum tamdiu intactos, ac ne cum Regno qui-

dem eius diuifos fuiſſe à Childeberto & Chlothario nequaquam veriſimile eſt. Quod ad pecuniam pertinet à Theodahado Oſtrogothorum Rege Francorum Regibus datam, auctor eſt Procopius in libro I belli Gothici Theodahadum, ybi Belifarium in Siciliam armatum veniſſe cognouit, legatos ad Francorum Reges miſiſſe, & promiſſâ parte Galliarum ſibi ſubiectâ, nimirum Proinciâ, ac oblatiſ XX *auri centenariis*, hoc eſt auri librarum millibus duobus, ad fœdus ſocietatémque belli eos inuitauifſe. quod priuſquam fieret, Theodahadum periſſe, atque morte Regis conditiones pacis eſſe ruptas. Ex quo apparet Theodahadum Francorum Regibus pecuniam promiſiſſe tantum, non & dediſſe, nec tanquam multam, quâ cædem Amalaſuenthæ eorum conſobrinæ lueret, promiſiſſe, ſed velut ad ineundum fœdus quibuſlibet verbis efficacius incitamentum.

Mors Amalaſuenthæ Reginæ grauiffimum bellum excitauit. quippe Iuſtinianus Aug. cui ſe illa non ſemel commendauerat, & cuius in poteſtatem Italiam viuo Athalarico filio tradere voluerat, facinus vindicare conſtituit, ſperans tam facile Italiam quàm Afriacam ſe Imperio Romano reſtituturum, & eodem duce belli Gothici ob Amalaſuentham ſuſcepti eundem; quem Vandalici pro Hilderici Regis cæde illati, euentum futurum. Igitur Flauium Belifarium, Ducem pruden-  
 10XXXV. tiæ ac felicitatis expertæ, tum Conſulem, cum claſſe in Siciliam; & legatos in Galliam ad Reges Francorum cum litteris miſit. quarum caput erat, Oſtrogothos Italiam, primam ſedem ac nobiliſſimum membrum Imperij Romani, vi & armis captam non modò reſtituere ſibi nolle, ſed etiam intolerabilia & iniqua amiſiſſe. quibus iniuriis ſe ad arma compulſum eſſe. decere ipſos, quibus eadem Fides hæreſi Arianz contraria, & par odium in Oſtrogothos ſit, aduerſus communem hoſtem bellum coniungere. Vnâ cum litteris pecunia Francorum Regibus à Iuſtiniano Aug. redditur, maiôrque ſumma promittitur, poſtquam Romanis auxilium ferre cœpiſſent. Illi lætis litteris, acce-

præque pecuniâ cum Imperatore societatem iungunt, & impigrè Ostrogothis bellum illaturos se pollicentur. Interea Fl. Belisarius Consul, haud pluribus quàm VII armatorum millibus ac quingentis aduersum ducenta circiter hostium millia instructus, Siciliam petit, Catinam capit, Ostrogothis eum Duce suo Sinderito fufis, & in deditionem acceptis; Syracusas & Panormum, omnemque insulam occupat, reuersusque Syracusas nouissimo die Consulatus sui, ibidem magistratu abiit, auro in milites suos, prouincialesque plaudentes sparsit. Eodem anno Dalmatiam & Liburniam Constantianus pulsus Ostrogothis in ditionem Imperatoris redegit. vt in libro I belli Gothici tradit Procopius, Belisarij Scipionis sui Polybius, quem vsque ad Teiz Regis cædem de eo bello scribentem secuturi sumus.

Theodahadus Ostrogothorum Rex, postquam misso ad Iustinianum Agapeto vrbis Romæ Episcopo frustra bellum deprecatus erat, amisâ Siciliâ & Dalmatiâ è veterino expergeseri, & de Regno defendendo cogitare cœpit. Generum habebat Ebremudem, cui Theodenandam filiam suam in matrimonium dederat. Hunc post Consulatum Belisarij ad tuendum Fretum, Rhegiumque opidum cum exercitu mittit. Quò simul ac Ebremud venit, relicto in Bruttii exercitu, vtrò ad Belisarium in Siciliam cum fidissimis famulis transit, missusque Constantinopolim, mox Patriciâ dignitate ab Imperatore honoratur, vt Duces Ostrogothorum, ac Optimates spe huiusmodi præmiorum ad deditionem inuitarentur. Igitur Belisarius ex Consule ac Patricius receptâ Siciliâ, & præfidiis Syracusis ac Panormi collocatis, copias in Italiam traducit: Bruttios & Lucaniam victor peragrat: dedentibus se sponte, quaquà iret, prouincialibus, quibus opida sine muris præfidiisque erant. inde in Campaniam peruenit, Neapolim terrâ marique obsessam, noctu intromissis per aquæductum militibus, inuadit & diripit, ac magnam cædem opidanorum facit. Tum Theodahadus exercitum in Campaniam aduersus Belisarium misit, ei que Vitigem Armigerum antea suum præposuit, virum bello magis



quàm genere illustrem. Erant Ostrogothi admodum infensi Theodahado, quem cædes Amalasuenthæ, & auaritia inuisum, transitio Ebre mudis generi sui, ac desidia suspectum faciebat. quamobrem vbi in Campos Barbaricos (hoc loco nomen est) venêre, Vitigem ducem suum scuto impositum Regem appellauêre. Is confestim Theodahadum, qui Româ Rauennam profugiebat, iugulari, ac Theodegisclum, eius filium tradi in custodiam iubet, atque Romæ præsidio IV millium Ostrogothorum posito; Siluerio Episcopo, & Senatu populôque Romano adiurandum adactis, Rauennam proficiscitur, magnas Ostrogothorum copias, ac plurimos obsidum loco secum Senatores ducens. Ibi priuatâ coniuge repudiatâ, Matafuentham, Amalasuenthæ filiam, Theoderici neptem, sororem Athalarici, virginem tempestiuam, firmandi Regni causâ, inuitam matrimonio sibi adiunxit: potitûsque opibus Theodahadi, quæ in insula lacus Volliniensis, & in Vrbeuere cumulatæ seruebantur, omnes Ostrogothos, exceptis qui in Prouincia Francis oppositi erant, Rauennam conuocauit: arma & equos cuique distribuit. Cùmque Vitigis Ostrogothorum multos & fortissimos, qui Marciâ Duce Prouinciâ Galliæ tuebantur, nisi pace cum Francis factâ tutò euocare non posset, eosdémque nequaquam Francis pares futuros intelligeret, si ipse in Belisarium omnes copias conuertisset, Galliam & Italiam vastaturis; primores gentis conuocatos docuit, cetera quidem bello necessaria summâ industriâ parata esse, sed nihil sibi aduersus Francos prouisum, quibus Ostrogothos, dum ab alio hoste otium erat, magno cum rerum virorûmque fortium damno utcumque hætenus obstitisse: nunc bellum Romanum, & *non minus Romano Francicum*, vno eodémque tempore sustinere non posse. pacem igitur cum Francis fieri oportere, ne cum Belisario Duce Romanorum iuncto fœdere arma consocient, & quemadmodum fieri solet, in communis hostis exitium gentes ambæ consentiant. quod si contigerit, Ostrogothos, siue copias diuiserint, siue iunxerint, ab vtriusque victum iri. satius itaque esse necessitati pare-

re, & Francis Prouinciã, pecuniãque, quantũcumque eis vnã cum Prouincia Theodahadus promiserat, dare, vt amici ex hostibus facti non solum vetera in Ostrogothos odia deponant, sed etiam belli cum ipsis societatem iungant. Prouinciã quidem, victis & expulsiſ Italiã Romanis, faciliẽ postea à victoribus recipi posse. Consilium Vitigis Regis Seniores Ostrogothorum vnã voce probauere. Mittuntur ergo confestim ad Francos à Vitige legati, qui Prouincia & XX auri centenariis datis eorum societatem redimant. Regnabant tum in Francia Childebertus, Chlotharius, & Theodbertus, Procopio Ildibertus, Theudibertus, & Cloadarius dicti, qui Prouinciã pecuniãque acceptam inter se pro cuiusque Regni portione diuisere, atque Ostrogothis se & amicos maximẽ futuros, & auxilia non quidem Francorum, sed aliarum subiectarum sibi nationum clam missuros promiserẽ, professi fieri non posse, vt palam & apertẽ cum eis societatem iungant contra Romanos, quam paullo antẽ cum Imperatore inierint. Sic legati re, ob quam missi erant, confecta, Rauennam redeunt, & Marcia, postquam de opidis Prouinciæ præsidia deduxerat, copias omnes, quibus præerat, iussu Regis eodem reducit. Addit Procopius in belli Gothici libro III concessionem hanc Prouinciæ Galliæ non modò ab Romanis minimẽ interpellatam, verum contra postulantibus Francis (hoc est Francorum Regibus) ab Imperatore Iustiniano ideò litteris confirmatam esse, vt tanto beneficio obligati Romanos cum Ostrogothis bellantes non oppugnarent. Quippe Francos Prouinciã se tutò possessuros nequaquam existimauisse, nisi Imperator donationem suis litteris comprobauisset. Ex eo tempore Francorum Reges Massiliam Græcorum, & omnia maritima loca, marisque Gallici imperium obtinuisse, & in vrbe Arelato Circensibus præsidere. præterea nummos aureos ex auro Gallico percutere, suoque eos, non autem Imperatoris (vt fieri solet) vultu signare. quod ne Persarum quidem Regi, nedum vllis aliis quarumlibet gentium Barbararum Regibus liceat: cum etiam ipsi inter sese Bar-

bari auream monetam nisi Imperatoris imagine signatam in commerciis non probent. Quæ in gratiam Iustiniani à Procopio ficta esse mihi videntur. vt enim concedam Francorum Reges timere potuisse, ne Iustinus Aug. post occupatum Ostrogothicum Regnum, Prouinciã Galliarum, quæ pars eius fuisset, bello repperet: (vti postea Saraceni Africani & Mauri, subactis in Hispania Vefigothis, Septimaniam ob eandem causam sibi vindicare conati sunt) tamen existimo eos domesticis viribus magis quàm alienis diplomatis confidisse. Nummos quidem Gothicos veteres electrinos vidisse se ait V. C. Iacobus Sirmundus adeò pallidos, vt auri minus eis inesse putetur, quàm argenti, Regum tamen Vefigothorum effigie signatos, atque habere se Theodeberti Francorum Regis nummum aureum exiguum, sed sincerum & incorruptum, nota atque nomine *Domini Theodeberti C.* insignem. & nummum aureum profert Cæsar Baronius *Dn. Theodahati* Regis vultu signatum. Ex quo intelligitur non Francos solos, verum etiam Vefigothos, & Ostrogothos, atque adeo plerisque alios Barbaros aurum Regum suorum vultu signauisse. neque enim dubito, quin vt Vefigothi in Hispania, Ostrogothi in Italia, sic Vandali in Africa, Burgundiones in Gallia, Gipedes in Dacia tam aureos quàm argenteos domesticorum Regum nota percusserint. Et quoniam Gothicorum, seu Vefigothicorum nummorum suprà facta est mentio, in transcurso notare conuenit (id quod Auitus Viennensis Episcopus in epistola ad Apollinarem Episcopum, & Gundobadus Rex in codice Legum Burgundionum scribunt) Alaricum posteriorem, Vefigothorum Regum primum aureos adulterauisse, atque æs auro miscuisse. quamobrem Gundobadus omne aurum iusti ponderis accipere iubet *præter IV tantum monetas*, nimirum solidos Placidi *Valentiniani A*; & *Geneuenses*, Chilperici videlicet patris sui, & Godegisili fratris Geneuensium Regum iussu percussos; ac *Gothicos, qui à tempore Alarici Regis aduersati sunt*; atque *Ardaricanos*, hoc est Ardarici Regis Gipedum nummos.

Sic

Sic igitur Prouincia Indictione XIV post Consulat-  
 um Belisarij, vti antea Theoderici Regis auspicijs à  
 Vesigothis ad Ostrogothos, ita ab Ostrogothis ad Fran-  
 cos translata est: & Francorum Reges, qui alias omnes  
 Galliarum prouincias armis occupauerant, bellòque  
 domuerant, eam vnā conditionibus iuris sui fecere,  
 atque ab Rege Vitige dono datam accepere: ac totam  
 Galliam præter Septimaniam, quæ Vesigothorum erat,  
 atque Britanniam Armoricam vel citeriorem obtinere.  
 Prouinciam voco, sicuti Senator, & Auitus Viennensis  
 Episcopus, regionem eam, quam Procopius in  
 belli Gothici libro primo, & tertio, modò *partem Gal-  
 liae ad Gothos*, hoc est ad Ostrogothos, *pertinentem*;  
 modò *Gallias Germanias*, id est Francis, *finitimas*; non-  
 numquam *Gallias Gothis subiectas*; sæpiùs *Gallias* sim-  
 pliciter, quemadmodum & Senator; item *Gallias citra  
 Rhodanum* appellat, *Galliis ultra Rhodanum*, nimirum  
 Septimanix proximas. Continebat autem Prouincia  
 supradicta prouinciam Narbonensem II, dimidium prou-  
 inciæ Viennensis, & totum ferè Alpium Maritimarum  
 tractum. Sed iam paullo antè partem eius interio-  
 rem, & à mari remotam, quæ Burgundici Regni fue-  
 rat, fuso fugatòque Godomaro Childebertus & Chlo-  
 tharius Francorum Reges cum omni Burgundia occu-  
 pauerant: reliquam partem Prouinciæ, quæ Ostrogo-  
 this parebat, ita vt dixi, à Vitige datam accepere: vi-  
 delicet opida cùm ripensia, tum maritima, Auenionem,  
 Tarasconem, Arclatum, Fossas Marianas, Massiliam Græ-  
 corum, Citharistam, Taurentum, Telonem Martium,  
 Olbiam, Forum Iulij, Leronem & Lerinum insulas, An-  
 tipolim, Cemenelium, Nicæam, & vrbes mediterraneas,  
 Aquas Sextias, Reios Apollinares, Diniam, Sanitium,  
 Vintium, & Glannateuam. Cemenelium quidem & Ni-  
 cæam, duas Sedes vni dudum Antistiti attributas, vrbes  
 fuisse eius partis Prouinciæ, quæ intra XXIX annos à Ve-  
 sigothis ad Ostrogothos, ab illis ad Francos translata est,  
 indicat Magnus Episcopus *Ecclesia Cemelensis & Nicensis*,  
 alibi dictus *Episcopus Ecclesia Cemelensis*, id est Cemenen-  
 lensis, qui Concilio Aurelianensi V, & Synodo Arelatenfi

quintæ iussu Domini Childeberti Regis habitæ interfuit:  
 & Catullinus *Episcopus à Nicaea*, qui Domino Gûthram-  
 no regnante statutis Cœcilij Maficonensis II subscripsit,  
 atque Gregorius in libri VI capite VI. Ex his Prouinciæ  
 vrbibus à Vitige genti Francorum datis duas tantum,  
 nimirum Massiliam Ionum coloniam, & Arelatum, su-  
 præ commemorat Procopius: cùm ait ex eo tempore  
 Francorum Reges Massiliam Græcorum, & omnia ma-  
 ritima loca, (Id est oram omnem Galliæ ab ostiis Rho-  
 dani ad Alpes Maritimas vsque promissam) marisque  
 Gallici imperium obtinere, & in vrbe Arelato Circen-  
 sibus præsidere, atque nummum aureum ex metallo  
 Gallico ferire. propterea quod Arelatum atque Massi-  
 lia clarissimæ & opulentissimæ Prouinciæ vrbes erant,  
 adeò vt pars Prouinciæ, *Arelatensis Prouincia*; pars,  
*Prouincia Massiliensis* appellaretur, quemadmodum a-  
 pud Gregorium Turonicum Episcopum, & in libro de  
 vita Consortiæ vocatur. è quibus Arelatum in primis,  
 in diuisione Prouinciæ inter Francorum Reges, Chil-  
 deberto sorte obuuisse docent litteræ Vigilij Papæ ad  
 Auxanum Arelatensem Episcopum, & ad Aurelianum  
 eius successorem, & epistola Pelagij vrbis Romæ Epi-  
 scopi ad Dominum gloriosissimum ac præcellentissi-  
 mum Childebertum Regem, in qua scribit se com-  
 mendatione eius & suffragatione motum, Sapaudo  
 Arelatensi Episcopo vsum pallij concessisse. vt omittam  
 Cyprianum in libro de vita Cæsarij Arelatensem Epi-  
 scopi & præceptoris sui affirmantem Arelatum, cùm  
 ipse de Cæsario scribebat, clarissimo Regi Childeberto  
 paruissè: & quod ait Gregorius Magnus in epistola ad  
 Vigilium Arelatensem Episcopum, Childebertum Fran-  
 corum Regem, Catholicæ Religionis amore incensum,  
 Arelati Monasterium virorum exstruxisse, donationem-  
 que rerum huic loco collatarum Vigilij Papæ decreto  
 confirmandam, ac priuilegiis augendam curauisse. Ea-  
 dem vrbis, stante Occidentis Imperio, vt commercio,  
 ita officina monetæ, & Circo, crebrisque ludorum Cir-  
 censium spectaculis clara fuerat & illustris. Vnde in  
 Notitia prouinciarum Imperij Romani *Procuratorum*

*moneta Lugdunensis, moneta Arelatensis, & moneta Treu-  
 rorum* fit mentio. & Episcopi Prouinciæ, in libello Leo-  
 ni Papæ oblato de renouando Ecclesiæ Arelatensis pri-  
 uilegio, aiunt, *quicumque intra Gallias iam inde à Con-  
 stantino Maximo & Valentiniano ostentare voluit insi-  
 gnia dignitatis, in hac vrbe, matre omnium Galliarum,  
 Consulatum accepisse, & dedisse*, hoc est Consulatum  
 Circensibus celebrauisse. & apud Ammianum Marcel-  
 linum dicitur Constantius Aug. Constantini Principis  
 filius ob tricesimum imperij sui annum Arelati thea-  
 trales ludos, & Circenses ambizioso apparatu edidisse,  
 ibidemque proximis Kalendis Ianuariis septimum Con-  
 sulatum iniisse, & ex more ludos Circenses fecisse. Ea-  
 dem in vrbe, Seuerino Consule, præsentè Maioriano ccccxvi  
 Aug. Circensium spectaculum editum auctor est Apol-  
 linaris Sidonius in epistola ad Montium. Quæ fuit for-  
 sitan causa, quare Procopius, ratus Arelati suâ ætate  
 eadem omnia facta esse, quæ stante Occidentali Impe-  
 rio fieri consueuerant, haud dubitavit affirmare Fran-  
 corum Reges, post acceptam à Vitige Ostrogothorum  
 Rege Prouinciã, Arelati Circenses dedisse, & aureum  
 nummum tum primùm percutere, ac suâ imagine sig-  
 gnare cœpisse. Vbi vult intelligi Procopius facultatem  
 auri ita signandi Francorum Regibus datam esse ab Im-  
 peratore Iustiniano eisdem diplomatis, quibus dona-  
 tio Prouinciæ comprobata est. De Circis verò & Cir-  
 censibus in Occidente post occasum Imperij Romani  
 mentionem faciunt Auctor Appendicis Chronico Vi-  
 ctoris Tununensis Episcopi adiunctæ, & Gregorius  
 Turonicæ Ecclesiæ Episcopus. è quibus Auctor Ap-  
 pendicis Cethego V. C. Cos. Alarico in Gallia & Hi-  
 spania regnante, *Casaraugusta Circum spectatum* dicit.  
 (sic Circenses vocat) Gregorius in libro v, vnâque  
 Aimoinus produnt Chilpericum Francorum Regem,  
 Chlotharij maioris filium, *apud Suefionas & Parisios*,  
 vrbes regias, *Circos adificauisse, eosque populo spectacu-  
 lum prabuisse.*

Ceterùm notandum est, non Prouinciã solùm cum  
 pecunia, quam diximus, à Vitige Francorum Regibus,

Childeberto, Chlothario, ac Theodeberto datam esse, sed etiam partem Alamannorum eam, quæ post prælium Tolbiacense ad Theodericum Regem perfugerat, & annis XL in Italia sub trium Ostrogothorum Regum imperio fuerat. Sic enim Agathias in primo Historiæ libro scribit : post obitum Theoderici, qui non ( vt falsò ait ) *totam gentem Alamannorum*, occupatâ Italiâ, *subegerat, tributariâmq; fecerat*, sed tantùm partem gentis profugam & supplicem in finibus Italiæ collocauerat, bellum inter Romanos & Ostrogothos maximum ortum esse. Tum Ostrogothos, vt Francorum sibi amicitiam conciliarent, & *multis aliis locis*, ( nimirum opidis Prouinciæ ) cessisse, & gentem Alamannorum, tamquam superuacaneam, & parum vtilem dimisisse, necessitatique paruissse, quippe qui intellexerent iam non de gloria, sed de salute totis viribus sibi esse pugnandum. Eum in modum Theodebertum Francorum Regem dimissam ab Ostrogothis Alamannorum nationem *subegisse*, atque *domuisse*. Ita loquitur Agathias, vt indicare videatur partem eam Alamannorum, quam Vitigis Ostrogothorum Rex in Francorum gratiam dimisit, & Italia excedere, ac in regiones suas Theodeberto subiectas reuerti coëgit, à Theodeberto Rege nonnisi vi & armis in ditionem potestatemque suam redactam esse. Alamanni igitur omnes postea Francorum Austrasiorum Regibus paruere, quibus Dux præerat regiæ stirpis, à Rege Francorum constitutus. In Legibus Alamannorum inuenio Ducem nonnumquam *Dominum* vocari, & res, quæ ad eum pertinebant, *res Dominicas* dici: aulam quoque Ducis, *Curtem Ducis*, seu Chortem eodem, quo Palatium Regis, nomine appellari. pecuniâ, exsilio, morte multare Duci permillum fuisse. si quis eius sigillum, aut mandatum, aut signum neglexisset, non impune tulisse. In eodem Codice Legum, Dux, qui exercitum ducere, equum conscendere, & adhuc esse Regi utilis potest, filium rebellem, & *Regnum* suum ( hoc est Ducatum ) armis occupare conantem si vicerit, & ceperit, expellere eum prouinciâ iubetur, & *Regi Domino suo*, aut

cuiuslibet alij mittere, paternâ hereditate excludendum, quam reliqui Ducis filij post patris obitum *voluntate Regis* inter se sint diuisuri. itaut si Dux moriens non alium, quàm hunc rebellem, filium reliquerit superstitem, aut ei ipsi, dummodò fideli & præclara opera veniam restitutionemque mereatur, aut cui volet alij Ducatum dandi Rex habeat potestatem. Ibidem nemini, præterquàm ei, qui à Duce iudex fuerit constitutus, ius dicere permittitur : & libero liberum *apud Regem, aut Ducem* capitis arcessere licet.

Dum Vitigis Ostrogothorum Rex datâ Prouinciâ, dimissisque Alamannis, pacem ac societatem Regum Francorum redimit, & in cogendis omnibus copiis occupatus Rauennæ moratur : Romani casu Neapolitanorum territi, præsidium Barbarorum ex Vrbe expellunt, Belisariumque cum exercitu Imperatoris recipiunt, post annos LX, quàm ab Odoacre Roma capta fuerat. Potitus est vrbe Roma Iustinianus Aug. Indictione XIV post Consulatum Belisarij. Eodem tempore Calabri & Apuli, qui nullis Ostrogothorum prædiis tenebantur, se suâque omnia vltro Belisario dederunt. Pitza quoque Ostrogothus sese cum manu popularium, & dimidiâ parte Samnij maritimi, cui præerat, eidem permisit. Bessam similiter missum à Belisario Narnienses; Constantinum, vel Constantianum Spoleetini, ac Perusini, finitimique Tusci opidis suis receperê. & Hunila Dux à Constantino apud Perusiam interfectis Ostrogothorum millibus VII captus est. Tot acceptis incommodis Vitigis tandem Rauennâ proficiscitur, cum armatis millibus non minùs centum & quinquaginta, Belisariumque obsidet Romæ. pugnatum est ad Urbem sexagies septies : & omnia Barbari frustra experti. Quamobrem Vitigis Rex, vbi ab auxiliis Belisario missis Ioanne duce vastatum Picenum, Vlitheum fusum acie & cæsum, Ariminum captum cognouit, Rauennæ regis suæ timens, post annum & dies nouem obsidionem soluit Indictione XV iterum post Consulatum Belisarij, Ariminumque, cui Ioannes Magister militum præerat, obsedit. auditoque Belis-



rium, rogatum à Datio Mediolanensium Episcopo primisque opidanorum, missò cum paucis Mundila Duce Mediolanum, Bergomum, Comum, Nouariam, ac ple-ramque Liguriam recepisse, confestim Oraiam cum magno exercitu aduersus eum misit. Theodebertus quoque Francorum Rex in Italiam proficisci, & Oraia ad- iungi iussit hominum millia decem, non Francorum, sed Burgundionum: ne initam cum Romanis societa- tem diremisse, & Imperatori iniuriam facere videretur, Burgundiones volentes & suâ sponte, non ipsius iussu auxilium Ostrogothis contra Romanos tulisse præ- texturus. Hisce Burgundionibus iuncti Ostrogothi Oraia ducè Mediolanum, urbem magnitudine, frequen- tia opidanorum, & diuitiis vni ex omnibus Occidentis urbibus Romæ secundam, cui Mundila cum trecento- rum tantum militum præsidio præerat, oppugnauère: vt scribit Procopius.

Hic notare in primis conuenit, quod ait Procopius in belli Gothici libro secundo, Theodebertum Fran- corum Regem Burgundionum millia X Oraia misisse. Quippe aut Theodebertum pro Childeberto appella- uit Procopius: ( vt suprâ indicauimus, Amalarici Veligo- thorum Regis coniugem, quæ soror Childeberti erat, Theodeberti Francorum Regis sororem ab eodem di- ci ) aut si hoc de Theodeberto non falsò scripsit, fa- tendum est Childebertum & Chlorharium, pace cum Theodeberto Rege fratris sui filio factâ, partem ei ali- quam Burgundiæ dedisse. Theodebertum autem Pro- copius, eiusque filium, ac patruos modò Θεοδεβέρτου πατρίας, aut πατρίας; modò Θεοδεβέρτου, vel Θεοδεβέρτου, nusquam βασι- λεις appellat: tamquam hoc nomen soli Imperatori con- ueniat, quod tamen & ipse aliis sæpe gentium Barbararum Regulis tribuit, & Eunapius, Pænius, Pri- scus, Zosimus, Agathias, Menander, aliisque Franco- rum, & Chamauorum, ac Saliorum, Francicarum na- tionum, Regibus non inuiderunt. Porro tamen Childe- bertus, Chlotharius, & Theodebertus Francorum Re- ges utilis magis quàm honesti rationem habuère, cum Romanis contra Ostrogothos, & Ostrogothis contra

Romanos se auxilia missuros promissere, & ab utrisque pecuniam accepere: tamen prudenter eos fecisse nemo inficiabitur, quod semel tantum Ostrogothos parvis auxiliis, & nullis Romanos militibus iuuerint: quippe Romanos, si Italiam occupauissent, quanto potentiores Ostrogothis, tanto grauiores futuros sibi finitimos intelligebant, & Ostrogothis diuturno bello defatigatis & attritis, prouincias Italiæ finitimas Galliæ, facile se occupaturos confidebant.

Indictione I, Ioanne Cos. vel (vt subscriptio epistolæ <sup>15xxviii.</sup> Vigilij Papæ ad Euthereum Episcopum docet) Volusiano & Ioanne Coss. Fl. Belisarius adiunctus apud Firmum copiis, quas Narses eunuchus Comes thesaurorum ex vrbe Constantinopoli adduxerat, Ariminensibus à Vitige obsessis auxilium ferre contendit. cuius aduentu adeò territi sunt Ostrogothi, vt confestim Ra-uennam fugâ petierint. At non Mediolanensium, qui ab Oraia oppugnabantur, fortuna eadem fuit. nam Martinus Magister militum, à Belisario eis missus auxilio, cum ad Padum peruenisset, ibi substitit, & metu Ostrogothorum atque Burgundionum, quibus impares numero copias habebat, flumen transire non est ausus. Quamobrem milites, postquam caninâ & murina vitam tolerauerant, pacti sibi incolumitatem, inuito Mundilâ Præfecto præsidij, Mediolanum dederunt. Erant Ostrogothi Mediolanensibus ob defectionem admodum infensi. itaque muris funditus dirutis, vrbs direpta: opidani puberes omnes interfecti: Senatores, & Presbyteri, alique, qui in Ecclesias confugerant, ad altaria trucidati. trecenta ibi millia hominum occisa auctor est Procopius, & mulieres ab Ostrogothis in seruitutem abductas, atque Burgundionibus præmium societatis datas, Mundilam Paullumque cum præsidio in custodiam traditos, omnemque Liguriam, hoc est regionem Transpadanam, ab eis recuperatam esse. Insequenti anno, Apione V. C. solo Consule, Belisarius Cy- <sup>15xxix.</sup> prianum & Iustinum cum copiis ad obsidendas Fesulas; Martinum & Ioannem Dertonam ad obseruandum Oraiam misit: ipse cum vndecim armatorum milibus

Auximum Picensi metropolim oppugnare instituit.

Ita Romanis Ostrogothisque bellantibus, & alteris defessis, alteris fractis; Theodebertus Francorum Rex magnam se partem Italiæ facile occupaturum credens, Apione Consule, in Italiam transgreditur. Quânam Alpes transierit, & quantas copias habuerit, non constat. Procopius in libro II belli Gothici centum ei millia perditum, ense & clypeo ac securi armatorum, equites hastatos circum se perpauos; Iordanes in libro de successione Regnorum, ac Frecculfus plus ducenta millia fuisse scribunt. Cum eo exercitu Theodebertus, superatis Alpibus, in regionem Transpadanam peruenit, quæ provincia dudum, nescio quam ob causam, Liguria appellari cœpta erat: veritusque ne transitu Padi prohiberetur ab Ostrogothis, per Liguriam sine maleficio iter fecit: lætis aduentu Francorum Barbaris, & spe certæ facilisque ex Romanis victoriæ iam elatis. Infra Ticinum opidum, non longè à confluente Ticini & Padi, pons erat Pado flumini impositus: quem postquam tenuere Franci, coniuges liberósque Ostrogothorum obuios interfecere, & de ponte præcipitauerunt: ac Barbaris, à quibus deducti, & comœatu adiuti fuerant; tantum eo facto terrorem incussere, ut in opidum sese celeri fugâ receperint. Procopius, vir hostilis in Francos odij ac maleuolentiæ, hanc eandem, Saxonibus, Toringisve, aut Alamannis Theodebertum sequentibus magis quàm Francis conuenientem, inuidioso nomine sacrificium vocat: affirmatque Francos, licet tum Christiani fuerint, nondum abolitâ veteri superstitione ac feritate, homines aliâque animalia immolauisse, & ita vaticinari consueuisse. quod Ennodius Ticinensis Episcopus, in libro de vita Antonij Monachi, Francos quidem fecisse, sed adhuc idololatrias scribit. Theodebertus, traducto Padum exercitu, ad Oraiam Ostrogothorum Ducem, qui circa flumen cum lectissimis copiis confederat, contendit. Hunc Ostrogothi pacti memoriam ad arma secum consocianda venire arbitrabantur. Francos itaque primò raros, & pacatis similes, castris suis appropinquantes læti spectabant: deinde ut confertos

fertos vndique circumfundi , & secures vibrare viderunt, re improvisâ perturbati , multis suorum amissis, terga vertere , & per medios Romanos perrumpendo, Rauennam versùs fugam capeffiuère. Romani, Martino & Ioanne ducibus, castra Ostrogothorum castris opposita habebant. fugientes igitur eos conspicati, à Belisario pulsos acie, & castris exutos fuisse; Belisariùmque in auxilium sibi venire crediderunt. cui dum capris celeriter armis occurrere , & adiungi properant , in Theodebertum inopinantes incidunt , & contra voluntatem suam manus conferere coguntur , fusique fugâ Tusciam petunt. vbi tandem confirmatis animis Belisarium, qui tum Auximum agri Piceni opidum munitissimum oppugnabat, de omni re certiores faciunt. Sic Franci, Ostrogothis ac Romanis deuictis , vtrùmq; castris vacuis sunt potiti , & quæ ibi inuenerant celeriter consumsère. quarecùm, quacumque per provinciam Æmiliam ibant , desertos vicos offenderent, & præter boues ac aquam Padi nihil reliquisset, complures solutione alui & dysenteriâ oppressi, inopiâ ingrauescentibus morbis , intra paucos dies perière. propterea quòd stomachus aquâ frigescens bubulam concoquere non poterat. Theodebertus , non minùs tertiâ parte militum ex valetudine amissâ; ceteros, quibus ad progrediendum vires deerant , quiete refouendos ratus, in eo loco vbi erat consistere statuit. At Belisarius, cognito Theodeberti aduentu, & Martini, ac Ioannis acie victorum fugâ compertâ, cùm omnibus suis copiis , tum maximè Fesulas obsidentibus timens, ( hoc enim opidum subiectum est Apennino monti , qui Etruriam ab Æmilia discludit ) ad Theodebertum epistolam scripsit , cuius summa erat. Nemini priuato ne humillimo quidem, qui modò nonnihil virtutis, & aliquam existimationis suæ rationem habeat , nedum tot gentium ac nationum Regi periurium, ac violationem fidei conuenire: eoque magis se mirari ipsum, qui societatem belli cum Romanis inierit, non solum nulla eisdem auxilia misisse; sed etiam nunc apertè bellum inferre : grauique iniuriâ , quam vlcisci facile possit,



guriam, Æmiliamque depopulatum dicit, eiusque copias morbis ex mutatione cæli contractis valde extenuatas fuisse. Gregorius Theodebertum transgressum in Italiam ad Ticinum opidum venisse prodit, ibique *multum adquisivisse*, hoc est, multa loca præsidii occupavisse: sed quod hæc regio Septemtrionalibus gentibus non est salubris, multis suorum vi febrium amissis, ex ea reuertisse, ingentemque prædam domum retulisse. Vnde & apud Fredegarium dicitur Theodebertus maritima Italiæ, hoc est, Alpes Cortias provinciam Italiæ, vastavisse, Narsemque Patricium (quod falsum est) fugavisse. Equidem non possum non mirari scriptorem rerum nostrarum, omnium post Gregorium vetustissimum, Adonemque & Reginonem, qui à Theodeberto maximam partem Italiæ vastatam, & Langobardis proelio victis stipendium impositum aiunt. cum Waco Theodeberti ipsius socer tum regnum in Langobardis obtinuerit, & anno demum tricesimo post Apionis Consulatum, Alboino regnante, Langobardi Italiam occupaverint.

Eodem Apione Consule anno quinto belli Gothici, Belisarius, postquam Fefulas & Auximum ceperat, ultimum bello manum impositurus, omnibus copiis Ravennæ Vitigem obsedit. Quo cognito Childebertus, Chlotharius, & Theodebertus Francorum Reges legatos ad Vitigem mittunt, qui dicerent ipsos ægrè ferre, quod à Romanis oppugnaretur, & Belisarij opprimendi causâ hominum fortissimorum millia quingenta in Italiam adducere paratos esse: dummodò eos Vitigis ut belli, sic Regni societate coniunctos habere, & Italiæ ex æquo secum imperitare vellet, caueret, ne occultis Romanorum dolis magis, quàm apertæ Francorum in se benevolentia, confidendum putaret. Belisarium, quoniam duobus hostibus imparem se futurum videat, missis legatis id agere, ut Vitigem abalienatum à fidelissimis sociis, nudum ac destitutum facilius vincat: quo cum si Ostrogothi contra Francos arma consociaverint, non tam virium ipsos quàm cladis ei accessionem fore. Tum introducti Belisarij legati, qui eodem

tempore Rauennam ad dissuadendum foedus venerant, dixere: immensam illam multitudinem, cuius mentione percussos Ostrogothos Franci sibi adiungere conentur, eo minus Romanis terrori esse, quo certiùs sciant maiores his copias breui ab Imperatore cogi posse, spemque victoriæ non in numero, sed in virtute reponi oportere. Debere Vitigem perfidiæ Francorum, & accepti paullo antè circa Padum incommodi reminisci, & secundum foedus nec priore sanctiùs seruatum iri, nec sibi vtilius futurum esse existimare: ne eisdem artibus circumuentus pereat, quibus Toringorum, ac Burgundionum Reges decepti fuerint. Hac oratione persuasum est Vitigi naturâ simplici, vt Francos re infectâ dimitteret, atque consilium à versuto hoste datum sequeretur. Et ille mox sine pugna, cum maiorem Romanis haberet exercitum, infelix & vecors Belisario se dedit, atque cum Matasuentha Regina, Optimatibusque Ostrogothorum, à Belisario Constantinopolim abductus est, ex Rege Patricius futurus: eoque simul suppellex regia, & pecunia deportata: Bessæ Patricio, ac Ioanni Magistro militum Italiæ cura mandata. At in Vitigis locum Ostrogothi apud Ticinum opidum Liguriæ Heldebadum, Præfectum præsidij Veronenfis, Rëgem creauere. Hæc Procopius anno V belli Gothici, hoc est Apione Cos. Auctor autem Appendicis Chronico Marcellini adiunctæ, & Marius in Chronico anno insequenti Iustino Cos. gesta esse dicunt.

DXXXIX

DXXL

Theodebertus Francorum Rex, oblitus sponsæ suæ Wisigardis, Deuteriam in matrimonium acceperat. quod cum Optimates Seniorésque Francorum ferre non possent, in vnum coniuncti Regem adeunt, quaruntque ab eo, quid ita Wisigardim sponsam aspernetur. quâ re commotus Theodebertus cum Deuteria, ex qua Theodebaldum susceperat, diuortium fecit, & Wisigardim VII anno quàm eam sibi desponderat, hoc est Iustino iuniore solo Cos. in matrimonium accepit. quâ non multo post mortuâ, aliam duxit vxorem. Supradicti diuortij aliam causam refert Aimoinus Monachus in Historiæ libro II, nimirum Deuteriæ parri-

DXXL

dium. Quippe Deuteria Regina, cùm filiam, ex priore viro conceptam, pulchram esse & maturam videret, verita ne vt ipsam Wisigardi, ita virginem sibi Theodebertus præferret, Veroduni boues indomitos iungi ad basternam iussit, puellamque in eam imponi, quæ de ponte in Mosam flumen præcipitata mersaque est. Quâ cognitâ re, Theodebertum Deuteriam repudiauissè ait Aimoinus, & Wisigardim sponsam suam matrimonio sibi iunxisse. Exstat epistola Vigiliij Romani Episcopi ad Cæsarium Arelatensem Episcopum, data pridie Nonas Martias Fl. Ioanne V. C. Consule, in qua Vigilius scribit se Glorioso filio suo Regi Theodeberto respondisse, consulenti per Modericum virum Illustrem legatum suum, quid faciendum sit ei, qui cum vxore fratris matrimonium contraxit. Quas incestas nuptias cum coniuge fratris non ab alio quàm Theodeberto ipso Francorum Rege confectas esse falsò existimat Cæsar Baronius. siquidem constat Theodeberto fratrem nullum fuisse. & huiusmodi matrimonia à Primoribus Francorum tum contrahi solita docet epistola Mappinij Remorum Episcopi ad Nicetium Treuironum Antistitem missa: ex qua discimus, regnante Theodebaldo Theodeberti filio, Nicetium aliquos Francorum propter incesta coniugia ab Ecclesiastica communione remouissè. Omitto Consulatam Ioannis, quo Consule supradicta Vigiliij epistola data est, quintum fuisse annum, ex quo Theodebertus sibi Deuteriam adiunxerat, nec nisi post biennium eam esse dimissam.

10XXX.  
VIII.10XXX.  
VIII.

Circa id tempus, quo Deuteriâ dimissâ Wisigardim Theodebertus in matrimonium recipit, in Gallia ciuile bellum exoritur, cuius leuem causam fuisse ex eo potest intelligi, quòd tam facilè compositum atque finitum est. Childebertus, naturâ alieni appetens, qui & Aruernos Theodorico, & Chlodomeris filiis paternam hereditatem spiritumque eripuerat, Chlotharium similiter Regno & vitâ priuatè constituit: Inuisum Childeberto fratrem fecerat felicitas, quem ipse nihil liberorum præter filias habens multitudine marium florere, ac quotidie crescere dolebat. Theodeberto igitur socio



nefarix expeditionis assumro, bellum Chlothario infert, quem paullo antè. socium belli aduersus Theodebertum habuerat, iunctisque ambo Reges viribus Regnum eius ingrediuntur. Quibus Chlotharius impar, atque etiam imparatus, interiora Regni celeriter perir, & in saltum Arelaunensem, ripis Sequanæ proximum, sese cum suis copiis abdit, concædibusque omnes aditus præcepit, spe in vno Deo repositâ. Eò vt supradicti Reges venerunt, siluâ coronâ cinctâ Chlotharium circumfederunt. Gregorius scribit Chrothildim Reginam ad Martini sepulcrum voris, ac peruigilio bellum ciuile deprecata esse: & quo die Childebertus, ac Theodebertus in saltum irrumpere, & Chlotharium interficere statuerant, manè coortâ tempestate, rotam eorum aciem turbatam; tabernacula vento deiecta & rupta; equos fulguribus atque fragore consternatos, ac fugâ sparsos sine rectoribus cucurrisse: quorum multos amissos; reliquos intra XX à castris stadium ægrè reperiri potuisse: milites grandine imbrî mistâ verberatos, attonitos, prostratos humi, vix scuta, quibus regerentur, retinuisse. Chlotharianis interim & solem serenum fulsisse, & ronitrua cum ventis audita non esse. Tum Reges ambos ad poenitentiam conuersos nefario incepto destitisse, veniamque sceleris à Deo, pacem à Chlothario per legaros peruisse, eaque factâ domum rediisse. Sic postea Sigibertum Chlotharij filium Chilperico; vtrumque Guntchramno; irerum Chilpericum Guntchramno; Theodoricum Chlodouei abnepotem Theodeberto; Theodebertum Chlothario minori bellum fecisse, & cum iam fermè dimicaturæ essent acies, æquis conditionibus arma deposuisse legimus. Quam ob causam Agarhias, Theodeberti posterioris æqualis, in libro primo rerum auspiciis Iustiniani gestarum, Francorum instituta laudans, qui omnes habitu tantum & linguâ à Romanis differrent, miratur simul & affirmat ( quasi numquam aliter factum sit ) adèd Francos quieri publicæ studere, vt cum antea, tum suâ ætate inter res ac etiam plures diuiso imperio, semper bello ciuili abstiterint. Si quæ enim inter Reges controuersia orta sit, instrui quidem

utrimque copias, & tamquam in aciem descendere, nōxque mutuo conspectu, & colloquiis placari: Regēsque iure controuersias terminare, aut, si malint, ferro decernere iuberi, ne propter priuatas contentiones & odia Respublica periculum adeat. tantum his æquitatis, illis modestiæ, utrisque amoris patriæ inesse. Ceterum saltum, in quem Chlotharius se abdedit, nomine suo appellat Auctor incertus, qui proximè à Gregorio res gestas Francorum scripsit, cum ait Chlotharium *in siluam confugisse Arelaunum, & fecisse combros*, hoc est concædes. Idem Chlotharium, Chlotharij magni nepotem, in pago Senonico victum acie à Theodorico Rege Burgundiæ, per castrum Melodunum, atque Parisios *Arelaunum siluam* fuga petiisse dicit. ut appareat locum naturâ munitissimum fuisse, quo duo Reges per fugio sunt vsi. Hæc silua appellationem trahebat ex nomine proximæ villæ regię, quam Fredegarius Scholasticus in Chronico *Arelaunum villam* appellat, & apud quam Bertoaldum Maiorem domus Theodorici venatum esse prodit. Eam villam Auctor libri de vita Condedi Monachi *fiscum Arelaunum*, hoc est villam fiscalem vocat, & prope *saltum Arelaunensem* ponit, nec longè abesse ait à Belsinnaca insula fluminis Sequanæ, quæ insula (ut in vita Audoëni inuenio) ad cathedram Rotomagensē pertinebat. Quo magis ridiculus est Aimoinus, qui cum supradictum veterem Historicum nostrum legisset, nec intellexisset, *Arelaunum siluam* in *Aurelianum pagum* mutauit, *combrosque* loci nomen esse credidit.

Indictione IV Basilii, vir Clarissimus, vltimus priuatorum Consul est factus. soli enim postea Imperatores cum imperio Consulatum inierunt, ne cuiusquam alius quàm Principis nomen, imperiique eius & Consulatus anni actis adscriberentur. Eo Consule Heldebado Ostrogothorum Regi à Vila Gipede obtruncato Rugi, iam inde à Theoderico Ostrogothorum socij & commilitones, Eraricum popularem suum, potentissimum hominem substituere, ei que purpuram iniecere: quo post v menses interfecto, Ostrogothi Totilam Helde-

badi fratris filium , qui Taruisio præerat , apud Ticinum Regem salutauere , magni virum nominis , magnæque prudentiæ , & in exsequendo nauum ac exfomnem , quo maiores nemo aduersus Romanos cum pauculis res gessit. quotiescumque enim pugnauit , vicit , nec vmquam nisi absens victus est , cum tamen Ostrogothi ex hominum millibus ducentis ad pauca millia redacti essent , aliis diuturno bello consumtis , aliis à Romanis in deditiorem acceptis.

IOXLI.

Eodem anno Aurelianus Episcopi conuenere , cum ad alia Ecclesiæ Gallicanæ vtília statuenda , tum ad Francorum idololatriæ reliquias abolendas. Concilio præfuit , statutisque primus subscripsit Leontius Episcopus Burdigalensis : interfuere vitæ sanctitate clari Antistites , Gallus Aruernorum Episcopus , Agricola Cabilonensis Episcopus , Firminus Vceticus , Eleutherius Autisiodorensis. Eodem Escupilionem Presbyterum misit Lauto Constantiæ vrbis Episcopus , vir sanctissimus , quem alij Laudonem , alij Laudum appellant. Numquam Gallia piissimorum Sacerdotum fertilior fuit. quippe præter supradictos in Galliis circa ea tempora floruerunt Gregorius Lingonicus Episcopus , Tetricus cathedræ eius successor , Hilarius Gabalitanus , Nicetius Treuirorum Antistes , Albinus Andecauensis , Hefychius Viennensis , Leubenus , vel Leobinus Carnutensis , Agericus Verodunensis. è quibus Lautonem , Leubenum , & Agericum Francos fuisse indicant nomina.

IOXLIII.

Post Consulatum Basilij V. C. anno 11 Hispani primum nostra arma sensere. Childebertus Francorum Rex , otij impatientiâ , & hereditario in Vesigothos odio impulsus , petendi Hispaniam imperum cepit , atque cum Chlothario fratre suo , cui paullo antè bellum intulerat , societatem iniit. Ambo Reges iunctis exercitibus per Aquas Tarbellicas ad summum Pyrenæum peruenere , montesque transgressi Hispaniam intrauere , & Iturissenfium ac Pompelonensium agris vastatis , Cæsaraugustam , vrbem opulentissimam , ad ripas Iberi fluminis positam obsedere. Opidani , Francos diuinâ irâ in se immisos esse cum intelligerent , de sententia Episcopo-

scopi sui instituto ieiunio & supplicatione indictâ Deum placare constituunt; ciliciis velantur; tunicam Vincentij Martyris ferentes, psallentésque muros vrbis circumcunt. matresfamilias atratæ, crinibus sparsis, & cinere fœdatis, pectora plângentes, tamquam coniuges suos efferrent, chorum virorum sequebantur. His visis Childebertus & Chlotharius primûm se suosque diris & cantionibus impugnari putabant. deinde cognitâ rex agresti quodam, qui exceptus fuerat, timentes ne Deum paterentur aduersum, si tam pios incolas oppugnare perseuerarent, obsidionem soluerunt, & vastatâ maximâ parte Hispaniæ vsque ad Minium flumen Callæciæ, cum ingenti præda, quæ tum pro stipendio Francis erat, in Gallias reuerterunt. Nec plura Gregorius de ea Childeberti expeditione scribit. Auctor rerum nostrarum, tempore Gregorio proximus, & qui eum transcribere solet, Aimoinus, & Regino adiiciunt, ambos Reges agrestem supradictum in urbem remisisse, per eumque ad se Episcopum euocauisse: qui ad Reges venerit, & munera utrique, in primis Childeberto petenti stolam Vincentij Diaconi & Martyris dederit. ita Childebertum obsidionem soluisse, reuersumque Luteciam Parisiorum, Ecclesiam Beati Vincentij nomine illustrem, in qua eam stolam poneret, exstruxisse. Quod videtur confirmare Gregorius ipse, cum ait Basilicam B. Vincentij à Childeberto ædificatam. Fredegarius in Epitome duas Childeberti expeditiones confundit, & ab eo Amalaricum Regem apud Barcinonem tum occisum dicit, qui ante annos XII fuerat interfectus. Ab Historicis nostris non dissentit Hispanus Auctor Appendicis Chronico Viëtoris adiunctæ, qui tradit post Consulatum Basilij V. C. anno II *Francorum Reges* V, <sup>1521112</sup> *per Pompelonem Hispanias ingressos, Casaraugustam venisse, eaque obsesâ per tres dies, omnem fere Tarraconensem prouinciam depopulatos esse.* Siue Chlotharius Guntharium, Chramnum, & Charibertum filios secum in Hispaniam duxit: (Regum autem filij Reges appellabantur) siue potius, quod non rarò aliàs accidit, nota numeri deprauata est, & parua mutatione ex

II Regibus v sunt facti. At ceteri Scriptores Hispani-  
 fufos fugatosque esse à Vesigothis nostros memoriæ  
 tradunt. è quibus Isidorus in Chronico prodit Theu-  
 dem Vesigothorum Regem *Francorum Reges quinque,  
 CasarAugustam obsidentes, omnemque ferè Tarraconen-  
 sem prouinciam depopulantes, misso Duce Theudiselo forti-  
 ter debellauisse, atque à Regno suo non pacè sed armis abi-  
 re coëgisse.* Sic autem Rodericus Toletanus Archiepiscopus,  
 & Lucas Tudenſis rem gestam aiunt, atque hoc mo-  
 do fabulam fingunt: Francorum Regibus *cum infinitis co-  
 piis* Hispaniam ingressis, & Tarraconensem prouinciam  
 vastantibus, Vesigothos duce Theudiselo *obices Hispanie,*  
 hoc est angustos aditus, & artissimas montium fauces in-  
 terclusisse, Francorumque exercitum prostrauisse. sed  
 eundem Ducem, victum precibus atque ingenti acceptâ  
 pecuniâ, reliquis hostibus vnus diei noctisque spatio  
 viam fugæ dedisse, ceteram turbam, quæ intra id tempus  
 ex angustis euadere non potuerat, à Vesigothis interem-  
 tam, & sicut ait Iordanes, *Francorum insidiosam calum-  
 niam Hispaniis expulsam esse.* Quasi copiarum Francorum,  
 præsertim vltimâ necessitate in virtutem versa, iter armis  
 patefacturæ non fuerint, & per fauces quantumvis vali-  
 dis Vesigothorum præſidiis occupatas erupturæ. aut qua-  
 si Theudisclus sine prodicionis infamia, capitisque sui  
 periculo exitum Francis auro venditurus fuerit, & ho-  
 stem, quem inclusum opprimere posset, emissurus.

Dum hæc in Hispania geruntur, in Italia Totila, qui  
 & Baduila, Ostrogothorum Rex, verso Marte, secun-  
 dis præliis, & crebris oppugnationibus urbium Roma-  
 nos fatigabat. Quâ occasione vsus Theodebertum Re-  
 gem Francorum, auerso Totilâ in Romanos, belli præmia  
 interceptisse, & maximam partem Liguriæ, ac Venetiæ,  
 & Alpes Cottias sine labore ac discrimine tributarias  
 fecisse in libro III scribit Procopius, neque aut Roma-  
 nos propter imbecillitatem virium id prohibere potuif-  
 se, aut Ostrogothos ausos esse, ne duobus bellis implica-  
 rentur. Ostrogothis verò nihil in Venetia, præter Bri-  
 xiam, Veronam, & paucas alias vrbes, Romanis ma-  
 ritimam oram possidentibus, superfuisse: atque inter

Francos, & Ostrogothos conuenisse, vt quamdiu ipsi à Romanis bello premerentur, vtrique his, quæ haberent, quietè potirentur, nec alteri alteros armis lacefferent: & si Romani victi Italix finibus excessissent, suis vtrique prouinciis ad suum arbitrium imperarent. Neque tamen Procopius, quorum operâ in occupandis supra dictis regionibus Theodebertus vsus est, Ducum mentionem facit. Hi fuere, nî fallor, Buccelinus, natione Alamannus, à Theodeberto Alamanniæ præfectus, quem Græci Butilinum, & Buselinum vocant, Hamingus, & Lanthacarius. Sanè apud Paullum in libro II rerum Langobardicarum, & apud Aimoinum dicitur Theodebertus, ex Italia reuertens in Gallias, *Buccelinum Ducem cum Hamingo alio Duce* in Italia reliquisse, qui Buccelinus, omni pæne Italiâ populatâ, prædam ingentem ad Theodebertum deferendam curaue-rit. Verisimilius tamen, & Procopij narrationi conuenientiùs Gregorius, aliique nonnulli Buccelinum in Italiam à Theodeberto missum, & eius ductu *minorem Italiam* (sic Gregorius Liguriam, at Veneriam appellat) captam fuisse tradunt. Sed cum iidem, tum Fredegarius, & Sigibertus magnâ securitate ex duabus Buccelini expeditionibus vnâ faciunt, & ad veritatem multa addunt: Buccelinum nimirum totam Italiam, ac Siciliam armis occupauisse: magnâque earum prouinciarum partim spolia, partim tributa Theodeberto misisse: ac sæpe Belisarium, quem ob id Imperator Iustinianus regredi Constantinopolim iusserit, sæpe Narsem, variarum Gentium auxiliis mercede conductis fretum, acie vicisse. itavt res à Tötila Rege Ostrogothorum gestas Buccelino attribuisse videantur: quem Regem Iordanes & Procopius auctores sunt. Iqnonem Magistrum militum, Bessam Patricium, Verum, multosque alios præliis superauisse; & postquam Iustinianus belli Perfici metu, ac maximè Antoninæ precibus motus Belisarium iterum reuocauisset, totam Italiam suo imperio subiicisse; in Siciliam transiisse, opes insule secundo anno, quàm eo venerat, exportauisse; & Sardiniam, ac Corsicam recepisse: donec Narset, adductis in Italiam Langobardis

rum, & Erulorum auxiliis, magnâque Romanorum copiâ, Totilam numero imparem fudit, & interfecit. Ceterum cum Alamanniam, & Sueuiam, Liguriâque ac Venetiam Theodebertus tenuerit, non dubito, quin Rætos etiam, ac Vindelicos, inter supradictas prouincias sitos, vectigales habuerit. siue Vitigis Alamannos dimittens Rætiis simul Theodeberto cessit: (Rætia enim cognomine prima, & Rætia II, seu Vindelicia, attributa tum Italiæ, Theoderico Ostrogothorum Regi paruerant) siue potius Buccelinus ex Alamannia profectus, omnibus eius tractus nationibus subactis, quas Ostrogothi bello Romano fracti tueri non poterât, Francis per Alpes Ræticas iter in Italiam patefecit. Quam ob causam Procopius in libro II belli Gothici Mediolanum, Liguriæ metropolim, quæ vrbs Rætiæ proxima est, *Imperij Romani propugnaculum, Germanis* (hoc est Francis) *aliisque Barbaris*, nimirum Rætis, Alamannis, Burgundionibus, stipendiariis Francorum, *oppositum* appellat. & Agathias in libro I ait Theodebertum Alamannos, & *finitimas gentes*, scilicet Rætos & Vindelicos, sub imperium suum redegisse.

DXLVIII. Post Consulatum Basilij V. C. anno VII Flauius Iustinianus Aug. Langobardis, Audoino tum Regi parentibus, Noricum opidum, & complura vicina castella ac loca Pannoniæ, multum præterea agri, ab Erulis antea beneficio Imperatoris Anastasij possessi condonauit, vt ait Procopius. Est autem Noricum opidum Pannoniæ, veteri cuidam Auctori Expositionis totius orbis notum, affirmanti Pannoniam *ciuitates maximas, Sirmium, & Noricum habere*. Quod notaui, ne quis eo nomine aliquam agri Norici urbem à Procopio significari existimaret. Siquidem Baioarij, quos Iordanes Baïobaros appellat, qui (vt ait Paullus Langobardus) *Noricorum prouinciâ habitabant*, sub imperio Francorum paullo post mortem Chlodouei esse cœperunt. Certè Theodoricum eius filium, cum in vrbe Catalaunis esset, Maioribus natu, viris sapientibus, & legum peritis antiquarum, adhibitis, Leges Francorum, Alamannorum, & Baïoariorum, adhuc in vsu tantum



ac more positas, litteris mandari, ac corrigi iussisse præfatio Legum earum docet, quas postea Childebertus Sigiberti filius retractavit; Chlotharius minor absoluit; Dagobertus auctas & emendatas (quales habemus) promulgavit. Paullus quoque in Rerum Langobardicarum libro IV memoriæ tradit Tassilonem à Childeberto posteriore, Francorum Rege, Chlotharij maioris nepote, apud Baioarios *Regem*, hoc est Ducem constitutum esse. Denique apud Fredegarium dicitur Dagobertus Bulgares, ab Abaribus ex Pannonia expulsos ad IX millia, & agrum petentes, in Baioaria hiemare, deinde eadem nocte omnes cum coniugibus & liberis interimi iussisse. Et quoniam cœpit Baioariorum mentio, notare convenit Garibaldum & Tassilonem pro Ducibus *Baioariorum Reges* à Paulo Langobardo, & ab Aimoino, ac Sigiberto vocari: è quibus Tassilonem idem Paullus *Ducem Baioariorum*, vt & Theudebertum, melius appellat. Baioariis autem Ducem præfuisse, à Rege Francorum constitutum, docent Baioariorum Leges, itavt is eligeretur à populo, Rex auctor fieret: nec quemquam in Ducatum recipi consuevisse, nisi Ducali *Agilolfingorum* familiâ genitum, hoc est, ab Agilolfo quodam, veteri Baioariorum Duce, vel Rege, deducentem genus. A Regibus enim Francorum Baioariis fuisse concessum, vt quem ex Agilolfingis fidelem sibi ac prudentem intelligerent, ipsis Ducem præponerent. Agilolfingos, propterea quòd *summi Principes erant inter Baioarios*, lætos quadruplam satisfactionem recepissee, Ducem verò tertiam insuper partem. Eam gentem Agilolfingam à Fredegario in Chronico dictam inuenio, cùm ait *quemdam e Proceribus, gentis nobilis Agilolfingæ*, nomine Chrodoaldum à Dagoberto Australiorum Rege ob superbiam & rapacitatem interemtum esse. In supradictis Legibus reperitur, si quis Ducem occidere voluisset, aut hostes in prouinciam, opidumve aliquod prouinciæ inuitauisset, ei conuictò vitam & fortunas cripiendi Ducem habuisse potestatem, milites intra prouinciam à disciplina desciscientes, ac rixas facientes, pecuniâ vel morte.



Duce esse multatos. Episcopum, quem Rex constituisset, apud Regem, vel apud Ducem reum postulari consuevisse. Si Duci, qui nec surdus, nec cæcus esset, quique adhuc exercitum ducere, inter suos ius dicere, & à Rege imperata facere posset, filius per superbiam & stultitiam *Regnum*, hoc est Ducatum adimere voluisset, paternâ hereditate eum exclusum fuisse, nihil aliud habiturum, quàm quod motus misericordiâ Rex, aut pater ei dedisset, ambòsque eundem in exilium mittendi potestatem habuisse, itavt si patri superstes vixisset, à fratribus suâ parte priuaretur. sin fratres non haberet, aut ipsi, aut cuilibet alijs Ducatum conferre Regi liceret. Si quis dicto audiens non fuisset Duci, euocatúsque ad eum non venisset, vel signum eius, anulum, aut sigillum contempsisset, X V solidis multari solere, & imperata facere cogi. In eisdem legibus vt Regis; sic & *Ducis Vassorum*, nimirum Baioariorum fit mentio, & *Comitis* (vti in Alamannia fiebat) sub Duce per provinciam iura reddentis. Dux, qui hominem liberum, nullius capitalis criminis reum, in servitutem asseruisset, X L solidos fisco inferre, totidémque homini dare, ac præterea libertatem bonâque restituere iubetur, idem si audax, contumax, levis, protervus, superbus, ac rebellis fuerit, decretumque Regis contemserit, Ducatu à Rege accepto tamquam indignus priuatur.

Ceterùm vt ad Langobardos reuertar, cùm ab anno XIV belli Gothici, post Consulatum Basilij VII, quo eos anno in Pannoniæ finibus à Iustiniano collocatos ait Procopius, ad annum III Consulatus Iustini iunioris Aug. quo tempore Italiam occupauêre, anni sint non ampliùs XXII: facillè iudicari potest falsò Paullum ac Sigibertum scribere Langobardos in Pannonia annis X LII sedes habuisse, in eâque Audoinum Langobardorum Regem annos XVII, Alboinum XXV regnauisse.

12XLVIII Eodem anno post Consulatum Basilij VII. Theudis Vesigothorum Rex à quodam ex industria insaniam simulante in Palatio confoditur, annum regni agens septimum decimum. Ei successit Theudisclus Dux, à Gre-

gorio Theodogifilus dictus, is à quo Childebertym Francorum Regem victum, & ex Hispania expulsam aiunt: regnavitque annum vnum, menses sex. Hic ob adulteria ac cædes inuifus, inter cenam cercis derepente extinctus, à coniuratis interimitur.

Circa id tempus Totilam Ostrogothorum Regem legatos ad Francorum Regem misisse ait Procopius, filiamque eius sibi in matrimonium petiisse. sed legatos re infectâ esse dimissos, aspernante conditionem Rege Francorum, ac negante Totilam Italiæ Regno potiri, aut vnumquam potiturum esse, qui urbem Romam paullo postquam ceperat amisisset, & quæ sita retinere non posset. Quam ob causam Totila cum Urbem iterum, prodeuntibus Isauris, post Consulatum Basilij anno DCLXX. VII occupauisset, ne (quod antea Belisarius fecerat) semirutam ac desolatam restituerent hostes, frequentarentque ac munirent, eam ab Romanis simul & Ostrogothis coli habitarique iussit. Et ita quidem Procopius in libro III belli Gothici scribit; omisso Regis eius Francorum nomine, vt de quo loquatur incertum sit. Quippe & Childebertys Chrotbergam & Chrodesindam filias habebat, & Chlotharius Chlodouindam, & Theodebertus Bertoaram. quæ cum nubilis tum esse potuerit, & cum Theodebertus non modò regiones Italiæ finitimas, sed etiam prouincias ipsas Italiæ, Venetiam; Liguriam, ac Alpes Cottias obtineret, inclinatur animus, vt de Theodeberto ac Bertoara eius filia loqui Procopium credam. Cuius Bertoaræ, & Baptistæ apud Mogontiacum ex eius voto à Sidonio Episcopo exstructi mentionem facit Fortunatus Presbyter his versibus,

*Hanc tamen Antistes Sidonius extulit arcem,  
Qui Domini cultum, templa nouando, fouet,  
Struxit Bertoara voto complente Sacerdos,  
Quæ decus Ecclesiæ cordis amore placet.  
Catholica Fidei splendor, pietate coruscans,  
Templorum cultrix, prodiga pauperibus.  
Filia digna patris: te, Theodeberte, reformans;  
Rexisti patriam qui pietate patris.*

Totila igitur Ostrogothorum Rex, vir maximus, & qualis à Procopio describitur, filia Regis Francorum (quisquis fuit) nuptias nequaquam obtinuit, propterea quòd Rex Italiae non erat, Romanis ex ea nondum prorsus expulsis. Equidem hoc Francorum Regis factum saepe miratus, animaduerti moris fuisse Merouei posteris, filias & sorores suas solis Regibus collocare, non quòd priuatorum affinitatem fastidirent: saepe enim ipsi formae magis, quàm generis habito delectu, puellas ignobiles, nec ingenuas matrimonio sibi iungere, sed quòd mulierum potentiam ex virorum suorum dignitate pendere, & quantum maiestatis priuata nubendo Regibus quaererent, tantum regiae stirpis virgines imparibus iunctas amittere existimarent. Sic Theoderico, postquam occiso Odoacre Italiae imperio potitus purpuram sumsit, Audesteda; sic Chrothildis Amalarico Hispaniae Regi collocata est. sic Theodeberti soror Hermegiselo, & Radigeri Varnorum Regibus; Chlodouinda Alboino Langobardorum Regi; Berta Chariberti & Ingobergae filia Ethelberto Anglorum Cantiorumque Regi nupserunt. Sic Ingundis Sigiberti filia Hermenegildo nuptum data; Rigundis Chilperici Reccaredo desponsa est: quos ambos (ut Ioannes in Chronico scribit) Leouigildus eorum pater Regni consortes fecerat; Hermenegildum parte etiam prouinciae donauerat. Sic Chlodouindam sororem suam, Flauij Autharij Langobardorum Regis pactam, eidem Reccaredo Regi, quoniam à secta Arianâ suo exemplo Vefigothos abduxerat, Childebertus iunior promisit. & Theodebertus minor Adaloaldo admodum puero, quem uiuo ac volente patre Agilulfo, praesentibus ipsius legatis, Mediolani in Circo Langobardi Regem appellauerant, filiam despondit. Denique nullam Merouei stirpe ortam reperiemus, quae è Regibus enupserit. Nisi fortè Scaribergam, vel Caribergam quamdam, sororis Chlodouei filiam, ab Arnulfo, Comite urbis Remorum, ac postea Episcopo ductam; aut Blichildem, Ansberti, nobilissimi viri, Pippini Regis tritauì vxorem, regiam familiam genitam fuisse credimus. quam mulierem, ve-

teribus nostris Historicis ignotam, nonnulli, vt Caroli Magni posteros Meroueo generis auctore gloriantes adularentur, Chlotharij maioris; alij Chlotharij posterioris liberis inferuerunt. Arnulfum quidem Auctor libri de eius vita Episcopum & Confessorem appellat, sed cuius vrbs Episcopus fuerit non dicit. Sigebertus Martyrem eum vocat, & viuo ac regnante Chlodoueo in Aquilina silua pagi Parisiaci interfectum ait. Nec opinionem contrà sentientium Paulus Lombardus quidquam adiuuerit, apud quem in libro de Episcopis Mettensis Ecclesiæ, sextus & vicesimus Mettenium Episcopus Agiulfus *feritur* patre familiæ Senatoriæ, & matre *Chlodouei Francorum Regis filia ortus*. Qui enim ita loquitur, satis indicat incerta se, & ex Auctore obscuro excerpta, quæ ipse pro compertis non habeat, referre. Et Ionas Scotus Abbas, cum in libro de vita Columbani prodit Chrodoaldum quemdam *amitam Theodeberti* minoris Regis *in matrimonio habuisse*, imitatus scriptores eorum temporum amitam Theodeberti appellauit, quæ eius matertera erat.

Et Totilâ quidem frustra in matrimonium petirà Francorum Regis filiâ, quoniam aliter facere non poterat, tacitus repulsam concocxit. at non eodem animo Theodebertus Imperatoris Iustiniani vanitatem tulit. Cum enim audiisset Flauium Iustinianum *Alamannicū, Franticum, Germanicum*, tamquam eas gentes deuicisset, appellari; (quos titulos Iustinus postea; Tiberiūque, ac Mauricius vsurpauere) frendens expeditionis Italiæ infelicem euentum sibi exprobrari, iniuriam vlcisci summis viribus statuit: & Narse, qui iam tum in Italiam cum magnis copiis venturus dicebatur, in Totilam auerso; per Pannonias, & Mœsiam Thraciam petendi, eaque subactâ, Constantinopolim, caput Imperij; oppugnandi impetum concepit. Iamque dimissis legationibus Audoinum, & Thurisindum; Lombardorum, & Gipedum in Pannonia confidentium Reges, aliōsque, quorum per fines iter faciundum erat, simili à Iustiniano ignominia affectos, ad belli societatem inuitauerat: exercitūque, quantus huic operi par esset, cogebat. itavt res Romana vnâ cum Iustiniano

maximum periculum aditura fuisse videatur, ni Theodeberti consilia, conatúsque omnes mors immatura destruxisset. Quippe cùm more Regum Franciæ venaretur, & bubalum eximie magnitudinis, in se ruentem, hastâ excipere pararet, ab arbore feræ impulsu prostrata abruptus ranius ita eum in capite vulnerauit, vt supinus ex equo laberetur, relatúsque in Regiam intra paucas horas exspiraret. Sic Theodebertum mortuum esse prodit Agathia in Historiæ libro I, quem ob expeditionis supradictæ initum consilium audacem, turbulentum, periculorum amantem, ferocem, ac superbum fuisse ait, & in temeritate ac dementia fortitudinem positam existimauisse. Nec est, quòd quis miretur bubalorum, vel boum ferorum in Gallia fieri mentionem. Nam Fortunatus Presbyter, in libri VII carmine IV ad Gogonem, in Arduenna silua, saltúsque Vosago, quæ ambæ siluæ Regis Theodeberti, & Mettis eius Regiæ proximæ erant, non modò elices, hoc est alces, vros, vrsos, onagros, sed etiam bubalos, quos bufalos vocat, nasci affirmat. & Guntchramnum Regem, dum se venatione exercet, in Vosago silua vestigia occisi bubali agnouisse auctor est Gregorius in Historiæ libro X. Ionas quoque in libro de vita Columbani Abbatis prodit in crenio Vosago circa castrum Luxouium vros, & bubalos frequentes videri. vt omittam Baioariam, prouinciam quidem Transfrenanam, sed Theodeberto subiectam, cuius in saltibus Carolus Magnus bubalos venatum in Annalibus Mettensibus inuenio. Procopius, ac veteres rerum nostrarum scriptores minimè cum Agathia de Theodeberti morte consentiunt. è quibus Procopius Theodebertum morbo interiisse, non multo antè X V II belli Gothici annum, nimirum triennio ante tradit. Gregorius quoque longâ valetudine, omnem Medicorum curam artèmque vincente, oppressum eum defecisse ait. Fredegarius autem, Aimoinus, aliique vehementi febre implicitum decessisse dicunt, graues morbos plerumque nullo discrimine febres appellare soliti.

ICXLVIII.

Obiit Theodebertus quartodecimo regni anno, post Chlodouei aui sui mortem X X X V II, post Consulatum

Basilij septimo, vt refert Marius in Chronico, qui & *Regem magnum Francorum* meritò eum appellat, cùm ob regias viri virtutes; tum (sicuti Aurelianus Episcopus loquitur) quòd esset *unicus sceptris, multiplex populis; solidus Regno, diffusus imperio, ac maximus dominio*: hoc est, quòd Regnum maximum, ac nihilo seciùs partibus inter se connexis bene cohærens obtineret. Quippe sub ditione Theodeberti fuerunt Alpium Cottiarum; Liguriæ, ac Venetiæ pleraque; Rætia, Vindelicia; Alamanni vnà cum finitimis Sueuis, quorum ipsi nomine apud Ausonium; & Claudianum sæpe appellantur; Baioaria; Toringia; pars Saxonum; & Francia vetus; præterea prouinciæ Galliæ, Belgica I. Remi, Catalauni, aliæque Belgicæ secundæ vrbes; ciuitas Senonum; superior, inferiorque Germania; pars Aquitanie primæ, ac Prouinciæ; atque Andecauæ. vt non falsò Iordanes, æqualis eius Principis, in libro de Origine Gothorum scripserit Francos ætate sua *Germanorum terras obtinuisse*.

Herimannus Contractus in Chronico vt Chlodoueu *Magnum*; sic Theodebertum, eius nepotem, *Regem fortem* cognominat. Quod cognomen Theodeberto conuenire fatebitur, qui animaduertenter Danos ab eo nauali prælio superatos, Regemque interfectum; susceptam vnà eum patre aduersus Toringos expeditionem; res in Septimania atque Prouincia viuo Theodorico gestas; in Italia, quam primus Francorū Regum ingressus est, obuias Ostrogothorum ac Romanorum copias fusas; bellum denique Iustiniano Aug. ac Constantinopolitanis denuntiatum. Theodeberti animi maturitatem non iniucundam, misericordiam, temperantiam, liberalitatem, consilium ac prudentiam in dubiis rebus, constantiam in aduersis, pietatem, ac beneficentiam absentibus ac nihil petentibus magna tribuentis laudat Aurelianus Ambrasiensis Episcopus in epistola ad eum scripta, & Fortunatus Presbyter in libri II Carmine XII his versibus,

*Filia digna patris, te, Theodeberte, reformans,  
Rexisti patriam qui pietate patris:  
Et comitante Fide retulisti ex hoste triumphos,*

*Sed capti pretio mox rediēre tuo.*

*Ecclesia sultor, laus Regni, pastor egentum,*

*Cura Sacerdotum, promptus ad omne bonum :*

*Cuius dulce iugum nullus genuisse fatetur :*

*Vivis adhuc meritis Rex in amore tuis.*

Vbi notandum est , quod ait Fortunatus , Theodebertum adeo in omnes , qui opis indigere videbantur , beneficium fuisse , vt hostes etiam suos bello captos à dominis pecuniâ suâ redimeret , domosque dimitteret. Quàm pius , religiosus , & in ditandis exornandisque Ecclesiis munificus idem fuerit , docet Faustus in libro de vita Mauri Abbatis , cùm scribit Theodebertum venisse in Monasterium Glannasolium , & *regali indutum purpurâ* humi se prostravisse , aduolutumque pedibus Mauri , ac plenum lacrimarum petiisse , vt pro ipso Deum precaretur , seque ac filium suum Theodebaldum sancto viro & Monachis commendavisse , ac singulos osculatum esse , atque villam regiam nomine Boscum cum pallio pretioso , cruce aureâ , & lampadibus , Monasterio dedisse. Addit Faustus Abbonis sapientissimi hominis consiliis vsum Theodebertum , & Florum , virum nobilissimum , piissimumque , Regi carissimum fuisse. Ex quo etiam cognoscitur vt Ostrogothorum in Italia , & paullo ante Vandalorum in Africa Reges , sic tum Francorum Reges in Galliis veste purpureâ fuisse conspicuos , qualem postea Leouigildus in Hispania Visigothorum Regum primus sumisse dicitur. Quâ de re eo minùs dubitandum puto , quòd Faustus supradicti Monasterij Monachus non audita , sed visa refert , & à Theodeberto se inter ceteros osculo salutatam ait. Omittere non possum , quod in Historiæ libro IIII prodit Gregorius , Theodebertum omnibus virtutibus præcipuum fuisse , iuris & æqui amantem ; bonum & clementem ; Sacerdotum cultorem ; Ecclesiis magna tribuisse ; multa multis beneficia contulisse ; & omne tributum , quod Ecclesiæ in Aruernis positæ fisco inferre consueuerant , remisisse ; ac Desiderato Verodunensi Episcopo querenti de Verodunensium paupertate , ac pecuniam mutuam flagitanti VIII millia aureo-

rum misisse, opidanis dispartienda, (quæ summa pro capto illorum temporum mediocri non erat) nec pecuniam postea repoposcisse, eaque largitione Verodunenses non subleuauisse modò, sed etiam ditauisse. negotiando enim rem omnes fecisse, itavt ætate Gregorij diuites haberentur. In relatione huiusce largitionis sine causa à Gregorio dissentit Aimoinus, cum ait Theodebertum *Regem Austrasiorum*, vel superiorum Francorum, quem rectè moratum, & affabilem fuisse scribit, orante Desiderato Episcopo Verodunensibus VIIII millia solidorum aureorum, quotannis in fiscum inferri ab eis solita, benignè remisisse. Quippe nequaquam verisimile est vnus vrbis incolas eòque pauperes tantum pecuniæ in annos singulos tum Theodeberto pependisse. Hic est Desideratus Verodunensis Episcopus, qui Concilio consensu Theodeberti Regis in vrbe Aruernis habito, & anno XXXVIII regni D. Childeberti R. Synodo Aurelianensi V interfuit. Vt appareat cum Theodeberto Regi superstitem vixisse. quamuis Gregorius dicat Theodeberto regnante Agericum à ciuibz suis in locum Desiderati Episcopi defuncti substitutum esse, & ab Syagrio Desiderati filio *post Theodoricum Regis mortem* Siriualdum in villa sua Floriaco interfectum, propterea quòd Desideratum ad Theodoricum Regem accusando fecerat, vt Sacerdos insons non solum fortunis spoliaretur, sed etiam suppliciis afficeretur. Ceterum oprandum esset Gregorium sibi ipsi constare, qui velut oblitus tantopere laudati à se in Historia Theodeberti Regis, eundem *adulterum*, ob abductam à viro Deuteriam, & *superbum* appellat in libro de vita Nicetij, & cum ipsi sæpe ab æquitate discessisse, tum improborum scelera impunitate ac dissimulatione aluisse prodit, ob idque non rarè admonitum & castigatum esse à Nicetio Treuirorum Episcopo, magnæ sanctitatis viro, ac tandem mitiorem melioremque factum. cui Principi, præter matrimonium cum Deuteria contractum, bellumque impulsu Childeberti Chlothario patruo suo illatum, nihil video quod obici iure possit.

Admonet Theodeberti nomen de tribus epistolis,



quæ à Theodeberto Rege ad Imperatorem Iustinianum missæ feruntur, aliquid dicere. In vna earum Theodebertus Imperatori rescribit venisse ad se Ioannem, ac Misarium eius legatos cum muneribus, & litteris, quibus aditam paterni Regni hereditatem sibi gratulatur, patrisque sui memoriæ perfidiæ ac sacrilegij notas inurit. & perfunctoriè actis gratiis affirmat, patrem suum, variarum gentium domitorem, & innumerabilibus victoris gloriosum, Imperatoribus, Regibus, ac cunctis nationibus fidem sanctissimam præstitisse; neque ullas vsquam Ecclesias diruisse; sed contrà multas ab idolorum cultoribus euerfas restituisse. In alia epistola Theodebertus Imperatori petenti, vt tria millia armatorum Bergantino Patricio auxilio mittat, expectare se mandatis suis responsa rescribit. Idemque in tertia Epistola eundem, quæ gentes ac prouinciæ ditioni suæ subiectæ essent, quærentem docet, Regnum suum à Danubio flumine, ac finibus Pannoniæ ad Septemtrionalem Oceanum pertinere: hortaturque, vt antiquum superiorum Principum cum Francis fœdus seruet. Quæ omnia optimè in Theodebertum minorem; in maiorem nullo modo conueniunt. quamuis & ille (vti Procopius & Gregorius docent) sæpe ob Italiam legatos ad Iustinianum, in primis Secundinum quemdam & Mumolum miserit. Neque enim Flavius Iustinianus de Theodorico, Theodeberti patre, quicum nihil ipsi vniquam rei fuit, quisque nulla extra Germaniam ac Galliam bella gessit, queri meritò potuit: neque in Theodebertum ipsum, propter occupatam contra fœdus Italiæ partem, non inuehi potuit. qua de re verbum fieri in hisce litteris haud animaduerto. Præterea amicitia, à prioribus Imperatoribus cum Francis iuncta, quam Mauricius Aug. in epistola ad Childebertum *priscam* appellat, à Theodeberto priore *antiqua* dici non debuit, cum eam Anastasius primus Imperatorum Orientis ante annos minùs XL missis ad Chlodoueam Francorum Regem legatis appetiuerit. Vt omittam Bergantini huius Patricij in Italia bellum gerentis nullam à Procopio & ab Agathia, qui res gestas Iustiniani scri-

plere, fieri mentionem. Tres itaque supradictas epistolas malè inscriptas esse credo, nec à Theodeberto maiore ad Iustinianum Aug. sed à Theodeberto posteriore ad Imperatorem Fl. Mauricium Tiberium missas, qui Childeberty, eius patrem, Langobardorum, Variorum, Baioariorum, aliarumque multarum gentium victorem, violatæ fidei, & euerfarum Ecclesiarum mortuum arguebat: propterea quòd, ob bellum Langobardis inferendum L millibus aureorum acceptis, eisdem pacem vendiderat. Vnde Romanus Patricius, qui Mauricij principatu Italiam administravit, Childeberty scribens orat, ne Romanos (hoc est Italos) à Francis diripi, aut captiuos abduci; neve, sicut antea factum erat, vlla ædificia incendi patiatur. Nec dubito, quin Andreas, de quo legato in secunda epistola fit mentio, is sit, quem *Andream virum Magnificum* Romanus appellat, indicatque Mauricij Aug. mandata ad Childeberty Regem detulisse. Sanè Theodoricus quoque, Theodeberti minoris frater, apud Theophylactum dicitur per Bosonem & Bettonem legatos venalem Mauricio belli aduersus Abares gerendi societatem obtulisse. Quamquam Theophylactum falli, & quæ Langobardis conueniunt, de Hunnis Abaribus dicere existimo. quòd Langobardi à finibus Regni Theodorici solis Alpium iugis discludebantur; cique Abares petenti per Theodeberti prouincias iter faciendum erat. & Paullus, Aimoinus, ac Sigebertus scribunt, cùm Hunni Abares ex Pannonia in Toringiam post Childeberty mortem erupissent, ibique grauissimum bellum Francis inferrent, Brunichildim Theodeberti ac Theodorici auiam, quæ nepotes puerulos, Galliâque ac Germanias regebat, Sigiberti quondam viri sui exemplum imitatum, datâ pecuniâ pacem redemisse.

Mortem Theodeberti Regis mors Parthenij confestim secuta est. Fuerat Parthenius Theodeberti Consiliarius, vir inhumanus & ferus, qui Papiamillam uxorem, & Auxanium amicum suum adulterij suspectos infontesque interfecerat. Hunc Franci Australij magno odio habebant, propterea quòd eius impulsu grauiâ si-

biâ Rege tributa imposita esse meminerant. Quem igitur viuo Theodeberto violare ausi non erant, eodem mortuo destitutum persequi cœperunt. Ille posteaquam se in periculo mortis esse vidit, ex vrbe Mettis profugit, & à duobus Episcopis suppliciter petiit, vt ipsum Augustam Treuironum secum ducerent, populique sæuientis iras sua oratione lenirent. Ingressi Treuiros Episcopi, cùm seditionem comprimere, ac furentium animos mitigare non possent, Parthenium arcâ claudunt vestimentis Ecclesiasticis opertum, arcâque in Ecclesia deponunt. cuius omnes angulos scrutati mox Franci, diu multùmque quæsito, nec vsquam reperto Parthenio, arcam referari iubent, negantibusque custodibus quidquam ibi præter ornamenta Clericis conuenientia clausum contineri, ni celeriter aperiatur, denuntiant se eam effracturos. Tum verò referatâ arcâ, remotisque linteis, plaudentes Parthenium producant, hominem pugnis cædunt, & conspuunt, ac demum ad columnam alligatis post tergum manibus obruunt faxis.

DCXLVIII. Theodebaldus, Theodeberti Regis ex Deuteria filius, patri defuncto successit: quem tum puerum admodum, & sub nutricio fuisse Procopius in libro IV belli Gothici & Agathias scribunt; Aimoinus contrâ iam virum. Habere tum Theodebaldus potuit annos XIII: si Gregorio credimus, qui Theodebertum initio regni Deuteriam in matrimonium duxisse, & quartodecimo imperij anno decessisse tradit.

DCXLVIII. Quo anno Theodebertus obiit, trans Alpes clades nostris illata est. quippe Lanthacarium Ducem Francorum, quem Theodebertus in Italiam miserat, post Consulatum Basilij anno V II cum Romanis pugnauisse, su-

sumque ac cæsum esse prodit Marius in Chronico.

Theodeberto, Theodorici priuigni sui filio, non diu superstes vixit Chrothildis Regina. siquidem paullo post eius mortem Cæsaroduni Turonum annis LXX maior III Nonas Iunias decessit, & Luteciam Parisiorum delata, magnâ psallentium frequentiâ, atque in sacrario Basilicæ S. Petri, quam extruxerat, à filiis suis Chil-

Childeberto & Chlothario Francorum Regibus iuxta Chlodoueam sepulta est. femina omnibus virtutibus prædita; pia; liberalis; benefica; pudica; de Christiana religione & de Francis optimè merita, quorum omnium in Chlodoueo Regè viro suo idololatriam expugnauit.

Per idem tempus Chlotharius Francorum Rex edixit, vt Regni sui Ecclesiæ tertiam partem reddituum fisco inferrent. Quod cùm omnes Episcopi, Augustam Sueffionum contracti, consensu & subscriptione sua non sponte comprobauissent, intercessit Iniuriosus Turonicus Episcopus, negauitque se subscripturum, ac tantam Ecclesiæ iniuriam fieri passurum: adiiciens, si Rex Ecclesiis res adimere suas velle perseueraret, Deum ei Regnum vitæque breui erepturum. neque enim æquum esse ditari eum patrimoniis egentium, quos ipse de suo alere debeat. His dictis iratus Iniuriosus, ne salutato quidem Rege, Turonos repetiit. Qua verè sacerdotali libertate motus Chlotharius indictionem rescidit, missisque post Iniuriosum viris cum muneribus, veniam facti precatu est. Ex quo intelligitur Reges Francorū nihil tum oneris Ecclesiæ Gallicanæ, nisi consentientibus ac subscribentibus Episcopis, imposuisse.

In parte Britannicæ Armoricæ tum dominabatur Chanao Comes, cæde trium fratrum infamis, qui cùm & Macliauum fratrem suum captum in carcere & cætenis teneret, vellētque interimere, orante Felice Namnetico Episcopo ei pepercit: iurauitque Macliauus se fratri fidelem futurum, nec multo post violata fide, vt satellites ad se comprehendendum missos euaderet, ad alium Comitem Britannorum, nomine Chonomorem perfugit. Is cùm inquisitores appropinquare sentiret, Macliauum capulo clausum humauit, ita facto tumulto, vt per paruum spiraculū de cælo animam posset ducere. Eo commento illusi Chanaonis satellites, postquam super tumultum læti biberant, Domino suo renuntiant Macliauum mortuum ac sepultum esse. quo audito Chanao Regnum eius totum recepit. At Macliauus velut rediuuius existens ab inferis Venetos urbem petit, ibique tondetur, & Episcopus constituitur. sed vt erat

leuis & temerarius, mortuo Chanaone capillos promissit, & vxorem, quam post Clericatum dimiserat, cum Regno fratris recepit. quam ob causam Episcopi ei sacris interdixere. Ceterum non dubito, quin Chonomeres Britannorum Comes à Gregorio dictus, is sit, quem Auctor libri de vita Leonorij Episcopi *Commodum* appellat, & quem, Childeberto priore in Francia regnante, vxorem Rigualdi Ducis Britanni viduam in matrimonium accepisse, ac priuignum suum Iudualum, quamdiu ipse vixit, à dignitate paterna exclusisse tradit: quique in vita Gildæ *Conomerius* vocatur, & *tyrannus* in Britannia fuisse dicitur ætate Gildæ, ac *Childerici Fræcorum Regis principatus*, magno errore: cùm Paullus Gildæ condiscipulus Childeberto regnante floruerit. quo etiam tempore Indualis cognomine Candidus, hoc est (vt puto) Iudualus, Rigualdi Ducis filius, Domnonensium in Britannia Dux erat: quemadmodum Auctor libri de vita Paulli Episcopi memoriz prodidit.

152

Post Consulatum Basilij anno IX Vesigothi, iugulato Theudisclo, Agilam Regem consalutauere. è quibus Theudiscum post Consulatum Basilij V. C. anno II, & Agilam eo mortuo post Consulatum Basilij anno IV regnare occæpisse falsò tradit Auctor Appendicis Chronico Victoris Tununensis Episcopi adiunctæ.

1511.

Post Consulatum Basilij anno X, belli Gothici XVII Flavius Iustinianus Aug. Leontium Senatorem, Athanasij generum, ad Theodebaldum Francorum Regem legatum misit, qui ab eo postularet, vt arma secum aduersus Totilam & Ostrogothos consociaret, cederetque opidis & castellis Italiæ, quæ Theodebertus contra ius fœderis occupauisset. Leontius, vbi ad Theodebaldum venit, ita locutus est. Nonnullis forsitan, præter spem expectationemque accidere aliquid potuit: qualia verò Romani à vobis passi sunt, alij contigisse puto nemini. Quippe Iustinianus Aug. non prius Ostrogothis aperte intulit bellum, quàm Francorum amicitiam & societatem data ingenti pecunia redemisset. at illi non modò nihil earum rerum fecere, quas promiserant, sed etiam tanta Romanos iniuria affecere, quan-

tam ne suspicari quidem quisquam facilè possit. Pater enim tuus Theodebertus occupauit nihil ad se pertinentes prouincias Italiæ, quam Imperator magno labore magnisque periculis sine Francorum auxilio in suam ditionem redegerat. Quamobrem nunc ad te venio, non antefacta criminaturus, sed ea postulaturus, ac moniturus, quæ tibi ipsi sint profutura. nimirum vt felicitatem confirmes tuam, & sua habere Romanos sinas. (Sæpe enim potentissimis, & multa ac magna obtinentibus parux alicuius rei iniusta possessio causa exitij fuit: propterea quod raram facit misturam cum iniquitate secunda fortuna) præterea vt patris promissum præstes, fidemque liberes, bellum aduersus Totilam nobiscum gerendo. siquidem maximè liberos decet parentum malefacta corrigere, & benefacta confirmare ac rata habere. Huiusce autem belli societatem cum Romanis te etiam non inuitatum ac rogatum inire, oportebat. Nam cum Ostrogothis nobis res est, qui Francis hostes semper & infidi fuerunt, eisque cætra & atrociora bella numquam non intulerunt. Qui nunc quidem metu Romanorum & necessitate impulsus tibi adulari, & tuum auxilium implorare non dedignantur: si verò armorum nostrorum metu liberati fuerint, non multo post suum erga Francos animum apertè nudabunt. Quare cum Imperatore amicitiam & fœdus renouare ne dubita, & in veterem hostem totis viribus factas iniurias vindicare. His Theodebaldus Francorum Rex ita respondit. Ad societatem belli aduersus Ostrogothos nec rectè nec iure nos inuitatis. sunt enim nunc nobis amicitia iuncti. quibus si parum stabiles, inconstantisque se Franci præstiterint, ne Romanis quidem fidi sunt futuri. Quod autem ad loca Italiæ mihi subiecta pertinet, Theodebertus pater meus nec quemquam finitimorum violauit, nec alienis manum adiecit. cuius rei nullum asserre certius testimonium possum, quàm quod eius hereditate nihilo sum opulentior factus. neque idem supradicta loca Romanis eripuit, sed à Totila possessore destituta, ac velut palàm tradita occupauit. Quo de facto Imperatorem Iustinianum gratulari Francis

maximè oportebat. nam qui raptorez rerum suarum ab aliis spoliatos videt, nisi obstet inuidia, iustâ vltione lætari consuevit, & meritam eos factæ sibi iniuriæ pœnam pendere arbitratur. Sed vtrique totam controuersiam ac disceptationem Iudicium fidei committere possumus, vt si quid patrem meum Romanis eripuisse paruerit, hoc sine mora necessariò restituam. Hisce de rebus legatos Constantinopolim non multo pòst mittam. Sic locutus Theodebaldus Leontium Athanasij Præfecti Prætorio Italiæ generum dimisit, & Leudardum, hominem Francum, vnà cum tribus aliis, legatum ad Iustinianum Aug. misit, vt in belli Gothici libro IV tradit Procopius. Legati ex sententia rem confecêre. nisi quodd à Iustiniàno, acta Concilij Calchedonensis infirmare conante, impetrare non potuêre, vt Vigilium Pappam, & Datium Mediolanensem Episcopum Constantinopolim euocatos, ac indignè tractatos, ob idque sibi per litteras ab Clericis Italiæ commendatos in suas sedes restitueret.

1511.

Indictione XV post Consulatum Basilij V. C. anno XI in Hispania bellum ciuile oritur. Theudiselo Regi à coniuratis iugulato Hispali, quæ tum Vesigothorum regia erat, successerat Agila: qui cùm popularibus grauis ac iniquus esset, Athanagildus, vnus ex Optimatibus, regni cupiditate impulsus, ab eo tertium principatus annum agente defecit, atque auxilium à Iustiniàno Aug. petiit. Imperator totum Occidentem iam dudum Orienti adiungere cupiebat. Igitur oblatâ occasione lætus Liberium Patricium cum classe in Hispaniam misit, vt sub specie ferendi Athanagildo auxilij prouinciã tentaret. Agila apud Cordubam victus acie, amisso filio cum magnis copiis omnique gazâ regiâ, Emeritam fugit, nec multo pòst (vt ait Rodericus) exercitus, quem aduersus Athanagildum miserat, ab eo Romanis auxiliis adiuto deletur; Liberio interea opida Hispaniæ non pauca facilè occupante. Quare cùm animaduenterent Vesigothi suis se gladiis iugulari, timerentque maximè, ne milites Romani occasione vsi Hispaniam subigerent, oblieti sacramenti Agilam v regni

anno Emeritæ occidunt, & Athanagildo se tradunt. Sic potitus rerum Athanagildus milites Romanos, quibus adiutoribus Agilam vicerat, postea Regni sui finibus expellere non potuit, bellumque cum eis diu variâ fortunâ gessit, partemque urbium, quas ceperant, recuperavit. Vnde Agathias in Historiæ libro V tradit eo tempore milites Romanos partim in Italia, partim in Africa, *partim in Hispania*, & aliis prouinciis fuisse collocatos. At Liberius Patricius, Dux Romanorum, posteaquam vrbes aliquot Hispaniæ occupauerat, oram maritimam Aquitaniæ classe infestam habuit, ac Burdigalam Biturigum Viuisorum oppugnauit. Quod enim Suidas scribit, *Belisarium circa Burdigalam urbem Gallia frequenter pugnasse*, id ego emendandum, & in locum Belisarij *Liberium* restituendum puto. quippe constat Belisarium extra Africam & Italiam nulla usquam in Occidentis partibus bella gessisse. Libèrius iste Patricius, quem in Hispaniam cum exercitu à Iustiniano missum ait Iordanes, grandis natu fuit, tum cum ei aduersus Agilam Veligothorum Regem expeditio mandata est. idem enim multis antè annis, sub Theoderico & Athalarico Ostrogothorum Regibus, Præfectus Prætorij Galliarum fuerat, multum ob merita, & ob vulnera in bello accepta à Cassiodoro Senatore laudatus: & Basilicam, quam Arausione exstruxerat, ab Episcopis Prouinciæ Decio iuniore Consule dedican-<sup>10XXIX</sup>dam curauerat, statutisque Concilij Arausicani subscripserat, non modò Præfecturâ Prætorij Galliarum, sed etiam Patricia dignitate iam tum illustris. postea legatus à Theodahado Rege vnà cum Opilione ad Iustinianum missus, apud eum remanserat, & aduersus Totilam in Siciliam cum classe missus ab Imperatore, breuique Constantinopolim reuocatus fuerat anno belli Gothici XVII, post Cōsulatum Basilij X. vt tradit Procopius,<sup>10LI</sup> qui Liberium modò *Senatorem Romanum*, modò *Patricium ex urbe Roma*, nonnumquam *virum Romanum*, extremæ senectutis, ac belli artium imperitum appellat: vt appareat eum Patricium Occidentalem fuisse. In Hispaniam missus post ab Imperatore Francio Dux



Cantabrie in ditionem eius redactæ præfuit. quem Francionē Fredegarius, ac Aimoinus decepti nomine tributa Francorum Regibus pependisse scribunt: eoque mortuo à militibus Romanis, quibus tuendi limitis Hispaniæ cura mandata erat, Cantabriam receptam, deinde à Flauio Sisebuto Rege Vesigothorum occupatam dicunt. Paullus in libro tertio rerum Langobardicarum tradit Francionem hunc ipsum in Italia Magistrum militum fuisse, vnum ex his, qui sub Narſe militauerant: & Langobardis terram Italiam vexantibus, per annos viginti munitissimam insulam in Lari lacu, Comacenam à finitimo opido Como, & Lariensem cognominatam, tenuisse: ibi semestrem obsidionem fortiter tulisse: tandēque traditā Flauio Authario Langobardorum Regi insulā, cum coniuge, ac supellectile Ra-uennam sese recepisse. Ceterum Romani, qui Iustiniani iussu Hispaniam Liberio duce ingressi erant, virtute, concordia, Hispanorum affinitatibus, ac etiam missis ab Imperatoribus ex Africa & Italia auxiliis adeo creuere; vt neque ab Athanagildo, neque ab eius successoribus ex Hispania expelli potuerint, vixque post annos amplius XXX Suintila Vesigothorum Rex vrbes, quas occupauerant, receperit. Hi sunt Romani, quos Ioannes & Isidorus in Chronicis, & Paullus in libro III rerum gestarum Langobardorum *Milites* absolutē vocant, Gregorius in Historiæ libro V contumelioso tum nomine *Græcos* appellat. Nimirum milites Romani à Iordane, Procopio, & Gregorio Magno, ceterisque eorum temporum Auctoribus plerumque *Milites*, & *Spanienses* simpliciter dicuntur, vt Imperium Romanum *Reipublica* atque *Reipublica*.

Eodem anno, quo Liberius Patricius Hispaniam petiit, Narſes eunuchus, ex Præposito sacri Palatii, ex Conf. atque Patricius, cum magnis copiis, & Langobardorum, Erulorum, Hunnorum etiam, ac Persarum perfugatum mercenariis auxiliis, à Salona opido Dalmatiæ mouit, traiectoque sinu Liburnico, quem alij sinum Polaticum, alij Flanaticum appellant, omnem exercitum exposuit Polæ. inde per Istriam, & Venetiam iti-

nere factò ad amnem Atesim peruenit, missòque nuntio postulauit à Francorum Ducibus, qui finitimos locos præsiidiis tenebant, vt ipsis sociis & amicis transitum darent. Illi Narfæ renunciari iubent hæc se facere nullo modo posse, suæ vtilitatis, & erga Ostrogothos beneuolentiæ magis quàm commodi Romanorum habendam esse rationem rati: atque hancce parum speciosam & honestam dictu negationi transitus causam prætendunt, quòd Narfes Langobardos, hostes Francis infestissimos secum duceret. Tum Narsem, dubitantem quid ageret, quidam Itali docuere, si Franci in eo proposito perseuerarent, à loco vbi erant vsque ad Veronam transitum tentari non posse, quam urbem Teia Ostrogothus, vir fortissimus, valido præsidio tuebatur: Hærebat itaque Narfes inops consilij, donec Ioannes, Magister militum, locorum peritus per maritimam Venetiæ oram Romanis parentem duxit exercitum, fossasque ac paludes, Septem Maria dictas, in quas se Padus effundit, pontecè nauibus factò iunxit. Sic traductis copiis Narfes Rauennam intrauit. Quam autem ob causam tantæ Francos inter & Langobardos inimicitie tum fuerint nescio. Nam & antea Theodebertus Francorum Rex Wisigardim Waconis Langobardorum Regis filiam in matrimonium duxerat, atque ad Audoinum, Waltatij Waconis filij tutorem successorémque, legatos de consociandis aduersus Iustinianũ Aug. armis miserat. & paullo pòst Theodebaldus Francorum Rex Vultradam, sororem Wisigardis, vxorem duxit: ac Chlodouinda, Chlotharij maioris filia, Alboino Langobardorum Regi collocata est. quæ affinitates nisi inter amicos fieri non solent. Nisi fortè ex eo inter ambas gentes inimicitie ortæ sunt, quòd Audoinus Langobardorum Rex Herminafridi Toringorum Regis filiam matrimonio sibi iunxerat, (vt ait Iordanes) ob idque bellum Francis illaturus, & Amalafridum fratrem vxoris suæ in paternum Regnum reducturus videbatur. Apud Menandrum dicitur Narfes ad Hamingum Ducem Francorum, qui in Atesis vltiore ripa confederat, Pamphronium Patricium, & Bonum Pro-

curatorem rerum priuatarum misisse petiit, vt ex eo loco discederet; neu ruptis indutiis iterum bellum aduersus Romanos excitaret. quibus Hamingus respondit, quamdiu hastam dextrâ vibrare posset, se cessurum non esse. Narses Valeriano adiunctus, superato flumine Arimino, ad Apenninum peruenit, ibi apud Busta Gallorum (hoc loco nomen est) cum Ostrogothis vno proelio debellat, ac Totilam Regem, antea semper inuictum, numero magis & paratu militum quàm virtute fundit, fugientemque interficit, anno regni XI, post Consulatū Basilij pariter XI, confestimque Langobardos, qui, ex victoria assumptâ peccandi licentiâ, omnia stupris incendiisq; scedabant, auxilij causâ magna pecunia donatos domum dimittit. Quidam auctores sūt Totilam, ante proelium à milite Romano insciente necopinantem iaculo ictum, ex vulnere paullo post interiisse, atque Ostrogothos amisso Rege pauidos facillè ab Narse deuictos celsosque esse. Valerianus, post deductos vsque ad fines Italiæ Langobardos, castra ante Veronam posuit, tamquam urbem eam oppugnare constituisset. cui cum Ostrogothi ibi in præsidio collocati sese ipsos, ac urbem dedituros promississent; cognita re Franci, qui finitima Venetiæ obtinebant loca, nec Romanam vicinitatem amabant, totis viribus prohibuere, regionem velut ad ipsos pertinentem sibi vindicâtes, & Valerianum cum exercitu irritum discedere coëgere. At Ostrogothi, quotquot proelio supererāt, traiccto Pado, Ticinum peruenere, & Teiam Fridigerni filium Regem ibi appellauere. qui suos Romanis impares videns, legatos ad Theodebaldum Francorum Regem misit, eumque pollicitationibus ingentis pecuniæ ad belli societatem pellicere frustra conatus est: propterea quòd Franci nec pro Ostrogothis, nec pro Romanis pugnare, & sanguinem more mercenariorum profundere volebant, sed Italiam in ditionem suam redigere, & eius subigendæ causâ per se ipsi bellum gerere cupiebant. Interea Narses Narniam, Spoletum, Perusiam, Romam, Portum Augusti, Nepetam, ac Petram Pertusam occupat: & Cumas, urbem Campaniæ munitissimam, in arduo colle

colle ad mare Inferum positam, quò Totila pleraque spolia Italix & insignia regia contulerat, oppugnat: Teiámque obsessis subsidio uenientem, nauibus exuit, commeatu intercludit, directa acie fortissimè pugnantem interficit, imperij Domini Iustiniani perpetui Aug. anno XXVI, post Consularum Basilij V. C. anno <sup>10111</sup> XI, belli Gothici XVIII. A Procopio, quem secuti sumus, Victor, Mariúsque dissentiunt: è quibus Victor Totilam à Narse eunuchò Patricio proelio superatum post Consularum Basilij anno XIV p̄riisse dicit: Marius Toti- <sup>10112</sup> lam vel Baduilam post Consulatam Basilij anno XII <sup>101112</sup> Indiétione I interfectum, Teiam insequenti anno cæsum est auctor. Ostrogothi tot continuis incommodis infracti, & ad paucos redacti, pacem à Narse petunt, ac impetrant, & se de opidis præsidia deducturos, ac totâ Italiâ excessuros; nec vmquam ampliùs Romanis bellum illaturos iurant. Ostrogothi circiter mille, qui iurare nolebant, ex castris egressi Ticinum opidum & alia trans Padum loca Hildusf transfuga duce repetiere, sicuti ait Procopius. Quamquam è contrario Agathias Scholasticus in Historiæ libro I prodit conuenisse, vt Ostrogothi in Italia securi remanerent, sub ditione Imperatoris futuri. ita pace facta domum omnes rediisse, & alios quidem in Tusciam, alios in Liguriam, & in Venetiæ opida ac castella reuertisse.

Breui apparuit arma victos, non odia deposuisse. Ostrogothi enim Circumpadani, externæ dominationis intolerantes, cum paucò tempore sese continuissent, fidemque seruauissent, mox res nouas moliri cœperunt. Regnabant tum apud Francos Childebertus, Chlotharius, & Theodebaldus, quorum priores duo sedes longè ab Italia remotas habebant: posterior Liguriæ, Venetiæ, & Alpium Cottiarum partem non minimam obtinebat. Ad Theodebaldum igitur Francorum Regem legatos mittunt Ostrogothi, qui dicerent, tempus esse genti eum finitimæ ac foederatæ subuenire: expelli se à Iustiniano Italiâ, quam Theodericus Zenonis permisso intrauerit, ac Turcilingis ademerit: & Amalasuenthæ vindictam, speciosum titulum nefario latrocinio

præferri. nisi celeriter magna sibi auxilia mittantur, partem huius calamitatis ad Francos recasuram. Quid enim aliud velle Romanos, nisi liberis populis, quos contumeliosè Barbaros appellant, seruitutem iniungere? Sic nuperrimè sub specie auxiliorum à Iustiniano missum esse in Hispaniam exercitum, Vesigothis, ni caueant, exitio futurum. neque dubitari oportere, quin idem, vt victis Vandalis Africam subegisset, & inuitatus successu, ob vnius noxam, Ostrogothis bellum intulisset, ac Italiæ manum inieciisset; ita Galliam, partem quondam Imperij Romani, occupatam à Francis esset repetiturus. Certè non semel eum iactasse, atque scripsisse, gentes omnes, amissas secordiâ Romanorum, se recepturum sperare. Videret itaque, ne vicinum incendium, suâ negligentia auctum, mox ad ipsum transfret. quod ne accadat, in eius nunc potestate positum esse. Hac oratione Theodebaldus, puer valetudinarius, ignauus & imbellis, non admodum commouebatur, neque pro gente pæne funditus eversa fortunam tentandam existimabat. Erant tum in Aula Procerum omnium dignitate & potentia faciliè primi Leutharius & Buccelinus fratres, natione Alamanni, quos Theodebertus Rex popularibus suis Duces præposuerat. Hi permittente magis quàm assentiente Rege cum Ostrogothis belli societatem ineunt, celeriter Francos, atque Alamannos ad LXXV millia cogunt, Alpésque transscendunt tanta cum contemtionem hostium, tantâque virium fiducia, vt Narsen, eunuchum breuem ac macrum, nec in virorum, nec in mulierum numero habendum, & lanificio, quàm armis aptiorem, qui Ostrogothis adeo timori esset, primum suorum impetum laturum negarent, totiusque Italiæ ac Siciliæ imperium sibi promitterent. Peragratâ Liguriâ, Padum superat Francorum exercitus, ac Parmam opidum occupat. Qua cognita re Narses Fulcarim, Erulorum foederatorum ampliùs trium millium equitum Ducem, cum Ioanne, Valeriano, & Arrabane Magistris militum, & cum copiarum suarum parte maiore ac validiore in Æmiliam mittit, & ad flumen Padum castra facere, munitioribusque lo-

cis occupatis hostes reprimere ac itinere prohibere, sin autem propter paucitatem id facere non possent, saltem eosdem morari, & ne audacter ac liberè vagarentur, obseruare iubet. ipse post ordinatas res Tusciæ se venturum confirmat. Fulcaris, Dux non minùs temerarius, quàm strenuus, incomposito agmine, minimè exploratis locis, Parmam raptim contendit. Qua lætus occasione Buccelinus lectâ virorum fortium manum in Amphitheatrum non longè ab vrbe situm, condit, Barbarosque effusos ac temerè progressos subitò eruptione facta fundit fugâtque, Fulcarim ipsum interficit. Eâ victoriâ Leutharius & Buccelinus tantum auctoritatis & nominis sunt consecuti, vt Ostrogothi Æmiliâm, Liguriam, finitimâsque prouincias incolentes, qui cum Romanis necessitate coacti pacem ac belli societatem inierant, apertè fœdus rumperent, & ad Francos morum similitudine sibi coniunctos sponte transfirent, suarumque eis urbium portas aperirent. contrâ Ioanni & Artabani Romanorum Ducibus tantus iniectus est metus, vt statim Fauentiam se contulerint, quæ abest ab vrbe Parma ampliùs millia passuum XC.

Dum hæc apud nostros geruntur, Narfes, exercitus parte ad oppugnationem Cumarum relicta, per Latium in Tusciam copias perducit: Florentiam Tuscorum, Centumcellas, Volaterras, Alsium, ac Pisas occupat: & vbi de Fulcaris clade cognouit, milites nuntio consternatos oratione confirmat, Lucensêsque terro quàm obsederat mense, frustra dehortantibus Francis, qui ibi in præsidio erant, deditionem facere cogit. Eodem tempore Aligernus, Fridigerni filius, Teiæ quondam Ostrogothorum Regis frater natu minimus, vir manu strenuus, cùm intelligeret Francos, si bello Romanos vicerissent, Ostrogothis sub specie societatis Italiam ac libertatem erepturos, seipsum, Cumâsque Romanis deditit: missûsque à Narfe Curuam Cesenam, Francos per fines Regiensium, Mutinensium, Bononiensium, Forcorneliensium, & Fauentinorum itinere facto urbem prætereuntes, vt iussus erat, irrisit ex muro, clamitans serò eos venisse, ac frustra festinare, iam enim Cumis,

& vnà omni regia pecunia vestéque , ac supellectile , ad quæ occupanda properarent , potiri Romanos , adeò vt si quis ab Ostrogothis Rex salutaretur , regiis insignibus esset cariturus. Aligerno Franci conuicia regerebant , & perfidum , proditorémque popularium suorum appellabant. Nihilominus tanta spe frustrati mox de summa rerum deliberant , domum redire placeat , an progredi. superat sententia eorum , qui in expeditione perseuerandum esse censebant. Paulo post accidit nostris aliud incommodum. Franci ad duo millia equitum & peditum , à Ducibus ad depopulandos agros & exploranda itinera missi , circa Ariminum pecus abigebant. Erat tum Arimini Narfes cum Theodebaldo Varnorum foederatorum Duce , qui indignatus sub oculis suis audacter prædam hostes agere , in eos trecentis equitibus comitatus eruptionem fecit. Et Franci quidem pedites ab vtroque latere equitibus suis , à tergo densa silua tecti , primùm conserti ac immobiles iunctis scutis tela Romanorum excipiebant , sic vt primi ordines laxari pèrfringique non possent. Tum Narfes , posteaquam nihil proficiebat , simulatione fugæ eos longè à silua protractos in apertum campum perduxit , & incompósitos ac effusè insequentes ex improviso aggressus , pedites circiter nongentos cecidit ; equites coniecit in fugam. cùmque animaduerneret Francos natura æstus esse intolerantissimos , nec libenter ætate bellare , frigore autem tamquam re cognata & patria vegetos , robustissimósque , ac laborum patientissimos fieri , expeditionem in ver differre constituit , missisque in hiberna copiis , & Rauennæ rebus ordinatis , Romæ hiemauit.

Interea Franci lento agmine loca , quaquà ibant , omnia depopulabantur , atque vastabant , ac Flaminiam emens , pèrque Picentes , Marrucinos , ac Pelignos itinere factò Samnitium fines intrauerant. quò vt peruentum est , Duces copias inter se diuiserunt. & Buccelinus quidem accepta exercitus parte maiore ac validiore , dextrum iter ingressus , prouincias Tusco mari appositas Campaniam , Lucaniam , & Bruttios , Rhegio & Freto Siciliensù tenus , populando peragrauit. Leutha-

rius verò finistram carpens viam, vastatâ Apuliâ, & Calabriâ vsque ad Hydruntum, quo ex opido finis Adriatici maris, & initium Ionij despicitur, peruenit. sic ambo diuerfis itineribus omnem Italiam sunt peruagati. Qua in expeditione Francos, rectè de Deo sentientes, & eandem quam Romanos religionem colentes, in locis sacris piè ac reuerenter se gessisse, Alamannos autem, nondum Christianæ religionis mysteriis initiatos, Ecclesias spoliavisse, detexisse, ac diruissse, sanguine etiam humano polluisse Agathias scribit. Accidit tum, quod in 1 Dialogorum libro tradit Gregorius Romanus Episcopus, vt Buccelino Campaniam ingressò, Franci aliquot in Monasterium Honorati viri sanctissimi apud Fundos positû, vbi multas pecunias esse audierant, irrumperent, & magnis clamoribus Libertinum Præpositû loci requirerent, ac caligantes videre non possent, in quem humi prostratum ac orantem impingebant, sicque ex Monasterio vacui egredi cogerentur. Ineunte ætate cupido incescit Leuthario grauem prædâ exercitum domum reducendi, ac rapto fruendi. Itaque ad Buccelinum nuntios misit, qui suaderent, vt celeriter rediret, incertoque bello ac Ostrogothis valediceret. cognitòque eum, indutum spe regni ab Ostrogothis ipsi promissi, cum Romanis se prælio decertaturum iuravisse; nihilominus excedere Italiâ, & postquam domum venisset, ac prædam in tuto loco deposuisset, auxiliares fratri copias mittere instituit. sed nec ipse in Franciam reuerti, nec fratrem supplemento militum adiuuare potuit. Regrediens igitur Leutharius sine vllò detrimento exercitus iter fecit, donec Picenum emensus ad opidum Flaminiae Fanum Fortunæ peruenit: ante quod opidum positis castris aduersam fortunam expertus est. Cùm enim millia hominum tria non solùm ad exploranda vltiora, sed etiam ad hostem, sicunde appareret, fundendum ex more præmisisset; Artabanes Persarum, & Huldac Hunnus, qui cum Romano exercitu Hunnisque foederatis Pisauri occasionem bene gerendæ rei speculabantur, in eos per Hadriæ litus iter facientes, murisque appropinquantibus conferti eruperunt, ac mul-



tos deimprovisò occiderunt. nonnullos per prærupta litoris fugâ enifos, móxque ex colle recto atque præcipiti deuolutos mare hausit. Cùm plurimi eo modo periissent, reliqui incompositè terga vertere, & cum magno clamore ac fletu ad suos reuersi trepidatione & tumultu castra impleuere, atque quod ipsi credebant, subitò affore Romanos commilitonibus persuasere. Igitur Leutharius omnes armari & ad proelium parari iubet, phalangéque ita facta, vt densa ac nihilominus in longum extenta esset, obuiam hosti proficiscitur. Sed Artabanes & Huldac Duces, propterea quòd numero impares ad pugnandum erant, iam Pisauri muris incluserant sese, neque ex opido suas copias eduxere. Tum Franci reuersi in castra iacturam prioridamno grauiorem se fecisse cognoscunt. plurimi enim captiuorum, qui incustoditi remanserant, hostium occupatione tamquam occasione suauisi, celerrimè profugerant, & sese, ac vnà quidquid spoliolum diripere potuerant, in proxima castella contulerant. Quamobrem priusquam grauiora paterentur, confestim mouenda castra, & ex opido Fano Fortunæ discedendum statuunt, exsecratique locum infortunatum & iactura prædæ suæ infamem, relicto Hadriatici maris arenoso litore, flectunt ad læuam, & secundum radices montis Apennini longum iter faciunt per prouinciam Æmiliam, Alpésque etiam Cottias, (vt Agathias ait) Padóque flumine difficulter superato tandem Venetiam ingrediuntur. Hic notare conuenit errare Agathiam Scholasticum, qui Fanum & Pisaurum prouinciæ Flaminie vrbes Piceno attribuat, easdémque non ad mare Hadriaticum, vt ceteri omnes, sed ad Ionium ponat. Franci, peragratâ magnâ parte Venetiæ, ad urbem eius prouinciæ Ceneatam, inter Feltriam & Belunum sitam, quæ tum Theodebaldo Regi parebat, peruenere, ibi reficiendi sui causâ tutò statua habituri. Dolebant tamen, & ingentis mæstitiæ notas præ se ferebant, quòd prædæ suæ partem maximam amisissent, & frustra tot terras emissi, ac tantos labores passi esse sibi videbantur. Sed non hic eis calamitatis finis fuit. Quippe dum apud Cene-

tam conferti in artas domos vires refouent, subito ex-  
orta pestilentia est, & contagione vulgante morbos, ad  
vnum omnes (si Agathie credimus) periere. Leutha-  
rius rabiosus, & spumans, & suos ipse lacertos lacerans  
expirauisse dicitur. nonnullis apoplexia, aliis continua  
dementia, aliis varia febrium genera mortifera fuerunt.  
Quam cladem Romani irâ diuinâ illatam credebant:  
Franci, naturâ æstus intolerantes, partim mutationem  
ac corruptionem cæli, partim repentinam à labore ad o-  
tium conuersionem causabantur. Certè nusquam maior  
ac crebrior febribus, dysenteria, intestinorum leuitate,  
murium araneorum morsibus, & veneno strages exer-  
cituum nostrorum facta: nec vlla his prouincia Italiâ  
pestilentior fuit. Illa enim Theodeberti, Childeberti  
posterioris, Carolomanni, & Caroli fratrum copias; illa  
præter Leutharium, Lotharium Regem Caroli Magni  
pronepotem, Carolum Augustum, eiusdem nepo-  
tem, Ludouicum Regem Ioannis filium, Gisleber-  
tum, ac Odetum Duces absumsit. Quo magis glo-  
riosisissimi Principis Ludouici nuper nobis erepti vt lau-  
danda virtus est, sic admiranda felicitas, qui vnde  
pauci ex maioribus eius sine aliqua clade domum re-  
dierunt, multi ne redierunt quidem; inde expugna-  
to Segusione, Hispanis à Casale reiectis, lætus saluum  
& victorem exercitum reduxit. siue Italiam, aduen-  
tu liberatoris sui recreatam, salubriores solito venti per-  
flauerant: siue iustissimo bello elementa ipsa fauere o-  
portebat.

Dum hæc in Venetia contingunt; Buccelinus agris,  
castellis; opidisque ferè omnibus, quacumque ierat,  
fretò Siculo tenuis, vastatis, copias circumegit, & hostes  
petendi, atque cum Narfe de summa rerum maturè  
dimicandi impetum cepit. quòd multi Francorum, fa-  
me & inopiâ pressi, (Narfes enim commeatus in muni-  
tissima loca comportari iusserat) ex crebro vuarum  
recentium ac musti vsu contracto alui profluuiò, per-  
ierant; reliquos vires deficiebant. Itaque antequam  
plures simili valetudine tentarentur, prælio contende-  
re, ac bellum conficere cupiebat. Vt in Campaniam ve-

nit, Neapoli, & finitimis vrbibus, sicuti Constantinus Porphyrogenetus scribit, occupatis, castra posuit haud procul Capuâ, eaque rotis carrorum, modiolorum tenus in terram infossis stipitibusque ita muniuit, vt vnum tantum exitum haberent, ad dexteram Casulino amni coniuncta: atque in Ponte Casulini, quem locum Leo Marficanus in libro I Chronici Cassinensis commemorat, turri ligneâ constitutâ, firmum ibi præsidium collocavit. Sic inscius, quanta in Venetia clades esset accepta, auxiliares fratris copias, vt conuenerat, exspectabat, nec tam diu moraturas fuisse, si nihil eis aduersi contigisset, suspicabatur. Quamquam etiam sine hoc supplemento militum victoriam de hostibus sibi promittebat, virorum fortium & bellicosorum millibus triginta subnixus, cum vix Nârses duodeuiginti millia variarum gentium haberet armata. Quare & ipse magna alacritate erat, & suos cohortari non desistebat, discitans non de parua aliqua re, sed de Italia pugnatum iri, propter quam bellum gererent, & quam, si viri essent, nec inglorij omnes perire vellent, victis Romanis faciliè essent occupaturi. Qua oratione instincti Franci, & immodica confidentia elati sese ad prælium parabant. & alij quidem secures ancipites, vel bipennes, vulgò Franciscas à gente cognominatas; alij hastas, lanceasve, quas Angones vocabant, acuebant. quidam scuta rupta resarciabant. denique facillimè sua quisque arma suis manibus reficiebat. Tum enim (vt ait Agathias) simplex & parabilis erat Francorum armatura, nec variis artificibus indigebat. loriceis, & ocreis non utebantur, exceptis Regibus ac Primoribus gentis; equis admodum pauci: propterea quòd more patrio pedestribus pugnis innutriti, & quotidiana exercitatione assuesfacti erant. plerique capite erant nudo: galeis pauci tegebantur. gladio cincti & scuto tecti prælia inibant: nec arcubus, aut fundis, sed bipennibus tantum, & angonibus armabantur. has Sidonius *secures missiles*; illas, *lanceas vncatas* appellat, in libri IV epistola XX. Erant autem angones hastæ mediæ magnitudinis, ferreis laminis ita vestitæ, vt præterquam in ima hastilis cuspede lignum

nuf.

nusquam nudum appareret. ex summo spiculo vtrique prominebant vnci deorsum versùs incurui. In pugna Francus hanc hastam emittebat. & hostis quidem corpori si infixæ esset, faciliè velli non poterat propter supradictos hamos ferreos, qui & hærebant penitus, & acerbos dolores mouebant, adeò vt leue vulnus insanabile esset. si verò hasta scuto incidisset, ex eo perforato penderet, & circumagebatur, infimâ sui parte terram verrens: neque euelli propter vncorum tenacitatem, aut gladio abscindi propter ferreum tegumentum poterat. Quod simul ac Francus animaduertisset, confestim inuadebat impeditum hostem, ac pede calcans inimicum hostile, corporis sui pondere eius scutum deprimebat. quo remisso cùm aduersum os pectusque hostis nudaretur, securim fronti eiusdem insigebat, aut iugulum aliâ hastâ petebat. Militem Francum gladio, cuius capulus esset breuissimus, scuto, & vna securi armari solitum auctor est Procopius in belli Gothici libro II, securimque latissimo fuisse & acutissimo ferro, quâ Francus in primo excursu iactâ scuta perfringeret, hostesque interficeret.

Et talis quidem erat Francis armatus, atque ita tum, qui Buccelinum Ducem secuti erant, se ad prælium parabant. Narses autem Magister militum Romanorum, cognito Buccelini consilio, statim ab Vrbe cum suis omnibus copiis proficiscitur, & contra hostes castra ponit. Accidit tum, vt serui aliquot iussu Buccelini circum proximas villas profecti frumentatum, cum plaustris magna copia frumenti & reliqui commeatu onustis redirent in castra. Quod cùm Narses ferre non posset, Chanarangem strenuum hominem atque prudentem, natum in Armenia maiore Persis subiecta, quæ ob id Persarmenia vocabatur, frumentatoribus immisit. Ille paucis ex suo numero equitibus lectis celeriter inopinantes inuadit, iumenta agentes interficit, plaustrisque potitur. è quibus vnum feno arido onustum ad turrim ligneam in ponte Casulini à Buccelino constitutam admouit, subiectoque igne eam incendit, vix vt Francorum præsidium, per medias flammæ inde cla-

psum, fugâ castra petiuerit. Romani pontem occupauerunt. Hoc Franci ignominie ferentes loco ad arma concurrunt: ira & dolore turbati, ac pæne impotes mentis non vltra differre, sed statim proelium committere volebant: frustra prædicentibus Varibus Alamannis, si eo die pugnam conseruissent, ad vnum omnes esse perituros. Armatis Francis, Narfes quoque paratas & expeditas copias ex castris educit. Quibus iter facientibus, Narfæ iam equo insidenti nuntiatur Erulum, virum nobilem in primis & illustrem, cuidam è seruis suis iratum ob delictum nescio quod vitam eripuisse. Quâ cognita re Narfes inhibet frenos, resistensque homicidam produci iubet, confitentemque reum, & dominos in seruos vitæ ac necis potestatem habere affirmantem, Protectoribus suis necandum tradit. & ille quidem gladio confossus interiit. Eruli autem, ob popularis sui supplicium Narfæ infensi, proelio non interesse statuebant. At Narfes ita expiatâ cæde, de Erulis parum sollicitus, palàm hortatus est, vt qui victoriæ vellent esse participes, se sequerentur, atque cum reliquis omnibus militibus locum petiit ab vtrisque castris æquo spatio distantem, vbi acies instruenda, & proelium committendum erat. Non multo pòst Sindual Erulorum fœderatorum Dux, in locum Fulcaris substitutus, veritus ne vnâ cum popularibus defectionis insimularetur, & suum timorem beneuolentiâ erga ciuem iure cæsum videretur velauisse, damnato priore consilio suos in aciem educit, & ociùs Romanos progressos subsequitur. Cui Narfes petenti, vt se expectaret, renuntiari iussit cutaturum se, vt Erulis suis in acie locus vacuus relinqueretur, & in campo, vbi pugnandum erat, aciem disposuit. Interea Eruli duo, qui ad Francos paullo antè transfugerant, & quid postea consilij cepisset Sindual, nesciebant, currentibus calcar addiderunt. nuntiabant enim Erulos apertè descisse ac secessisse, & reliquos omnes defectione eorum esse consternatos: si ipsi subito Romanos adoriantur, ex trepidantibus & perturbatis facilem victoriam laturos. His incitatus Buccelinus (vt homines, quod cupiunt, libenter credunt) sine mora ex

castris exercitum eduxit, Francſque omnes læti & alacres inordinato ac effuſo curſu ad hoſtem contendere, tamquam primo impetu Romanos diſiecturi. Sic autem Francorum acies erat inſtructa, vt anguſtâ fronte, ſed denſâ & ſcutis confertis phalangis modo teſtâ, paulatim à tergo ſeſe ordines dilatarent. triquetra hæc figura militari verbo caput porci vocabatur. Igitur Franci, qui in prima fronte exercitus conſtituti erant, clamore ſublato Romanos aggrediuntur, protinûſque mediam aciem, propter abſentiam Erulorum raram & exhaustam, paucis cæſis facile perſumpunt, & locum Erulis vacuum relictum tranſgreſſi ad vltimum agmen perueniunt. quidam ex his quoque caſtrorum diripiendorum cauſa longiùs proceſſere. Tum Narſes inflexis ſenſim & extentis cornibus, media acie pariter inflexâ, equitibus ſagittariis præcepit, vt in hoſtium terga vtrimque tela conicerent. Quod conſilium cauſa noſtris exitij fuit. traſiciebantur enim Francis ex omnibus partibus terga, neque ab auerſis tela vitari poterant, vnde peterentur, ignaris, propterea quòd in mediam Romanorum aciem ſibi oppoſitam, quacum acriter pugnabant, oculis erant manibûſque conuerſi. Cadentibus exterioribus, interiorum terga nudabantur. quod cum aſſiduè fieret, quamplurimi inulti procumbebant, & multitudo Francorum ad paucitatem redigebatur. Interim Eruli duce Sinduale properè ſuperueniunt, obuiâque Francorum manum, quæ primam Romanam aciem perſuperat, à ceteris abruptam inuadunt. Illi, ubi præter opinionem quos defeciſſe acceperant, adiungi Romanis, & ſibi inſtare viderunt, ſuſpicati ex compoſito paratas ſibi eſſe inſidias, ac tranſugas Erulos fraudis incuſantes conſeſtim terga verterunt; parsque ab Erulis inſequentibus eſt interfecta; pars, cum ſe in flumen Caſulinum præcipitauifſet, abſumta gurgitibus periit. Sic Eruli in ſuum locum recepti vacua in media acie interualla impleuere, phalanxque clauſa eſt: & Franci velut retibus incluſi ab omnibus partibus cædi cœpere. Iam enim perturbatis ſolutiſque ordinibus, ignari quid facerent, quòve ſe verterent, alij in alios im-

pingebantur: nec solùm à sagittariis petebantur, sed etiam à grauiori agmine, leuèque armatura hastis & gladiis transfigebantur, traieciabanturque contis. alios equitatus Romanus circumuentos & inclusos interficiebat: alios fugientes vsque ad flumen persequabatur, mox gurgitibus hauriendos. Eo modo Buccelinus Dux cum suis omnibus copiis periit.

Agathias ( si fidem res capit ) haud ampliùs quàm quinque milites ex Buccelini exercitu domum rediisse; ex parte Narsæ octoginta omnino, qui primum Francorum imperum sustinuerant, desideratos esse scribit, & campos circa Capuam omnes tabo & cruore circumfluxisse, fluménque Casulinum cadaueribus plenum exundauisse: atque eam Francorum cladem Persarum ad Marathonem & ad Salamina maximis cladibus comparat, qui cùm viribus feroces armisque confisi bello lacefferent, ac sub imperium suum redigere vellent Græcos, à quibus nullam iniuriam acceperant, dignum cupiditate sua exitum fecere. Romani, humatis suis, hostium corpora spoliauere, & armorum ingentibus aceruis potiti sunt, direptisque eorum castris, præda onusti, cantantes epinicia, & coronati Romam rediere, ac Narsæ multum laudatum triumphantium more in Urbem compositè reduxere. Quos paullo pòst, cognita Leutharij copiarum clade, ad choreas voluptatèque conuersos grauitè castigauit Narses, affirmans Francos, dum secundis rebus efferuntur & insolescunt, ac sine causa bellum Romanis inferunt, sua magis temeritate quàm Romanorum armis victos omnes periisse: à quibus etiam si nihil ampliùs metuendum esset, tamen oporteret Barbaros tantum corporis; tantum animi viribus ac disciplina ab milite Romano superari. Addidit gentem Francorum frequentissimam esse & maximam, ac summo opere in armis exercitatam, cuius pars exigua fuisset exercitus Buccelini, adèò vt eius clades iram potius excitatura esset Francis, quàm metum iniectura, & verisimile videretur non quieturos eos, aut contumeliam silentio laturos, sed maioribus coactis copiis breui in Italiam reuersuros, & ignominie sarcindæ ac

vindicandæ popularium cladis causâ bellum renouatu-  
 ros. Adiicere Narfes potuit dimidiam fermè partem  
 Francorum ingressorum Italiam non gladio, sed morbo  
 consumptam, quam incolumem & cum Buccelini exer-  
 citu iunctam non modò prælio superare non potuis-  
 sent Romani, sed ne aggredi quidem vñquam ausi es-  
 sent. Francos autem, *nationem frequentem & maximam*,  
 vt à Libanio, sic à Narfe apud Agathiam iure appellari  
 docent tot bella tantis copiis tum aduersus finitimos  
 gesta; atque armata millia centum, aut etiam (vt ait  
 Iordanes) ducenta à Theodeberto Francorum Rege in  
 Italiam adducta; & paucis pòst annis, Theodebaldo eius  
 filio regnante, Leutharius ac Buccelinus cum millibus  
 hominum quinque & septuaginta eandem prouinciâ  
 ingressi. Adeò verum est, quod in libro I scribit Aga-  
 thias, *validos esse Francos, & hostibus inexpugnabiles, si-  
 nitimisque imperare, ac suorum quidem nihil amittere,*  
*quamplurima verò acquirere.* Quamquam Franci post  
 Buccelinianam cladem, & quæ mox secuta est, Hamin-  
 gianam, quæcumque in Italia occupauerant amisere,  
 nimirum Alpes Cottias, & Liguriæ ac Venetiæ plera-  
 que. In Venetia quidem opida aliquot ad ripas Atesis  
 posita, vt Tridentum, aliæque Theodeberto Francorum  
 Regi, ac postea Theodebaldo eius filio paruisse indicat  
 Procopius, Cenetam quoque Agathias. In Liguria au-  
 tem insulam Lariensem, seu Comensem eorundem Re-  
 gum fuisse docet Florianus Monachus *Monasterij Co-*  
*mani* in epistola ad Nicetium Treuironum Episcopum;  
 in qua eum rogat, *vt Domino gloriosissimo Regi Theode-*  
*baldo insulam Lariensem, qua Christopolis dicitur, pluri-*  
*imum commendet,* & vt Romanis seruis eius fides data  
 seruetur. quæ insula lacus Larij à pietate Monachorum  
 supradicti Monasterij ibi constituti suum Christopolis  
 nomen videtur inuenisse. Ex quo etiam apparet Nice-  
 tium Treuiriæ Ecclesiæ Episcopum Theodebaldo  
 Regi venerationi fuisse, & facilè ab eo, quæcumque vel-  
 let, impetrauisse. Ceterùm (vt redeam, vnde digressus  
 sum) post fusum acie cæsumque cum suis Buccelinum,  
 Ostrogothi, circiter hominum millia vñ, qui multis



in locis Francos omnibus rebus adiuuerant, in mun-  
 nitissimum castellum sese receperunt, quod Agathias  
 Campsas appellat, ego Compsam in Hirpinis fuisse exi-  
 stimo, Annij Milonis cæde insignem. Dux Ostrogo-  
 thorum erat Ragnaris, vir sollers, atque versutus, &  
 conciliandæ sibi multitudinis peritus, à Procopio Go-  
 thus non semel; ab Agathia Hunnus Vitigurus dictus:  
 qui tota hieme obsessus à Romanis, tandem cùm Nar-  
 sen in colloquio interficere conatus esset, ab eius Pro-  
 tectoribus sagittis confossus est. Tum Ostrogothi, amisso  
 Duce, pacti sibi incolumitatem, deditionem fecere, &  
 ne res nouarent, omnes Constantinopolim ad Impera-  
 torem Fl. Iustinianum sunt deportati. Hoc loco ani-  
 maduertere conuenit, par eunuchorum Magisterio mi-  
 litæ, & Patricia dignitate illustre, Narsetem, & Salo-  
 monem, qui Belisarij Domesticus fuerat, Iustiniani Aug.  
 auspiciis res magnas nec spadonibus conuenientes gel-  
 fisse. quorum alter Torilâ & Teiâ Regibus victis & cæsis,  
 domitisque Ostrogothis, & deleto Buccelini Franco-  
 rum Ducis exercitu, totam Italiam ad Imperium Roma-  
 num adiunxit: alter in Africa Maurorum Byzacenorum  
 X millia vno prælio, & mox millia quinquaginta altera  
 pugna interfecit, & Mauros montis Numidiæ Aurasi in-  
 colas Apione Consule vicit acie.

12XX.  
XIX.

Sic Agathias Scholasticus in libro I ac II de belli  
 Gothici reliquiis, ac de nostrorum expeditione scribit:  
 neque aut tempus notat, (intra biennium autem ea ge-  
 sta sunt) aut de Hamingo mentionem facit. Cùm ta-  
 men, vti Procopius tradit, sub exitum anni XVIII belli  
 Gothici, post Consulatum Basilij XI Narses Cumas ob-  
 federit, eamdémque urbem, quo anno Buccelinus, ac  
 Leutharius Italiam ingressi sunt, captam Agathias di-  
 cat: nisi Cumanos per biennium obsidionem tulisse cre-  
 dimus; quos circiter menses XIV oppugnationem susti-  
 nuisse ex Agathiæ verbis iudicari potest, fatendum no-  
 bis est Buccelinum, atque Leutharium anno XII post  
 Consulatum Basilij Alpes transisse, ambos anno infe-  
 quenti periisse. Falsò itaque Marius in Chronico prodit,  
 post Consulatum Basilij anno XIV Indictione III Buc-

13LII.

13LY.

13LVI.

celinum Ducem Francorum in pugna aduersus Romanos cum omni exercitu suo interiisse. Quod autem addit, anno XV post Basilij Consulatum fufos fugatosque à Francis Romanos, & castris exutos esse, eodémque ipsos anno reparatis viribus *partem Italiae, quam Theodebertus Rex adquisierat, occupauisse*: id de Hamingo Duce, quem Menander Ammigum, alij Ammingum vocant, dictum puto. Certè apud Paullum, & Aimoinum lego Buccelinum Ducem, cum pæne omni Italiâ vastatâ in Campania hibernare constituisset, tandem attenuatis dysenteria (vt ait etiam Fredegarius) suis militumque suorum viribus; *in loco, cui Tannetum nomen est*, à Narse atroci proelio superatum, ac interfectum esse: Hamingum alium Ducem Francorum, cum Widino Gothorum Comiti rebellanti contra Narsen auxilium ferret, à Narse victum & occisum, Widinum captum, & Constantinopolim in exilium missum: tertium Francorum Ducem, nomine Leutharium, Buccelini fratrem; dum multâ prædâ onustus in patriam reuerti festinat, inter Veronam ac Tridentum, circa lacum Benacum propriâ morte esse defunctum. Vbi non dubito, quin *Tannetum*, vel Tannitum, quod veteres Auctores Regio Lepido & Parmæ urbibus medium interponunt, prouinciæ Æmilie reddi; & *Cannetum*, (de quo loco Capuz vicino Leo Marficanus non semel loquitur) unde deiectum fuit, eò restitui oporteat. Regino præterea, ac Sigebertus scribunt Narsen Patricium cum Buccelino & Hamingo Ducibus Theodeberti Francorum Regis Italiam vastantibus pugnauisse, eosque interfecisse. Denique in veteri Appendice Marcellini Chronico subtexta inuenio, cum *Buccelinus Comes, vnâ cum sociis à Theodeberto Rege Francorum dudum missus, per annos aliquot Italiam Siciliamque infestaret, & Romanum sepe exercitum superaret, tandem exercitum eius proflunio alui attritum, à Narse pugná victum, & profligatum, ipsum Ducem occisum: nec multo post socium eius Ammingum Ducem cum reliquiis Gothorum, quibus se iunxerat, (hoc est cum Widini Comitis copiis) peremtum esse. Quæ Indictione XV post Consu-*

1011.

latum Basilij anno XI contigisse falsò ait Auctot supradictæ Appendicis, & vt suprà notavi, duas Buccelinæ expeditiones confundit. Gregorius, Fredegarius, Frecculfus, & Constantinus Porphyrogenetus Buccelinum tantummodò, & Buccelinianæ cladis mentionem faciunt. ex quibus Gregorius tradit Theodebaldi principatu Buccelinum, cum totam Italiam in Francorum ditionem rede-gisset, ab Narse interfectum esse, & Italiam Imperatori restitutam. Marius, & Fredegarius, eo ipso anno, quo Theodebaldus Rex Francorum decessit, nimirum post Consulatum Basilij anno XIV; Sigebertus verò ante annum quàm is obiret, Buccelinum periisse tradit. Equidem existimo Buccelinum anno XIII post Consulatum Basilij; Hamingum anno XIV, bello contra Narsen occubuisse. Nec miror, quòd Gregorius neget post cæsum Buccelinum quemquam ex Francorum Regibus fuisse, qui Italiam reciperet. Nam etsi Gregorius ipse in libri IX capite XX & in libri X capite III scribit Childebertum minorem, Francorum Regem, per XX Duces copiarum eò missos, partem quamdam Italix, à Sigiberto patre suo vindicatam ac possessam, eoque mortuo amissam, ad iusiurandum adaçtis incolis in potestatem suam rede-gisse, hocque quatuor aduersus Langobardos expeditionum pretium tulisse: tamen Constantinus Porphyrogenetus quoque in Præceptis de regendo Imperio ad Romanum filium scribit Narsen Patricium, *in regione Papiæ attributa*, hoc est in Liguria, aut Venetia bellum gerentem, pecunias omnes, quas ex Italia quotannis Constantinopolim deportari, ac fisco inferri oportebat, in stipendium militum erogauisse: nec Ostrogothorum nomine propè ad internecionem redacto, & compresso Erulorum motu, Narsæ in ea præsertim Italix parte cum aliis quàm Sigiberto Rege Francorum res esse potuit: tamen constat, post pacem ab Langobardis cum Guntchramno factam, Francorum Reges tantùm montem Cini-sium, hoc est Alpem Cottiam, vallem Segulinam, vicum Noualicium, Segusium opidum, Ametegim vallem, montem Iouis, seu summum Penium, vallem Augu-  
sta-

stanam, & Augustam Prætoriam Salafforum, nihilque præter hos aditus in Italia illustre tenuisse.

Post Consulatum Basilij anno XIV. Indictione III. <sup>1045.</sup> obiit Theodebaldus Rex Francorum, Chlodouci propnepos, ut ait Marius in Chronico, quem Gregorius Theodoualdum appellat, scribitque dimidiâ parte corporis à lumbis vsque ad pedes resolutâ sensim tabescentem, ita ut se inclinare non posset, VII regni sui anno decessisset. Vnus Aimoinus Theodebertum annos XIII, VIII Theodebaldum regnauisse dicit. Eius mortem prodigiis denuntiata fuisse apud Gregorium inuenimus. nam & in orbem nouæ Lunæ stellam abdi visam esse: & sambucum racemos colore vuarum consimiles tulisse. Theodebaldum autem adolescentem mali ingenij, & crudelem habitum esse, propterea quòd diratus cuidam ob rapinarum suspicionem, refrigerandi eius causâ fabulam finxisset: cùm serpens inflata vino per collum amphoræ, quâ irreperat, diu multumque frustra conaretur crumpere, dominum vini superuenisse, ac nisi quidquid bibisset euomeret, serpentem euasuram negauisse. quæ fabula magnum ei suorum timorem, odiûmque conciliauerit. Quamquam apud Aimoinum dicitur Theodebaldus *Deo deditus* fuisse, & *seruos eius*, hoc est pios religiososque viros, *unicè dilexisse*, ad eò ut (quemadmodum ait Faustus) ad Beatum Maurum, quem plurimum amabat, venerit, & paterni exempli successor Monasterio eius Glannafolio villam Fabrensem, & Voldam dederit.

Theodebaldi Regnum, opes cunctas, & uxorem Vuldetradam, Chlotharius maior eius patruus recepit, sed increpitus à Sacerdotibus incestas nuptias improbantibus, in primis (sicut existimo) à Nicetio sanctissimo Treuironum Episcopo, quem Francorum Proceribus, & Chlothario ipsi Regi propter iniusta facta sæpe sacris interdixisse constat, eandem inuitus innitam dimisit, & Gariualdo Duci nuptum dedit. Paullus in libro I rerum Langobardicarum, & Aimoinus in Historiæ libro II tradunt Wldetradam, quam ipsi Walderadam appellant, Vuaconis Langobardorum Regis ex Aultri-

gosa filiam fuisse, sororémque natu minorem Vuifigardis eius, quam Vuaco Theodeberto Theodebaldi patri collocauerat, atque nupsisse Theodebaldo Regi Francorum, cuius nouerca soror erat. Addit Paullus à viro consuetudinem eius aspernante abiectam, & vni è suis, nomine Garibaldo, in matrimonium datam esse. quem errare, & diuortium, à Chlothario non sponte factum, per negligentiam Theodebaldo assignare liquet. Hic est, opinor, Gariualdus, quem idem Paullus, Aimoinus, ac Sigebertus *Garibaldum Baioariorum Regem*; Regino aliique *Garibaldum Baioariorum Ducem* appellant, & quem Eouini Tridentinorum Ducis, ac Flauij Autharij Regis Langobardorum socerum fuisse dicunt: cuius in locum defuncti Childebertus minor, Chlotharij nepos, anno post Theodebaldi mortem circiter XXX Tassilonem Ducem substituit. Agathias Aduocatus in Historiæ libro secundo scribit, dum Ostogothorum Dux Ragnaris à Narse Patricio obsideretur, Theodebaldum adolescentem, finitimorum Italiæ Francorum Regem, miserrimè decessisse morbo, quo à teneris conflictabatur, oppressum, & lege hereditatem ad Childebertum & Chlotharium proximos adgnatos venisse, statimque magnam inter eos ortam contentionem, nec quidquam propius esse factum, quàm vt bellum ciuile toti genti perniciosum excitaretur. Et Childebertum quidem non modò iam senem, & admodum ætate prouectum, sed etiam valde imbecillum fuisse, cuius totum corpus tabe consumeretur, ac filias tantum, marem verò, qui Regno suo succederet, nullum habuisse. At Chlothario, homini primæ ac viridis senectutis, & vires adhuc bonas, & IV filios admodum iuuenes, & ad omnia audenda ac exsequenda paratissimos ac promptissimos fuisse, quibus fretus Childebertum ab adeunda hereditate deteruerit, negans bona Theodebaldi diuidi oportere cum eo, cuius ipsius Regnum breui ad se filiosque suos esset peruenturum. neque Chlotharium spe suâ frustratum esse. quippe Childebertum, potentiam viri inimicitiamque metuentem, sponte ei hereditate cessisse, ac paullo post obiisse, & Chlotharium totum Francorum imperium obtinuisse.

Quidquid tamen dicat Agathias, non adeò senex tum, & ætate prouectus Childebertus erat, cùm (vt ex Gregorio colligo) post XV regni Chlodouci annum natus, sub obitu Theodebaldi non plus quàm LVIII annos habere potuerit. nec tanta tum infirmitate corporis, aut tabe ita peresus erat, vt non secundo post Theodebaldi mortem anno Campaniam Remensem, quam Chlotharius tenebat, igne ferroque vastauerit. Ex quo etiam apparet eum Chlothario fratri ius suum metu magis quàm sponte cessisse. Certè cùm apud Faustum in libro de vita Mauri Abbatis reperio Theodebaldum, postquam Regnum pauco tempore cum pace obtinuerat, immaturâ præuentum morte *Chlothario Principatum dimisisse*; & cùm animaduerto eundem ab Aimoino dici, posteaquam VII annos strenuè regnauisset, decedentem *Principatum gentis, quam regebat, cum thesauris Chlothario reliquisse*: pæne fit, vt credam Chlotharium Francorum Regem à Theodebaldo Theodorici eius fratris nepote, qui ex Wldebrada vxore nihil liberum sustulerat, ex asse heredem esse factum, Childebertumque præteritum. Hic omittendus non est error Agathiaz, qui cùm sciret Chlothario quatuor filios successisse, cum sub Theodebaldi Regis obitum IV filios habuisse prodidit. habebat autem quinque: siquidem Chramnus, Chlotharij filius, nonnisi quintò demum post Theodebaldi mortem anno periit. Poscere videtur hic locus, vt de Chlotharij Francorum Regis vxoribus & liberis pauca dicamus.

Chlotharius Radegundim primùm, filiàm Bertharij Toringorum Regis, bello captam matrimonio sibi adiunxit, quæ postea regium insigne sacro velamine mutauit, & virtutum ac sanctitatis famâ non Galliam, ac Europam modò, sed etiam transmarinas prouincias impleuit. Deinde Ingundem duxit vxorem, ac vnicè dilexit, feminam optimam, & à fastu alienissimam, quæ virum, *Dominum suum*; se, *ancillam eius* appellare consueuerat. Ex ea Chlotharius liberos tulit Guntharium, & Childericum, quibus ambobus superstes fuit, Charibertum, Guntchramnum, Sigibertum, & Chlodouin-

dam, quæ Alboino Regi Langobardorum nupsit. Idem ex Haregunde tertia vxore suscepit Chilpericum: ex Chunfena, quam quidam Gunfinam, alij Gunfindim vocant, Chramnum genuit. Auctor libri de vita Confortiæ Virginis quamdam præterea Chlotharij Regis filiam scribit in aula Sigiberti fratris sui ætatem egisse. Haregundim Ingundis Reginæ sororem fuisse Gregorius prodit, de qua collocanda Ingundim cum viro sermonem habuisse: illum, eam rem sibi curæ fore pollicitum, in villam ad Haregundim venisse, factisque nuptiis, ut erat naturâ in venerem pronus, qualem optasset conditionem puellæ repertam; sibi que opibus & prudentiâ ceteris omnibus sine dubitatione præstanti Haregundem connubio iunctam esse, vxori renuntiavisse: ex eo tempore duas simul sorores Chlothario nuptas fuisse. Hic notare conuenit Gregorium, & Auctores omnes Catolo Magno vetustiores, cum vtriusque sexus liberos Chlotharij maioris ordine enumerant, Blithildis eius, quæ Ansberto Senatori nupsisse dicitur, mentionem nullam facere. quam qui Chlotharij iunioris filiam fuisse affirmant, non animaduertunt Arnulfum, Ansberti & Blithildis nepotem, ætate huius ipsius Chlotharij Ducem Austrasiorum, deinde Mettensem Episcopum fuisse, quod proauo regnante fieri non potuit. Ansbertum quoque alij Romanum, hoc est Galium; alij Francum; (ut & nomen indicat) quidam Narbonensem, ex vrbe Vesigothis subiecta; nonnulli Aquitanorum nobilissimum fuisse scribunt. ut appareat nihil de Ansberto ipso certi narrari. Præterea Paullus Warnefridi Langobardi filius, Foroiulienfis Diaconus in libro, quem de Episcopis Mettensis Ecclesiæ composuit, ad Angiltamnum Mettensem Episcopum, tradit Arnulfum, natione Francum, clarum genere, Mettensem Episcopum, ac nihilominus Præfectum Palatij fuisse, patrem Anshisi, auum Pippini, Caroli proauum, Pippini Francorum Regis abauum, Caroli Magni arauum: ob idque duas Caroli Magni sorores, totidemque eius filias, cum Hildegarde vxore, Mettis in Basilica S. Arnulfi sepultas esse, vbi postea Imperator Ludouicus Pius est

conditus. Nec plura Paullus Langobardus de Maioribus Caroli Magni, cuius principatu florebat, scripsit, non omiffurus Blithildim hanc, Chlotharij Francorum Regis (vt aiunt) filiam, si Arnulfi Præfecti Aulæ ac Mettenfis Episcopi auia fuisset, per eamque Carolus Magnus regiæ Merouingorum stirpi annexus. Theganus quoque natione Francus, Treuiricæ Ecclesiæ Chorepiscopus in libro rerum gestarum D. Ludouici Pij Aug. cuius æqualis fuit, nullâ Blithildis mentione factâ, genus Caroli Magni ad Arnulfum Episcopum refert. Primus omnium, ni fallor, Hincmarus Remorum Episcopus, qui in gratiam Ecclesiæ suæ, posterorûmque Caroli Magni multas fabulas finxit, cû in vrbe Mettis capiti Caroli Regis coronam imponeret, haud dubitauit affirmare Ludouicum Pium Aug. eius patrem à *Ludouico Rege Francorum inclito*, hoc est à Chlodoueo Magno *per Beatum Arnulfum* genus deducere: quem Arnulfum scilicet Blithildis ex Arnoldo filio nepotem, Chlotharij pronepotem, Chlodouei abnepotem fuisse aut credidit, aut aliis persuaderi voluit.

Eo ipso anno, quo Theodebaldus decessit, post Consulatum Basilij anno XIV Saxones, gens Germaniæ nobilissima, & Britannæ quondam Galliæque infestissima, morte Theodebaldi occasionem sibi ad libertatem & pristinam rei militaris gloriam recuperandam oblatam arbitrati rebellauerunt, & adiutoribus Toringis fines Francorum incursionibus vastauerunt. Quâ re cognitâ confestim Chlotharius, quàm maximis potuit coactis copiis, in Saxoniam ire contendit, & circa annum Visurgim, quem Historici nostri Wisuram & Wisiram appellant, magnum hostium numerum prælio deleuit, agrisque Saxonum depopulatis, & totâ Toringorum regione vastatâ, propterea quòd eis auxilium aduersus se tulerant, onustus prædâ domum reuertit. Insequenti anno, post Consulatum Basilij V. C. quinto decimo Chlotharius, cû Regnum Austriæ, quòd Theodebaldo mortuo receperat, ordinandarum prouinciarum causâ circumiret, audiissétque ex suis iterum insanire Saxonas, ac rebellare, & tributa, quæ quotannis pendere



confueuerant , ipsi conferre recusare , protinus Saxoniā petiit. cuius finibus ubi appropinquauit, Saxones ad eum legatos mittunt , qui pacem peterent , & se contemtores eius non esse , sed quæ fratri eius, fratrisque filio , ac nepoti dependere antea solebant , etiam cum auctario, si ita voluisset, dare paratos se dicerent. Chlothario de conditione accipienda verba facienti à militibus reclamatum est, negantibus hostes fallaces & perfidos promissâ seruatuos. Cùm Saxones denuo per legatos dimidium rerum suarum pro satisfactione obtulissent ; postremò veste, pecore, bonis omnibus, agrisque sui dimidiâ parte pacem redimere frustra tentassent, obstinatis ad pugnandum Francis, affirmauit Chlotharius, si aduerso Deo dimicare vellent, se certamini non interfuturum. Quibus illi verbis accensit tabernaculum Regis discindunt, & conuicium ipsi, vimque faciendo, mortem etiam minando, secum ire inuitum cogunt, & cruento vtrimque prælio commissio ita sunt fusi, ut numerus cætorum iniri non posset : reliqui fugam capessiuere. Tum Chlotharius, etsi pudebat victum id ab hostibus petere, quod paullo antè cupidissimè petentibus, re integrâ, denegauisset; necessitati parendum ratus legatos de pace ad Saxones misit, culpamque in multitudinem conferens, negauit se sponte cum eis pugnauisse, factâque pace in Galliam reuertit. Marius Auenticensis Episcopus, à Gregorio dissentiens, in Chronico tradit, post Consulatum Basilij anno XIV Chlotharium Regem, quem Chlothacarium appellat, cum Saxonibus rebellibus conflixisse, & multis vtrimque cæsis victoriam tamen eum ex hostibus tulisse. anno insequenti iterum defecisse Saxones, & ab Chlothario victos acie maximam suorum partem amisisse; omnemque agrum Toringorum, qui cum Saxonibus contra Chlotharium coniurauerant, vastatum fuisse. At Auctor Appendicis Chronico Marcellini subtextæ putat annum, qui Theodebaldi mortem secutus est, à bello vacauisse. nam secundam Chlotharij aduersus Saxones expeditionem anno II post primam, postque Theodebaldi obitum suscepam ac confectam ait.

Tum Turonici in locum Guntharij Episcopi sui defuncti Euphronium Presbyterum, virum non minus sanctitate quàm nobilitate illustrem, substituendum esse consensere, & ad Chlotharium Regem ex Saxonia reuersum quosdam è Clero Turonico misere confirmationem electionis petiit. Quærenti Regi, cur Catonis Presbyteri Ecclesiæ Aruernicæ, quem Episcopum fieri iusserat, rationem non habuissent, responderunt legati hanc eum dignitatem sibi ab ipsis delatam repulisse. Adhuc loquentibus legatis subito aduenit Caro, precatûrque Regem, vt eiecto Cautino se apud Aruernos Antistitem constitui iubeat. cùm irrideretur à Rege, petiit, (id quod antè recusauerat) vt saltem Turonicæ Ecclesiæ præficeretur. cui Chlotharius Rex ait: ego primùm iusseram te Turonorum Episcopum consecrari: sed, vt audio, despiciatui eam Ecclesiam habuisti, ideoque Beati Martini sedem non obtinebis. Euphroniumque, posteaquam quis esset, & quo genere ortus quæsiuerat, datis litteris Episcopum ordinandum curauit.

Interea Chramnus, iuuenis formâ quidem ingenioque excellens, acer, callidus, sed ambitiosus, & improbus, quem Chlotharius pater Pictonibus, Lemouicibus, Aruernis, ceterisque trans Ligerim gentibus Aquitanix post Theodebaldi obitum vice sua præposuerat, ibi ita se gerebat, vt omnibus odio, timorique esset. Nam & puellas nobiles, nubilèsq; iuuenibus vilibus & obscuris, quos vnos amicos & consiliarios lateri suo admouebat, inuitas in matrimonium dabat: & Firminum Comitem vrbis Aruernorum (quem postea Chlotharius in dignitatem restituit) cum Cæsaria focu ex Ecclesia extractum, ac spoliatum fortunis relegauerat, ei que Sallustium Euhodij filium substituerat: multos præterea locupletes prouinciales impulsu Leonis Pictaui, Imnacharij, & Scaptrarij bonis euertebat. Ob id euocatus à patre, non modò dicto audiens non fuit; sed etiam cum Childeberto patruo suo, qui Chlothario propter occupatum totum Theodebaldi Regnum erat infensus, clam per nuntios foedus iniit, coniurationemque aduersus patrem

fecit, ac coactis copiis ex vrbe Pictauis in Lemouices contendit, & quaquà ibat, locis omnibus præsidia imposuit, ita vt Aruerni, qui ei portas claulerant, extra muros egredi non auderent. Quamobrem Chlotharius Charibertum & Guntchramnum filios suos cum exercitu aduersus Chramnum mittit, qui per Aruernos itinere in Lemouices factò, ad Montem Nigrum peruenère, & castra ibi contra fratrem posuère, legatisque missis res paternas repetière. Affirmante Chramno in patris se potestate & fuisse, & fore, sed loca, quæ possidebat, cum eius gratia tenere cupere, vt controuersia armis diiudicaretur, postulauère. Minimè detrectauit certamen Chramnus, apparebátque cruentum prælium futurum, ni iam instructas vtrimque acies subitò coorta tempestas fulguribus, fragore nubium, & imbribus horrenda à pugnando deterruisset. Reducentibus in castra copias fratribus suis, Chramnus clam ignotum hominem summisit, qui ex Germania venire se, Regémque Chlotharium à Saxonibus victum, & interfectum esse diceret. Quo illi nuntio perturbati, protinus relictà Aquitanià, in Burgundiam redeunt. Chramnus quoque nihilo segniùs subsecutus flumen Elauer, ac Ligerim transit, ingressusque Burgundiam, Cabillonum opidum Æduorum ad Ararim positum obsidione capit, & ad castrum Diuionem accedit, sed ab incolis minimè admissus, à Tetrico Episcopo Lingonicæ Ecclesiæ ad Basilicas, qui locus extra castrum erat, hospitio excipitur. inde Luteciam Parisiorum ad Childebertum venit, & amicitia cum eo iunctà inimicum se patris iurciurando profitetur, quo inconsulto Wiliacharij filiam nomine Chaldamiam in matrimonium acceperat. vt Gregorius, Fredegarius, alii que scribunt. Marius Episcopus in Chronico rem aliter narrat, nimirum statim post Theodebaldi mortem, post Consulatum Basilij anno

101V. XIV. Chramnum, filium Chlotharij Regis, ad Childebertum patrum, à quo sollicitatus erat, se contulisse, & insequenti anno contracto exercitu Regnum patris sui vastauisse, ac perturbauisse. Marius sequitur Aimoinus: quippe scribit Chlotharium Chramno filio vices suas

suas per Aquitaniam commisisse, cumque postea qb  
 rapinas & insolentiam vt increparet reuocauisset. Sed  
 Chramnum insuperhabitis patris mandatis Passios ad  
 Childebertum venisse, & tactis Sanctorum reliquiis  
 irauisse numquam se cum patre in gratiam rediturum,  
 isto quo scdere Aquitaniam repetuisset, atque ibi qua-  
 cumque potuit occupauisset aduersus quem Chlothar-  
 rius, Saxonica expeditione occupatus, Charibertum &  
 Guntchramnum filios cum exercitu misit. IULIUS  
 Eodem tempore, P. C. Basilij anno XVI Chlotharius IOLVII.  
 magnum bellum aduersus Saxones gerebat, qui pecunia  
 ab Childeberto sollicitati, & accepta superiore anno  
 iniuriæ memores, in Franciam Transrenanā erupe-  
 rant, nec prius prædas agere, ac regionem foede popul-  
 lari desierant, quam (sicuti & postea regnante Carolo  
 Magno fecere) ad Renam flumen, Diutiusque per-  
 uenissent, quod castrum, aduersum Coloniam Agrippinæ,  
 & à Fredegario *Diuiam civitatem*, ab aliis *Drizara* di-  
 ctum, nonnulli apud Gregorium in *Nutiam*, hoc est No-  
 uesium castellum Cifrenanum, perperam mutauerunt.

Dum Chlotharius Saxonico bello detinetur, Chil-  
 debertus libenter credens, id quod audierat, eum à  
 Saxonibus interfectum, & Regnum fraternum iam  
 spe præsumens, Campaniam Remensem ingreditur:  
 regionem igne & ferro vastat, ac diripit: quæ adire  
 potest, cuncta peruatit: & vsque ad opidum Re-  
 mos populabundus accedit. Videtur tum Childeber-  
 tus Compendium cepisse, si verum est, quod in libro  
 de vita Marculfi Abbatis inuenio, Marculsum Bai-  
 cassinum, natione Francum, ad Childebertum Regem,  
 in castro Compendio cum vxore & Optimatibus com-  
 morantem, venisse petiitum, vt donationes prædiorum  
 Monasteriis suis à piis hominibus datorum litteris con-  
 firmaret. constat enim Compendium, vnum è Palatiis  
 seu villis Regum Sueffonicorum, ad Chlotharium  
 pertinuisse.

Quis porro tertie huius ac vltimæ Chlotharij ad-  
 uersus Saxones expeditionis euentus fuerit, Gre-  
 gorius, vir, quàm historicus, melior, memoriæ non  
 tradidit. Sed in libro rerum gestarum Dagoberti, &

apud Fredegarium atque Aimoinum inuenimus Chlotharium seniore Saxonibus *grauissimis* ( vt ait Fre- culfus ) *præliis à se prostratis & deuictis* quingentas boues in annos singulos tributi nomine imposuisse : & Dagobertum Chlotharij pronepotem anno pòst secundo & octogesimo Saxonibus , qui Venedos , Selauinos dictos , Toringiam , aliòsque proximos pagos sæpe vastantes suis se copiis in posterum Francorum finibus prohibitu- ros sponderant , hoc tributum remisisse . Gregorius in Hiltoriz libro V , & Paullus in libro II rerum Langobardicarum scribunt Chlotharium , & Sigibertum Reges vacantem agrum Saxonum , qui rogati ab Alboino Rege ad XXX circiter millia vnà cum Langobardis in Italiam transierant , Sueuis dedisse : ac postea Saxones , ne sub Langobardorum ditione essent , ex Italia cum coniugibus & liberis per Gallias in Germaniam reuertisse , atque in finibus , è quibus exierant , à Sigiberto collocatos Sueuis bellum intulisse , & duobus præliis superatos ac deletos esse . Quod quidem do Sigiberto verè dici , de Chlothario maiore eius patre nullo modo potest , cuius post obitum anno VIII Alboinus Rex , sua parte Pannoniæ Abaribus Hunnis fo- ciis & amicis concessâ , Langobardos , & supraddictos Saxones , multos præterea Gipedes , Bulgares , Sarmatas , Pannonios , Noricos , & Sueuos , in Italiam adduxit . Nisi fortè potiùs ( sicuti Fredegarius in Epitome , & Aimoinus in libro III Historiæ produnt ) Theodebertus senior , Theodorici Chlotharij fratris filius , hosce Saxones in Italiam commigrare iusserat ; quos eò videtur misisse , vt locis , quæ ibi occupauerat , tutelæ causâ præsi- derent . Gregorium , & Paillum secutus non est Sigebertus Monachus , qui Alboino Rege vnà cum Langobardis , Saxonibus , aliisque gentibus Italiam ingressò , Sigibertum Regem agros discessu Saxonum vacuos ac desertos occupauisse , & Sueuis colendos dedisse dicit . Ex his apparet Saxones , si non interiores , saltem fluminis Visurgis accolæ , Toringis & Cartis finitimos , ante annos ferè trecentos , quàm nomen omne Saxonum diuturno bello domitum Carolus Magnus Christianam religionem , & imperij iugû recipere cogeret , a Theodorico Chlodouei

filio stipendiarios esse factos : & Theodeberto , Theodebaldo , Chlothario maiori , Sigiberto , Childeberto , Theodeberto , ac Chlothario minori Regibus Francorum per annos amplius centum eos tributa pependisse. Vnde Theodoricum in bello Toringico , & Theodebertum iuniorem Childeberti filium in bello ciuili Saxonum operâ vsos legimus : & Saxones cum Francis auxilium Paulo tyranno aduersus Wambam Vesigothorum Regem tulisse. Neque tamen rarè iidem intra id tempus rebellauere. Nam Fortunatus in libro VI Carminum , & Aimoinus in libro III Historiæ auctores sunt Sigibertum , Chilperico fratri adiunctum , pulsos acie Saxones , qui Toringos , & Danos socios sibi adsciuebant , pacauisse. & Paullus in libro IV rerum Langobardicarum , ac Aimoinus in libro III scribunt Francos , qui sub Theodeberti minoris imperio erant , VII regni eius anno cum Saxonibus pugnauisse , & magnam vtrimque cædem esse factam. Eosdem Bertoaldo duce , violatâ fide , bellum Dagoberto Regi Orientalium Francorum intulisse , atque à Chlothario , & Dagoberto Regibus occiso Bertoaldo suos fugatosque , agros vastatos , puberes omnes interfectos esse constat. Postea Saxones , quod sicuti pleræque Gentes Francis subiectæ , Præfectorum aulæ imperia detrectabant ; Pippini & Caroli Ducum armis fracti obsides dedere , ac tributa pacti sunt. deinde à Carolomanno , Caroli filio , desciiuerunt , moxque subacti , ac in deditiōem accepti ; pluriusque ex his Christianis sacris initiati sunt : à Pippino quoque victi se in Concilio , quod tum mense Maio quotannis indicebatur , honoris causâ trecentos equos Regi duros iurauerunt.

Dum Childebertus Francorum Rex Campaniam Remensem absente fratre depopulatur , Austrapius Dux metu Chramni in Basilicam Sancti Martini confugit , moxque reuertente ex Saxonia Chlothario Rege periculo liberatus est. Hic paullo post Clericus factus apud Sellense castrum in Pictonibus Episcopus ordinatur , & Pientio Pictauorum Episcopo destinatur successor. Sed Charibertus Rex , Chlotharij filius , mutatâ

sententiâ, in locum Pientij Pascantium Abbatem Basilicæ Sancti Hilarij substitui iussit, frustra querente Austrapio, & hunc sibi locum deberi clamitante, qui regressus in castrum suum, seditione orta, à Teifalis acceptas iniurias vindicantibus interemtus est, & ut ait Gregorius, diœceses suas Pictava Ecclesia recepit. Ex quo intelligitur Taifalos, gentem Scythicam, puerorum stupris infamem, quos Gregorius Teifalos appellat, tum in agro Pictonico, Sellenique castro sedem habuisse. Eisdem Taifaliam vicum in finibus Pictonum incoluisse, & à se cognominavisse auctor est idem Gregorius in libro de vita Senoci Abbatis, & in Historiæ libro v, cum ait beatum Senocum Presbyterum, *genere Teifalum, ex Pictavo pago, quem Teifaliam vocant, oriundum fuisse, & Clericum factum, in agro Turonico Monasterio statuto, multis virtutibus claruisse, ac paullo post Sigiberti Regis Chlotharij filij mortem decessisse.* Est autem Taifalia vicus Pictonum, inter Clichonem & Moritaniam positus ad Cebram flumen apud Namnetas in Ligerim exiens, hodièque dictus Tisfaugia. Horumce Taifalorum Gallicanorum mentionem facit Glaber Rodulfus Cluniacensis Monachus, in libro v rerum sua ætate gestarum, in quo scribit *homuncionem quemdam genere Teifalum à partibus Galliarum in Africam ad Anachoritam famâ notum venisse.* qui Auctor ante annos ferè 100 Henrico Rotberti filio regnante viguit. Multi igitur Taifali, relictis domibus suis, in finibus Pictonum non longè à Ligere & Oceano sedem cepere. Sed quo tempore, cuiusve ductu Galliam ingressi sint, & in supradicta Aquitaniæ parte confederint, scire difficile est. Erunt fortasse, qui credent hos Taifalos ortos esse à *Taifalis Gentilibus*, quorum vnà cum Sarmatis præsidium Pictavis fuisse docet Notitia provinciarum Imperij Romani. Equidem cum animaduertam Taifalos Sarmatis & Vandalis fuisse finitimos, atque cum Teruingis, gente Gothica, Daciam Transdanubianam incoluisse, existimo partem eorum Alaricum Regem Gothorum secutam esse in Italiam, ac mox duce Ataulfo, Alarici successore, in Gallias venisse, atque tandem

in agro Pictonico, parte nimirum Aquitaniæ secundæ, quam Gothis Honorius Aug. ad habitandum dederat, confedisse: Chlodoueumque Francorum Regem, cùm victo cæsúque Alarico Rege Gothos ex Aquitania expelleret, ac interficeret, Taifalos quietos & imperata facientes in suis sedibus reliquisse. Nisi quis mauult hosce Taifalos vnà cum Alanis finitima gente ductu Goaris Regis Gallias petiisse, & in agro Pictonum circa Ligerim Honorij principatu sedem cepisse. idque eo verisimilius videtur, quòd imperante Placido Valentiniano Honorij successore, pars Alanorum trans flumen Ligerim confidebat. vt in libro de origine Gothorum tradidit Iordanes. His animaduersis ad ordinem reuertendum est.

Paullo post populationem Campaniæ Remensis, Childebertus Francorum Rex Luteciā Parisiorum regressus in morbum incidit, quo diutissimè conflictatus, ac tandem oppressus decessit. Quam puto causam fuisse, quare Chlotharius reuersus ex Saxonia ab eo factam absenti sibi iniuriam non vindicauerit, nec bellum inferre voluerit ægrotanti fratri, cui breui morituro successurus erat. De anno, quo Childebertus obiit, obscurum est. Auctor Appendicis Chronico Marcellini subtextæ Indictione V post Consulatu Basilij V.C. anno XVI ICLVII. cum decessisse scribit, Marius Indictione VI post Consulatum Basilij anno XVII. cui ego Auctoreo libentiùs ICLVIII. accesserim, quòd Childebertum & Chlotharium videre potuit. nam Guntchramno regnante floruit, & statutis Concilij Mariscenensis II. subscripsit. Vt appareat errare Herimannum Contractum, ac Sigebertum: è quibus Herimannus Chlodoueum Magnum anno Christi nati ICXXIII, Childebertum eius filium anno IC LXIII regni quadagesimo obisse tradit. Sigebertus illum anno ICXIV; hunc Christi IC LIX, regni quinto & quadagesimo mortuum ait. Sepultus est a Germano Episcopo Ecclesiæ Parisiæ Childebertus in Basilica B. Vincentij Martyris, quam reuersus ex Hispania condiderat. Vsuarius Monachus huius ipsius Monasterij in Martyrologio, quod Carolo Magno Augusto nuncupauit, vno eodemque die (nescio an & anno) dedicatā Ecclesiam, & sepul-



tum in ea Childebertum Regem Francorū docere videtur, cūm X Kal. Ianuar. Parisiis dedicationem Basilicæ in honore S. Crucis, & S. Vincentij Martyris; ac depositionem Domini Childeberti Regis ait celebrari. Sic Chlotharius mirā quadam felicitate Theodorici, Theodeberti, ac Childeberti, quorum aut insidiis petitus, aut armis oppugnatus erat; & superstes, & successor fuit. vti postea nepos eius Chlotharius Childeberti fratris patrueis sibi infestissimi, & Theodeberti, ac Theodorici, à quibus magnā regni patrij parte spoliatus fuerat; hereditatem obiit. & Carolus, Ludouici Augusti filius minimus natu, post obitum filiorum Lotharij germani fratris, qui paternis bonis eum excludere voluerat; Regnum Lotharij, & Imperium Romanum obtinuit. Gregorius de vita Nicetij Lugdunensis Episcopi hunc *Childebertum Seniore*, & in libro de vita Patrocli *Childebertum Parisiorum Regem*, appellat, Sacerdotemque Lugdunensem Antistitem, qui Nicetij auunculus erat, & Mumionem præcipuè dilexisse ait.

Non faciliè reperias, cuius pietas, & de summis Ecclesiæ rebus sollicitudo multis & magnis experimentis testator fuerit, quàm Childeberti. Nam vt omittam Basilicas, Xenodochia, Monasteria, Luteciæ Parisiorum, Lugduni, Arelate, aliisque in locis ab eo exstructa; edictumque promulgatum, quo simulacra Dæmonum deiici iussit: quantumcumque splendoris, & incrementi Childeberto regnante Ecclesiæ Gallicanæ accessit, (accessit autem plurimum) huic vni acceptum referri debet. Cui rei indicio sunt Concilia Episcoporum IV in opidum Aurelianorum, vnum Arelate, duo in urbem Luteciam mandato eius indicta. ex quibus Concilium Aurelianense tertium Nonis Maij, quarto

DCXXVIII. post Consulatum Paullini iunioris V. C. anno XXVII regni Domini Childeberti Regis; Concilium Aurelianense

DCXLIX. quintum V Kal. Nouembris, anno XXXVIII regni D. n. Childeberti, Indictione XIII; Concilium Arelatense quin-

DCCLIV. tum III Kalendas Iulias, anno XLIII regni Domini Childeberti Regis, Indictione II, non (vt mendosè subscriptio Sapaudi Episcopi præfert) III habitum fuisse legimus.

Annus autem quartus post Consulatū Paullini iunioris, Ioannis Consulis nomen ferens; post Felicem & Secundinum Consules, siue post Chlodouei obitum, & initia principatus Childeberti septimus ac viceſimus est. & Indictione XIII, v. Kal. Nouemb. Childebertus XXXVIII imperij anni mensem vltimum ingrediebatur, Indictionisque XIII diem XX XIV agebat. siquidem à die VIII Kal. Octobris Galli Indictionum principia ducebant. vt appareat verum esse, quod diximus, Chlodouem Felice & Secundino Coss. decessisse. Non possum mihi temperare, quin huic loco inferam, quor qualésque viros Childebertus suarum virtutum præcones inuenerit. Vigilius Romanæ Ecclesiæ Episcopus in duabus epistolis, quarum alteram IV P. C. Basilij V. C. ad Auxaniam, Arelatensium Episcopum, alteram ad Aurelium Auxanij successorem quinquies P. C. Basilij misit, *Gloriosissimi viri, filij sui, Childeberti Regis Francorum Christianam deuotionem*, ac Deo placitam voluntatem laudat: & vtrumque monet, vt de seruanda pace & amicitia Iustiniani Aug. Sacerdotali studio eum hortetur. Idem P. C. Basilij anno IX Aureliano supradicto scribens Constantinopoli, vbi à Iustiniano pridem retinebatur, eius partes esse ait, *Gloriosum filium suum Childebertum Regem sæpius orare*, vt quemadmodum *Catholico Rege, & venerationem integram Sedi Apostolica exhibente dignum est, Fidem & Ecclesiam omni virtute defendat*, & de Sede Apostolica sollicitus Regem Gothorum (hoc est Totilam, qui ante annum Romam ceperat) per litteras dignetur deterrere, ne is alterius sectæ sectator aliquid Romæ faciat, fieriue permittat, quo Catholica Ecclesia perturbetur: hoc est, ne in suum absentis locum alium Episcopum substituatur. Ex quo apparet Childeberti auctoritatem apud externos Principes plurimum valuisse: & Francorum Reges vno ferè tempore factos esse Christianos, atque Episcoporum vrbs Romæ patronos ac defensores. Episcopi Gallicani, qui Indictione XIII Aurelianis conuenerunt, *clementissimum, & piissimum Principem*, amantem sacræ Fidei, ac religionis, & triumphorum titulis inelytissimum Dn. Childebertum

COLVII.

Regem vocant, ac Lugduni xenodochium exstruxisse auctore Vltrogothone Regina commemorant. Eundem Pelagius urbis Romæ Episcopus *Dominum filium, merito gloriosissimum atque præcellentissimum*, appellat; & sincero amore sanctæ Ecclesiæ multis Regibus clariorem factum esse, & pro tranquillitate eius præcipuam curam genere dicit: atque per Rufinum legatum anno XVI P. C. Basilij ob id Romam missum interroganti, quid de Papæ Leonis epistolis, & Synodi Chalcedonensis constitutis sentiret, ne suspectus hæresis esset, longâ epistolâ, & Catholicæ Fidei professione se purgat. Memoria dignum est, quod Fortunatus Presbyter in libro de vita Germani Parisiorum Episcopi tradit, Childebertum VI millia solidorum, egentibus dispartiendâ, Germano misisse, & fractas aureas lances, vasâque argentea coniecit hos in vsus sancto Antistiti dedisse: quem in VI Carminum libro Regem placidum, mitem, sapientem, bonum, ac æquum omnibus fuisse dicit, gtauitérque mortem tanti Principis tulisse Parisios: & à Palatio in Basilicam B. Vincentij per hortos, qui postea Vltrogothonis Regiæ fuerunt, transire eum solitum ait, ibique malos manu eius insitas ostendit. Idem eundem in libri Carm. II Carmine XI pium, in ædificandis ac dirandis Ecclesiis munificum, & diuini cultus aded studiosum fuisse affirmat, vt Episcopis esset exemplo. præterea Ecclesiam Parisiacam ab eo exstructam scribit his versibus,

*Splendida marmoreis attollitur aula columnis,*

*Et quia pura manet, gratia maior inest.*

*Prima capit radios vitreis oculata fenestris:*

*Artificisque manus clausit in arce diem.*

*Hac pius egregio Rex Childebertus amore*

*Dona suo populo non moritura dedit.*

*Totus in affectu diuini cultus adharens,*

*Ecclesia iuges amplificauit opes.*

*Orchelisedech noster, merito Rex, atque Sacerdos*

*Compleuit Laicus religionis opus.*

*Publica iura regens, & celsa Palatia seruans,*

*Vnica Pontificum gloria, normâ fuit.*

*Hinc abiens illic meritorum viuit honore,*

*Hic*

*Hic quoque gestorum laude perennis erit.*

Et Childebertus quidem pietatem, ceterasque pacato Principi conuenientes virtutes ita coluit, vt ab armis nequaquam esset alienus. cui rei est indicio bis intrata ac subacta Burgundia; vindicata in Amalaricum Regem sororis iniuria; penetrata ac excisa Hispania. Sed has omnes dotes Childebertus nimia alieni cupiditate foedauit, qua impulsus Theodorico fratri suo Aruernos eripuit, Chlodomeris fratris filios per Chlotharium interemit, Theodebertum similiter, adiutore Chlothario, ac mox Chlotharium ipsum inuicem Theodeberti operâ Regno spoliare conatus est. Vt appareat verum quoque esse, quod ait in fine libri tertij Gregorius, Childebertum *versutum, & aduersus Chlotharium Regem semper inuidum fuisse*. Nam de icto cum Chramno foedere, & de Campaniæ Remensis populatione loqui nihil attinet. in quo videtur Childebertus iniuriam iniuriâ vlcisci voluisse, à Chlothario fratre natu minore dimidia Theodebaldi Regni parte priuatus.

Habuit in matrimonio Childebertus Vltrogothonem, quam vetus Auctor libri de vita Baldechildis Reginæ *Vltrogotham Reginam, Childeberti Christianissimi Regis coniugem* appellat, & nutricem fuisse pupillorum, nutricem egentium, Fidelium Monachorum adiutricem dicit. Ex ea Childebertus filias duas, Chrotbergam, & Chlothesindam, Chlotharij filia sorori suæ patrueli cognominem tulit: quas ambas adultas virgines vnâ cum Vltrogothone matre in exilium misit Chlotharius, simul ac Regni & thesaurorum Childeberti fratris sui potitus totum paternum Regnum solus obtinuit. vt Gregorius, & Fredegarius in Epitome scribunt: è quibus Fredegarius Vltrogothonem malè Walderadam vocat. Quamquam ego (pace Gregorij dixerim) vix crediderim Chlotharium magno Principem animo, iam compotem vororum suorum, conceptum in fratrem odium ob Campaniæ Remensis populationem in mortui coniugem ac filias innocentes effudisse. Certè in quibusdam Aimoini exemplaribus reperio eas, vnâ cum Chlothario, dedicationi Ecclesiæ Sancti Vin-

centij post Childebiti obitū interfuisse, complura prædia Monasterio dedisse, donationemque scripto confirmauisse. Constat quidem saltem Ultrogothonem, eiusque filias, si à Chlothario in exilium actæ sunt, à Chariberto Chlotharij filio & successore paullo post in patriam esse reuocatas. quippe Venantius Clementianus Fortunatus in libro Carminum sexto scribit Dominam Ultrogothonem Reginam, filiasque eius duas Childebito mortuo Luteciæ Parisiorum in domo, hortisque amoenissimis, qui Childebiti fuerant, habitauisse: atque sub regio mundeburde, hoc est sub tutela, ac defensione Chariberti Parisiorum Regis securè & honoratè vixisse. Versus Venantij Fortunati huic loco non in tempestiuè inserturus mihi videor.

*Chariberus adest, qui publica iura gubernans,*

*Tempore præsentis gaudia prisca refert.*

*In tantum patris se prodidit esse sequacem,*

*Vt modo sit tutor coniugis iste nepos:*

*Qui Childebiti retinens dulcedine nomen,*

*Eius natarum est frater, & ipse pater.*

*Quæ bene defensa placido moderamine Regis,*

*In consobrino spem genitoris habent.*

Quibus ex versibus etiam iudicari potest, id quod iam inde ab Honorio Principe in usu esse coepit, fratrum & sororum filios, nepotes; fratres patruales, tum promiscuè consobrinos dictos esse: atque lenem Francos *Bertum* appellauisse. siquidem Fortunatus ait Charibertum Regem Childebiti patris sui ut Regnum obtinuisse, sic lenitatem, dulcedinemque morum re & nomine referre. Quamquam Auctor libri de vita Bertæ Abbatisse *Bertum*, clarum, fulgentem & splendidum interpretatur.

Childebiti mortem breui Chramni exitum secutum est. Is enim, amisso tanto præsidio inops consilij, cum ad patrem venisset, & impetratâ veniâ persanctè iurauisset ei se morigerum futurum, fidemque paullo post nescio quo facto violauisset, videns se euadere non posse, cum coniuge & filiabus suis in Britanniam citeriorem perfugit ad Conobrum Britannorum Comi-

tem, quem vetus quidam scriptor rerum Francicarum, Auctor Appendicis Chronico Marcellini adiunctæ, & Aimoinus *Cunobertum*, vel *Conabum Britannorum Regem* appellant, Sigibertus *Brittonum Duxem*. Britannicis adiutus auxiliis mercede conductis Chramnus Regnum patris ingreditur; prædas agit; multa loca igne & ferro vastat. Wiliacharius quoque, *Vuilleharius* Aimoino dictus *Dux Aquitania*, minis Chlotharij terribitus, qui cum Chramni generi sui partibus fauisse arguebat, in Basilicam Martini monumento ac nomine insignem cum vxore confugit. vnde quoniam à Chlotharianis extrahi non poterat, admoto igne viuus exustus est, atque Basilica pariter incensa: quam protinus Euphronius Turonicus Episcopus, Chlotharij Regis liberalitate adiutus, magnificè restituendam, & stanneis tegulis tegendam curauit, sicuti ait Aimoinus. nam Gregorius & Fredegarius Basilicam Martini propter Wiliacharium incensam tantummodò dicunt.

Chlotharius Chramni furore ad arma compulsus, magnis coactis copiis, vnà cum reliquis filiis suis, vt Frecculfus scribit, rebellem in Britanniam citeriorem properè persequitur. Vnde apud Fortunatum in libri IX Carmine primo dicitur Chilpericum præter ceteros vti belli Saxonici, quod Saxones cum Æstiis, & Danis coniuncti ciuerunt; sic Britannici huiusce commilitonem habuisse. Per agrum Aulercorum Cenomanorum iter facientem Chlotharium Constantianus Abbas, vir sanctissimus hospitio accepit, iraque & inedia ægro, ac vix mentis compoti vt cibum sumeret persuasit, & discedenti bene precatus victoriam prædixit. inde fines Britanniae ingresso Chramnus & Conober armati obuiam ierunt. Eo die productæ vtrimque ac instructæ in campo copiae sub Solis occasum citra certamen in castra reducuntur. Proximâ nocte Conober cum Chramno egit non oportere eum pugnae interesse: nefas enim esse filio cum patre configere: se, si permetteret, confestim hostibus superuenturum, & semisomnes, ac improviso periculo territos oppressurum. Displicuit Chramno salubre consilium. Huic enim Deus, ac diutiùs scele-

rum suorum impunitate frueretur, oculos mentis præstrinxerat. Postridie manè proelium non procul à mari committitur : orante cum planctu & lacrimis , ac obtestante Deum Chlothario , vt tamquam Dauidem olim ab Abſalone ; sic se ab impio & periuro filio vindicaret. Pugnatum est vtrimque acriter, cùm alios indignatio, alios spes victoriæ ad fortiter faciendum incitaret. tandem Britanni terga verterunt : quos Franci vsque ad naues insecuti, maximam eorum multitudinem conciderunt. Conober in fuga periit. Chramnus poterat quidem euadere , si vni sibi consulere voluisset. sed dum vxorem , & filias secum abducere , & in naues , quas ad fugam præparatas habebat, imponere conatur, vnà cum his ab exercitu patris oppressus capitur, atque vincitur. Quod vbi Chlothario Regi nuntiatum est, iussit eum cum vxore & liberis igne consumi. Milites, vt erat imperatum, captos agresti casa cuiusdam pauperculæ concludunt : linteum, quod orariū vocant, Chramni super scamnum porrecti collo circumdant , idque nodo vinctum vtrimque ad se trahentes, deformi mortis genere iuuenem in spem regni genitum occidunt. tum Chaldam coniugem Chramni, *Calem* Aimoino dictam, feminam nobilissimam atque clarissimam , & filias ex ea sublatas admodum infantes, ne quod scele-  
ris vestigium exstaret, igne in tugurium iniecto viuas exussere. vt Gregorius in IV Historiæ libro, & Fredegarius in Excerptis scribunt. Post Consulatum Basilij

121X.

anno vndeicesimo periit Chramnus, quem Marius in Chronico, anno supradicto, Fortunatus de vita Medardi, ac Fredegarius in Epitome cum coniuge & liberis crematum ; Auctor Appendicis Chronico Marcellini subtextæ, & Freulfus viuum combustū fuisse tradunt, & Chramnum, ac Grannum appellant. Addit Freulfus Chlotharium victis Brittonibus, gentem eam subegisse, ac tributariam fecisse : cùm Marius Auenticensis Episcopus, vetus & grauis Auctor, tantum eorum regionem à Francis totam excisam fuisse dicat.

Dum Chlotharius ex Britannia reuertitur, Medardus, natione Francus, Viromanduorū, Nouiomagensium, ac

Turnacensium Episcopus, vir omnibus virtutibus præstans, & sanctitate magis, quàm senectute venerabilis grauitè ægrotabat. qua cognita re Chlotharius visendi eius gratiâ Nouiomagum Sueffionum, quò sacerdotalem sedem transtulerat, venit, mortuúmque in prædio regali Croiciaco, trans flumen Axonam in conspectu vrbs Augustæ Sueffionum posito, sepeliri honorificè iussit, eiúsque tumulum cellula, vel paruo tugurio ad tempus sepelit, donec magnificentissimam amplissimámque Basilicam sepulcro circumdaret, quam moriens inchoatam, ac Sigiberto filio perficiendam reliquit. Turnacenses autem, qui post Eleutherij Episcopi sui obitum Medardi Nouiomagensis Episcopi curæ commissi fuerant, ab eo tempore vsque ad Simonem per annos circiter 100 non alios quàm Nouiomagenses Episcopos habuerunt. Hic notandum est errare eos, qui Medardum Nouiomagensium Episcopum, & Gildardum Rotomagensem Antistitem fratres geminos fuisse, & vno eodémque die vt natos, sic Sacerdotes factos, ac mortuos aiunt. cum Gildaredus, seu Gildardus Episcopus Ecclesiæ Rotomagensis Metropolis Felice Cos. Chlodoueo 1041 regnante, hoc est ante annos L, quàm Medardus decederet, Concilio Aurelianensi interfuerit. Quare ambo apud Vsuardum eodem quidem die, nimirum VI Idus Iunias, at non eodem anno obisse, aut germani fuisse dicuntur.

Post Consulatum Basilij anno vicesimo, imperij Justiniani xxxv, Indictione IX, Chlotharius Cæsarodunum Turonum ad limina S. Martini contendit, Beatúmque Episcopum gemens, ac monumento eius affixus orauit, vt omnium, quæ negligentia & iniquitate lapsus commiserat, peccatorum veniam suis sibi precibus à Deo impetraret: multisque donis ornato loco, & per religiosissimas quasque Sanctorum Basilicas magnâ pecuniâ diuisâ, domum regressus Cotiam siluam petiit, vbicum more Regum Francorum autumnali venatione se exerceret, subitò in grauem incidit febrem, & Compendium, villam publicam, seu Palatium regium siluæ proximum repetiit, ac paullo post vi morbi op-



10LXI.

pressus decessit. Dicitur moriens, cum viscera torrerentur à febre, adstantes interrogauisse, qualem in cælo regnare putarent Regem, qui magnis & potentibus Regibus sic eriperet vitam. Obiit Chlotharius Rex Indictione IX (vt scribit Marius) post Consulatum Basilij anno XX, CCCLXVI die postquam Chramnus perierat: & sicut quondam Chlodoueus pater suus, IV filios adultæ ætatis, Charibertum, Guntchramnum, Chilpericum, & Sigibertum reliquit superstites, qui cum honorificè per XXX passuum millia magnâ Clericorum psallentium frequentiâ Augustam Sueffionum delatum in Basilica B. Medardi, vt ipse præceperat, ante altare S. Episcopo consecratum sepeliuere, ac Regnum patrium viris tum armisque florentissimum ac maximum, quod Galliam atque Germaniam ferè omnem complectebatur, quadripartitum inter se fortiti sunt.

10LXVII.

Quod ad annum vltimum regni Chlotharij pertinet, Marium Auenticensem Episcopum, diligentem Auditorum libentiùs, quàm Gregorium eius æqualem, Fredegariùmque, & Aimoinum ac Herimannum Monachos sum secutus: propterea quòd anno VI regni *Gloriosissimi Guntramni Regis Indictione XV* Concilium II Lugduni habitum lego. Indictio autem XV, siue annus primus Consulatus Iustini iunioris Aug. post mortem Chlotharij, quem Indictione IX decessisse ait Marius, annus est sextus. Præterea decretum Episcoporum duorum & triginta, qui Luteciæ Parisiorum conuenerunt, datum dicitur *die III Iduum Septembrium, anno XII Dominorum Regum Indictione VI Parisiis*. Similiter & Synodum Episcoporum Gallicanorum XVII Valentiz habitam inuenio *anno XXIII regni gloriosissimi Domini Guntchramni Regis, Indictione II*. Vt appareat, cum Indictionis XV finis semper initium esset primæ, Chlotharium Indictione IX exeunte, post Consulatum Basilij V. C. anno vicesimo, imperij quinquagesimo mortem obiisse, eiusque filios Indictione quintadecimâ sextum regni sui annum; Indictione sexta duodecimum; Indictione demum II tertium ac vicesimum egisse. Quamobrem Sigebertus in Chronico Chlothario non ampliùs

10LXI.

quinquaginta regni tribuit annos. quippe Chlodoucum Regem anno Christi 10 XIV, Chlotharium eius filium 10 LXIV anno obisse memoria tradit. Ceterum Gregorius, si Chlotharium tantum LI regni sui anno exspirasse diceret, ac non etiam eodem hunc anno Cæsardunum Turonum petiisse affirmaret; videri posset à Mario minimè dissentire. Cùm enim Chlodoucus Rex Chlotharij pater Felice & Secundino Coss. v Kalendas 10 XI. Decembres (vt suprà scripsimus) à filiis suis elatus ac sepultus fuerit, dummodò Chlotharius P. C. Basilij 10 LXI. V.C. anno XX decedens, huncce diem excesserit, (quatuor autem & triginta dies ex anno supersunt) non falsò dicetur ad annum imperij primum & quinquagesimum peruenisse.

Opportunum videtur, antequam volumen hoc, opusque finiamus, de Chlotharij Regis virtutibus & vitiis aliquid dicere. Erat Chlotharius, vt robusto corpore, ita fortitudine & laboris patientia eximia. qui præter bella ab Auctoribus nostris omissa, duas aduersus Burgundiones expeditiones suscepit, cum Chlodomere & Childeberto fratribus priorem, posteriorem cum Childeberto, ac omnem Burgundiam fuso fugatòque Godomaro Rege perdomuit: Theodoricum in Toringiam magna manu secutus, Herminafridum Toringorum Regem vicit acie: adiunctus Childeberto Cæsaraugustam obsedit, & totam ferè Hispaniam Tarraconensem depopulatus est: nec senectute segnior, aut in exsequendo tardior factus, Saxones rebellantes, ac tributum ipsi pendere recusantes, ter continuo triennio aggressus est, subactisque vectigal imposuit: Britannos demum, Chramno aduersus se ferentes auxilium, prælio superauit. semper inuictus, nisi quòd semel ferociâ suorum seditiosè pugnam exposcentium, nec vllam pacis conditionem accipientium, in Saxonia magnam copiarum partem amisit: ita vt scientia rei militaris, virtute, ac felicitate Chlodoucum parentem suum, & Theodoricum fratrem non modò æquauisse, sed etiam superauisse videatur. Acutum eum & callidum fuisse docent vitatæ in Toringia Theodorici fratris insidiæ;

filux Arelaunenſis Childeberto ac Theodeberto obie-  
 &æ concædes; fraus fraude vindicata, cùm fraudatus  
 à Childeberto pecuniâ, quam Theodahadus Italiæ  
 Rex miſerat, theſauris Chlodomeris manum iniecit; ac  
 totum Theodebaldi Regnum dolo magis quàm vi oc-  
 cupatum, ad eò vt iure Childebertum fratrem natu-  
 iorem excluſiſſe videri vellet. Quare non immeritò  
 Venantius Fortunatus in libri VI Carmine IV Chlo-  
 thario conſilium & acumen; Childeberto bonitatem  
 pietatẽque attribuit. quas omnes animi dotes Cha-  
 riberto Chlotharij filio inefſe ſcribit his verſibus,

*Predicat hinc bonitas, illinc ſapientia plaudit.*

*Inter utrumque decus te ſibi quiſque rapit.*

*De patruo pietas, & de patre fulget acumen.*

*Et reparas ſolus lege ſauente duos.*

Et in libro IX Chilpericum virtute Chlothario patri,  
 eloquentiâ Childeberto patruo ſimilem fuiſſe dicit,

*De virtute pater reparatur, anunculus ore.*

Sigibertum Regem ſimiliter in libro VI à patre virtu-  
 tem ait habuiſſe, atque in verſibus tumulo Chlotharij  
 Guntchramni Regis filij inſcriptis Chlotharium noſtrũ,  
 auum regij pueri, *Magnum* appellat. Ex quo ſatis in-  
 telligitur eum primarium bellatorem, fortiſſimũque  
 ducem, & maximæ in bello habitum eſſe virtutis. Multa  
 Chlotharius, præcipuè paucis ante obitum annis, pieta-  
 tis ac liberalitatis præbuit exempla. ſiquidem mortuo  
 Theodebaldo Rege, Maurũ Abbatem Glannafoliẽſem  
*frequenter ad ſe euocauiſſe, ac eius conſiliis uſus eſſe* dicitur,  
 & Glannafoliũ veniſſe cum paucis, Monasteriũque Bla-  
 ſonem, ac villam Longum campum, Monachis eligen-  
 di Abbatis poteſtatem ſcripto conceſſiſſe, & poſtquam  
 Maurus bene ipſi precatus erat, abiſſe. Idem de ſua ſede  
 deſiliens *flexo genu Iunianum* Preſbyterum & Abba-  
 tem (ſicuti ſcribit Wlſinus Episcopus) *adorauit*, & ſan-  
 ctiſſimum hominem, vt pro ſe domoque ſua, ac pro  
 ſtatu Regni Deum oraret, deprecatus, atque ad cellu-  
 las in agro Lemouicum exſtruendas, Monachosque  
 congregandos hortatus eſt, dimiſſũque parte prædij  
 regalis nomine Gauarciaci per Aurelium virum illu-  
 ſtrem

strem attributa donauit. Constantianum quoque Abbatem, à quo erat exceptus, cùm Chramnum in Britanniam persequeretur, rebus fisci, & aliis bonis muneribusque ditauit. Medardum Nouiomagensem ac Turnacensem Episcopum, ne piissimi Antistitis benedictione priuaretur, visitauit ægrotum, defuncti *corpus suis ipse humeris sustulit*, Episcoposque & Optimates ad sanctum onus subeundum suo incitauit exemplo, ac non multo post moriens Sigiberto filio mandauit, vt quam Deo vouerat, ac iam super B. Confessoris tumulum inchoauerat, Basilicam ex auro, argento, & cuiusque generis lapidibus huic operi à se præparatis absolueret. Ne de Basilica Sancti Martini loquar, quæ piâ munificentia eiusdem Regis restituta, & stanneis regulis tecta est: aut de libris, in quibus Turoni descripti erant, iussu eius incensis, vt ciuitas in Martini Antistitis gratiam esset immunis. Sed Chlotharii virtutum splendorem obscurauit stuitia, nonnumquam cum alieni rapiendi cupiditate coniuncta, qua impulsus cognatum suum, fratrem Radegundis vxoris, in fontem spiritu priuauit: Chlodomeris fratris filios, vt debitum eis Regnum occuparet, suapte manu interimere sustinuit, ac Childeberto pro Gunthario vitam precanti mortem minatus est: Theodeberto quoque vitam Regnumque eripere voluit: Ultrogothonem Reginam, Childeberti fratris coniugem, filiasque eius innocentes in exilium misit: postremò Chramnum, rebellem quidem & malum filium, sed tamen filium, crudeliter interfecit, nec contentus iuuenis cæde, vxorem eius, immuncem delictorum viri sui, filiasque infantes occidit, credo vt reliquos filios suos, quos de industria secum in Britanniam adduxerat, magnitudine pœnæ deterritos in obsequio contineret. Cuius tamen eum cædis breui pœnituit. hanc enim præcipuè ob causam (vt puto) limina B. Martini paullo post petiit, & omnium, quas commiserat, culparum, ac in primis nouissimæ huius atrocitatis veniam precatus, deinde mærore magis quàm febre consumtus est. Quanto pere præceps in venerem Chlotharius fuerit, docent tot in-

cesta matrimonia contracta, Gundeucâ, Chlodomeris fratris sui vxore, sibi coniunctâ, vno eodémque tempore duabus sororibus in torum receptis, Vuldegrada Theodebaldi coniuge domum ductâ. Nec facile dictum est, vtrum ardentius concupiuerit vxores propinquorum viduas inire, an regna occupare. pêne vt credam Vltrogothonem, quia vetula erat, in exsilium missam, mitiùsque cum ea acturum fuisse Chlotharium, si adulescens, & apta veneti fuisset. Iam verò quod Ingundi vxori dicebat, neminem se ipso sapientiorum inuenisse, cui Charegundim in matrimonium collocaret, & illa suprema verba mirantis ac velut indignantis sibi tanto Regi vitam à Deo eripi, indicant superbum Chlotharium & arrogantem, ac naturæ suæ parum memorem fuisse. Quo minus miror, id quod in IX Carminum libro ait Fortunatus, Chilpeticum à Chlothario Rege vnici ac plus ceteris filiis esse dilectum, hominem nimirum omnium patris vitiorum heredem, sed plerarumque eiusdem vittutum expertem, crudelem, rapacem, libidinosum, ac superbum, negantem quemquam se prudentiorem esse, ita vt sagacissimus senex suos in filio mores agnouisse & probauisse videatur.

Ceterùm quod supra scripsimus, Fortunatum in libro de vita Medardi secuti, Chlotharium Regem morientem Sigiberto filio mandauisse, vt Basilicam super Medardi sepulcrum à se inchoatam vnâ cum Monasterio consummaret, pecuniâque non paruam hos in vsus impendendam eidem reliquisse; id si verum est, ostendit à Chlothario ægrotante Regnum inter filios esse diuisum, & Sigiberto natu minimo Basilicæ Sancti Medardi perficiendæ curam delegatam, quoniam ea Basilica, tametsi proxima Augustæ Sueffionum Chilpetici Regiæ, tamen flumine Axonâ ab vrbe diuisa, & in Regno Sigiberti posita erat. Vnde Fortunatus Præbyter, in libri VII Carmine IV ad Gogonem vnum è Sigiberti Optimatibus, vti *Isaram, Somenam, Scaldim*, multosque alios amnes, sic *Axonam*, hoc est partem Axonæ Regno Sigiberti attribuit. Et Gregorius ipse, qui in libro Historiæ IV quatuor Chlotharij filios, parte mor-

tuo, Regnum eius inter se diuifisse dicit, ac fuam fingulis partem forte obuendiffe; idem in libro de vita Nicetij Treuirici Epifcopi fcribit, cum Nicetius, iam in exilium ductus iuffu Chlotharij, ab Epifcopis adulantibus Regi congreffu prohiberetur, & à fuis omnibus defereretur, *poft ridie* ad eum veniffe legatum Sigiberti Regis cum litteris: quarum fuma erat, Chlotharium Regem patrem fuum deceffiffe, & que *Regnum debitum* cum Epifcopi beneuolentia recipere oportere. Quæ Gregorij verba perpenfa fatis apertè videntur declarare ab Chlothario diuifionem Regni inter filios factam effe, ficuti de Chlodoueo refert Rorico, cum aliter Sigibertus tam citò poft patris mortem Nicetium de exilio reuocare, aut Mettenfe Regnum, cuius vrbs erat Augufta Treuirorum, fibi vindicare non potuerit.



# I N D E X.

A

- A**CAVENSE Monasterium à quo  
extructum, 338  
Adouacrius Saxonum Rex Andecauns  
capit, 115. amicitur, *ibid.* Childerico iun-  
ctus Alamannos aggreditur, 236  
Ægidius Mag. iter milia Gallicana, 130.  
Atelati obliuissus Vesigothorum eruptione  
facta fundit, 190. Gallus, 196. Frideri-  
cum fratrem Theoderici Regis Vesig-  
othorum victum occidit, 196. & 197. Cai-  
nonem frustra obsidet, 197. in Child-  
erici facinus à Francis substituitur, 200.  
& 201. eiicitur, 201. Colomam, & Tre-  
uiros amicit, 201. moritur, 198. & 199.  
eius virtutes, 197. & 198  
Aetij Partij res gestæ, 116. & 127. mors,  
174. virtutes & vitia, 175. & 176  
Africa à Iuliano Aug. recepta, 377  
Agathus arguitur, 348. 454. & 467  
Agericus Verdanensis Episcopus, Fran-  
cus, 424  
Agila Rex Vesigothorum, 442. & 444. à  
suis occiditur, 444  
Agilalingsi seu Agilalingsi qui, 423  
Agrippinus Comes Narbonem tradit  
Theoderico Regi, 195. & 196  
Aiminius reprehenditur, 302. 362. 428.  
423. emendatur, 461  
Alamannorum interuentiones in Galliam &  
Iesham, 4. & 5. in Reriam, 3. in Gallias  
11. 15. 18. 16. 41. 58. 63. 179. 236. 256  
Alamanni agrum seu uicium occupauere,  
237. sub Ostrogothorum imperio fue-  
re, 257. & 258. à Vinige dimittit, 258. &  
412. Francis subiecti legibus suis ve-  
bantur, 258. eorum sub Francorum di-  
tione conditio, 412. eorum Vaies, 458  
Alani Gallias ingressi, 98. 99. inde Hspa-  
nias, 106. & 111. quidam in Gallia Go-  
re duce confedere, 171. bisatiam ibi  
dunt, 173  
Alaricus iunior à Chlodoueo interficitur,  
296. Regum Vesigothorum primus au-  
tor adulterauit, 291. & 408. eius mo-  
res, 291  
Alboledis cum Chlodoueo fratre bap-  
tizatur, 161. uirginatatem Deo deuouer,  
261  
Alexandri Chronicæ Auctor arguitur,  
218  
Amalafridus Hermiafridi filius, 362.  
& 363  
Amalaricus Vesigothorum Rex, 335. Chro-  
childum ducit uxorem, 315. 316. 367. cum  
eodem, 367. à Childerico victus inter-  
ficitur, 369. 370. 371  
Amalasuenha Theoderici R. ex Audesse-  
da filia, 327. Eutharico nubet, *ibid.* Theo-  
dahadum Regem consortem facit, 400.  
ab eo interimitur, *ibid.*  
Ambianis Gratianus fit Imperator, 45.  
Ambiani vrbs ab Alanis & Vandalis ca-  
pta, 103. Regia Chlodianis, 131. Mer-  
uei, 246. Childerici, 258. 259. 260  
Amisuarici francica gens, 75. & 90  
Anastatius bibliothecarius arguitur, 357  
Andematunnum Lingonum à Vandalis  
expugnatum, 103  
Angli Germana gens, 143. in Britannia  
insula sedem capiunt, 141. & 144  
Anthemius gener Marciani Aug. 102. 103.  
à Lenne A. Imperator appellatur, 201.  
& 204. à Ricimeri genero interimitur,  
214. eius filij, 215  
Anthrachus, obsulan eunuchus fuerit, 126  
Apollinaris Sidani filius Dux Italia, 296.  
ex Duce Aruernorum Episcopus, 133.  
Arcadij pater, 323. & 324. Alenua tra-  
ter, *ibid.*  
Appendix Vincti Auctor corrigatur,  
270. 271  
Aquinia secunda cum Nouempopulis  
data Vesigothis, 115. & 139  
Aquitania prima & secunda, gemina Ger-  
mania dicta Gregorio, 240. Aquania  
1 & 2, & Nouempopuli Chlodomeris  
non fuere, 323  
Arbogastes, Francus, Victorem Cæsar. vine-  
it & occidit, 69. quare dictus Comes  
Theodisij, 70. Magister militum, 71. Val-  
entinianum A. occidit, 74. & 75. Eugre-  
nium Imperatorem facit, 75. Franciam  
vastat, 75. cum Francis pacem facit, 76.  
Marcomerem & Sunnonem ad cenam  
inuitat, 76. Gothorum x milia occidit,  
78. cum Theodosio A. pugnat, 78. &  
79. vincitur, 80. 81. 82. & 81. se interfi-  
cit, 81. Consul fuit, 83. de eodem, 84.  
& 85. eius virtutes, 71  
Arbogastes, Francus, Arigij filius, 118. Co-  
mes Treuitorum, 219. eius virtutes, *ibid.*  
Arbaticus apud Procopium idem qui Ar-  
morici, 278. 279. & 180  
Arcadius A. vnam provinciam in plures  
diuidit, & quare, 146. & 147. idem fa-  
cit Theodosius eius filius, 124

# INDEX.

- Arcadius Auiti A. pronepos, 324. patet  
 Placidinæ vaoris Leontij postica *Burdi-*  
*galensis* Episcopi, 324. Aruernos prouit  
 Childeberto, 367. *mittitur* ad Chro-  
 thildum R. cum fornicibus & gladio, 387  
 Ardarius Gipedu Rex Attilam sequitur  
 in Gallias, 138. ab Attilæ filiis deficit,  
 171. Ardariani nummi ab eo didi, 408  
 Aredius, Gundobadi R. *Consiliarius*,  
 Chlothildis nuptias improbat, 352. Do-  
 minum suum vitæ periculo liberat, 273  
 & 274  
 Arelatum obsessum à Gerontio, 107. cap-  
 tum à Constantio, 109. à Theodotico  
 maiore V. Goth. Rege frustra oppu-  
 gnatum, 119. item à Theodotico iunio-  
 re, 190. & 191. ab Eurico eius fratre  
 occupatum, 234. à Theoderico Rege  
 Ostrogothi. 313. bis obsessum à Chlodo-  
 neo, 103. & 311. datum Francis à Virge  
 R. 407. & 409. Childeberto paruit,  
 410. *offensâ* monetæ, & Consulum  
 et triumphis olim illustre, 411  
 Arelaunicis filia, 423  
 Argentoraturn captum ab Alanis & Van-  
 dalis, 103  
 Ariadne Aug. Anastasio diadema impo-  
 nit, eique nubit, 249  
 Ariana hæresis qui per gentes barbata  
 diffusa sit, 265  
 Arigius Francus, patet Arbogastis iunio-  
 ris, 218. & 219  
 Armoctis Aëtio aduersus Attilam *mittitur*  
 auxilia, 161. sæpe rebellant, 161. 279.  
 & 280  
 Aruandus ex Pref. Prat. Galliarum ma-  
 iestatis damnatur, 205  
 Aruerni à Chroco Alamani. Rege ca-  
 pti, 5. ab Eurico V. Gothorum Rege  
 occupati, 225. & 226. à Childeberto  
 capti, 167. recepti à Theoderico, 381  
 Alcaricus Francorum Rex in Galliam  
 erumpit, 16. à Constantino Aug. ca-  
 ptus bestis obicitur, 16. 17. & 36. qua-  
 re, 157  
 Ascula Richimeris vaor, mater Theodo-  
 meris Regis Franc. interfecta, 125. non  
 fuit coniux Ricimeris Patricij, & filia  
 Anthemij Aug. 105  
 Asclepiodorus Francos apud Londinium  
 opprimat, 141  
 Ataulfus V. Goth. Rex Gallias ingredi-  
 tur, 110. repellit à Massilia, 110. Bur-  
 digalam dirigit, *ibid.* Narbonem capit,  
*ibid.* Placidiam capitiuâ, sororē Honorij  
 A. ducit vaorem, *ibid.* petit Hispaniam,  
*ibid.* Barcinouæ à suis interficitur, *ibid.*  
 Attech Francorum Rex ad Maximianum  
 Aug. venit, 11  
 Athalaricus Rex Ostrogoth. 353. Prouin-  
 ciam retinet, 355. Amalarico Septima-  
 niam reddit, *ibid.* decedit, 399

Athanagildus ab Agila Rege deficit, 444  
 eo occiso regnat in Hispania, 445  
 Atrebatæ ab Alanis, Vandalis, & Sueuis  
 capte, 103  
 Attali tyranni res gestæ, 114. & 115. de-  
 portatio in insulam, 215  
 Attala Hnnorû Rex Illyricum & Thra-  
 ciam populatur, 155. & 156. Magister  
 militum Rom. cur diuis, 156. quas pro-  
 uincias tenuerit, *ibid.* Gallias petit, 158.  
 quas Gallie vrbes cepit, 159. Aurelia-  
 nos oppugnat, 159. & 160. vincitur ab  
 Aëtio, 163. 164. & 165. quot hominum  
 milia secum habuerit, *ibid.* quot ami-  
 serit, *ibid.* Italiam petit, 166. Aquile-  
 iam & alias vrbes capit, 166. & 167.  
 pace eum Valentiniano *facta* discedit,  
 167. motitur, 171. eius vitia & virtutes,  
 171  
 Atuatij, Franciz gens, 90. 129. à Iuliano  
 Aug. pacem petunt, 43  
 Audelida Chlodouei toror fuit, non fi-  
 lia, 251. Theoderico Ostrogothi. Regi  
 nubit, 251. an fuerit Ariana, 401. & 402.  
 quando Theoderico nupserit, 402. &  
 403. Amalauentiz R. mater, 402  
 Augusta Sueffionum Chlotharij, deinde  
 Chilperici regia, 322  
 Augusta Veromanduorum ab Alanis,  
 Vandalis, & Hunnis euersa, 103  
 Augustæ quâdo Pix Felices dici capere, 66  
 Auitus, 182. fit Imperator, 183. in Vrbem  
 recipitur, *ibid.* Consulatum init, *ibid.*  
 ea Imper. fit Episcopus, 185. obit, *ibid.*  
 Auitus Viennenfis Episcopus, 330. Sig-  
 nismundum R. & Burgundiones ea A-  
 rianis Catholicos facit, 330. Concilio  
 Epauonensi præest, 331. Chlodoueo  
 R. de accepto Baptismo gratulatur,  
 264. 265. & 266  
 Aurelianus Francos vincit in Gallia, 2. in  
 Francia, 6. ante curram captiuos du-  
 cit, 7  
 Aurelianus Chlodouei *Consiliarius* Chro-  
 thildum ad eum perducit, 221. Melodu-  
 nensis ducatu ab eo donatur, 253  
 Aurelianensis Concilij. qui Episcopi in-  
 terfuerint, 312. eius Concilij decreta  
 Chlodoueo confirmat, 313  
 Aureliani ab Attila capti, nec direpti,  
 159. & 160. Chlodomeris Regia, 322  
 Aultria, & Neustria quæ prouinciæ à  
 Francis dirigit, 322  
 Autisiodurum ab Attila captum & incen-  
 sum, 159  
 Auaila, Alx, & cohortes Romanæ ex  
 Francis factæ, 96

B

B ADARICVS Rex Thoringorum à fratre  
 victus & interfectus, 336  
 Bqq iij



# INDEX.

Bainobaudes, Francus, Sencariotum Tribunus, 35. Cornutorum Tribunus, *ibid.* interficitur, 37  
 Baiotij sub ditione Theodorici maioris, 419. Noricum habitabant, 418. eorum sub Francorum imperio conditio, 419. & 430  
 Balamir Hunnorum Rex, 354  
 Bappo, Francus, Tribunus Promotorum, 14  
 Baronijs arguitur, 471  
 Basilus, victimis praetoribus Consul fuit, 423  
 Basina R. Bisioi R. vxor, relicto viro, Chilerico nubit, 120. & 121  
 Bauto Francus, 62. quas res gesserit, 63. Magister militum, 63. Consul ordinarius, Arcadij Aug. collega, 63. Symmachianicus, 64. Gestitis, *ibid.* pater Eudoxiae A. Arcadij A. coniugis, 63  
 Belisarius Africanum recipit, 376. 377. Sicilia, 405. Virgine R. cum Italia capit, 420  
 Beorgor Rex Alanorum, 101. cum exercitu suo cecit, *ibid.*  
 Bertharius Rex Toringorum à fratre Herminio frido interimitur, 335  
 Bertrara Theodeberti Franc. Regis filia, 431  
 Bleda Hunnorum Rex, 155. cum Attila fratre Illyricum & Thraciam vastat, *ibid.* ab eodem interimitur, *ibid.*  
 Blithildis neutrius Chlotharj filia fuit, 431. 433. 468. & 469  
 Bonifatius Vandalos in Africam immitit, 111. & 127  
 Bonitus Francus, Stipator Gallieni Aug. 3  
 Bonius Francus, pater Siluani, 34  
 Briones quae gens, 168  
 Britanni Gallicaei ab Eorico Vefigoth. Rege cæsi, 111. quo tempore & duce in tractu Armorico confederint, 111. an Francorum Regibus olim paruerint, 121. 123. 124. 125. 126  
 Britannorum fines, vel Marca Britannica, 124  
 Britannia insula fertilis tyrannorum cur dicta, 105  
 Britia apud Procopium quae insula, 341  
 Bructari gens Fraocica, 18. eorum ager à Constantino A. vastatus, captiui puberes bellis obiecti, 18. & 19. cum Chamaui in Galliam erumpunt, 19. Bructeri & Chamaui Francicae gentes, 75  
 Bubali olim, & vbi, alces, onagri in Gallia, 434  
 Buccelinus Dux Theodeberti in Italia magnas res gerit, 417. Alamanorum Dux, 450. Patnam capit, 450. Fulcarum Eculorum Ducem victum interficit, 451. totam Italiam peragrat, 450. 451. & 452. à Narfe victus cum suis omnibus perit, 459. & 460

Burgundionum in Galliam incurfiones, 11. 28. & 49. 101. & seqq. in caledis, 111. dux eo nomine gentis, vna Germanica, altera Scythica, 30. 31. 32. Burgundionum mores, 137. & 150. ars, 137. ad Christianam fidem conuerfio, *ibid.* de Hunnis victoria, *ibid.* à quo hi facti Christiani, 138. proceri, 138. comam butyro perfundunt, *ibid.* trichordis cithari canunt, 138. Ariani facti, 138. eorum Catholici, 139

## C

CALMO obfessus ab Egidio, 197  
 Camaracum caprum à Chlodione, 118. & seqq.  
 Campus Martius, 141. à quo, & quare in Campum Maium muratus, 141  
 Cannetum locus, 463  
 Caprarum castrum, 390. & 391  
 Carausius auxilijs Francorum fretus dux Britanniam tenet, 14  
 Carasso & Elena quo tempore Sedes Episcopales factae, 391. Carasso obfessus à Chlodoueo, 304  
 Carene R. Gundobadi Burgundionum Regis vxor, 118. 119  
 Carthaginis portus dictus portus Africae  
 Castinus Domesticorum Comes aduersus Francos missus, 111. Magister militum à Gundrico Vandalorum Rege victus, 111. in exilium actus, 123  
 Carenæ apud Gregorium quid significet, 399  
 Catti gens Fraocica, vt Marcomeri, sic Meroueo parere, 180  
 Chamaui, Francica gens, 40  
 Chanao Comes Britannorum cædetrum fratrum infamis, 441  
 Chataricus, Francorum Rex, à Chlodoueo capitur, 307. Presbyter fit, 307. cum filio interficitur, 307  
 Charato Hunnorum Rex, 154  
 Charietto Francus, 40. Comes per veritatemque Germaniam, 45. & 57. ab Alamanis interficitur, 45  
 Charietto alius, Fraocus similiter, & Comes per Germaniam, 69  
 Childebertus Regnum Parisiorum forte obtinet, 121. 312. Arneros Theodorico fratri eripit, 367. Amalanicum Vefigoth. Regem victum interficit, 368. 369. 370. 371. 372. 373. Burgundiam perdomat, 378. Chlodomeris fratris filios interimit, 386. 387. Theodebertum fructu oppugnat, 398. Chlotharum fratrem quoque, 411. & 412. cum eo pacem facit, 411. Cæsaraugustam oblidet, & Hispaniam populatur, 414. & 415. Basilicam B. Vincenij exstruat, 415. obit, 477. eius virtutes & vita, 478. 479. 480. & 481.

# INDEX.

- Childericus ab Aetola captus profugit, 158. Francorum Rex, 189. 190. Regno à suis expellitur, 200. in Turingiam fugit, 200. Romam inducitur reuocatur, *ibid.* Aegidum vicum pellit, 201. Basinam ducit vxorem, 201. Andecauos capit, 235. & Aurelianos, 236. Saxones fundit, 237. eorum insulas occupat, *ibid.* eius iunctus Alamannos vincit, 236. decedit, 236
- Chilpericus Burgundiae Rex, & Magister militum, filius Gundacarii, frater Gundici, 128. & 312. Lugdunum Regiam habuit, *ibid.*
- Chilpericus vnus è Gundici filiis, Burgundiae Rex, à Gundobado fratre captus interficitur, 250. Chrothildis patet, *ibid.*
- Chlodebaudus Chlodionis R. filius, 144
- Chlodericus Sigibertum, patrem suum, Regem Franc. ingulat, 306. occiditur à Chlodoneo, *ibid.*
- Chlodio Franc. Rex, 114. & 125. Farumundi filius, *ibid.* non primus Regum Franc. capillatus, 125. Carbonariam, Turnacum, Camaracum & Ambianos occupat, 128. 129. 130. & 131. ab Actio leui prelio in Atrebatibus vincitur, 132. & 133
- Chlodoldus Chlodomeris R. filius fit Presbyter, 338
- Chlodometes Franc. Rex, 144
- Chlodomeris alius Franc. Rex Regnum Aurelianense obtinet, 320. 321. & 322. Sigismundum Burgundiae Regem capit, 344. interficit, 345. & 346. à Burgundionibus occiditur, 346. 347. 348. 349
- Chlodesinda, Chlotharii filia, Alboini Langobardorum Regis vxor, 467. & 468
- Chlodouicus Franc. Rex, qui & Lodonicus, 238. Syagrium vincit & interficit, 240. Sueffionas & Remos occupat, 241. militem peruiticem occidit, 241. Turingiam tributaria facit, 247. Chrothildem ducit, 251. & 151. Alamannis & Suevis subactis tributum imponit, 256. & 257. à Vedasto rectam inde edocuerat, 259. baptizatur à Remigio, 260. quo in ecclesia, 261. & 263. quo tempore, 264. & 265. vnus ex omnibus xianis fuit Regibus Catholicus, 265. edicto Francos ad Christianam religionem inuitat, 266. Ecclesias ablata restituit, & septuaginta Remigio confert, 270. Basilicam SS. Apostolorum aedificat, 311. coronam Romae in Petri Basilica ponendam curat, *ibid.* Verodunenses rebelles in deditionem accipit, 271. Gundobado Burgundiae Regi tributum imponit, 272. 273. 276. & 277. cum Alarico Rege Vefgoth. colloquitur, 291. cui ei bellum inuitat, 292. 294. 295. 296. Crucis signaculo milites signat, 296. signum, nomen Domini, dat, *ibid.* Alarico interfecto omnem Aquitaniam subiungit, 297. Tolosam capit, *ibid.* & Ecolisum, 297. & 298. Patricius fit ab Anastasio Aug. 299. 300. & 301. Luteciam sedem intrat, 299. Arelatum bis obsidet, 303. & 311. propinquos suos vita & regno spoliat, 306. 307. 308. quo anno obiit, 314. quo die, 314. & 314. eius virtutes, 315. & 315. vitia, 316
- Chlotharius, Chlodouei filius, Sueffionum Regnum forte obtinet, 321. 322. Burgundiam bis petit, 344. 345. & 378. eam subigit, 378. 379. quo anno, 379. & 380. Chlodomeris fratris filios sua manu ingulat, 386. 387. & 388. à fratre & fratris filio oppugnatus praefer spem euadit, 421. & 422. cum Childeberto fratre Hispanias petit, 424. Theodobatu defuncti Regnum totum occupat, 466. quor vxores duxerit, 467. & 468. Saxones fundit, 469. ab eis vincitur, 470. eosdè tributarios facit, 472. Childeberto mortuo totum Francorum Regnum obtinet, 478. Chramnum suum rebellem capit & interimit, 484. Medardum Episc. vili exortatorem, 485. Limina Martini adit, 485. obiit, 486. eius virtutes & vitia, 486. & 486
- Chonomeres Comes Britannorum, idem Commodus dictus, 481. & 482
- Chramnus aduersus patrem coniurat, 471. vrbes Aquitaniae occupat, 472. Childebertum patrem deinde Britannos subiungit, 472. & 483. à patre viduus interimitur, 484
- Christina caelo delapsa, 260 & 261
- Chrocus Alamannorum Rex Gallias vastat, s. capite truncat, *ibid.*
- Chrocus inuictor, Alamannorum Rex Constantium Aug. sequitur in Britanniam, 18
- Chrothildis Chilperici Burgund. Regia filia nubit Chlodoneo, 251. 251. Ingomerem parit, 253. baptisium cum mox amittit, 253. Chlodomerem parit, *ibid.* Chlodometis filios educat amaret, 386. funera eorū prosequitur, 388. obiit, 440. & 441. eius virtutes, 316. & 317
- Chrothildis, Chlodouei filia Amalarico R. nubit, 325. 326. & 327. ex ditor à viro, 367. anallium à Childeberto fratre petit, 368. à quo dum reducit, obiit, 371
- Clandianus emendat, 94
- Colonia Agrippina à Francis capta, 37. à Iuliano Cael. recepta, *ibid.* iterum à Francis expugnata, 235. & 236
- Comitina Domesticorum, dignitas illorum, 19
- Constans cum Francis Galliam ingreditur

# INDEX.

pacem facit, 18. & 19. à Magnentio per Gaisionem Franci intercepti, 30  
 Constantino polis obfessa à Theodetico Triarij filio, Rege Gothorum, 114  
 Constantinus Max. Francicos lodos instituit, 16. pontem in Reno apud Coloniā facit, 18. ob imagines suas deiectas & Maxentio, & Licinio bellum inferit, 21. Franciscum vaſtat, & caprinos fectis obicit, 23. & 24. Franciscus est appellatus, 25. apud Coloniā enim Regibus Francorum colloquitur, 26. vt & Constantius Cæſar eius filius, 27  
 Constantinus Tyrannus Gallias occupat, 106. Conſtaotem filium Cæſarem, deinde Auguſtum appellat, 106. Arelari obſidetur, 107. 108. 109. fit Pictbyter, 109. à ſuis traditur & occiditur, 109  
 Constantius Frisus & Chamaſus, Francicas gentes, Bataviā expellit, 12. Cæſar Herenalius dictus, 14. Francicus appellatus, 15. nauibus Franciam petit, 16. Francos captivos in Gallia, exemplo Maximiani Herculi, collocat, 12. & 14  
 Constantius Mgnentium Ang. natione Francum vincit, 30. Siluanum ſimiliter Francum opprimit, 35  
 Conſtantiſſus Patricius Placidiam ducit uxorem, 115. conſors imperij fit ab Honorio Aug. 116. ob reiectas imagines ſuas bellum Theodoſio inferre patat, 116. obit, *ibid.*  
 Crispus Cæſar in Gallia, & in Francia Francos ſuperat, 26. à patre interimitur, 27

## D

DANI Gallias populantur, 126. & 127.  
 Dardanus Prefectus Prætorij Galliarū, 113  
 De caſtrum Septimaniz, 390  
 Decentius Cæſar, frater Magnentij ſe ſuſpendit, 30  
 Decimus Ruſticus Prefectus Tyrannorum interfectus, 112  
 Dengizic, Rex Hunnorum, Artile filius interſicitur, 111  
 Deſiderius Cæſar, à Magnentio fratre ingularus, 30  
 Deſo caſtellum in ſinibus Francorum, vulgò Duiſchvel Teuſch, 24. & 32. captum à Poſtumo, 36  
 Deuteria Galla 391. Theodeberti concubina, *ibid.* deinde vxor, 399. cnr ab eo dimiſſa, 420. & 421. Theodebaldi Regiſmaier, 420. filium interemit, 422  
 Didio Francorum Rex, 115  
 Diſpargum an ſit Duidburgus, 129  
 Diuo caſtrum, 275  
 Diuodatum Mediomatricorum ab Aſia direptum & incenſum, 138. & 139. alias Metæ Regi Regum Auſtaſietum, 322

Doli vicus Biturigum, 111  
 Durocorruſū Remorum captum à Vaulis & Alanis, 103. iterum ab Hunnis, 109  
 Duſiacum in pago Moſomagenſi, 188

## E

ENCICIVS Auit Aug. filius, 125. & 126. Magiſter militum, *ibid.* Patricius, *ibid.*  
 Ecolſma à Chlodouco capta, 297. 198  
 Edobecus Fraucus, Dux Conſtantini Tyranni, 107. cum Francicis auxiliis vincitur à Conſtancio, 108. & 109. ab Ecdicio amico ingulatur, 109  
 Elena vicus, 132  
 Ellac, Artile filius, Hunnorum Rex ab Alanis occiſus, 111  
 Ellebicus Magiſter militum Honorij, 106  
 Emmia, vel Emma, an Chlodouci R. filia fuerit, 126  
 Eocharicus Alanorum in Gallia confidentium Rex, 161. aduerſus Atmoricos rebelles ab Aëno mititur, 161. & 173  
 Episcopi aduentu ſuo ciuibz epulum præbeant, 196. ſemper Regum Francorum petmiſſu, nonnumquam & ruſſu fiebant, 323. 196. 473  
 Erulorum Rex Rodulſus, 295. Dux Sindual, 458. Fulcaris, *ibid.*  
 Eudoxia Aug. Bantonis Franciſſa, Ariana non fuit, 65. eius pietas, *ib.* eius imago per prouincias circumlata, 66  
 Eudoxia, prius Eudoxie neptis, Maximianum interimendum curat, & Geſericum in Urbem innitat, 158  
 Eugenius cum Marcomere & Sannoce Franc. Regibus ſædus init, 76  
 Eulogius maieſtati reus in Eccleſiam conſugit, 270. viſs deprecatore Remigio Episc. veniam impetrat, *ibid.*  
 Euticus regnum Viſigothorum ſublato fratre laudat, 206. Britannos vincit, 212. cum Francis pacem facit, 219. Atternos occupat, 225. & 226. Biturices & Turonos, 126. Arelatum atque Meſſilium, 214. moritur, 229. an Episcopus Catholicarum partium occiderit, 249  
 Euficius Eremita Childeberto victoriam prædicat, 360  
 Eutropius ennechus Conſul in Oriente, 91. & 126  
 Exſuperantius Prefectus Prætorij Galliarum à miſtribus interiens, 123

## F

FRAMVNVS Francorum Rex, 118. Marcomeri filius, 119. noo prima Franciæ Rex, nec primus etinitus Rex fuit, *ibid.* an legem Salicam tulerit, 120. Teuſros videtur cepiſſe, 120  
 Faio

# INDEX.

- Faro Ragnachariz Francorum Regis Con-  
siliarius, 308
- Fauftus Reorum Episcopus, natus in Bri-  
tania Armorica, 224
- Feletheus Rugorum Rex, 242. ab Odo-  
cre victus & capris interficitur, *ibid.*
- Felix ex Magistro militum, ex Consule, ar-  
que Patricius ab Aëtio interimitur, 127
- Firminus Comes Aruernorum, 471
- Flacitheus Rugorum Rex, 242
- Francorum incursiones in Galliam, 2. in  
Galliam, Hispaniam, & Africam, 3. & 4.  
in Galliam, 6. 7. & 8. in *Asiam*, *Græ-*  
*ciam*, *Siciliam* & *Africam*, 8. & 9. in  
Gallias, 11. 12. & 13. 16. 19. 23. 24. 25. 26.  
28. 36. & 37. 38. & 39. 45. & 46. 67.  
68. & 69. 72. 113. 126. 128. eorum in  
Gallia tandem ductu Chlodionis domi-  
cium & sedes, 131
- Franci dicti Germani, 1. 10. 85. Germani  
ulteriores, 4. Catti & *Sicambri* vocati  
à Sidonio, 225
- Franci Barbari appellati, 10. 36. 64. 71. &  
72. 84. & 85. ita & *Vesigothi*, *Ostrogo-*  
*thi*, alique populi dicti nomine tum  
non contumelioso, 289. & 290
- Franci Postumo auxilium aduersus *Gallie-*  
*num* ferunt, 5
- Franci, gens bellicosa, & Imperatoribus  
Gallique terribilis, caput Gentium  
Barbararum, 28
- Franci in Palatio florere Constantij  
principum, 34
- Franci semper Saxonibus, & plerumque  
Alamannis preponuntur, 45
- Franci Romanis nunquam parere, 53. 54
- Francorum animus & in morte constantia,  
55. 56. & 133
- Francorum creberrime in Galliam ex-  
cursiones, 28. 56. 68. cur post Constantij  
principatum *ulteriores*, 57
- Francorum fides & virtuti plurimum Im-  
peratoribus crediderit, 57
- Franci in Gallia ætate Sidonij sedes ha-  
buere, 220. & 221
- Franci Catholici & orthodoxi, 267. quos  
gentes Christianas fecerint, *ibid.*
- Francos habere dominos Galli concupi-  
scent, 268. Aprunculus Lingonicus Epi-  
scopus, Volusianus Turonicus Antistes,  
alique, *ibid.*
- Franci elatis dextris auxilium Regi polli-  
centur, 294. causam belli probant, 358.  
idem in *Conciliis* summam imperij &  
belli Regi deserunt, 316
- Franci vouent se nisi hoste victo barbam  
non posituros, 294
- Francorum quales pugna, 358. Francorum  
& Gepidum xv milia mutuis ictibus  
occumbant, 162
- Franci hibernis hieme quàm ætate bel-  
luit, 452. frigore robusti & vegeti  
sunt, *ibid.* frigori assueti, 133
- Franci Alamannos cultiores mores &  
Christianam religionem perdocent,  
258. 267. item Bauarios, Torungos,  
*Saxones*, aliasque nationes, 267
- Francorum arma, francisca, anglo, gla-  
dius, scutum, 456. Ango describitur,  
457. Francisca, vel securis, *ibid.* Fran-  
corum armatus habitusque describi-  
tur, 133
- Franci equitatu uou studebant, 416.  
& 456
- Franci, gens maxima & frequentissima,  
26. 56. 133. 460. & 461
- Francorum velocitas, quibus velites Am-  
miano dicuntur, 37. & 133. in armis exer-  
citantio & ars cum viribus iuncta, 133. à  
paruulis bellandi cupiditas, 26. proce-  
ritas, 26. oris & quietis impatientia, 16.
- Franci mari assueti, 133
- apud Francoa virtuti bellicæ honos &  
premia legibus propolita, 134
- Francus, etiam si dextram perdidit, pu-  
gnat, 134
- Francos à Breucis ortos quidam credi-  
dere, 128
- Francorum Reges Britannix minori Comi-  
tes & Episcopus preponunt, 281. obli-  
des à Britannix Regibus accipiunt, 284.  
eosdem regis insignibus donant, 285
- Francorum Regna singula fors dicitur, 321
- Francorum primi Reges auri argentique  
non multum habuere, 360
- Francorum Reges obsides inter se dant,  
386. à Gallis obsides accipiunt, 382
- Francorum Reges & Regni funera pro-  
sequuntur, 388. etiam priuarorum, 395
- Francorum Regum palatium asylum erat,  
396
- Francorum Reges *Germani* dicti, 414
- Francorum Reges armati sæpe citra pu-  
gnam pacem cum propinquis fecerit,  
422. & 423
- Francorum Regum filij Reges dicti, 329.  
& 425
- Francorum Reges Merovingi filias & so-  
rores suas suis Regibus collocabant,  
412. & 413
- Francorum Reges putui à viti, 436. num-  
mos aureos suo vultu signant, 407
- Francorum Reges priuatos osculo salu-  
tabant, 399. & 436
- Francorum Reges nihil oneris Ecclesiæ,  
nisi consentientibus Episcopis, impo-  
suerit, 441
- Francorum Reges in acie equites circum  
se paucos habebant, 416
- Franciam qui Imperatores, Cæs. Tyran-  
ni, Magistri mil. ingressi, 89
- Francio Dux Iustiniani Aug. in Italia, &  
in Hispania, 445. & 446
- Fredegarius Scholasticus arguitur, 264.

# INDEX.

- Fredegarius & Sigebertus arguuntur, 437  
 Fridericus, Theodosii prioris filius, Thotismodus R. fratrem iugulat, 172.  
 ab Aegidio victus interfectus, 196  
 Fridericus, Felerhei Rugorum Regis filius, Fridericum patrem suum interimit, 242  
 [Frib] vel Frisones, 283. 341. & 342
- G
- At 150 Francus Constantem Aug. interfectus, 30. fit Consul cum Ma-  
 gnentio, 30  
 Gaiso Francus, Comes sacrarum largitionum, 110. Magister Officiorum, *ibid.*  
 tum Magister militum Honorij, *ib.*  
 Galla Placidia captiva Ataulfo Vefgothorum Regi nubit, 110. inde Constantio Partico, 115. vidua ab Honorio fratre expellitur, 122. post Honorij mortem Occidentem recipit, 123. moritur, 120. et virtutes, magnus animus, & prudentia, 120. & 131  
 Gallienus Aug. cum Francis bellum gessit, 3  
 Galli dicti Romani, & ceteri omnes, qui Imperio Rom. paruerant, 84. 89. & 190. tandem hoc nomen, irrisum à Barbaris, deposuerunt, 192. 193  
 Gallus Odoaris Imperium aspernantur, 131. legatos ad Zenonem Aug. ex dē mittunt, *ibid.*  
 Gallorum, & Francorum nomina, 391  
 Gallus Atuerinorum Episcopus, 396  
 Gallaudus Dux Vuldertadam, Theodobaldo viro orbatam, ducit uxorem, 466  
 Gaudentius Aëtij filius à Geisericō Romæ captus, 181  
 Gaudericus Rex Hunnorum Vasatas oblidet, 127. & 140  
 Geisericus Vandalorum Rex Romam diripit, 181. Eudoxiam, & filias eius Eudociam & Placidiam abducatas. Maurianiam & Numidiam steupat, 184.  
 Basilicum vincit, 107. Imperium Occidentem euectus, 109. ciuitates gessit, 108. & 109. quo anno Africam ingressus sit, 112. quo obierit, 112. & 133  
 Gelimer Vandalorum Rex Belisario se dedit, 377  
 Genebandus Lauduno Clannō Episcopus ab Remigio prepositus, 170  
 Geneva Chilperici prioris Burgundie Regis sedes, 139. deinde Lugdunum, 121. eadem Geneva Godegisili R. postea domus, 172. Geneuenses nummi, 408  
 Genobaudes Francorum Rex à Maximiano in Regnum reuocatus, 11  
 Genobaudes iunior, Marcomeres, & Sunno Franc. Reges in Galliam eumpsi, 67. & 68. 87. & 88. eos Duces Francorum, non Reges fuisse, ent putauerit Gregorius, 87. & 88  
 Genouefa natione Franca fuit, 117. quæ de ea scribuntur, perperasa, 118. & 119  
 Germanus Autistodorus Episcopus, 20  
 Gerontius à Constantino tyranno desicit, 107. Maximum Imper. appellat, *ibid.*  
 Constantem apud Viennam interfectus, *ib.* Constantium obsidet, *ib.* deservit à suis fugit in Hispaniam, 108. uxorem interimit, ac se pugione transigit, 108  
 Gesalicus Alarico patri succedit, 196. regno spoliatur à Theoderico Ostrogothi Rege, 310. confugit ad Vandalos, deinde ad Francos, *ibid.* victus ab Iba Theoderici Duce interfectus, 310. & 311  
 Gessoriacum vel Bononia capitur à Constantino Cæsi, 11  
 Gildo Comes auxilia negat Theodosio aduersus Eugenium, 77. à Masezelo fratre victus interfectus, 95  
 Glycenus fit Imperator, 111. à Nepote ex Imper. fit Episcopus, 114  
 Goar Regulus Alanorum in Gallia confidentium, 98. & 112. Iouino tyranno fauet, 112. & 172  
 Godegisilus Rex Burg. Gundobadum fratrem vincit operâ Chlodovici, 172. & 173. Viennam occupat, *ibid.* à fratre interfectus, 174  
 Godericus Vandalorum Rex cum x milibus suorum à Francis cæsus, 198. & 99  
 Godomaricus Burgundia rebus, 345. capitur à Francis, 378  
 Gothici nummi, 408  
 Græcorum Imperatorum vanitas irritudalio, 170  
 Gratianus Aug. cum Francicus & Alamanicus dictus, 27. & 61  
 Gregorius Turonicus Episcopus arguitur, 210. 219. & 240. de Veto & Quintiano Episcopis loquens perpenditur, 268. & 269. reprehenditur, 297. 314. 323. 316. 365. 389. 401. 437. emendatur, 119. & 157  
 Gundericus Vandalorum Rex Gallias ingreditur, 101. 102. & 103. inde Hispanias, 106. & 111. quid in Hispania pellerit, 210. & 211  
 Gundueca R. Chlodomere viro suo amico, Chlothario lenio iungitur, 147  
 Gundecarius Burgundionum Rex in Gallia sedem capit, 101. 102. 103. 111. & 112. Gallie Belgicæ manum incipit, 196.  
 ab Aëtio victus pacem impetrat, *ibid.* Hunnis occiditur, 116. 117. & 118  
 Gundicus & Chilpericus Burgundie Reges, Gundicatii filij, 139. Sapaudiam ab Imperatore Valentiniano datam accipiunt, 134. & 139. Gundricus hic magister militum fuit, 198. Cartholicus fuisse videtur, 199. cum Chilperico fratre regnat, 233. an genus duxerit ab Athanari-

# INDEX.

- co, 131. eius 4. filij, *ibid.*  
 Gundobadus, Gunduici filius, in Burgundia regnat, 131. Liguriam populat, 144.  
 Chilpericum & Godomarum Reges, fratres suos, interimit, 150. à Chlodoueo victus obsideatur Auenione, 173. paco tributi eius, 174. Viennam recipit, ibidem Godepilo fratre occiso, 174. omni Burgundia potitur, 175. leges suis inficitur, quas Franci victis reliquerat, *ibid.*  
 Narbonem diripit, 180. obit, 181  
 Guntharius à Chlothario patre aduersus Gothos mittitur, 390  
 H  
 HAMINOV Dux Theodeberti in Italia, 427. Nasise transiit dare rocas, 447. & 448. prohibet Veronam ab Ostrogothis Nasie dedi, 448. à Nasie vias & caesus, 463  
 Hategundis Chlotharii R. f. vxor, 468  
 Heraclianus, Comes Africae, & Consul, capite truncatur, 111  
 Heraclius Tribunus Iouianorum à Francis interfecit, 69  
 Hermwigislo Vatorum Regi Theodeberti fortis uobit, 339. deinde Radigeri eius filio, 340. à quo dimittitur, 341  
 Hermericus Suenorū Rex Galliam depopulat, 101. 102. 103. Hispaniā, 106. & 111  
 Hermingislo Toringorum Rex, 334. Bifini filius. *ibid.* eius fratres, *ibid.* vxor & liberi, 334. & 335. Bertharium & Badericum fratres interfecit, 335. & 336  
 Hincmarus arguitur, 161. 163. & 164. 301  
 Hispani à quibus pauere, & ierga vocare didicerint, 142  
 Hispania Principes Imperio Rom. permiciosos & exitiabiles dedit, 177  
 Honoraria partem Imperij Occid. à Valentiano fratre repetit, 152. ex Eugenio procuratore suo grauida, 156. Atriam inuitat in Italiam, eique nuptias pollicetur, 156. & 157  
 Honorius Aug. qualis Princeps, 118. & 121. quot prouincias amiserit, 177  
 Huldus Hunnorum Rex, 114  
 Hunericus, Geiserici filius, Vandalorum Rex, 110. vir Eudociæ, Placidi Valentianiani A. filiz, pater Hilderici R. 375  
 Hunni Mæzin transiunt, 153. vsque ad Danubium imperium proferunt, *ibid.*  
 Hydatius Aquilaniensis Episcopus, non Liricensis fuit, 129  
 I  
 IBERIA, Scotia dicta, & vltior Scotia, 142  
 Imperatores Otientis, Theodosius iunior, Marcianus, Leo, primas sibi, & ius electionis Imperatorum Occid. confirmant, 187. & 188  
 Imperatores in Oriente, post Theodosium iuniorum, non nisi senes facti, 332  
 Imperatores, Reges, & Augusti, Regum sæpe ab Auditoribus dieuntur, 130  
 Imperatores multi vxores suas, nisi enizas, non appellauerunt Augustas, & coronarunt, 148. anie hanc appellationem Nobilissimæ, vel Nobilissimæ feminz vocabantur, *ibid.*  
 Imperatores cur Romæ habitauerunt, 116. cur postea Mediolani, 117. cur deinde Rauenæ, 117. & 118  
 Imperatores Occidentis, vt Carolus Magnus, alique, cur p̄p̄e dicti à Grecis, non *Basilis*, 129. & 130  
 Imperium Occidentis Imperio Orientis præstat, 153  
 Imperium Romanum dictum est *istud*, Respublica, & *imperialis*, 446  
 Imperium Rom. virorum est, non feminarum, 157  
 Imperium Rom. feminz regunt, 124  
 Imperium Occidentis à quo euersum, 109  
 Ingomeret, Chlodouei filius, baptizatur, & paullo p̄st obit, 155  
 Ingundis Chlotharii R. vxor, 467  
 Inuitosi, Turonici Episcopi, in defendenda Ecclesia, inuepandōque Rege libertas, 442  
 Ioannes filii Imperator, 113. à suis prodicia capitur, & capite truncatur, *ibid.*  
 Ioannes Papa Iustinum Aug. non coronauit, 351  
 Iordanes arguitur, 136. 128. 340. & 341  
 Iosephus Scaliger reprobēdicit, 159. & 170  
 Iouinus tyrannus, 118. cum Sebastianosfite, conforte potestatis, *appetit*, 16  
 Italia minor que apud Gregorium, 427  
 Italia Francis pestilens & exitiabilis prouincia, 455  
 Iudicail Britannorum Rex, 182  
 Iuliana Olybrij Aug. & Placidiz filia, 218  
 Atrobindo Patricio nuptia, *ibid.* eius pietas, *ibid.*  
 Iulianus Cæsar Francos captos mittit Constantio, militaturos, 38  
 Iulianus Salios & Chamauos aggreditur, 38. 39. & 40. Salios dediticis traducit in Galliam, 39. & 40  
 Iulianus Lutetie Parisiorum appellatur à militibus Imperator, 43  
 Iulius Nepos, pulso Glycerio, fit Imperator, 223. ab Oreste Magistro militum expellitur, 127. auxilium à Zenone A. petit, 232. in *ius* Glycerij circumuentus perit, 131  
 Iustinianus à Iustino auunculo particeps Imperij & successor designatur, 333. & 336. solus impetrat, 357. exercitum in Hispaniam mittit, 444. 445. 446  
 Iustinus senior Aug. 331. & 333  
 R r r ij

# INDEX.

Iachungi viſi ab Aëtio, 134. & 135. Suavi  
diſi Iordani, 135  
Iurbungi, gens Alamannica 77. eorum in  
Ratiā & Italiam excuſiones, 1. & 4.  
in Ratiā, 63

## L

**L**ÆTI quæ gens, 13. Læti Neruij, *ibid.*  
Læticæ terræ, *ibid.* pagus Læticus, 162  
Lætia opidum Neruiorū & Lætis dictum, 33  
Laniogaiſus, Francus, Tribunus, 35. Con-  
ſtantis Aug. Candidatus, & fugæ eius  
vnicus comes, *ibid.*  
Lanthacarius Dux Theodeberti, 416. ex-  
ſus, 440  
Lanthildis, ſotor Chlodouet, Ariam  
hæreſim ciurat, 361  
Larienſis inſula, quæ & Chriſtopolis,  
Theodeberti & Theodebaldi R. fuit,  
461  
Laudanum ab Alanis, Vandalis, & Hunnis  
capī nōn potuit, 103  
Lauto, Conſtantiæ Epicoſus, Fræcus, 444  
Legatio Iuſtiniani A. ad Francorum Re-  
ges, 404. Viſigis Oſtrogothorum Regis  
ad eodem, 407. Beliaſij Patricij ad  
Theodebertū Franc. Regem, 417. Chil-  
deberti, Chlotharij, & Theodeberti ad  
Virigim, 419. Beliaſij ad eundem, 419.  
& 420. Iuſtiniani A. ad Theodebaldum  
Franc. Regem, 442. & 443. Theodebal-  
di ad Iuſtinianū, 444. Naſſæ ad Hamin-  
gum Ducem Francorum, 447. & 448.  
Teia Regis Oſtrogoth. ad Theodebal-  
dum R. 448. Oſtrogothorum ad eun-  
dem, 449  
Leubenus, Carnutenſis Eccleſiæ Epicoſus,  
Francus, 414  
Leuharius cum Francis & Alamannis Ira-  
liam populatur, 453. incommodum ac-  
cipit, 453. & 454. cum ſuis morbo in-  
terit, 454. & 455  
Libertus Præf. Præf. Galliarum ſub Regi-  
bus Italiz, 311. in Hiſpaniam miſſus à  
Iuſtiniano, 445  
Ligericinū flumen, ſeu Ligetictum, *U. la*  
*Loiretis*, 197  
Limes Tranſſenanus, 7  
Luiciani apud Iordanem qui, 162  
Litorius Comes Narbonem obſidione li-  
betat, 140. Tolosā obſidet Hunnis fre-  
tus, 140. 141. viſus capitur & perit, 141  
Longinicus, manſio in Irinetratis notā, à  
Iuliano R. dicitur, 30  
Lucius, Conſularis Belgicæ primæ, eue  
Treuiros Francis prodiderit, 185  
Luteia Pariſiorum à Chlodoueo regia co-  
leſta, 299. à Childeberto eius ſibo, 322  
Luteus, Septimaniz opidum, Veſigotho-  
rum; deinde Francorum; iterum Veſi-  
gothorum fuit, 399

Lutæ, Francus, Siluani partium adiutor,  
occiditur, 39

## M

**M**ACCLAVVS, Chanaonia Comitris  
Britannorum frater, 441. viuis hu-  
matur, *ibid.* ſit Epicoſus Veneticus, *ib.*  
mortuo fratre, vxorem ſuam, quam di-  
muſcet, cum Regno recipit, 442  
Magnentius, Francus, ex Tribuno Impera-  
tor, 29. Conſtante A. occiſo, Occidentē  
occupat, 30. Nepotianum Romæ oppri-  
mit, *ib.* auxilium Francorum inſtructus  
vincitur à Conſtantio A. & ſe gladio  
transfigit, 30. Chriſtianus fuit, 31. & 32.  
eius vitia & virtutes, *ibid.*  
Magnus Felix, ex Præf. Præf. Monachus, 311  
Majorianus voluntate Leonis A. ſit Impe-  
rator Occidentis, 187. quæ prius uis geſ-  
ſerit, 189. Geſerico bellum inferre pa-  
rat, 192. pactum cum eo facit, *ib.* Ricimer  
Patricio occiditur, 193. eius virtutes, 193  
Malaricus, Francus, Tribunus Gentilium,  
34. Magiſtrum militum reſciſit, 44  
Mallobaudes, Francus, Tribunus Armatu-  
tarum, 34. Sapoci Regi Perſarum obſe-  
datur à Ioniano A. 44  
Mallobaudes, Francorum Rex, à Gratiano  
A. Comes Domeſticorum factus, Ala-  
mannos vincit, 38. Priarium Regem eo-  
rum interficit, *ib.* Macrianum Alaman-  
norum Regem in Francia occidit, *ibid.*  
poſtea Magiſter militum, 39  
Marcellinus Patricius, 206. & 207. occi-  
ditur, *ibid.*  
Marcellinus Chionici ſcriptor arguitur,  
228  
Marcharidus, Gildonis partium adiutor,  
proſcriptus, 95  
Marcianus à Pulcheria ſit Imper. 149. eius  
virtutes & res geſtæ, 150  
Matricianus Patricius, Anthemij A. filius,  
Marciani A. nepos, gener Leonis A. 215.  
Zenoni A. bellum inferit, 115. ſit Præ-  
byter, *ibid.*  
Marcomeres & Sunno, Reges Franc. col-  
loquuntur cum Valentiniano Aug. 72.  
obſides ei dant, *ibid.* Regales, & Subre-  
guli, & Reges dicti Alexandro, 38. eo-  
rum res geſtæ, 89. & 90. exitus, 91  
Marcomeres idem, Faramundi R. pater,  
89. Sunnobiſ frater maior nati, *ib.* Rex  
Breſtertonum, Chamauorum, Amſia-  
riorum, & Cattorum, Franciarum gen-  
tium fuit, 89. & 90  
Martinus à Gallis & iſoxlū Dominus ap-  
pellatus, 198  
Mauriacum, nunc Meriacum, 164  
Maximianus A. cognomine Herculis in  
Franciam crumpit, 11. Francicus dictus,  
*ib.* purpuram tet ſumit, 19. 20. 21. & 22. à



# INDEX.

Conflatioo geneto captus occiditur, 28  
Maximus an à Germanis tributa exegerit,  
67. à Francis abfens victus, 67. 68. & 69.  
interficitur à Theodofio, 69

Maximus à Gerontio fit Imperator, 107. ex  
Imper. exful, 108. iterum in Hispania impe-  
rat, 108. captus ab Honorio occiditur, 108.

Maximus Valentiniano interempto fe Im-  
peratorum facit, 179. Eudoxiam ducit  
uxorem, *ibid.* ab eis occiditur, 181

Medardus ægrotans à Chlothario R. vifi-  
tur, 485

Meroliam castrum in Aternis, 381

Metoueus Franc. Rex, cuius filius, 144.  
Chlodion succedit, 146. Ambianos reg-  
iam eligit, *ib.* auxilium fert Aëtio ad-  
uerfus Attilam, 161. Germaniam pri-  
mam, & Belgicam secundam subigit, 179.

Treuirens diripit, 185. usque ad Sequa-  
nam pleraque occupat, 189. moritur, *ib.*

Merouingi cur Crifiani dicuntur, 145

Minores natu, 10 purpura gentis, maiori-  
bus fratribus patre priuato natis bel-  
lum intulere, 219

Mogomiacum à Postumo captum, 5. à  
Vandalis & Alanis, 101

Mucuruna, Chrothildis soror, Virgo de-  
uota, 250. Fredegario Sedeleuba dicta,  
*ibid.*

Mundericus Regnum affectans opprimi-  
tur, 384. & 385

Mundiucus, Hunnorum Rex, Attilæ pa-  
ter, 354

## N

NANNENS & Quintinus Francos  
apud Carbonariam vicere, 68

Narbo capitur ab Ataulfo Rege Veligoth.  
110. recipitur à Constantio, *ibid.* obse-  
sus à Theodorico maiore, liberatur à Li-  
torio, 140. ab Agrippino Comite Theo-  
dorico minori traditur, 196

Nasirex gentis in Italia aduersus Fran-  
cos, à p. 446. vsque ad p. 464

Nebiogastes Rex Chamauorum, gentis  
Francicæ, matrem suam Iulianam ab ob-  
sidem, & filium bello captum apud eum  
relinquit, 42. eius ad Iulianum oratio, 42

Nemetæ ab Alanis & Vandalis capte, 103

Nempodurum patris S. Genouefa, 317

Nenbigastes, Francus, Dux Constantini  
Tyranis, 106

Neustria fines, 322

Nica & Cemenelium vrbes Prouinciæ  
fuerunt, Francisque paruere, 409. & 410

Nicetinus Treuironum Episcopus Theodo-  
rico Regi venerationi fuit, eumque  
bei è castigan, 396. Theodebertum quo-  
que eius filium, 437. Chlothario factis  
interdictum, 445. ab eo in exilium mit-  
titur, 491. reuocatur à Sigibetto, *ibid.*

Norici & Daci an Theodorico Italix  
Regi paruerint, 353  
Nunehia à Gerontio viro suo interimi-  
tur, 108

## O

OTAR Hunnorum Rex, 154  
Odoacer Italiam occupat, 228. &  
229. Senarum R. legatos ad Zenonem  
mittere cogit, 231. Prouinciam Eurico  
Veligoth. Regidar, 234. cur Tyrannus  
dictus, *ibid.* Rugos domat, 242. Noricos  
Ripenses in Italiam transfert, 243. ab  
Theodorico Ostrogoth. Rege videtur oc-  
ciditur, 244

Odoinus Comes iussu Theoderici Ostro-  
goth. R. capite truncatur in Sessorio  
Palatio, 272

Olybrius fit à Ricimere Imp. at 4. Valen-  
tiniani A. gener, 216. obit, 217

Orestes, patris Romuli A. 226. & 227. ex  
Notatio Attilæ R. Patricius, *ib.* Magi-  
ster mil. à Nepote A. factus titulum Imp.  
exandum curat, 227. ab Odoacre occi-  
ditur, 229

Ostrogotha Theoderici Ostrogoth. R. fi-  
lia, Sigismundi coniux, 245

Ostrogothi à Procopio semper Gothi di-  
cti, 409

## P

PALATIUM Sessorium, 272  
Papianilla, Auiti A. filia, Sidonij vxor,  
183

Parthenus Theodeberti Cofiliarius in-  
terficitur à populo, 439. & 440

Paternus legatus Chlodouel ad Alaricum  
Regem Veligoth. 292

Patriciarum cur peterent ab Imperatoribus,  
& delatum libeoter acciperent Reges  
Gentium Barbararum, 302

Patricij in Burgundia qui dicereotur, 302  
303

Paulus Langobardus emendatur, 390. &  
463. arguitur, 410

Paulus Comes Andecauorum à Chlo-  
dovico Franc. Rege interficitur, 235

Placidia A. Valentiniani filia, Olybrij vxor,  
217. vidua Constantinopolim petit, 218

Placidina vxor Apollinaris, Sidonij filij,  
mater Arcadij, auia Placidinæ Leonij  
vxoris, 323. & 324

Placidus Valentinianus Aug. fit Cæsar à  
Theodofio, deinde Ioanne tyranno  
oppresso Imp. 121. & 124. occiditur, 178.  
eius vitia, 177. & 178. prouinciæ ab eo  
amiffæ, 177

Pompeianus Dux, cognomine Francus, 307

Pont Casulini, 456

Priamus Francorum Rex, Matcomeris  
pater, 86. & 87



# INDEX.

Probus A. Francos vincit, 8. Francus  
dictus, *ibid.*  
Procopius arguitur, 246. 304. & 305. 326.  
341. 361. 370. 408.  
Proculus tyr. Gallias occupat, 9. prodeu-  
tibus Fraois vincitur à Probu, *ibid.*  
Prouincia Massiliensis Chlodouci prin-  
cipatu Burgundionum non fuit, 234.  
Prouincia Fraois data à Vitige Rege  
Ostrogoth. 407. & 409. Prouincie  
euncello an à Iustiniano confirmata  
fuerit, 407. & 408. Arelatum & Massi-  
lia clarissimæ eius vrbes, 410  
Ptolemæus emeodaur, 24. & 221  
Pulcheria A. Marcianum Imper. cōm.,  
149. ei uubet Virgo deuota & quinquag-  
enaria, *ibid.* Imperij eupida, 151. & 152

## Q

Q V A N T I cum Vaodalis & Alanis in  
Galliam erumpunt, 103  
Quantastumeu, vulgò Canchia, 132  
Quintianus Rutenorum Episcopus, deus  
de Aruernorum, 268. 269. 270  
Quinrius Magister militiz in Francis  
vincitur, 68. 69. & 87

## R

R A D A G A I S V S Rex Gothorum à  
Stilicone victus, 97  
Radegundis Bertharij Torling. Regis filia,  
à Chloethario cum fratre capta, 359. nū-  
bit Chlothario, 365. fit ex Regina Mo-  
nacha, 367. Pictauis Monasterium puel-  
larum ædificat, *ibid.* eius virores, 365.  
& 366  
Ragnacharius Rex Frane. Chlodoueo  
auxilium fert aduersus Syagrium, 240.  
ab eo victus occiditur cum Richario &  
Regnomere fratribus, 308. & 309  
Rauicunda, Herminafridi Toringorum  
Regis filia, 362. & 363  
Ratenus vel Rariatenus pagus (Ror.) ex  
quo Britanniz attribuitur corpus, 185  
Recharius Sueuorum Rex à Theudotico  
iuniore Vesigoth. Rege victus, captus, &  
interfectus, 184  
Ragaisus Francorum Rex in Gallia à Con-  
stantino A. captus & interemptus, 16.  
& 17  
Remigius Remurui Episcopus Chlodou-  
eum baptizat, 260. ei vices suas Hor-  
mida P. non committit, 270  
Respondit Alanorum Rex Galliam in-  
greditur, 101. 102. 103. Hispaniam, 106  
& 111  
Reimic Magister militum Aulæ Imper-  
ium adiuvit, 185. fit Patrius, 186. Ma-  
iorianum Aug. interficit, 192. Regem A-  
lanorum Deorgorem victum occidit,

201. Anthemium Aug. cocerum suum  
iugulat, 214. Olybthum Imper. facit,  
214. obit, 217. eius virtutes & vitia,  
*ibid.*  
Ricomeres, Francus, Comes Domestico-  
rum, 59. Consul & Magister mil. 60.  
Theodumetis Regis Frauc. pater, 61.  
eius virtutes, *ibid.*  
Riorhimus Britannorum Armatorum  
Rex, 212  
Riparioli, vel Riparij quæ, 162  
Roas, vel Rugila Hunnorum Rex Ioanni  
Tyraono mittit auxilia, 134. Aetio quo-  
que, *ibid.* moritur, 154. & 155  
Rodericus reprehenditur, 193. & 217  
Romaui milites *ad ip. xxi* Milites dicti,  
446  
Romani quando primùm ministerio Sa-  
cerdotali in cottonando Imperature  
vsi, 149  
Romanus Parricius capite cæsus, 211  
Rubinus Aquitanus, 86

S

S A L I C A lex à quo lata, 110  
Salij gens Francoi, 38. 39. & 40  
Salij Seniores, & Salij Iuiores, 39. & 40  
Salomon Rex Britonum Carolo Fran-  
cum Regi fidem obligat, eosdemque  
perdit, 282. & 286. & Wigus eius filius,  
*ibid.* idem ante fecerat Hetripotus Rex  
Britannorum, 285  
Salutaris oon Auennicæ, sed Auenticæ ci-  
uitatis Episcopus, 311  
Sangibaeus, Alanorum in Gallia confi-  
dentium Rex, traditum Valentiniæ in-  
cole dum accipit ab Aetio, 171. Aure-  
liano tradere vult Artile, 162. 163  
Sapaudia Burgundionibus à Valentiniæ  
A. datur cum incolis diuidenda, 134.  
& 139  
Sauaro reprehenditur, 204  
Saxones in Galliam incurrunt, 11. 16. 39.  
& 40. 41. & 46. 47. 49. 215  
Saxones in Britanniam adueniunt, 47  
Saxones multi in Baiucalibus, & in Nam-  
netibus sedem cepere, 237  
Saxoniz pars à Theodotico Frane. Rege  
facta tributaria, 396. & 397  
Scoti & Picti, 47  
Sedunum captum ab Alanis & Vaodalis,  
105  
Septimania nonnumquam Hispania di-  
cta, 371. & 372  
Seronatus Præfectus Prætor. Galliarum  
dationatus, 214  
Seuerinus Abbas, 306  
Seuerus fit Imp. iussu Leonis A. 193. à  
Leone auxilium aduersus Genserium  
R. petit, 194. obit, 202  
Seuerus Teutonicus Episcopus Burgun-  
diones baptizat, 138

# INDEX.

- Sicambri *idem* & Franci, 96. 221. & 260.
- Sidonius gener Auiti Aug. Præfatus Ver-  
bis & Patricius, deinde *Arvernorum*  
Episcopus, 185. & 186. contra Maiorianum  
A. arma tulit, 186. ei Consuli Pa-  
negyricum dicitur, 188. item Anthemio  
Aug. et Consularum incuncti, 206. Li-  
vanâ claudunt ab Eurico Rege Vesigo-  
tho. 226. Sedi suæ restituitur, *ibid.* Si-  
donius emendatur, 221
- Sigibertus Francorum Rex regnavit Co-  
loniæ Agrippinæ, 256. ab Alamannis  
vulnertur, *ibid.* Chlodoveo adversus  
Alaricum R. mittit auxilia, 294. à Chlo-  
derico filio interimitur, 306
- Sigismertes Eurici Vesigoth. Regis filiam  
ducit uxorem, 219. & 220
- Sigismundus Burgundio an viro patre  
Rex fuerit, 328. & 329. Patricius ab  
Anastasio Aug. factus, 329. Atisnam  
hæresim damnat, 370. & vñ cum eo  
Burgundiones, *ibid.* Sigisicum filiam  
occidit, 337. Monachum habrum in-  
ducit, *ibid.* à Chlodomere viduus capitur  
& interimitur, 344. & 345
- Sigisicus, Sigismundi R. patris sui iussu  
ingulatur, 337
- Signalus Arvernorum Dux, 385. inter-  
ficitur iussu Theodotici Franc. Regis,  
394
- Silvanus, Francus, Magister militum, 94.  
æculatus apud Constantium A. Maie-  
stas purpuratus sumit, 335. interimitur,  
335. virtutes, *ibid.*
- Sihico pacem facit cum Francorum Regi-  
bus, & ab eis obsequium accipit, 92. 93.  
& 94. Barbaros immittit Gallie, 97. &  
98. ab exercitu interimitur, 104
- Soanegota Regina, 343
- Sosai quæ gens, 135. duæ nationes ita di-  
ctæ, 135. & 136
- Suidas emendatur, 445
- Sunno Francorum Rex, 72. 88. 89. 90.  
& 91
- Syagrius, Egidij filius, à Chlodoveo vi-  
sus interimitur, 240
- Syracuse à Francis capiz, 8. & 9
- T
- T**AIPASSI in agro Pidonam confe-  
dere, 475. & 476
- Tarraco à Francis caprus, 5. 4. & 5
- Tarvenna Mórionum capta ab Alanis &  
Vandalis & eucta, 103
- Tes Othogoth. Rex à Natse interimitur,  
448
- Teutometes Francus, Protector Domestici-  
cus, 35. deinde Dux, 44
- Theodahadus priuatus Rex Tuscie di-  
citur, 401. & 402. Amalasuentham,  
à qua Rex factus fuerat, interemit,
400. à Virige ingulatur, 406
- Theodebaldus Franc. Rex, 440. legatis  
Iustiniani A. responderet, 443. per lega-  
tos Iustinianum A. pro Vigilio Roma-  
no Episcopo precat, 444. obit, 465.  
eius mores, *ibid.*
- Theodebertus viuo patre Duorum Re-  
gem victum interficit, 326. & 327. pa-  
trem in Toriungim sequitur, 328. iu  
Septimania & Provincia bellat, 330. &  
331. mortuo Theodorico patre regnat,  
338. à patris frustra oppugnat, *ibid.*  
patre facta à Childeberto innatus, ho-  
norifice excipitur Lutecia, 339. & mil-  
lia Burgundionum mittit Vigili auxi-  
lio, 414. Italiam Regem Franc. primus  
ingreditur, 416. *ibid.* Ovisem Duem  
Othogoth. fundit, 416. Martinum &  
Iohannem Magistros militie Rom. 417.  
Genuam diripit & excidit, 418. Inopia  
pressus domum redit, 428. & 429. ma-  
ximam partem Lignariz, Venetiar, &  
Alpium Cottiarum occupat, 426. &  
427. cum Alamannia & Suevia Ratis-  
sennit, 428. bellum inferre Iustiniano  
pater, & quare, 433. obit, 434. eius Ma-  
gnus dictus, 435. quas provincias pos-  
sed erit, *ibid.* eius vires, 435. & 436.  
beneficentia in Aeternos, 436. in Ve-  
rudonenses, 437. vicia, 437
- Theodeberto iuniori vindicantur epis-  
colæ, 438. & 439
- Theodechildis Regina quæ fuerit, 358.  
339. 340. 343. & 344. Suanegorum Re-  
gina, 343
- Theodemer Rex Othogothorum, 212
- Theodericus Othogoth. Rex Italiam pe-  
tit, 243. Odoacem superatum sua ma-  
nu interficit, 244. Regium insignem su-  
mit non expectato Anastasij A. consen-  
so, 245. quæ provincias occupauerit, *ibid.*  
quibus affinitatibus se firmaverit, *ibid.*  
leges tulit, & magistratus popularibus  
dedit, 246. edificator fuit, *ibid.* Con-  
sularatus desert, *ibid.* Alamannos pro-  
fugos in Italiam recipit, 257. pro eis  
Chlodoveum deprecatur, *ibid.* lega-  
tos ad Alaricum & ad Gundobadam  
mittit, 293. ad Chlodoveum Regem,  
293. & 294. Francos per Ibam vincit,  
303. Gesalicum R. victum interficit, 310.  
Regnum Vesigothorum occupat, 311.  
obit, 332. diuise à recentioribus scri-  
ptoribus Veronenfis, 169
- Theodometes Francorum Rex, 125. cum  
Astila marie interfectus, *ibid.* quo pa-  
tre natus sit, 61. & 125
- Theodoricus maior Vesigoth. Rex Arela-  
tum oppugnat, 139. obsequia à Gallis  
accipit, 140. Narbonem frustra obsidet,  
140. Litorium Comitum, à quo obse-  
datur, victum capiz, 141. in campis  
Rex inij

- Catalaunicis ab Hunnis occiditur, 163.  
& 164.
- Theodoricus iunior, Veligoth. Regnum fratris interempto occupat, 172. auctor est Auito recipiendi Imperij, 182. Rechisium Sueuorum Regem vidum acie capie & interficit, 184. Auitum destituit, 185. cum Maioriano A. bellum gerit, 190. Arclatum obsidet, 190. & 191. locum Arclatum cum Maioriano iungit, ibid.
- Narbonem occupat, 196. in Hispania fines Regni profert, ibid. ab Eurico fratre interimitur, 205
- Theodoricus Chlodouei filius maiorem partem Regni patris forte obtinet, 322. Danos vincit, 327. Hermina frida autium fert aduersus Radericum, 336. bellum Herminafridu infert, 338. & 339. Chlotharium fratrem interficere conatur, 360. Herminafridu interficit, 360. Aruernos recipit, 381. Merolacum, 382. Louolautrom, 383. Mundericum, rebellem opprimit, 384. & 385. Sigualdum propinquum interficit, 394. moritur, 395. eius virtutes & vitia, 395. 396. & 397
- Theodosius Magister militum Francos in Bataunia fundit, Saxones circa Orceadas, 46
- Theodosius, eius filius, factus à Gratiano Imperator, 62. Maximum Tyrannum victum interficit, 69. Eugenium & Arbogastem vincit, 82. obit, 83
- Theodosij iunioris vitia, 124. & 127
- Theodoaldus & Gunthatus Chlodomeris filij à patre suis ingratulati, 387. & 388
- Theudechilde, an Chlodouei Regis filia fuerit, 326. 327
- Theudis Ostrogothus tutor Amalarici, 311. exso Amalarico Rex Veligothorum factus, 374. à suis confoditur, 410
- Theudisilus Dux ei succedit, 431. & mox interimitur, ibid.
- Theodisundus regnat apud Veligothos, 164. an Alanos ab Attila defendere, 171. occiditur à Theodorico iunioris fratre suo, 172
- Tiro Prosper Aquitanus in Fastis corrigitur, 59. 173. in Chronico, 173
- Toletum quo tempore Regum Veligothorum sedes cepit esse, 171. & 374. eius antiquum insigne dux turres, 374
- Tolosa data Veligothas cum Aquitaniz parte, 115. & 139. recepta à Chlodoueo, 297
- Tolosa Veligothorum Regum sedes, deinde Narbo, 357. postea Toletum vtrius Hispaniz, ibid.
- Tolosanus pagus cui à Septimania distinguitur, 59
- Torigi, gens non vetusta, 10 Franciam erumpunt, 247. tributarij à Chlodoueo facti, 247. Toringorum Reges, 333. & segg. Torigi non sunt ab Augusto collocati in Germania, quæ eius non erat, 161
- Totila Ostrogoth. Rex qualis quantusque, 424. filiam Regis Francorum in matrimonium perit nec obtinet, & quare, 431. Romam bis capit, ib. à Nasie Patricio interficiunt, 448
- Toxandria locus à Salus Francica gentem occupatus, 38
- Traiectensium & Iuliacensium agri à Francis depopulati, 37
- Trauuila apud Gregorium quis, 403
- Treueri à Francis direpti & incensi, 112. & 113. quater capti, 113. ab Amibex pugnati, 159. iterum à Francis direpti & incensi, 185. ursus Childerici principis capiti, 116. sedes Imperatorum & Cesarum, dum morabantur in Gallia, 128
- Tridentum & Ceneta vrbes, Theodeberti, & Theodochaldi R. Franc. fuerit, 461
- Tungri ab Attila euerfi, 159
- Turnacum captum ab Alanis & Vandalis, 103
- Turonis recepti à Chlodoueo, 291. aditi à Chlothario, 485
- V
- VALAMBA Rex Ostrogothorum, Theoderici pater, 243
- Valentinianus maior fit Imperator, 44. cum Francorum Regibus Coloniz sedes init, ib. Francicus diuus est, 465 moritur, 51
- Valentinianus iunior, eius filius, Angustus appellatur, 51. Romæ cum Theodosio A. de Maximo victo triumphat, 69. cum Marcomere & Sunnone Francorum Regibus colloquitur, obsequiæ ab eis accipit, 72. ab Arbogaste interficitur, 75. eius virtutes, ibid.
- Valentinianus, Valentiniani maioris nepos, fit à Theodosio iunioris fratre patruce Imperator, 114. Vide Placidus.
- Valia Veligothorum Rex, 114. beneficio Honorij Aug. Aquitaniam secundam & Nouempopulos cum Tolosa possidet, 129
- Vandalorum veteres sedes, 99. & 100. in Galliam irruptio, 101. in Hispaniam, 106. & 111. in Africam, 111. & 127. & 132. eorum in Africa Reges, 171. & 176
- Vandgunum vtrius ab Alanis & Vandalis capta & deleta, 103
- Varnorum sedes, 341. Reges, 339. & 340
- Vasiz à Gaussetico Hannorum Rege frustra obsessa, 140
- Vascooes, alij Hispani, seu vltiores, alij Citti disti, 183

# INDEX.

- Vectis, Septimaniz vrbs, vnâ cum Tolosa post Alarici eadem semper Francis paruit, 393
- Vedastus, Francus, Presbyter Chlodoum rectam fidem educet, 259. à Remigio fit Arrebatum Episcopus, *ibid.*
- Venetica regio quate Broguetec *ibid.*, 279
- Veneri vrbs Britannis, dein Francis, iterum Britannis, ac demum Francis paruit, *ibid.*
- Venetiz vrbs origo, 168
- Verodunenses deiciunt à Chlodouco, 271. impetrat vniâ portas ei aperiant, *ibid.* Theodeberti Regis in eos beneficentia, 437
- Vesontio à Vandalis captus, 103
- Vicer flauius, 257
- Victor Cæsar, Maximi Tyranni filius, ab Arbogaste occisus, 69
- Victoriacum, 385
- Vigilius Papa Childebertum Regem Francorum rogar, vt Ecclesie Romanæ suâ absentiâ destituta curam gerat, 479. pro eodem restituendo Sedi suæ Iustinianum pteatur Theodebaldu *Francorum Rex*, 444
- Viri fortes apud Gregorium qui vocentur, 389
- Virgis Ostrogothorum Rex, 406. Theodahadu occidit, *ibid.* Prouinciam Francorum Regibus tradit, 407. & Alamanuos dimittit, 412. Romam sinistra obsidet, & Ariminum, 413. Mediolanum recipit, 415. Rauennâ obsessus, Belisario se dedit, 420
- Vitrogotho Regina, vxor Childeberti Regis Franc. pia femina, 461
- Vptarus Hunnorum Regulus Gundacium Burgundionum Regem interficit, 177. satietate rumpitur, *ibid.*
- Waco, Langobardorum Rex, Wisigardis & Wladetade Reginatum Franc. pater, 390
- Widimer Ostrogothorum Regulus Galiam petit, & se cum Visigothis iungit, 222
- Wiliachatis, Chramni focer, in Basilicam S. Martini metu Clotharij confugit, 483. ibi viuis exurit, *ibidem.*
- Wiomadus Francus Childebertum bis vitâ periculo exipit, primò puerum ab Attila captum, 158. iterum Regem Francis inuictum, 200. Regno eum restituit, 200. 201. potestatis consors ab eo fit, 201
- Wisigardis desponsa Theodeberto, 390. coniugio iungitur, 421
- Wldecrada, Theodebaldo Rege viro suo orbara, Chlothario iungitur, 466. deinde Garibaldo Duci, 466

## Z

Zeno à Leone iuniore, filio suo, fit consors imperij, 213. mortuo filio solus imperat, *ibid.* à Basilisco expellitur, 218. Imperium recuperat, *ibid.* obit, 248. ingratus, perfidus, & crudelis, *ibid.*

## studijse Lector errata sic emendabis.

- P A R T I A 6. li. 6. d. 6. Bacarorum ab Francis cepum, *scribo*, Friforum, gentis Francicæ.
- ib. l. 10. Postumus nudus clauum tenens, ex altera templum, *scribo*, Postumus, ex altera Hercules nudus, clauum & arcum tenens.
- Pag. 7. l. 10. Antiochenfis, *scribo*, Antiochenfis.
- P. 10. l. 17. xxxvi. *scribo*, xxi.
- P. 48. l. 11. procurrerunt. Molientibus, *scribo*, promerget molientibus.
- P. 76. l. 11. Arbogaste, *scribo*, Arbogastes, ib. l. 16. dele. parua.
- P. 77. l. 11. cilio inuolutum, prostratumque, *scribo*, cilio superstratum.
- P. 111. l. 12. Thebanus, *scribo*, Thebarus.
- P. 110. l. 13. & 14. dele. cognomine Ripariarum.
- P. 121. l. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

---

SVMMA PRIVILEGII

Regis Christianissimi.

**C**AVTVM est auctoritate Regis, ne quis in Regno eius, aliusve locis eius ditioni subiectis, librum, qui sic inscribitur, HADRIANI VALESII rerum Francicarum vltique ad Chlotharij senioris mortem Libri VIII. absque Sebastiani Cramoisy Architypographi Regis & Regine Regentis permissu, typis excudat, aut diuendat, intra X. annos proximos à die publicationis horum exemplarium. qui secus fecerit, multa indicta, prout fusiùs in diplomate regio continetur, multabitur. Datum Parisiis die 5. Septembris anno 1645. Sic signatum, mandato Regis, CRAMOISY.

216

216



141

L

18

141



